


უიანადო

(კონდრაძე თათარიშვილი)

თხზულებათა სრული კრებული

ორ ტომად



საბჭოთა მწერალი




უიანალო

..

გაკვირებელი

რეცენზია

უკავებსეუბი




..

•
ტომი შუადგინა და შენიშვნები დაურთეთ

ს ლ დ მ მ ნ ც ა ი შ ვ ი ღ მ ა


*

რედაქტორი
გრიგოლ ჩიქოვანი



გაკვირვებანი

ს. ს. მანია





ნ ა წ ი ლ ი ჰ ი რ ვ ე ლ ი

I

გღეხი ნიკოია თოხიტიარია

სოფელი ჭყონონა მდებარეობს სამეგრელოს ერთ მიყრუებულ კუთხეში. მიყრუებულია იმიტომ, რომ გზატკეცილი და რკინიგზა ახლო არ უვლის. ძველად კი ეს სოფელი მიყრუებული როდი ყოფილა, რასაც ამტკიცებს დახავსებული ნანგრევი, რომელიც შუა სოფელში დგას თავ-შაქარივით წოწოლა ციცაბოიან გორაკზე და ჭერ კიდევ შენახული მაღალი კოშკებით ამაყად დაჰყურებს გორაკის დაბლა გაშლილ მდინარე ჭანისწყლის ვიწრო, მაგრამ გრძელ ჭალებს. დროთა ვითარებისა გამო ბევრგან გამონგრეული ციხის კბილებიანი კედლები მწვანე სუროთი სქლად არის დაბურული და შორიდან მშვენიერი საყურებელია.

ჭყონონა მეგრულად მუხნარსა ჰქვია და გასაკვირველია, ამ სოფელს რად დარქმევია ეს სახელი?! ამ დროებით თითქმის ერთი ძირი მუხა რა არი, არ მოიძებნება ჭყონონაში.

ამნაირად მუხნარში მუხა არა დგას, სამაგიეროდ სახნაე-სათესი მიწა საკმაოდ არის და ისიც როგორი მიწა; ჭალა, რომელსაც მდინარის ტალღა უხვად რწყავს, აღიდების დროს ნაპირიდან გადადის და ნიადაგს აპოხიერებს, რაც გინდა გვალვა დადგეს. ეს კურთხეული მიწის ნაჭერი მშრომელს ერთი ოცად და ერთი ორმოცად მაინც აჯილდოვებს.

ჭყონონას აღმოსავლეთის მხრივ უძევს ეს ჭალა, რომელს შუაგულ ათასფერად დაკლაკნილი და პატარ-პატარა ტოტებად დაყოფილი მოზრდილი მდ. ჭანისწყალი მოშხუის. ჭალის დასავლე-

თით იწყება ბორცვები, სადაც მომეტებულად მცხოვრებლები სახლობენ. ერთ ამ ბორცვთაგანზეა გაშენებული ზემოხსენებული ციხე. ვინ იცის, რამდენი უმართლო სისხლის თხევა ყოფილა ამ ციხის გარემოზე და რამდენი სულისკვეთების, ოხვრის და მღუღარე ცრემლის მოწმენი არიან მაღალი კოშკის ცივი ქვები! ახლა კი მინდვრის თაგვები და ღამურებია იქ გამეფებული და მათი გულსაკლავი, ერთფეროვანი წრიპინი მოუბრუნებლად დაკარგული დროის მოთქმა-გოდებაა.

დაბლა, მდინარის პირად, ქალაში, გაშენებულია ერთი ოთხთვალა წისქვილი. კარგა ხანია, რაც ეს წისქვილი გაშენდა, თუმცა მოუსვენარი მდინარე რიგზე არ უგზავნის წყალსა. თითქმის ყოველ გაზაფხულის წყალდიდობაზე წისქვილის სათავეს გააფუჭებს ხოლმე, ჩიხილს გახეთქს, ან თხრილს ამოსილავს და პატრონებს მოჯლოდნელ სამუშაოს გაუჩენს.

პატრონი კი ბევრი ჰყავს: თერთმეტი კომლი აზნაური მძებრადენი, სამი კომლი გლეხი თოხიტარიები და ერთი კომლი ვალურია ქირსეშია — წისქვილის ხელოსანი, სხვა სოფლის მცხოვრები. ყველა ამათ წილი უღევთ წისქვილში; მძებრადეებს — რადგან წისქვილი მათს საერთო მიწაზეა გაშენებული, და თოხიტარიებს — რადგან თხრილის სათავეში რამდენიმე საყენი მიწა მათი აღმოჩნდა.

მძებრადეებს არ უნდოდათ თოხიტარიები შეეზიარებინათ წისქვილის აგებისას და დაუკითხავად დაიწყეს მუშაობა, მაგრამ თოხიტარიებმა მედგარად დაიკვეს თხრილის სათავე; დაიარაღებული დადგნენ და შეიძლება საქმე სისხლის ღვრით გათავებულყო. რომ მამასახლისი და სხვა ზოგიერთი გამოცდილი პირი არ ჩარეულიყო და არ მოეგვარებინათ. ვალურია ქირსეშია კი მიუცილებელი საჭირო იყო ამ წისქვილის შენების დროს, რადგან ის მაშინ წისქვილის საუკეთესო მოხელედ ითვლებოდა. გასამრჯელოდ ერთობ ბევრი ფული ითხოვა და იძულებული შეიქმნენ წილში შეეყვანათ. ამათ გარდა გახლდათ კიდევ ერთი მონაწილე; ეს იყო მეწისქვილე. დადგენილი იყო, რომ მეწისქვილესათვის მიეცათ წმინდა შემოსავლის მეხუთედი. დანარჩენ ნაწილს შუაში გაიყოფდნენ მძებრადეები, ვალურია და თოხიტარიები, და მეორე მხრივ, ხუთასი ფუთი სიმინდიდან, მაგალითად, ასი ერგებოდა მეწისქვილეს. დანარჩენი ოთხასის ნახევარი — ორასი ერგებოდა მძებრადეებს და ორასიც — თოხიტარიებს და ვალურია ქირსეშიას.

ამჟამად მეწისქვილედ გახლდათ მაძინია რულაია, კაცი დაბალი და ქოსა, ფართოტუჩა და კისერდაბალა, მხიარული და ხანდახან

ოხუნჯი; შავთვალწარბა, რომელსაც ჭუჭყისაგან გაშავებული ჩიბუ-
ნი განუშორებლად პირში ეჭირა.

მაძინიას ვინაობაზე ასე მოგახსენებდნენ: ის იყო უჭეროდ
შობილი ერთი თავადიშვილის ოჯახში. ძველად, ბატონყმობის
დროს, უჭეროდ შობა ჩვეულებრივი მოვლენა გახლდათ. რასაკვირ-
ველია, მაძინია გამდელის შვილი იყო. მის მამად სახავედნენ ბატო-
ნის ერთ ხაბაზს, ხუმარა ათუნიას, რომელიც მეტისმედატ მაღალი
იყო და ამიტომ მეტსახელად ჯიქალს ეძახდნენ. ზოგნი კი (ცოდვა
პირველად მთქმელს!) თვითონ ბატონზეც ჩაილაპარაკებდნენ, თუმ-
ცა საიდუმლოდ და ჩურჩულთ: ლამაზი იყო ცირაია გამდელი,
ლამაზი, ლოყაზე ვარდი ეფინებოდა და მოეწონა ბატონსაო —
დწდიოდა ჭორი სოფელში და მაძინიას მოგრძო ნიკაპი იმ ცხონე-
ბულ ბატონთან ზედგამოჭრილი ჰქონდა.

თუმცა ეს საიდუმლო იყო და იმ ამბავს ერთმანეთს ჩურჩულ-
ლით უზიარებდნენ, მაგრამ ქალბატონს მაინც ვერ დაემალა. გე-
ბუტა ბატონს, თუმცა უკანასკნელი ეფიცებოდა, ბავშვი ჯათუნია
ხაბაზის შვილიაო. დასამტკიცებლად ბატონმა კიდევ გააროზგინა
ჯათუნია, რის შემდეგ ის გაიქცა და იმ დღიდან არც ცოცხალი და
არც მკვდარი არავის უნახავს. ქალბატონი ამით მაინც არ დაკმა-
ყოფილდა და გაბრაზებული მუდამ დღე უჩიჩინებდა ქმარს, რომ
საზიზღარი გამდელი გაეგდო.

გარემოებამაც ხელი შეუწყო ქალბატონის სურვილს. მისი უფრო-
სი ქალიშვილი იმუჟამად გათხოვდა ერთ მოშორებით მცხოვრებ
თავადიშვილზე და ქალბატონმაც, რასაკვირველია, დაუყოვნებლივ,
ცირაია გამდელი პატარა მაძინიათურთ ქალიშვილს მზითვად გა-
ატანა. მაძინია მაშინ ორი წლისა იყო.

ახალ ბატონთანაც არ მოუსვენეს საბრალო ცირაიას. იგი იქაც
დაორსულდა. ამ ამბავმაც გამოიწვია ახალი ჭორი, ჩურჩული და
მითქმა-მოთქმა. მხოლოდ პირვანდელზე იმ განსხვავებით, რომ
ახალმა ბატონმა ორსულობა ხაბაზის მაგივრად მეჩინიბეს დააბრა-
ლა. მეჩინიბესაც საკანონო მოჰხადეს, მაგრამ ქალბატონი დედასა-
ვით მარტო ბუტიაობას არ დასჯერდა; იმან მწვავე ომი გამოუცხა-
და ქმარს, ასე რომ ბატონი იძულებული შეიქნა ორსული ცირაია
და პატარა მაძინია ორივე გაეყიდა.

ცირაია შვილითურთ ბატონმა მიჰყიდა როსტომ მძებრადეს,
რომელიც ს. ჭყონონაში სახლობდა და სახელგანთქმული კაცი
იყო. ფასად დედა-შვილში მისცა ერთი მოვერცხლილი თურქული
ღამბაჩა.

მეორე მშობიარობას ვერ გადაურჩა უბედური ცირაია. იგი მოკვდა და როსტომ მძებრადის სახლში ობლად დატოვა ორი წლის მაძინა.

როსტომ მძებრადე, თავის დროზე გამოჩენილი ქურდი და ავაზაკი, რასაკვირველია, მაძინიას ვერაფერ სიკეთეს დაასწავლიდა, მით უფრო, რომ ბავშვი ცოცხალი და მარჯვე იყო. რვა წლისა თამამად ისროდა მაყურყს * და ურა ცხენებს იჭერდა...

როცა წამოიზარდა მაძინია, მარჯვენა ხელი შეიქმნა როსტომის და მისი ამხანაგებისა. ბევრი ცხენი მოუპარავს მაძინიას, ბევრი ხარ-ძროხისათვის უმართლოდ გამოუჭრია ყელი, ბევრი ქვრივი და ობოლი აუტირებია, მაგრამ ამასაც ბოლო მოეღო. დრონი იცვალნენ. როსტომ მძებრადე დაიპირეს და ციმბირისაკენ უკრეს თავი მისი ამხანაგ-ხელქვეითნი აქეთ-იქით გაიფანტნენ; დარჩა მაძინია თავისუფალი. ბატონყმობა გარდასული იყო. მას არ ჰქონდა ერთი მტკაველი მიწა-მამული. არ ჰყავდა ნათესავეები და არც სხვა რამ საშუალება მოეძეოდა. დაიწყო ცხოვრება ხან ერთ ნაცნობ აზნაურთან, ხან მეორესთან. ზოგან მოურავობდა, — ზოგიერთ მძებრადის სასახლეში, როგორც ეძახდნენ ფიცრულს და ყავრით გადახურულ სახლს მათი ნაყმევი გლეხები, — თუმცა ამ ოჯახებში სამოურავო არა იყო რა.

ბოლოს თმა-წვერსაც ჰკლარა გაერია. ბევრგან მის სიარულს ეკვის თვალით დაუწყეს ცქერა. მაძინიაც ჩაუკვირდა თავის ცხოვრებას. გონს მოვიდა, იქით-აქეთ გაიხედა-გამოიხედა და გაშტერებულმა პირი დაალო! ღმერთო ჩემო! რამდენი ცვლილება მომხდარიყო მარტო ჰყონონაში მას აქეთ, რაც ის როსტომთან ერთად სოფლებს აწიოკებდა. სარკესავით ნათლად დაინახა თავისი მდგომარეობა. აღეძრა სურვილი, ისეთი საქმე ეშონა, რომ ცივი ღომის დაუყვედრებელი ლუკმა ჰქონოდა. მის ბედზე ამ დროებით გააკეთეს ზემოხსენებული წისკვილი და მაძინიაც მეწისკვილე გახდა.

მეწისკვილეობს მაძინია და თავისთავის მადლიერიც არის. ბევრი მოგება არა აქვს, მაგრამ დაუყვედრებელ ლუკმას ჰამს. წელიწადში, საზრდოს გარდა, სამოც-ოთხმოც ფუთ სიმინდს ჩამორჩება. უფრო მეტს ჩამორჩებოდა თვითონაც და წისკვილის დანარჩენ მონაწილეებსაც მეტი მოგება ექნებოდათ, წისკვილის სათავეს თუ გაფუჭებისათანავე შეაკეთებდნენ. მაგრამ საღ არის დროზე

* მაყურყი — ქამანი.

შეკეთება? მძებრაძეები არ კისრულობენ პირველად თვითონ მივიღნენ ან მუშები გაგზავნონ. იმ მამამადლ ყაძახებმა გააკეთონო, — იძახიან. თოხიტარიები ამბობენ: მარტო ჩვენი არ არის წისქვილი, მძებრაძეებს მეტი წილი უძევთ, ვითომ რა დიდი გოზნა არიან, ჩვენ მათი ნაყმევები არა ვართო (თოხიტარიები სამთავრო გლეხები არიან). ვალურია ქირსეშია კი ყველას ასე ეუბნება: არა გრცხვენთანთ ამოდენმა მონაწილეებმა წისქვილი ვერ შეაკეთოთ? მე ისიც მეყოფა, რომ ასეთ უხერხულ ალაგას წისქვილი გაემართე: შეკეთებას მაინც ნუ დამამადლითო...

მაინც წისქვილი თითქმის მუდამ მუშაობს. განსაკუთრებით ბევრი საფქვავეი მოღის ზაფხულობით, როცა ახლომახლო სოფლებში ღელეები და რუები შრება და წისქვილები არ მუშაობს, მაშინ იმდენი ხალხი მოაწყდება, რომ სამი მოზრდილი დოლაბის განუწყვეტლივ ტრიალი ნახევრობით ვერ აუღის და ხშირად ჩხლბიც იმართება.

გაქვთ სიცოცხლე, რომ ამ აურზაურში მაძინიაც ხელცარიელი არა რჩებოდეს! განა ის არ არის წისქვილის ბატონი? ვისაც თვითონ უნდა, უწინ იმას დაუფქვავს, ამიტომ მოსდის სხვადასხვა საჩუქრები: ყველი, კვერცხი, ღვინო, ხილი და მისი საყვარელი თუთუნი...

II

ღიდმარხვა იყო. მარტი იდგა, საკმაოდ თბილოდა. ათიოდ ახლომახლო მცხოვრებთ მოეყარათ თავი წისქვილებში. მაძინია მკაღის გამოცხოებაში იყო გართული. ქვის კარგა მოზრდილი კეცი კერაზე პირქვე ეხურა, მაგრამ დღეს, რალაც ჯიბრზე. დროზე არ ხურდებოდა და ოდნავ გაბრაზებული მაძინია ცეცხლს ჩქარ-ჩქარა უკეთებდა. სოფლელები კერას გარშემო უსხდნენ. ორი დოლაბი ბრუნავდა, მესამე გაჩერებული იყო.

— კაცო, ეს მესამე დოლაბი რად არის გაჩერებული? — იკითხა ერთმა მოხუცებულმა, რომელიც გახუნებულ ნაბადში გამოხვეული კერას ცოტა მოშორებით სავსე ტომარაზედ იჯდა.

— რა ვიცი, დაიქცა მაგის თავი, — უკმაყოფილოდ მიუგო მაძინიამ, დაიჩოქა და კეცს ქვევიდან შეხედა. კეცის სიმხურვალემ აიჭულა პირი ისევ ჩქარა მოერიდებინა, — მადლობა ღმერთს, ძლივს არ გახურდა ეს ოხერი! — ჩაილაპარაკა მან და კეცი პირადმა მოაქცია. რომ ზედ გამზადებული ცომი დაედო.

— ალბათ წყალი საკმაო არ ექნება, — აუჩქარებლივ თქვა:

მოხუცის კითხვაზე, ცოტა სიჩუმის შემდეგ, ერთმა შუახნის, მოკლე ჩოხიანმა, რომელიც თითქმის ზედ კერაზე იჯდა.

— წყალი? — გაიკვირვა მოხუცმა, — აგი მდინარე პარანას შობა.

— „მდინარე პარანას შობა,“ — ცოტა არ იყოს დაციწვით გაიმეორა მაძინიამ და ცომი გახურებულ კეცზე დააგდო. — პარანას შობა, — ისევ გაიმეორა და სველი ხელით ცომს კეცზე გასწორება დაუწყო. — წისქვილი სულაც არ იყო, ისეც ქე მოდიოდა აქ წყალი და მაშინ უფრო დიდძლ იყო, თუ მკითხავ, მაგრამ ის მაშინ ვერაფერსა ფქვევდა. ყველაფერს თავი და მეცადინეობა უნდა.

— ჰო, — დაამთქნარა მოხუცმა.

— მე რომ ვიყო ამ წისქვილის მონაწილე, ამას ვერ მოვიტყენ, — ჩაერია მოკლე ჩოხიანის გვერდით მჯდომი ნაბდის ქუდიანი. მაძინიამ დაციწვით ახედა ნაბდის ქუდიანს.

— ვერ მოითმენ კი არა, ქვეყანას დააქეცე, — მოუსწრო მან და კეცს ოთხკუთხიანი თუნუქის ნაქერი გადააფარა. — ერთმანეთს მიყვეს კაცი ისაა საქმე, თორემ ერთმა და ორმა რამდენიც უნდა იბორძიკოს, ვერას გახდება.

— გამარჯობა თქვენი, — მტკიცედ შემოილაპარაკა და წისქვილში შემოვიდა ერთი ახალგაზრდა, ასე ოცდასამი წლის ვაჟკაცი, შესახედავად ძლიერ ლამაზი და ჯანმრთელი.

— ღმერთმა გაგიმარჯოს! — ერთხმად მიუგო ყველამ. ახალ მოსულმა ზურგიდან სიმინდით სავსე ტომარა მოიხსნა და სხვა ტომრებთან დადო.

— თოლი, ეს ბიჭი ვერ ვიცანი, — ხრინწიანად თქვა მოხუცმა და დაახველა.

— დაბრმავდი, ბეჩა გოძია? — სიცილით მიუგეს სხვებმა. — ეს ნიკოიას შვილია, პეტრე!

— რომელი ნიკოიას, წიე? — გაოცებით იკითხა მოხუცმა.

— ბატონიშვილის, — დინჯად მიუგო მაძინიამ და კეცზე გადაფარებულ თუნუქს ნალვერდალი დააყარა.

— ხი, ხი, ხი, — ჩაიციხა ნაბდის ქუდიანმა. სხვებსაც ღიმი მოუვიდათ.

— ნიკოია თოხიტარიას შვილია, ნიკოიასი, არ გახსოვს, შარშან სიმინდის მარგვლაში გეხმარებოდა, — ყურში ჩასძახა მოხუცს მოკლე ჩოხიანმა.

— მეუფეო! დიდება შენდა! — პირჯვრის წერით წარმოთქვა მოხუცმა.

— მერე ამ ერთ წელში ნიკოიას შვილი ასე გაიზარდა?! აჩუ-

ქოს ღმერთმა, მართალი კაცია, კბღევ ჰყავს ვაჟები მგონია! საწყალი, აფშილაზე რომ არ მომკვდარიყო.....

— როგორ არა ჰყავს, ოთხი ჰყავს, — მიუგო მაძინიამ. — შენისთანა გეგონა ყველა, რომ ორის მეტი ვეღარ გააკეთე?

ნაბდის ქუდიანმა გულიანად გადაიხარხარა.

მოხუცმა დამშვიდებული თვალებით შეხედა და შეღწუხებულად ჩაილაპარაკა:

— გაკეთებას, შვილო, ბევრი ჰკუა არა აქვს, უკაცრავად მოხსენება: ძუ ძალსაც ჰყავს შვილები, საქმე მერმინდელი პატრონობაა...

მაძინიამ ხვიმირები დაათვალიერა. კარის მახლობელი დოლაბი ჩამოსულიყო. ფქვილი საჩქაროდ ხოპით ტომარაში ჩაყარა. მერე, განზე გადასდო და ერთს, სიმინდით სავსე ტომარას ხელი მოავლო და ის იყო თავი მოუხსნა და ხვიმირში უნდა ჩაეყარა.

— არა, შენი ჰირიმე, მაძინია, — გაისმა ამ დროს კუთხიდან ხმა და ერთი ჰალარა კაცი წამოდგა. — შენი ჰირიმე, მაძინია, ჯერ ჩემი, შენ გენაცვალე.

ჰალარა კაცის სახეზე მწუხარება იხატებოდა და მისი გამხმარი პირის კანი ერთი-ორად აოთხკეცებდა ამ მწუხარებას.

— ჰა, არა, ჯერი ჩემია, მაძინია, ასე ჩქარა დაგვიწყდა, რა ახალი სულგუნი მოგიტანე? — ეწინააღმდეგა ერთი შავწვერა გლეხი. მაძინია შეჩერდა, ხელები თავგახსნილ ტომარაზე ედო და ორივეს შეჰყურებდა.

— კოხთაია, კოხთაია, შენ კიღევ მოასწრებ, — შეეხვეწა გამხდარი კაცი შავწვერას. — განა ჩემი ამბავი არ იცი? შინ ავადმყოფი მიწევს.

— მართალია, მართალი, შინ ავადმყოფი ჰყავს. — კვერი დაუკრა ყველამ.

— ჩქარ... ჩქარ... ჩქარ... ჩქარ... — ჩუხჩუხებდა წყალი. — დაყარე... დაყარე... დაყარე... — ეუბნებოდა დოლაბი.

მაძინიამ თავი მალლა ასწია, სათითაოდ ყველას შეხედა და ჩაილაპარაკა.

— კაცო, კარგი მაგრამ, ეს ტომარა ვისია, ხელში რომ მაქვს?

— ჩემია, ჩემი! — ხმამალლა მიადახა კოხთაიამ.

— არ შევმცდარვარ, სულგუნს მაინც თავისი გაუტანია, — გაიხუმრა მაძინიამ, — შენი კი სადლაა? — მიღბრუნდა გამხდარ კაცს.

— ა, ბატონო, ა, შენი ჰირიმე, — დაფატურდა ის და თავისი ტომარა მოძებნა.

მაძინიამ კონთაიას ტომარას თავი ისევ მაგრა მოჟკრა და გამ-
ხლარი კაცის სიმინდი დააყარა.

— მაღლობელი, შენი ჰირიბე, მაძინია, საღამოთი მოვა-
კითხავ, — თავმდაბლა უთხრა გამხლარმა კაცმა და წისქვილიდან
გავიდა.

სსეებიც დაიშალნენ: ზოგი დაჩქარებას შეეხვეწა, ზოგმა ფქვი-
ლი ზურგზე მოიკიდა და შინისაკენ გაეშურა.

— ხვალ დილით უსათუოდ მზად უნდა დამხვდეს, მაძინია,
ჩემი ფქვილი, — უთხრა პეტრემ.

— ამ საღამოს ინებეთ, — კბილების კრეკვით მიუგო მაძინიამ, —
ერთი შეხედე, რა ამბავია, კვირკობის თვეში არ მინახავს ამოდენა
საფქვავე. იმიტომ იყო, რომ თუთუნი მომიტანე, ჰო... ჩავარდი ჩემ
კლანკებში. ზეგაც გღირსებოდეს შენს ტომარას თავის მოხსნა.

— აკი მოგიტანე!

— სუ!

— დედიჩემის სული ნუ წამიწყდება, დღევანდელი დღის მაღლ-
მა. დაგავიწყდა?

— როდის, წიე, ის ერთი წკუმონტუა * რომ მომიტანე, იმას
ეძახი თუთუნის მოტანას?!

— მამ ფუთობით მოგიტანდი? ერთს კიდევ მოგიტან, ბევრს
ნუ ყბედობ, დილით, ხვალ, ახლა არა მცალია! — მიაძახა პეტრემ და
წისქვილიდან გავიდა.

წისქვილში დარჩნენ მაძინია, მოხუცი გოძია, შავწვერა კონთაია
და ნაბდის ქუდიანი თემა, რომელსაც მეტსახელად კუდას ეძახდნენ.

— დამარჩინა, დამარჩინა იმ კაცმა, — მთქნარებით ჩაილაპარაკა
კონთაიამ და პაპიროსს დაუწყო კეთება.

— შენსას ჩქარა დავყრი, საცაა დიდი დოლაბი ჩამოვა, —
ანუგეშა მაძინიამ.

— ჩემსას კი როდისღა ეშველება! — ბოხი ხმით იკითხა მოხუცმა.

— შენსასაც ეშველება, ნუ გეშინია.

— შენც სიმინდი გაქვს აქა? — ჰკითხა კონთაიამ კუდას.

— არა, მე ისე შემოვედი, აქეთ ვიყავი, — ცოტა არ იყოს მორ-
ცხვად მიუგო კუდამ.

— ეს ამოწმებს, კარგად ფქვავეს წისქვილი თუ არა, — გაეხუმრა
მაძინია.

— გაღმა რას აკეთებდი? — ჰკითხა გოძიამ.

* წკუმონტუა — წნელი.

— ისე ვიყავი, — უფრო წამოწითლებულად მიუგო კუდამ.

— მაშეალობდეს იქნება, — გაეხუმრა კოხთაია. — ვის არიგებ, ვის, შე კუდავ, შენა, კიდევ ვინმე თებრონიასავით არ გადაიტყუო.

— არა, მამიჩემის სჯულს ვფიცავ, — მოუსვა ფიცს კუდამ, — სამაშეალო ამ დროებით არავინა მყავს.

— როგორ არა, შე უბედურო, აი, მაძინია აგერ არ არის? ფქვილი ბევრი აქვს და წყალი. მაყრების მაგივრობას დოლაბები გაუწევინ, ისეთი როხროხი გააქვთ, რომ დაფა-ზურნაც არ მიუვა.

— რატომ არა, — დაემოწმა მაძინია, — მით უმეტეს, თუ დედა-შენი გამირიგა. ჰაი გიდი! რა ქორწილს გადავიხდი გვარიანი ხონჯკა * ქვრივია... ამ ბოლო დროს მაინც სულ გასუქებულა. უბედურება ისაა, რომ წისქვილში იშვიათად შემოდის... ეშმაკი არა ხარ? არ უშვებ, თორემ მაშეალიც არ მინდა, მე თვითონ მოვცეცავ ** საქმეს, ჩემთან რომ მოვიდოდეს.

— დაიკარგე იქით, გინდა ზურგი ავიკრელო ამ ჯოხით? — ხუმრობით მიუგო კოხთაიამ.

— ამიკრელო რა, შენი მკლე კამეჩების გავაა თუ?

— მკლე! გიცხონდა სული. კიდეც იმიტომაა, საწყლები, სამოც ღუთს ეზიდებიან!

— რას აქებ, ბაბაია, მზითვად ხომ არ გინდა დედაშენს გამოაყოლო?

— აბა კიდევ, ნუ ბედავ-მეთქი, თორემ!...

— არა... ნუ სწუხარ, ბატონო, არაა საჭირო კამეჩები. კამეჩი რად მინდა. იმათ მოსავლელად ვის სცალიან, ხომ ხედავ, რამდენი საქმეები მაქვს, — დინჯად მიუგო მაძინიამ და ხელი ტომრებისაკენ გაიშვირა.

— ჰოი! მოცლილი კაცები, რას არ მიედებიან, — ჩაილაპარაკა მოხუცმა.

— ჰო... ჩემო გოძია, — აღტაცებით მიუგო მაძინიამ, — შენც არ დაგწვავს ხელს კოხთაიას დედა... შენც....

— ფუი ეშმაკს! — დააფურთხა მოხუცმა. — შე უსინდისო, 'ესენი ჩვენი მოყვარებია.

— მოყვარე კი არა, არ გინდა შენაყვარები! რა მოყვარეა!

— წიე, როგორ შერულად *** ლაპარაკობ, მაგის დედა და ჩემი მამიდა თითო ძმების გაზრდილებია...

* ხონჯკა — ქაელი.

** მოვცეცავ — გაეჩარხავ.

*** შერულად — სულელურად.

— უი, — მოუქრა სიტყვა კუდამ, — ასე რომ ვიანგარიშოთ...

— გამარჯობა თქვენი, ძმაო! — მოისმა ხმა კარებთან და წისქვილში ვილაც უცნობი კაცი შემოვიდა.

ყველანი ზეზე წამოდგნენ.

ახალშემოსული იყო ასე ოცდაათი წლის კაცი, შუათანა ტანისა, ოდნავ ქერა წვერ-ულვაშა. პატარა ცხვირი და მხიარული თვალები ჰქონდა. ტანთ ეცვა მშვენიერი მაუდის ჩოხა. წელზე იმერულად გაკეთებული ვერცხლის ქამარი ერტყა და მასზე მთლად გავერცხლილი ხანჯალი ეკიდა, კისერზე გრძელი საათის ძეწკვი ჰქონდა გადაკიდებული და თვით საათის ყური ოდნავ მოჩანდა მასრების ქვევით პატარა ჩიბიდან მოოქრულ მასრებს ლაპლაპი გაჰქონდა.

— კაცო, რაც მე თქვენ გეძახეთ, — დაიწყო ახალმოსულმა და დაკეცილი მათრახი ჩექმის ყელში ჩაიღო. — ვიძახე, ვიძახე. ვიყვირე, მაგრამ ვერაფერს გავხდი, ვერა გავაგონეთ რა.

ახალშემოსულს არც ძლიერ წვრილი და არც ბოხი ხმა ჰქონდა, ცოტად კი ცხვირში ჩაილაპარაკებდა.

— მობრძანდი, ბატონო, მობრძანდი, — მიუგეს ერთხმად წისქვილში მყოფ ახალშემოსულ უცხო კაცს, — უკაცრაოდ კი ვართ, ხომ მოგეხსენებათ, — და ბოდიშით მისთავაზეს კერის პირზე საუკეთესო ადგილი, ე. ი. თხმელის ნახევრად დამპალი კუნძი, რომელიც სკამის მაგივრობას ასრულებდა და რომელზეც აქამდის კობთაია თავმომწონედ გამოქიმულიყო.

— წისქვილის ხმაურობა ვერ გააგონებს კაცს, ბატონო, ძახილს. ერთხელ მეც დამემართა. ნაწვიმარი იყო, ღამით გაღმა უნდა გავსულიყავი და მარტო გასვლა ვერ გავბედე. ვიძახე, ვიძახე, მაგრამ მაძინიას ვერაფერი გავაგონე, — თქვა მოხუცმა.

მაძინიას სახელის გაგონებაზე ახალშემოსულმა გაიხედ-გამოიხედა და მაძინიას თვალები დააშტერა.

— მაძინია რომელსა ჰქვიან? — იკითხა მან.

— მე გახლავარ, ბატონო, — მიუგო მაძინიამ და თავის მხრივ სტუმარი აათვალღერა, — მე აქაური მეწისქვილე გახლავარ!

— შენი გვარი?

— რულიაი!

— უი, სასწაული თუ გინდა, ეს არის, — თითქმის მიაყვირა სტუმარმა, — მაძინია რულია ხარ შენა? როსტომ მძებრაძეს რომ ახლდი! — როსტომის სახელის გაგონებაზე ყველამ ყური ცქვიტა.

— დიახ. ის შე გახლავარ, თითქო თქვენც მეცნობილებით და ეს ოხერი, სიბერეა თუ რალაცა, ვერ მახსენდება.

— არ გახსოვს მერაბია ტომბაშვილი?!

— ა-ტ! — მიიძახა მაძინიამ.

— მე მისი ძმისწული ვარ, კონსტანტინე!

— კორსანტელი! აი საარაკო თუ გინდა! თქვენ რა ერთი ბეწო მინახავხართ და ახლა რავე დავაქვაცებულხართ, სასწაული!

— როსტომი დაიქარგა, მერაბი მოჰკლეს...

— მე კი, — დაასწრო მაძინიამ, — აი, სადა ვგდივარ. განა ეს უხოვრებაა, მარა რას იზამ. წყალწალღებული ხავსს ექიდებოდაო, ხომ გაგიგონია, ისეა ჩემი საქმე, რას იზამ, რა ვქნა!

— ეხ, მახსოვს, მახსოვს, შენ რომ ცხენებს საცდელად გაძლევენ და ერთი აფხაზი თავადიშვილი ცხენიდან რომ ჩამოაგდე ჭირითის ღროს და კნეინა მართამ თავის ჯიბიდან ცხვირსახოცი რომ გაჩუქა, იმ ღროს შენ ხომ პირველი კაცი იყავი სასახლეებში.

— ეხ! რათ მინდა, რომ გავიხსენო...

მათ საუბარს სულგანაბული ყურს უგდებდნენ.

— კორსანტელი სად მესტუმრა, ან რამ მოგიყვანა აქეთ იმ სიშორიდან. როგორ ვქნა ახლა, რით გაგიმასპინძლდე, დიასახლისი ავად გამიხდა, ამიხირდა, უნდა წყალში ვიბანაოო; დალოცვილო, მოითმინე, ბანაობა კი არა, ზამთარია- მეთქი, არ დამიჭერა და შორს არ წასულა, ამ წისქვილის ღარების ზემოთ ჩავარდა წყალში, მას აქეთ ავათაა.

მაყურებლებმა გაღიხარხარეს, სტუმარსაც ჩაეცინა.

— მაგ ჩემ გამომცხვარ ჰადს შენ არ მიირთმევდე იქნება...

— ბოდიშს თავი დაანებე, თუ კაცი ხარ და რადგან შენ შემხვდი, რაზედაც ვარ წამოსული, ის საქმე გამაქეთებინე და ხუთწილად დაგიმადლი, მე თვითონ გაგიმასპინძლდები, თუ გინდა.

— რა იქნება, ბატონო, ისეთი. თუკი...

— შე კაცო, მოჯამაგირე ვერ მიშოვნია, აგერ თვე იქნება დავეძებ. მყავს ერთი მოჯამაგირე, მაგრამ, იმას ერთი რომ ვადა შეუსრულდა, ხელახლა მომატებულ ქირაზე დავიჭირე და მეორე ისაა, რომ ის სხვა საქმისათვის მინდა. მე და ჩემმა ძმამ საყასპო გავაღეთ ახლახან ფოთში და იქ მინდა დავაყენო. ახლა სახლში მჭირია ბიჭი. ქირას არ ვითაკილებ, ოღონდ კი რიგიანს წავაწყდებოდე ვისმე.

— თქვენ, ბატონო, უკაცრაოდ, რომელი სოფლიდან ბრძანდებით? — თავმდაბლა ჰკითხა კონთაიამ.

— ლეტა-კარიდან არის, — მიუგო მაძინიამ, რომელიც დაფიქრებული იყო, თითქო რაღაცას იხსენებდნო.

— დიახ, ლეტა-კარიდან გახლავარ, — გაიმეორა კონსტანტინემაც.

— მოჯამაგირე კი იშოვება, რატომ არა, მოკითხვა უნდა თორემ, — წარმოთქვა მოხუცმა, — მხოლოდ შორი კი არის და იმ სიშორეზე, ხომ მოგესხენებათ, თვალგაუტეხელი ბიჭი, დედის კალთაში გაზრდილი...

— სიშორე რა სათაკილოა, დიდი ორმოცდახუთი ვერსტი იქნება აქედან. ახლა ამ სიშორეზე მიდიან კი არა...

— აი მართლა, შენი ბიჭი მიეცი, გოძია, — მოუსწრო კოხთაიამ.

— ჩემი ბიჭი? მე ერთი ბალანა რომ მყავს, ვერ შეველევი. მოხუცებული კაცი ვარ.

— აკი მეორე კიდევ გყავს, — გამოედავა კოხთაია.

— მეორე სულ ბალანაია ჯერე, იმის იმედით რას ვივარგებ!

— სუ, სუ, კაცო! — წარმოთქვა მაძინიამ. — აი ჩვენი ნიკოიას არა ჰყავს ბიჭები? ძლივს არ გამახსენდა!

— მართალია, — კვერი დაუკრა კუდამ. — პეტრე, ნიკოიას უფროსი შვილი, ახლა აქ არ იყო?

— შეიძლება, — დაემოწმა კოხთაიაც. — ცოტა ქესატი კაცი კი არის, მეორეც, ოთხი ვაჟი ქე ყავს და ერთ-ერთს დიახაც ქე მისცემს, ერთი შვილი, ვთქვათ, ბავშვია ჯერე, მაგრამ სამი დიდები ჰყავს.

— იმაზე მოხერხებული აქ, ამ არემარეს არავინ მეგულება და ნამდვილადაც იშოვნი, თუ ფულიც, ხომ იცი, თუ ცოტა გაიმეტე, — უთხრა მაძინიამ.

— შორს არის აქედან?

— სრულებით არა. ციხე რომ მოჩანს, იმის იქით, იქვე სახლობს.

— კულა წაყვება, მაინც საქმე არაფერი აქვს, — გაიხუმრა კოხთაიამ.

— საქმე რაღა არა მაქვს, — წყენით მიუგო კუდამ, მაგრამ კაცის გულისათვის კაცი...

— აი, აი, სწორედ, — მოუწონა ყველამ.

III

საღამოზე ნიკოია თოხიტარიას სახლის კერაზე ცეცხლი გაჩაღებული იყო. ერთ მხარეს ძველებურ ფართო და გრძელ სკამზე, რომელიც კერას პირად იყო დადგმული, კონსტანტინე ტომბაშვილი იჯდა და პაპიროსს შეექცეოდა. სახლი შედგებოდა ერთი კარგა

შოზრდილი. ხის ოთახისაგან, რომელსაც არც ჭერი ჰქონდა, არც იატაკი და არც ფანჯარა. კედლის ფიცრები და ისლის სახურავი მკვარტლისაგან გიშერივით შავად ბზინავდა. სახლს ორი კარი ჰქონდა, ერთი წინ და მეორე უკან. უკარო კედლების გასწვრივ ტახტები იყო მიდგმული და ერთ ტახტზე ელაგა კარგა მოძველო და გვარიანად მკვარტლისაგან შემურული ლოგინი, რომელზედაც შინაურულად გაკეთებული ჩითის ზეწარი ეფარა. წინა კარის გვერდით, მარჯვნივ იდგა რაღაც მაგიდის მსგავსი, რომელიც სკამს უფრო წაგავდა, თუმცა პირველზე მაღალი და დიდი იყო და მეორეზე დაბალი და პატარა. უკანა კარის აქეთ-იქით პირუტყვებისათვის ბაგა იყო გაკეთებული. ერთ ამ ბაგათაგანზე ამ დროებით იდგა კონსტანტინეს უნავირმოხდილი ცხენი და სიმინდის ჩალას მადიანად ახრამუნებდა. უნავირი კი კედელზე ეკიდა.

— აში... ო! ...აში, აში... აი... შე ბალაგარო, რას აკანტურებ თავსა, შემოდი აქეთ, — გაისმა ნიკოიას ხმა. მას ხარისათვის ყურში ხელი წაეველო და უკანა კარებიდან შიგ ეზიდებოდა. ნიკოიამ ხარს თავი კარებში შემოაყოფინა, მერე გავაზე ხელი ბრტყლად დაუტყლაშუნა და შიგ შემოახტუნა. ხარმა დაინახა თუ არა უცნობი კერასთან, ერთი დაირქინა, საჩქაროდ მობრუნდა და ჩვეულ ბაგაში თავი ჩაჰყო, სადაც მისი საყვარელი სიმინდის ფურჩა ეყარა.

— უკაცრაოდ, ბატონო! ამდენ ხანს მარტო დაგარჩინე, ეს პირუტყვებიც აქ მიბია; ხომ მოგესხენებათ ღარიბი კაცის ამბავი, მათთვის ცალკე ბინა არა მაქვს და რომ მქონდეს, ეს ოხერი ქურდები, ღმერთიც ამოაგდებს, თუ თვალიდან მოიშორე საქონელი, აგაცლიან და მერე ირიკავენ. ეს ხარი რომ მომპარონ, ამას მარჯვენა ხელი მომჭრან მირჩვენია... ფაცხა კი მიდგა ერთი, მარა ერთობ პატარაა და ცოტა ფუჩხასაც * აქ ვამზადებთ, — მოუბოდიშა ნიკოიამ.

— სუ, შე კაცო, ბოდიში რა საჭიროა. მე კი ვარ დამნაშავე, შეგაწუხებთ ამაღამ, არ დამიჯერე, თორემ არ მოვიცდიდი.

— როგორ გეკადრება, ბატონო. ჰხედავთ, როგორ ჩქარა დაღამდა პატივისცემას სხვაგან კი უკეთესს იშოვნინდი, მარა აქაც, როგორც იქნას, ღამე გეითიეთ და მერე...

— რაც გთხოვე, ის მომიხერხე და თუ გინდა ამაღამ მინდვრად დაეწევი.

— გარეთ დაწოლს ღმერთმა დაგიფაროს, ბატონო, მოვასწრებთ ყოველისფერს, — თავმდაბლა მიუგო ნიკოიამ.

* ფუჩხა—ნამცეცი, იგულისხმება კერძი.

— მობრძანდი, ნიკოია, ერთი ამ ცეცხლის პირად დაბრძანდი, ერთი მოვილაპარაკოთ, თუ კაცი ხარ!

— კი, ბატონო, — დინჯად მიუგო ნიკოიამ, ერთი უკანა კარი-საკენ გაიხედა, თითქო ვიღაცას უცდისო, მერე კარი მოკეტა და კერის მეორე მხარეს კველაზე ჩამოჯდა.

— ბატონო! — თითქო რაღაც გაახსენდაო, წამოიძახა ნიკოიამ. — თქვენ რომ მოგაცილათ, ის კაცი სიით წავიდა?

— თუთუნის საყიდლად გავგზავნე. აქ ახლოს სადღაც დუქანიაო.

— ო! კარგი დაგემართოს... მგონი, ბატონო, კვამლი გაწუხებთ, თქვენ ბუხარს ჩვეული იქნებით, — ნიკოიამ მუგუზლები რიგზედ დააწყო და ცეცხლს შეუბერა. ცეცხლისაგან ალი ავარდა და ორივენი საკმაოდ გაანათა.

ნიკოია თოხიტარია იყო ასე ორმოცდათხუთმეტი წლის კაცი, საშუალო ტანის, წვერულვამიანი, ხანზე უფრო მოხუცად გამოიყურებოდა. თვალ-წარბი გიშერივით შავი ჰქონდა, ცხვირი დიდი. თავი ძველი ბაშლაყით ისე ჰქონდა შეხვეული, რომ შუბლი არც კი უჩანდა.

ნიკოიამ ჯიბიდან დაწნული თუთუნის ნაჭერი ამოიღო და მარცხენა ხელში დაიჭირა, მერე ქარქაშიდან, რომელიც სარტყელზე ეკიდა, კარგა მოზრდილი, თხის რქის ტარიანი დანა ამოიღო და თამბაქოს წვრილ-წვრილად ქრას შეუდგა.

ამასობაში წინა კარი გაიღო და თემა ბოქოკია შემოვიდა. ერთი მისი შეხედვა კაცს დაარწმუნებდა, რომ მეტი სახელი კუდა მასზე ზედგამოჭრილი იყო. ის გახლდათ საშუალო ტანისა, მოსუსტო აგებულობის, წვრილი მხარბეჭიანი და ისე სასაცილოდ შეკერილი, აწ უკვე დაფლეთილი მოკლე ჩოხა ეცვა, რომ სიტყვა კუდა ძალაუნებურად გაუბრუნდა კაცს თავში. დაუმატეთ ამას მისი მოგრძო პირისახე, პატარა, ეშმაკური თვალები, პაჭუა ცხვირი, თხელი წვერ-ულვაში და რაღაცნაირი ფლიდური გამომეტყველება. მისი მუდამ დამცინავი თვალები, თან „ჰოვო“ და თან „არაო“ ამბობენ. სევანური, თავწვეტიანი ნაბდის ქუდი აგვირგვინებდა მის მოგრძო, პატარა თავს.

— შე კაცო, შენ სახლში წახვედი მეგონა და ისე მეწყინა, რომე... ერთი-ორი ლუკმა ერთად რომ შევკამოთ, რა იქნება, — შემოსვლისთანავე მიაძახა ნიკოიამ თემას, თან ხელი გაივლო და ქამარში ჩარქობილი ყალიონი ამოიღო, ტარი პირში ჩაიღო და დაუფშვრიტინა. საუბედუროდ, ყალიონის ტარის მილი რიგიანი სუფთა არ აღმოჩნ-

და, რადგან სულის ჩაბერვის დროს შვრიტინის მაგიერ მძიმედ დაიჭყრიპინა. სხვა დროს ნიკოია ეცდებოდა ისლის სახვრით მილიდან ჭუჭყი მოეშორებინა, მაგრამ ახლა სტუმრის მორიდებისათვის ისე დატოვა, ყალიონი თუთუნით გატენა და ზედ ცეცხლი დაადო.

— მომიტანე თუთუნი? კარგია? — შეეკითხა კონსტანტინე თემას.

— მოტანით მოგიტანე, მაგრამ რა ვიცი, როგორ მოგეწონებათ, სერეღინი, თქვენ რომ დამაბარეთ, არა ჰქონდა. ესეც კარგია, კერეპკიოა, მითხრა. — ამ სიტყვებით კულამ ქალაღღში გახვეული დაჭრილი თუთუნი გადასცა კონსტანტინეს.

კონსტანტინემ ცეცხლის პირად მიატანა და უკმაყოფილოდ თავი ჩაიქნია.

— არ ყოფილა კარგი თქვენი ღუქანი, ეს სულ უკანასკნელი ზორტის თამბაქოა.

— აბა, ამნაირი უვარგისი საქონელის ყიდვით არ კეთდებიან ჩვენი ვაჭრები? — თქვა თემამ.

— კეთდებიან? შენს მტერს ღმერთი გაუწყრა! — ჩაილაპარაკა ნიკოიამ. — კეთდებიან კი არა, გააღებენ სოფელში ღუქანს; მოიტანენ საცა რამ ნაყარი და ბარკი საქონელა. წარმოიდგინე, თითქმის ნავთსაც წყალს ურევენ. ცხრა კაპიკიან ნავთს სამშაურზე ნაკლებ არ ყიდიან... მაგრამ გაივლის რამდენიმე ხანი და ღუქანი იკეტება, ვაჭრობა იფუშება. რა ამბავია, რა მოხდაო, იკითხავთ. განა სოფელში შეიძლება ცხოვრებო? — მოგიგებენ. ხალხი გაუტანელია, არაფერს ყიდულობს, სულ ქალაქისკენ და იარმუკისკენ ეჩქარება, თუ იყიდა რამე, ისიც ნისიად და ღუქანი გაკოტრდაო.

— ხი, ხი, ხი, — ჩაიციანა სტუმარმა. მწვანე ქალაღღი თამბაქოს მოახნია, თამბაქოს უსუნა და სახე საზარლად დაიჭმიხა, მერე ჭიბიდან ოქროს ძაფით მოქსოვილი ქისა ამოიღო, შიგ თამბაქო ჩაყარა და ქალაღღი ცეცხლში შეაგდო.

— სულ გადაჩხრიკა, ბატონო, ღუქანი, მაგრამ ამაზე უკეთესი ვერ იპოვნა, — დაიწყო თავის მართლება კულამ, რომელიც ჯერ კიდევ ფეხზე იღვა.

— შენ რა ბრალი გაქვს, კაცო, მადლობელი ვარ, გაგსარჯე. მოდი აქ, ცეცხლთან დაჯექი, — სიცილით მიუგო სტუმარმა.

— ჰო, თემა, აქეთ, აქეთ, შენი ჭირიმე, — მიიპატიჟა ნიკოიამ, — ის ბიჭიც რომ არ მოვიდა, — ცოტა გულშეწუხებულად დაუმატა მან, — ამისთანა უცხო სტუმართან ბნელაში ვზივართ.

— საცალაა ისიც მოვა, — მიუგო თემამ. — ზურაბის კიშკართან შეხვდა, იქით მიდიოდა ბოთლიანად.

— მე შინ არ ვიყავი და ამ უბედურებს აღრე არ გაუგზავნიათ, ხომ მოგეხსენება, ბატონო, უქალო ოჯახი.

— თქვენ, ნიკოია, ცოლი არა გყავთ? — ჰკითხა სტუმარმა.

— არა, ბატონო, აგერ მესამე წელიწადია.

— მაშ საკმელს ვინ გიყვებთ?

— მყავს ერთი ძღაბი, ასე, ცამეტი წლისა, და მოხუცი დედა, მაგრამ ახლა ტვინგამორეკილია, იქით არის სასამსახურო.

— ჰა, ცული კი არის ოხერი, ასეთ... — კონსტანტინემ ნიკოიას შეხედა, ასეთ ახალგაზრდობაშიო, კინალამ წამოცდა, — ასეთ მხნეობაში ცოლის დაკარგვა.

— აბა, საწყალი სუსანა რა ქალი იყო, რა ქალი იყო, — გულმწუხარედ წარმოთქვა კვლამ და ისეთი, ვითომდა მოწყენილი სახე მიიღო, რომ კონსტანტინემ ძლივს შეიმავრა თავი, რომ არ გადაეხარხარა.

ცოტა ხანს სიჩუმე ჩამოვარდა. სტუმარმა ისევ კუდასკენ მიიხედა, თუმცა ის ახლა ჩვეულებრივ იყურებოდა, მაგრამ მისი ამ რამოდენიმე ხნის წინეთი სახე გაახსენდა და ხელახლა სიცილი მოაწვა და რომ რამეზე გადაეკეთებინა, ნიკოიას ჰკითხა:

— ა, ნიკო? მაშ კოტრდებიან ვაჭრები და სოფელს აბრალევენ?

— სოფელს, შენ არ მომიკვდე, სულ უბრალოდ, განა ქალაქში სიარული ვის უხარია, განსაკუთრებით წვიმა-აგდარში, აი თუ გინდა ზუგდიდში, აქედან ზუგდიდამდე თუთხმეტი ვერსტი იქნება, მარა, ღმერთმა დაგიფაროს! ისეთი ტალახია გზაზედ, რომ ბედაური ვერ გააწევს. ისეთი ადგილებიც არის, რომ რაც გინდა კარგი ცხენი იყოს, მაინც ალაღბედია უვნებლად თავის გაღწევა. რამდენჯერ მინახავს ტალახში ჩაფლულ ცხენს ნიჩბებით სთხრიდნენ ამისთანა გზაზე სიარული ვის უხარია, ბატონო, მარა, რას იზამ. სამაგიეროდ, იქ უკეთეს საქონელს იყიდი და უფრო იაფად, თუმცა ესენიც ფიცულობენ, რომ რიგიანი საქონელი გვაქვსო, თქვენო თუთუნისა არ იყოს.

კონსტანტინე ახალ მოტანილ თუთუნს ეწეოდა.

— უი, შე კაცო! ამაზე უსაძაგლესი ჯერ პირში არ ჩამიდვია. უკანასკნელი სორტიც მომიწვია, მაგრამ ამისთანა?.. — კბილების კრაქუნით თქვა კონსტანტინემ და თავი დააქნია.

— აქაური მელუქნეები, ბატონო, — განაგრძო ნიკოიამ, — სი-

მინდსაც ყიდულობდნენ, მაგრამ რათ გინდა, იმათი ქილა* რომ ნახო, ბატონო, რაც გინდა იყოს, თოთხმეტ ოყაზე ზევით არ უნდა ავიდეს კალონით, როგორც მოგეხსენებათ, ფუთი ცამეტი ოყაა. ზედმეტ ერთ ოყასაც შენი ჭირი წაუღია. ამას ვინ ოხერი იტყვის, მაგრამ როცა ის კაცი წამოუწვევს ისეთ ბუყუნს**, რომელშიაც ჩვიდმეტ-თექვსმეტი ოყა გამოვა, როგორც გინდა, ისე ილაპარაკე, თუ ძლიერ არ გიჭირს, ისევ ქალაქისაკენ უნდა გაიქცე.

— ე! ნიკო, ქალაქშიაც ქე არის მოტყუება,— შენიშნა სტუმარმა.

— იცოცხლე, რომ იქაც იყოს, მაგრამ იქ ქემანც, ბატონო, ლამაზად ატყუებენ, ბუყუნს კი თვალითაც არ გაჩვენებს ი კაცი. სასწორია გამართული, თუმცა მე იმ სასწორისა ვერაფერი გავიგე. ერთი მხრივ ათი გირვანქა დააწყო იმ კაცმა და მეუბნება, ეს ას გირვანქას იწონისო. — კაცო, ეს ათია-მეთქი. — ეი, შე გამოყრუებულო, შენ რა იცი, ეს ზაგრანიჩნი სასწორია. ფართხუნია წამწამაძე კი იმის მაგივრად, რა ქვია ბალანგარს... ბუბლიკასავით თავი რომ აქვს... რკინის რომ არწს, ბურთივით ოწონალი.

— გირზე ხომ არ ამბობ! — დაეხმარა კონსტანტინე.

— ჰო, ჰო, ერთი თუ რაცხა ცოდვის გადიდებია, ფართხუნია იმის მაგივრად ქვებსა ხმარობს.

— ეს რა არის, კაცო, ქვები რა ამბავია-მეთქი?

— სულ ერთია, ესეც გირისთან შესწორებულაო, ცოლ-შვილი იფიცა.

— იქაც იპარავენ, მართალია, მაგრამ ფუთზედ ორ-სამ გირვანქას მოიპარავს ი კაცი და აქ კი ქილაზედ სამი-ოთხი ოყა ერთობ ბევრია, ბატონო!

— ჰო, იქაც ხანდისხან, ნიკოია, ისეთს ამოუსობენ, რომ, — ჩაერია კუდა.

— ხანდისხან რა ვუყოთ! აქ კი სულ! აი გუშინწინ, ჩვენ კინტირია ვაჭარს სიმინდი მივუტანე. აქ ორჯერ დავზომე. ჩემი ქილა ნამდვილი სადადიო ქილაა, ორ-ორი ხუ*** კიდევ მივუმატე, წავუღე კინტირისას, ჩავყარე იმის ქილაში, ორი თითი დააკლდა. ეს ქილა არ არისო.

— ნუ მაწვალე, არა მცალია-მეთქი. ცოფიანმა ხომ არ გიკბინა, სულელი ხომ არა ხარო, ასე ნახევარფუთები თუ ვიყიდე ფუთის

* ქილა—ფუთი.

** ბუყუნი—კოდი.

*** ხუ — პეშვი.

ანგარიშში, მართლა აშენდება ჩემი ოჯახიო. ცოტა ხანი ქე ვუყურე, იქნება გონს მოვიდეს-მეთქი; მერე კი, სიმინდი ისევ ტომარაში ჩაეყარე. მოვიკიდე ზურგზე და წასვლა დავაპირე.—სად მიდიხარ,— მკითხა. — აქეთ, შენი ჭირიმე, ბაზრისკენ-მეთქი, თითქო სულაც არ შევსულიყავი მის ღუქანში. — მებრალები, ტყუილ-უბრალოდ დროს კარგავო! — რა გაეწყობა, ღვთის წერაა ყველაფერი-მეთქი. ბაზარში ფართხუნია აწონა. თვალეში შევატყე, რომ ტყუოდა. — რამდენია შენი ფიქრითო, — მკითხა. მეც, რა თქმა უნდა, ცოტა გაგებრე: ქილანახევარს ცოტა აკლია-მეთქი — იქით! ნუ ტყლიო. — მამ ცოლ-შვილი ნუ მოგიკვდება, რამდენი იქნება-მეთქი. — სამი სანარების მადლმა, ფუთხედ სამი გირვანქით არის მეტიო. მე ვითომ ცოტა ხანს გავაჭირე, მაგრამ, რასაკვირველია, მიყვიდე. ახლა შეაღარე....

— კაცო, ასე თქვენთან ყოფილა, თორემ ჩვენთან სულ სწორე-ღაა.

— აი, აი, ბატონო კორსანტელი, — სიცილით გააწყვეტინა ნიკოიამ, — თქვენ ვეზღაშიაც * ვიცი, გამოტყდით, ბატონო, ალბათ თქვენ ვაჭრობთ და იმიტომ.

— ხა, ხა, ხა, — გადაიხარხარა ტომბაშვილმა. — არ დაგენიზლავები. შენ, გეტყობა, გაგებული და დაკვირვებული კაცი ყოფილხარ. ყველგან არის ეშმაკობა, ჩემო ნიკოლა... ეჭვ, ეჭი, — ამოიჭმინა სტუმარმა, — მაგრამ ერთი ეს მითხარი: თუ ამდენად ატყუებენ წონაში, რატომ ამდენ ხანს არ გაკეთდნენ თქვენი ვაჭრები?

— ე! შენი სიმრთელე და გახარება! კეთდება? ჩვენი კაცი განა გაკეთდება? რა გააკეთებს, შენი ჭირიმე! ეშმაკის მოტანილს ისევ ეშმაკი წაიღებს. სანამ ჩვენს კაცს თავმომწონეობით და ამაყობით წელი მომტვრეული აქვს, მისი გაკეთება შეუძლებელია. ახლა თქვენ რომ თუთუნი მოატანიხეთ, იმ ღუქანში, ბატონო, ხუთი-ექვსი წელიწადია ოთხი ვაჭარი გამოიცვალა. რატომ? იკითხავთ. — იმიტომ, შენი ჭირიმე, რომ თუ ქმარს გაყვა ვინმე ჩვენ სოფელში, მაყრად ისინია. ღუქანი კი დაუკეტელი. ვინმე ავად გახდა. ღამის სათევად პირველად ისინია, ვითომ ავადმყოფს ართობენ, ნამდვილად კი საარშიყოლ მიდიან. ატყდება ერთი სიმღერა, თვალ-წარბის ბზიკიაობა, ჩაჩურჩულება-ჩალაპარაკება, ხელისგულზე ღიტიანი, ბნელაში ჩუმად ფეხებით ლაპარაკი (ფეხებითაც ლაპარაკობენ, ბატონო!) ამას ზედ სხვა ღვთის წყრომაც დაერთვის, შენი ჭირიმე, და ამისთანებს მოცლა

* ვეზღა—მაზრა.

და დროს დაკარგვა უნდა და, რასაკვირველია, ვაჭრობა და მაგვარები ერთად არ შეიძლება. სიმინდს თუ არჩევენ შემოდგომაზე, თუ ქალები არის, — ვაჭარსაც აქ ნახავ და, რა თქმა უნდა, რა გინდ ძვირად ყიდო და იცუღლუტო, ხეირი მაინც არა დარჩება რა. აკი მოგახსენეთ, ხუთ წელიწადში ოთხი ვაჭარი გამოიცვალა. ეს კინტირია კი, ცოდვა არ უნდა ვთქვა, გვარიან ჭკუიანად არის ჯერჯერობით, თუ ესეც არ გადარია ქალებმა, თორემ, მოსეია, ოსეია და გარსევანა ზედიზედ გაკოტრდნენ.

ნიკოიას კიდევ უნდოდა რაღაცა ეთქვა, ისეთი სახე მიიღო და ტუჩებიც ოღნავ გაალო, რომ უკანა კარები აკრიჭინდა და შემოვიდა ურთი შვიდი-რვა წლის ბიჭი. სახით ლამაზი, თმა უშნოდ გაკრეკილი, დიდრონი შავთვალწარბიანი; ბიჭი ჭუჭყიანი პერანგისა და მისი ამხანაგის ამარა იყო და წელზე უბრალო ღვედი ერტყა. თავზე არაფერი ეხურა, ფეხშიშველი იყო. ხელში ყელზე ბაწარმობმული შავი ლუდის ბოთლი ეჭირა. ბიჭი პირდაპირ ნიკოიასთან მივიდა.

— ა, ბაბა, ივანემ მოიტანა ზეთი, — წყნარა უთხრა ბიჭმა, — კოჭობინა * საჭრაქეზე დგასო გაიანემ და შენ ჩაასხიო.

— კარგი, შვილო, კარგი, — წყნარად მიუგო მამამ, — აბა ერთი ის კოჭობინა მომიძებნე!

ბიჭი მაშინვე გაექანა კუთხეში და საჩქაროდ ჭრაქი მოძებნა. ეს ჭრაქი, ან როგორც ნიკოია ეძახდა კოჭობინა, გახლდათ თუნუქის პატარა ჭურჭელი, რომელსაც ვიწრო ყელში გაყრილი ჭქონდა ვიწროვე თუნუქის მილი ბამბის პატრუქისათვის. კოჭობინაში ნავთს ჩაასხამდნენ, პატრუქს ამოსწევდნენ, მოუკიდებდნენ და ანათებდა.

რასაკვირველია, ამნაირი ლამაზი ძლიერ მურავდა და საძაგელი სუნიც ჭქონდა, მაგრამ რა გაეწყობოდა! ნიკოიას აზრით ესეც დიდი ბედნიერება იყო კაცობრიობის განათლებისათვის იმასთან შედარებით, რაც მას ენახა.

ნიკოიამ კოჭობინა მოაწყო, მოუკიდა და ხის მალაღ დასადგმელზე დადგა. ჭრაქმა მართლა შედარებით გვარიანად გაანათა სახლი.

— შენი შვილია ესეც? — ჰკითხა სტუმარმა.

— დიახ, ბატონო, ეს უმცროსი განლავს. ობლად დარჩა საბრალო. სულ პატარა იყო, დედა რომ მოუკვდა. ჩემი ხელით გაზრდილი და ძლიერაც მიყვარს.

— კაი ბიჭი გყოლია, სახელი რა ჰქვია?

— ფარნა, ბატონო!

ფარნამ მორცხვად თავი დაღუნა. მამის ახლო გაქვავებული იდგა.

* კოჭობინა—ჭრაქი.

ცოტა ხნის შემდეგ სახლში ნიკოიას დანარჩენი შვილებიც შემოვიდნენ: პეტრე, ივანე, ათანასე. ყველანი ძლიერ ჰგავდნენ ერთმანეთს და სალი აგებულობისანი იყვნენ. ივანეს ძლივძლივს ამოდოდა წვერ-ულვაში და ათანასე ასე თხუთმეტ-თექვსმეტი წლისა იქნებოდა.

— რა კარგი შვილები გყოლია, ნიკოია, — აღტაცებით წარმოთქვა სტუმარმა, როცა ისინი ნანის აქეთ-იქით კერის პირად ჩამოსხდნენ.

— მადლობელი ვარ, შენი ქირიმე, — თავდაბლა მიუგო ნიკოიამ, — მე კი არა, ღმერთსა ჰყავს. თუ ღმერთმა მაჩუქა, ვინ იცის, ეგება სიღარიბისაგან გამომიყვანონ. კაცისაგან დასჯილი ვარ და ღმერთმა ეგების არ მომიძულოს.

უკანა კარი ისევ აპრიკინდა. ათანასე გაექანა, კარი ოდნავ გააღო და თავი გარეთ გამოყო.

— რა ამბავია, ბიჭო! — მიაძახა ნიკოიამ.

— არაფერი, — მიუგო ათანასემ, კარი ისევ დაკეტა და მორცხვად წაილაპარაკა: ვახშამი მზად არისო, ბაბა.

— დიდი უკაცრავად კი ვარ თქვენთან, თქვენისთანა უცხო სტუმართან, ბატონო, — დაიწყო ჩვეულებრივი იმერული ბოდიში ნიკოიამ, — მარა, ცოტა ხელი წავიბანოთ.

— რის უკაცრაოდ ხარ, შე კაცო, ის კი არა, თუ მკითხავ, მე ვარ უკაცრაოდ, რომ ამალამ შეგაწუხე!

— არა, შენი ქირიმე! ბაბა, ათანასე, გამოიტანეთ, თუ რამე გაქვთ.

— ერთი უნდა გითხრა, ნიკოია, — თქვა სტუმარმა.

— მეორეც ბრძანეთ, ბატონო.

— ჩვენ სხვადასხვა ლაპარაკს გადავყევით და რაც უფრო საპირო იყო ჩემთვის, ის კი დაგვავიწყდა.

— მოვასწრებთ, შენი ქირიმე.

— ჰა, მოვასწრებთ რას ჰქვია. დადიანმა იცოდო, ძველად, თურმე! თუ ვისმე სადილად ესტუმრებოდა, სადილის წინ საჩუქარს მოითხოვდა და რაც უნდა ძნელი და მოუხერხებელი ყოფილიყო მისი თხოვნა, უსათუოდ უნდა აესრულებინათ, წინააღმდეგ შემთხვევაში, სადილს არა სჭამდა, ხი, ხი, ხი.

— მართალია, ბატონო, — დაემოწმა ნიკოია, — იორდანე ცხვირ-წყვეტაძეს, მოგახსენებდნენ, კაი აზნაურიშვილი იყო, საუბედუროდ, ლამაზი ცოლი ჰყავდა. ერთხელ ბატონი ესტუმრა და სანამ წადილო არ აუსრულეს, არაფერი მიირთვა.

— ფუ! რა ღორული დროება ყოფილა, — ზიზღით წარმოთქვა პეტრემ.

— ეხ, რაც იყო, ხომ იყო, ჩემო ნიკოია. კარგი იყო თუ ავი, მოღბრუნებლად დაიკარგა. მე კი, სანამ რაზედ წამოვსულვარ არ გავათავებ, ვანშამი კი არა, თეთრი ოქრო არ მინდა.

— მოვასწრებთ, ბატონო, — გულშეუწუხებლად მიუგო ნიკოიამ.

— მოვასწრებთ საღაურია, შენც არ მომიკვლე იმის მეტი, აბა, პა, მითხარი, რომელ ბიჭს შეეღევი.

— ჩემთვის ყველა ერთნაირად საჭიროა, როგორც მოგეხსენებათ, ღარიბი კაცის ამბავი, მაგრამ... — ნიკოიამ გადახედა ბიჭებს, — აბა, შეიღებო, რომელი წაყვებით ამ ბატონს. თქვენ იცით, თუ არ შემარცხვენთ.

პეტრემ, ივანემ და ათანასემ ნელა ჩაიციინეს, ერთიც მამას შეხედეს, ერთიც კონსტანტინეს და ერთიც ერთმანეთს.

— წავლენ, რათ არ წავლენ, ამისთანა კაცთან. ქირას კარგს მისცემს და.. — გამოეხმაურა კულა.

— ქირაზე ნუ გეცოდები. ჩემი ამბავი აი თქვენს მეწისქვილეს, მაძინიას ჰკითხე თუ გინდა.

— არა, ბატონო, რა თქვენი საკადრისია, თქვენისთანა კაცთან ქირაზე არ მეშინია.

— მაშ მითხარი, თუ კაცი ხარ, ხუმრობა იქით იყოს. ოთხი დღეა, რაც ამ საქმეზე გადავსულვარ, ცხენიც მოვკალი საწყალი.

— თქვით, აბა, წიე? — ისევე მიუბრუნდა ნიკოია შეიღებს, — არა, რომელს გინდა წასვლა?

— ამდენს რათ აჰიანურებ, ბაბა, — მიუგო პეტრემ, — თუ მისცემ, კიდევ ივანე უნდა მისცე. ათანასე ჯერ პატარაა. აქ იყოს სჯობიან.

— ჰო! — დაფიქრდა ნიკოია, — ივანეს გავუშვებთ, დავრჩებით მე და შენ ყანაში. ათანასეც უნდა მოვიხმარიოთ, ჩვენ მარტო ვერას გავხდებით, — ნიკოიამ პირი დამუწა, ყალიონის ტარით უღვაშები გადაისწორა. — თხები კი, თხები ვინდა მწყემსოს? ჰო ბაბა! ჩემო პატარა ბაბა, — ხმამაღლა და გაგრძელებით წარმოთქვა ნიკოიამ და უმცროსი შვილისაკენ ღიმილით მიიხედა. — ჰო. ბაბა! თხები კი პატარა ბაბამ უნდა მწყემსოს! — მოხუცმა იმდენი ალერსით და გრძნობით წარმოთქვა ეს სიტყვები, რომ თვალები სიხარულის ცრემლებით ავესო.

— კარგი, კარგი, ბაბა, — მოისმა პატარა ფარნას ბავშვური ტი-

ტიკი, — მე ვმწყემსავ თხებს, მე ახლა არ მეშინია გუშინ ჩემი ნათლიას სახლიდან მარტო მოვედი. ეწერზე რომ მოვდიოდი, სულ ფაჩუნი, ხრიგინი ისმოდა. ტურა-მგელი იქნებოდა. არა, ბაბა? მე კინალამ შემეშინდა, ჩქარა გამოვირბინე.

ბავშვის ტიკტიკმა ყველა გააცინა.

— ყოჩაღ, ყოჩაღ შენ, მალადეცი ყოფილხარ, ხა, ხა, ხა, ხა, აი ასეთი უნდა ბიჭი, — მოუწონა სტუმარმა. — მოდი აქ, ჩემთან, მოდი, — ალერსიანად დაუმატა მან.

ფარნა თავჩაღუნული იდგა და ცალი თვალით სტუმრისაკენ იხედებოდა.

— მოდი აქ, მოდი, — მოეალერსა სტუმარი.

— მიდი, წიე, მიდი ბატონთან, — მიაძახეს ძმებმა.

ფარნა მორცხვად მიუახლოვდა სტუმარს.

კონსტანტინემ ახალოხის ჯიბეში ხელი ჩაიყო. თეთრი აბაზიანი ამოიღო და ხელში მისცა.

— მადლი, მადლი, შე მუტრუკო! — მიაძახა მამამ.

ფარნამ უიმისოდაც მორცხვად დაღუნული თავი დასწია, ფულს ხელი მოუჭირა და გაბრწყინებული თვალებიანი უკანა კარისაკენ გავარდა.

სახლში ოდნავ მოისმოდა ბავშვის აღტაცებული სიტყვები.

— ბები, ბები, აი მე სტუმარმა რა მომცა, ე...ე...ე! — ტიტინებდა ბავშვი და ხტოდა.

— მამ ივანე მოდის ჩემთან! ჩემო ივანე, შენ რას იტყვი? — მხიარულად დაეკითხა კონსტანტინე.

— უფროსების ნებაა, ბატონო, — თავმდაბლა მიუგო ივანემ.

— თქვე კაი კაცებო, გაათავეთ, რას აკიანჯრებთ. პეტრემ მართალი თქვა... ავი ივანე ამბობს უფროსების ნებააო, მე მთელი წლით მინდა ბიჭი. ჰა, მითხარით რამდენად მომცემთ?

— უთხარი, ბიჭო, — ჩაულაპარაკა ნიკომ პეტრეს.

— შენ უთხარი, ბაბა, მე რა...

— შენ, შენ, მე დავბერდი, შვილო, ახლა თქვენ იცით, ახალი ღროის კაცები თქვენა ხართ, — ვითომ და მწყურალად მიუგო მამამ და თეთრ წვერებზე ხელი ჩამოისვა.

— ტანისამოსი და ქალამანი ვისი იქნება, ბატონო? — წყნარად დაეკითხა პეტრე.

— როგორც გნებავეთ, ჩემი იყოს, — დინჯად და რიხიანად მიუგო კონსტანტინემ.

— რას უბოძებთ, ბატონო?

— ეს თქვენ მითხარით, თქვენ უკეთ იცით თქვენი ქირა. მე ვაქარი კაცი ვარ. ყოველთვის იაფად ვიყიდო და ძვირად გავყიდო. ის მინდა. ეს ვაჭრების თვისებაა. ჭერ თქვენ მითხარით.

— რა ვიცი, უთხარი, ბაბა! — მიმართა პეტრემ ნიკოიას.

ივანე კი თავჩაღუნული და განაბული იჯდა, თითქოს ასამართლებენ და განჩინების წაკითხვას უტდისო.

— ბევრი ლაპარაკით არ შეგაწუხებ, ბატონო, შვილი, ხომ იცით, რა სართია კაცისათვის და ჩემისთანა ღარიბისათვის, განსაკუთრებით:

— მომიჭერი, კაცო, სიტყვა, — გააწყვეტინა კონსტანტინემ. — მე ვაქარი ვარ, ხომ გითხარი, პოლიტიკა-ჩოლიტიკის მიბოლიშ-მიბოლიშების არაფერი ვიცი, ამაებს ვადა გაუვიდა, ბაბა, ახლა სხვა დროა, ახლა ანგარიშის დროა.

— მაშ გეტყვი, ეს ისეთი ბიჭია, რომ... თვითონ ნახავს ცოტა მოფერება ჭე უხდება. გულიანი კაცია და თუ ბევრი ელიჭინა კაცი, სულ არ ვარგა, მე კი ხუთი თუმნის ნაკლებ, ეს თქვენ რაცხა... დღე შეხვედრავს კაციო, რომ იტყვიან ისე, პირველ დანახვისთანავე შემოიყვარლით, თორემ სხვას არც ექვს თუმნად მივეცემ, მაძიჩემის სულს გეფიცები... რატომ და... ვამუშავებ აქ ჩვენთან, ახლო მეყოლება, სად სიმრთელე, სად ავადმყოფობა.

— ფიჭრი ნუ გაქვს, ავადმყოფობაში მეც კარგად მოვუვლი. ახლა, ჩემო ბაბა, ნიკოია, — ხმის დაწვეით გააგრძელა სტუმარმა, — ვაჭრულად რომ მოვიქცე, ახლა უნდა გევაჭრო. შენ ხუთი თუმანი მითხარი, მე სამი უნდა გითხრა. შენ არ დამეთანხმები. მეც უნდა ცოტა-ცოტა მოგიმატო, შენც ცოტ-ცოტა უკლო და ამდენ ღრიჭინ-ჭიჭყინში ტყუილად დრო წავა. არა, ჩემო ბაბაია, ერთს გეტყვი: ორმოცდახუთ მანეთს მოგცემ, ქალამანს და ტანისამოსს ჩავაცვამ.

— ცოდვაა, ბატონო, — კბილების ღრეჭით მიუგო ნიკოიამ.

— არა უშავს რა, გეყოფა.

— ორმოცდარვა მანც იყოს.

— კარგი, ბაბა, სირცხვილია, — ჩაილაპარაკა პეტრემ, — იყოს ორმოცდახუთად.

— აი, პეტრეც დამეთანხმა, — მხიარულად წარმოთქვა კონსტანტინემ. — ჩვენ სადღეხვალაოდ კი არ უნდა გვინდოდეს ერთმანეთი. დღეის იქით სულ სხვა უნდა ვიყოთ.

— იმედი მაქვს, ბატონო. აბა, ათანასე, ბაბა! გოგოს უშველე, თუ რამე გვაქვს, გამოატანინე.

ათანასე ვახშმის გაწყობას შეუდგა.

— მე ღიღხანს დავრჩი, ამ თქვენ ლაპარაკში გავერთე, — მოიბოლიშა კუდამ.

— სუ, თუ კაცი ხარ, თემა, — მიუგო ნიკოიამ. — ვივახშმოთ და მერე წაბრძანდით.

ივანემ ტაბაკი შემოიტანა, ხელი გადაუსვ-გადმოუსვა, მერე სული გადაუბერა და სტუმარს წინ დაუდგა. ტაბაკზე ცხელი ღომი ჩოგანით დააგეს. ტაბაკი კარგა გრძელი იყო, ასე რომ, კონსტანტინე, კუდა, ნიკოია და პეტრე თავისუფლად მოუსხდნენ ერთი მხრივ. ღობიოს თხელი შეჭამანდი ხის ჯამებზე იყო დასხმული. წვრილად დაჭრილი ფხლის წნილი ფაიფურის ჯამზე ელაგა და შუაში იდგა. ტაბაკზედ იდგა ერთი ჭიქა, რომელშიაც ათანასე დოქიდან ღვინოს ასხამდა. ვახშმის გაწყობაში მონაწილეობას იღებდა ნიკოიას ქალიშვილი გაიანეც, რომელმაც ნავახშმევეს სტუმრებს პირის გამოსარეცხი წყალიც მიუტანა.

ნიკოიამ მართალი თქვა, გაიანე ცამეტის წლისა იყო, თუმცა შესახედავად უფრო მეტისად მოჩანდა.

კონსტანტინეს ესამოვნა გაიანეს ნახვა. მისი ლამაზი და მსუქანი პირისახე და შნოიანი აგებულება გონებაში ჩაესახა, თვალები მხიარულად აუთამაშდა და ოღნავ აენტო. მან ის გრძნობა გამოიარა, რასაც გამოივლის ყოველი ადამიანი, მიუხედავად წოდებისა და მდგომარეობისა, ლამაზი ქალის დანახვაზე.

კუდამაც რაღაც განსაკუთრებით აათვალეირა გაიანე, თითქო ჰირველად ხედავსო, თუმცა როგორც არა შორეული მეზობელი მას წშირად ხედავდა.

IV

ნავახშმევეს კუდა გამოემშვიდობა მათ და შინ წავიდა. კონსტანტინეს ჭკუაში უჯდებოდა ნიკოიას შვილის დაქირავება და ამ სასიამოვნო ფიქრით გამოწვეული ტკბილი გრძნობის ქვეშ იმყოფებოდა და იმიტომ განსაკუთრებით მეგობრულად ჰკითხა ნიკოიას, როცა კუდა გავიდა:

— ეს თემა რა კაცია?

— რა კაცი იქნება, ბატონო, — ბოროტად უპასუხა ნიკოიამ.

— ისე, ვთქვათ, როგორი მუშაა, როგორი ხასიათისაა, ქონებით, საქონელ-პირატყვით და ამგვარი...

— ა, ბატონო, უბედურებაც ისაა, რომ მუშა არ არის. მაგისი ყანები რომ ნახო, სიცილით მოკვდები, სიმინდის ღეროს რამდენიმე გოჯ ბალახს მოაშორებს და სხვას ისე მიუშვებს. ამიტომ მისი ყანა უნაყოფოა. ამას თავი დავანებოთ. როცა სიმინდი ნორჩია, შორიდან შესახედავდაც სასაცილოა. ქაჩალი კაცის თავს ჰგავს. აქა-იქაა თონით ამოფხაჭნილი. იმან იცის მხოლოდ მაშველობა. თუ გინდა, თვეს თვეზედ გააცდენს, თუ სამაშველო იშოვნა.

— მაშ, კარგი მაშველობა იცის?

— ასე, სულ იმის ფიქრშია, ვინ ვის შერთოს.

— კაი ხელობა ჰქონია, ჩემო ძმაო, იმ კაცს.

— კაი ისე მოუჯა მაგის თავს... ბატონო, კითხვა სირცხვილი არაა, რაც არ იცი კაცმა, უნდა იკითხო.

— მიბრძანეთ.

— ბატონო, ლეტა-კარში თქვენი გვარი ბევრი სახლობს?

— არც მაინცდამაინც, იქნება ასე ათ მოსახლემდის.

— კაი დაგემართოს.

— ჩვენ არა გვიშავს რა, გვარიანად ვართ. მიწა-წყალი კარგად გვაქვს. კიდეც უქეთესად ვიქნებოდით, მაგრამ, ხომ იცი, ჩვენი კაცის დამლუბველი ავკაცობა. მერაბი ტომბაშვილი ხომ გაგიგონია, ის ჩემი ბიძა იყო.

— ო... ო!.. — გაიკვირვა ნიკოიამ.

— ის ჩემი ბიძა იყო. იმან კინალამ სულყველანი არ დაგვლუბა. რომ არ მოეკლათ, მთელ ჩვენ საცხოვრებელს დაანელებდა. ღვთისგან მოძღვლებული ქურდი და ავაზაკი იყო. ჩვენ, მე და ჩემი ძმა, პატარები ვიყავით და ის განაგებდა ყველაფერს. ერთ ბეწოზე გადაერჩით, თორემ ჩვენც თავის სამარცხვინო ხელობას დაგვა-სწავლიდა. საწყალმა ჩემმა გამზრდელმა გადაგვარჩინა. ღელ-მამა აღრე დაგვეხოცა, მაშინათვე გამზრდელმა თავის სახლში წაგვიყვანა, მეც და ჩემი უფროსი ძმაც, თორემ მერაბის სიახლოვეს რომ ვყოფილიყავით, შენი მტერი, ახლა ჩვენ ან ციმბირში ვიქნებოდით, ანდა მოგვკლავდნენ. თქვენი სოფლელი როსტომ მძებრაძე იყო დიდი მეგობარი ბიძაჩემისა. თქვენი მეწისქვილე მაძინიაც მაშინ მათ თან ახლდა და საჭირო კაცი იყო.

— უი, უი, მახსოვს, ახლა ქე მივხვდი! — წამოიძახა ნიკოიამ, — ახლა ქე ვიცი მერაბი ტომბაშვილი. მრისხანე შესახედავი კაცი იყო. პა, პა, პა, ის ერთ ღროს ქვეყანას აზანზარებდა. ერთი ბედი, თქვენ რომ იმას არ გეხვართ. — ამ სიტყვების შემდეგ ნიკოიამ ექვიანად დაუწყო მზერა კონსტანტინეს.

— ფიქრი ნუ გაქვს, ჩემო ნიკოია, მე სრულიად მენდევია. შენ რომ ექვობ, ის შორს არის!

— მართალია, ბატონო, მაგრამ ხომ მოგეხსენებათ ახლანდელი დროება, ძნელი სანდოა კაცი. ქვეყანა გაპადლეცებულია, ბატონო. მე იმდენი ტანჯვა, უსიამოვნება და მოტყუება გამომივილია, რომ ნდობა ყოველი კაცისადმი თითქმის დაკარგული მაქვს.

— ფიქრი ნუ გაქვს, გნებავეს ფულებს ახლავე მოგცემ. ვაჭარი კაცი ვარ. გაცვეთილი, ნახევრად მშვიერი აზნაურიშვილი არ გეგონო. აზნაური კი ვარ, მაგრამ მარტო აზნაურობამ ვერაფერი გამიკეთა. ორი დუქანი გვაქვს მე და ჩემს ძმას ფოთში. შენი ბიჭი თუ ჰქვიანი და მარჯვე გამოდგა, მე ვიცი და ჩემმა სინიდიძმა.

ნიკოიას სტუმრის უკანასკნელმა სიტყვებმა თვალები გაუბრწყინა. კაცისადმი ნდობა მას მართლა დაკარგული ჰქონდა, მაგრამ იმდენად გულწრფელად ლაპარაკობდა კონსტანტინე და გარეგნობაც იმდენად საიმედო ჰქონდა, რომ ნიკოია დარწმუნდა სტუმრის სიტყვების სიმართლეში. იქნება ჩემი შვილი ოდესმე ვაჭარი გახდესო, — გაუელვა სასიამოვნო ფიქრმა...

ცოტა ხანს სიჩუმე ჩამოვარდა. სახლში მარტო ნიკოია და კონსტანტინე იყვნენ. ნიკოიას შვილეზი ფაცხაში გავიდნენ. სიჩუმეს მარტო სტუმრის ცხენის ხრამუნი არღვევდა. ეტყობოდა ცხენი ძლიერ მშვიერი იყო; ხვრიტი-ხვრიტი გაუდიოდა სიმინდის ჩალას. ნიკოია ადგა, ცეცხლს ფიჩხი მიუმატა და მეორე მხრივ კველაზე დაჯდა.

— ერთი მითხარი, ნიკოია, — ჰკითხა სტუმარმა ცოტა სიჩუმის შემდეგ, — ეს შენი გვარი თოხიტარიები საიდან ხართ მოსული?

— ჩვენ, ბატონო, აქაური აზნაურების, მძებრაძეების ნაკაცარი არ ვახლავართ. (ნიკოია ამით ამაცობდა). ჩვენ, ბატონო, როგორც მოგახსენებ, ილორიდან მოვსულვართ. დაილოცა მისი სახელი, მისი მოსამსახურე ვყოფილვართ. იქ ჩვენ ძველს, უბედურს, რაღაც ცუდი საქმე ჩაუდენია და აქეთ გამოქცეულა. ძველად, როგორც უკეთ მოგეხსენებათ, თუ დამნაშავე ერთი სოფლიდან მეორეში გადავიდოდა, თავისუფალი იყო. ახლა კი, ბატონო, წებელიდან მოგიყვანენ, თუ მოიწადინა ვეზნაჩალიკმა. გამოქცეულა საწყალი და მოსულა აქ, აქ კი არა, ჯერ ხახუ აფხაძეს მიჰკედლებია. ხახუ აფხაძე ყოფილა მაშინ ზემოკენჭილში, დიდი თავადიშვილი. ჩვენი ძველის გვარი მაშინ თოხიტარია არა ყოფილა, სხვა ყოფილა რაღაც, პაპაჩემი იტყოდა, მაგრამ არ მახსოვს.

- — არც სახელი გახსოვს?

— სახელი კი, ბატონო, ბიჭია რქმევია. ეს ბიჭია კი მოწონებულ-
ლი ყოლიათ თურმე აფხაძის სახლში. მაშინ, ხომ მოგეხსენებათ,
ბატონობა იყო და ერთხელ თურმე უბრძანეს ბიჭიას ბონი გაე-
კეთებინა. აფხაძეებიც ილორის მლოცველები ყოფილან და ყოველ
წელიწადს ბონი უნდა გაეგზავნათ ხოლმე.

— ეს ბონი რაღაა, გამიგონია კი და არ ვიცი კარგად!

— ბონი, ბატონო, სწორად გათლილი ხეა, უღლის სიმსხო და
სიგრძე მრგვალად. გარეთ წითელ ალის ჩითს შემოაკრავდნენ და
მიჰქონდათ წმინდა გიორგთან შესაწირავად. დაილოცა მისი სახე-
ლი, — მოწიწებით თქვა ნიკოიამ. — ამ ბონის გაკეთება აფხაძემ
თურმე ბიჭიას მიანდო. ბატონს უნდოდა, ბონი მსხვილი გამო-
სულიყო, ბიჭიას კი ცოტა წვრილი გაეკეთებინა. თავად აფხაძეს და-
უთვალეირებია ახალგაკეთებული ბონი და არ მოსწონებია. ეს რა
გაგიკეთებია, ჩემო ბიჭია, ეს ბონი კი არა, თოხის ტარიაო?.. სხვა
მოსამსახურეებს სიცილი აუტეხიათ, ხომ იცით, სავსე ყოფილა
მაგის ოჯახი ყმებით. უსაქმო კაცებს სალაპარაკო და თავის შესა-
ქცევარი უშოვნიათ. ეს რა არის, ბიჭია, თოხის ტარიაო, გახუმრე-
ბია ერთი, მას მოჰყოლია მეორე: ბიჭია, თოხის ტარიაო, და ამნაი-
რად, იქით და იქით მისი გვარი სულ თოხიტარიაზე გადასულა.

ერთხელ, აფხაძეს თურმე შენი ბიჭიას გაყიდვა განუზრახავს.
ეს შეუტყვია საწყალს და გამოქცეულა მთავართან და იმას შეფარე-
ბია. მთავარი თურმე ემტერებოდა აფხაძეს და ბიჭიას მისვლა
ძლიერ გახარებია, მიუტია ადგილი და აქ ჰყონონაში დაუსახლებია

— ადგილ-მამული კარგად მიუტია?

— ახლა ვისაც აქვს, იმას აქვს, შენი ჭირიმე, თორემ რატომ
არა. აი დღეს რომ ბრძანებულხართ იმ წისქვილის სათავესთან, ისე
კუთხურად; აღმაცერად ძეგს მათი მიწა. კალონით მეც მქონდა
წილი, მარა მე გამომავდეს. ამ ერთი ბეწო მიწის მეოხებით მძებრა-
ძეებს წილში შეუვიდნენ და დღეს მზამზარეული ლუკმა აქვთ!

— შენ კი გაქვს, ნიკო, იმ ჰალაში მამული?

— ვაი, ჩემი ცოდვა იმაზე არაა, რომ წელან გაგახსენე კაცისა-
გან დასჯილი ვარ-მეთქი. ამდენი გამოცდილება სად იყო, ვის ჰქონ-
და! ასე ქვეყანა თუ ყირამალა გადატრიალდებოდა, ვინ მოელოდა!
მიწას ძველად ვინ აფასებდა. საცა გინდოდა, იქ მოხნავდი და და-
თესავდი, მოხნავდი კი? იმის ჭირი არ იყოს, რომ ქართული გურ-
თანს გაატარებდი! სად იყო, ბატონო, ან სახნისი, ან გახედნილი
ხარი. ხანში შესული კაცები სადმე მშრალ და ფერდო ალაგს ღომს
ან სიმინდს თოხით მიაჩხრეკავდნენ და მორჩა. ასაკით ოცი წელზედ

ნაკლებ კაცს ვინ ნახავდა მუშას! დაწვერულვაშებულნი ყაძახები ან ჰარკინს თამაშობდნენ უნიფხოდ, ან თხებს მწყემსდნენ... მიწას სადაც მინდოდა, იქ ვამუშავებდი, თუ შემეძლო. ამდენი საზღვრები ვინ გაიგონა? ვმუშაობდით მე და ბიძაჩემი სიმონიკა. ვაგინო, გინე-ბით რა გამოვა, რას ჩამოვრჩები. ღმერთმა, როგორც ემართლებოდეს, ისე მიაგოს! ვმუშაობდით ერთად, სახლშიაც ვცხოვრობდით ერთად. ბოლოს, როცა უსტავნი ღრამანტააო დაიძახეს, წავიდა სიმონიკა, უფროსი ის იყო და თურმე რაც კაი ადგილები იყო ჩვენი, ორივესი ნატეხი, თვითონ თავისთვის ჩაეწერა და რაც ხრიაკი და უნაყოფო, — ჩემთვის. აბა, მე რა ვიცოდი, რა ძალა ჰქონდა ღრამანტას. ამასაც არ დამჭერდა. დამიდგა შარები, მომიგონა ქორები და სახლიდან გამომავლო. ცოლ-შვილის პატრონი კაცი. სამი შვილი მყავდა. ერთი ქალი იყო უფროსი, — მომიკვდა უბედური, — და პეტრე და ივანე. ივანე მაშინ პატარა იყო. ბატონყმობა რომ გადავიდა, ბოტონო, სწორედ იმ წელს დაიბადა ივანე, ახლა, ბატონო, რამდენი წლის ყოფილა ივანე?

— ბატონყმობა ჩვენში რომ გადავიდა, იმ წელს დაიბადა? — დაეკითხა კონსტანტინე.

— დიახ, ბატონო!

კონსტანტინემ ჩუმ-ჩუმად ლაპარაკი დაიწყო და თან ხელის თითებს ზედიზედ ჰკეცავდა. „ოთხი... ათი... თოთხმეტი... თხუთმეტი, ჩვიდმეტი... თვრამეტი...“, ისევე გაიმეორა და მერე ნიკოიას მიუბრუნდა:

— სამოცდა ექვსში იყო ხომ, ბატონყმობის გარდასვლა?

— რა ვიცი, ბატონო, რომელში იყო. მე ამდენი ქორონიკონი ვინ მასწავლა!

— ჰო, სამოცდაექვსში იყო და ახლა მას აქეთ თვრამეტი წელიწადი გავიდა და მაშ, ივანე თვრამეტის წლისა ყოფილა.

— თო! დაბერებულა, ყვე, დიდება შენდა, რა ერთ წუთს გადის ეს წელიწადი, შენი ჳირიმე, გუშინ იყო, მგონია... მერე, ბატონო, იმას მოგახსენებდით: დავრჩი ღვთის ანაბარა, გამოვიღე ხელი, მაგრამ რას გახდებო... სახლი მე არა მქონდა, ხარი მე არა მყავდა, მიწა, სახნავ-სათესი რიგიანი მე არა მქონდა, შვილი მოჳიშე მე არა მყავდა! რა უნდა მექნა? ბრალი კი ყოველისფერში მე მქონდა. სიმონიკასთან რომ ვცხოვრობდით! დღე და ღამე ერთად მიგვაჩნდა ცოლ-ქმარს, ისე ვმრობობდით! ის კი არა, სიმონიკამ დანინარჩუნა ყოველისფერი და ჩვენ კი ღვთის ანაბარა დაგვტოვა. რა მცირეწლოვანი ვიყავი მე მამაძალდი, — თითქმის მიაყვირა ნიკოიამ, — ცოლი რომ

შევირთე, მაშინათვე გაეყოფილიყავ მაგისგან. ჩემთვის მეშრომნა, რა უჭირდა! მას აქეთ ვიტანჯე, სიმშილი, წყურვილი, სიტიტველ და აი რასაც ჰხედავთ, ძლივს-ძლივს კვამლი გაუშვი. ბალნებიც, საცოდავები, როგორც არის, მომესწრნენ. ერთი ორი წელიწადი ჭია, სიმინდი წლიდან წლამდის მყოფნის და ცოტას გასაყიდადაც ვრჩები. ჩემი მიწები ნაყოფიერი არ არის, მაგრამ ვართმევ სხვას ქალას სანახევროდ, ძნელია, ორკეცი შრომაა, მაგრამ რას ვიზამ. ხუთი წელიწადი, ბატონო, სახლი არ მედგა და სასიმინდეს ქვეშ გავატარე. ახლა კი ცოტა რომ მოვჯობინდი, საწყალი ქალი მომიკვდა, ერთი თეთრი დღე, რომ იტყვიან, არ უნახავს უბედურს, სულ შრომა და ჯახრიკში გაატარა გამწარებული სიცოცხლე.

— აცხონოს ღმერთმა! შვილები კი კარგები დაუტოვებია შენთვის. მართლა ცოდვა კი ყოფილხარ, მარა, რას იზამ, ჩემო ნიკოია, ქვეყანა ახლანდელ დროში სიყალბეზეა დაშენებული. ვინც გინდა იყოს, ბიძა კი არა, შვილიც, სუყველა ახლა თავის ჭკუისთვის ზრუნავს.

— ეხ! რაც იყო, იყო. ღმერთი ახლა ბალნებს რომ მიცოცხლებდეს, ბევრიც ვინაღვლო, რას გავაწყობ... ის წისკვილი ძლიერ გულსა მწევას.

— შენ, ნიკო, ბევრს რასმეს მოსწრებიხარ, ეტყობა. აქ ხომ სასახლე იყო? — ცნობისმოყვარული კილოთი დაეკითხა სტუმარი.

— ბევრს, ბევრს, ბატონო, რას არ მოვსწრებივარ. დაილოცა შენი სახელი, როგორ გამოიცვალა ქვეყანა. მამაჩემს, ბატონო, ჩემს ჯარდა შეილი არ დარჩენია, არც კი მახსოვს საწყალი როდის გარდაიცვალა. მე ობლად დავრჩი. ხომ იცი. ობლის საქმე, ყოველი კაცის საქაჩავებელი მე ვიყავი. ამასთანავე დროებაც ცუდი იყო. ახლა განათლდა, ბატონო, ქვეყანა, სინათლემ შემოაჰყიტა, კაცს არაფერი არ გაუჟვირდება, თორემ მე რომ მოვსწრებივარ, ვინ მოგცემდა ნებას ან სახლი გაგეკეთებინა, ან ხულა, ან მარანი, მაშინათვე ბატონი წაგართმევდა, ხელმწიფე თვითონ იყო. ცხენი ან უნაგირი, ან ხარი, ან ძროხა კარგი თუ სადმე გაჩნდებოდა, მისი იყო. ამას ბევრი ბოდში არ უნდოდა. თითქმის ცოლი... წარმოიდგინეთ, ლამაზი ცოლის ყოლაც საშიში იყო... დედა, დედა, მე რომ მინახავს, ის ენით არ გამოითქმება... — ნიკოია ცოტა ხანს დაფიქრდა და მერე განაგრძო: — მერე იმ ამოსაწყვეტ ქორ-მეძებრებს რომ უნდოდა ქათმები... ახლანდელ დროში, ქე მაინც ვადასახადს ზომა აქვსო, ბატონო, ზომა. რიგიანი პირნათელი თანამდებობის კაცები არა გვყავს, თორემ ვადაიხადე შენი ვალი და მოისვენე! მაშინ კი

არაფერს არ ჰქონდა ზომა. რასაც დაინახავდნენ შენს სახლში ხელმოსავლებელს, მოიტაცებდნენ და გააქანებდნენ ბატონის სახლში. სულ წმიდათ დაღუპული იყო აზნაურის კაცი, ბატონო. იმას თავისი ბატონი აზნაური ცალკე ემუქრებოდა, საერთო ბატონიც კალკე. აქეთ რომ ციხე მოჩანს, იქ იყო სასახლე. გალავანი შიგნით ოდებით იყო დარაბადებული, სახუცეცი იქ ცხოვრობდა და მოურავი. დივანბეგებიც იქ ბრძანდებოდნენ; მაგრამ ახლა უსამართლობამ გვერდები გამოუნგრია ციხეს და ოდების ნაფოტიც არ დარჩენილა. მარტო ერთი ბუხარია დგას ნახევრად დანგრეული.

ყოველ ცისმარე დღეს დადიოდნენ, ბატონო, ბოქვერები* და ჰკრეფდნენ: ქათმებს ღორებს, ცხვარს, კვერცხს. რასაც ხელმოსავლებდნენ, და მიჰქონდათ გაღმადღრის ოჯახში. საწყალი ერთი ბატონის მოჯალაბე იყო, ბებელია ერქვა, ხანდახან იმას გზავნიდნენ. ქათმების მოსაგროვებლად. ჰირივით ეჯავრებოდა საწყალს სხვისი შეწუხება, მაგრამ რა ექნა! ის თავის დღეში არ დამავიწყდება. წამოვიდოდა, გადადგებოდა ფერდობზე, გადმოძახებდა დიასახლისებს: „ნანაია, ნანაია, დაიჭირე, დაიჭირე, უსამართლო ოჯახი, უსამართლო ოჯახი...“ უსამართლო ოჯახისთვის მინდა, დედა-ქათამი დაიჭირეო.

უფრო ხშირად კი ლეჩხუმელები დადიოდნენ. ისინი კი ბევრს არ მოგერიდებოდნენ. ეზოში რომ შემოვიდოდნენ, გამარჯობის თქმის მაგივრად საქათმისაკენ გასწევდნენ და თუ რასმე ნახავდნენ, ლაპარაკი არ იყო საჭირო.

ერთ წელიწადს, ძლივს მახსოვს, არ მოგვეცეს საშველი, რაცხა აიჩემეს ჩვენი ოჯახი. ძალუაჩემი ადგა და სამი კრუხი საბუღარია-ნად ტყეში გადაიტანა, მამალიც იქვე ხეზედ ბაწრით მიაბა.

გაჩნდნენ ჩვეულებრივ მბოქველები. ერთ ლეჩხუმელს, მახსოვს, ფილიპე ერქვა.

— აბა დეიდა, ქათამი! — მოსელის უმალ მიაძახეს ძალუას. — აი, ბატონებო, — მწუხარედ მიუგო ძალუაჩემმა, — თქვენი თავი ნუ მომიკვდება, ჩემი ოტია ნუ მომიკვდება. ქათამი ჩემთან ვინ გაიგონა ახლა. უკანასკნელი დედალი გუშინწინ ქე მოგართვით, ხომ გახსოვთ, და ერთი წუხელ ნათლია მესტუმრა და იმას დაუეკალი. მეტი არა მყავს, დღევანდელი დღის მადლმა, არა, თქვენი თავის მზემ, თუ გინდათ, ნახეთ.

* ბოქვერები — მბოქველები.

ძალუაჩემი კარგად იცნობდა ლეჩხუმელებს, მაგრამ საუბედუროდ ისინიც კარგად იცნობდნენ ძალუაჩემს და მისი ფიცისა არა წაშლათ რა. იმათ მაშინათვე ეჭვი აიღეს მისი სიტყვების სიმართლეზე და საჩქაროდ საჩხრეკად გაექანენ: გაჩხრიკეს საქათმე, ფაცხა, აქეთ, იქით, ძველი ღომის საცხეველი ჩამურა, თუ ეგლოსადმე, მაგრამ არა და არა.... ვერაფერი იპოვნეს.

— მართლა არა ჰყოლია, კაცო, წავიდეთო, — უთხრა იმ მეორემ უილიპეს.

— კარგი, კარგიო, — ნაღვლიანად მიუგო მან და წასვლა გააპირა.

ძალუაჩემს გული დაუშვებდა და შვებით ამოისუნთქა. ამ დროს საეშმაკოდ ტყეში მამალმა ქე არ მიაყვილა! ხი, ხი, ხი.

— აი, აი, აი! — სიხარულით წამოიძახეს ლეჩხუმელებმა და სირბილით გაექანენ იქითკენ, საიდანაც მამლის ყვილი ისმოდა.

ცოტა ხნის შემდეგ. სამი დედალი და ერთი მამალი, ოთხივე გამოათრიეს. ყუთ... ყუთ... ყუთ... ჰყიოდა მამალი, თითქოს თავის შეცდომას გოდებდნენ. მაგრამ გვიანდა იყო სინანული.

— დედაია და დედაია. — მხიარულად დასძახა ფილიპემ ძალუას, — ერთს არ მაძლევდი და ოთხი ქე წამოვიყვანე... ბატონი ნუ მომიკვდება, ოთხი დღე არ მოვალ შენთან და...

ისინი ხუმრობდნენ და ძალუაჩემი კი, რო დაგეკლათ, წვეთი სისხლი არ წამოუვიდოდა. კიდეც კარგი, რომ მამაკაცები შინ არ იყვნენ. მე პატარა ვიყავი, თორემ უბედურება დატრიალდებოდა.

— ჰაი, სასწაული, — სიცილით მიუგო სტუმარმა, — რა ამბები ყოფილა, კაცო, მერე იშოვეთ ქათმები?

— ძალუამ სადღაც იშოვნა. მერე კი მოგეცა ღვთის წყალობა, ვისწავლეთ ჰკუა! ქათმებს ტყეში ვინახავდით, მე ვყარაჯლობდი და მამალსაც ხშირად ნისკარტს შევეუკრავდით, რომ არ დაეყვილა და თავისთავი არ გაეცა. ასე ვიტანჯებოდით, სანამ წიწილები ცოტა არ წამოიზარდებოდნენ და მერე რა გაეწყობოდა, ვაძლევდით თითო-თითოდ. ეჰ! ბატონო, დაწვრილებით სად წავა! ახლა ღმერთმა და ხენწიფემ ქვეყანა დააათლა, ჩვენ რომ ვვარგოდეთ...

— მოგაწყინეთ, ბატონო, დაისვენეთ, შენი ჰირიმე! — დაეკითხა ნიკოია სტუმარს.

კონსტანტინეს მართლაც ძილი ერეოდა და ცოტ-ცოტად მათვლემდა, თუმცა ცდილობდა ძილი დაემალა და თვალებს ძალზე

აღებდა. ნიკოიამ გოგოს დაუძახა და სტუმრისთვის ლოგინი დააგებინა.

მეორე დილას კონსტანტინემ ბეს სახით თუმანი დაუტოვა ნიკოიას, ივანე წინ გაიძლოლა და თავის სოფლისკენ გასწია.

V

აზნაური ბასილ მძებრაძე

აზნაური ბასილ მძებრაძის მოსახლეობა ს. ჭყონონაში მდინარე ჭანისწყლის პირად, ვაკეზე იყო გაშენებული. წარმოიდგინეთ რვაცხრა ქცევა მიწა, ხელისგულივით სწორი, ირგვლივ მაღალი ალვის ხეებით შემორგული, შუაში. ერთგვარი ოთხთვალა ოდა, რომლის მსგავსი ხშირია სამეგრელოში, ყავრით დახურული, წინ გასწვრით აივნიანი, ქაზრაკით მრგვალად დათლილი რიკულებით და ლამაზი, ექვსთვალაიანი ფანჯრებით. ოდის წინ, ეზოში, მაღალი ბალახი, კოლინდარი იყო დათესილი და აქა-იქ არეულად იღვარამდენიმე ძირი ხეხილი: მსხალი, ვაშლი, სხვადასხვა ჯიშის ატამი, ქლიავი და სხვა... ოდის გვერდით კარგა მოზრდილი განის სახლი იღვა, ისლით დახურული და მის უკან ცოტა მოშორებით, ორი სასიმიინდე, — ერთი მოდილო და მეორე შუათანა, ორივე ყავრით დახურული. ოდის პირი ჩრდილოეთისკენ იყო მიქცეული და მარცხნივ, ე. ი. დასავლეთისაკენ, ოდიდან ასე ოცდახუთი საყენის სიშორეზე ბელელი იღვა ერთთვალა, სქელი და მკვიდრი მუხის ფიცრებისაგან გაკეთებული, რომელსაც წინა კედლის შუაგულ ჭქონდა გამოჭრილი. პატარა კარი, რომელშიაც კაცი მხოლოდ ზედ გადაჩოჩვით შევიდოდა.

როგორც ეზო და სხვადასხვა შენობანი, აგრეთვე ოჯახის მორთულობა ადგილობრივ ცხოვრების მცოდნე პირს აშკარად ეუბნებოდა, რომ ბასილი არ იყო პირველხარისხოვანი მდიდარი, მაგრამ ღარიბებშიაც არ ჩაითვლებოდა. მდიდარი არ იყო, ე. ი. საფანტავი ფულები არა ჭქონდა, მაგრამ ღარიბიც არ იყო. ე. ი. ჯერ ერთი, რომ თვითონ არ მუშაობდა, ისე შეეძლო თავის მამულში შემოსული სიმიინდით წლის განმავლობაში უდარდელად გამოკვებლიყო და სამას-ოთხასი ფუთი სიმიინდი გაეყიდა. თავის მამულშივე შემოსული იზაბელას ღვინო წლითიწლობამდის არხეინად ყოფნიდა, ყოველდღე, სადილ-ვახშმად თითო ბოთლის ხმარებით და დღესასწაულებში კი ჩვეულებრივ ყოველ შობა-ახალწელიწად-

ნათლილებას თითო გასუქებულ ღორს ჰკლავდა და ადდგომას ან ხბოს ან ორ-სამ ბატყანს მაინც. სამი ჩოხა უზურში ჰქონდა, ერთი სულ ახალი, მეორე მოძველო და მესამე საშინაო; ერთი საგარეო, მეორე წირვაზე წასასვლელი, ან სადმე სოფელ შიგნით და მესამე — ძველი, სახელოებჩახეული. ერთი მაღალყელიანი ჩექმა ჰქონდა, ორი სამოგვის წულა, ერთი შინაურულად აბრეშუმის ძაფით შეკერილი და მეორე ხარაზის შეკერილი, ქართულად. ხანდახან, ზამთარში, უბრალო მოუშადებელ ტყავისაგან შეკერილ ქალანასაც ჩაიცვამდა ხოლმე საშინაოდ. მასრები, ქამარ-ხანჯალი და ხმალი რიგიანი ჰქონდა, როგორც ეკადრებოდა მის ღირსების, ტახტის აზნაურიშვილს, როგორც ეძახდა თავისთავს. ხან სამი, ხან ორი და ხან ერთი ცხენი ხომ მიუცილებლად ჰყავდა უნაგირიანად.

მეორე ისა, რომ ხუთი, ათი თუმანი მუდამ გაქირვებისათვის ხელში ჰქონდა. ოცი, ოცდაათსაც და მგონი ორმოცდაათსაც სხვას ევალებოდა. ბასილ მძებრადე ღარიბიო არავინ ამბობდა და მდიდრის სახელიც კი ჰქონდა გავარდნილი საზოგადოებაში.

ჩვენი ნაცნობ წისქვილიდან მის ეზომდი პირდაპირი საცალფეხო გზით ორას საყენზე მეტი არ იქნებოდა და სათემო გზით კი ვერსტზედ მეტი იყო.

ბასილის სიმდიდრე-სიღარიბის დასახასიათებლად ისიც უნდა ვთქვათ, რომ მას შეძლება ნებას აძლევდა ერთი მოჯამაგირე და ერთი მოსამსახურე გოგო მუდამ ჰყოლოდა.

იმავე დილას, როცა ნიკოია თოხიტარიამ კონსტანტინე ტომბაშვილი თავისი შვილი ივანეთურთ ეზოდან გააცილა, ბასილი მძებრადე იჯდა დარბაზის ბუხართან. ბუხარში ცეცხლი გუგუნებდა და ბრწყინვალედ ანათებდა ბასილის სახესა და ბუხრის არემარეს. ბასილი ჯერ პირდაუბანელი იყო და მისი გრძელი ქალარა წვერო ჩვეულებრივ არ ირხეოდა მის მკერდზე; დაუვარცხნელი, აბურძგნილად მიჰკროდა ნიკაპსა და ლოყებს. ბასილის სახეზე ახლად გაღვიძების სიზანტე იხატებოდა.

ის შეექცეოდა ყალიონს, რომლის ბლის გრძელი ტარი ცეცხლის შუქისაგან ლალივით წითლად ბზინავდა.

— ოპო.... ჰოი... უ... უ.... — ნელა ჩამოთქვა, ჩამდგრა ბასილმა, რაც ჩვეულებად ჰქონდა, განსაკუთრებით, როცა მოწყენილი იყო; ერთიც ზანტად დაამთქნარა, ყალიონის ტარი პირში ჩაიდო და ძალზე მოუპლაკუნა, მაგრამ ბოლი ვერ გაუშვა, რადგან ყალიონი ჩამქრალი იყო. ერთიც ზანტადვე ჩახედა ჩიბუხს, ნეკიც ჩაჰყო და, როცა დარწმუნდა, რომ შიგ არაფერი დარჩენოდა,

ჩიბუხი ბუხარის სვეტს მიაყუდა და ერთიჯ გააზმორა. თითქმის ზეზე ადგომასაც აპირებდა, რომ წინა ოთახში, რომელიც დარბაზის მარჯვნივ იყო, ნაცნობი ფეხის ხმა მოესმა.

— ხარდანაძის ქალო-მეთქი! — ბოხი ხმით დაიძახა ბასილმა.

— რა არის, რა? — ცოტა უკმაყოფილოდ მოისმა ქალის ხმა.

— კიდე ვერ მომიძებნე?

— „კიდე ვერ მომიძებნე!“ — ბოხადვე გააჯავრა ქალმა. ქალი იყო მისი მეუღლე, ქ-ნი მარიკა, ბეჟან ხარდანაძის ასული, და ამიტომ ქმარი, უბრალოდ, ხარდანაძის ქალს ეძახდა.

— კიდე ვერ მომიძებნე! — გაიმეორა მარიკამ, — რამ აგაჩქარა, ეეძებ! განა მეტი საქმე არა მაქვს? ჩემი მტერი, სხვისი ხელის შემყურე, აგვარას კარი ღია დაუტოვებია ბიჭს და ხბოებს ძროხები ქე მოუწოვიათ, ამდგარიყავი, შე კაცო, და მიგეხედა!

— შენ რათ არ მიჰხედე, ძროხა და მაგნაირი წვრილმანი დედა-კაცის საქმეა. მე... მე სულ ახალგაზრდა ნუ გგონივარ, ორმოცდა-ათი ქე მისრულდება, მგონია, ხელ-ფეხი მომაკლდა.

ბასილს ცოტა ქე უყვარდა წლოვანების დამალვა, ნამდვილად კი სამოცი წლისა იყო.

— შენმა მზემ, დედაკაცის საქმეა! უიმისოდაც მოახლე გავხთი მძებრაძეების, — წყენით მიუგო მარიკამ, — ცხონებული დედა-ჩემი მზიან დღეში გარეთ არ გამომიშვებდა, მზის სხივები გაწყენსო და აქ, შენს ხელში, ჩაჩნის ქალს დავემსგავსე. აი, ის ოხერიც, ქლივს არ ვიპოვე! — კმაყოფილებით დაუმატა მარიკამ.

ამ სიტყვებთან რალაც ქალაღლის შრიალიც მოისმა ოთახიდან და მერე თვითონ დიასახლისიც გამოჩნდა კარებში ნახევარ ფურცელ, შუაში გაკეცილ და ერთ მხრივ დაწერილი ქალაღლით ხელში.

დიასახლისი იყო შუათანა ტანისა, გვარიან კარგა ჩასუქებული ქალი, ასე ორმოცი, ორმოცდაორი წლისა. მარიკა თავის დროზეც დასახატავი ლამაზი არ უნდა ყოფილიყო, მაგრამ არც ულამაზო დაერქმეოდა. ახლაც არა უშავდა რა, გვარიანი ეშხიანი ქალი იყო. პირისახე საღი ჰქონდა, მხოლოდ, საუბედუროდ, კალის უმარილის გადაჭარბებით ხმარებისაგან. ალაგ-ალაგ პირის კანი დანაოკებოდა.

— აი შენი ქალაღლი, ცეცხლი რომ მომიკიდე, აი ჩქარა, აი ჩქარაო...

— ნამდვილად ეს არის? — მშვიდად ჰკითხა ბასილმა.

— ეს უნდა იყოს.

— მე კი ვერ ვარჩევ ხელნაწერს უსათვალოდ და სათვალე კი არა მაქვს, ღვთის წინაშე, ვერც სათვალაინად ვკითხულობ

რეგიანად და შენ თუ წამიკითხავ, თორემ ბათლომეს უნდა დავუძახოთ, დაბეჭითებით უნდა ვიცოდე ეს ქალაღია, თუ არა.

— მეც ვერ ვარჩევ რეგიანად, მაგრამ ნამდვილად ეს უნდა იყოს. ღრმინტია ჭანდრაკელიას თამასუქი არ მითხარი?

— ჰო, ჰო, ღრმინტის!

— სწორედ ესაა, ცალკე მქონდა გახვეული. თუ გინდა, შეიძლება გავარჩიო.

მარიკამ ქალაღი ცეცხლის პირად მიიტანა, გულდადებით თვალეირება დაუწყო და, თან ნაჭერ-ნაჭერ სიტყვებს ისროდა: უეზდის... მუცხოვრებმა... ღრი... მინტია... ჭან... ღრა... ეე... ლიამუ...

— ეს ყოფილა, ეს! — სიხარულით წამოიძახა ბასილმა, ცოლს ქალაღი გამოართვა, ერთიც თვითონ დახედა, ზეზე წამოღდა და ახალი ახალოხის ჯიბეში შეინახა. მერე საჩქაროდ ცოლს მიუბრუნდა:

— აბა, ხარდანაძის ქალო, გოგოს უთხარი პირი დამაბანინოს. რამე საუზმე მაკამოს და გავწევ, თორემ სუდს შეიძლება ვერც კი მივუსწრო. მეტი არ შემიძლია მოვუთმინო, ერთის წლის ვადით ვასესხე და აგერ ხუთი წელი წრეულს იანვარში შესრულდა და რა ვქნა, მეც მიჭირს. აგერ ნაღდგომევეს მარშალი გვიბარებს. ვინ იცის, რა გაჭირვება მოგველის. შეიძლება რაც კორები დადის, მართალიც გამოდგეს და აზნაურებსა და თავადებს ღირსების დასამტკიცებლად საბუთები მოსთხოვონ.

— რას ამბობ, ძუკუს მამავ! — თუმცა უკმაყოფილოდ, მაგრამ ცოტა არ იყოს შეშინებული სახით მიუგო მარიკამ. — სოფელში რაღაცაებს რომ ბოდავენ, განა სათქმელია? საბუთების მოთხოვნას ვინ გაუბედავს მაღალ საზოგადოებას, მაღალ წოდებას, იმ შეჩვენებულ მაძინიას უხუმრია წისქვილში და წისქვილიდან, ხომ იცი, ამბავი ყოველგან ქარივით მოიფინება. ღრმინტიასთან საბოდიშო რა გაქვს არ ვიცი? ათასი გვიჭირს. ძუკუც აგერ, დაყაძახდა, საცაა წვერი ამოუვა, ენაცვალოს დედამისი, დროა კაცურად ჩავაცვათ, დავახუროთ. საღდგომოდ კაი ჩოხა თუ არ შემიკერე და ახალი უნაგირი საკუთრად არ გამომიწყვე, კლასში არ წავალო.

— ჩოხა კი არა, ახლა ისიც, — წყენით შენიშნა ბასილმა და მერე დამშვიდებით გააგრძელა: — ხარდანაძის ქალო, შენ მაგ ბაღანას გააფუჭებ, გააფუჭებ-მეთქი, მოფერება-მოფერებით. რათ უნდა ჩოხა, უნაგირი, აბრაგად ხომ არ გინდა. ჯერ ისწავლოს და მერე ყოვლისფერს მოასწრებს.

— აკი სწავლობს, შე კაცო! გული უნდა გაუთამამო. ბავშვია

ჭერ... აი მართლა, აი მართლა! ადრე გაუჩქარე, დღეს პარასკევია და ზუგდიდში შემოიტანენ გასაყიდ შალებს. კაი საჩოხე თუ ნახო, უსათუოდ მომიტანე. მერე ვერც კი მოვასწრებ შეეკრვას. რამდენი დღე დარჩა თანაფამდი, * ძუკუს მამა?

— ზეგ კვირა არ არი? იმის სწორი ბაიობაა. მღვდელმა სთქვა. წრეულს ბაიობა და ხარება ერთი დღე არისო, და იმისი სწორი ზომ თანაფაა.

— დედა, ღმერთო, მარტო ორი კვირა რაღა უნდა მოვასწრო! ჯერ ნემსიც არაფერში გამივლია. ნეტა ადრე წაგელო ეს თამასუქი; შეიძლება ამდენ ხანს ამოგელო რამე. ახლა კი როდის იქნება. დედა... დედა, — აწუწუნდა მარია, — ერთი არშინი ფართალი ჯერ არ მიყილია.

— დალოცვილო! ასე ჩქარა ამოღება კი არა, გაის ამა დღეს მშვიდობით ამოგელოს ღრიმენტია კანდრაკელია მაზაკვალისგან ვალი. მაგისტანა რაზბონიკი მეორე არ დაიარება მთელ ვეზდაში.

ბასილმა ხელ-პირი დაიბანა, წვერ-ულვაში დაივარცხნა, ახალი ჩოხა ჩაიცვა, ახალი ჩექმებიც. რა სათქმელია, ხმალ-ხანჯალში გამოეწყო, ერთი ბოთლი ღვინოც ხელდახელ გამომცხვარ მქადს და ფხალის წნილს დააყოლა, ბიჭიას ცხენი შეაკაზმევინა, ნაბადი წამოიხურა და სამაზრო ქალაქისაკენ გასწია. ცხენდაცხენ ბიქს სხვადასხვა დარიგება მისცა, საღ და როგორ ემუშავა.

ბასილი მძებრაძე არ იყო მაინცდამაინც ისეთი ცრუმორწმუნე, როგორც საზოგადოდ ბევრი მისი ნაცნობ-მეზობელი, მაგრამ საუბედუროდ, სრულიადაც თავისუფალი არ იყო ამ სენისაგან. განსაკუთრებით მას სწამდა სამი რამ: ერთი: წითელმა კაცმა თუ გიფერხა, იმ დღეს გზაზე არ უნდა წახვიდო. მეორე: თუ კურდღელმა გზა გადაგიბინა, საქმის გაფუჭების ნიშანია და მესამე: თუ ცხვირის წვერი მოგეფხანა, იმ დღეს სტუმარს მოელოდო.

საუბედუროდ, დღეს პირველი ორი ერთად შეხვდა (მესამე ამდენად საშიში არაა, თუ სტუმრის მისაღებად მოწყობილი ხარ). ოცი ნაბიჯიც არ წაუდგამს ეზოდან, რომ იაქესავით წინ შეეჩეხა რომანოზა ზაკვიშვილი, რომელიც განთქმული იყო, როგორც ცუდი ფეხის კაცი.

ბასილს მეტისმეტად ეწყინა მისი ასე ნაადრევად შეხვედრა. იმან კი, თითქო მისი უფრო გულის გასახეტქად, ათი საყენის.

* თანაფა—აღდგომა.

სიშორიდან ხმამაღლა დაუძახა: გამარჯობა, დილა მშვიდობა, დილა სიხარული, ჩემო ბატონო — და თანაც დასძინა: ოჰ! ძლიერ გამიხარდა შენი ნახვაო. გავიგე, სიმინდის გაყიდვას აპირებთ და სულ ერთია, მე მომყიდეთ, მეც რიგიან ფასს მოგცემთო.

რომანოზა ნოქარი იყო ერთი ადგილობრივი ვაჭრისა და სოფლად დადიოდა სიმინდის სასყიდლად.

ბასილმა ერთი-ორი ზრდილობიანი სიტყვით მოიშორა და თავის გზას გაუდგა.

გაიარა რამდენიმე ვერსტი. რომანოზის შეხვედრა თუმცა ძლიერ ეწყინა პირველად, მაგრამ ცოტ-ცოტად გადაავიწყდა. ახალ-გაზაფხულის მზის თბილმა სხივებმა. მის გულს რაღაც სიამოვნება აგრძნობინა და თვალეზგაბრწყინებულმა არემარეს გადახედა.

ჩრდილოეთიდან, ჯერ კიდევ თოვლით შელესილი, ათასფრად დაგრეხილი მთები მოჩანდა. მის დაბლა სამეგრელოს ვაკე, თითქმის მომეტებული ნაწილი ტყით დაფარული, ზოგან კარგა მაღალი და ზოგან დაბალი სერებით დაფენილი; ალაგ-ალაგ, წყლების პირად, განიერი და ფართო, ან გრძელი და ვიწრო ქალებით ახლად აბიზინებული. ბასილი მიდიოდა მაღალ სერზე, საიდანაც თვალთ ადვილად არჩევდა აქარის მთებს, ძლივძლივობით — ლიხის მთეს-საც და აფხაზეთის მთებს.

ყოველი ბუჩქის ძირას აუარებელი ია ჰყვავოდა და მისი ნაზი სუნი მოგზაურს ცხვირში ეცემოდა.

ბასილი თითქო დაათრო გაზაფხულის დილის სურნელებამ, ქცენს აღვირი ნებაზე მიუშვა და თვალეზგა ოდნავ დახუჭა.

ამ დროს, რაღაც საეშმაკოდ, მარცხნივ, ხევში ფაჩუნი მოესმა. უცბად თვალი გააღო და აღვირის მომარჯვება ძლივს მოასწრო, რომ რიგიანად მოვლილი, გასუქებული ცხენი დაფრთხა და ბასილი კინალამ გადმოაგდო.

როგორც იყო, თავი შეიმაგრა, აღვირი დაამოკლა, ერთი-ორი მათრახიც უთავაზა ფერდებში საღარიას და მერე თამამად გაიხედა: აბა, რა იყო ის ოხერი, რომ შრიალეებდა გამხმარ ფოთლებში და კინალამ ცხენიდან გადმომაგდო, მიიხედა და პირში ნერწყვი გაუშრა.

საბრალო ყურებაცქვეტილი უდანაშაულო კურდღელი ფრთხილად მიცოცავდა გაზაფხულის ნორჩი ბალახით პირის ჩასატეპარუნებლად. ცხენის ფეხის ხმაზე შეკრთა, ყურები ცქციტა და მერე გონს მოსულმა, სირბილით თავს უშველა, ბასილის წინ გზა გადაირბინა და მეორე მხარეს ტყეში მიიმალა.

— ფუი ეშმაკს! მიქამგაბრიო თაარ ანგელოზო, ყული ალერტიწ თქვენ ხართ ჩემი მფარველი, — ლმოზიერად ჩაილაპარაკა ბასილმა, თავიდან ბაშლაყს გადასწია და მოწიწებით პირჯვარი გადაისახა.

„სწორედ არ მომელის რაცხა სიკეთე დღეს, — ფიქრობდა ბასილი. — დიახ! ძლიერ ცუდი ვქენი, რომ მაშინათვე შინ არ დავ-ბრუნდი რომანოზას შეხვედრის შემდეგ, განა ერთი ბიჭი გადა-სადგამია? წითელი კაცი წითელია, მაგრამ მაგისტანა?! ჯვარი აქა-ურობას, ზედ კურდღელიც დაემატა, ფუ! ახლავე დავბრუნდე-ბი“, — გაიფიქრა და კიდევაც აღვირს მოსწია და ცხენი უკან ნიაბრუნა.

ბლომად ჩალა-სიმინდს მიჩვეული ცხენი შინ სიამოვნებით მობრუნდა და უკანა ფეხებიც ლამაზად გაათამაშა. მაგრამ ნწ! ოთხი ვერსტილა დამრჩა, ხუთი წელიწადი ქე ვუყურე მაგ ოჯახამოსა-წყვეტს, ახლაც, თუ არ შევითანე ქალადი, სულ მიმრჩებაო, წაი-ბუტბუტა ისევ და აღვირს უკანვე მოსწია. ახლა კი ცხენი, ცოტა არ იყოს, გაუძალიანდა, მაგრამ ბასილმა ფერდებში ორი-სამი მათრახი წაუტლაშუნა და ისევ წინ წაათოხარია.

„რა უნდა მომელოდეს ისეთი საწყენი,“ — ძალაუნებურად მოსდიოდა ბასილს ფიქრი, ხან წითელწვერა რომანოზა და ხან ყურებაცქვეტილი კურდღელი გუნებიდან არ შორდებოდა. „ბიჭი თუ ავად გახდა, უსათუოდ შემატყობინებდნენ. მაინც ერთი კვირაა, რაც ვნახე და მაშინ მგელივით იყო. უჩიტელს რომ დავეკითხე, ცუდი არა უთქვამს რა, ცოტას ქე ზარმაცობსო და ეშმაკობსო, მაგრამ ბევრი არაფერიაო! ვითომ სუდში გამიფუჭდეს საქმე? თამასუქი პოდლოდი არ არის, ჩვენმა მწერალმა დასწერა, ქვეყანა იქ უყურებდა, საგლეხო სასამართლოში. რა ვიცი! როგორ არ მიიღებს სუდია? ეპ! რა იცის კურდღელმა,“ — დაიმშვიდა გული ბასილმა და ერთიც ცხენს მათრახი უთავაზა და ნელა რალაც ზიმღერაც მიაყოლა... მაინც რალაცა ძალა თავში ჩუმ-ჩუმად უცუ-ცუნებდა რომანოზას და კურდღელს თვალწინ უყენებდა.

როცა ზუგდიდში შევიდა, ყოველივე შიში გადაავიწყდა. პირველად მკვედლების ქუჩა უნდა გაეარა. აქაურ გამვლელს დიდი ვაჟკაცობა უნდოდა, რომ ყურები არ დავსებოდა, ისეთი ხმაურობა იდგა. თოხისა და ნიჩბის მკვედლების მსხვილი ჩაქუჩების. მორიგ-მორიგ. დაგადუგი. თეთრად გახურებულ მსხვილ რკინაზე... ნალ-ბანდის ჩქარ-ჩქარი ბაკუნი, საბერველების ბერვა, ნახშირის ჩხრიალი, ადამიანთა ხმაურობა, ერთად შეერთებული, შეუხამებელ და უსიამოვნო ხმაურს აჩენდა.

რამდენიმე კაცს კამეჩისათვის ირგვლივ ბაწარი შემოეწვო და დასაქვდალ წაქცევას უპირებდნენ. ის კი ჩვეულებრივ ბრიყვული გამომეტყველებით გულშეუწუხებლად იდგა, კისერი გაეგრძელებინა და იცოხნიდა.

ბასილმა ახლო გაითხოხარია. კამეჩმა ერთიც ბრიყვულადვე შეხედა და თვალები დააშტერა, თითქო ეუბნება: შეხედე ამ სულელებს, რას მერჩიან, რომ ბაწრით, თოკებით და ჩაქუჩებით მომდგომიან, ვერა გამიგია რაო. ამასობაში ერთმა მკედელმა, ნახშირით ისე გამურულმა, რომ მისი შეხედვა უცბად გოლიათსაც შეაშინებდა, მაგრა გაჭიმა თოკი, დანარჩენებმაც გაჭიმეს: „არიქა... არიქა... ჰაო... ეო... ჰო... ჰო... ჰო...“ დაიძახეს ერთბაშად და ვეებერთელა პირუტყვი წამოაქციეს.

მძიმედ დაეშვა მიწაზე საბრალო ლომა. ერთ წამს თითქო გაუკვირდა: რა ამბავია ჩემს თავზეო... და მერე ისევ აუჩქარებლად ცოხნა გააგრძელა.

— ბატონო ბასილი, ბატონო ბასილი! აქეთ ცხენი, აქეთ ცხენი, თუ დასაქვდია, აქეთ, ბატონო, აქეთ! — რაც ძალი და ღონე ჰქონდა ყვიროდა ერთი შეეწვერა ნალბანდი; თან ძალზედ ნალს ჩაქუჩს ურტყამდა, თან ნახშირით გამურულ, გაოფლიანებულ სახეს ქუჩისაკენ გამოყოფდა და დაიძახებდა. სამ-ოთხჯერ მიადახა ბასილს. მაგრამ ის კიდევაც გაშორდა მის ღუქანს და მკედელმაც თავი დაანება.

— აქეთ, აქეთ, ჭედვა ვისაც უნდა, აქეთ! — იძახოდა მეორე მხარეს ქოსა და ქერა ნალბანდი.

— თოხი, თოხი, კაი თოხები! — ბანს აძლევდა მეზობელი.

— კაი ტაშთები, ტაშთები, ჭანურები და ტაფები! — მხიარულად შაირობდა, საკვიაა ლინჯის ჭკადუ*, რომელიც განთქმული იყო ოხუნჯობით და მოუწყენლობით. არც ერთს, განსაკუთრებით ლამაზ არსებას, თავის ღუქნის წინ არ გაუშვებდა, რომ რამე საარშიყო არ ეთქვა.

— აა, ჩემო ბიძავ, მადლობა ღმერთს, მშვიდობით გხედავ. ბევრი ხანია არ გვინახავს ერთმანეთი. მას აქეთ მე კიდევ ჭალარა შემერია. ამ აუტანელი შრომით იმდენი არაა, რამდენიც შენი უნახაობით. არ გეწყინოს, გენაცვალე, თორემ სულ გავეთერთლები, — ეტყოდა. სოფლის დედაკაცს, მსხვილი ბოხჩით ხელში მიმავალს.

— ცირა, ცირა, აქეთ მოიხედე, აი ამ სპილენძივით ვდნები შენთვის, შე უღმერთო! — ოხვრით მიადახებდა მეორეს, — ახალგაზდა წითელკაბიანს, ფერუშმარულ გათხუპნილს.

* ლინჯის ჭკადუ—სპილენძის მკედელი.

— მახა, მახა! — გასძახებდა მესამეს, — მე უბედური, კორსეტმა თუ... მოშვება ამ ჩემმა შეგირდმა იცის. არ გეწყინოს, საკვია ნუ მოგიკვდება.

ჩქიმი ცხენი თოხარიკი, სქანი ცხენ ნოღიარე!

მუკო ღვალუ გიკვიკვიანს, ჭკადუეფიშ ოღიარე.

ქომუნჯიშა გური გაფუ, მარა ტახლა-მოწიარე...

გვირგვინს მა დოგითირა, საკვა ჭგირი მორღიარე!

გაუშაირებდა მეოთხეს და ასე სულ უმადურად არც ერთს არ დატოვებდა.

იმ დროს, როცა ბასილმა გაიარა მისი ღუქნის წინ, საკვიათს ხელში ტათა ეკირა და ერთ მოკლე გახუნებულ ნაბადში გახვეულ მონხუეს ეუბნებოდა: ოთხი სახარება გაუწყრეს, ვინც ოთხ აბაზად ეს გაყიდოს. საგანგებოდ გამიკეთებია. სხვაგან არც ექვს აბაზად იშოვნე, ჩემი ექვსივე შვილები ნუ მომიკვდება (არც ცოლი ჰყავდა და არც შვილი). ოჰ, ბატონ ბასილს ვეახლები ჩემი ჩაქუჩ-კვახჩით და ქულამურ საბერველით. როგორ გიკითხოთ, შენი ჭირიმე. — ღიმილით მიაძახა ბასილს, რომელმაც ღიმილითვე თავი დაუქრა და გამორდა.

* * *

კბილების ღრეჭით მიეგება ბასილს იაგორა მიკიტნის ბიჭი ჰავლია, როცა ბასილი ჩვეულებრივ მისი ღუქნის წინ გაჩერდა და ცხენიდან ჩამოიყვანა.

— ცხენი თავლაში, ბიჭო! — ბრძანებითი კილოთი გასძახა ღუქნიდან იაგორამ და კარებში ღიმილით მიეგება ბასილს. — მობრძანდი, ბატონო! როგორ კარგად, როგორ მშვიდობით!

— გახლავართ, გმადლობთ! ჩემი ბიჭი ხომ არ გინახავთ!

მკრთალად ჰკითხა ბასილმა და კურდღელი გაახსენდა.

— დღეს დილით კლასში მიდიოდა, აქ გაიარა და მერე არ მინახავს, ძალიან ბევრი მას შემდეგ, ერთი საათი იქნება. — ბასილს გული დაუმშვიდდა.

— სულში ხომ არ დამიგვიანდება? — ისე ჰკითხა ბასილმა, თუმცა კარგად იცოდა, რომ გვიანი არ იყო.

— არა, ბატონო, რას ამბობ! — იაგორამ ფიცხლავ ამოიღო საათი, რომელიც გულის პატარა ჯიბეში ჰქონდა, — თერთმეტის ნახევარია, ბატონო.

— მაშ ერთი შენ რომ იცი, ერთი მაგარი, — მხიარულად უთხრა ბასილმა.

იაგორამ თითქმის მარდად მოავლო ჭიქას ხელი და არაყი ჩამოუსხა, ცოტაოდენი ხმელი საუზმეც მოართვა, პურის ნატეხი და ზეთისხილი.

ბასილმა ნაბადი და მათრახი მიკიტანს მიაბარა და სასამართლოსკენ გასწია.

— იაგორ! — მიაძახა მან, როცა დუქნიდან გავიდა. — ჩემი ბიჭი თუ ნახო, არ გაუშვა, აქ მომიცადოს ჩემ მოსვლამდე.

— ბატონი ბრძანდები.

VI

სამაზრო სასამართლოში

დაბა ზუგდიდის მომრიგებელი მოსამართლის „კამერა“, ან როგორც ეძახდნენ „სულის სადგომი“ მოთავსებული იყო დაბის განაპირას, ჩრდილოეთის მხრივ და წარმოადგენდა მოყვითალო ფერით შეღებილი ქვიტკირის ერთსართულიან შენობას. სახლის ეზოს შემოვლებული ჰქონდა მუხის დახერხილი მესერი, დროთა ვითარებისა გამო ალაგ-ალაგ დამპალი და ალაგ-ალაგ წაქცეული. რამდენიმე ძირი ჭადარი და აკაცია ამშვენებდა ეზოს.

თვით კამერა წარმოადგენდა ერთ მოზრდილ ოთახს, რომლის თავი ერიო მხრივ ამალლებული იყო მსაჯულისათვის. ოთახში ხალხისათვის რამდენიმე გრძელი ხის სკამი იდგა. ერთ მათგანს წინა ფეხზე ლურსმანი მოშვებოდა და თუ ვინმე დაჯდებოდა, საშინლად აჭრიჭინდებოდა. ვინც კი იცოდა სკამის ასეთი ჩვეულება, ფროხილად დაეშვებოდა ხოლმე და ვინც არ იცოდა, შენი მტერი, რომ გაწითლდებოდა. მსაჯულიც ხშირად მრისხანედ გაიხედავდა ხოლმე მოჭრიჭინე სკამისაკენ. ამ წუთს ყველა ნათლად გრძნობდა მოჭრიჭინე სკამის შეკეთების საჭიროებას, თითქმის სტეფანე ვეჟილიც, თუმცა მას ასეთი წვრილმანებისათვის არ ეცალა, მაგრამ გათავდებოდა თუ არა სხდომა, ან როგორც ეძახდნენ „ზასდანია“, სკამი ვის ახსოვდა, ზოგი გახარებული და ზოგი გულნატკენი და ზოგიც ჩვეულებრივ გულგრილად. თავის გზას გაუდგებოდა.

როცა ბასილი სულის სადგომში მივიდა, რამდენიმე ქალი და კაცი დაინახა ეზოში. ოდნავ აყვავებული აკაციის ძირში ერთი, ცოტა გახუნებული პალტოიანი კაცი იდგა, თავზე კრავის ქუდი ეხურა და ხელის თითები ყვითელ ტყავის ხელთათმანებში ჰქონდა დამალული. თამამად, ხელის ქნევით რალაცას ელაპარაკებოდა მის

ირგელივ მდგომ რამდენიმე პირს. ერთ მათგანს, ძლიერ მაღალ, თოვლივით თეთრ წვერა კაცს, რომელსაც ცალი ხელი ხმლის ტარზე დაედო და მეორეში მათრახი ეჭირა, პალტოიანი დაბეჯითებით უხსნიდა რალაცას და თან მარჯვენა ხელის სალოკით მარცხენა ხელის თითებს ჩამოუთვლიდა. მოხუცი, რომელსაც მკერდზე წმ. გიორგის მეოთხე ხარისხის თეთრი ჯვარი ეკიდა, დიდი ყურადღებით უსმენდა პალტოიანს და ხანდახან. თავის მძიმედ დაკვრით უდასტურებდა.

ეს პალტოიანი გახლდათ მთელ დაბაში განთქმული კერძო ვეჭილი ვანია მოგებაშვილი და მოხუცი კი ერთი სოფლელი აზნაურთაგანი.

ეზოს ერთ კუთხეში, ერთი პატარა და გამხდარი შუახნის ქალი, ჩითის კაბაში გამოწყობილი, კარგა ხმამაღლა ებაასებოდა მის წინ მდგომ წითელწვერა სქელ კაცს, რომელსაც შავი ჩოხა ეცვა და ვეებერთელა ხანჭალი ეკიდა. იქვე სამი სხვა: ერთი მოხუცი, ერთი ახალგაზრდა, ასე ოცდახუთი წლის ვაჟკაცი და ერთიც თორმეტი წლის უფერული ყმაწვილი, ბამბაზის ბლუზაში გამოწყობილი, იდგნენ და მათ ბაასს ყურს უგდებდნენ.

— არა, არა, არ შეიძლება! ქვეყანა უნდა შევაწუხო! არ ვფიქრობ, რომ კალონმა და სამართალმა ისე ოხრად დამტოვოს. გვირგვინოსანი ცოლი ვიყავი ქმრისა. ხასებს არ აგდებენ უპატრონოდ ახლანდელ დროში... მე რა... მე რა... იმას მაინც მიხედავენ... ნასესხი ფულით შეგუჟკერე ეს ბლუზა, — ცხარედ ეუბნებოდა ქალი წითელწვერას

— ნახავს კალონი, ნახავს, რატომ არ ნახავს, მეც თუ გადამასახლებენ იმასაც ვნახავ. რომელი „სატის“ ძალით მომიგებ. იმასაც ვნახავ, მეც არ გეგონო სულ ბრიყვი, — ნიშნის მოგებით ბიჯოთ წითელწვერამ.

— ასე არა სჯობია, ბაბაი, — დინჯად გაერია მოხუცი. — თავარანგელოზი გამიწყარეს, შინ ცოცხალი არ დამაბრუნოს, თუ ან — ერთის ან მეორის მხარე მქონდეს, არც შენა ხარ მართალი და არც შენა ხარ, ჩემო დაია.

სხვა რა ილაპარაკეს, ბასილს არ გაუგონია, ამასობაში შევიდა კიდეც კამერაში. კამერაში ორმოცამდე ქალი და კაცი იჯდა. ბასილმა ფრთხილად შედგა ფეხი შიგნით. ბაშლაყი მხარზე გადაიდო, ცალი ხელი ხმლის ქარქაშს მოჰკიდა, რომ არ გაედარუნებულყო, ფეხაკრფით გაიარა რამდენიმე ნაბიჯი და ერთ თავისუფალ ადგილზე ფრთხილად ჩამოჯდა.

მსაჯული საქმეს არჩევდა.

მის წინ იდგა შავი ჯაგარივით გაბჯრბგნული შავწვერა გლეხი, რომელსაც მოძველო, ყვითლად შეღებილი ჩოხა ეცვა, რაც მის შავ სახეს სრულებით არ უხდებოდა.

მის გვერდით იდგა ასე ოცდაოთხი-ოცდახუთი წლის ძლიერ ლამაზი და ლამაზადვე გამოწყობილი ქერა პირისახის ყმაწვილი კაცი. შავწვერა კაცის გვერდით იდგა შავი მაუდის ჩოხიანი, ქალარა გამხდარ-გამხდარი, მაღალ-მაღალი, უფერული კაცი, რომელსაც მასრების ქვემოთ პატარა ჯიბეში საათი ედო და მასზე მობმული ჭრბელი ვერცხლის ძეწკვი კისერზე ჰქონდა გადაკიდებული. ეს გახლდათ სტეფანე აბლაკატი, გვარად დათვაძე — მუდმივი წვერი ამ სახლისა.

რაც რუსის სამართალი გაჩნდა ჩვენს ქვეყანაში, მას აქეთ სტეფანე სულ ვეჭილობდა და თავს იმითი ირჩენდა. პირველ ხანებში დიდი მოგება ჰქონდა, რადგან მაშინ ქვეყანა უტეები იყო. შემდეგ კი დროება შეიცვალა, ბევრი დახელოვნებული ვეჭილი გამოჩნდა და სტეფანეს წინ გაჟსწრო. მაგრამ ის მაინც არ იშლიდა და საქმეებს იცავდა.

სწავლა არსად არ მიეღო. რუსულად ხელის მოწერას ძლიერ-ძლივობით ახერხებდა. რუსული ლაპარაკი კი ისეთი იცოდა, რომ რაც უნდა გულდაწყვეტილი კაცი ყოფილიყო, თუკი ესმოდა, გააცინებდა. ქართული ლაპარაკი და წერა, ღვთის წინაშე, კარგი იცოდა. თუმცა წერის დროს წერტილ-მძიმეს არ ხმარობდა. მხოლოდ ბოლოზე დაასვამდა ხან ერთს და ხან ორ წერტილს, იმისდა მიხედვით, რამდენად საჭირო ქალაღი იყო.

მაინცდამაინც ბევრი საწერიც არა ჰქონდა. მისი საქმე იყო ლაპარაკი, ამიტომ ისეთ საქმეებს ეტანებოდა, სადაც საწერი იმდენი არ უხდებოდა და მხოლოდ ლაპარაკი იყო საჭირო. თუ მაინცდამაინც საწერი ქალაღი შეხვდებოდა, ნაცნობ მწერლებს დააწერინებდა, ცოტა რასმე აჩუქებდა და ამით იოლად გამოდიოდა.

როგორც გინდათ თქვით, იმან მაინც კაი ლამაზი ხის სახლი აიშენა იქვე, იმ დაბაში, გვარიანი ადგილ-მამულიც შეიძინა: ზოგი სამოსახლო და ზოგიც სადუქნე და ქვიტკირის შენობის აგებასაც ემზადებოდა.

ქერა ყმაწვილი კაცის გვერდით იდგა, ასე ორმოციოდე წლის სახემოყვითალო დაბალ-დაბალი კაცი.

სტეფანე შავთმიანს იცავდა. სახემოყვითალო კაცი ქერა ყმაწვილის მოწმე იყო.

მსაჯული, ტომით რუსი, ჯერ ახალგაზრდა, მაგრამ ავადმყოფი სახისა, საქმის გარჩევის დროს მალ-მალ შეწუხებულად იღრჩებოდა. ეტყობოდა, გულიც ხშირად მოდიოდა მომჩივან-მოპასუხის დაუსრულებელ, უმნიშვნელო წვრილმანების ჩამოთვლისა გამო, მაგრამ შესანიშნავი გულგრილობით სძლედა თავის თავს და არ ჯავრობდა.

მისი თარჯიმანი, ჩვენებურად გამოწყობილი ერთი მუქა უფერული კაცი ისე საორჭოფოდ ხუჭავდა ერთ ბეწოვე თვალებს, თითქო უკანასკნელად ათვალეირებს ქვეყნის სიმშვენიერესო. გასარჩევი საქმე შემდეგი იყო:

გლეხი გუძა გულდულის ეზოში კაცს თავის დღეში რიგიანი ბოსტანი არ უნახავს. უბოსტნობას ხან რას აბრალებდა და ხან რას, უფრო კი მიზეზი, რა თქმა უნდა, სიზარმაცე და დაუდევრობა იყო. მაგრამ ერთ წელიწადს, როგორც იყო, დასძლია სიზარმაცე და რამდენიმე ოთხკუთხს საყენს მაღალი, თხმელის ტოტების ღობე შემოავლო. მისმა მეუღლემაც არ დაზოგა შრომა-ღვაწლი და მართლა მშვენიერი ბოსტანი მოუვიდათ. მთელი ზაფხული ოხრად ჰქონდათ ახალი ღობიო, კიტრი, ხახვი და სხვა. ფხალმა ისეთი ძირი გაიკეთა, რომ ახლო-მახლო მეზობლებს აკვირებდა.

ამ პირველი წლის კაი მოსავლით წახალისებულნი მეორე წლისთვის უკეთ მოემზადნენ, მეზობლებში რიგიანი თესლები იშოვნეს და ადრიდან შეუდგნენ მიწის ნიადაგის მომზადებას. მეორე წელსაც მშვენიერი ბოსტნეულობა მოვიდა, მაგრამ თხმელის ღობეს კი ალაგ-ალაგ სიმჩატე შეეტყო.

ნოემბრის შუა რიცხვებში კი ღობე ძლივს იდგა და ცოტა ძალა უნდოდა, რომ ერთობ დაძრულიყო.

საეშმაკოდ, ამ დროებით, გუძას მეზობელმა კინტირია ფართელავამ უღელი ხარ-კმეჩი იყიდა და ჯრემი გააწყო. კამეჩები ერთ ღამეს პატრონს აგვარიდან გაექცნენ. ძლიერ ჩქარა მიაგნეს გუძას ბოსტანს და ერთობ გაანადგურეს. ფხალი სულ ჩაეკბიჩათ. რისთვისაც კბილები ვერ მოეველოთ, ფეხებით გაეთელათ და მერე იქვე მიწოლილიყვნენ.

მეორე დღით ადრე გუძამ კამეჩები დაიჭირა, ხეზე მიაბა და პატრონს კაცი გაუგზავნა, რომ კეთილსინდისიერი მოეყვანა და ზარალი დაეფარებინა. უიმისოდ კამეჩების მიცემას არ აპირებდა.

კინტირია ფართელავამ ეს არ იკადრა. იდროვა, როცა გუძა ეზოდან გავიდა და ცოლიც წყაროსაკენ გაემართა, მიეპარა და კამეჩები შინ გაირეკა.

გუდა გუდუღია მოთმინებიდან გამოვიდა, როცა შინ დაბრუნებულმა კამეჩები ვერ ნახა და ხმამაღლა დაუწყო ლანძღვა-გინება კინტირიას. კინტირიამაც ხმა გასცა და ორივემ ჯერ ერთმანეთი რიგიანად გამოლანძღეს და მერე დიდი მუქარით თავიანთ სახლში შევიდნენ.

მეორე დღეს, რალაც ეშმაკად, ორივენი ერთმანეთს შეხვდნენ ორლობეში, თავიანთ კარ-მიდამოში.

ნახვის უმალ გაეჩქარნენ ერთმანეთისაკენ. ტუკის მოქნევაში გუდა უფრო დახელოვნებული გამოდგა და რამდენიმე მარჯვე დაკვრით თავისი მოპირდაპირე, სისხლით გათხუნული, ძირს დასცა.

პირველად მოირბინა ახლო მეზობელმა ანდრია კულაძემ, მაგრამ მის მოსვლამდი ჩხუბი უკვე დათავებულიყო.

კინტირია სახლში შეიყვანეს. ფიცხლავ გაჩნდა მამასახლისი და მისი მიყოლებული და საქმე სასამართლოს გადასცეს.

მსაჯულის წინ მდგომი შეათმინა იყო გუდა გუდუღია, კოხტად გამოწყობილი ქერა—კინტირია ფართელავა და მოყვითალო დაბალი კაცი კი ანდრია კულაძე.

— აბა ახლა შენ მოყვევი, — ხრინწიანი ხმით მიუბრუნდა თარჯიმანი ანდრიას. ანდრია, ეტყობოდა, ხშირი სტუმარი არ იყო ამ სახლისა, ისე დაფეთებულად იყურებოდა. საუბედუროდ, ანდრია კულაძე ენაჩლუნგი იყო და უჩვეული კაცი მის ნათქვამს რიგიანად ვერ გაიგებდა.

— რას მოყვევი, ბატონო, — წაიბურღლუნა ანდრიამ.

თარჯიმანმა მსაჯულს გადასცა.

— როგორ რას მოყვეს? — თვალების ბრიალით წარმოთქვა მსაჯულმა. — რა იცის გლეხი გუდა გუდუღიასაგან კინტირია ფართელავას გალახვის თაობაზე, ეს ზომ პირველი მისულა. მოყვეს აუჩქარებლად, თითო-თითოდ, რაც ნახა.

— მე, ბატონო, — ისევ წაიბურღლუნა ანდრიამ და შეეცადა, როგორც უბრძანეს, დინჯად და გარკვეულად ელაპარაკა, მაგრამ დავთარი სულ აერია და სხაპასხუპით, როგორც შეეძლო, ჩააკაქკაქა: — მე, ბატონო... სალეს ქვაზედ ვიქვექი, დანამყნობი მსხლის ძირში და... ბუნ... ბუნჯად ვიყ... ვიყურებოდი, რომ სდრუ... სდრუზა და... რომ... სდრუზა... მოვ... მოვკურცხლე და მოვკურცხლე... — ანდრია შეჩერდა.

— Ну! — გადახედა მსაჯულმა თარჯიმანს. თარჯიმანმა დაიწყო:

— На точильном камне сидел, под... под... на... наложеп-

ным деревом и... и... глупо смотрел, как ударит, как ударит, побежал да побежал.

— Ровно ничего не понял, — მიუგო მსაჯულმა, — Как это, на точильном камне сидел? Под наложенным деревом? Но чем наложено? Да еще под грушевым. Объясните, как было в чем дело? — დაეკითხა მსაჯული.

თარჯიმანი გაწითლდა. თავისი პატარა, გამხმარი ხელები თავზე გადაისო.

— Не наложено, собственно говоря, — მიუგო მან, — а когда дикую грушу, через несколько времени домашнюю,.. насадят, вырастит и будет вкусная группа, что в лавке пролают.

— Ах, — ოდნავ ღიმილით მიუგო მსაჯულმა, — как сказать, груша не дикая, но... он сидел под деревом, но как это, на точильном камне разве сидят? — გაიოცა მსაჯულმა.

— Обычай у нас положить точильный камень под деревом, а когда нужно точить напр. топор, воды кувшинчик принесут и туда и сюда на камне, — აუხსნა თარჯიმანმა და რაც ენით ვერ გააგებინა, შეეცადა თავისი პაწაწა ხელებით გაეგებინებინა.

— Гм, это большой комень что-ли?

— Бывают и большие.

მსაჯული დაფიქრდა.

— Одним словом он сидел на камне под деревом?

— ხის ქვეშ, ქვაზედ იქედით? — დაეკითხა თარჯიმანი ანდრიას „ნამყნვეიანათ და სალეს ქვიანად ამოაგდოს“, — თავისთვის ჩიოლაპარაკა თარჯიმანმა.

— Хорошо, — თქვა მსაჯულმა, — но это это ударил, кто кого ударил?

— ვინ ვის სცემო, ბიჭო!

—იიმან იმას, ბა... ბატონო, — მიუგო ანდრიამ.

— Он его говор...

— Позвольте, Господин судья, — გააწყვეტინა სიტყვა სტეფანე აბლაკატმა, — но проси. нивирно, знает он, что что напริมинно мой доверитель ударить.

— Не перебивайте, прошу вас, — ცოტა უკმაყოფილოდ მიუგო მსაჯულმა, — Я сам этого хочу узнать — მერე თარჯიმანს მიუბრუნდა: — Кто именно, кто ударил и чем?

— კაცო, კარგად გამაგებინეო, ვინ ვის სცემო და რითაო.

— იმან რა... ბატონო... ი... მ... გუძა... გუძამ გა... არტყა კინტირიას... ჯო... ჯოხი.

— Гудза ударил Кинтириа палкою.

— Позволт, Господин судья,—ისევ ჩაერია სტეფანე,—ა вот Кинтириа не ударил, держал полка и не ударит мой доверител.

— Оять вас прошу не перебивать,—ახლა უფრო მწყრაღად გადახედა მსაჯულმა და სახე საზარღად დაექმნხა.

— Сколько раз ударил?—დაეკითხა მსაჯული.

— რამდენჯერ გაარტყაო?

— რა..... ვიცო.... ბატონო, არ დამი.... დამითელია... სდრუხა... და სდრუხა... და მე... რომ ვნახე... მოვ... მოვ... მოვ... კურცხლე და... მოვკურ... ცხლე!

— Не считал, говорит. Как ударил, как ударил, побежал и побежал.

— Ладно, значит не один раз.

— Господин судья, а вот Кинтириа Партелава палка не держал, на Гудза не ударил?—მაინც არ სცხრებოღა ვეკილი.

მსაჯულმა ახღაც მწყრაღად გაღმოიხეღა იმისკენ, მაგრამ ისევ სახე შეიცვალა. ცოტა დამცინავი ღიმილი გამოეხატა და გულაგღებულად თარჯიმანს დაელაპარაკა:

— კინტირიას არ ეკირა ჯოხიო? გუძასათვის არ დაურტყამსო?

— ჯოხი.... კი... ეკი....რა, რა... ბატონო.... მარა მის...გან დარ... ტყმა... არ მინახავს.... ჯოხები... კი ირეოღა ზევით.

— Кинтириа тоже держал палку, но не видел, говорит, чтобы он ударил.... палки наверху путались.

— Как это палки путались?

— Он видел,—აქ თარჯიმანმა ხელეღი მალღა აიშვირა და არეულად ჰაერში გაიქნღა.

— А... — თქვა მსაჯულმა.

— Прошу, Господин судья... сколько расстояний от его дома, до места драки будет.

მსაჯულმა თარჯიმანს ანიშნა, რომ ეკითხა:

— შენი სახლიღან, საცა ჩხუბობდნენ, იმ ადგიღამღე რამდენი მანძიღი იქნეღა?

აქ ანღრო ცოტა შეფეკრიანღა.

— რა...ვიცი... ბა...ტონო!.. არ დამი... ზო... მავს... ასი საყენი იქნეღა.

— Сто сажень будет.

— Еше прошу, Господин судья, на дороге между его дом и миста драки дерево или постройкам стоят?

თარჯიმანმა ჰკითხა.

— შე...ნობა...არაა...ბატონო... და ხეები... ქე დგას... ლო...ლო-ბეც არის გა...დასასვლელი.

— Строения нет, а деревья есть, забор нужно перелазить.

— Счень прост может быть, Господин судья. — აღტაცებით თქვა ვეკილმა. — Очень прост, что Киянтириа ударит палка на голову на Гудза Гулупиа, как он сам говорит, сто сажень расстоянии есть, деревья есть, а как это ноябрь месяц был не совсем опали и смотря на сто сажени, как сам говорит, палки смешаны видит наверху, а потому легко допустимо друг на друга оба ударили. Но, Господин судья, бывает иной человек на такое мест попадет хошь сильно удари, царапит не будет, видно кож толст, как мой доверител, а иной маленький царапин, так много, много крови течет, как господин Киянтириа, а потому...

ბასილ მძებრაძე ამ დრომდი ყურს უგდებდა მათ ბაასს. ამ დროს უტბად ზეზე წამოვარდა. მას სრულებით დაავიწყდა, რომ არზის მომზადება და თამასუქის რუსულად გადათარგმნა უნდოდა. საჩქაროდ ისევ ფეხაკრეფით მსაჯულის კამერას გაშორდა. კიბეზე შეეჩეხა იმ თალხკაბიან ქალს, რომელიც დიდხანჯლიან კაცს ედავებოდა. ქალს მისდევდა ბლუზაში გამოწყობილი უფერული ყმაწვილი, რომელიც, როგორც ეტყობოდა, მისი შვილი იყო. ორივენი შიგ შევიდნენ.

ბასილმა სულის სადგომს მარცხნივ მოუარა და შევიდა კანცელარიაში, სადაც თითქმის ყველა გადამწერელს იცნობდა. საქმის მწარმოებელი მეგობრულად ხელს ართმევდა და მღივანიც ტკბილად უღიმოდა.

ბასილი მივიდა ერთ უფრო დაახლოვებულ გადამწერთან და მოახსენა რაც უნდოდა, გადამწერმა თამასუქი მოსთხოვა, წინ დაიდო და ქართულიდან რუსულად გადათარგმნა. მერე მთელ ფურცელ ქალაღზე არზა გამოიყვანა და რიგზე დაწყობილი ქალაღები ბასილს გადასცა.

ბასილმა ქალაღები გამოართვა და მანეთიანი ქალაღდის ასიგნაცია მაგიდაზე დაუდო. გადამწერმა ზრდილობისათვის ფულის ვითომ უკან გაბრუნება მოინდომა, მაგრამ ბასილმა მაჯაზე ხელი მოავლო და ფულიანად მაგიდაზე დაუმაგრა.

— შენი კირიმე. ბასილ, — კბილების ღრეკით ეუბნებოდა, გადამწერი.

— შენი თავი არ მომიკვდეს იმის მეტი, რა თქვენი საკადრისია, — დინჯად მიუგო ბასილმა.

მეტი გადამწერმაც არ ილაპარაკა, ცოტა მოწყენილი სახით ქალაღი დაქმუნა და ჯიბისკენ გაღუძახა. მერე ბასილს თავი დაუკრა და კინალამ თვალებიდან სიხარულის ცრემლი არ წამოუვიდა. მაგრამ სიმწუხარისა კი არა, სიხარულისა. ხუმრობა საქმე იყო? კაცს თვეში ხუთი მანეთი ჯამაგირი ეძლეოდა და რამდენიმე წუთში ერთი მანეთი მისთვის ზეციდან მოვლენილი მანანა იყო. ამხანაგებმა შურიანი თვალთ შეხედეს მის ჯიბეს და იმან კი სიამოვნებით წარმოიდგინა ბოთლი ღვინო, რომელსაც საკუთრად დაიდგამდა დღეს სადილად, ბასილის მოცემული ფულის შემწეობით.

ბასილმა ისევ თავი შემოყო კამერაში, მაგრამ ახლა ზღურბლზე თამამად გადააღაჯა, არც ხელით ხმალი მიუმაგრებია, რადგან მსაჯული კამერიდან გასულიყო. მსაჯულს გუდუღიასა და ფართელავას საქმის გამოძიება გაეთავებინა. ყველა მოწმისათვის ეკითხა. მომჩივან-მოპასუხის სიტყვაც მოესმინა და ახლა ცალკე ოთახში განაჩენს ადგენდა.

გავიდა რამდენიმე წუთი. ამაღლებული ადგილის პირდაპირ კარის რაზა აწკარუნდა, მერე ერთბაშად გაიღო და მსაჯული გამოვიდა ქალაღდებით ხელში.

მსაჯული მაგიდას მიუჯდა და ზარი დააწკარუნა.

— ადეკით ზეზე! — ულაზათოდ დაიძახა თარჯიმანმა.

ყველანი ზეზე წამოდგნენ.

— ... დამიდგენია, — რაც შეიძლებოდა რიხიანად წარმოთქვა მსაჯულმა, — გლენხი: გუძა გუდუღია და კინტირია ფართელავა, ორივენი ცნობილი იქნას დამნაშავედ და ამიტომ მათი საქმე მოსპობილი იქნას.

მერე აუჩქარებლად სხვა ქალაღდებს დაუწყო თვალთვლება. ხალხში ჩუმ-ჩუმი ჩოჩქოლი ატყდა. გუძა გუდუღია მხიარულად აბრიალებდა უიმისოდაც დიდრონ თვალებს და ლმობიერად შეჰყურებდა სტეფანე აბლაკატს, რომელიც ისე ამაყად იყურებოდა, თითქო სტამბოლი აჯლიაო. კინტირია კი, გაბრაზებული, თავის ქნევით კამერიდან გავიდა.

ბასილმა იდროვა და ქალაღდები მსაჯულს გაუტანა. მსაჯულმა არზა დაათვალიერა.

დრო დაუნიშნევო—მიალაპარაკა თარჯიმანს. თარჯიმანმა ბასილს ალერსიანად შემოხედა და ლმობიერად უთხრა: მერე შეიტყობ. პროცესი როდის იქნება დანიშნულიო.

ბასილმა მსაჯულს თავი დაუკრა და კამერიდან გავიდა.

* * *

— რა საქმე გქონია, ბატონო, დღეს სულში? — მხიარულად დაეკითხა მიკიტანი იაგორა მუშტკუჰაძე, როცა ბასილი სასამართლოდან მობრუნდა.

— ბევრი არაფერი, ხომ იცი, ახლანდელ დროში სანამ წაგცი-
ცილიდეს ი კაცი, ფიანდაზად გაგეშლება და თუ მოახერხა და ერთხელ დაგტყუა, მერე სული უნდა შეგიხუთოს, უნდა გაწვალოს, უკან კი ნუ მოელი...

— აი, იცოცხლე, იცოცხლე, ბატონო ბასილ, — ლმობიერად მიუგო იაგორამ და სველი ხელები კარგა ჭუჭყიან ტილოს წინ-საფარს მიახოცა. — იცოცხლე, იცოცხლე, მართალს რომ ამბობ, მეც (მან არ დამღუპა? ვცდილობ მე საწყალი, რაც შემიძლია. ვცდილობ თქვენისთანა კეთილშობილ კაცს, რაც შემიძლია, პატივი ვცე... ერთი სიტყვით, ვასიამოვნო, მაგრამ... ნამეტანი ზარალი მომდის, ბატონო... აი თქვენისთანა ზოგიერთი ნაღებები არ ერიოს ჩემ მუშტრებში, ამდენ ხანს ცხრაჯერ გავკოტრდებოდი. ცხრა სახარება გამიწყრეს, ცხრა შაურის ადგილას ორ შაურს თუ არ ვაგდებდე, მაგრამ მაინც არ მომეცა საშველი. აგერ ხუთი წლის იქითური ნისია მექნება ოცდაათ თუმნამდი; ახლისა კი ანგარიშიც არ ვიცი.

— შენ შენა და მე კი სულ ნაღდი, ოხარკალია * ბილეთები ჩავუთვალე იმ კაცს. მაინც რიგია ერთი წელიწადი დავწეროთ ვადათ, თორემ იმედი მაქვს, შენ ფჯლს ჩემთან ნახევარ წელსაც არ გავაჩერებო. მომელაქუცა, მომელოშტნა და წელიწადს შენც თავი დაანებე. წრეულს იანვარში ხუთიც გავიდა.

— ეს ვინ ყოფილა აგეთი? — თანაგრძნობით ჰკითხა იაგორამ.

— არ იცი, დრიმინტია ჭანდრაკელია?

— ნავაჭარი? — იაგორამ ტუჩები ერთმანეთს მაგრა მიაჭირა, თვალები გაპრაწა და წარბები აიბზიკა.

— ვითომ ვერ გადავახდევინებ? — ცოტა შეშინებულმა ჰკითხა ბასილმა.

* ოხარკალია — გატყინებულის მნიშვნელობით.

— რატომ არა, თუმცა ძნელი კია. ის ოხერი კაცია. ის ვინ შეგითვისა? ერთ ღროს კი კარგად იყო.

— ეჰ! ჩემმა ბიძაშვილმა, ბათლომემ, ხომ იცი ერთ ღროს ისიც ვაჭრობდა, მაგრამ...

— ოხ! ღმერთმა კაი გაგახსენოს. ბატონო ბასილ, იმ თქვენ ბიძაშვილს ცოტა რაღაც შერჩა ჩემი. ცოტაა მარა, ბევრი ცოტასაგან შედგება, როგორც უკეთ იცით, ბატონო... მე თქვენი იმედი ისეთი მაქვს, როგორც... რომ საკუთარი ჩემი... თავისა და იმედი მაქვს...— კბილების ღრეკით შეეხვეწა იაგორა.

— იმ შეჩვენებულმა კიდეც არ მოგცა? ვეტყვი, ვეტყვი უსათუოდ.

— შენი ჭირიმე.

ბასილს ჭირივით ეჭავრებოდა, როცა ვინმე იმის ნათესავზე რასმე სათაკილოს იტყოდა და ამიტომ ლაპარაკი სხვა საგანზე გადაიტანა.

— ჩემი ბიჭი ხომ არ მოსულა, იაგორ? — ჩქარა დაეკითხა ბასილი, თითქო ეშინია, ისეც ბათლომეს ნისიას არ მოჰყვესო.

— ჯერ არა, გენაცვალე.

— ჰო! ღმერთმა კაი გაგახსენოს, კინაღამ დამავიწყდა, დედა-კაცი უმისოდ შინ არც კი მიმიშვებს, შე კაცო, ბიჭისთვის საჩოხე შალი უნდა მეყიდა.

— იშოვნე, ბატონო, დღეს პარასკევია.

— კარგი, ერთი გავივლი ბაზრისაკენ და, ჩემო იაგორ, ბიჭმა თუ გამოიაროს, არ გაუშვა, მომიცადოს.

ბასილმა გაიარა ბაზარი, რომელიც შუა ქალაქში იყო მოთავსებული, პატარა ღელის პირად, რომლის გასწვრივ სხვადასხვა ხეები ლამაზად იყო ჩარიგებული.

ბასილმა გაიხედ-გამოიხედა, ორ-სამ ალაგს საჩოხე გასინჯა, გაიხედა და მისი ერთადერთი ვაჟიშვილი გრიგოლი წინ აეტლზა ილღიაში წიგნებიანად. ბასილმა შვილი გადააკონა, თუმცა ერთი კვირა იყო, რაც ხედავდა.

გრიგოლი (შინაურულად ძუკუს ეძახდნენ) იყო ამყამად თოთხმეტ-თხუთმეტი წლისა, მაგრამ სიმალლით თვითონ ბასილს ბევრად არ ჩამოუვარდებოდა. სახე ლამაზი ჰქონდა, მსუქან ლოყებზე ვარდი ეფინებოდა. მიუხედავად მცირე ასაკისა, საუღლავაშეზე შავი ქინქლები მოუჩანდა.

— როგორა ხარ, ბაბა? — აღერსით დაეკითხა ბასილი.

— არა მიშავს რა, გვარიანად ვარ, — მიუგო ძუკუმი.

— კარგად სწავლობ?

— კი, გვარიანად, — ცოტა არეულად მიუგო ძუკუმ და წითელ-მა ფერმა გადაჰკრა. შვილის კარგად ყოფნით გახარებულ ბასილს არც კი შეუმჩნევია მისი შეკრთომა.

— დედაშენმა დამაბარა სააღდგომოდ ძუკუს ჩოხა უნდა შეგუკერო და აბა ერთი შენი ხელით აირჩიე.

ძუკუმ (ჩვენიც სულ ძუკუს დაეუძახებთ) ბევრი არ დააყოვნა. საჩოხეც აირჩია და საახალოხეც. მერე თერძთან გაიარეს და იმავე დღეს გამოაჰკრევენეს.

სადილად შვილი ბასილმა იაგორას ღუქანში მიიყვანა. თვითონ კარგა შეზარხოშდა (სმა-ჰამა უყვარდა), სუდის ორი მწერალიც და ჩვენი ნაცნობი თარჯიმანიც გვარიანად შეახუა.

ისინი ძლიერ ხშირად სჭირდებოდა (საქმეები სასამართლოში ხშირად ჰქონდა) და ამიტომ მათი პატივისცემა უყვარდა. ხელი ხელს ბანსო, რუსები იტყვიან. ისინიც თავაზიანად ეპყრობოდნენ და საქმეს დროზე უსრულებდნენ.

ბასილმა იქვე შეიტყო თარჯიმანისაგან, რომ მისი საქმე დრამინტია ჰანდრაკელიასთან ფულების თაობაზე მომრიგებელ მოსამართლეს ოცდაშვიდ მაისისათვის დაენიშნა.

საღამოზე, გულდამშვიდებული ბასილი ცხენს მხიარულად შოათოხარიკებდა. ცხენიც ჩქარობდა, რადგან მთელი დღე უქმელი იყო და რაც ძალი და ღონე ჰქონდა ჩვეულ ბაგისაკენ მიეჩქარებოდა.

„ღმერთო! იმ ერთ ბაღანას ნუ მომიკლავ, რიგიანი კაცი გამომიყვანე, — მხიარული გუნების ქვეშ ლოცულობდა და ფიქრობდა ბასილი, — გვარისთვის სასახლო და ჩემი მოხუცებულობის საიმედო: მოყვარეს რომ ახარებდეს და მტერს შურით თვალებს სთხრიდეს.“

— სუდს მივუწარი, ბიჭი კარგად დამიხვდა, ზასიდანე დროზე დავანიშნინე. უწყებას დროზე გავუგზავნითო. დამპირდა პერვოჩიკი, არა, დღეს ცული არა შემხვედრია რა. შენი რომანოზაც გაცრუვდა და შენი კურდღელიც, — თავმომწონედ ჩაილაპარაკა ბასილმა. — მართალს ამბობს ჩვენი ექვთიმე მღვდელი, არც ფეხია, არც შეხვედრააო. — დაუმატა მან. მაგრამ ისევ ჩქარა მუჭი ტუჩზე გაიქახუნა.

— ღმერთო, შეგცოდე და შემინდევი, — მოწიწებით წარმოთქვა და პირვეარი გადაიწერა. — ვინ იცის, ჯერ სახლამდი რა ხიფათი შემემთხვევა.

მაგრამ ბასილს არათფერი შეხვედრია და არცა რაიმე ხიფათი შემთხვევია, მშვიდობით გაიარა გზა და ვახშობა იქნებოდა, რომ თავის ეზოში ცხენი შემოათოხარიკა, ხმამალლა მოჯამაგირეს დაუძახა: — დათია, დათია, გამოდი, ბიჭო, ცხენი გამომართვი.

VII

მ ნ ყ ე მ ს ე ბ ი

კონსტანტინე ტომბაშვილის გასტუმრების შემდეგ ნიკოია თოხიტარიძის ჯალაბობა ფაცხაში გავიდა და იქ კერას მოუსხდა.

თუ ნიკოიას სასტუმრო სახლი როგორც გარეგნობით, ისე შინაგან მოწყობილობით მწირი და ღარიბი იყო, სამზარეულო ფაცხა კი სილატაკეს წარმოადგენდა.

წარმოიდგინეთ, ხუთ არშინამდე სიგრძე-სიგანის, წნელისაგან დაწნული ფაცხა, რომლის ფართო და ხშირი კუჭრუტანები შეზელილი წიგა-ნაცრით იყო შელესილი: ზოგან ისიც ჩამოცვინულიყო და ზოგან ჩამოვარდნას აპირობდა. ასე რომ, ქარი ყოველმხრივ ადვილად შესისინებდა.

კერის პირდაპირ, ზემოთ, გარდიგარდმო იყო ვადებული ორი მუქის სიმსხო, უშნოდ ტყავმოცილებული თხმელის ჯოხი, რომლებზედაც ხისავე საქვაბე ეკიდა. როგორც ეს საქვაბე, ისე ხარიხები, ისლი შიგნიდან ბოლისაგან გიშერივით შავი იყო. მთელ შენობას ერთი ლურსმანი არსად ჰქონდა, არც სხვა რამ რკინეულობა. მის მაგივრობას, საცა საჭირო იყო, თხილეს დაგრეხილი ან რცხილის წნელი ასრულებდა; არ ეტყობოდა არც შალაშინის, არც სატეხის, არც ბურღის ხმარების კვალი. ამ საუცხოო სადგომის შენობაში იარაღად მხოლოდ წალდი და ნაჯახი იყო ნახმარი.

ფაცხის ერთ მხარეს ორი ტლანქად გათლილი წიფლის ფიცარი იყო მიდგმული, რომელზედაც ნახევრამდე სავსე ტომარა ეგდო სიმინდის ფქვილით. იქვე წნელის კავზე ეკიდა ხის ნიგა (რძის ჩასაწველი) და ქვევით ტომარასთან ხის როდინი, ვეებერთელა ქვასანაყით; რამდენიმე ხის ჯამი, ერთი თაბახი, ქოთნით მარილი და სხვა რაღაც წვრილმანები. ეს იყო ნიკოიას სამზარეულოს ავეჯეულობა-მორთულობა.

— აჰა-ჰაია, ჩემო ივანე! — ოხვრით წარმოთქვა ნიკოიამ და თამბაქოთი სავსე ჩიბუხი მოლაპლაპე ნაკვერცხალში ჩხრიკა. ერთი ნაკვერცხალი ჩიბუხზე მოექცა, მაგრამ თან ნაცარიც ბლომად

მოჰყვა. ნიკოიამ ნაცარს ბევრი ყურადღებაც არ მიაქცია, ნაკვერ-
ცხალიც და ნაცარიც ფრჩხილით ყალიონზე დაამაგრა და ტარი
პირში ჩაიღო. — კაი კაცს ქე ჰყავს, მარა რა ვიცი, სხვის ხელში,
სხვის ოჯახში. დედა არა ჰყავს ახლო და მამა. ან ცუდი გული
შეექნას, ან ავად გახდეს. ფუი, სიღარიბეს დაუდგეს თვალები...

— რას სწუხარ, მამაჩემო, — მიუგო პეტრემ, რომელიც კერის
მეორე მხარეს კველაზე იჯდა, — რა უჭირს. ლეტაკარში კი არა,
სტამბოლში წავა კაცი. გაიარ-გამოიაროს, ცოტა რამე იშოვოს,
თვალი გაალოს, ჩვენც შეიძლება რამე დაგვაჩნდეს. ნეტავ მეც
დამაყენა სადმე ქირაზე. აჰ, ბაბა, ვთოხნეთ, რაც ვთოხნეთ, ქე
შევექამეთ და მეტი აღარაფერი დაგვრჩა, რომ...

— იქით, ბაბა! რას მეუბნები, — გაოცებით გააწყვეტინა ნიკო-
იამ. — ის დღე ღმერთმა ნუ მომასწროს, რომ შენ მოჯამაგირედ
შიდიოდე. მე, ბაბა, დღეს ვარ და ხვალ ვინ იცის, ღმერთი როგორ
ინებებს, და შენ საზღვრები უნდა გაჩვენო...

— საზღვრები კი არა, უზომო რამეები რომ გვაქვს, ბაბა, —
მწარე ღიმილით მიუგო პეტრემ, — ჩვენი ორი ქცევა ხრიოკი მიწის
საზღვრების ცოდნას რა ბევრი უნდა. ხუთი წლის წინათაც ვიცოდი
მათი საზღვრები, მარა რა გამიკეთა! ისიც ჯერ ჩვენი როდია, ბაბა,
ყოველ წელიწადს მებატონეს მეოთხედს ვაძლევთ.

— არა, შვილო! რაც გინდა იყოს, სამშობლო მიწა-წყალი მაინც
ძვირფასია, გახსოვდეს, მაინც ყოველ ქვეყანას უნდა გერჩიოს.

— ამის უარს მეც არ ვამბობ, ბაბა... მე ვამბობ, რომ კაცმა უნდა
გაიარ-გამოიაროს რისამე საშოვნელად. მარტო ამ ჩვენ ღონეგამო-
ლეულ ფერდობებს ვუყუროთ, ეს ვერ გამოგვიყვანს სიღარიბიდან.

— ოჰო-ჰო, ბაბა! ღმერთი თქვენს თავს რომ მაჩუქებდეს,
თორემ სხვა სიმდიდრეს როგორ ვითხოვ. მე რაც გადამწვდენია, განა
მდიდარი არა ვარ? ღმერთო! ერთი ღომით კარგა გამაძლე-მეთქი
ენატრობდი, და წრეულს კი ორმოცდაათი ფუთი სიმინდი კიდევ
გაუყიდე, ჩვენ სიღატაკეს არაფერი დააჩნდა თორემ, ღმერთო, შენ
შეეწიე ჩემ ივანეს, წმიდა-გიორგი ხორციელი, მისი ოხვამერი * და
აგენი როგორ გამწირავს, რა ვიცი... მათ სახელს ვენაცვალე... თუმანი
კი დამიტოვა, ააშენა ღმერთმა! რიგიანი კაცი უნდა იყოს ის კორსან-
ტელი. დროზე ფულებს რომ მომცემს, ესეც ბევრი რამეა. ზოსიმე
პოპრიშიკი თუ გამოჩნდა ახლა, მაშინათვე ზელში მივცემ ფოსტის
ფულს და მოვიშორებ, — მხიარულად წარმოთქვა ნიკოიამ.

* ოხვამერი — სლოცავი.

— მიეცი, ბაბა, მიეცი, თორემ ისე დაგვემუქრა ამას წინათ, შეიძლება მოზვერს მოავლოს ხელი და მაგის წაყვანას ვერ მოვითმენ, აყალმაყალში გავებმით. რამდენია მისაცემი? — დაეკითხა პეტრე.

— ხუთი მანეთი თავის ფოსტითა და მანეთი და ექვსი შაური როკიკი. მღვდლის ფულიც ჯერ არ მიმიცია.

— ისიც გადაიხადე, ბაბა, მაინც ხომ უნდა გადაიხადო, სულ ერთია, რა დღეს, რა ხვალ.

— ხუთი... ორი... მანეთი და ექვსი შაური... ესეც რამდენია ერთად? — დაეკითხა ნიკოია.

— ხუთი ფოსტა?

— ჰო!

— მანეთი და ექვსი შაური როკიკი?

— ჰო.

— ესეც ექვსი მანეთი და ექვსი შაური, მღვდლის ორი მანეთი.

— სულ რამდენია?

— სულ? ექვსი... შვიდი... რვა... რვა მანეთი და ექვსი შაური. თუმნიდან დედაჩემის საკაბეს მაინც ჩამოვრჩებოდე ამ სააღდგომოდ, წირვაზე წავა საწყალი, — გულთბილად წარმოთქვა ნიკოიამ.

— თქვენ იცოცხლეთ, შვილებო, თქვენ, მე არაფერი მინდა, — ძლივძლივობით წარმოთქვა ნიკოიას მოხუცმა დედამ კუტამ, რომელიც შვილის გვერდით კველაზე იჯდა. ეს იყო აგერ თითქმის სამოცდაათ-ოთხმოცი წლის მოხუცი. ძლივძლივობით დადიოდა და თვალსაც შესამჩნევად აკლდა.

ნიკოიამ მართალი თქვა: დედაბერი იქით იყო სასამსახურო, მაგრამ საბრალოს რაც შეეძლო მაინც თავს არ ზოგავდა. შეეძლო თუ არ შეეძლო, გული მაინც არ უთმენდა და ყოველ საოჯახო საქმეს ხელს უფათურებდა. განსაკუთრებით პატარა ფარნა უყვარდა, სულ იმის ზრუნვაში იყო და ფარნასაც დადი * ძლიერ უყვარდა. „დადი, დადი“ სიამოვნებით იტყოდა ბავშვი და მოხუცს კალთაში ჩაუგორდებოდა. ეს ყოველთვის საქმლის თხოვნის ნიშანი იყო.

— იქით, წიე-მეთქი! — ვითომ და წყენით ეტყოდა მოხუცე კუტა, მეტი არ შემიძლია, შენისთანა ვირის ტოლა ყაძახი რომ მეცემი, ფეხები არ მომამტვრიო, — თანაც ეუბნებოდა და თანაც თავის გამხმარ ხელებს, რომელიც მხოლოდ ძვლისა და საშინლად დანაოქებულ ტყავისაგან შედგებოდა, რბილზე გაუცაცუნებდა.

* დადი — ბებია.

— რას ამბობ, დედაჩემო! შენით გვიდგა, ბეჩა, სული, ცეცხლი შენით გვინთია... ა, პეტრე... ფული რამდენი დარჩება? — დაეკითხა ნიკოია.

— რვა მანეთი და ექვსი შაჯრი ვიანგარიშოთ? ათი... რვა... ექვსი... თოთხმეტი შაჯრი დარჩება, ბაბა.

— ძლიერ კარგი. დედაჩემს კაბას უყიდის და ჩვენთვის კიდევ ღმერთი მოწყალეა.

— გადასახადი რომ წრეულს არ შეგვაწუხებს, რამდენად გვიღირს.

ნიკოიამ ხელახლა ამოურია ჩიბუხი ნაკვერცხლებში, ახლა ნაკვერცხალი არ მოყვა, ნაცრით კი ჩიბუხი სანახევროდ გაივსო, მაინც პირში ჩაიღო, ჩაუფშუტუნა; მაგრამ ვერაფერი გემო ვერ ნახა. მხოლოდ ნაცარი ფართაშებდა ჩიბუხში.

— შვილებო! — დაიძახა ნიკოიამ და ჩიბუხი ქალამანს მიაბერტყა. — კერასთან ჯდომა გვეყოფა. ათა, * ბაბა, — მიუბრუნდა ათანასეს, ამ ერთ, ხუთ ექვს დღეში შენთან წაიყვანე ფარნა და დაასწავლე საით გარეკოს თხა, სად უკეთესი საძოვარია და მერე თვითონ მიეჩვევა.

— ხუთ დღეს კი არა, ნააღდგომევეამდი ერთად მწყემსონ. ჩვენ მანამდი საძნელო სამუშაო არც კი გვექნება, — განმარტა პეტრემ.

— თუ გინდა, ასეც იყოს, — დასთანხმდა ნიკოია. — აბა, ბაბა, ნუ იგვიანებთ.

— ბა... ბა... და... დი... — ბუზღუნით წარმოთქვა ფარნამ, — საკმელი.

— კი, დადი, კი, შენი ჭირიმე, — ალერსით მიუგო მოხუცმა და გააანეს უბრძანა საკმელი მოეტანა.

— დასტურ, საკმელი, ძღაბო! ** — წამოიძახა ნიკოიამ. — აქეთ მომეცი, მე ვაქმევე ჩემ ბაბას, მე! აქეთ მოდი, შვილო, ბაბაია.

ფარნა მამას გვერდით მოუჭდა. გაიანემ კი ხის კაჩაზე ჩამოკიდებული შავი კარდალიდან კარგა შოზრდილი ცივი ღომის ნატეხი ამოიღო და მამას გადასცა.

ნიკოიამ ცალ ხელში ღომი დაიჭირა, მეორე ხელით ერთი მუგუზალი აიღო, კერიდან ნაკვერცხალი გამოჩხრიკა და ღომი ზედ დაადო. ათანასემ იგივე თავისი ხელით გააკეთა კერის მეორე მხრივ.

— ლობიო არ დარჩენილა? — დაეკითხა გაიანეს მოხუცი.

* ათა — შემოკლებული ათანასე.

** ძღაბო — გოგო.

— არა, დადი, ქოთანი სულ ამოლეულია.

— მაშ, ფხალი და სუნელი მაინც მოუტანე ჩქიჩქუს, * თორემ ფალო ** ღომს რა აკმევს.

რამდენიმე წუთის შემდეგ ფარნა მამის გვერდით იჯდა კველაზე, წინ ედო ხის ლამბაქით მოხალული ღომის ნატეხი და ფხალის ნაჭრები. აქვე ცოტაოდენი სუნელიც ეგდო (ნიგოზი, პრასა, პილპილი და მარილი ერთად დანაყილი). ფარნა ცალი ხელით ღომს მოტეხდა, მეორე ხელით ფხალის ნაჭერს სუნელს წაუცაცუნებდა და პირში იღებდა.

— ბაბა, — ისევე ბუზღუნით შესჩივლა ფარნამ, როცა ისაუზმეს და ათანასემ თხების გასაშვებად გორაკისაკენ წასვლა დააპირა, — ბა... ბა... კვალაიას არ მომცემ?

— როგორ არა, ბაბა, შენი არ არის?

— ჯერ რათ უნდა მაგას კვალაია, — უკმაყოფილოდ თქვა ათანასემ და გორაკისკენ ფეხი წარსდგა.

— ი... ი... — ტირილი დაიწყო ფარნამ და ხელები პირისახეზე მიიფარა, — აბა... მე... არ...

— ათა, ბაბა! — მოელერსა ნიკოია ათანასეს და როცა მან მოიხედა, თვალი დაუწამწამა და ტუჩების აწევით ანიშნა. მერე ღმობიერად დასძინა: — მიეცი, ბაბა, შენთვის უკეთესს გავაკეთებინებ. ბავშვია, გაუხარდება.

ათანასემ ნაჯახი მოძებნა და მამას გადასცა.

— ა, ბაბა, ნუ ტორი. — ფარნამ რაკი ნაჯახი მამის ხელში დაინახა, ხელები პირისახეს მოაშორა და გაბრწყინვებული თვალები კვალაიას გაუშტერა.

— კვალაიას მოკცემ, ბაბა, მაგრამ რამე არ მოიჭრა. — ნიკოიამ ნაჯახის ტარი მარცხენა ხელში დაიჭირა, პირი ზევით მოაქცია და მარჯვენა ცერის გული რამდენჯერმე გაუსვ-გამოუსვა: — უჰ! — რას სჭრის, ხოკუნს, *** ბაბა, ხოკუნს სამართებელივით. გაუფრთხილდი, ბაბა, შენი ჭირიმე!

გახარებულმა ფარნამ მამას ნაჯახი გამოართვა, თვითონაც თითოთ გასინჯა და ქამარში ჩაიჩუქო.

— ფარნა, ფარნა, მოდი, მომეხმარე მაგათ გარეკვაში! — გორაკიდან იძახოდა ათანასე და თან თხებს ერეკებოდა.

* ჩქიჩქუ — ჩვილი.

** ფალო — მარტოს მნიშვნელობით.

*** ხოკუნს — პარსავს.

— რ... რ... რ... ტ... ცეიტ... ყაი... ყაი... ყაი... ბდრუ... ბდრუ!—
ყვიროდა ათანასე და თხეებს ერთად აგროვებდა. ფარნაც მიეშველა.
ნიკოიას მცირე ფარა ფრუტუნ-ფრუტუნით გორაკიდან გამოვიდა,
გზას დაადგა.

ხუთი თხა ნიკოიას საკუთარი იყო, ოთხიც სხვადასხვა პირთა-
გან გაბარებული. ერთი დიდი ყოჩი სხვისი საზიარო, და პატარა,
ახალგაზრდა ყოჩი — სხვისი მიბარებული. ამნაირად ნიკოიას ფარას
შეადგენდა ცხრა დედალი თხა და ორიც ყოჩი, სულ თერთმეტი
სული.

თხები ეზოდან გარეკეს და ბიჯურის გზას დაადგნენ. ბიჯურში
ტყე და ხშირი ბუჩქნარი ერთმანეთში იყო არეული. უფრო დიდ-
როვანი წიფელა და რცხილა მეფობდა. იქ თხების სანეკრე ბევრი რამ
მოიძებნებოდა და ამიტომ ხშირად იქითკენ მიუდიოდათ თხა, არა-
თუ ნიკოიას, სხვებსაც, ვისაც კი თხა ჰყავდა. ბიჯურის ტყეს ეკირა
ათასამდე ქცევა ადგილი და ამიტომ თხების სანეკრე იქ ყოველთვის
საკმაო იყო. ტყე სამთავრო იყო და თხის პატრონთ არავითარ ბაჟს არ
ახდევინებდნენ, მხოლოდ ხეების მოჭრა სასტიკად იყო აკრძალული.
ტყეს დარაჯებიც ჰყავდა.

ფარნა სხვა დროსაც გაჰყოლია ათანასეს ხათრისათვის, მაგ-
რამ ახლომანლო ადგილებში. ბიჯურში კი ჯერ არ ყოფილიყო და
ბიჯურის ნახვა ძლიერ უხაროდა.

— შორია, ათა, ბიჯურამდი?— დაეკითხა ფარნა, როცა თავიანთი
გზა გაიარეს, ორლობეს გაყვეს და ოტორონჯე ლელეს მიადგნენ.

— კარგა მანძილია!

— მაინც?

— აბა როგორ დაგიზომო. ჩვენს ოხვამეში* ხომ ყოფილხარ?

— შარშან თანაფა დღეს არ ვიყავი? უტუ ციგანმა წითელი
კვერცხი რომ მაჩუქა.

— მაშ, ჩვენი სახლიდან ოხვამემდი რომ არის, იმდენი და კიდევ
იმდენი და კიდევ იმდენი და კიდევ იმდენი.

— უჰ! ბევრი ყოფილა. მარტო რომ ვიქნები, რა მეშველება, მე-
შინია, რომ ვერ გავრეკო!

— რის გეშინია, დღისით იქნები და არა ღამით. თუ ცოფიანი
ძალდი დაინახო, ერთს წუთს ხეზე აირბინე და იქ რა გიშავს!

— ხეზედაც საშიშიაო, წიე, ამბობენ! თურმე ის სულ უბედური

* ოხვამე — ეკლესია.

პირიდან ღუეს ბლომად გამოუშვებსო და ხის ღეროს მიახამსო და როცა კაცი ხიდან ჩამოსვლის დროს ფეხს გადააბიჯებს, გაცოფდებო.

— ვინ გითხრა აგეთი სიჩურჩუტე. ამდენი ჭკუა რომ ჰქონდეს, ცოფიანი არც კი იქნება. ახალი გაცოფებული მართლა საშიშია. ლონეც აქვს და სიმარჯვეც და თუ ცოფი მოერია, მერე თვალში ვერც კი იხედება რიგიანად.

— ვინ მითხრა, იცი? მითხრა კი არა, ლაპარაკობდა, მე ყურს ვუგდებდი. ილია ტორონჯაძის შვილს რომ ექიმი მოუყვანეს, აი ის ამბობდა და იმას ხომ ნამდვილად ეცოდინებოდა. — თუ ხეს ღუეს არ მიახამს, სხვა რისი მეშინია, ერთ წუთს ავირბენ ხეზე და რა მიჭირს.

— თხებს ვის დაუტოვებ? — სიცილით დაეკითხა ათანასე. ბავშვი ცოტა შეფიქრიანდა...

— ალბათ გაიქცევიან...

— ყვე! შენი იმედით მართლა აშენდება ჩვენი ფარა! თხა რომ ისეთი ჭკვიანი იყოს, მწყემსი არც კი დასჭირდებოდა. მწყემსი კი იმიტომ არის, რომ ცოფიანი ძაღლისა და ტურა-მგლისაგან დაიფაროს.

— თო! ჭიჭა, * მე ჭერ პატარა ვარ. თორემ, როცა გავიზრდები, კიდევაც დავიფარავ ტურა-მგლისაგან.

ამ ლაპარაკის დროს მათ გაიარეს პატარა ღელე ოტორონჯე და მის გაღმა ბუჩქნარს აყენენ. თხები ბუჩქნარში აქეთ-იქით გაიფანტნენ და სიამოვნებით ჩააქნატუნეს აქა-იქ. რაც მოხვდათ.

— ჰე, ფარნა! აქ ნუ აძოვებ. ისევ შარაზე გამორეკე თხები! — დარბაისლურად გადასძახა ათანასემ.

ფარნა ძაშინვე ხან აქეთ ეცა, ხან იქით, ზოგან ეკალი მოედო, ზოგან ბუჩქნარში გაიხლართა, მაგრამ მაინც რის ვაი-ვაგლახით მცირე ფარა ისევ გზაზე დააყენა. თან ერეკებოდა და თან, რაც შეეძლო, ხმამაღლა უყვიროდა.

— მარტო ყვირილით რა გამოვა, სახელები უნდა დაუძახო, თორემ მარტო ყაი, ყაი რომ უკიჟინო, ყურსაც არ გაიბერტყავენ. ყველას სახელები არ იცი? — დაეკითხა ათანასე.

— ყველასი? რა ვიცი, ძმაო, მე, — ცოტა გაკვირვებით მიუგო ფარნამ. — ხუდღუშა ვიცი, უჩა, დარგა ვიცი, ოჩაგა ვიცი.

— აი, იმას რა ჰქვიან, მაღალი რქები ერთად რომ აქვს წვერში შეერთებული? — დაეკითხა ათანასე.

* ჭიჭა — ბიძია.

— არ ვიცი.

— იმას ტყუბა ჰქვია. აგერ, ამ მოთეთროს, ცოტად რომ კოჭლობს, ჩხაპრა ჰქვია. იმ ე, წინ რომ მიღის, დიდ ჯიქნიანი, იმას ერცქემია ჰქვია.

— ამას რაღა ჰქვია, რჩოგას გვერდით რომ მიღის ე, ახლა რომ ხუდღუშის ურქინა, — ჰკითხა ფარნამ.

— რომელსა?

— ე, „ფრიტ, ფრიტ“ რომ დაიძახა.

— იმას ლუზანია ჰქვია.

— ახლა ვიცი, ლუზანია, ლუზანია, — ბეჭითად წარმოთქვა ფარნამ, ქამრიდან პატარა ნაჯახი ამოიღო. ერთ ძველ ხის კუნძს მოუქნია და რაც ძალი და ღონე ჰქონდა დაჰკრა.

— მაგას ნუ შვრები, ფარნა, — შენიშნა ათანასემ, — შეიძლება ფეხზედ მოიხვედრო და ფეხი მოიჭრა; ამის გარდა ნაჯახიც გაფუჭდება, თუ ქვას მოხვდა.

— უიმე, აკი დამავეიწყდა, ბაბამ რომ მითხრა. შეიძლება ახლაც გაუაფუჭე. — ნაღვლიანად წარმოთქვა ბავშვმა და ნაჯახის პირს დახედა: — უი, ახლა მომკალი, ღმერთო, ახლა მომკალით, — შეწუხებით დაუმატა მან. — ათა, ათა, მგონი გამიფუჭებია, გამოტეხილა, — აგერ, გერ, — ატირდა ბავშვი.

— მე არ გითხარი, ქვას მოხვდება-მეთქი

ათანასემ ფარნას ნაჯახი გამოართვა და დაათვალიერა.

— უჰ, აი სად გამოგიტეხია, მაგრამ არაფერია, ამ საღამოს გაველესოთ.

— საღამომღე არ ღავბრუნდებით ჩვენ? შუადღეზე არ წამოვალთ?

— რადგან ბიჭურში მივდივართ, შუადღეზე წამოსვლა არა ღირს. მაისსა და ივანობას დიდი ღღეებია, მაშინ შეიძლება და ახლა, მარტში, წამოსვლად არა ღირს. ძლიერ გვია? — დაუმატა ათანასემ.

— არა, არა მშია, მაგრამ ალბათ მომშივდება!

— რას იზამ, უნდა მოითმინო. ზაფხული რომ იყოს, ხილს ვიშოვნით... შევცდით, თორემ შენთვის სურით უნდა წამოგველო საჭმელი.

— განა მარტო ჩემთვის, შენ ვითომ არ მოგშივდება?

— რა არ მომშივდება, მე ვითომ კაცი არა ვარ? მაგრამ მე მოვითმენ.

— მეც მოვითმენ, — თამამად უპასუხა ფარნამ.

— რა კარი გაქვს, რომ არ მოითმინო, — გააჯავრა ათანასემ. — შეხედე, ჩხაპრა საით მიდის, აქეთ, სხვებს შეუერთე ის ტურის ვასატყავებელი.

ფარნამ ფიცხლად აღასრულა ბრძანება და განზე გაქცეული თხა ისევ ამხანაგებს შეუერთა.

ამნაირად, ჩვენი მწყემსები ბიჭურს მიუახლოვდნენ.

ბიჭურის ტყეს ეჭირა მალლობი და სწორი ადგილი, მხოლოდ ჩრდილოეთ დასავლეთისაკენ ცოტად დაქანებული იყო და აქ შუა ტყეში ჩამოუდიოდა კარგა მოზდილი ლელე, რომელსაც ფართო ლელეს ეძახდნენ.

შუაგულ ტყეში იყო ერთი მაღალი და ვაკე ადგილი, რომელსაც „ბეგს“ ეძახდნენ და სადაც ყოველთვის ისვენებდნენ მწყემსები. იქვე გამოვიდოდნენ სათამაშოდ და სალაზღანდაროდ. აქვე იყო საჭურჭლე თიხა, რომელსაც ახლომანლო მეჭურჭლეები ეზიდებოდნენ.

მშვენიერი დარი იდგა. მარტმა თანდათან ძალა გამოიჩინა. მზის გაცოცხლებული სხივები ისარივით მოხვდა ზამთრის სიცივისაგან მოკუმშულ ხის კოკორებს, შუაში გაიარა და პატარა ფოთლები გამოაჩინა. მერე თბილი სხივები ბლომად მოაშუქა და ფოთლები ცოტ-ცოტად გააფართოვა.

ამდროებით თხმელა თითქმის დაფოთლილი იყო. ალაგ-ალაგ წყლის პირად ამოსულ თხმელის ბუჩქნარს თითქმის ხელისგულის ოდენა ფოთოლი ფარავდა. წიფელა მწვანდებოდა, ზოგან კიდევ ამწვანებულიყო. გარეულ თხილს თავისი გრძელი ხეხვილები, რომელიც ზამთარში ისე ამშვენებდა, დაემრგვალებინა და ყურებ-აკქვეტილი, ნაზი, მწვანე ფოთოლი გამოეშვა. ყოველ ბალახს, ყოველ ბუჩქნარს, ყოველ ხეს ფერი შეეცვალა და სადღესასწაულოდ მოსართავად ემზადებოდა. მგალობელი ფრინველები ჯერ არ დაბრუნებულიყვნენ და ამიტომ ტყეში ის საამური, ათასნაირ კილოზე უივილ-ხივილი არ ისმოდა, რაც მაისში და ივლისში ისმის. მშვიერი ძერა ნება-ნებაზედ დაცურავდა ცის ლაყვარდზე და ყვავების გუნდი არეული ჩხავილით გამხმარ წიფლის კენწეროზე „ყვავყვას“ გაიძახოდა.

„ფვიტ, ფვიტ, ფვიტ, ფვიტ, ფვიტ, ფვიტ“. ერთი მაღლა, მეორე დაბლა, მესამე საშუალოდ და გაგრძელებით, ლარჭემის ხმა მოესმათ ზვენს მწყემსებს, როცა ბეგს მიუახლოვდნენ.

— დია, ლარჭემი! — მხიარულად წამოიძახა ფარნამ.

— ე უი — დაიყვირა ათანასემ.

აქ ლარკემის ხმა შეწყდა და იქიდან იმგვარივე პასუხი მიიღო — რომელი ხარ შენ? — ისევ დაუყვირა ათანასემ.

— ძაკალა ვარ, ძაკალა!

— მაშინათვე მივხვდი, რომ ძაკალა იყო. — ჩუმად, თავმო-მწონედ თქვა ათანასემ.

— დაგიძახა და იმიტომ მიხვდი, — ნიშნის მოგებით უთხრა ფარნამ.

— არა, დედის სული ნუ წამიწყდება. ლარკემის ხმაზე ვიცანი-

— შენ რომელი ხარ? — დაუყვირა იქიდან ძაკალამ.

— ათა, ათანასე ვარ!

— ო! მოდი, მოდი ჩქარა.

რამდენიმე წუთიც და მწყემსები ერთად შეიყარნენ.

— ფარნაც წამოგიყვანია? — ჰკითხა ძაკალამ.

— ერთი თვის შემდეგ ეს იქნება ნამდვილი ჭყიში.*

— რატომ? — გაოცებით ჰკითხა ძაკალამ.

— მე არ მეცლება, ყანაში უნდა ვიმუშაო. ივანე ლეტა-კარში-ქირაზე წავიდა.

— უჰ! ეს კი მეწყინა, — ნაღვლიანად მიუგო ძაკალამ. — ამ ზაფხულს რამდენს ვითამაშებდით, ან რამდენ კიბოსა და ჩიტებს დავიკერდით, უჰ!

— ჩემს მაგიერობას ფარნას გადავცემ, — ღიმილით მიუგო ათანასემ. — ბარემ მეც ქე მწყენია, მარა რა ვქნა.

— ფარნა, ფარნა, შე კაცო, და შენთან აგერ რამდენი წელი-წადია შეჩვეული ვარ.

VIII

შუა ბეგში, სათემო გზის პირად, ერთი ქარისაგან წანაქცევი ვეებერთელა წიფელის მსხვილი და გრძელი როკი ეგდო. ტოტებო შემოლოდა; ზოგი შეშად წაეღოთ მახლობელ მეზობლებს და ზოგიც დროთა ვითარებისა გამო დამპალიყო. სალაზღანდაროდ და დასასვენებლად ეს ადგილი ჰქონდათ მწყემსებს მიჩნეული. ვისაც რამე იარაღი ჰქონდა, თავის მოვალეობად თვლიდა წიფელის მსხვილი, ალაგ-ალაგ ჩამპალი ღეროსათვის ცოტა გაეკაქუნებინა და

* ჭყიში — მწყემსი.

ნაფოტები დაეყარა. ამიტომ წიფელის ლეში ათასნაირად უშნოდ მოთლილი და ჩაკეპილი იყო.

მისვლის უმალ ფარნამაც შესთავაზა წიფელის როკს პატარა ნაჯახის პირი. ათანასე და ძაკალა ცოტა მოშორებით იდგნენ და რალაცაზე მუსაიფობდნენ. ორივენი სიმაღლით ერთი ზომისანი იყვნენ. ათანასეს ტანთ ეცვა მოკლე, მსხვილი შალის ჩოხა არა თუ მოქველო, კიდევაც დახეული. თავი კი გვარიანი სუფთა შალისავე ყაბალახით ჰქონდა შეხვეული. ძაკალას კი ძველი, ჩითის, უანგარიშო ფარატინ ჩამოკიდებული ახალუხი ეცვა. ეტყობოდა, ვინმე სრულწლოვანის გამონაცვალა იყო, რადგან ერთობ დიდი იყო მისთვის. თავზე ძველი ნაბდის ქუდი ეხურა. ქუდს კუნჭული ამოგლეჯილი ჰქონდა, საიდანაც ჯაგარივით მაგარი და რამდენიმე თვის დაუბანელი თმა ჩანდა.

— წიე, ასე დიდად ნუ აკაკუნებ! — გადმოსძახა ათანასემ ფარნას, — შეიძლება ტყაჩუმ გამოიაროს, ნაჯახს წაგვართმევს. ერთ დღეს მე ისე ტყუილად მეჭირა, მაგრამ კინაღამ წამართვა. თხები მუქთად ძღებიან არ გეყოფათ, რომ ხეებსაც აფუჭებო.

ბიჭურის შუაგულ სათემო გზა გადიოდა და ამ გზის პირად ეგდო ეს წაქცეული წიფელა.

თხები ერთი თვალის დახამხამებაში აქეთ-იქით მოედგნენ ტყეს, ახლად აყვავებული კვირტები მხიარული კრუტუნით ჩააკნატუნეს.

— ნამდვილს ამბობ? — ხმამაღლა დაეკითხა ძაკალა ათანასეს

— დედიჩემის სული ნუ წამიწყდება!

— შენი თვალით ნახე?

— ჩემი თვალით, მაშა? იქით კვირას, ერთი ყაბალახი სავსე დავიჭირე. დღე კიდევ ასეთი თბილი როდი იყო.

— თხებს რა ეშველება, თხებს, — ნაღვლიანად თქვა ძაკალამ.

— მეც ეს მაწუხებს და.

— ფარნას ვითომ ვენდოთ?

— რა ვიცა, თუ ლმერთი გწამს, ან შეშინდეს, ან რამე, პირველადაა აქ დღეს.

— მაშ ერთი ვქნათ, ათა?

— რა!

— წავიდეთ ცოტა ხანს და თხებს ჩქარა ისევ მოვაკითხოთ. დავათვალიეროთ და ისევ წავიდეთ.

ათანასე დაფიქრდა.

— ფარნა! — ალერსიანად დაუძახა ათანასემ.

— ჰო!

— შენ ჩემი კარგი ბიჭი არა ხარ? ერთს რომ გეტყვი, თუ იმას კარგად შემისრულებ, ისეთ საჩუქარს მოგიტან, რომ...

— რას, რას, შენი ჰირიმე, ათა, — ატიტინდა ბავშვი, ნაჯახი, რომელიც ხელში ეჭირა და მიუხედავად ძმის შენიშვნისა, მაინც ნელ-ნელა წიფელას თლიდა, უცბად ქამარში ჩაირჭო და იმათთან მიიჭრა.

— სუ, ნუ ღრიალებ! იცი, რას გეტყვი? თუ შენ რიგიანად თხებს მიჰხედავ, იცოდე, სულ ყური უნდა უგდო, ერთ წამს არ უნდა მიატოვო, თვალიდან არ უნდა გაუშვა, ხანდისხან უნდა დაიყვირო, თხებს უნდა სახელები უძახო. შორს თუ გაიფანტნენ, ახლო უნდა მორეკო, კაი საძოვრისაკენ თუ გაიწევეს, შენც უნდა გაყვე... თუ შენ ამას რიგიანად შეასრულებ, ჩვენ, იცი, სად წავალთ? ფართო ლელეში ჩავალთ და იმდენ კიბოებს დავიჭერთ, რომ ამაღამ ვახშმად ფო... ფო... ფო...

— დია, კარგი, კარგი! — აღტაცებით წამოიძახა ფარნამ. — ღაღის კიდეც მოვუტანოთ? აქედან ძლიერ შორს იქნებით?

— არა, — გულის გამამაგრებელი კილოთი მიუგო ათანასემ. — შენ რომ დიდს დაიყვირებ, ჩვენ გვესმოდეს იქნება. ხელში მოქაფურელი ცული არ გიჭირავს?

— ბევრი ტურა-მგელია ამ ბიჭურში? — შიშით შენიშნა ფარნამ:

— ჰა, ჰა, ჰა, — ჩაიციინეს ორივემ, — ტურა-მგელს შენთან რა უნდა? კაცისა ყველაფერს ეშინია! ისიც დღისით. შენ თამამად იყავ, ჩვენ აგერ არა ვართ! მხოლოდ არ დაგვლუპო, თხები არ გაფანტო და იმდენ კიბოს მოგიტანო, რომ...

მათ ერთხელ კიდეც დაათვალიერეს თხები: ყველა იანგარიშეს. რამდენიმეჯერ, რაც ძალი და ღონე ჰქონდათ, დაიყვირეს, მერე ისევ კიჟინ-კიჟინით და სირბილით ფართო ლელესაკენ გაიქცნენ.

— აბა, შენ იცი, ფარნა, აბა, შენ იცი! — ერთხელ კიდეც დაუყვირეს შორიდან და თვალიდან მოეფარნენ.

პირველ წუთს ფარნა შიშის ზარმა. აიტანა. იდგა ტყეში. ფართო შარაგზის პირად. გარშემო ჩამიჩუმი: არ ისმოდა. მხოლოდ ღროგამოშვებით თხების ფრუტუნის სიჩუქმეს არღვევდა.

ფარნამ ყოველმხრივ მიიხედა, თითო-თითოჯერ თვალი გააყოლა იმ მხარეს, საითყენაც ათანასე და ძაკალა გაიქცნენ. მხოლოდ ტანი აებურძგნა და პატარა გულმა თანთახნი დაუწყო. მზათიყო ღრიალი აეტეხა, მაგრამ გაახსენდა ათანასეს სიტყვები: „რის გეშინია, მოქაფურელი ცული ხელში არ გიჭირავსო. კაცისა“

ყველაფერს ეშინიაო. ფარნამ მალა აიხედა. ერთი ბეწო ღრუბელი რა არის, არ მოიძებნებოდა ცის ლაქვარდზე. ბრწყინვალე მზე უხვად გზავნიდა თბილ სხივებს. შუა წირვის დრო იქნებოდა. ფარნა შეეცადა გული გაემაგრებინა, ხელი მოუჭირა ნაჯახის ტარს, გაექანა მახლობელ ბუჩქნარისაკენ, მოუქნია და ცერის სისხო იელი ყველივით გადასკრა. ამით წათამამებული დაერია და რამდენიმე სრულიად უდანაშაულო მცენარეს სიცოცხლე მოუსპო.

— ა უ... უი! — დაიყვირა მან, ჭერ შიშით. მისი ხმა ნაწყვეტ-ნაწყვეტად ამოდირდა პირიდან, მერე გათამამდა და საშინელი ყვირილი გააბა.

ფარნა ცდილობდა დაწვრილებით შეესრულებინა ათანასეს დაბარება. წამდაუწუმ მირობდა თხებთან, თუმცა გზას რომ გაშორდებოდა, ცოტა არ იყოს, თმა აეჩეჩებოდა. გზიდან შორს წასულ თხებს აქეთ ერეკებოდა, ყვიროდა, მღეროდა და თან პატარა კვალაიას, სადაც მოხვდებოდა, მარჯვნივ და მარცხნივ ხეებს და ბუჩქებს უწყაბუნებდა. ამ ხეტიალის დროს ის წააწყდა ერთ ადგილს, სადაც მიწა რამდენიმე საჟენის სიგრძე-სიგანეზე ამოთხრილი იყო და ყვითელი გატკეპნილი თიხა ალაგ-ალაგ დიდ გუნდა-გუნდად ეფარა. გონიერი ბავშვი მაშინვე მიხვდა, რომ ეს ადგილი საჭურჭლე თიხის სათხრელი უნდა ყოფილიყო. გაგონილიც ჰქონდა, რომ ბეგში საჭურჭლე თიხა არისო და იქიდან გააქვთ მეჭურჭლეებსაო. გარდა ამისა, შარშან ის პეტრეს წაყვა მახლობელ სოფელში, ერთი კაცის სახლში, რომელიც მეჭურჭლე იყო. როცა ისინი მივიდნენ, მეჭურჭლე მუშაობდა. სწორედ იმნაირივე თიხა ეწყო მეჭურჭლის წინ.

ფარნამ თხმელის ტოტი ჩამოსკრა და ამონათხარ მიწას გამხმარი ფოთლები გადასწმინდა, რადგან ჭურჭლის მუშაობა ჭერ დაწყებულნი არ იყო და შარშანდელ ამონათხარ მიწას ალაგ-ალაგ ფოთლები და ფიჩხები ეყარა. ჯოხითაც ამოთხარა რამდენიმე მუქა თიხა, პერანგის კალთაში ჩაიწყო და მახლობელ რუსაკენ გაექანა.

ფარნა ჩამოჯდა რუს პირად. ნაჯახი გვერდით მოიღო. თიხას მუქით წყალი დაასხა და ზელა დაუწყო. თიხა ცოტად რომ მოზილა. ხელით გააგორ-გამოაგორა და ბურთივით დაამრგვალა. მერე ეს ბურთიც ცალი ხელისგულზე დაიდო, მეორე ხელისგული დაატაკა-ცუნა და თიხა გააპრტყელა. შემდეგ ბრტყელი თიხის კიდე ირგვლივ ზემოთ ასწია და რალაც ჯამის მსგავსი გამოიყვანა. თავის გულში ბავშვს სურდა რაიმე პატარა ჭურჭელი გაეკეთებინა. ან ქოთანი ან ლიტრა. მაგრამ რიგზე დაუშეღავი თიხა გაიხსნა. ზოგან სულ მოვარდა, ზოგან პირი დაალო. ფარნამ მოვარდნილი ნატე-

ხები ისევ მიაწება, სველი ხელიც მოიხმარია, მაგრამ ლამაზი ჭურჭელი მაინც არ გამოვიდა. ერთი ნაკლი ის ჰქონდა მისგან გაკეთებულ ჭურჭელს, რომ ძირი მრგვალი არა ჰქონდა, როგორც საზოგადოდ ჭურჭლებს აქვთ ხოლმე. უშნოდ მოღუნულ-მიღუნული იყო, ერთ მხრივ აწეული იყო, მეორე მხრივ დაწეული. თვითონ ოსტატსაც არ მოეწონა და უკმაყოფილოდ ისევ შეზილა. ახლა ხელმეორედ დაისველა ხელი და ისევ გულმოდგინედ ხელახლა კეთება დაიწყო. ვერც ახლა გამოუვიდა. მეორედაც გული არ აუტკრჯვდა და მესამედაც სცადა, მეოთხედაც და ისე გაერთო ამ საქმეში, რომ სხვა ყველაფერი დაავიწყდა.

ათანასე და ძაკალა სიმღერით და კიჟინით მოვიდნენ ფართო ღელესთან.

— აი ზემოთ ავჯხვიოთ. ოკამბეშეს * რომ ეძახიან, იმის ზემოთ გუბე რომ არის, იქ ვიკიბოვოთ, — თქვა ათანასემ. რამდენიმე წუთიც და ისინი დანიშნულ ალაგას იყვნენ.

გუბე წარმოდგენდა სიგრძით ოთხ-ხუთს და სიგანით ერთ ნახევარ საყენს და სიღრმით სამ ჩარეკ წყალს, რომელსაც ზემოდან არშინის სიმაღლე ციცაბოდან ანკარა ღელე ჩამოხრიალებდა. ქვევით კი. გუბის ბოლოს, ფონი იყო, ვეებერთელა სიპი ქვევით სავსე, რომლის სისქეს სანახევროდ ძლივს ფარავდა ქვევით მიმდინარე წყალი.

ღელეს ერთი ნაპირი დაბალი იყო და მეორე — მაღალი. დაბალი ნაპირი ბუჩქ-ეკლით იყო დაფარული და მაღალ ნაპირზე კი მოზრდილი ხეები, განსაკუთრებით რცხილა ხარობდა, რომლის ტოტები ქოლგასავით ფარავდა გუბეს.

შემოდგომაზე, რასაკვირველია, რცხილის ფოთლები წყალში სცივოდა, განსაკუთრებით გროვდებოდა ნაპირზე. წლითი-წლობით მოგროვილი ფოთლები თინა-ქვიშაში და ფიჩხში შერეული, წარმოდგენდა რალაც სქელ და მჩატე ტლაბოს, რომელშიაც უყვარდა კიბოს დაბუდებდა.

— ჰო, აქ კი უსათუოდ იქნება კიბო! — სიხარულით წაპოიძახა ძაკალამ, როცა გუბესთან მივიდნენ. შარშანწინ, მახსოვს, მე და მამაჩემი კიდევ ვიყავით აქ.

— აბა ახლა ფეხზე გავიხადოთ, — თქვა ათანასემ.

ორივემ თავიანთი ნახევრად დაგლეჯილი, მოუმზადებელი ტყავისაგან შეკერილი ქალამნები გაიხადა.

* ოკამბეშე—საკამეჩე.

—ტა, ტა, ტა, რა ცივია, ყინვასავით ყოფილა, ნა, ნა, ნა, ნა, ნა,— კბილების რაკრაკით წარმოთქვა ძაკალამ, როცა წყალში ფეხები ჩადგა და ფიჩხებს ნელა გადასწია, რომ კბოს ფრთხილად მიჰპაროდა.

— დღეს კიდევ არ იქნება ისეთი ცივი, — მიუგო ათანასემ. — შეხედე, მზე რავე ათბობს. იქით კვირას ცა სულ მოღრუბლული იყო და ქარიც ისეთი უბერავდა, მაგრამ... თო, თო, თოო... ა... ბიჭო, მართლა, ეს რა ცივი ყოფილა, — დაიღრიალა ათანასემაც, როცა თვითონაც ჩადგა წყალში ფეხები, — დღევანდელი დღის მადღმა. მაშინ ისეთი ცივი არ იყო.

— ნელა, ნელა, ნუ ღრიალებ, კბოები არ დაათრთხო, — მიუგო ძაკალამ.

— ვავა! ბორო პაპის * მონათლული. კბო რას გაიგონებს.

— რატომ?

— რატომ და იმიტომ, — მიუგო ათანასემ და ფიჩხები ფრთხილად გადასწია.

— ვითომ კბოს არაფერი ესმის ყურში.

— მაშ არა და. დუტუმ თქვა, თევზს და კბოს სმენა არა აქვთო და თვალს კი ძლიერ ჰხედავენო.

ძაკალამ არა მიუგო რა. დღუტუ ისეთი ავტორიტეტი იყო თევზის კერაში, რომ იმის ნათქვამის წინააღმდეგობა ძაკალას არ შეეძლო. მან შეამჩნია კბო და ნელ-ნელა სულგანაბული ეპარებოდა.

— ოჰ, ოჰ, ეს ერთი! — დაიძახა ძაკალამ და მაგრა შეკუმშული გუქი წყლიდან ამოიღო.

ნეკის ძირიდან საბრალო მოყვითალო კბოს ფეხები ჩანდა.

— ეს მერე! — დაიძახა ათანასემ.

— აბა, პა, შენი ყაბალახი, — უთხრა ძაკალამ.

ათანასე წყლიდან ამოვიდა, კბო იქვე მდელიოზე დაავლო და საჩქაროდ თავიდან ყაბალახი მოიხსნა. კბომ კი, რა იგრძნო თავისუფლება, ცოტა წაბუღრუგუნდა, მაგრამ ზურგზე ისევ ათანასეს ხელი დაეფარა.

— ოხე! — ოხუნჯურად დაუძახა მან, — წიგნში ასე არა წერია მაგისთანები შენ თავის დღეში არ იკადრო, ეს ტყუილი მოგივა, — შეუბრალებლად ეუბნებოდა ათანასე, ხელი დაავლო და ყაბალახში ჩაავლო. მერე ყაბალახის ტოტები სარტყელივით შემოირტყა და თავზე დასახური პარკივით წინ მოიმარჯვა.

* ბორო პაპა—ლენჩი მღვდელი.

ძაკალამაც თავის კიბოს იქ გადაუძახა.

— ნა, ნა, ნა, ნა, ... შე ოხერო! — მწარედ დაიძახა ძაკალამ და ხელი საჩქაროდ წყლიდგან ამოიღო. ერთი ვეებერთელა, ნახშირივით შავ კიბოს ფეხები მის ნეკში მაგრა ჩაეჭიდა.

— ე! ეს კარგი დაგიჭერია, — მოუწონა ათანასემ. — პაპას ჩილი-თქვა*, ბიჭო, პაპას ჩილი-თქვა.

— პაპას ჩილი, პაპას ჩილი, — გამწარებით ამბობდა ძაკალა. ცალ თვალს ლოყა-ტუჩებიანად საზარლად კმუქნავდა. კიბო მაინც არ ეშვებოდა; ხუმრობა საქმე იყო? სიცოცხლის დათმობა განა ასე ადვილია?!

ძაკალამ ძალზედ გააქნია ხელი ნაპირისაკენ. კიბოს სიმძიმემ დასძლია და მდელიოზე ბარტყანი მოიღო. ფეხის განძრევაც ვერ მოასწრო საცოდავმა, რომ ათანასეს შეუბრალებელი თითები მის ხოპიან ზურგს მოხვდა და ყაბალახში ჩაუძახა.

— ბიჭო, თასირამი ხომ არ არის? — ჰკითხა ძაკალამ.

— არა, ყა, — გაფანტულად მიუგო ათანასემ.

— წყეულმა რარიგად მომიჭირა, კინაღამ სული ამომამძრო.

ამნაირად, ჩვენი მწყემსები შეუდგნენ ნადირობას და ისე გაერთენ, რომ ფიქრადაც არ მოსდიოდათ, სადმე ქვეყანაზე თხა არსებობდა თუ არა.

პატარა ფარნამ ბარე ათჯერ გაიმეორა ჭურჭლის კეთება, მაგრამ ამოოდ; რიგიანი ერთხელაც არ გამოუვიდა. თითები მთლიანად თიხით გაეგლისა, წელი საშინლად ეტკინა, თვალები დაუძიმდა და თან ზნეობრივი მწუხარებაც დაემატა; ჯავრი მოსდიოდა, რომ ოსტატობა ვერ გამოიჩინა. ერთხელ კიდევ სცადა, მაგრამ არა და არა, ჭურჭელი ლამაზი არ გამოდიოდა. ბავშვი ცოტა ხანს დაფიქრდა; ერთი ახლო ძლივს მიბეუტავ რუს შეხედა, ერთიც თავის ჭურჭელს და გაბრაზებულმა სველი თიხა შორს გადაავლო. ახლა მას გაახსენდა თხები და ათანასეს დანაბარები: კარგად თუ შეასრულე ჩემი ნათქვამი, მე ვიცი შენი პატივისცემას, კიბოები ამალამ თავზე. საყრელი გექნებაო. ვაიმე, — გაიფიქრა მან და მზეს შეხედა. შუადღეზე ბევრად გადაცილებული იყო. ფარნამ ყური დაუგლო, მაგრამ თხების ფრუტუნის არ მოესმა.

ხელები საჩქაროდ რუში ამოიბანა, მაგრამ ისე კი, რომ ტალახი სანახევროდ ზედ შერჩა, შიშით აძაგდავებულმა ნაჯახს ხელი მოავლო და ზეზე წამოვარდა.

— ნანა, ჩემი ცოდვა, დავიღუპე, თხები სად არის? — წაიბუტ-

* ჩილი — ცოლი.

ბუტა ტირილით და მის ნორჩ გონებას ერთიერთმანეთზე სამწუხარო ფიქრები მოადგა.

რაც უნდა ყოფილიყო, მარტო ტირილით ვერას გაარიგებდა. მას ერთ წამს გადაავიწყდა ყოველივე შიში და თამამად ტყეში შევიდა. კარგა მანძილით მოშორდა სათემო გზას და აქ ხშირ ეკლნარში, სადაც წიფელებიც იდგა, ცოტად გული მოუღბა, რადგან თხების ფრუტუნი შემოესმა.

თხები გატაცებით პირს ახრამუნებდნენ. ერთი მათგანი, რომელსაც ტყუბა ერქვა, მიწაზე იწვა და იცოხნებოდა. დანარჩენი ორი, ერთი უჩადარგა და ერთიც ძაკალას თხა, რომლის სახელი ფარნამ არ იცოდა, ერთმანეთს ურქენდნენ. ფარნა დიდი მოყვარული იყო თხების ჭიდაობისა და ძლიერაც ესიამოვნა, რომ ერთი თხა სხვისი იყო და აინტერესებდა, რომელი მათგანი აჯობებდა; რასაკვირველია, უჩადარგას გამარჯვების მსურველი იყო. მაგრამ ისევ დანარჩენი თხები გაახსენდა და მათ დასათვალიერებლად გაეშურა. საუბედუროდ, აქ ერთი დიდი დაბრკოლება გადაეღობა წინ: თუმცა ათანასემ დღეს ყველა თხა გააცნო, მაგრამ კარგად ჯერ მაინც ვერ იცნობდა. გარდა ამისა, ერთად ყველას რიცხვიც არ იცოდა. მაგარი ის იყო კიდევ, რომ ათზე ზევით თვლაც არ ეხერხებოდა. ძაკალას თხების კი ამბრუ-ბამბრუ აღარა გაეგებოდა რა; არც სახელები, არც ფერი, არც რიცხვი. სხვა რა შეეძლო, რაც თხები ნახა, ერთად თავი მოუყარა და წაქცეულ წიფელასაკენ გარეკვა დააპირა. თხებს კი სრულებით არ უნდოდა ბლომა და გემრიელი საჭმელისათვის თავი დაენებებინათ და ფარნას ძახილზე: „ყაი, ყაი, ყაი,“ ყურიც არ ათხოვეს და წვერების ცანცარით ისევ კნატუნი გააგრძელეს.

ფარნამ მოუფერებლად დაუშინა მათ, რაც ხელში მოხვდა, ქვა, მიწა, კეტი, ერთს კინალამ ნაჯახი ესროლა და ყველანი შარაგზაზე, წიფელასთან მირეკა.

ბავშვი გულდადებით აკვირდებოდა თხებს, მაგრამ დაბეჭითით ვერ მიმხვდარიყო, სრულად იყენენ თუ არა.

— დიდი ოჩაგა კი არის, აგერ პატარა ოჩაგა, ე, ხუდლუშია, ე, ჩხაპრა, — ამბობდა ბავშვი. ნაცნობ თხებში უცნობ (ძაკალას) თხებსაც არჩევდა და მათი საქმე უფრო აწუხებდა: ვაითუ ისინი სრულიად დაიფანტნენო.

რაც იყო, ის იყო! მათ საძებრად სხვაგან ვერსად წავიდოდა. სამაგიეროდ, რაც შეეძლო, ყვირილით ცდილობდა დანაშაულო გამოესწორებინა და წამდაუწყუმ, ააა... უ... უის გაიძახოდა.

კარგა ხანი ინადირეს ჩვენმა მწყემსებმა. პირველი აღტაცება

დაუცხრათ. ხელ-ფეხშიაც სიცივე იგრძნეს და თხებიც გაახსენდათ. რომ თქვას კაცმა, ყაბალახიც კიბოებით სავსე ჰქონდათ.

— ა დ დ... დ... დ... — ტუჩების კანკალით წარმოთქვა ძაკა-ლამ: — გვეყო... ფა, ათანასე, წავიდეთ. შეხედე! მზე კიდევ გადახრილა. ერთი წუთი არ გასულა, მგონია, ეს ოხერი...

— ვერც კი მივაკითხეთ თხებს, — ნაღვლიანად მიუგო ათანასემ, — ტყუილი მოგვივიდა, ბავშვის ანაბარა დავტოვეთ თხები. ეს ოხერი, თუ ერთხელ ხელი დავისველე, მე რე ხომ ვერ დავანებებ თავსა, უჰ, დაღამებულა კიდევ.

ორივენი საჩქაროდ ამოვიდნენ წყლიდან და თხებისაკენ გაეშურნენ. კიბოებით სავსე ყაბალახი ათანასეს კისერზე ჰქონდა გადაკიდებულნი. მათ მალე მოესმათ ბავშვის ყვირილი.

— ოჰო, ჩემო ფარნა! თუკი ღღეს თხები არ დააბნიე, შენი საჩუქარი მე ვიცოდე, — წაილაპარაკა ათანასემ, როცა ბავშვის ხმა გაიგონა.

— ა... უ... უ!.. — დაიყვირეს ორივემ, რომ ბავშვისათვის გული უფრო გაეთამამებინათ.

— ვო, ფარნა! — დაუძახა ათანასემ, როცა მიუახლოვდა.

— ჰო, — შეშინებულად მიუგო ფარნამ.

— ბიჭო, თხები ხომ არის?

ფარნამ არა მიუგო რა.

— ა... წიე?! — უფრო ხმამალა დაუძახა ათანასემ. — ბიჭო, ხომ არ დააბნიე თხები? — ჰკითხა ათანასემ, როცა მიუახლოვდნენ.

ფარნა ერთ ადგილას იდგა და თითქმის თრთოდა შიშისაგან. ათანასე ერთი შეხედვით მიხვდა, რომ რალაც სიკეთე არ იყო.

— ქე მაინც მითხარი, ბიჭო, შე კინჩხ მოსამტვრევო! — დაუყვირა ათანასემ, — დაჰკარგე თხები?

— მე... მე... — წაილაპარაკა ფარნამ და ცრემლმორეულმა ღრიალი მორთო.

— ვაი შენ და ზურნა! — მწყრალადვე მიაძახა ათანასემ და ძაკალას მიუბრუნდა.

— აბა, ძაკალა, დავათვალიეროთ თხები.

ორივენი საჩქაროდ თხების თვლას შეუდგნენ.

— ჩემს ღუზანია აკლია, — თქვა ათანასემ.

— ჩემსა ერთი შქერა და ერთიც ბაჯგალა! — ნაღვლიანად მიუგო გაფითრებულმა ძაკალამ.

ფარნა კი, რაც ძალი და ღონე ჰქონდა, ღრიალებდა და მისი დიდროვანი ლამაზი თვალებიდან ცრემლი დააღუპით მოდიოდა,

ნიკაპის წვერთან ცრემლის ნაკადული ერთმანეთს უერთდებოდა. და კამკამით მიწაზე ცვიოდა.

— ბეეე! — დასცინა ათანასემ, — გაგისქდეს მაგ ბონჩო თავი! ერთ წუთს თხებს ვერ მოუარა. ამის იმედით ჩვენი თხები აშენდება! მითხარი, ბიჭო, ქე მაინც, მითხარი, სად იყვნენ, როცა ნახე?

ათანასეს ბევრჯერ დამართოდა მაგისტანა შეცდომა თავის სიცოცხლეში და კარგად იცოდა, რომ ბავშვი ალბათ რამე სათამაშოს შერჩებოდა და თხები გაიფანტებოდნენ. სინიდისის წინაშე თავის თავს უფრო ამტყუნებდა, თუმცა სიტყვით ბრალს უფრო ფარნას სდებდა.

— ე, იქით, — ტირილით მიუგო ფარნამ, ხელით ანიშნა.

— არიქა, გავიქცეთ! — ცქვიტად გადასძახა ათანასემ ძაკალას.

— შენ კი... აქედან ფეხი არ მოიცივლო, თორემ სულს ამოგართმევ! — მწყურალად და ბეჯითად მიაძახა ათანასემ და ორივენი გაიქცნენ.

— ახლა მომკლას და გამაქვავოს არა სჯობიან? — ამბობდნენ გზა-გზა მწყემსები, — ისე როგორ გადავირიეთ, რომ თითის ტოლა ბავშვს ამდენი თხები დავეტოვეთ... ოხ... ღმერთო, წმიდა გიორგო! — დაპირებას აძლევდნენ ორივენი.

ნახევარი საათის თავდავიწყებული ძებნის შემდეგ, როგორც იყო, ნახეს ჯოგს აცდენილი თხები. ეს ბედნიერი შემთხვევა იყო ორივესათვის, რადგან ხშირად მოხდებოდა, რომ ხან პატარა ტურა და ხან დიდიც არ დააყოვნებდა, მწყემსების დაუდევრობისა გამო, გზააბნეული თხის ხორციტ პირის გატკბარუნებას.

ფარნამ ცოტ-ცოტათი უკლო ღრიალს, როგორც კი ისინი თხების საძებრად წავიდნენ. მერე ნელ-ნელა ფრუტუნნი დაიწყო და მერე კი სულ გაჩუმდა.

ახლა კი უფრო ერთგულად მოეკიდა საქმეს და თხებს სულ ირგვლივ დასტრიალებდა. გულში კი წამლაუწუმ იმეორებდა: „წმიდა გიორგი, თაარ ანგელოზო, ნუ დაჰკარგავ ჩვენ თხებსა“. ასეთი ლოცვა მამისაგან ხშირად გაეგონა და თვითონაც გაჭირვების დროს ამასვე იმეორებდა.

რამდენიმე ხნის შემდეგ ჯარისკაცებივით დამწყრივებული თხები ფეხების ბაკუნით შინისაკენ მიდიოდნენ და მათ უკან სამივენი მზიარულად მისდევდნენ. ძაკალამ ლარქემს ტუჩები დააღო და მოწყენილი ხმები დაუსტვინა: „ფიტ... ფიტ... ფიტ... ფიტ...“ ბიჭურის შესავალში გზა რამდენიმე ნაწილად იყოფოდა. ამ ადგილამდის გზა ერთად ჰქონდათ მწყემსებს. აქ კი ათანასეს მარჯვნივ

მიმავალ გზისაკენ უნდა აეხვია და ძაკალას კი მარცხნივ, ამ ადგილას კიბოები გაიყვეს. ძაკალამ თავის ხვედრი რცხილის წვერილ და წვეტიან წკირზე უზოდიშოდ ერთი მეორეზე მიაარკო. მერე „თიში. თიშიო“ დაუძახეს თხებს და თითქო ოფიცერი უბრძანებს ჯარისკაცებსაო, არეულად მიმავალი თხები შუაში გაიყვნენ და თავიანთ გზას დაადგნენ.

— მშვიდობით, ათა! — მიაძახა ძაკალამ.

— მშვიდობით! — მიუგო ათანასემ. — ხშირად გამოიარე აქეთკენ.

— ახლა თითქმის სულ აქეთკენ დავდივარ, ნაოჩუ საყანედ აიღეს წრეულს და ჩვენს მუხურში თხის საძოვარი თითქმის არც კი არის ახლა.

ძაკალა თავის თხებით გზის მოსახვევს მიეფარა. ფარნამ და ათანასემ შინისკენ გასწიეს.

— ფარნა, — აღერსიანად უთხრა ათანასემ, როცა ისევ ოტორანჯე დელეს მიუახლოვდნენ. — რა საკიროა ბაბას ვუთხრათ, რომ ჩვენ დღეს თხები დაგვებნა. ალბათ შენ ძლიერ გაგიჯავრდება.

ათანასე ცრუობდა. მან კარგად იცოდა ბაბა ვის გაუჯავრდებოდა და შეიძლება ლოყებზედაც ეთავაზა ერთი-ორი თქვენი მოწონებული სილა და ამიტომ განზრახ გადაუკრა ასეთი სიტყვა ფარნას.

ფარნა კი თავის მხრივ შიშით კვდებოდა: ბაბა გაიგებს ჩემს დაუდევრობას და გამიჯავრდებაო, სიხარულით დაეპბულდა.

მზე უკანასკნელ სხივებს ისროდა, როცა ბავშვები მხიარულად შევიდნენ თავიანთ ეზოში და მამლარი თხები მარაკაში შელაღეს.

IX

აზნაური ბართლომე მძებრადე

ბასილ მძებრადის სახლში ეს არის ისაღიღეს. სიტყვაზე, სადილი კარგი ჰქონდათ. ახალი ტოფე, უგვორო, წვერედია * და კალმანი. სულ ამ დღეებში დაქერილი ზეთიანი დოში, სათალი და საზღვარგარეთული „სარდინკაც“ ამშვენებდა ბასილის ტაბლას.

ბასილ მძებრადე წყლის ახლო ცხოვრობდა და ამიტომ თევზის ჰერაც კარგი იცოდა. ახალგაზრდობაში გამოჩენილი მესასროლე

* თევზების ჭიშები.

იყო. ახლაც მის ოჯახში, როცა უნდოდათ, ახალი თევზი გამოულე-
ველი ჰქონდათ.

ნასადილევს ბასილი აივანზე გამოვიდა და რიკულებზე გრძლად
მიდგმულ სკამზე ჩამოჯდა. მარიკაც შორიანლო მოთავსდა. ძუკუმ,
რომელიც საიდგომოდ ჩამოსულიყო, ახალუხი ჩაიცვა, თოფი ხელ-
ში აიღო და ერთ მეზობლის ბიჭთან ერთად სანადიროდ წავიდა.

ბასილს ძუკუს გარდა ერთი შვიდი წლის ქალიც ჰყავდა,
რომელსაც ტასიას ეძახდა. ტასია თუმცა პატარა იყო, მაგრამ ახლაც
ეტყობოდა, თავის დროზე ლამაზი ქალიშვილი უნდა გამოსულიყო.
ნახშირივით შავ თვალებს ცეცხლივით აბრიალებდა. მსუქანი დაწვე-
ბი თურაშაული ვაშლივით უღუოდა და ტანის მოყვანილობა ნაზი
და შნოიანი ახლაც ეტყობოდა. ნასადილევს ტასიაც მეზობლებში
წაიყვანა მოსამსახურე გოგომ და შინ მარტო ბასილი და მარიკა
დარჩნენ. მარიკამ თვალი გააყოლა მხარზე თოფგადაკიდებულ ძუ-
კუს, მართლაც და ახოვანს, მხარბეჭიანს და კმაყოფილებით ქმარს
მიუბრუნდა:

— ძუკუს მამა, თუ ღმერთმა გვაჩუქა, კაი ბიჭი გამოვა ჩვენი
ძუკუ. აგებულება, დეეთხიი დო გუუტე*, კალაპოტში ჩამოსხ-
მული პაპამისია, ცხონებული მამაჩემი. ჩოხაც ძლიერ არ შვენის?
ენაცვალოს დედამისი.

— მამაშენზე უარესი აგებულება, არ მოგვედო იმის მეტი, არც
მამაჩემს ჰქონდა. აგებულებით, ჰაი გიდი, მე ვითომ, ცუდი აგე-
ბულების ვიყავი... შენ რომ მოგიყვანე... ჰაი, ჰაი... რაც შეეხება
ჩოხას, ეს სწორედ ნაადრევია მაგისთვის, ჯერ ისწავლოს, ბატონო,
ისწავლოს და მერე ყველაფერს მოასწრებს,—ცოტა უკმაყოფილოდ
მიუგო ბასილმა.

— ნაადრევი რატომაა, ძუკუს მამა? — გაიკვირვა მარიკამ.

— იმიტომაა, შენ ხარ ჩემი ბატონი და, რომ ჩოხას ჩაიცვამს,
ხანჯალს დაიკიდებს, რევოლვერს, და შენს სწავლაზე გულს ქე
აიტრუვებს. მე მინდა ის კლასი მაინც გაათავოს. როდი მინდა ყაჩაღი
გამოვიდეს... შენ რა იცი, რა ღროებაა მომდგარი. თუ ჩემსავით
დარჩა, ვაი...

— არაფერი ღროება არაა მომდგარი,—უკმაყოფილოდ გააწყვე-
ტინა მარიკამ. — შენ სულ მასე იცი ყოველთვის. სწავლითაც
დაისწავლის... ვენაცვალე მას, მარტო მისი წელი და გულ-მკერდი
ერთ ბიჭად ღირს.

* დეეთხიი დო გუუტე—დაეთხოვე და გაუშვი.

ბასილიც გულის სიღრმეში ძლიერ მოხარული იყო, რომ მისი ერთადერთი შვილი გარეგნობით კარგი შესახედავი იყო, მაგრამ იმავე დროს ყოველდღიური გამოცდილება ცხადად ეუბნებოდა, რომ მარტო გარეგან სიმშვენიერეს ბევრი სარგებლობის მოტანა არ შეეძლო. საჭირო იყო შინაგანი, სულეერი სიმშვენიერე, შინაგანი ძალა, რომელსაც, საუბედუროდ, ბასილის უკვე გამოცდილი თვალი შვილში საკმაოს ვერა ხედავდა და ეს ძლიერ აწუხებდა.

— ოჰო, ოჰო! — გაგრძელებულად წამოიძახა ცოლის პასუხად. თუთუნს მოუკიდა და ფეხი ფეხზე გადადებული რიკულებს ზურგით მიეყრდნო.

დელი... ვო... დელაო...

მოისმა ჩუმი სიმღერა ოდის გვერდით და აივანს მოადგა ერთი, ასე ოცდაათი წლის ნახშირივით შავწვერა, მოდაზე შეკერილ ჩონა-ახალუხში გამოწყობილი, თავზე თეთრი კრავის ქუდით და სირმით აჭრელებული წულით.

ჯერ კიდევ მისი სახის გამოჩენამდე, მის წვერზე და ცხვირსახოცზე ბლომად წასმულმა ოდეკალონმა იჩინა თავი და ჰაერში კეთილსურნელება დაატრიალა. ამ სურნელებით მიხვდა ბასილი. ვინც მოდიოდა.

ბასილის წინ იდგა ბართლომე მძებრაძე. ეს ის ბართლომე გახლდათ, რომლის გულისათვის ამას წინათ ასე ეხვეწებოდა იაგორა მიკიტანი.

ახალმოსულს ხელი ხანჯალზე ამაყად დაედო და დიდი პრანჭვით მიესალმა მათ.

— საღამო მშვიდობისა, ბატონო, — თქვა მან.

— ჰო, ბართლომეს გაუმარჯოს, — მშვიდად მიუგო ბასილმა. — მობრძანდი, ბართლომე, სად იყავი, შე კაცო, დღეს წირვაზე ხომ არ ამოსულხარ?!

— წირვაზედ რა მინდოდა, ბერი ხომ არა ვარ, — სიცილით მიუგო მან და აივანზე ავიდა. მარიკამ სავარძელი გამოუტანა და დასაჯდომად მიიპატიჟა.

— კი ბატონო, — ზარმაცად მიუგო ბართლომემ, — ამას კი არ დაგამადლი...

— ა... შეხედე, რა თქვა, — შეუტია ბასილმა ცოტა სიჩუმის შემდეგ. — ბერი ხომ არა ვარო. წირვა-ლოცვასაც მასხარად იგდებს.

— სად იყავი მართლა, ბართლომე? — დაეკითხა მარიკა.

— სად იქნებოდა, — დამცინავი კილოთი მოუქრა ბასილმა,

სქელ-სქელი კვამლი პირიდან გამოუშვა, — სად უნდა ყოფილიყო, სანადიროდ წავიდოდა.

— სად სანადიროდ? — დინჯად ჰკითხა მარიკამ.

— არა, ბატონო, — ღრეჭით მიუგო ბართლომემ.

— როგორ თუ რის სანადიროდ, — გააგრძელა ბასილმა, — მაგისტანა თავისუფალი ყმაწვილები რაზედ ნადირობენ. მსუქან-მსუქან დედლებზე, ან თუ ხელთ იგდეს, არც ახალ ვარიებსაც აუქცევენ გვერდს.

მარიკა მიხვდა, რასაც ამბობდა მისი ქმარი და ზიზღით, ცოტა მოთქმის კილოთი, გაქიანურებულად მიუგო:

— ვავა... ვავა... ვავა... ვავა... რასაა, რომ ჩერჩეტობენ ეს უბედურები, ამ ბებრუცუნას მაინც ამნაირების სათქმელად რა ხელი აქვს. მიწას უნდა ჭამდეს და ცოდვებს უნდა ინანიებდეს, თორემ...

— არა, ბატონო, ყა, შენი თავი ნუ მომიკვდება. თავი მტკიოდა და გვიან გამომელევიდა. მერე კი დამეზარა ეკლესიაზე ასვლა.

— სწორედ ასე ყოფილა, — დაციწვით კვერი დაუტკრა ბასილმა. ბართლომემ ნელა ჩაიცინა.

— ამნაირებს თავი დავანებოთ, რამე ახალი ამბავი არ იცი?, — ჰკითხა მარიკამ.

— რა ამბავი, ბატონო?

— რა ამბავია ქვეყანაზედ?

— მშვიდობა, ჩვენი მაძინია კარგად არის, სულ არ ძინავს. ზოგს მსხვილად უფქვავს, ზოგს წვრილად.

— ეს მეც ვიცი, სხვა რამე, ქუთაისიდან რა ჩამოიტანე!

— ჩემი თავი, როგორც არის ძლიესძლიობისას, აჰა, ჰა, — დაამთქნარა ბართლომემ და თან ჩაილაპარაკა: — ახალი ამბავი მეტი რა გინდა, საშინელი უფულობაა ეს ზალაგარი. ახლა მაინც სულ გავიფშვიტე, აბაზი არ მომეძევა.

— შენ იმდენი რა გიპირს, ბაბა, მარტოხელი კაცი ხარ, ელენს არ დაეძებ და გელენს, მე კი... მე კი მარტო მოსამსახურე გოგოს მოწყობა დამიჭდა ამ სააღდგომოდ ხუთი კაჭალია მანეთი, ხუთი სახარების მადლმა, სხვებს ნუ იკითხავ.

ბასილს უყვარდა თავის ღარიბად და გაჭირვებულად გამოჩენა, განსაკუთრებით უიმედო კაცებთან, რომ ფულები სესხად არ ეთხოვათ, მაგრამ ამასთანავე გადაჭარბებული ტრაბახიც იცოდა. ამდენს და ამდენს ვზარჯავო.

ბართლომემ, რასაკვირველია, კარგად იცოდა თავის ახლო ნათესავის (ბიძაშვილები იყვნენ) ამბავი და ხუმრობით მიუგო:

6. უიარაღო

— ოჰ, ოჰ, ოჰ, ბიძი, შენ მუდამ ასე იცი წუწუნი, ღვთით არა გიჭირს რა. სულ ასე იცით ქონებით გულგახვიხვიხვინებულმა კაცებმა მე მესმის, რომ ვწუწუნობდე. აგერ კაცი ვბერდები და არაფერს ვადგივარ, თორემ შენ რა გიჭირს, ბიძი, ცოლი გყავს და შვილი, სახლი გაქვს და კარი. სიმინდი ბლომად გაქვს და ღომი, ფული ხომ გაქვს ჩეჩქივით. მამული კი ხელუხლებელი გაქვს, თითქმის ჩვენი გვარის მონახევრე ხარ.

— აი, ბიძი, — ღრეკით მიუგო ბასილმა, — შენც ხომ არ მიჯერებ. სად მაქვს, ბიძია, ფული. ერთი-ორი გროში სულის მონაფხაჭნი სადმე მომეძეოდა, დაიტაცეს იმ კაცებმა და დამიბრუნებენ თუ არა, ღმერთმა იცის. აი შენი მეგობარი თუ ნამეგობრალი ღრმინტია ჭანდრაკელია, შენ რომ მარწმუნებდი... ხუთი წელიწადი ვუცადე, მერე რა მექნა, იძულებული შევიქენი მეჩივლა.

— მართლა, სულში ქალაღი შეიტანე, ბიძია?

— რა უნდა მექნა, კაცო, ხუთი წელიწადი გავიდა! ღმერთი არ იცი!

— ახლახან ვხედავდი იმ ოჯახდაქცეულს, მიფიცა, სულ იქით-იქით გადამივიდაო, მკვდარი ვარ, თორემ ცოცხალი არა ვარ, ისეთი საქმე მჭირსო და ამ ორ თვეში როგორმე ქვიშის თოკად დამიჭდეს, მაინც ვიშოვნი და მივუტანო.

— ვაი, ვაი, შენი სიმრთელე-გახარება! მაგნაირი სიტყვებით ასჯერ მომიქალაჩუნა, მაგრამ ყოველთვის მომატყუა. ახლაც ვისა აქვს იმედი. სულის წესითაც რას გადავახდევინებ, მარა, ლისტი მაინც მქონდეს ხელში, ვინ იცის, ეგებ...

— თუ სულ მკვდარი არაა, ახლა მაინც უსათუოდ გადაიხდის.

— ჰმ, ჰმ, რა ვიცი, — თავის ქნევით მიუგო ბასილმა და მერე შუბლზე ხელი გადაისვა, თითქო რაღაცას იხსენებსო. ჰო, მართლა, ბართლომე, თუ კაცი ხარ, იმ იაგორა მიკიტანს მიეცი რაცა რამ გმართებს, სირცხვილია.

— გითხრა რამე? — გაიოცა ბართლომემ.

— როგორ არა, სულ მეუბნება ხოლმე.

— შეხედეთ მაგ ღორის შვილსა, მაგას, თუ მაგას ცხვირ-პირი არ ჩაევამტვრიო, — ზრაზით თქვა ბართლომემ...

— ცხვირ-პირის ჩამტვრევა კი არა.

— იმდენი დღე გაუძლია მის ფხალის ძირივით გაბერილ კეფას, მაგ კლბაქს, მაგასა, რომ არ ვუჩივლე და პასუხისგებაში არ მივეცი, ის არ ეყოფა მაგ ძალის გავარდნილს? კიდევ ფულებს რომ მედავება. უწმინდურად გაკეთებული წვენი მაჭამა. აქ დიდი პატივი და

მორიდება, საშინელით... დამაწყებინა და ამოტელაზე გადავრჩი-
კაცი. — ბართლომემ მარჯვენა ცერის ფრჩხილი სალოკის ფრჩხილის
ბოლოს დააჭირა და ბასილს უჩვენა.

— ღმერთს გეფიცები, ერთი თუმანი ნაღდი ფული წამალში
ვამივიდა, კინალამ მოგვკვდი.

— რა ვიცი, — დინჯად მიუგო ბასილმა.

— დაანებე თავი მაგ ყურუმსალს, აბა, ერთი მე მითხრას,
როგორ ავუჭრელო ზურგი.

— ძუკუს მამა, რა ეშველება ამდენ საკერავებს, თანაფა კარზე-
დაა მომდგარი, საშველი არა მაქვს, თუ რამდენიმე დესპინეს და მაი-
კოს არ გავუგზავნე ზვალ დილითვე, — გაერია მარკია, რომელიც
დაფიქრებული იჯდა და მათი საუბრისათვის თითქმის ყური არ
ჰგდია. მას თავისი დარდი ჰქონდა და იმაზე ფიქრობდა.

— გაგზავნე მერე, მე რას დავეძებ!

— ბიძი, — მიუბრუნდა ბასილს ბართლომე, — ერთი ცაცხვისა-
კენ გავიაროთ! ჩვენები შეკრებილი იქნებიან და...

— კარგი, წავიდეთ, — სიამოვნებით მიუგო ბასილმა, — ამ გზა-
ფხულზე ჭერ მინდორობაში არ გავსულეარ. ან კარგს იტყვის კაცი,
ან ავს.

რამდენიმე წუთის შემდეგ ორივენი ეზოდან გავიდნენ.

ბართლომე მძებრადე იყო უმცროსი ძმა იმ როსტომ მძებრა-
ძისა, რომელსაც ახლდა მაძინია რულაია და რომელიც ცუდრ
კაცობისათვის ციმბირში გაგზავნეს.

სულ ხუთი ძმა იყო: როსტომი, ირაკლი, პავლე, გელა და
ბართლომე. გელა ათი წლის წინათ მოკვდა უცოლშვილოდ, ირაკლი
და პავლე ცოლშვილიანები იყვნენ და ბართლომე უცოლშვილო
ძმებთან ცხოვრობდა.

ბასილთან შედარებით ისინი ხელმოკლედ ცხოვრობდნენ. გასა-
ყიდი კი არა, ხშირად თავიანთი სარჩო ჭირნახულიც არ მოსდიოდათ,
სახლი ედგათ რაღაც ოდის მსგავსი, ბედნიერ დროებაში აშენებუ-
ლი, რომელიც ახლა სიძველისა და დაუდევრობისა გამო ნაოხარს
წარმოადგენდა. აივნის აღსასვლელ კიბეზე ფეხის დაბიჭვებაც
საშიში იყო, რადგან ფიცრები დამპალი და ზოგიც ჩამტვრეულიყო
და. ზოგან ჩასამტვრევად ემზადებოდა. თვით აივნის იატაკის ფიცრე-
ბი სიძველისა გამო ყოველ ფეხის დადგმაზე ილუნებოდა და საცო-
დავად ჭრიჭინებდა, თითქო იხვეწება მიშველეთ — ან შემაკეთეთ.
ან გამომცვალეთო. მათი ოჯახის მოწყობილობის და მდგომარეობის
აღწერას გვერდს ავუხვევ, არ მინდა საბრალო მძებრადეები გავა-

წითლო და არც მკითხველი შევაწუხო. მხოლოდ ვიტყვი, რომ აწ სიზარმაცე და დაუდევრობა ყველაფერში წითელი ძაფივით გამოსკვივოდა.

მეშაობა სამივე ძმას სათაქილოდ მიაჩნდათ, მამული ნაკლები ჰქონდათ, ჯამაგირი ერთი გროში არსაიდან ეძლეოდათ და ისე, ზეზეურად, ჰზამზარელლად ციდან ხომ არაფერი ცვიოდა! ყოველნივთს მათ სახლში სილატაკისა და სიქესატის ბეჭედი ესვა. მათ ოჯახს ქურდისა, მტაცებლისა და ავაზაკის სახელი ჰქონდა გავარდნილი, რაც სულ დაუმტკიცდა როსტომის დროს. მისი სიკვდილის შემდეგაც არ გადაეარდნია მათ ოჯახს ქურდის სახელი და ახლაც ხალხს მტკიცედ სწამდა, რომ თუ მათ რამე მოეძეოდათ, ნაქურდალი იყო.

ბართლომე პატარობიდან, რალაცნაირად, მეფართლეს ჩაუვარდა დაბა ზუგდიდში. ყმაწვილი ნიქიერი იყო და ანგარიში, ვაჭრობა რიგიანი დაისწავლა. აღამ ერთი-ორჯერ თბილისში წაიყვანა, მერე მარტო გაგზავნა და შემდეგ ისეთ ნდობაში შევიდა, რომ თავისი საქონელი ერთობ მას ჩააბარა, თვითონ კი შორიდან თვალყურს ადევნებდა.

ბართლომეს ჯერ კარგად მიჰყავდა საქმე და მომავლისათვის დიდ იმედებსაც იძლეოდა, მაგრამ ცოტ-ცოტად ბანქოსა და ნარდის თამაშს გადაყვა. ლამაზ ქალებსაც გვერდს არ აუხვევდა, ლოთობა-ქეიფობაც დაიწყო. დაემართა უბედური სატკივარი და რამდენიმე წლის განმავლობაში ოდესმე მდიდარი და სანდო მალაზია დაიკეტა და პატრონი კოტრად გამოცხადდა. ბართლომე, რა თქმა უნდა, შინ დაბრუნდა და ვაჭარი კი ჯავრის გამო გარდაიცვალა.

მას უკან ბართლომე ცულაობს. ხან აქ არის, ხან იქ. უფრო დაბა-ქალაქებში ატარებს დროს. ცხოვრობს ზოგი ბანქოს თამაშობით, ზოგი წაართმევს ვისმე, ზოგი მოატყუებს, ხანდახან კიდევ მოიპარავს და იოლად მიდის.

X

პატარა გმირი

დიდ ორშაბათს, ცოტა არ იყოს, აცივდა. მზე სქელი და მოშავო ღრუბლებში დაიმალა. ქვეყანას მოწყენილი ფერი დაედო. სოფლის ეკლესიის ზარის ღროგამოშვებითი მოწყენილი ხმა თითქო ბანს ეუბნებოდა ფერმიხდილ არემარეს. მწერები და ჩიტები თავიანთ

შუღღ-ბუნაგში მიიმალნენ და მათი ცქვიტი მოძრაობა, ხმაურობა არემარეს არ აღვიძებდა. ყველგან სიჩუმე, ყველგან მოწყენა.

მაგრამ, აი, ოტორონჯე ღელესთან გაისმა მხიარული ძახილი:

— ჰეი, ჰეი, ტკვატ, ტკვატ, ტკვატ რ... რ... რ... რ... ტ ც... ე... იტ...! მაგრე, ფარნა, ე მაგრე, შენი ჭირიმე, ჰო! გაირეკე ჩქარა წინ ის ყვაპუს გასაქვევებელი,—ხმამალა თაღარიგს იძლეოდა ათანასე თოხიტარია და თხებს ბიჯურისაკენ ერეკებოდა.

— ჰეი, ჰეი! ვორე, რა, ნანინა, ჰეი, ჰეი, ვორე, რა, ნანინა, აბადელია ნანინა, აბადელია ნანინა. — ცოცხლად ჩააპლერა ძმის სიტყვებით გათამამებულმა ფარნამ.

— აიარე ბაიარე, ბაიაში წორი თანაფარე, ჭირსე რენდო კალანდარე, ნაკურთხია (წყალ-კურთხევა) დიდი ღღარე.... — ხმამალავე, გალობის ხმაზე წარმოთქვა ათანასემ.

თითქო მათ ხმაზე გამოერკვნენო, შორს, წიფლის კენწეროზე მკდომმა ყვავმა ზარმაცად ყვა... 'ყვა... დაიჩხავლა და ბუჩქნარში რაღაც ფრინველმა უშნოდ და ხრინწიანად დაიპყვივლა.

— ბაიაში წორი თანაფარე, ბაიაში წორი თანაფარე, — აღტაცებით გაიპეორა ფარნამაც და განზე გაქეუული თხის მოსარეკად გაიქცა.

— ათა, — ჰკითხა ბავშვმა რამდენიმე ხნის სიჩუმის შემდეგ. — დღეის შემდეგ რამდენი იქნება თანაფამდი?

— თვითონ არ ამბობ: ბაიაში წორი თანაფა არისო.

— მერე ერთი წორი რამდენია?

— რვა დღე.

— მაშ თანაფამდი რვა დღე ყოფილა?

— რვა რატომ?

— მაშ!

— გუშინ რომ ბაიობა იყო, ესეც ერთი დღე.

— მერე?

— დღეს ხომ ორშაბათია, ეს ორი დღე, ხვალ სამშაბათი, ეს სამი, ზეგ ოთხშაბათი, ეს ოთხი, ხუთი — ხუთშაბათი, ექვსი — პარასკევი, შვიდი — შაბათი და რვა — კვირა თანაფა. ორი გამოვაკლოთ, დარჩება ხუთი. ხუთი დღეა მარხვა დღეის იქით და მეექვსე ხსნილია.

— დედა, დედა, მისი ჭირიმე! თანაფას წითელ კვერცხს მომცემენ?

— როგორ არა. ხორცსაც გაკმევენ, ყველსაც.

— ჩხაპრას თიკანს მაშინ დაეკლავთ?

— დაეკლავთ.

— დედა, დედა, საყვარელო! — მკერდზე მუჭის ცემით იძახდა ბავშვი და თან ხტუნავდა. — დადი. ქათამსაც დაჰკლავს?

— ახლა შენ გადაჰყვები, აი შეხედე, დოღუზანა, საითკენ წასულა, ჩქარა, თორემ ელიას საისლეში შეეარდება და ხომ იცი... მიდი, ჰო, მიდი....

ჩვენმა მწყემსებმა თხები მშვიდობით მორეკეს ბიჭურში, დღეს ძაკალა არ მოვიდა და ათანასეს ცოტა არ იყოს მოეწყინა, ფარნასთან რამე თამაშობას ვერ ახერხებდა. გულით უნდოდა კიბოზე ნადირობა, მაგრამ მარტოდმარტო წასვლა ეზარებოდა.

თხები გაძლნენ და დასასვენებლად ზევისაკენ გაეშურნენ. მწყემსებიც წაქცეულ წიფელზე ჩამოჯდნენ.

შუადღე იყო.

— იცი, რა ვითხრა, ფარნა? — თქვა ათანასემ, — მაგრამ ჰო, იყოს.

— არა, მითხარი, რა იყო?

— იმ დღესავით იზამ?

— რომელ დღესავით?

— თხები რომ მიატოვე და მეჭურჭლეობა დაიწყე.

— არა, ხატის მადლმა! იმ დღეს რა, ახალი ვიყავი, ახლა კი... მითხარი, მითხარი, რა იყო...

— არაფერი, ისე ვიხლმრე.

— მაინც, მაინც? — ეხვეწებოდა ფარნა.

ათანასეს გულით უნდოდა ეთქვა, მაგრამ საქმეს განზრახ აზვიადებდა, რომ ბავშვისთვის მეტი ცნობისმოყვარეობა აღეძრა.

— ისეთ რასმე გეტყვი, ისეთ რასმე, რომ... — ხმა გააგრძელა ათანასემ.

— მითხარი... რა... ამდენი... — თითქმის ტირილით შეეხვეწა ფარნა.

— თუ თხებს არ მოშორდები, მე წავალ, იცი, სად წავალ? აქეთ მელა-ტურის ომანე ვიცი. დავათვალიერებ, შეიძლება მარგვიცა ჰყავს. მერე ძაღლები წამოვიყვანოთ, ცეცხლი შევუკეთოთ და მარგვები შინ წავასხათ.

— დედა! — აღტაცებით დაიძახა ფარნამ. — ფეხსაც არ მოვიცვლი აქედან, დედიჩემის სული ნუ წამიწყდება. ოღონდ ბევრხანს კი არ დაიგვიანო.

— მე ჩქარა მოვალ. შენ ნუ გეშინია! ცული ისეთი გალესი-

ლია, რომ თომას შქას გიიდანს. *რამე თუ ისე... სქინჩე** და თავი გააგდებინე, — რიხიანად დაარიგა ათანასემ, თუმცა დარწმუნებულ იყო, აქ მას არაფერი დაეცემოდა.

ფარნამ ერთხელ კიდევ შეჰფიცა ერთგულება და ბრძანების ენაშეუბრუნებლად შესრულება, ოღონდ კი ათანასეს მელა-ტურის ამბავი დაწვრილებით მოეტანა.

ათანასე სიხარულით ტყისკენ გაეჩქარა და ფარნამ როკის წელ-წელა. კაკუნი დაიწყო.

აღმოსავლეთის ქარმა დაბერა და ღრუბლები წელ-წელა ჩაალაგა ურთის მთის იქით შავ ზღვაში. ლღრჯი ცის კაპარა ისევ გამოჩნდა და ბრწყინვალე მზემ ისევ გაუღიმა დედამიწას.

შუა ბიჭურში, სათემო გზის პირად, ხუჭუქა შტოებიან ხის ძირში დაწოლილიყო ნიკოიას თხის ფარა და იცოხნიდა. მათ შორი-ახლო როკზე კაკუნი გაჰქონდა ფარნას კვალიას.

— ხაბარდა, ხაბარდა, აჰა, ჰაიტო ჩუ, ჩუ! — დაიძახა ვილაცემ და თან მათრახის მწარე ტყაცუნი და თან აჩქარებული ცხენის ფლოქვე-ბის ტაფატუფი გაისმა. ფარნას უცბად შეეშინდა და მიიხედა, ფარნამ შეხედვა ძლივს მოასწრო, რომ მის წინ ძუკუ მძებრადემ ცხენით გაიქროლა.

თხები დაფრთხნენ და აირივნენ, რაც სრულებით არ ესიამოვნა ფარნას და ძუკუს სახელზე არც მაინცდამაინც ზრდილობიანი სიტყვებისაგან შეთხზული წყევლა-კრულვა გაგზავნა. ფარნამ თვალი გააყოლა გაქენებულ ცხენს, მაგრამ მხედარი ცხენის შეჩერებაზე სრულებით არა ზრუნავდა. წამდაუწუმ, რაც ძალი და ღონე ჰქონდა, ფერდებზე მათრახს უტყაცუნებდა და ჰაიტო, ჰაიტო: უყვიროდა.

— წიე, წიე, — მოისმა ფართო ლელესკენ მიმავალი გზიდან გოგოს წვრილი ხმა. — წიე, ძუკუ! თავს ლაფი კი დაგესხა! წიე, დამიცადე, დია, ღმერთო! რა ხანგა*** შენა ხარ. მოიცა, დედას უამბო ყველაფერი. — მტირალი ხმით ამბობდა ძუკუს პატარა და და გაჩქარებით მორბოდა. „წიე, ძუკუ!“ დაიძახა ისევ ბავშვმა, მაგრამ მაშინ ძუკუ უკვე იჭაურობას მიფარებულ იყო.

ფარნა სათემო გზის შუაგულ იდგა ნაჯახით ხელში, ხან ნიავეით მიმქროლავ ძუკუს გასცქეროდა, ხან სირბილით მიმავალ მტირალ ტასიას.

* თომას შქას გიიდანს — თმას შუაზე გასჭრის.

** სქინჩე — დაჰკარი.

*** ხანგა — გადარეული.

გოგო, რაც ძალი და ღონე ჰქონდა, ფეხს აჩქარებდა და თან ხელში ჩითის წითელი ბოხჩა ეჭირა. მის უკან ფარნამ, ასე საუენის სიშორეზე, ერთი ჭრელი შუათანა ტანის ძალლი შეამჩნია. ძალლი მოდიოდა, როგორც საზოგადოდ ძაღლები, ნელი სირბილით. ენა გამოყოფილი ჰქონდა. ფარნას პირველ წუთს მისთვის ბევრი ყურადღებაც არ მიუქცევია.

„აღბათ ძალლიც შინიდან გამოყოლიათ“, — გაიფიქრა მან.

— მომიცადოს, მომიცადოს მაგ გიქმა, მაგ სულელმა, თუ მისი ყურები ამ საღამოს მამას არ დავაზღვლინე, — კაპასად ისროდა სიტყვებს გოგო. სირბილისაგან განზრებულს სული უგუბდებოდა.

— აღბათ მოგიცდის, ნუ გეშინია, ასე ნუ მირბინარ, თორემ სული შეგეხუთება! — თანაგრძნობით მისძახა ფარნამ, რადგან მტირალი გოგო ძლიერ შეეცოდა.

— მე მაგას, მე მაგას, — ისევ მწყურალად გაიმეორა ტასიამ და უკან მიიხედა, ძალლი მისგან ხუთი საუენის მანძილზე იყო. თვალეზგაბრიალებულს გრძლად გამოყოფილ ენიდან სქელი ქაფი მოდიოდა.

— ნანა, ნანა, ჩქიმი ცოდა, — საცოდავად და უმწეოდ დაიწუნუნა გოგომ. უკანასკნელი ძალა მოიკრიფა და ფარნასაკენ გაეშურა. გოგომ კარგად არ იცოდა, რაში იყო საქმე, თორემ შეიძლება გულზედაც შემოყროდა. მას მხოლოდ ძაღლის შეეშინდა, არ მიკზინოსო, და ის კი არ იცოდა, რომ ძალლი ცოფიანი იყო.

ფარნა მიხვდა, რა ცუდი მდგომარეობა იყო. ცოფიანი ძაღლის ამბავი ბევრჯერ გაეგონა და თმა აებურძგნა. ძალლი მაინცდამაინც დიდი არ იყო. ტანზე ძლიერ გამხდარი იყო და ფეხებსაც ძლივს მიათრევდა. ეტყობოდა, უბედურს საზარელი სენი მორეოდა, ისე ულაზათოდ მოდიოდა.

ფარნას მთელი ტანი აუკანკალდა. შიში, სიმამაცე, ბუნებითი მიწნიდველობა გაჭირვებულის მოსახმარებლად ერთად აირია მის ნორჩ ტვინში. თუმცა თვითონ თრთოდა, მაინც მიეშველა გოგოს და ისიც თვალტრემლიანი და სახეგაფითრებული მიეგება და ბავშვის დაგლეჯილ ტანისამოსს მოებლაუჭა.

ფარნა კიდევ უფრო აკანკალდა. გაქცევა შეუძლებელი იყო. თვითონ რომ შესძლებოდა განზე გადახვევა და ხეზე ასვლა, გოგოს ერთი ნაბიჯის წინ გადადგმა არ შეეძლო. მისი ტანის ცახცახი და პაწია გულის ბაგაბუჯი, თავის გულის ძგერასთან შეერთებული, ყურში ისარივით ხვდებოდა ფარნას. ბიჭმა რაკი უკიდურესი მდგომარეობა დაინახა, ინსტიქტურად ნაჯახის ტარს ხელი მოუჭირა.

„გაიქეც, გაიქეც, ხეზე აირბინე, ტყეში დაიმალო“,—ჩასჩურჩულა რალაცამ ყურში, მაგრამ, იმავ დროს, ძმის დარიგებაც გაახსენდა: თამამად იყავ, ნაჯახი თმას აპობს, სქინჩე და გააგდებინეო. თვალის აერია, ერთი ძაღლის მაგივრად ოთხი ერთად მოეჩვენა. რაც შეეძლო, ნაჯახი მოიქნია და სქინჩა კიდევაც. ცულის ტარი ხელიდან გაუვარდა და ორივენი შარაგზაზე დაეცნენ....

— რ... რ... ყრ... ყრ... ყრ... — მოესმა მიწაზე გაგორებულ ფარნას, როცა გონს მოვიდა და ცოტა გამოერკვა. აიხედა და დაინახა, რომ ძაღლი წაქცეულიყო იქვე, მისგან ერთი საუენის სიშორეზე, ფეხებს საცოდავად იქნევდა, კვალაია თავის ქალაში განდაგან ერქო და აღისფერი სისხლი ნაკადულივით ჩამოდინდა. ტასიაც გამოერკვა. ორივენი საჩქაროდ წამოხტნენ და როკს მიეფარნენ. ჭერ კიდევ ეშინოდათ: შეიძლება ძაღლი ისევ წამოვარდესო.

— შენი ოჯახი ღმერთმა ააშენა, შენ არ ყოფილიყავი, ის ძაღლი ხომ შემკვამდა. — მადლობით უთხრა გოგომ.

— მერე იცი, იმ ძაღლს რა ჰქირს?

— რა?

— ის ძაღლი ცოფიანია.

— ტალაა?! — წამოიძახა გოგომ და ხელახლა გაფითრდა, — მე ის კი არა, შემებრალა საწყალი ძაღლი, შეიძლება კბენა არც კი უნდოდა-მეთქი. — ნანა, ნანა, ნანა, — მწარედ კბილების კაწკაწით თქვა გოგომ.

— ნუ გეშინია, გადავრჩით, ღმერთი შეგვეწია. ის თუ არ მოკვდა, ჩვენს საკბენად მაინც ვერ წამოვა. თავში მოხვედრია კვალაია და რაკი მოხვდა, ის ისეთი მჭრელია, რომ პარსავს. ათანასემ გალესა გუშინ. მე მიწას დაეარტყი, თურმე ქვა ყოფილიყო და გამოვტეხე. მერე გავლესეთ, ბაბამ მე მაჩუქა. წინათ ათანასეს...

— ყვე, დაილოცა, ღმერთო, შენი სახელი! ამას რას ვხედავ! — გაოცებით დაილაპარაკა ვილაცამ შარაგზაზე. — ყვე, დაილოცა შენი სახელი. ა... წიე!! ვინ მოკლა ეს ძაღლი, ან კვალაია თავში რათ ჩასტოვა?

ბავშვებს ამ ხმაზე გული გაუთამამდათ და საფარიდან გამოვიდნენ.

— ბიჭო, ვისი შვილი ხარ შენ, ან ეს ძაღლი ვინ მოკლა?! — ჰკითხა მათ უცნობმა, რომელიც მოკლე ნაბად გვერდზე გადავდებულ, გაოცებული დაჰყურებდა მკედარ ძაღლს.

— მე ნიკოიას შვილი ვარ.

— რომელი ნიკოიასი?

— თოხიტარიასი! ეს ძაღლი მე მოკვალა.

უცნობმა დამცინავი სახით შეხედა: „შენ კი არა არ გინდა...“

— მე, დღევანდელი დღის მადლმა, დედა ნუ წამიწყდება.

— რა მესმის, დიდება შენდა! — პირჯვრის წერით ამბობდა უცნობი. — ეს გოგო ვისია?

— ბასილ მძებრაძესი, — ნელა მიუგო ტასიამ.

ახალმოსულმა გაშტერებულად შეხედა.

— ბასილის შვილს აქ რა უნდოდა კაცო, სიზმრად ხომ არა ვარ. ბიჭო, მე ვერ მიცანი? — დაეკითხა ფარნას.

— კი გიცანი, — მორცხვად მიუგო ფარნამ. — გულუ არ ხარ, გულუ სხულია.

— აი, მცნობ, ეტყობა, — სიცილით მიუგო გულუმ და სანდომიანი თვალებით შეხედა პატარა და დახეულ ფარატინებში გახვეულ, მაგრამ საღი გამომეტყველების ჩასუქებულ ბავშვს.

გულუ სხულია ჰყონონელი იყო, მაგრამ ნიკოიას სახლიდან მოშორებით ცხოვრობდა, არავითარი მეგობრული დამოკიდებულება არა ჰქონდა ნიკოიასთან და მის სახლში იშვიათად მიდიოდა. ცნობით კი, ფარნას გარდა, ყველას იცნობდა.

— ეს შენი თხებია? — მიუთითა გულუმ ჩრდილში დალაგებულ თხებზე, — დედა, დმერთო... ამას კი რა უნდოდა აქ?! სასწაული, ჰმ! ჭვეყანაზედ სიკეთე როგორ მოვა, თითის ტოლა ბიჭს აქ როგორ გამოუშვებს კაცი?!

— ჩემთან ათანასეც არის, — გააწყვეტინა ფარნამ. — ათანასეც ტყეში შევიდა. მელა-ტურას ომანეს ნახავს, მერე მივალთ, ძაღლებს მივიყვანთ, აუგერიას და ბურას, ჰმ, ჰმ, ჰმ, აუგერ, აუგერ! რომ დაუძახებ, კუდის ქვათალ-ქვათალით უკან დაგედევნებიან; აქ რომ ბოვიყვანთ, ჰაშინ ათანასემ თქვა, ცეცხლი შევუკიდოთო და მარგები შინ წავასხათო.

გაკვირვებული გულუ ოდნავ მოღიმატი ტუჩებით უსმენდა ფარნას გულუბრყვილო ტიკტიკს.

— მერე, მერე, ჭიჭი, ეს მითხარი, ეს ბასილის შვილი როგორ გაჩნდა აქ?

— მე ჩემ ძმას მოყვებოდი, იმან ცხენი გააჭენა, არ მომიცადა.

— ყაუ, ღირგონი, ღირგონი, ღირგონიო, ტყეჩა და ტყეჩა მათრახი, — აღტაცებით გააწყვეტინა ფარნამ, — ჰაიტ, ჰაიტ, მარჯა! უჰ! რას მირბოდა ცხენი! თხები წამოცვივდნენ. ოხო, ხო, ხო, საღარი ლაფშა, სულ მიფრინავდა.

— გაიზარდე, ჭიჭი, გაიზარდე, — ალერსიანად უთხრა გულუმ და ბავშვს თავზე ხელი დაუსვა. ის მიხვდა, რაშიც იყო საქმე:

— თქვენ ბელი გქონიათ და ეს არის, ჩემო ძმაო. ეს ნაჯახი როგორ ჩნარჩენია, — თავისთვის ჩაილაპარაკა გულუმ.

— რა ვიცი, — გააწყვეტინა წათამამებულმა ფარნამ, — როცა მოვუქნიე, მეც მიწაზედ დავეცი.

— ჰა, ჰა, — ჩაიცინა გულუმ, — თქვენ სალოცავენს უპატიები-ხართ, მიქელგაბრიოს თქვენი დალუპვა არ ნდომებია და ეს არის... ძუკუ რად გაიქცა, ა? — ცოტა უკმაყოფილოდ შენიშნა გულუმ. — შენ რათ არ მოგიცადა? ა... ა... ცხენზე რათ არ მოგიჯინა?.. თქვე-ნი ცხენი ორ ბავშვს კი არა, თუ გაჭირდა, ხუთ კაცს წაიყვანს.

— აქეთობას მეც უკან ვეჭეკი, — ნელა მიუგო ტასიამ.

— ვის სახლში იყავით? — ჰკითხა გულუმ.

— დედამ დესპინეს საკერავეები გაუგზავნა და ის წავიღეთ, მაგრამ მათი სახლიდან რომ გამოვედით, ძუკუმ ცხენს მათრახი დაარტყა და ცხენი გაიქცა. ვეხვეწე, ვეხვეწე, მაგრამ ცხენი ნელა არ წაიყვანა, მე შემეშინდა და ფეხით წამოვედი.

— ძლიერ ცუდად უნებებია! მე ის უფრო ჰკუიანი მეგონა. თითისტოლა ბაღანა ამ უდაბურ ტყეში მარტო დაგტოვა და თვითონ კი გაიქცა. ეს სრულიად არ შეშვენის მამიშვილობას, — წყენით თქვა გულუმ.

— ფარნა, ფარნა, რა ამბავია, თხები დაგებნა? — მოისმა ათანასეს შეშინებული ხმა ტყიდან.

— აქეთ მოზრძანდი, აქეთ, შე ყიყამო! — მტკიცედ გასძახა გულუმ. — აქ ბაღანა დაგიგდია და შენ ტყეში ფარფაშობ. ერთი ბე-წო დაკლებია, თორემ ხომ დაიღუპებოდით ღღეს, ხომ საცოდავობა დატრიალდებოდა.

— რა არის, შენი ჰირიმე?! — სასოწარკვეთილი ხმით დაიღრია-ლა ათანასემ და საჩქაროდ მოიჭრა.

— აი შეხედე, რაც არის!

გაფითრებული ათანასე იდგა შარავზაზე. ხან მკვდარ ძალს დაჰყურებდა, ხან ფარნას შეხედავდა და ხან გულუს.

— მეორეჯერ არ მოგივიდეს, ჩემო ძმაო, მაგისტანა შეცდომა, — დარიგებით უთხრა გულუმ. — შენ პატარა არა ხარ, დროა ჰკულა გქონდეს. ბავშვის ამარა დატოვე თხები და შენ ტყეში გაიქეცი. ერთი რაღაც წამი ღღეს, თორემ... ხომ საცოდავობა დატრიალ-დებოდა. ჰმ, ბასილ მძებრაძესაც რომ კინადამ ცეცხლის გენია მოჰკიდებია. აი, აი, — თავის ქნევით დაუმატა გულუმ.

— ღმერთო, მომკალი, ღმერთო, მომკალი, გასაროზგავი ვარ, გასაროზგავი. მაინც ეს ოხერი, ერთი წუთი თუ თვალიდან მოვ-

შორდი, მაშინათვე რამე ბანძლი არ მოხდეს, ხომ არ შეიძლება... გულუ, მიშველე, შენ გენაცვალე, ეს ძალლი როგორმე მიწაში დაფლათ, — შეეხვეწა ათანასე გულუს.

— მეჩქარება, შე კაცო, — მიუგო გულუმ და ზანტად მიიხედ-მოიხელა.

— კი, კი, შენი ჭირიმე, რადგან ღმერთმა შენი თავი შემახვედრა, მაგიერ მეც კაცი ვარ, რაზედაც დამიძახებ, ერთ ღღეს არ დაგამადლი.

— არ მოკვდე იმის მეტი, — გააწყვეტინა გულუმ, — მე აქ არავითარი წილი მიღვეს, აი შეხედე, ძალღს რამდენი უბრძოლია. სანამ მოკვდებოდა. მე როცა მოვედი, ძალღს უკვე მკვდარი იყო. კვალაიაც რომ ჩარჩენია, არ გადმოვარდნილა, ეტყობა მაგრა დაურტყამს. ის ბიჭი ივარგებს, სწორედ ჩონჩხიანი ყაზახი გამოვა, გაზარდოს ღმერთმა. ა, წიე! — დაიყვირა გულუმ, როცა ნაჯახის ტარს ხელი დაავლო და დაანძრია, — რა მაგრა უშვლიჭავს, — ერთი-ორჯერ მაგრა გასწი-გამოსწია გულუმ და ნაჯახი ძალღს თავიდან ამოაცალა, — აა... ძმაო, ამას კი რიგიანი გაწმენდა უნდა, თორემ საშიშია. აჰა, ათანასე, წაიღე და სველ მიწაზე ბევრხანს უსვი, მერე ერთი-ორი ღღე საღმე წყალში ჩაავდე. კვადუს გაახურებინებდე კარგი იქნება. საშიშია ბალაგარი, ძალღს კი მიწას მივაბაროთ, თორემ ააყროლებს აქაურობას და აყროლება კიდევ არაფერი... მეჩქარება, მარა რა ვქნა, რადგანაც შეგხვდი, მარტო ვერ დაგტოვებ.

— დედა, ღმერთო, ღმერთო, ჩემო დამბადებელო, მიქამგარიო, ნწ, ნწ, ნწ, — მხრების აწვეით ამბობდა ათანასე. — ბედი ჰქონია საწყალს ჩვენს ოჯახს, ბედი...

— ბედი კი არა, მიწა უნდა ჰკამოთ და ისე ევედროთ უფალს. შენ ხუმრობ, ბატონო, თითისტოლა ბავშვმა როგორ გაბედა... რომ აეცდინა და, ნანა, ნანა, შენი მტერი!

— დაილოცა მისი სახელი, ტყუილად კი არ გამიღესია. გღშინ მამაჩემმა კინალამ გამლახა. რას უხახუნებ მაგ ოხერს, ბიჭი საღმე ფეხს მოიჭრისო.

ათანასემ ნაჯახის ტარს ფრთხილად, ფრთხილად ხელი დაავლო და უნდოდა ტყეში გასაწმენდად შეეტანა, რომ გაჭენებული ცხენის ფეხის ხმა მოისმა.

ძუკუ ცხენს ისევე უკან მოაჭენებდა.

გასუქებული ცხენი აქაფებული იყო და ორთქლი ასდიოდა.

— სრულებით არ გეკადრება, შენ არ მომიკვდე, მამიშენის შვილს არ შეგშენის სწორედ! — ცოტა ცივად მიიძახა გულუმ.

—რა არ შემშენის?—ცივადვე ჰკითხა ძუკუმ, ცხენი შეაყენა და ნაბიჯით წამოიყვანა. —სადა ხარ, შე ჰირიანო გოგო, ამდენ ხანს! ფენი ხომ დაბორკილი არა გქონდა. მოვკვდი კაცი შენი ყურებით, ვიცადე, ვიცადე, აგერ-აგერ მოვა-მეთქი, — მწყურალად უთხრა ძუკუმ ტასიას, რომელიც ძმისაჲს გაეჭანა და არა ნაკლებ მწყურალად შეუტია:

—სად მივბოდი, წიე, ცოტა დამაკლდა, თორემ კინალამ ძაღლმა შემეჭამა.

ძუკუს ფერმა გადაკრა, როცა მიწაზე მკვდარი ძაღლი დაინახა. ცხადად იგრძნო თავისი დანაშაული, მაგრამ მორბილების მაგივრად უფრო გაბრაზდა. თავმოყვარეობა შეელახა. საქმის ვითარება არ იცოდა. ძაღლი გუდუს მოკლული ეგონა, ეწყინა მისი სიტყვები და ცოტა ამაყად წარმოთქვა, ვითომდა ხუმრობით:

—გვარიანი გინადირნია! მსუქანია თუ არა?

—რას ამბობ, ძუკუ! ხომ არ გადაირიე! — ძლიეს თავშეკავებით მიუგო გუდუმ. —ერთადერთი და კინალამ ცოფიანმა ძაღლმა შეგიჭამა ღღეს და შენ კიდევ ხუმრობ! განა ეს ისწავლე?!

—მე რაც ვისწავლე, შენი საქმე სრულებით არაა, — მწყურალად მიუგო ძუკუმ და ცხენი შეაჩერა.

—არა, ძმაო, შენ... როგორც გეტყობა, რა ვიცი... ღმერთმა მშვიდობა მოგცეს, მარა შენ თუ კაცი შეიქენი?!—თავის ქნევით და ბოლო სიტყვაზე კბილების დაჭერით წარმოთქვა გუდუმ და ძაღლის დამარხვას შეუდგა.

—შენი ძმა საღორეში ეძიე... თავს ნუ იგდებ, ყაზახო, თორემ ისე გაგხთი, რომ ამ მათრახის კულს ჰკოცნიდე, — მკვახედ მიუგო ძუკუმ და მათრახი ზევით ასწია.

—ვაჟა, ჯიმა, — ნაღვლიანად წარმოთქვა გუდუმ და მარცხენა ხელი შუბლზე მიიტატუნა. —ბასილ მძებრამე უსქედ ამოვარდნილა. ვაი, აბა, ვაი! რა კაი კაცი, რა კაი ოჯახი!

ძუკუ აენტო, ბრაზი იმდენად მოერიდა, რომ სიტყვა ვერ წარმოთქვა. არეულად ისროდა რაღაც ხმებს და მათრახმომართული გუდუსკენ იწედა.

—მამაჩემის სულს ვფიცავ, — ხმამალა დაუყვირა გუდუმ და ჯოხი მოიმარჯვა, — ერთი ნაბიჯი წინ არ გადმოდგა, თორემ ამ ცოფიან ძაღლს გვერდით მოგიწვენ. თავი აგიგდია და არც კი შეგიტყვია, დიდი ვირიც ყოფილხარ, ვინცხა ყოფილხარ. მადლობის მაგივრად ნეტავ რას ამბობს? არც მაგდენი პატარა ხარ, რომ კაცმა ყველაფერი მოგითმინოს. შენი აზნაურობა მე ფეხებზე მკიდია.

შენი წყალობა ღმერთმა თავის დღეში ნუ მომცეს. დიდი კაცი თუ ხარ, შენ სახლში იდიდესა, შენ ეზოში იბატონე, აქ, სათემო გზაზე შენი დიდი კაცობა რასა სჭირს...

მათ ხმაურობაზე ტასიამ ტირილი დაიწყო. ათანასესაც შეეშინდა, ვაითუ ძუკუს ბავშვობამ დასძლიოს და წამოიწიოს, გუდუმაც არ მოუთმინოს, გაარტყას და ერთი ალიაქოთი, აყალმაყალი ატყდესო. ათანასეს მით უფრო ეშინოდა, რომ გუდუ მთელ სოფელში განთქმული იყო, როგორც გჯლადი კაცი.

ფარნა როკს მიყრდნობოდა და სულგანაბული იყურებოდა.

— აქეთ წამოეთრიე, აქეთ, — დაუქყვივლა ძუკუმ ტასიას, — კიდეც ტირის? გამომაყოლეს საეშმაკოდ... — მან იგრძნო, რომ გუდუსთან ჩხუბი ხეირს არ დააყრიდა. დაავლო ტასიას ხელი, ცხენზე უკან მოისვა და ხმაამოუღებლად გზას გაუდგა.

— რას გეტყვი იცი, ათანასე? — უთხრა გუდუმ, როცა ხელად გაკეთებული ხის ნიჩბით სველი მიწა ამოთხარეს, ძალლი შიგ ჩათრიეს და მიწას აყრიდნენ, — იცი, ჩემო ძმაო. ნათქვამია, კაცი მოკვდებაო და ნათქვამი. არ მოკვდებაო. მე მითქვამს, ის კაცი თუ თავის ლოგინზე მოკვდა, მე ეს მომპარსე, — უღვაშზე ხელი გადაისვა გუდუმ, — ყველა გაიგებთ. მე თუ მოკვდი, ვინც დარჩება, ის ნახავს, თუ იმან თავის ლოგინზე სული დალია... ყველა ნახავთ. შეუძლებელია იმას თავის ლოგინზე ამოხდეს სული. შე კაცო, ამაყი მინახავს, მაგრამ მაგისთანა... ამბობდნენ მაგაზე და, წარმოიდგინე, დღემდე არა მჭეროდა. ჯერ ნოლში არა ჩანს და ამას რომ სჩადის, ღმერთი არ გაზრდის ალბათ, თორემ, შენი მტერი, ჭყონონაში არ დაიდგომილება. ჰაი სასწაული, დაი ტყეში დატოვა და თვითონ გაიქცა... ბეგში ცხენის ჭენებისათვის საჩუქარს ხომ არ მისცემდნენ ნეტავი. კიდეც როგორ მექნა, თორემ, ზალიკას სულს ვფიცავ, მაგას დღეს გადმოვიღებდი მაგ ცხენიდან და ერთი რიგინად დავეზელავდი ცხვირ-პირს. კარგიც იყო, ჭკლას დაისწავლიდა. ყა, რა ამბავია, ძმებო. გამარჯვება თქვენი, ეს ძალლი სად იყო, ჩემ დას ხომ არ უკბინა, ოხ! თქვენი ჭირი შემეყაროს და მაგისთანები კი არა თქვა! მოირბინა გიჟივით და კარგად გინადირნიათო. ბასილის შვილი ის არ ყოფილიყო და დღეს რაც ხანი წინ მიძევს შუაში გამყოფოდა. ვის დაემგვანა ნართი, მაგისთანა ოხერი. ისე, ისე, ათანასე, ის მიწაც მიაყარე, მერე კარგად დაეტკებნოთ, — მიუბრუნდა ათანასეს, — ა... ვის დაემგვანა, — ისევ გააგრძელა გუდუმ, — დედას ჰგავს ალბათ, ისიც ქე არის ცოტა კი არა, ცოტაზე მეტით

კუდაბზიკა. კაცი რომ მოვიდეს შენ სახლში, ან წამოიწიე, შე კაცო, ვინც გინდა იყო, მართლა დედოფალი ხო არა ხარ, ან მობრძანდი უთხარი, ან დაბრძანდი, თუ გლახთაგანი ვინმე მივიდა მათ სახლში, ხარდანაძის ქალი აწევს ცხვირს მალლა და ოჩამურესავით გდია აივანზე და ორი სიტყვა თუ გითხრა, დიდ წყალობად ჰიაჩნია.

• • •

დიდ ორშაბათს საღამოს ბასილ მძებრაძე ცოტა მოწყენილი იჯდა თავისი ოდის აივანზე. მისი მეუღლე მარიკაც შორიახლო იჯდა და რაღაცას კერავდა...

— ხარდანაძის ქალო, გაიგონე, კიდევ გეუბნები: სანამ ცოტად არ მოვრბილდები, ის ბიჭი არ შეჰახვედრო ამ ორ დღეში, თორემ, მერაბის სულმა, ხელში შემომაკედება. რომ არ გამქცეოდა, თავს ორად გავუბობდი. სულ შენი ბრალი კია. აი ჩოხა, აი ცხენი და უნაგირიო... მეზობლის სახლში კაცურად ვერ მივიდა და ვერ მოვიდა, ის კაციც მომიმღურა ტყუილუბრალოდ. მერე როგორი კაცი გაჭირვების დროს ხუთ კაცად ღირს...

— ერთი ახირებული ხასიათი შენცა გაქვს, ძუკუს მამა, — უკმაყოფილოდ გააწყვეტინა მარიკამ, — თუ ყაზახმა ვერ მოითმინა, ძუკუ რა, ბავშვი ხომ არ არის!..

— მე აქ ნეხვი დამაყარე, თუ მაგისაგან კაცი გამოვიდეს, — თავმდაბლა მიუგო ბასილმა და კისერზე ხელი მოისვა, — დეილოცა შენი სახელი, — აუმაღლა ბასილმა ხმას, — ჰმი გუღუ სხულია რათ შეაგინებდა ძუკუს ტყუილუბრალოდ. გუღუ სტამბოლიდან მოსული ხომ არ არის? ჩემ ცხვირწინ გაჩნდა და გაიზარდა. რა ხასიათის კაცია არ ვიცი? მაშ როგორ! ყოჩაღ, კარგი გიქნია, ამფერ! დაი ტყეში დაგიგდია და შენ გაქცეულხარო, ამას ეტყოდა. ათთღმნიანი ცხენი ორ წუთში რომ გაუბათილებია.

მარიკა ჩაჩუმდა. ბასილმა ყალიონი ქისაში ჩაუშვა.

— გესმის, ხარდანაძის ქალო, მაგ ნიკოიას შვილს ჩემი ძველი ჩოხა და ქუდი ხვალვე გაუგზავნე. ის არ ყოფილიყო, თანაფა კი არა ობიშხა * ურიევის შეგექმნებოდა წრეულს.

* ობიშხა — პარასკევი.

XI

სკოლა და მასწავლებელი

დადგა ივნისი. ფარნა უკვე დახლოვნდა თხების მწყემსვაში და თამამად დაჰყავდა მამის პატარა ფარა საძოვრად, მხოლოდ ბიჭურის ტყეში მარტო წასვლას ჯერ ვერა ბედავდა და იქ წასვლის დროს ვინმე მეზობელს, ისევ მწყემსთაგანს, დაუამხანაგდებოდა.

ივნისის შუა რიცხვებში, ერძ. მეტად ცხელ დღეს, შუადღისას, ფარნა თხებს შინისაკენ მიერეკებოდა. სოფლის ეკლესიის გვერდით მდებარე მინდორი უნდა გადაევიღო. ამ მინდვრის შუაგულ სათემო გზა გადიოდა.

სოფელში რაიმე საზოგადო შემთხვევის დროს ხალხი ამ მინდორში იკრიბებოდა, განსაკუთრებით დღეობებში, საცეკვაოდ, სალაზღანდაროდ და ცხენების საქენებლად. დღეობას მოდიოდა ხალხი ეკლესიაში, ლოცულობდა, ფულს სწირავდა, ხატის წინ დაჩოქილი წმიდა სანთელს თავზე გადაივლებდა, ხატს ემთხვეოდა და მერე გადიოდა მინდორში. იქ ოხუნჯობდა, თამაშობდა, მღეროდა, ცეკვავდა. ცხენოსანი ჯირითობდა, თარხია დაჰქონდა. საუბედუროდ სულ ცოტა რამე იყო საჭირო, რომ ადგილობრივ ხატის სათაყვანოდ მოსულთ ცეკვა-თარხია თამაშობის დროს ერთმანეთისათვის აყალმაყალი აეტეხათ ან ძველი ანგარიშები გაეხსენებინათ. ამიტომ ამ მინდორში ხშირად ხდებოდა ჩხუბი, ერთი მეორეს ცხვირ-პირს უსისხლიანებდა. თითქმის სიკვდილის მაგალითიც ბევრი ყოფილა ამ მინდორზე.

ხალხი გულდამშვიდებული იყო: ხატს ფული შეეწირე და მისი გული მოვიგეო, და გახარებული და კმაყოფილი საღამოს შინ მიდიოდა. თუ თავის მოწინააღმდეგესაც შუბით თავს გაუტეხდა, ან ხანჯლით ბექს ჩაათლიდა, მაშინ ხომ სასიხარულო ამბით ის ყოვლად კმაყოფილი იყო.

ეკლესიის ეზოს კიდზე, მინდვრის პირად, იდგა ერთი ძველი დაბალი ფიცრული სახლი, რომელსაც სასენაკოს ეძახდნენ. სახლს არც ჰქონდა, არც იატაკი, გამურულ კედლებიდანაც უანგარიშო ჭუჭრუტანები გამოსჰვრეტდა. წინა კარი როგორც იყო ეკიდა, თუმცა დასაკეტი რაზა არა ჰქონდა, უკანა კი ნახევრად დამტვრეული ისე მიყუდებულიყო. ღვთის წინაშე, არც საჭირო იყო ამ სახლისათვის კარები, რადგან შიგ მტვერის გარდა არავითარი ავეჯი ან ნივთი არ მოიძებნებოდა.

ამ სახლის დანიშნულება ის გახლდათ, რომ დიდ მარხვის პირველ და უკანასკნელ კვირაში ვინც ეკლესიის მოშორებით ცხოვრობდა, უფრო ქალები, აქ მოდიოდნენ და სანამ ეზიარებოდნენ, აქა ცხოვრობდნენ.

ფარნამ შორიდანვე დაინახა ამ მინდორში ათი-თხუთმეტოდე მოთამაშე ბავშვი და ძლიერაც გაეხარა. შუა დღეა, თხებს ჩრდილში მოვასვენებ და მე კი იმათთან ბლრთს ან რიკას ცოტა ხანს ვითამაშებო. მართლაც, როცა ცოტად დაუახლოვდა, ფარნამ შეამჩნია, რომ ბალები ბურთს თამაშობდნენ და ფარნამაც მოუთმენლად გაირეკა თხები ერთი დიდი თხმელისაყენ, რომ თხები ჩრდილში დაებანაკებინა და თვითონ მოთამაშეთ ჩქარა შეერთებოდა. თხები თვითონაც სირბილით გაექანენ ჩრდილისაყენ. მაგრამ ამ დროს სასენაკოდან პატარა ზარის წკარუნი მოისმა. ბავშვს ცოტა არ იყოს გაუყვირა, წირვის დროს ზარის ხმას არა ჰგვანდა. უფრო იმან გააოცა, რომ მაგ ხმის გაგონებაზე ბავშვებმა საჩქაროდ თამაშობა შესწყვიტეს და სასენაკოსკენ სირბილით გაიქცნენ. ბავშვი დაინტერესდა რაში იყო საქმე.

სასენაკოდან ბავშვების ჩოჩქრლი და ხმაურობა მოისმოდა და მის წინ მინდორში თეთრ ტანისამოსში გამოწყობილი ადგილობრივი მღვდლის შვილი სევერიანე წყალაძე დასეირნობდა. ფარნამ ის შორიდანვე იცნო. სევერიანე აუჩქარებლად შევიდა სასენაკოში და ხმაურობაც უცბად შეწყდა. ახლა ფარნა მიხვდა ყველაფერს. ვუშინწინ დილითვე ყური მოჰკრა თავისი დადის და მათივე მეზობლის ქალის ლაპარაკს. მართა, ცოტა არ იყოს, ღირსეულად ეუბნებოდა მოხუც ტუჭას: ჩემი პატარა არტემა სევერიანეს მივებარე, წიგნი უნდა დაისწავლოსო. დღესაც მოთამაშე ბავშვებში ფარნამ გაარჩია არტემა თავისი ახალი წითელი პერანგით და თეთრი ყაბალახით და ცნობისმოყვარეობა აღეძრა. საშინლად მოესურვა ენახა, თუ როგორ სწავლობდნენ წიგნს.

ფარნა ნელ-ნელა მორცხვად მიდიოდა სასენაკოსაკენ, სადაც ჯერ კიდევ სიჩუმე იყო, მხოლოდ სევერიანეს მაღალი ხმით ლაპარაკი ისმოდა. სევერიანეც ჩაჩუმდა. ცოტა სიჩუმის შემდეგ რაღაც ხმამაღლა მიაძახა და ბავშვებმა ისეთი ხმამაღლა ლაპარაკი, თითქმის ყვირილი ასტეხეს, რომ ფარნას ერთ წამს შეეშინდა და გაქცევა დააპირა, მაგრამ მისთვის გაუგებარმა სიტყვებმა, რომელსაც იძახდნენ ბავშვები, მიიზიდა და ისევ წინ გასწია.

მის ყურამდი ნაჭერ-ნაჭერად მოისმოდა სხვადასხვა ხმები.

— ხალი, ახალი... ეს... ხა... ლია, — იძახდა ერთი მქექიავი ხმით.

— აკე...თე... ნამ...გა...ლი... გუუ...გუუ...ლი... გოდო...ლი... — ბოხი ხმით იმეორებდა მეორე ხმა.

— ჩექმა...ჩი...რი... ჩი...თი... ჩა...მი... ჩი,—მამლაყინწასავით ყოიდა მესამე.

— ქალო, კეკე, ბალი ქამე, სოფო, ჩემი კაბა მომე, — ნაზად ისმოდა გოგოს ხმა.

— შინ, ჩან, ცან, ღან, ყარ, ხარ, — თითქო დოღზე ურტყამენო მრგვალად, დუღუნებდა მენუთე და ეს ერთმანეთში არეული ხმები ხრიალ-ხრიალით ეფინებოდა არემარეს.

როცა ფარნა სასენაკოს წინა კარს მიუახლოვდა და ფრთხილად შეიხედა, შეამჩნია, რომ ბავშვები ფიცრებზე ისხდნენ, ფიცრებივე ედგათ წინ. სალოკ თითს ფიცრებზე დაწობილს რაღაც ქალღლებზე ნელა უცაცუნებდნენ და ზემოხსენებულ ხმებს იმეორებდნენ.

ფარნა მივიდა, ოღნავ შიგ შეიხედა და კარს მიეფარა. კარებში მორცხვად შემყურე ფარნა რომ დაინახეს, ბავშვებმა ხმაურობა შესწყვიტეს, სევერიანმაც შეამჩნია და ალერსიანად მოეფერა.

— შენ ვისი ბიჭი ხარ? — ჰკითხა სევერიანემ.

— ნიკოიას შვილია, ნიკოია თოხიტარიასი, — მოესმა რამდენიმე ხმა.

სევერიანე მიუბრუნდა მათ და მრისხანედ გადასძახა.

— თქვენ არ გეკითხებით, თქვე მხეცებო, თქვენ ჩუმად იყავით, ნიკოიას შვილი ხარ? — ალერსიანად დაეკითხა ფარნას.

— დიახ, — თავჩაღუნულად მიუგო ფარნამ და ტიტველი ფეხის ცერით მტვერს ჩხრეკა დაუწყო.

— შენ არ გინდა ისწავლო წიგნი? — ისევ ჰკითხა სევერიანემ.

— მე თხებს ვწყემსავ, — ჩუმად მიუგო ფარნამ.

— სად არის ახლა შენი თხები?

— აქ, ჩრდილში ისვენებენ.

— მერე საით გარეკავ?

— ჯერ შინ და მერე, ნასადილევის, ხან აქეთ, დოზერისკენ, ხან ქუცონისკენ.

— ცოტა ხანს მანც შემოდი შიგ, ნუ გეშინია, — გაათამამა სევერიანემ.

ფარნა მორცხვად შევიდა და კუთხეში გაჩერდა.

იმის შესვლაზე ბავშვებმა ისევ ჩოჩქოლი ასტეხეს, ზოგი ეცინოდა, ზოგი სახელს ეძახდა, ზოგი პატიჟობდა და ზოგიც ემასხრებოდა.

— თქვენ კიდევ? — დაიყვირა სევერიანემ, — გააგრძელეთ კი-

თხვა.—ბავშვებმა თითქო ახალ შემოსულ ფარნას თავი უნდა მოაწონონო, წინანდელზე უფრო მაღლა ასტეხეს ყვირილი.

ფარნა გაწითლებული და თავჩაღუნული იდგა, მაგრამ ცოტ-ცოტად მიეჩვია და გათამამდა. თავი მაღლა აიღო; ჭერ მორცხვად გადახედა ბავშვებს, მერე უფრო თავისუფლად თვალიერება დაიწყო. უმეტესი ნაწილი ბავშვებისა იცნო. არტემას გარდა. აქ დაინახა თავისი მოგვარის ერჩქონდია თოხიტარიას შვილი ელიზბარი, ბათა კალათიას შვილი ტარასი, სესირყვა შიგანიას შვილი იოსები და სხვა. წინა ფიცარზე, შესავალი კარის მარჯვნივ, კუთხეში მან შეამჩნია ბასილ ჰქებრაძის გოგო ტასია, რომელიც ამას წინათ, მარტის თვეში, ძაღლის კბილებს გადაარჩინა. ტასიას ისევ ის კაბა ეცვა, რომელიც იმ დღეს, გრძელი ფოჩვებიანი და წვრილი სახელოებიანი.

მან ალერსიანად გაუღიმა ფარნას და ფარნამაც წამოწითლებულმა მითვე პასუხი გასცა. ძლიერ გაუხარდა მისი აქ ნახვა, თუმცა თვითონ არ იცოდა რისთვის. მის დანახვაზე ბეგში წაქცეული როკი და ძუკუს და გუდუს წალაპარაკება გაახსენდა.

ზოგ ბავშვს წინ ფიცარზე თეთრი ქალაღლის ნახევი ედო, იმაზე ხანდაზმით თითს ადებდა და ანბანის სახელებს იძახდა. ზოგი პატარა, გაჭუჭყიანებულ და გახეულ წიგნში იხედებოდა. ზოგს, და მათ შორის ტასიასაც, ლამაზი და სუფთა წითელი წიგნი გაეშალა.

ტასიას გარდა კიდევ ორი სხვა გოგო გაარჩია, მაგრამ ისინი ვერ იცნო. გარეშე სოფლელები იყვნენ.

— ა... შენ არ გინდა ისწავლო? — ისევ ჰკითხა სევერიანემ, როცა ბავშვები მოიღალნენ.

ფარნამ არა მიუგო რა, ძირს იყურებოდა და ცალი ხელით ქამრის ღვედს ეკირკიტებოდა.

— გინდა ანი, ბანი შენც დაგიწერო?

ბავშვმა თავის ქნევით დაუდასტურა.

— კარგი, მაშინ შენც დაგიწერ. ფილიპე, დარეკე, — მიუბრუნდა ერთ ბიჭს მასწავლებელი.

ერთი შეგირდთაგანი ფიცხლავ გარეთ გავარდა და სხვენზე ჩამოყიდებული პატარა ზარი დარეკა. ბავშვები აჩოჩქოლდნენ.

— ჩუმად! — დაიძახა სევერიანემ. — ადექით! — ბავშვები აბრაგუნდნენ.

— ღირს არს ჭეშმარიტად!

— ღირს არს ჭეშმარიტად, — მწყობრად გაიმეორეს ბავშვებმა

და ლოცვის შემდეგ სირბილ-კიჟინით და ხტუნაობით მინდორში გაიფანტნენ.

შუადღეზე გადაცილებული იყო. მზე, როგორც იტყვიან, უმოწყალოდ აცხუნებდა ქვეყანას თავის ძლევამოსილ სხივებს. ფრინველები მიჩუმდნენ. მხოლოდ დაუცხრომელი კალია ქს, ქს, ქს-ო მოუსვენრად სისინებდა. ათიოდ თხა, ვაცის წინამძღოლობით, ეკლესიის აღმოსავლეთით ჩამომავალ საფერხე ღელის პირად მოდიოდა და მათ უკან ფარნა ნელ-ნელა მიალაჭებდა. ხელში ქალაქის ნაგლეჯი ეჭირა და შიგ გულმოდგინედ იყურებოდა.

— ან, ბან, გან, დონ, ენ, ვინ, — დაიძახა. მან და ისევ ჩუმად ქალაქს ჩააჩერდა, — ან, ბან, გან, დონ, — ისევ გაიმეორა და ისევ ქალაქს ჩააჩერდა.

— სად დახეტილობდი, წივი რაღა დროს თხების გარეკვაა! ახლა იქით-იქით უნდა მიერეკებოდე, არ ხედავ მზე გადახრილია, შე ყიყამო, შენა! — წყრომით მიეგება ფარნას თავისი და გაიანე, როცა მან თხები ეზოში შერეკა.

ფარნა ჩუმად იყო. კიშკარს რომ მიუახლოვდა, ქალაქი მოწიწებით დაქეცა და უბეში შეინახა. თავის საიდუმლოების გამჟღავნება არავისთვის უნდოდა.

— არ მეტყვი, ბიჭო? შე წმიდა გიორგის კისერმოსატეხო, სად იყავი ამდენ ხანს?

— სად ვიქნებოდი, — მიჯგო ფარნამ.

— მეც მაგას გკითხავ, რათ დაიგვიანე?

— თხებს ვაძოვებდი.

— ვიცი, ვიცი, როგორ აძოვებდი. ბავშვებთან ჭარკინს და რიკს თამაშობდი. მომითმინე მე შენ, მოვიდეს მამა, თუ შენი თავი ერთი რიგიანად არ გავატყებინო.

— სუ, სუ, გოგო, — მოისმა მოხუცი ქუჭას ხმა, — აქ მოდი. სადილი ჭამე, შენ გენაცვალოს შენი დადი.

სადაც ასეთი მფარველი ჰყავდა, როგორც დადი, გაიანეს მუქარისა ბევრი არ ეშინოდა. თხები აგვარაში შელალა და თვითონ სადილობას შეუდგა.

ნასადილეეს ფარნამ თხები ქუცონასკენ გარეკა. ეს ადგილი მისი სახლიდან ვერს-ნახევარზე იყო. იქ ბევრი სხვადასხვა ბუჩქი ხარობდა და მათ შორის ანწლიც, რომლის ფოთოლი თხის საყვარელი საკმელია. თხები ხარბად დაეწაფნენ ანწლის ფოთოლს და ორი საათის კნატუნის შემდეგ ყველას მუცელი აქეთ-იქით გამოებერა.

საღამო ჟამს მხიარულად დაუშტვინა ფარნამ და თხები შინის-

კენ გაირეკა. მზე ის იყო ჩასვლას აპირებდა და მისი ახლა უკვე პლივძლივს თბილი სხივები შარავანდელად ერთყმოდა ცის კამარას და ქვეყანას მოწითანო ფერსა ჰფენდა. ნიავემაც დაჰკრა, ფოთლები შეარხია და ჩიტებიც ააჭიკჭიკა. ბინდმა პაპანაქებით გულშეწუხებულ პატარა ფარნასაც სიხარული მოჰფინა და მისდა უნებურად დააწყებინა მისი საყვარელი სიმღერა:

ჰეი, ჰეი! ჰეა, ჰე!

ვა დილა, ვა დილა!

გზაზე საფუტკრე დღე უნდა გაევლო. როცა სიმღერა-ბტუნობით ამ დღეს მიუახლოვდა, შეამჩნია, რომ დელის პირად ამოსული ერთი პატარა წიფელის განზე გამოშვერილი ტოტი სწორედ ისე იყო მოღუნული, როგორც მის ქალაღზე დაწერილი „ანი“. მან საჩქაროდ უბიდან ქალაღზე დაწერილი ანბანი ამოიღო, დახედა, მერე ხის ტოტს შეხედა და სიხარულით ორ-სამჯერ შემოტრიალდა.

— ყა, სასწაული, — გაიკვირვა ბავშვმა. მართლაც, წიფლის ტოტი ძლიერ ჰგავდა ქალაღზე დაწერილ „ანს“.

ამასობაში თხებმა ფეხების ბაკუნით და ფრუტუნით დღე გაიარეს.

ფარნა ერთ ხანს უყურებდა წიფლის ტოტს, მერე საჩქაროდ ქამარში ჩარჭობილი კვადია ამოიღო და თხმელის წვრილი და სწორი წკნელი ჩამოსჭრა. წკნელი ორივე ხელში დაიჭირა და გადაღუნა. წკნელმაც ისეთი სახე მიიღო, როგორც წიფლის ტოტმა. ცალი ხელი გაღშვა და წკნელი ისევ გასწორდა. ანბანი მიწაზე გაშალა, წკნელი ისევ გადაღუნა. ცალი თვალით ანბანს დაჰყურებდა და თან წკნელს ნელ-ნელა ღუნავდა და ცდილობდა ანისთვის მიეშგავსებინა. მიაშგავსა კიდევ. გახარებულმა აქეთ-იქით მიიხედა. თითქო თავისი სიხარულის მოწმედ მთა და ბარი უნდა მოიყვანოსო და უფრო სიხარულით აივსო, როცა ერთ საგანს თვალი მოავლო და რალაც ახალი აზრი დაებადა.

დელის პირად ერთ ადგილას ორ არშინამდე სიგრძეზე და არშინ-ნახევრამდე სიგანეზე სველი ქვიშნარი იყო. ბავშვმა მოღუნული წკნელი საჩქაროდ ქვიშისკენ გაარბენინა, ზედ დააკრა და ისევ მოაშორა. მის სიხარულს სწორედ საზღვარი არა ჰქონდა. ქვიშაზედაც „ანი“ იყო გამოხატული.

ქალაღზე დაწერილი ანბანი ქვიშაზე გაშალა ფარნამ, წკნელი ხელში აიღო და ახლა შეეცადა „ბანის“ გამოხატვას. რამდენაირად არ ატრიალა წკნელი, მაგრამ არ იქნა და არა. „ბანს“ მაინც ვერ

მიამსგავსა. სულ „ანი“ და „ანი“ გამოდიოდა, ან კიდევ რაღაც პირქვე გადმობრუნებული „ანის“ მსგავსი, რომელიც ანბანში კი შენიშნა, მაგრამ სახელი მისი არ იცოდა.

სიხარული ცოტ-ცოტად ჩაჰქრა და მოწყენა და მწუხარება იგრძნო. ბევრი ეწვალა, ბევრი შეეცადა, მაგრამ ამაოდ.

იმედგადაწყვეტილი მზად იყო წენელი შორს გადაეგდო, რომ თავში ისევ ახალმა აზრმა გაურბინა.

— აკი კალმით წერენ? — წაიბუტბუტა ბავშვმა.

წენელით ქვიშა გაასწორა, მერე ცალ ხელში წენელი აიღო, მეორეში დაწერილი ქაღალდი და წენელის ერთი ბოლო დაუსვა ქვიშაზე. ჯერ მრგვალი ხაზი შემოაჯლო, მერე ზევით წაიღო სწორი ხაზი. მერე მარცხნივ მიაბრუნა, როგორც ქაღალდზე იყო დაწერილი, მერე ცოტა ზევით და შემდეგ ისევ ქვევით. მართლა „ბანი“ გამოვიდა, ფარნას თვალეში უბრწყინავდა.

— წენელის გადაღწევა რა საჭიროა. აკი როცა წერენ, ხომ ხელით წერენ, — კვლავ წაიბუტბუტა მან.

ახლა შეეცადა „განის“ დაწერას. ისიც გამოიყვანა, მერე „დონი“... და ამნაირად ექვსივე ასო ქვიშაზე დაწერა.

მერე წენელი გადაუსვა. ყველა წაშალა, ისევ ქვიშა გაასწორა და ხელახლა წერა დაიწყო. ბავშვი იმდენად გაიტაცა ამ შრომამ, რომ ვერც კი შეამჩნია, როგორ ჩავიდა მზე და ქვეყანას ნელ-ნელა სიბნელე გადაეფარა.

— სწორედ უნდა გადაესახლდე, სწორედ უნდა აქედან ავი-
ზარგო! საშველი წამალი არა მაქვს... ა... უ... უი.. შე წმიდა გიორგი მიქამ გარიოს კინჩხმოსატეხო, სადა ხარ... ღმერთო! ღმერთო! ცეცხლი შენ მოუკიდე მის ოჯახს, ამოვარდნილი და ამოწყვეტილი, აჲ... უ... უი!. — უწყალოდ ყვიროდა და იწყევლებოდა, ილან-ძლებოდა გახუნია ძლანძლაძე, რომელიც საფუტკრე დელის პირად ესახლა და ეზოს ერთ მხრივ, ღელეზე გადმომყურე ფერდობზე, საისლე ჰქონდა გაშენებული.

ფარნა ამ ხმაზე გამოფხიზლდა, ის მიხვდა, რაში იყო საქმე, აიღო კვალაია და გახუნიას საისლესაკენ გაექანა.

ფარნას და სხვა მწყემსების თხებსაც არა ერთხელ ეგემნათ აქაური ტკბილეულობა და ახლაც, რაკი ფარნა რაღაც საქმეში გართული ნახეს, თხები საისლესაკენ გაემართნენ.

გახუნია თან ყვიროდა და თან გრძელი ჯოხით თხებს ერე-
კებოდა.

— ბიჭო, შე დაქვეულო, ბიჭო, მაინცდამაინც ჩემი ამოწყვეტა

გინდათ? ბიჭო, უსათუოდ ჩემი დაკარგვა გინდათ? — მიაძახა გახუნნიამ, როცა ბინდში ფარნას სახე ოდნავ გააჩნია. გახუნნიას ბუნებით ცოტა კი უყვარდა საქმის გაჭიანურება, თორემ მის საისლეში საიმისო ზარალი არა იყო რა.

— ამისთანა სიჩურჩუტეს კაცი როგორ იზამს, — გააგრძელა მან და ჩამორჩენილ თხას ჯოხი გადაჰკრა, — თითის ტრლა ბავშვს ჩააბარა ამოდენა ჯოგი. დალოცვილი, თავისთვის ყველა ჭკუიანია. დიდის საქმეს ჩვილს ასრულებინებენ, ხარკალაია მანეთიანებით ხელს ივსებს და ჩემ საისლეს კი თხის კბილები. გაირეკე, გაირეკე კარგად, მეორეჯერ არ შემოუშვა, თორემ უსაქმოდ უკეთილსინდისიეროდ თხებს არ მოგცემ, — დაუმატა გახუნნიამ, როცა თხები საისლედან გაილაღნენ, — იცოდე, რომ...

— შენ სულ მასთე იცი, შე მკვდარო ყაზახო, — მოისმა გაკაპასებული ქალის ხმა საისლეს ზემოთ, ღობის გვერდით. — მეორეჯერ არ შემოუშვა, მეორეჯერ არ შემოუშვაო და ახლა მგონი ერთი კვირეა მეთეჯერ შემოვიდნენ.

ქალი ტყუოდა, ფარნას მწყემსობაში ეს პირველი შემთხვევა იყო. დღეს რაღაც საეშმაკოდ მოუვიდა, თორემ ამ გზით ფარნა იშვიათად დადიოდა.

— ახლავე წადი იმ კაცთან და რიგიანად უთხარი. მან ლეტაკარიდან შვილის ნამოჯამაგრი ოქროები ჰოაჩხრიალოს და ჩვენი საისლე მათ სანაცვალოდ იქცეს, ეს არაფერსა ჰგავს. — კიდევ უფრო ხმამაღლა და უფრო კაპასად ჩააკრიალა ქალმა.

— გზა-გზა ეძინება, მისთანა ძუძუმწოვარა „ბუგა“ ბავშვი მიაყოლეს თხას! მაგის ნამწყემსი კიდევ რა იქნება! — არა ცხრებოდა ქალი. ქმარს კი ხმა არ ამოუღია ქალის ლაპარაკის დროს. ეტყობოდა, „კეთილ მორწმუნეს“ მაგრა შებოქილი ჰყავდა ხელში გახუნია ძლანძლადე, თუმცა ენაშაქარა არც გახუნია ბრძანდებოდა.

ფარნას ძლიერ შეეშინდა. ორი, ერთიერთმანეთზე დამაღონებელი სურათი წარმოუდგა: გახუნია სახლში მივა, მამასთან დამასმენს, გაიანეც ზედ დაუმატებს, მამა ძლიერ გაჭავრდება, შეიძლება კიდევაც გამლახოსო.

რასაკვირველია, მან თავის მხრივ ყველაფერი თხებს გადააბრალა. ერთი გრძელი თხილის წკნელი გამოჰკრა და თხებს მიაყოლა ვარაუდად ზურგ-ფეხებში. შეშინებული თხები ერთმანეთს ეკროდნენ და გაჩქარებით შინისაკენ მიბაკუნებდნენ.

ფარნას უნდოდა ისე მიერეკა თხები, რომ არავის შეეტყო. მელა შეალო აგვარის ჩელტის კარი და თხები შიგ შეერეკა.

— ოჰო! ფარნა, მორეკე? სად დაიგვიანე ამდენ ხანს, — თხების ფეხების ბაკუნზე ხმა გასცა პეტრემ აგვარიდან. ის ნიგით ხელში აღრევე მოსულიყო თხების საწველად.

სხვა დროს ფარნა სიმღერით, ყვირილით და ერთი ზარ-ზემით შემოდოდა ეზოში და დღეს ასეთი სიჩუმე და გვიან მოსვლა პეტრეს არ ეკაშნიკა.

— თხები ხომ არ დაგებნა, ფარნა? — ალერსიანად ჰკითხა პეტრემ.

— არა.

— მაშ რატომ ხარ მოწყენილი?

— მოწყენილი რომ არა ვარ?

— ავით ხომ არა ხარ?

— არა, — ბეჯითად მიუგო ბავშვმა.

პეტრე თხის წველას შეუდგა და ფარნა შინ შევიდა. ივნისის მთელი დღის შრომით დაღლილი ნიკოია თოხიტარია დაღვრემილი იჯდა ფაცხის კერასთან და არხეინად ჩიბუხს შეექცეოდა. ფაცხაში ძლიერ ცხელოდა, მაგრამ ნიკოია იმდენად დაღლილი იყო, რომ, რაკი ერთხელ შემოვიდა, ადგომა და გარეთ, გრილ ჰაერზე გასვლა ეზარებოდა.

გაიანე და დადი ვახშმის მზადებაში იყვნენ. ფარნა ფაცხის ერთ კუთხეში იჯდა და გულის ფანქვალით მოელოდა გახუნის მოსვლას.

პეტრემ რძით სავსე ნიგა შემოიტანა. გაიანემ პატარა კარდალა გარეცხილი დაახვედრა.

— ჩემი ფარნა! ივარგებს, მგონია, ეს ბიჭი, წმიდა გიორგის მადლმა, — თქვა პეტრემ. — ისე კარგად უძოვებია დღეს თხები, რომ ნიგაში რძე ძლივს ჩაეტია.

მამამ ალერსიანად გადახედა ფარნას. ათანასეს კი, რომელიც გარეთ ხის ნაპერზე იჯდა, ბევრად არ ესიამოვნა ფარნას ქება.

— მეტი არ გავიხარე მაგისტვის, იმან რომ ჩემზე უკეთესად ძძოვოს თხები.

— უკეთ აძოვებს-მეთქი, ამას არც მე ვამბობ და ნიგა რძით სავსეა, ეს ცხადია.

— ახლა ზაფხულია და იმიტომ, — იმართლა თავი ათანასემ.

— დღეს სულ გვიან მობრუნდა სადილად, — ჩააკერა სიტყვა გაიანემ.

— სუ, ძღაბო, შენ, — გამოეხმაურა ფარნა. — იმდენი სიკეთე შენ, რაც მე დავიგვიანე... ოი, ჭიჭა... ა... უ — აჭიჭყინდა ბავშვი.

— ნუ კი ტირი, შე კაცო, — ერთხმად უთხრეს პეტრემ და ნიკოიამ. — ჩვენ გაქებთ და შენ კი ტირი?

— შენ, ძღაბო, ენაწასული ნუ ხარ? ადრაგუნებ ყველაფერს, რაც პირზე მოგადგება, — დინჯად შენიშნა დადიმ. — ჩქარა მოდი, ეს რძე ჩავწუროთ.

გაიანემ რძის საწური მოძებნა. ეს იყო თიხის უძირო ჭურჭელი, რომელშიაც ძირს რამდენიმე წვრილი წყნელის ხარხა იყო მიმაგრებული, ამაზე სუფთა გვიმრას აფენდნენ, ზედ რძეს ასხამდნენ. ეს რძის საწური გაიანემ დადის გადასცა. დადიმ ხელში დაიჭირა კარდალას თავზე პირდაპირ. გაიანემ ნიგას გადასწია. თეთრი რძე ჩუხჩუხით გადიოდა გვიმრის საწურს და კარდალაში ჩახრიალებდა. გაიანემ ცალკე ჭურჭელში მომზადებული კვეთარი მოძებნა და ისიც ცოტა ჩაასხა რძეში. დადიმ ნახევარი ადლის სიგრძე წვრილი ვაზის ჯოხით რძე და საკვეთარი კარგად ერთმანეთს შეურია. ჯოხი კარდალის კიდეზე მიაკაკუნა და ერთიც დაუწრუწუნა.

— ნეტავ ვიცოდე, ვახშამს აპირობენ ამალამ თუ არა, — წარმოთქვა ნიკოიამ. — ძლივს ვქანაობ, ისეთი დაღლილი ვარ.

— ახლავე, შეილო, ახლავე, — მიუგო მოხუცმა დედამ.

ფარნა და ათანასე რალაცაზე აყაყანდნენ, მათ ლაპარაკში გაიანეც გაერია.

— სუთ, სუთ, ვინმემ დაიძახოს, ყურთასმენა აღარ არის! — დაიძახა პეტრემ.

— მართლაც, მგონია კიდევაც იძახის ვილაცა, — მიუგო ნიკოიამ.

— ე... უყურე, უყურე.. სუთ... სუთ... ე... ათანასე, ათა, გახედე, ბიჭო, ვინ არის.

ათანასემ ხმა გასცა, მაგრამ ვერ გააგონა. სტუმარი კი სულ იძახდა: ვო, ათანასე, ათანასეო.

— ა... უი — რაც შეეძლო, მიაბღავლა ათანასემ.

— ნიკოია შინ არ არის? — მოესმა სტუმრის ხმა.

— კი, კი — დაუყვირა ათანასემ.

— ერთ წუთს მომხედოს, თუ ცალია. სიტყვა მაქვს.

— ვინ არის, ბიჭო? — გასძახა მამამ.

— გახუნიას ხმას ჰგავს... დიახ, ის უნდა იყოს.

გახუნიას სახელის გაგონებაზე ფარნა აცახცახდა. იმას ფარსაგი რომ არ დატრიალდებოდა, არ ეგონა... ნიკოია კი ძლივძლივობით, „უჰუ-ჰუს“ ძახილით ადგა და გახუნიასაკენ წავიდა.

— აქეთ მობრძანდი, გახუ, ბაბა! როგორ შორიდან იძახი, შე კაცო. — დაუძახა ნიკოიამ.

სანამ ნიკოია დაბრუნდებოდა, ღომი ტაბაკზე დააგეს. მწვანე ლობიო ნიგვზით შეზავებული ხის ლამბაქებზე დააწყვეს და თავთავიანთი თია * ღირსებისადა გვარად ყველას დაუდგეს და სავანშმოდ მოემზადნენ.

— ბაბა, შენ ჭკვიანად იყავი, თორემ, ბაბა, მე გაგლახავ, იცოდე, — შემოილაპარაკა ნიკოიამ, — გახუნია ჩივა, რომ ჩემი საისლე სულ ერთიანად თხებს გააოხრებინაო. მეორეჯერ არ მოგივიდეს ასეთი შეცდომა, ბაბა, დაკვირვებით უნდა ადევნო თვალ-ყური, თხა ხომ მოუსვენარი საქონელია.

— რძეც იმიტომ მოაქვთ თხებს, საისლეში თუ შეუშვი, აქ რაღა კაი მწყემსობა გამოვიდა. — თავმომწონედ შენიშნა ათანასემ.

მაგრამ ბევრი გამოჯავრება საჭირო არ იყო. ფარნა ატირდა და თვალებიდან მსხვილი ცრემლი გადმოაფრქვია. იმ დამეს თითქმის არ დაუძინია. თუ ცოტად მიეძინებოდა, ქვიშა, ზარი, წკნელი, საისლე... ერთმანეთში არეული, თვალწინ ელანდებოდა. დაწერილი ანბანი ხან დაგლეჯილი მოეჩვენებოდა, ხან ისეთი ფართო, რომ მთელი ჭყონონა იმ ანბანზე ეტეოდა და გახუნას საისლეც იმ ადგილზე იყო მოთავსებული.

ყოველ გაღვიძებისთანავე ანბანს ხელს მოავლებდა და მაგრა მოუქერდა. ქალაღი მოწიწებით გულზე ეღო...

XII

სევერიანე იყო ადგილობრივი მღვდლის, ევთიმე წყალაძის შვილი. ევთიმე მღვდელს მის გარდა სამი შივილი ჰყავდა, მაგრამ სევერიანე ყველაზე უფროსი იყო. სწავლობდა სასულიერო სასწავლებელში. ამ წელს მესამედან მეოთხე კლასში გადავიდა და ახლა, საზაფხულოდ დათხოვნილი, შინ იმყოფებოდა.

ჯერ კიდევ პირველ კლასში იყო სევერიანე წყალაძე, ფრიად მოსაწონი და სასარგებლო ჩვეულება შემოიღო. ივლისსა და აგვისტოში სოფელში ყოფნის დროს ოთხიოდ მეზობლის და ნათელმირონის შვილები მოაგროვა და წიგნის სწავლება დაუწყო.

მეორე წელს იმდენი ბავშვი მოგროვდა, რომ მღვდლის პატარა ოთხთვალის ოდის პატარა დარბაზი, — სადაც პირველად გამართა სკოლა, — არ იყო და იძულებული შეიქნა სასენაკოში გადაეტანა.

* თია — კერძი.

ზოგი ფიცარი მამას სთხოვა, ზოგიც მეზობელს და იქ ხელად მოაწყო ტლანქი ფიცრებისაგან ბავშვებისათვის დასაჯლომი და საწერი, საკლასო მაგიდების მსგავსი. წელს ვაყების გარდა ქალეზებიც მოუყვანეს, ერთი ბასილ მძებრაძემ და ორიც მახლობელი სოფლის აზნაურებმა.

სწავლის ფასს სევერიანე ფულად არაფერს ართმევდა და თუ ვინმე რამე ფეშქაშს მიართმევდა, უარს არ ეტყოდა. ზოგს მოჰყავდა ქათამი, ზოგს მოჰქონდა რძე, ზოგს ყველი, ზოგსაც ხილი. სწავლის წესრიგი სევერიანეს კეთილ ნებაზე იყო დამოკიდებული. ის ასწავლიდა როგორც იცოდა და როგორც უნდოდა. დღეში ხან ერთ გაკვეთილს მისცემდა, ხან ორს, ხან ოთხსაც, როგორც მოისურვებდა.

ასწავლიდა ლოცვებს, წერა-კითხვას ქართულად და ვინც ქართულში გაიმართებოდა, რუსულადაც. ასწავლიდა აგრეთვე ანგარიშს და ხან კი, ბავშვებთან ერთად, ისიც თამაშობდა.

სევერიანე დილით ადრე დგებოდა. პირველი მისი საქმე იყო ჭანისწყალში ბანაობა, თუმცა მდინარე ვერსზე მეტი მანძილით იყო დაშორებული მისი სახლიდან. მიუხედავად ამისა, სევერიანე ყოველ დილით ბანაობდა. წყლიდან დაბრუნების შემდეგ რძეს და ყველს მიირთმევდა ცხელ მკვადთან. მკვადის გამოცხოებაში სევერიანეს დედას, ეკატერინეს, ბადალი არა ჰყავდა. მერე სასენაკოსკენ გასწევდა და ნასადილევს კი ხეების ჩრდილში ჭილობზე გორაობდა, ან წიგნს კითხულობდა, ან ეძინა.

ეს არის სევერიანე ბანაობიდან დაბრუნდა და სენაკის ახლო თავის სახლისკენ მიემართებოდა (მისი სახლი ეკლესიიდან ნახევარი ვერსის სიშორეზე იყო), რომ თხების ფრუტუნი შემოესმა. მიიხედა და დაინახა ფარნა, მისი განუშორებელი კვალაია უკან ქამარში ჰქონდა ჩარქობილი. მთელი ღამის მარხვისაგან დამშეული თხები დობერისაკენ მიეშურებოდნენ.

— ფარნა, აქ მოდი! — დაუძახა სევერიანემ.

ფარნა იმწამსვე მასთან გაჩნდა. თხებმა უიმისოდაც გააგრძელეს ნაცნობი გზა. აქეთ-იქით არც კი მიუხედავთ. გარდა ნახევრად გამოფულარული თხმელის და რცხილის ხეებისა, აქ საკნატუნებელი არა მოიძებნებოდა რა.

— დაისწავლე რამე? — ალერსიანად დაეკითხა სევერიანე.

ფარნამ მორცხვად ხელი უბეში ჩაიყო და ქალაღლი ამოიღო. ზოგი ფარნას ხელისაგან და ზოგიც სხვა მიზეზებისა გამო ქალაღლი ალაგ-ალაგ გასვრილი და დაჭმუჭნული იყო.

— აბა, წაიკითხე.

— ან, ბან, გან, ღონ, ენ, ვინ! — თამამად თქვა ფარნამ.

— კარგი, ახლა მომეცი აქ, — უთხრა სევერიანემ. ბავშვმა ქალღმერთი სევერიანეს გადასცა და თებებს მიხედა. მათ დაღმართი დაეგლოთ და გზის მოსახვევში ჯარისკაცებივით მწყობრად მიიშართებოდნენ. ლუზანია ოფიცირივით წინ მიდიოდა და წვერს მიაცანცარებდა.

სევერიანემ ორივე ცერი ერთ ასოს აქეთ-იქით დაადო, სხვა ასოები დამალა და ფარნას დაეკითხა:

— ეს რა არის?

— გან, — მიუგო ფარნამ.

— ესა?

— ვინ!

— ესა?

— ღონ!

— ყოჩაღ, ჩემო ფარნა.

ფარნამ ამოიხენეშა და ისევ თებებისაკენ მიიხედა.

— თებების გაქცევისა გეშინია? — თანაგრძნობით უთხრა სევერიანემ და თითონაც მიიხედა. — უი, სანამღი მისულან.

თებებს სახარე ღელე გაეგლოთ და ღობერის ძირს შესდგომოდნენ. მათი რქები ახლა ძლივძლივს მოჩანდა. მაინც ფარნა ჯერ კიდევ ცალ-ცალკე თებებს კი არჩევდა.

„ე... ჩხაპრა, ე... ხულუშია, როგორ მიბაჯბაჯებს“, — გაიფიქრა ბავშვმა.

— ახლა, ფარნა, არა გცალია, ოხ! რა კარგი იქნებოდა, რომ გეცალოს, — ნაღვლიანად თქვა სევერიანემ. — შუადღეზე მაინც აღრე წამოდი. ახლა თუ გაქახსენდა, ერთი-ორი ანბანა კიდევ მივუშატოთ: ზენ, თან, ინ, კან, ლას...

— ზენ, თან, ინ, კან, ლას, — რამდენიმეჯერ გაიმეორა ფარნამ, ქალღმერთი ხელში დაიჭირა, თან ქალღმერთს დაჰყურებდა და თან შირბოდა.

ერთ წუთში ფარნა თებებთან გაჩნდა და როცა ყველანი დაათვალიერა, ხის ქვეშ, მწვანეზე დაჯდა და ანბანი გაშალა.

— ზენ! ეს კი მაშინათვე დავიმახსოვრე. ამ მეორეს რა იყო, რომ დაარქვა...

— ფუიტ! — შეშინებულად დაიფრუტუნა ამ ღროს ერთმა თხამ.

— აუ... უი! — დაიკიჟინა მწყემსმა და ზეზე წამოვარდა. —

ჰეი, ჰეი, ვეი! აუ... უ... უი! — ისევ დაიყვირა, რაც ძალი და ღონე: ჰქონდა. ყვიროდა ვითომდა გარეული ნადირის შესაშინებლად.

ჯერ შუადღე არ იყო, როცა ფარნამ პირი იბრუნა შინისაკენ. ცოტა კი ეშინოდა: ვაითუ ვინმემ ჩემი ოჯახისთაგანმა შემამჩნიოსო. თუმცა დარწმუნებული იყო, არავინ შეამჩნევდა, რადგან სამნივე: პეტრე, ნიკოია და ათანასე სიმინდს მარგლავდნენ ქალაში და ყანიდან დაბრუნებამდე ჯერ კიდევ ბევრი უკლდათ. წუხელვე ჩიოდა ნიკოია: ველარ მოვერიეთ, სიმინდი ფუჭდება და ნადი უნდა მოვიწვიოთო. დადი და გაიანე კი სადილის კეთებაში იქნებოდნენ. გართულნი.

თხები ჩრდილოში დააბინავა და სენაკს მიუახლოვდა. ბავშვებიც ეტყობოდა, სენაკში იყვნენ, თუმცა ხმამაღლა არ კითხულობდნენ. დროგამოშვებით მხოლოდ სევერიანეს ხმა მოისმოდა.

სასენაკოს რომ მიუახლოვდა, ბავშვების ჩოჩქოლი გაიგონა.

— ჩუმად, ჩუმად წერეთ, უკან ნუ იხედებით... შენ ხომ მელანი: თავის დღეში არა გაქვს, — ამბობდა სევერიანე.

ფარნა ფრთხილად მივიდა და კარებში შეიჭყიტა.

— თხები დააბინავე? ეს კარგად გიქნია. კაი დროსაც მოხვედი. ბავშვებმა წერას თავი დაანებეს და ფარნას ყურება დაუწყეს... ტასიამ გუშინდელსავით ალერსიანად გაუღიმა.

— თქვენ თქვენი საქმე გააგრძელეთ! — გადასძახა ბავშვებს სევერიანემ. — შენ, ვასილ, გინდა გარეთ გაავადლო?

ბავშვები მიჩუმდნენ. მათი კალმების ნელი წრიბინილა მოისმოდა.

— ნაჯახი ახლა შეინახე, — ლმობიერად უთხრა სევერიანემ ფარნას.

ბავშვებმა სიცილი და ჩოჩქოლი ასტეხეს. ფარნა კი გაწითლდა; ხელი უკან წაივლო, ნაჯახი ამოიტანა და გარეთ, კარებთან მიაყუდა.

— თითქო არ გინახავთ არც ბიჭი, არც ნაჯახი, თქვე მხეცებო, თქვენა! — მწყურალად გადასძახა მასწავლებელმა და ერთს, ყველაზე უფრო ცეტს, რომელიც ფარნას ხელს უპოტინებდა, ვითომდა აქეთ მომეცი ნაჯახიო, და დამცინავი სახით ილრიჭებოდა, სევერიანემ ყურზე ხელი მოკიდა და ზევით ასწია. ბავშვი უცბად გაიბუტა, მერე მოიღუშა და კბილების ღრეჭით ტუჩები საძაგლად ააცმაცუნა. სევერიანემ ყურს ორ-სამჯერ მაგრა გასწი-გამოსწია და ერთი-ტყლაშუნა რღაც დაურთო. ერთ წამს სკოლაში სამარისებური სიჩუმე ჩამოვარდა.

— დღეს რომ გითხარი, გახსოვს რამე? — დაეკითხა სევერიანე ფარნას, რომელსაც ქალაღი უკვე გაეშალა.

— ზენ... ინ, — ჩუმად თქვა ფარნამ.

— ნუ გეშინია, თამამად იყავი. „თან“, — თქვა სევერიანემ და თითი თანს დაადო. — კან, ლას, მან, ნარ, ონ, პარ, უან! — რამდენჯერმე გაიმეორა და ფარნასაც გაამეორებინა. ბავშვი გულმოდგინედ ყურს უგდებდა და ათვალეირებდა მისთვის უცნობ ასოებს და, რასაკვირველია, არა ხედავდა მისკენ მიჩერებულ ბავშვებს.

მიუხედავად სევერიანეს წყრომისა, მოსწავლეებმა წერას ისევ თავი დაანებეს და ფარნას შეაჩერდნენ. ზოგი გაკვირვებით შეჰყურებდა, ზოგი დასცინოდა, ზოგს ეხარბებოდა ბავშვის მკაფიოდ სიტყვის გამოთქმა. ტასიას თვალები სიხარულისაგან თითქმის სველი ჰქონდა. როცა რამდენიმეჯერმე ფარნამაც შეუცდომლად გაიმეორა ასოები, სევერიანე ბავშვებს მიუბრუნდა. მათ საჩქაროდ კალმებს და გრიფელებს ხელი მოაველეს და, თითქო აქ არაფერიყო, წერა განაგრძეს.

— მე რა გითხარით! თქვენ თქვენი საქმე განაგრძეთ-მეთქი, არ გაიგონეთ ყურში?

ისევ სიჩუმე ჩამოვარდა. სულგანაბული ბავშვები ისევ სწერდნენ.

კიდევ რამდენიმეჯერმე გაიმეორა ფარნამ ასოები, აიღო ნაჯახი და თხებისკენ გაეჩქარა.

მეორე დღეს კიდევ მიუმატა ასოები და მეოთხე დღეს ყველა ასო ზეპირად იცოდა.

ბავშვებმა გაკვირვებულად პირი დაადეს, როცა მეხუთე დღეს ფარნამ ყველა ასო მკაფიოდ ჩამოუთვალა. ზოგი მათგანი ამ ასოებს თვეზე მეტ ხანს სწავლობდა და ჯერ უნ, ფარ, ჰან-ზე იღგა.

ცალ-ცალკე უჩვენა სევერიანემ ანბანი, ფარნამ ყველა გამოიცნო. სევერიანესაც, ცოტა არ იყოს, გაუკვირდა.

— ახლა, ჩემო ფარნა, უნდა დაისწავლო, რას იტყვის ეს ასოები. ან იტყვის — ა-ს, ბან — ბ-ს, ღონ — ღ-ს. ა,ბ,გ,დ, — დაუწყოს სევერიანემ, დანარჩენი კი ფარნამ თვითონ გააგრძელა.

— მე ამათი წერაც ვიცი, — წარმოთქვა გათამამებულმა ბავშვმა.

— აბა, აბა! — აღტაცებით წამოიძახა სევერიანემ და ხელში ცარცის ნაჭერი მისცა.

ფარნა მიუდგა ერთ გამქვარტლულ ფიცარს, რომელიც საკლასო დაფის მაგივრობასა სწევდა, და „ა“ გამოიყვანა.

— ახლა „ბ!“ — დაუძახა სევერიანემ.

ფარნამ ჯერ რგოლი გამოიყვანა.

— ისე არა, — გაუსწორა სევერიანემ. — აი, ასე! ზემოდან უნდა დაიწყო. ქვემოდან ზევით უნდა გაატარო ხაზი, მერე განზე, მერე ძირს, და მერე უნდა რგოლი.

ფარნამაც ასე გამოიყვანა. მიყვა მერე და რამდენიმე წუთში ყველა ასო დასწერა. რასაკვირველია, ზოგიერთს მრუდედ წერდა, მაგრამ, საზოგადოდ, კარგად ამგვანებდა.

— ეს ვინ გასწავლა? — გაკვირვებით ჰკითხა სევერიანემ.

ბავშვები კი შურიანად თავს აქნევდნენ და წწ, წწ-ს იძახდნენ კვირობდნენ. ტასიას სიხარულს საზღვარი არ ჰქონდა.

ფარნამ ნაჭერ-ნაჭერ სიტყვებით გააგებინა, თუ როგორ ისწავლა ანბანის წერა. წიფელის ტოტის და წქნელის ამბავიც უთხრა.

— შენ ნიჭიერი ბავშვი ყოფილხარ. ამ ზაფხულს რომ გეცალოს, ქართულს კი არა, რუსულ წერა-კითხვასაც კარგად დაისწავლიდი... ზვალ მე შენ ქაღალდს და ფანქარს მოგიტან.

— მე მივცემ აი, აგერ! — წამოიძახა ტასიამ და მთელი ფურცელი თეთრი ქაღალდი მიაწოდა.

გახარებული ფარნა შუადღეს სიმღერით და კიჟინით თავის ეზოში შედიოდა. თხები აგვარაში შელალა და სირბილით და ხტუნვით სახლში შეიბრინა. უბეში კი სიამოვნებით ხელს იღებდა და ფრთხილად მალ-მალე სინჯავდა. იქ მისი ძვირფასი განძი იყო დამალული.

* * *

ერთ დღეს სევერიანე რალაც კაი გუნებაზე არ იყო. ბავშვები აღრე დაითხოვა და შინ წამოვიდა. მამა ევთიმეც შინ ბრძანდებოდა, აღსარების მთქმელთა სიას ადგენდა.

— შვილო სევერიანე, — ტკბილად მიუბრუნდა ევთიმე. საბოციქულო გამოარჩია კვირისათვის. — უნდა გიყვარდეს, შვილო, საღმრთო წერილის კითხვა, ღმერთი მოწყალეა ეგების როგორმე სემინარიაში გაგგზავნო. ღარიბი ვარ, შვილო, მაგრამ პერანგს გავეხდი და შენ მაინც გაგგზავნი. საკმარისია, რაც მე პრიჩედნიკობაში მღვდლებისაგან გამომიცდია, რომ შენც იმ ჯოჯოხეთში არ ჩაგაგდო. თავიც რომ დავიწინდო, მაინც გაგგზავნი სემინარიაში. ჩემ ღროს

სად იყო, შვილო, კლასები და წიგნები. ღმერთმა აცხონოს ლუკა ბერი. იმან რომ ორი ანაბანა მასწავლა, იმით დღეს ლუკმასა ვჭამთ. ხუთი ვერსიდან ფიჩხებს ვეზიდებოდი ჩემთვისაც და ლუკა ბერისათვისაც.

— შეშაც არ იყო? — გაიოცა სევერიანემ.

— სად იყო, შვილო, მონასტრის გარშემო სალი კლდეების მეტი არაფერი მოიძებნებოდა, ტყუილად არ ერქვა უდაბნო... სად იყო ან სანთელი, ან საპონი... აბა, შვილო, აიღე წიგნი. კვირიაკე მეხუთე, ხმა, მერვე გამოარჩიე და ჩაათვალიერე.

სევერიანემ მოწითალო ტყავგადაკრული წიგნი აიღო, ბოლოდან რამდენიმე ფურცელი გადმოშალა და ჩუმადაც ჩაილაპარაკა: „კვირიაკესა მეხუთესა, მეხუთესა... მესამე... მეოთხე... მეხუთეც. კვირიაკესა მეხუთესა, სამოციქულო რომაელთა დასაწყისი: რე ინ და ბან. „რე ინ და ბან“, — გაიმეორა მან და წიგნს შეუაგულ შლა დაუწყყო. — აი, „რე ინ და ბან“. კვირიაკესა მეხუთესა... „ძჰანო... რომელი იგი“.

— გამარჯობა, ბატონებო, თქვენი! — შემოიძახა ოთახში ვილაცამ. სევერიანემ უცბად მიახედა. ევთიმემაც ახედა.

მათ წინ იდგა მათივე მრევლთაგანი გლეხი კოჩა ბარია. მაწვინთ სავსე აფშარა* ხელში ეჭირა და ფეხებშებორკილი ქათამი ილღიაში ეკავა. ოთახში თავის შემოყოფისთანავე ქათამმა საშინელი კრიახი ასტეხა.

— მობრძანდი, მობრძანდი, ბაბა კოჩა, — მიემხიარულა მღვდელი. — რად გაისარჯე, ეს ქათამი რა საჭირო იყო.

— რა თქვენი საკადრისია, ბატონო, მარა, ხომ იცით, ღარიბი კაცის საქმე. ერთი-ორი ანაბანა დაისწავლოს, რამდენად მილირს, — მიუგო კოჩამ და მაწონი და ქათამი გადასცა მათ ხმაურზე შემოსულ სევერიანეს უფროს ძმას. დიმიტრის, და თვითონ შენდობის ასაღებად მღვდელთან მივიდა.

— დაბრძანდი, ბაბა კოჩა, დაბრძანდი, — მოეპატოეა მამა ევთიმე.

კოჩა ტახტზე ჩამოჯდა. ის იყო შუახნისა, შავწვერა და დიდციხვირა. თავი წითელი ყაბალახით ჰქონდა წაკრული.

— აა... ბატონო სევერიანე, — კრძალვით შეეკითხა კოჩა, — ის ჩემი ბაღანა ვითომ სწავლობს რასმე? ვაი, იმის მეტი... აა... ვითომ?

— კი, გვარიან კარგად სწავლობს, მხოლოდ დროა, რომ წიგნი ჰქონდეს, წიგნი არა აქვს.

* აფშარა — ხის კურკელი ხუფით.

— დედა, ღმერთო, მომკალი, — გააწყვეტინა კოჩამ, — იქით კვირას შენ შემოგეთვალა, მაგრამ მოგესხენებათ, რა გამწარებული დროა, ღმერთჰაც დალოცა მისი სახელი. ქვეყანაც რომ მოიძულა... ლამის სიმილი გახმეს. სამარგლავი მქონდა და ვერ მოვიცალე, ან წიგნის ყიდვისა მე რა ვიცი, მე შენ გეტყვი, მამაჩემიც იმის კითხვამ დაახრჩო. როსთაია მიდიოდა ზემოთ და ფეხმოსატეხ დედაკაცებს იმისთვის ერთი აბაზი გაეტანებიათ, აბზუკაა თუ რა ჯანაბაა, იმის საყიდლად; იმასაც ვერაფერი მოეტანა.

— რაც ჩქარა უყიდილ წიგნს, მით უკეთესია. თუ გინდათ, ხვალ მე წავალ და მოვიტან. ხომ შეიძლება, მამა? — დაეკითხა სევერიანე ევთიმეს.

— რათ არა, შეჯექი ჯორზე და წადი.

— მე მოვიტან წიგნს, ბაბა კოჩა, მაგრამ ერთი აბაზი არ ეყოფა, კაი წიგნი უნდა მოვიტანო. ბევრ ხანს ეყოფა საკითხავად.

— მამ რამდენი მოუნდება, ბატონო?

— ცხრა შაური უნდა წიგნს, დაფაც უნდა სამშაღრიანი.

— მაინც დავლუბულვარ, ძმაო, და...

— აბა, არ იცი, ჩემო კოჩა, სწავლას რა ხარჯი უნდა! — აღტაცებით მიუგო მამა ევთიმემ. — შენ ცხრა შაურს სწუხარ, და მე რამდენი ცხრა მანეთი მიზის უს ბიჭი, ვინ ჩამოთვლის, და ჯერ კიდევ სადაა... ერთი ბედი, რომ სენაკშია სასწავლებელი, თორემ შენი მტერი, როცა აქედან მარტვილში დავდიოდით... რა გზები, რა მდინარეები იყო გასავლელი.

— შენ, პაპა, რას ამბობ, შენ მიყოლებ მეცა, სად შენ და სად მე, — ხმამაღლა გაეხუმრა გოჩა, — პაპა, მკვდარი შენია და ცოცხალი. სინდოას სულისათვის აფანი მოზვერი რომ მოგცეს, იმის ფასი ჩემ ოჯახში ხუთ წელიწადს არ შემოვა.

— სუ, სუ, ნუ ტირი ყოველთვის. მაგიერი, ჩემო კოჩა, გასავალიც ბევრი ჰაქვს...

— შენს მტერს ღმერთი გაუწყრა, ბატონო ევთიმე! ორი წლის ფოსტა ჯერ ამ კისერზე მაძევს, — კოჩამ დასამტკიცებლად ხელი კისერზე დაიჯახუნა, — თუკი ნიჭი აქვს, ბატონო, თათრის ვალი დავიდვა, მაინც ვეცდები.

— გვარიანი ნიჭი აქვს, არა უშავს რა, ჰაგრამ სასწაულია! — წამოიძახა სევერიანემ. — მე ჯერ ისეთი ნიჭის კაცი არ მინახავს, როგორც ნიკოია თოხიტარის ბავშვი ყოფილა.

— რომელი, ბატონო? — ჰკითხა კოჩამ.

— სულ პატარა.

— ალბათ ფარნა იქნება, როგორ არ ვიცი, ის ხომ თხებს მწყემსავს! — გაიოცა კოჩამ.

— ის, ის, ჰო, თხებს მწყემსავს, მარა ერთ-ორ საათში იმდენი დაისწავლა, რამდენსაც სხვა ორ კვირას ვერ დაისწავლის.

— ჰო, ჰო, ეს კი გამიხარდა, — მზიარულად თქვა კოჩამ, თუმცა ხმაში სიყალბე შეეტყობო და სახეზედაც შურიანმა ელფერმა გადაჰკრა.

— ნიკიერია ძლიერ, ა? — იკითხა მამა ევთიმემ.

— უჰ! მე შენ გეტყვი: მაგას რომ პატრონი ჰყავდეს, ერთი რამე გამოვა.

— ეს კი ნიკოიას დაუმაღლე, რომ მიჯბარებია, — მოუწონა ევთიმემ.

— მიაბარა კი არა, — სიცილით მიუგო სევერიანემ, — ნიკოიამ მგონი ჯერ არც კი იცის. თხებს ერეკებოდა ერთხელ სასენაკოს ახლო და შემოიხედა. მე რალაც სახით მომეწონა, ანბანი დავუწერე, და აგერ, რამდენიმე დღეა და ყველა ანბანს იცნობს და თითქმის წერს.



სალამოზე ნიკოია თოხიტარიას ჯალაბობა ჩვეულებრივ მოგროვილიყო ფაცხაში. ფარნა არ იყო, მეზობელთან გაეგზავნათ მარილის სასესხებლად.

რამდენიმე წუთის შემდეგ ფარნაც შემოვიდა.

— ა, დადი, რუსუნდამ მეტი მარილი არა მაქვსო.

— არ შეგეშინდა, დადი? — ალერსიანად შეეკითხა მოხუცი.

— გამოვიქეცი.

— ბაბა! — ლმობიერად დაუძახა ნიკოიამ. — აბა, ბაბა, მაჩვენე, წიგნს როგორ კითხულობ.

ყველანი გაოცდნენ. ეს საიდუმლო ნიკოიას გარდა ჯერ არავინ იცოდა. ფარნა კი, თან კმაყოფილი და თან დარცხვენილი, ძირს იყურებოდა.

— გამაჩემა, გამაჩემა დღეს კოჩა ბარია, — დინჯად მიუბრუნდა ნიკოია თავის ჯალაბობას. — სევერიანეს უთქვამს: ერთ თვეს რომ მოაღლეინებდნენ, წერასაც და კითხვასაც დაისწავლისო. აბა, შენი ქირიმე, მიჩვენე შენი ქალაღი.

ფარნამ გაუბედავად უბეში ხელი ჩაიყო და ანბანი ამოიღო. ქალაღი ქუქკი-ოფლისგან სულ გათუთხულიყო, ზოგი ასოები ძლივსდა ჩანდა, ზოგან კიდევ გახეულიყო.

ფარნამ ქალაღდი გაშალა და მტკიცედ ჩაიანგარიშა ყველა ასო. ნიკოიას პირთან ახლო, მარჯვენა ხელში, ყალიონი ეჭირა, სიხარულთ სავესე თვალებით შვილს შეჰყურებდა და მისი ყოველი სიტყვის გამრთქმანზე სახეზე სიხარულის ღიმი უქროდა

ღანარჩენებიც ყველანი თვალგაბრწყინებული შეჰყურებდნენ. გაიანეს ცალ ხელში საცერი ეჭირა, მეორე ხელი წელზე ეღო და ღიმილით შეჰყურებდა.

იმავე ღამეს შინაღრ ჩჩევაში გადაწყვიტეს, რომ ფარნა ამ ზაფხულს სევერიანესთვის მიებარებინათ, თუმცა ეს ათანასეს ბევრად არ ექაშნიკა. წიგნის სწავლების წინააღმდეგი მას არაფერი ჰქონდა, მხოლოდ თხების მწყეჰსევაზე უარი თქვა.

— როგორ არა, ხვალ ღილით, ღაიქადეთ, ჩიჯა, ჰო, როგორ არა, მე ისევ თავის ღღეში თხებს არ გავყვები. როგორც გინღათ, ისე ჰქენით, — ჩიუტობდა ათანასე.

— ერთს გეტყვი, ბაბა, — თქვა პეტრემ. — სამარგლავი თითქმის გათავებულღია. მეორეჯერ ჩვენ, მე და ათანასეც მოვერევეით. გარდა ამისა, ბავშვი ღილ-ღილით ივლის იქ, თორემ საღამოობით თავისუფალი იქნება. ნასაღიღევს კი შეიძლებს თხების გარეკვას და ღილით კი შენ გაყევი, ბაბა, ამ ერთ თვეს, — ეს რჩევა ხმაშეუბრუნებლად მიიღო ნიკოიამ.

მეორე ღიღას ნიკოიამ აიღო სამი ახალი სულუგუნი, ერთი ჰათამიცი ღაიქირა, ფარნა თან წაიყვანა და მამა ევთიმეს სახლისკენ გასწია.

სამწუხაროდ, სევერიანე შინ არ ღაბრუნდა, როგორც გუშინ ამბობდა, — ზუგდიღში წასულიყო.

ევთიმეს ძღიერ გაუხარდა ნიკოიას გადაწყვეტილება ფარნას თაობაზე და თავის მხრივაც, კერძოდ, ღახმარება აღუთქვა.

მეორე ღილით ფარნა მიიჩქაროდა სასენაკოსაკენ. თავისთანა ბედნიერად ქვეყანაზე არავინ მიაჩნდა.

ღელის გაღმა იმავე სოფლის გლეხი ფუცორა მუკორთელია შეხვდა. ფუცორა ძღიერ ღაღონებული მიღიღდა. ფარნამ გაბრწყინებული თვალებით შეხვდა და გაუღიმა.

— როგორ ყვეღის ვაქარივით იღრიკებიღ — გულმოსულად შეუტღა ფუცორამ.

ფარნას გაუკვირდა. მას ყვეღანი მასავით მხიარული ეგონა. საღამოზე, როცა სევერიანე ჩამოვიღა, ძღიერ გაეხარდა ნიკოიას გადაწყვეტილება.

— შეიღო, მე გთხოვ ჩემ მხრივ, იმ ნიკოიას შეიღო...

— რა შენი თხოვნა მინდა, მამა,—სიცილით მიუგო სევერიანემ:

— სხვა, შვილო? — ჰკითხა ევთიმემ. — რა ამბავია ზუგდიდში, ვინ ნახე, ბლალოჩინი ხომ არ გინახავს?

— ვნახე, როგორ არა, აღსარების მთქმელთა სია უსათუოდ თავის ღროზე წარმომიდგინეო, შემოგათვალა.

— ვწერ, ეს არის რალა, შავად მე დაეწერ, თეთრად შენ უნდა მიშველო, შვილო. დიაკვანი მე არ მყავს, რომ გადამიწეროს. ის კი არა, საწყალი მიქელია ხელს ძლივს აწერს, ჟამნი იცის, წერისა რა მოგახსენო.

— დაეწერ, დაეწერ, მამა, ნუ გეშინია, — მიუგო სევერიანემ, — ერთი ახალი ამბავი კიდევ მოვიტანე.

— რა? — ცნობისმოყვარეობით ჰკითხა ევთიმემ.

— სამეგრელოს იმერეთის ეპარქიას აშორებენო.

— ვინ გითხრა?! — გაიოცა ევთიმემ.

— ბლალოჩინი და ვილაც ორი მღვდელი ლაპარაკობდნენ. ჯერ სულ გადაწყვეტილი არ არისო, მაგრამ რომ ჩქარა გადაწყდება, ეს უშეკველიაო, სამეგრელოს და გურიას ერთად შეაერთებენო და კათედრას ფოთში გადაიტანენო.

— აიტ, პაჩი! — წამოიძახა მამა ევთიმემ, — აი, გაბრიელო, შენაწილო კაცო, თუ მართალია, შენს მოშორებას მოგკვდე არ მიჩვენია? შვილო, შენ პატარა ხარ და გახსოვდეს, თუ გაბრიელს ჩამოერთვა ჩვენი ქვეყანა, მაშინ დაილუპება სამღვდელოებაც და ეკლესიის საქმეც. ეხ, შვილო, მე ვიცი, აქ რაშია საქმე, სად ქუხს და სად ელავს. მაგრამ ისეთი იელვებს და ისეთი მეხიც მოყვება, რომ მისგან რამდენიმე წელში დანგრეულის აშენებას ასი წელიწადი მოუნდება.

— ბლალოჩინი კი სიხარულით ცერზე იდგა, ჩვენ კაცს ნიშნავენო, მისთვის რაც პატივი მიცია, თუ ახლა არ გამიხსენა, არ ვიცი რას ვიზამო.

— ბლალოჩინს რა უჭირს, შვილო, ბედნიერ ვარსკვლავზეა დაბადებული. შენ რა იცი ჩვენი ქვეყნის ხრიკები, მე კი აქ დავბერდი, გამოცდილი ვარ. ჩვენი კაცი, შვილო, საქმეს აფუჭებს, თორემ სხვა... ჩვენში იციან გადაჭარბებული მოყვრობა, გადაჭარბებული ნათელ-მირონობა, ქრთამი, ამნაირი და იმნაირი, და თუ გაბრიელივით სწავლა, სულის სიმაღლე, ხასიათის სიმტკიცე, შრომისმოყვარეობა, სიწმინდე და უანგარობა ერთად არ არის ვისმესთან შეერთებული, სხვა კაცი ჩვენს ქვეყანაში ვერ ივარგებს. ვარგებით

კი ივარგებს, შეიძლება თვითონ მშვენივრადაც იცხოვროს, მაგრამ წაყოფს ვერ გამოიღებს. საერთოდ უმრავლესობას სარგებლობას ვერ მოუტანს და თითო-ოროლამ, მაგალითად, როგორც ჩემი თანამწირველი მამა სთეფანეა, მთაგალმელი, მაგისტანებმა ადვილად შეიძლება კამილაკაც დაიხურონ და გულ-მკერდი ჯვრებითაც დაიმშვენონ. ესეც ცოტაა, სიძეებსაც და მეგობრებსაც ანაფორას ჩააცვამენ, ისე გამეზარდე შენ, ნუ გეშინია, ამით მიწყევლებიხარ. ჩვენ ქვეყანას სწავლით და ჭკუით აღჭურვილი და რკინის ხასიათის კაცი უნდა. ჩვენი ხალხი ნიჭიერია, მაგრამ საუბედუროდ, ორპირა, შფოთის, აყალმაყალის მოყვარულია; მისი სასიკეთო გზაზე დაყენება მხოლოდ ზეგარდმო მადლით ცხებულს შეუძლია, მე ეს ასე მითქვამს. კაცი მოკვდება, შვილო, და ნათქვამი არ მოკვდება.

* * *

შაბათ დილას, როცა ფარნა თოხიტარისას სასენაკოში შევიდა. ბავშვებმა ერთი კიყინა ასტეხეს. ზოგი პატიყობდა: ჩემთან დაჯექიო. ეუბნებოდა და ადგილს სთავაზობდა, ზოგი ემასხრებოდა: თხები რა უყავი, საისლეში ხომ არ შეგეპარაო. ზოგი ოხუნჯობდა: დადიმ კვერი გამოგიცხო თუ არაო. ფარნას თან გული მოსდიოდა და თან არ იცოდა, რა ექნა, საით წასულიყო.

— აქ შოდი, ფარნა, აქ შოდი! — დაუძახა ტასიამ. — აქ დაჯექი. თქვენ რას ეცინით მაგას. ბევრიც ეცადოთ, თქვენზე უკეთ მაინც დაისწავლის, — მიუბრუნდა ტასია ბავშვებს. — ნუ გეშინია, ფარნა, მათ ყური არ უგდო.

— შენ ვითომ რა არის, რომ გამოექომადე, — უთხრა ტასიას კოწია ახალაიამ, — მოგწონს ფარნა? ქმრად ხომ არ გინდა, აზნაურის ქალი ქე ხარ, მარა.

— აჰა, ჰა! — გაიცინეს ისევ ბავშვებმა.

— როგორ, როგორ? — ტირილით მიუგო ტასიამ. — მოვიდეს სევერიანე, და... გა... ყურე... ბი... ნებ შენ... სეირს, შე მუტრუკის შვილო... ა... ა... ფფტ... ფფტ... — ქვითინებდა ტასია.

— რა ხმალრია! — შემოიძახა სევერიანემ და სასენაკოში შემოვიდა. ხელში რალაც ქალაღებში გახვეული ეჭირა. — შენ რა გატირებს? — მიუბრუნდა ტასიას.

ტასიამ ქვითინით აუხსნა, რაშიც იყო საქმე.

სევერიანემ კოწიასკენ მრისხანედ მიიხედა. ის კი ნაცარივით ჯაფითრებული იდგა.

— აქ გამობრძანდი — დაუყვირა მასწავლებელმა კოწია ადგილიდან არ იძროდა.

— აქ მოდი-მეთქი!

— მე... — რალაც წაიღუდუნა კოწიამ.

— ჩქარა-მეთქი!

კოწია ნელ-ნელა, კანკალით გამოვიდა. სევერიანემ ერთ ლაზათიანი სილა გააწნა და კუთხეში დააჩოქა.

ბავშვები მიჩუმდნენ.

სევერიანემ შეხვეული ქალალი გახსნა და წიგნები, დაფები და ქალაღები ამოალაგა.

— სისო ჭურაძე! — დაიძახა მასწავლებელმა.

ბავშვი წამოდგა.

— აი, შენ მოგიტანე ანბანი. შეხედე, რა ლამაზი წიგნია, არ დახიო.

— ესტატე ბარია!

შავვკრემანი, დიდთავა ბავშვი წამოდგა.

— შენ ასპიდის დაფაც მოგიტანე და ანბანიც, გრიფელის ფული არ ეყო, ჩემით ვიყიდე, ეს შენთვის მიფეშაშებია. იცოდე, კარგად ისწავლე.

— ფარნა თოხიტარია!

ფარნა გაოცებულნი წამოდგა. მას არაფერი დაუბარებია სევერიანესთვის.

— მე ძლიერ მოხარული ვარ, რომ შენ აქა გხედავ. წიგნი გიყიდე და მოგიტანე. ეს წიგნი შენთვის მიჩუქებია. ეცადე, არ გააფუტო. შეხედე, რა ლამაზია.— ამ სიტყვებით სევერიანემ წითელ ყდაში ჩასმული წიგნი გადასცა.

ფარნას სიხარულისაგან კინადამ თავბრუ დაესხა. როცა გამოერკვა, წიგნს დააკეჭრდა. წიგნის შუაგულ ბულბული იყო დახატული და მის ზემოთ მსხვილი ასოებით რალაც იყო დაბეჭდილი. ფარნა დააკვირდა ამ ასოებს, გამოიცნო და გულში თითო-თითოდ გამოთქვა: დ... ე... დ... ა... ე... ნ... ა...

XIII

გამოგდებული და დატუსაღებული

სექტემბრის დამლევი იყო. გრძელ-გრძელი ტაროებით დატვირთული სიმინდის ღერო სიმძიმისაგან წაქცევას ლამობდა. ზოგან კიდევაც წაქცეულიყო. ყურძენი დამწიფებული იყო, ღომი

თავთავ დაყვითლებული, ყოველი ხის ფოთოლი. და მცენარის მარცვალი — მწიფე და ზრდაგათავებული.

თუ რასმე სასარგებლო მარცვალი მოეძეოდა, ადამიანი მიწაზე დავარდნას აღარ დააცდიდა, ისე გზავნიდა ბელელ-სასიმიინდისკენ.

ბასილ მძებრადე კმაყოფილი და მხიარული გადმომჯდარიყო თავისი სახლის აივანზე და სიამოვნებით თვალს ავლებდა მის წინ გაშლილ, მაღალ სიმიინდით დაბურულ ქალას. ქალას კი არა, ამ დროებით ეს ვაკე ერთ ხშირ, ბნელ ტყეს წარმოადგენდა.

— ხარდანაძის ქალო! — მხიარულად დაუძახა ბასილმა მარიკას, — თუ ღმერთმა ინება, კაი მოსავალი მოგვივა წრეულსა. აბა, შეხედე... რა სიმიინდებია.

— ღვთისმშობლის იმედით, — მიუგო მარიკამ და ქმრის ახლოს, სავარძელზე მოიკალათა.

— მერაბის სულს ვფიცავ! ასეთი კაი ჭირნახული ეს ოცი წელიწადია აღარ მახსოვს. გაკეთდნენ, გაკეთდნენ ყაზახები.

— რათ არ გაკეთდებიან! ჩვენ დავიღუპეთ, თორემ იმათ რა უჭირთ. საუდიეროს არ იხდის და საბეგროს. ძაკაიას მამას გატრუსული ღორი შემოჰქონდა ჩვენს ოჯახში, დიდობა შენდა ღმერთო, გუშინ იყო, მგონია, და ახლა თავსაც არ დაგიკრავს. გამარჯობასაც არ გეტყვის.

— აბა, — რიხიანად მიუგო ბასილმა, — სახლი როგორი ააშენეს მაგ ყურუმსაღებმა, წინეთ ბატონს არ ედგა მაგისტანა სახლი. ჰეი გიდი, სადაა ლევან დადიანი, რა ფიცხლად ააფცქვნიდა!

— ცხენ-უნაგირს არ იკითხავ! ხმალ-ხანჯალს?

— ხარდანაძის ქალო! — ხმას დაუდაბლა ბასილმა, — ღვთის წინაშე რომ ვთქვათ, არა, თუ გიყვარდე, სინიდიისს ქვეშ ვილაპარაკოთ, ლატარიაში ხომ არ ამოუგიათ ძაკაიას და მის ძმებს სახლი და ცხენ-იარაღი. რომ თქვას კაცმა, ძლიერ შრომობენ. აგერ, ზოგს თავისას და ზოგს სხვისას ოც ქცევამდე მიწას ამუშავებენ, ხარებს ზრდიან, ურემ-კამეჩები ჰყავთ გაწყობილი; ქალებს არ იკითხავ, რამდენ აბრეშუმს იწვევენ, ჩოხას ქსოვენ! ერთ წუთს უქმად არ სხედან და რასაკვირველია, ფულს მოიგებენ.

— ბატონო, ერთ წამს მობრძანდი აქ! — მორიდებით დაუძახა მოსამსახურე გოგომ, ირინემ, მარიკას.

— რა არის, ძღაბო.

— ცოტა ხანს მობრძანდი.

მარიკა წამოდგა და ოთახში შევიდა. ფოსტლები ეცვა და

ფეხის ყოველ გადადგმაზე ფოსტლების ტყაცუნთან ერთად მისი მსუქანი ტანის სიმძიმისა გამო სახლის ფიცრული იატაკიც ოდნავ ქანაობდა და ქახუნიც გაჰქონდა. რამდენიმე ხნის შემდეგ მარიკა იმავე ნელი ნაბიჯით უკანვე დაბრუნდა და ბასილს ჩუმაღ ჰკითხა.

— ძუკუს მამა, როგორ ვქნა, ზესიხანმა ისევ გამოგზავნა გოგო!

— რა ამბავია?

— ერთი მარცვალი სიმინდი არ მოგვეძევაო და თუ შემშლით არ დაგვხოცავთ, თქვენ იცითო.

— ახლა მოდი და... — ცოტა ხმამალა დაიწყო ბასილმა.

— სუ, შე კაცო, გოგო აგერ დგას, — გააწყვეტინა მარიკამ.

— დგას კი არა, გადამასახლებს, აი...

— სუ-მეთქი, სირცხვილია.

— მე სასირცხვილო არაფერი მაქვს. სამ ყილოსავით ვაუკაცს, აზნაურიშვილებს, წლის სარჩო სიმინდი არ მოუვიდოდეს, ამაზე მეტი სირცხვილი რა უნდა იყოს!

— რა ქნან, აბა, ძუკუს მამა, თუ მამული არა აქვთ. სხვის მიწას ყაზახებივით ხომ არ დაამუშავებენ.

— რას მეუბნები, ხარდანაძის ქალო, დღეს მე შენ გულს მომაყვანიებ. ჩემზე ნაკლები მამული ჰქონდა როსტომ მძებრაძეს? კუტაქალა ირაკლის საკუთრება არ იყო? ნახევარ ჰყონონად ღირდა, სტამბოლის ნატეხია, რაღა... აი, ეს, შენ ძაკაიას დაუგირავა! დგას ი კაცი და ყოველ წელს დაკეცილ თუმნიანებს ჯიბეში ილაგებს.

— თუ გაუჭირდა, დაუგირავებდა, მა რა ექნა?

— თუ გაუჭირდა, ხელი გაანძრიოს, თითონაც იმუშაოს, არა უშავს რა. პრინცი თავის ხელით ბოსტანს ბარავს, მძებრაძეზე ნაკლები კაცია?! აზნაური მჟაღსა არა სჭამსო, და...

— ახლა შენც, გადაყვები, ძუკუს მამა. თქმა ადვილია, მაგრამ, ღმერთმა არ გაგიჭიროს, თორე შენ რომ იმუშავებ და იმით დაგვარჩენ, ბევრი არ იქნება... მითხარი, როგორა ვქნა, სირცხვილია. აგერ ვილაც კიდევ მოდის.

— მე რას მკითხავ, როგორც გინდა, ისე ქენი, — გულმორბილებულად მიუგო ბასილმა, — მიეცი, რაღა.

მართლაც ვილაც შემოდრიოდა ჰიშკარში, ხელში დიდი ჯოხი ეჭირა. შორიდან ბასილმა ვერ იცნო, მაგრამ ახლოს რომ მოვიდა, იცნო. ეს ადგილობრივი მამასახლისის „პორპოშიკი“ იყო. გულზე თითბრის მრგვალი ნიშანი ეკიდა, მოკლე ძეწკვზე. ხელში კი რაღაც შუაში ბეჭედდასმული კონვერტი ეჭირა.

— მშვიდობა, ბატონო, თქვენი, — მორიდებრით წარმოთქვა

ახალმოსულმა, როცა აივანს მიუახლოვდა. თავზე შემოხვეულ ბაშლაყს ოდნავ ასწია და ბასილს თავი დაუჯრა.

— გამარჯობა, — მიუგო ბასილმა მჯდომარედ, — აქ მოდი, ტაგუია, რა გნებავს?

— იქით არა მცალია, ბატონო! ეს ქალაღი თქვენ გამოგიგზავნეს.

— საიდან?

— მწერალმა მომცა, ზუგდიდიდან უნდა იყოს.

— ნეტავ რა ამბავია? — შეშინებულად თქვა ბასილმა და ხელი გაუშვირა.

„პორპოშიკმა“ საჩქაროდ გადასცა, ისევ თავი დაუჯრა და გაშორდა. ბასილმა პაკეტს დახედა, მაგრამ ვერაფერი გააჩნია. პაკეტზე რუსულად იყო დაწერილი. აქეთ-იქით რამდენჯერმე გადმოატრიალა, თითებიტაც მოურბილა, თითქოს ქალაღის შინა-არსი ამით უნდა შეიტყოსო. კარგი ვქენი, რომ სიმინდი მივეცი, — გაიფიქრა ბასილმა. — ხომ მეც დამჭირდა ახლა ის კაციო.

ზესიხანი, რომელიც სიმინდს ესესხებოდა, ირაკლი მძებრადის ცოლი იყო, ბართლომეს რძალი. ბართლომემ კი რუსული კითხვა იცოდა.

— ხარდანადის ქალო! — დაიძახა ბასილმა. — ახლავე გოგო გაგზავნე და ბართლომე მომიხმე, რალაც ქალაღი მომივიდა, რუსულადაა დაწერილი.

მარიკამ გოგო გაგზავნა და თვითონ საჩქაროდ ქმართან მიიჭრა. პაკეტი ხელში აიღო, თავისი მსუქანი ხელებით გასინჯა და ისევ ქმარს გადასცა.

რამდენიმე ხნის შემდეგ ბართლომე მართლა მოვიდა.

— აბა, ერთი, გენაცვალე! — მოსვლისთანავე მიიძახა ბასილმა. და ჯერ კიდევ გაუხსნელი პაკეტი გადასცა.

„მის კეთილშობილებას, აზნაურს ბასილ მძებრადეს მიერთვას, ს. ჭყონონას,“ — ეწერა ზედ.

— აბა, აბა, შენი ჭირიმე, შიგ რა წერია, — თითქმის ერთხმად მიუგო ცოლ-ქმარმა.

ბართლომემ ცერის და სალოკის ფრჩხილებით პაკეტის ერთი გვერდი მოხია და ერთი დაკეცილი ქალაღი გამოიღო, — მის კეთილშობილებას აზნაურს ბასილ მძებრადეს! — ისევ დაიძახა ბართლომემ და მერე ნელ-ნელა გააგრძელა. ჯერ ჩუმად რუსულად ამოიკითხავდა და მერე თარგმნიდა.

წერილის შინაარსი შემდეგი იყო:

„პატივი მაქვს უმორჩილესად შეგატყობინოთ, მოწყალე ხელმწიფეო, რომ თქვენი შვილი, გიორგი, მეტად უდიერად იქცევა. ყოველი ჩვენგან მიღებული ზომა მისი ხასიათის გასასწორებლად, ამაოდ რჩება, ამასთანავე, საშინელი ზარმაცია და თითქმის არაფერს სწავლობს. უკანასკნელი მისგან ჩადენილი დანაშაული იმდენად მძიმე და სათაკილოა, რომ ამ ორ დღეში თუ თქვენი ნებით არ ისურვებთ მის გაყვანას, სასწავლებლის სამმართველო იძულებული იქნება პოლიციას მიმართოს და მისი საშუალებით თქვენთან გამოგზავნოს“.

მეხი რომ დასცემოდა მათ სახლს, უარეს შთაბეჭდილებას არ მოახდენდა. ბართლომეც ვითომდა შეწუხდა და უჰ, ღმერთო, მომკალიო, იმეორებდა. გულში კი, თუ ძლიერ არ უხაროდა, არც სწყინდა. იმან თუ რამე დაისწავლა, — ფიქრობდა ბართლომე, — მის ცოტაოდენ ქონებასთანა.. მერე ჩვენ აქ აღარ დაგვედგომილებო. „მოვიდეს, ჩემსავით ხანჯალი დაიკიდოს და სოფელში იარშიყოს. მისი მასწავლებელი ახლა მე ვიქნები. თამბაქო-პაპიროსი ხომ უზღრში მექნება“, — გულს იხარებდა ბართლომე.

— მე ყოველთვის ვამბობდი, მერაბის სული ნუ წამიწყდება, ყოველთვის ვამბობდი: არა შეჯდა მწყერი ხესა, არა იყო გვარი მისი-მეთქი... ჩვენ გვარში კაცმა რამე დაისწავლოს, არ შეიძლება, — მწუხარედ წარმოთქვა ბასილმა რამდენიმე ხნის შემდეგ და მწარედ ამოიოხრა. რამდენიც ამას წინათ კმაყოფილი და მხიარული იყო, ახლა ორი იმდენი დაბეჩავეებული და მოწყენილი სახით იყურებოდა.

— გვარი რა შუაშია, ბიძი, — თავმდაბლა მიუგო ბართლომე, — ეს მე აქედან ვიცი, ის ძუკუს ბრალი არ იქნება, იქ ისეთი ფინთი მასწავლებ...

— შენც რა გალაპარაკებს მაგისტანებს? — გულმოსულად თქვა ბასილმა. — მაშ ვინ ცოლ-შვილ ამოსაგდების ბრალია. განა ძუკუს-მეტი სხვა არავინა სწავლობს იქა? განა ყველანი კარგად სწავლობენ, მაგრამ აგეთი თავის მოქრა ჯერ არავის დამართია. ქვეყანამ უნდა შეიტყოს, საზოგადოებაში ყელი უნდა გამომეჭრას. ან იქით ვიყო, ან აქეთ. ბაბა, შვილო-მეთქი, ვეუბნებოდი, ყველაფერი შენთვის მინდა, ან ვისია ეს ოხრად დასარჩენი! ა, ცხენი, ბაბა; ა, უნაგირი; ა, ტანი-სამოსი, მაგრამ ეს ყველა ამ დედაგაგდებულის შვილის ბრალია, — ბრაზით შეხედა ბასილმა მარიკას.

— ჩემი რათაა? — მკვახედ მიუგო მარიკამ.

— უჰუ, ჰუ, ჰუ! თქვენი რჯული და სალავათი ამოვარდა. თქვენი დუხი კი დაიქცა: ანანანია, ანანანია, ანანაიაო და გათავდა. აი ხან-

ჯალიო, აი ცხენიო, ჩონა-ახალუხიო და აი, აგისრულდა კიდეც, მოგიჯდება გვერდით, უკეთე ფქვილის ღომი და შემწვარი ქათმები. აგერ საბრალო მერაბიკა ფირტეაიას შვილი სუღში მწერალი იქნება და შენი შვილი კი, იმპუ! — ცერის მალლა აშვერით შეუტია ბასილმა.

— არა, ბიძი, მასე ნუ ჯავრობთ, ჯერ ვინ იცის... წადით, მოელაპარაკეთ.

— მე? ახლა? ამ საათში, ან დღეს, ან ხვალ. მე თუ ის ვნახე, ცოცხალი გადამირჩება, გგონია? მეტი არ იცოცხლა ჩემმა მტერმა. მაგას სიკეთე მაშინ შეეტყო, როცა ერთი ბეწო დაი ბიჯურში დააგდო და თვითონ ცხენს აქენებდა. კინაღამ ცეცხლი მომიკიდა, ბავშვი სიკვდილს, მერე როგორ სიკვდილს, ძლივს, შემთხვევით გადარჩა და ის, მადლობის მაგივრად, უდანაშაულო კაცს ეჩხუბებოდა. წაღმართ კაცს პატარაობითვე შეეტყობა, ამაში ნურვინ მომატყუებს. აი, ძმაო, ცხენი და ჯნაგირი. მე, რომ მომკლათ, ფეხს ერთ არშინზე არ გადავდგამ მაგისათვის, — ბასილი ცოტა ხანს დაფიქრდა, — თქვენ არ იცით, — დაიწყო ისევ, — და მე კი იმ სმოტრიტელმა პირადად რამდენჯერმე მითხრა: ძლიერ ეშმაკია და არ ვიცი, რა მოვუხერხო. წადი, გენაცვალე, ბართლომე, წამოიყვანე, მაგრამ აქ კი არ მოიყვანო ჯერ. მისი გამზრდელის სახლში მიიყვანე. იქ იყოს ერთი-ორი კვირა, სანამ გული ცოტად არის მომირბილდება, თორემ თუ ადრე ვნახე, მეც არ ვიცი, რა უბედურება დამემართება, — ისე მტკიცედ და დაბეჯითებით წარმოთქვა ბასილმა, რომ სიტყვის შებრუნება შეუძლებელი იყო.

— ქე მაინც ნამდვილად ვიცოდე, რა ჩაიდინა ისეთი მაგ შეჩვენებულმა, — გულდამწვარად ამბობდა ბასილი. — მაგრამ რა ბევრი მიხვედრა უნდა! ან ვისმე გალახავდა, ან წაეჩხუბებოდა. კიდეც კარგი, თუ ვინმე ამხანაგი და ისიც ყაზახთაგანი გალახა, თორემ შეიძლება მასწავლებელს სცემა კიდეც... ახალი უჩიტელი მემტერებაო, რომ ამბობდა.

— სულ ერთია, რაც უქნიათ, იმის მეტს ხომ არ უზამენ, ხომ არ ჩამოახრჩობენ, — მიუგო ბართლომემ.

— ნეტავი ახლა ჩამოახრჩონ, — ნატერის კილოთი თქვა ბასილმა.

— შენი თავი, — იმავე კილოთი მიუგო მარიკამ.

— ვა-ვა, ვა-ვა! — მოთქმით თქვა ბასილმა და ცოლს ზიზლით გადახედა.

— ვაი შენ და ღვთის რისხვა, ერთ ბალანას იმედით ვართ და იმასაც სიკვდილს უქადის! შენც არა ხარ ნასწავლი, მარა ქვეყანაზე.

ქე დადიხარ. არ ისწავლა, რა ვუყოთ! უსათუოდ დავახრჩოთ? მოუფერე, ჩააცვი, დაახურე, საზოგადოება გააცანი. ჩვენი მამული იმას კი დაარჩენს. ბევრი ნასწავლი სულ არ ვარგა. რაც გინდა უსწავლელი იყოს, გლეხის შვილს მაინც ემჯობინება. გლეხის შვილმა რაც გინდა ისწავლოს, მაინც გლეხია, — ყაზახია... თოხიტარიას მაინც ემჯობინება.

— მე ეს მომპარსე, — უღვაშზე ხელი გადაისვა ბასილმა, — თუ ის გლეხები ჩვენ თავზე არ დაგვაჯდნენ, თუ ჩვენ...

— შენ სულ ის ინატრე, შე საწყალო, — ზიზლით გააწყვეტინა მარიკამ, — შე უბედურო, რალაც გული შეშინებული გქონდა...

ბასილი გულმალალი კაცი იყო და როცა გული მოუვიდოდა, მარიკას სიტყვის შებრუნება არ შეეძლო; მაგრამ ხანდისხან გაერეოდა წუთი, როცა სადავოს მარიკა გაიტანდა, მაშინ წავიდოდა და წავიდოდა მარიკა წინ. ბასილი კი დამორჩილებული რჩებოდა.

— ბატონო, თქვენ კი ნუ ჩხუბობთ. რაც არის, ის არის, ბევრიც რომ იჩხუბოთ, ვერაფერს გაარიგებთ. მე ხვალ წავალ და ჩამოვიყვან! მართლაც რა? ვინც უსწავლელია. თუ ყველა შიმშილით მოკვდა, ქვეყანაზე ნახევარი კაცი ცოცხალი აღარ დარჩება. სწავლა, სწავლა, დამიჯინეთ, სულ ჰკლავს კაცს ი შენი ქეტი სწავლა. სწავლულები ყველა ქლეჭიანები არიან. აი, თუ გინდ ჩვენი მიროვი სულია, იხრჩობა საბრალო, — დაცინვით თქვა ბართლომემ.

— აბა, — ამოიოხრა ბასილმა, აივნიდან ჩამოვიდა და ეზოში გაიარა. რამდენიმე ხნის შემდეგ ბართლომეც ჩამოვიდა და ბასილს გამოემშვიდობა.

— მოიცა, რა გითხრა! — დაუძახა ბასილმა.

ბართლომე შეჩერდა.

— გესმის?

— რა?

— ხვალ დილით ცხენს გამოვგზავნი, ერთს შენთვის და ერთს მაგ კისერმოსატეხისათვის, აბა, შენ იცი. კიდეც, გესმის? შენი ქირიმე, დათა ზართაბელიას გაუარე და ამბავი გადაწყვეტილად მომიტანე, უთხარი მაგ სახლდამწვარებს, მაგ ოჯახდაქცეულებს, რომ ერთი რიგიანი პასუხი შემომითვალონ. დაუსწრებელი განჩინებით მაისში მომისაჯეს თავნი და სარგებელი ხარჯითურთ რვა თუმან-ნახევარი, ლიფსტი გამოვიტანე და სულდენი პრისთავი უნდა მიმეყვანა, მაგრამ დათა შემიჩინა მაგ ეშმაკის კაცმა...

— ვინ, ბიძი? — ჰკითხა ბასილმა, თუმცა იცოდა ვისზეც ლაპარაკობდა.

— შე კაცო, არ იცი? დრიმინტია მანაკვალმა... თუ ღმერთი გწამს, რა მექნა, შემრცხვა, მეც კაცი ვარ, დრიმინტიასავით შუბლგარეცხილი როდი ვარ. მადროვე ერთი-ორი თვეო. ორი კი არა, ოთხი არისო. ერთი ჰკითხე, გენაცვალე! დასტური შემომითვალოს. დათასთვის რა მექნა, თორემ დრიმინტიას ფულს როგორ ვადროვებდი.

ბართლომემ ამოიოხრა და თავის სახლში წავიდა, ბასილი კი ისევ აიჯანზე ავიდა.

* * *

მეორე დღეს, გათენებისას, ბასილმა ორი შეკაზმული ცხენი ბართლომეს გაუგზავნა და მოუთმენლად მოელოდა მის უკან დაბრუნებას, რომ შეეტყო რა დანაშაული ჰქონდა მის შვილს. ნასადილევეს ბასილი სულ მოლოდინად გადაიქცა და წამდღღწუმ ჰიშკრისაკენ იყურებოდა. მზე თითქმის ჩაიწურა, მაგრამ ბართლომე არ ჩანდა.

— ყვეი, პაჩი?! — წამოიძახა ბასილმა. — ი კაცის საქმე არ მიკვირს? წყალში რომ დამხრჩვალყო, წვეთი წვიმა არ მოსულა. ბანქოს თამაშს თუ გადაყვა, მაგრამ იმდენი უჭკუო როგორაა, რა ვიცი, ღმერთივით შევეხვეწე. თუ დაიჭირეს? მაგრამ რათ დაიჭერდნენ... — ბქობდა ბასილი.

დაბნელდა კიდეც. ბართლომე მაინც აღარ გამოჩნდა.

— ბიჭო! — დაუძახა მოჯამაგირეს, რომელიც ეს-ეს იყო წისკვილიდან დაბრუნდა, — წადი, შეიძლება სახლში დაბრუნდა. რა არის, შე კაცო-თქვა! შენი ყურებით თვალეები დამებრიცა-თქვა, მაგრამ, მოიცა, — ბასილს ჰიშკრიდან ცხენის ფეხის ხმა მოესმა, — მგონი მოდის კიდეც, აი, აი მოდის. ცხენი ჩვენი უნდა იყოს. მიდი, მიდი, ბიჭო, მოიყვანე. ბართლომე ხარ?

— მე ვარ, ბატონო, — მოესმა ხმა, მაგრამ ეს ხმა ბართლომესე არ იყო.

— შენ რომელი ხარ?

— ზაქა გახლავარ,

— ბიჭო, ბართლომე სად არის? — მოუთმენლად ჰკითხა ბასილმა.

— მოგახსენებთ, ბატონო, ახლავე გიახლებით.

ზაქამ საჩქაროდ აირბინა კიბე. ცხენები კი უჩანამ წაიყვანა.

— სალამო მშვიდობისა, ბატონო!

— გაგიმარჯოს, ჩემი ცხენები მოიყვანე? ბართლომე სად არის?

— ღიახ, ბატონო, თქვენი ცხენებით გეახელით, ბართლომე ნოზბახთში ჩააჯდინეს.

— რისთვის?! — გაიოცა ბასილმა.

მათ ხმაურზე მარიკაც გამოვიდა.

— მე, ბატონო, დღეს ცოტა საქმე მქონდა და ადრე წავედი ზუგდიდში, ბართლომე კი არ შემხვედრია. მეკონმოკონი * ვივაკრე, შინ დაბრუნებას ვაპირებდი და ბაზარზე რომ მოვდიოდი, ვილაცამ დამიძახა, მივიხედე, ძუკუ იყო. მოდი აქ, ზაქა, მოდიო, ცხენით ხართ თუ ფეხითო.

— ფეხით გახლავარ, ბატონო-მეთქი.

— მაშ მოდი, შეჯექი ამ ცხენზედაო. შევჯექი და წაპოვედით. ეს ცხენი ბართლომეს შესაჯდომი იყო, მაგრამ ის დღეს მელუქნეს წაეჩხუბა და ნოზბახთში ჩასვესო, მითხრა. სხვა არაფერი ვიცი. ძუკუ კი მის გამზრდელთან ჩამოხტა.

ბასილი და მარიკა პირდაღებული იყურებოდნენ.

ზაქაც ცოტა ხანს ჩუმად შესცქეროდა მათ, მერე თავი დაუკრა და წასვლა დააპირა.

— მოიცადე, ზაქა, ვივახშმით, — დაეპატიჟა ბასილი.

— მადლობელი, ბატონო, ცოტა დაწნეხილი ყურძენი მიდევს საწნახელში და მეშინია არ გადამივიდეს, უნდა ვცუყარაულო.

— დიდობა შენთვის, ღმერთო, — პირჯვრის წერით წარმოთქვა ბასილმა, როცა ზაქა წავიდა, — რალაც სიკეთე არ მოელის ჩვენ გვარს.

— ვერ გამიგია, მელუქნეს რათ წაეჩხუბებოდა, ძუკუს მამა? — ჰკითხა მარიკამ.

— მერაბის სულს ვფიცავ, აქედან ვიცი, რაშია საქმე, ნახავ თუ ისე არაა. ალბათ იაგორა მიკიტანთან მოუვიდოდა ჩხუბი. არ გახსოვს, ერთხელ... რა ერთხელ გინდა, ბაიობას რომ თქვა: ცხვირიდან ძმარი უნდა ვადენინო მაგ მამაძალსაო — ნახარჯის თაობაზე. იაგორა, რა შვილია, ერთი კაპიკის გულისთვის სამარეში ჩაყვება კაცს. ალბათ ნახარჯს მოსთხოვდა. ეს გალანძღავდა, ის არ მოუთმენდა და გაიმართებოდა ჩხუბი. ჩხუბში ბართლომე უფრო დახელოვნებულა, და მართლა, როგორც დააქაღნა, ცხვირიდან სისხლს წოადენდა და შენს ბართლომეს დაატყვევებდნენ. — ეს ბოლო სიტყვები გალობის კილოთი დაათავა ბასილმა. — კიდევ კარგი, რომ ამით გათავდებოდეს საქმე, — გააგრძელა მან. — ერთ-ორ დღეში

* ბეკონმოკონი — იგულისხმება საწვრილმანო.

მაგას გამოუშობენ... არ ვარგებულა მაგ გლახა, მაგი, ფუი! თორემ იმის დაჭერა არ შეეძლოთ! პოლიციას რა ნება აქვს, კეთილშობილი კაცი ჩხუბისთვის ნაობახთში ჩასვას, — მრისხანედ წარმოთქვა ბასილმა. — მაგ გლახას უნდა ეთქვა: „აი ჩემი სახელი და გვარი, ხომ არ მომიკლავს, ვცემე, მიბრძანდეს, სულში მიჩივლოს-თქვა!“ პროტოკოლს შეაყენებდნენ და სულს გადასცემდნენ და მერე პასუხისგება იქნებოდა საჭირო. მაგრამ ნწ, — უკმაყოფილოდ თავი გააქნია ბასილმა, — საქმე ისაა, რომ იაგორას კარგად ვიცნობ. ის ამას ასე არ დატოვებს. მოწმეებიც მზად ეყოლება. ორი თეფში ძველი ხარჩო აჭამოს, ათ მოწმეს იშოვნის, მეტი რა ყრია ზუგდიდში. პოლიციას ბართლომეზე უკეთესად უყვარს იაგორა, რადგან ხეირს იმისაგან მოელის. პორტოკოლსაც რიგიანს შეადგენინებდა, მოწმეებიც მზად ეყოლება. ერთ-ორ დღესაც უმადურად გაატარებინებს ნაობახთში. მერე უჩივლებს, და კაია ადვოკატი თუ არ დაიყენა, ერთი თხუთმეტი დღეს მაინც ჩასვამს კიდევ და ირიკავე, აი! მარა რა გახეთქა და რა გაბობა, სულ ერთია, რა თხუთმეტი დღე ჩამჭდარხარ, რა ადვოკატი დაგიჭირავებია! ადვოკატს სამი თუმანი მაინც უნდა, ბართლომესთვის სამი თუმნის გადახდას სამი თვე ნაობახთში ჯდომა სჯობია. მიზეზი ექვსია თუ შვიდი შაური.

ბასილი ნამდვილად მიხვდა. გარემოება მართლაც ასე იყო.

ბართლომე აღრე მივიდა ზუგდიდში. თავდაპირველად ზედამხედველს გამოეცხადა. ზედამხედველმა იგივე უთხრა, რაც ქალაქში ეწერა; დასძინა მხოლოდ, რომ ამ ორ დღეში რომ არ წაგეყვანათ, ბოქაულს გადავცემდიო, ჯერე ამხანაგს მწარედ სცემა და მერე მასწავლებელს შუა ბაზარში ქვა ესროლა და რევოლვერითაც მოკვლას დაექადაო. ბასილს დიდად პატივსა ვცემ, კაი აზნაურიშვილია, მაგრამ რა ვქნა, მისი შვილის გასწორება ჩვენ ვერ შევიძლებითო.

იქიდან გამობრუნდა ბართლომე, ძუკუ მოძებნა, ერთი ნაცნობის დუქანში დასტოვა და თვითონ დათას საძებრად წავიდა. დათა მეფართლე იყო. დუქანში არ დაუხვდა. აქეთ გაიარაო, უთხრეს. გაიარა თვითონაც აქეთ-იქით და ამ ძებნაში უცაბედად იაგორას დუქანს წააწყდა. იაგორა ჯერ მიეგება, მაგრამ გულმა ველარ მოუთმინა და ორი-სამი სიტყვის შემდეგ მცირეოდენი ვალი გაახსენა.

— საქმე ხომ არ შემოგლევია, — ამაყად მიუგო ბართლომემ.

— მე კი არ შემოვლევია საქმე, შენ ხარ, მგონია, საქმეშემოლულს და გაგიჩენ მე შენ საქმეს, — უთხრა მოთმინებიდან გამოსულმა იაგორამ.

— ვის უბედავ მაგას, შე ლორის გაგარდნილო, შენა, — შეუ-
ტია ბართლომემ და ხელი მოუქნია.

იაგორამ ხორცის საკეპი დიდი დანა აიღო.

ბართლომემ ხანჯალი იშიშვლა, იაგორას სიბრტყეზე ხელში
დაჰკრა, დანა გააგდებინა და რამდენიმე ალაგას მსუბუქად დასჭრა.

სისხლი კი ბლომად წამოვიდა. მოგროვდა ხალხი, მოვიდა
პოლიცია, ოქმი შეადგინეს და ბართლომე დაატუსაღეს.

XIV

თეთრი კბილი, შავი გუდი

გავიდა დრო და უამი, ბასილ მძებრაძეს გული მოუღბა და
შვილს შინ მოსვლის ნება მისცა. ძუკუ პირველ ხანს ცოტა მორი-
დებულად იყო, მამის ეშინოდა, მაგრამ ჩქარა ისევ გათამამდა. სულ
გადაავიწყდა შენი სმოტრიტელი და უჩიტელიც, აიღო ხელში
თოფი და ყოველდღე სანადიროდ დადიოდა, ან ცხენს აჭენებდა.

შემოდგომა მიიწურა. სიმიინდი დაარჩიეს და სასიმიინდეში ჩა-
ალაგეს, ღვინოები ქვევრებში ჩაასხეს. ჭირნახულის მუშაობას მორ-
ჩა ადამიანი და ცოტაოდენ სიმხიარულეს მიეცა: გაიმართა ქორწი-
ლები, და მასთან სიკვდილმაც, თითქო ეშინია კაცს უკან არ ჩამოვრ-
ჩეო, თავი იჩინა. სოფელ ჭყონონაში აგერ ორი თვის განმავლობაში
არაფერს მომკვდარა, მაგრამ მინდვრის მუშაობას მორჩნენ თუ არა,
სამი კაცი ზედიზედ გარდაიცვალა. ორი, რა გაეწყობა, მოხუცებული
იყო და ერთი კი ფრიად გულდასაწვავი, — ახალგაზრდა, წვრილი
ცოლ-შვილის პატრონი. უკანასკნელი არ უტირნიათ, ე. ი. ფორმის
ტირილი არ გაუმართავთ და ის ორი მოხუცებული კი რიგზე
ეტირეს. განსაკუთრებით ერთი მათგანი, ბოხუია ბარია, ჩვენი ნაც-
ნობი კოჩა ბარიას სახლიკაცი. ბოხუია ბარია ჭყონონაში თითქმის
ყველა გლეხზე შეძლებულად ითვლებოდა შეილებიც შეძლებული
ჰყავდა და ამიტომ შედარებით კაი ტირილი გამართეს. ხალხიც, რა
თქმა უნდა, ბლომად დაესწრო. ტყუილად არ არის ნათქვამი: თათლი
იყოს, თორემ ბუზი ბაღდადიდან მოვაო: დაუპატიჟებელიც ბევრი
ეწვია მის ტირილს. ბოხუია შეილებთან გაყოფილი იყო და ცალკე,
პატარა სახლში ცხოვრობდა. შეილებიც ახლომანლო, თითქმის ერთ
ეზოში ესახლნენ და კარგი მოსახლეობაც ჰქონდათ. მის ოთხ ვაჟს
ოთხივეს კაი ლამაზი, ბუხრიანი ოდები ედგათ.

მიცვალებული თავის პატარა სახლში ესვენა. ტირილის დღეს

სტუმრები ჯერ იქ მიდიოდნენ და ტიროდნენ, ქალი და კაცი. მამა ვეტიმეც ოლარით და საცეცხლურით იქვე კუბოს თავთან იდგა. თუ ვინმე პატივსაცემი მოვიდოდა, ფილონსაც გადაიცვამდა, ხელში ჩვარს დაიჭერდა, მოტირალს კარებში მიეგებებოდა და კმევ-კმევით კუბომდი მიაცილებდა.

ნამტირალევი სტუმრები სამუსაიფოდ შედიოდნენ ოღებში, სადაც ბუხრებში ცეცხლი გუგუნებდა.

ერთი ოღის დარბაზში მოგროვილიყვენ საპატო ქალები: აქ ბრძანდებოდა თავად ვახტანგ მუხურელის ასული ოღლა, რომელიც ჩუმად აზნაურს გაყვა — ჭყონონის შომიჯნე სოფლის ვაკე-კარის მცხოვრებ ილარიონ შუშუნაძეს, და რომლის თაობაზე ერთ დროს დიდი აურზაური ატყდა. აქვე ბრძანდებოდა, რასაკვირველია, მარიკა, ტასიაც თან ჰყავდა; ვეტიმეს მეუღლე ეკატერინე, ადგილობრივი მოვაჭრის ცოლი ნინო და მამასახლისის ცოლი დარიკო. ორი უკანასკნელი სოფლის არისტოკრატებში ითვლებოდნენ. დანარჩენი აზნაურების ცოლები თუ ქალიშვილები უკლებლად იყვნენ და მათ შორის ჭანისწყლის გაღმა სოფელ მონაჭერის მცხოვრების აზნაურ გიორგი ბრტყელაიას მეუღლე ეფროსიმე ბრძანდებოდა. გაღმა ეფროსიმე იყო და გამოღმა მარიკა. ეს ორი მანდილოსანი მუდამ ერთმანეთს ეტოქებოდნენ ჩაცმა-დახურვაში, ოჯახის მორთულობაში, საზოგადოებაში გასვლაში, სმასა და ჭამაში.

ეფროსიმეს მეუღლე, გიორგი ბრტყელაია, ბასილზე უკეთესად ესახლა და საზოგადოებაში უფრო გართული და ხელმოსავლელი კაცი იყო და საქმეშიაც მეტი დახელოვნებული, მაგრამ ფულით ბასილი ჯობდა. გიორგი სულ აქეთ სესხულობდა, ბასილი კი იქით ასესხებდა.

რასაც ეფროსიმე ახალს შეიძენდა, ტანისამოსს თუ სამკაულს, უსათუოდ ბასილსაც მარიკასთვის იგივე უნდა მოეტანა. პირიქით, თუ მარიკა რასმე ახალს შეიძენდა, ეფროსიმეც ქმრისაგან იმასვე მოითხოვდა. გულით ერთმანეთი ჭირივით ეჯავრებოდათ, მაგრამ შეხვედრისას ღვიძლი ღები გეგონებოდათ, ისე ელაქუცებოდნენ ერთმანეთს.

— ზომ ბრძანდებით, ბატონო, კარგად? — მოიკითხა ეფროსიმემ მარიკა.

— თქვენი იმედით, სული გვიდგია, თქვენ ზომ კარგად ბრძანდებით, გენაცვალე.

— გამდლობთ, შენი ჭირიმე, ასე! საძაგელი კი არის სოფლის მცხოვრება. ამ სიახლოვეს ერთმანეთის ნახვა გვენატრება! დღეს

ცხონებულმა ბოხუიამ შეგვეკრიბა, თორემ დღესაც ვერ ვნახავდით ერთმანეთს.

— მართალია, ბატონო, — გამოეხმაურა ეკატერინე.

— შენი თავი ნუ მომიკვდება, — დაუდასტურა მარიკამ და ტუჩები საორკოფოდ ააცმაყურა. — ღვთის წყალობით და თქვენი შემწეობით სასმელ-საჭმელი ქე მაქვს, მაგრამ ამ უგზოობამ ძლიერ შეგვაწუხა. აი, როგორც ეფროსიმემ ბრძანა, ამ სიახლოვეს ერთმანეთის ნახვა გვენატრება. ერთი ვერსტი ძლივს იქნება. ქონება რათ გინდა, თუ სულ კარჩაკეტილად იცხოვრე...

— რა გიჭირს, გეთაყვა, ღვთით და შენი კაი ქმრის იმედით, — გამოეხმაურა მამასახლისის ცოლი, — თუ გინდ ყოველ კვირას დამზადებულად პროვეზია მოგივა.

— შიმშილი მეც არ მაწუხებს, დარიკო, მხოლოდ ყრუ სოფელში ყოფნასაა რომ ვუჩივი, — ამაყად თქვა ეფროსიმემ.

— რა თქვენი საკადრისია, თქვენ თუ შიმშილით მოკვდით, ჩვენ რა უნდა მოგვივიდეს, — თავმდაბლა მიუგო დარიკომ.

— ბატონო, აქეთ, ბუხრისკენ მოიწიეთ, არ შეგცივდეთ, — მიუბრუნდა მღვდლის ცოლი თავადის ასულს.

— არა, ბატონო, — მიუგო მან და თავმოძწონედ აქეთ-იქით მიიხედა.

— ეს თქვენი ასული გახლავთ, ბატონო? — დაეკითხა თავადის ასული მარიკას და ტასიაზე მიუთითა.

— დიახ, ბატონო, — მიუგო მარიკამ და ტასიას თავზე ხელი გადაუსვა.

— მოდი, გენაცვალე, მოდი ჩემთან — დაუძახა თავადის ასულმა და ხელები გაუშვირა.

— მიდი, ნანა — უბრძანა დედამ.

ტასია მივიდა, თავადის ასულმა ლოყებზე რამდენჯერმე აკოცა ხელები გარს შემოაღობა და თავის წინ გააჩერა.

— ნანა, შვილო, როგორ გაზრდილა, — შემოხედა ეფროსიმემ. — ახლახან ვხედავდი, რა პატარა იყო. სწორედ მზეთუნახავი იქნება. მზეთუნახავი, — მიეაღერსა ეფროსიმე. — ჩემი სონიჩკა კი მოვძილე. არ დამიჯერა გიორგიმ და ზუგდიდში წაიყვანა.

— კარგი გიქნია, შენი თავი ნუ მომიკვდება, კარგი, — პირმოუფერა ერთი აზნაურის ცოლმა.

— ზუგდიდში, რაზე? — დაეკითხა მარიკა და ტუჩები ოდნავ გაულურჯდა. ლაპარაკში შეატყო, თუ რად უნდა წაეყვანათ ზუგდიდში და გუფმა შაგდაგი დაუწყო.

— სასწავლებელში, გენაცვალე, რიგ და წესსაც დაისწავლის. აქ, სოფელში, რას ნახავს. აქაურ მეთხე ბიჭებთან გაზრდილი გოგო რა იქნება, — ვითომდა თავდაბლად, მაგრამ ცხადი სიამაყით მიუგო ეფროსიმემ.

ეს სიტყვები ისარივით მოხვდა გულში მარიკას. როგორ თუ ეფროსიმემ გოგო სასწავლებელში გაგზავნა და მე ეს აქამდე ვერ შევიტყვევიო, — ჯავრობდა გულში მარიკა.

— თქვენი ვაჟი ხომ ზუგდიდშია სასწავლებელში? — დაეკითხა ეფროსიმე მარიკას. თუმცა მარიკაზე აღრე იცოდა მისი ბედ-იღბალი, მაგრამ თავი უმეცრად მოაჩვენა.

— არა, გენაცვალე, ახლა შინა მყავს. ველარ გაუძლო, სუსტი ბიჭია... იქ კი მაგარი კაცი ნანდომა, თოლი, ღმერთი არ მომიკლავდეს, თორემ ლუკმას არავის არ შესთხოვს.

— მე უბედური, — ვითომ და ნღვლიანად თქვა ეფროსიმემ. — ველარ გაუძლებდა. მართალია, ყველა ბიჭი როდი ისწავლის, ყველა როდი გამოდგება კლასისათვის. აი, ჩემი ბიჭტორი, ვენაცვალე, სამი წელიწადია, რაც სწავლობს და ჯერ არ დარჩენილა, მიდის და მიდის, — თავმომწონედ დაუმატა ეფროსიმემ.

მარიკა გულში აენტო, მაგრამ თავს საოცარი სიღინჯით იმაგრებდა. ეს სიტყვები თითქმის პირში თქმა იყო: შენი შვილი უვარგისი, გამოუსადეგარიყო.

— ბევრი სწავლულებმაც ვერა გააკეთა რა, შენი ჭირიმე, ეფროსიმე, — გულგრილად მიუგო მარიკამ, თითქო მისი სიტყვების მნიშვნელობა არც კი გაუგიაო. — ზოგიერთი სწავლულები ერთი კაპეიკის გულისთვის ნალ და ფოლოს შუა გადიან. თუ ღმერთმა მიცოცხლა ჩემი ძუკუ, საქმეს ისე არ დაეუტოვებ, რომ ზოგიერთებივით, — ამ სიტყვას კბილი დააჭირა მარიკამ, — ცოტა რამეზე ფულის სასესხად არ მირბოდეს.

ეს ეფროსიმესთვის აღმაცერად მათრახის გადაკვრა იყო.

— ცოცხალ კაცს, ვინც ნამდვილად ცოცხალია, ფულიც სჭირია და საქონელიც. იქითაც ასესხებს და აქეთაც ისესხებს, ეს ბევრი არაფერია, გენაცვალე, ამის ნუ გეშინია. მხოლოდ ღმერთს მისი სიცოცხლე თხოვე; რა უჭირს, უბედურობა ისაა, ბატონო მარიკა, როცა ზოგიერთებივით, — ხაზი გაუსვა ამ სიტყვას, — როცა ზოგიერთებივით ჭიუტები, ზარმაცები და ჩხუბის თესლები გამოვლენ, — ყალბი თანაგრძნობით მიუგო ეფროსიმემ.

ვინ იცის, რას იტყოდნენ კიდევ ეს მანდილოსნები. შეიძლება

ამ მარილიან ლაპარაკს მარილიანი ჩხუბიც მოჰყოლოდა, კარებზე რომ არ გაღებულყო და ბეჩუ აფხაშვილი არ შემოსულიყო.

— ბატონებო, უკაცრაოდ ვარ, მაგრამ, — დაიწყო პრანჭვით და ცერემონიით ბეჩუმ, — გთხოვთ, ბატონებო, მასპინძელს პატივი სცეთ და თითო ჭიქა ღვინო მიირთვათ.

— რა საჭიროა, — ძლივძლივობით წარმოთქვა თავადის ასულმა.

— მე ახლა გიახელი და ისე წამოვედი, — ტუჩებგაბუტვით ბანი მისცა ეფროსიმემ.

— ამ თბილ ოთახში ყოფნა ყოველსფერს მირჩევნია, — გაიპატიჟა მოვაჭრის ცოლმა ნინომ.

— ეს სანგარო საქმელი და ამნაირების თქირთქოლი * არ იყოს ამ სატირალში, სწორედ კარგი იქნება, — კვერი დაუკრა მარიკამ.

— წამობრძანდით, თქვენი ჭირიმე, — შეუშფოთებლად გაიმეორა ბეჩუმ, რომელიც პირველად არ ხედავდა მათ ამისთანა შემთხვევაში და მათი ხასიათი ანი და ბანივით იცოდა.

— მობრძანდით, ბატონო! — მოიპატიჟა მარიკამ თავადის ასული.

— შენი თავი ნუ მომიკვდება, როგორ შეიძლება!

— ეფროსიმე, შენი ჭირიმე!

— შენ მტერს ღმერთი გაუწყრა. თქვენ, ბატონო!

— ძუკუ არ მომიკვდეს, იმის მეტი!

— ეოჰ! ეს როგორ შეიძლება, რაა, მაშინათვე რომ დაიფიცეთ, — ვითომდა შეწუხდა ეფროსიმე.

— აბა, ბატონებო, აბა, თქვენი ჭირიმე, — ჩქარობდა ბეჩუ. ეფროსიმემ ოღნავ ფეხი წინ წადგა, თითქო ეკვშია, წავიდეს თუ არაო. მას ზანტად თავადის ასული გაჰყვა, მას მარიკა და ისე ყველანი ნელ-ნელა გამოვიდნენ და ძველებურ, ისლით დახურულ დიდი სახლისაქენ გაემართნენ, სადაც სტუმრებს მოგროვებისდაგვარად, სახლის შიგნით, ირგვლივ გამართულ ტაბაკზე სხამდნენ და ზმასპინძლდებოდნენ თეთრი პურით, ლობიოთი, მაკარონით, ფლავით, ზეთისხილითა და ორნაირი ღვინით.

— დაიქცა მათი კუთხე, რას აქიანურებენ, არ ვიცი, ესენი წასვლას, — უთხრა ერთმა ღარიბი აზნაურის ცოლმა მეორეს.

— ორი გროში რომ მოეძევაო, ის უღიტინებს, თორემ ჩემსავით რომ იყოს, სირბილ-სირბილით გაირბენდა, — მიუგო მეორემ.

— გაიარე, გაიარე, ჩვენც მივყევთ, არ დავიგვიანოთ. ხუმრობა საქმეა, თეთრი კაჟალია აბაზი გადავახურე ცხონებულს, ზავშვისათვის

* თქირთქოლი — თითხნა.

ნიტხავი არ მეცვა, მაგრამ იმას მოვაკელი და სირცხვილისთვის აქ მოვიტანე. ქე ჰაინც ერთს კარგად გავძლები. შენ ჩემს ახლოს იყავი, — ჩუმაღ ჩაულაპარაკა თავის გოგოს, რომელიც გვერდით მისდევდა, — და რაც პურები დარჩეს, ცხვირსახოცში გაახვიე და შინ წაიღე.

თუმცა ქალბატონები უარობდნენ, მაგრამ ათი წუთის შემდეგ რომ შეგეხედათ, გესიამოვნებოდათ, ისე მაღიანად ახრამუნებდნენ ბამბასავით რბილ პურს და შაქარ-ზეთში მოხრავულ მაკარონს, და ზედ კიდევ წითელ ღვინოს უშხაპუნებდნენ. ეფროსიმემ, მიუხედავად ნასადილეობისა, როგორც ამბობდა, გირვანქა-ნახევარი პური და თითო თეფში ლობიო და მაკარონი დაანელა.

საბრალო ბოხუიას შესანდობარიც მიირთვეს მანდილოსნებმა და ერთმანეთსაც დღეგრძელობა უსურვეს.

ბოხუიას ტირილის მესამე დღეს ბასილ მძებრაძე ზუგდიდში მიდიოდა და თან ტასიაც მიჰყავდა სასწავლებელში, წინააღმდეგს მარკია ვერ მოითმენდა და ეფროსიმეს სულ თავზე არ დაიჭენდა.

თუმცა გვიანი იყო, ნოემბერი ილეოდა, მაგრამ ბასილმა მოახერხა და ტასია ზუგდიდის საქალებო პირველდაწყებით სასწავლებელში მიაღებინა. ბინა კარგი უშოვნა და ტანისამოსი რიგიანი შეუყვრა.

XV

დადგა ახალი წელიწადი და ნიკოია თოხიტარის სახლს შარშანდელზე მეტი სიხალისე და სიმხიარულე დაეტყო. პირადად ნიკოიაც წელს უფრო თამამად და წელგამართულად იყურებოდა.

ფარნა თამამად კითხულობდა წიგნს, რომელიც სევერიანემ აჩუქა. მუდამ თან დაჰქონდა ტყეში და როცა თხები ბუჩქნარში დაილღებოდნენ და კნატუნს შეუღგებოდნენ, ფარნაც ჩამოჯდებოდა ხის ძირას და წიგნის კითხვას დაიწყებდა. ბევრი ლექსი და ამბავი დაისწავლა ზეპირად. მას უნდოდა რაც შეიძლებოდა ბევრი ნასწავლი დაეხვედრებინა სევერიანესთვის, როცა ის საზაფხულოდ ისევ სკოლას გახსნიდა. საწერი ქალაღდის უქონლობის გამო ფარნა წერდა რითაც მოხვდებოდა და სადაც მოხვდებოდა: ქვაზე, ქვიშაზე, კედელზე, ნაცარზე, ხეზე, ზოგან ფიჩხით, ზოგან ნაჯახის წვერით. უფრო კი ნახშირით. მათი სახლის ერთი კედელი სულ წარწერილი იყო მათი ოჯახის წევრთა სახელებით და გვარით. „ნიკოია თოხიტარია“, — ეწერა ერთ ადგილას. „პეტრე თოხიტარია“, — ეწერა მის გვერდით და ისე რიგზე ივანე, ათანასე, ფარნა, დადი და გაიანე.

სულ ბოლოს, მსხვილი ასობით თავმომწონედ გამოჰქიმულიყო, — ფარნა თოხიტარიამ დაწერა ესაო.

სალამოზე, როცა ფარნა შინ დაბრუნდებოდა, კერას მოუჯდებოდა, აიღებდა ფიჩხს, გადაჩხრეკდა ნაცარს და ნელ-ნელა წერდა. წერდა ყველაფერს, რაც თავში მოუვიდოდა; ხან წიგნში წაკითხულ ლექსებს ან ამბავს გამოიყვანდა. თუ კერის ვიწრო ადგილზე სრულად არ დაეტეოდა, გადაუსვამდა ფიჩხს, ნაცარს ისევ გაასწორებდა და დანარჩენს ხელახლა მიაწერდა. ნაჯახის წვერით ბევრ წიფელას და რცხილას მიაწერა თავისი სახელი და გვარი და აგრეთვე თავისი თხების სახელებიც: ხულღშია, ერკქემია, უჩა, დარგა და სხვა.

იანვრის დამლევს ნიკოიას კონსტანტინე ტომბაშვილი ესტუმრა. მისი მოსვლა, რა თქმა უნდა, ყველას გაუხარდა ნიკოიას ოჯახში და შეეცადნენ კაი პატივიც ეცათ. შარშანდელი დიდმარხვის ვახშმიდან დიდად განირჩეოდა წრევანდელი. ტაბაკზე წელს სუფთა სუფრა იყო გადაფენილი, შემწვარი ყვერული მოხარშული წვნით, შემწვარი გოჭი და ჰყლინტი სულუგუნი ამშვენებდა სუფრას. რამდენიმე ღვინით სავსე ბოთლი და რამდენიმე ჭიქა ჩარიგებულიყო საჭიროებისამებრ. სახლის კუთხეში წელს უბრალოდ გაკეთებული ხის შეულებავი ოთხფეხა მაგიდა იდგა, რომელზედაც გაიანეს მოქსოვილი ბამბის საფენი ეფარა. ჭრაქის მაგივრობას წელს პატარა ლამბა ასრულებდა. სტუმრის პატივსაცემად ნიკოიამ თავისი ზიძაშვილი სისოც მოიწვია და, ერთი სიტყვით, ცდილობდა სტუმრისათვის ესიამოვნებინა.

— ამდენს რატო გაისარჯე, შე კაცო, — მოიბოდიშა კონსტანტინემ. როცა ვახშმად დასხდნენ.

— შენი საკადრისი არაფერი გვაქვს, ბატონო, მაგრამ იმედია, — თავის მხრივაც მოებოდიშა ნიკოია.

შუალამე გადასული იყო, როცა ვახშამი გაათავეს და კარგად შეზარხოშებულნი სუფრიდან ადგნენ. კონსტანტინეს მოლაპარაკება უნდოდა ნიკოიასთან, მაგრამ იმდენად დაღლილი იყო და თან ღვინით შეხურებული, რომ მაშინვე დაიძინა.

მეორე დილას, პირის დაბანის უმალ ცალკე გაიხმო ნიკოია და საუბარი დაუწყო.

— შენ ოჯახში, ჩემო ნიკოია, ღმერთმა მხიარულად შემომიყვანოს, დაირა-ლხინს დავსწრებოდე მრავალჯერ, მაგრამ მე ახლა პირდაპირ შენთან არ წამოვსულვარ. ზუგდილში საქმე მქონდა, ვალი მემართა ერთი კაცისა და იმას მოვაკითხე... ვიფიქრე, ამ სიახლოვეს ნიკოიას როგორ არ გავუარო-მეთქი, და შემოვუხვებე. —

(კონსტანტინემ იცრუა, პირდაპირ ნიკოიასთან მოვიდა), — რადგან, ღვთით, მშვიდობით გხედავ, უკეთესი დრო როდის გვექნება მოსალაპარაკებლად.

— რის თაობაზე. ბატონო!

— ივანეს თაობაზე. მამა ნუ წამიწყდება, წმიდა გიორგის მადლმა, რაც დღეს ეკლესია გააღონ, მის პაღლმა, თუ ჩემ ხელში ის ბიჭი ერთი ოთხი-ხუთი წელიწადი დარჩა, კაცი გამოვა. შენ არ გეწყინოს, ბაბა, და უბრალო შინა მოჯამაგირედ კი არა მყავს. მართალია, შინა მოსამსახურედ მინდოდა, მაგრამ როცა შევატყვე, კაცი მარგებელია, დუქანში დავაყენე.

— ოთხი-ხუთი წელიწადი, ბატონო? — საორკოფოდ დააქნია თავი ნიკოიამ.

— მოიცა, კაცო, — გააწყვეტინა კონსტანტინემ. — ყური დამიგდე, რას გეუბნები! ერთი წელიწადი შუა მარტში თავდება, ხომ ასეა?

— კი, ბატონო!

— კი დაგემართოს, თუმანი მაშინ ხელში მოგეცი.

— კი, ბატონო, თქვენ უკეთ არ იცით?

— ჰო, თუმანიც მერე გამოგიგზავნე, ივანეს ხელით აგვისტოში!

— კი, ბატონო.

— ეს ორი თუმანი. დარჩა ჩემზე, ჩემო ბატონო, ორ თუმან-ნახევარი. ამას სრულად მოგართმევ ახლა და მომავალი წლისთვის კიდევ მოვრიგდეთ.

— მომავალ წელზე, რა ვიცი, ბიჭს თუ არ დავეკითხე. წიე, პეტრე! — დაუძახა ნიკოიამ. კონსტანტინეს პეტრეს დაძახება არ ესიამოვნა, მაგრამ რას იზამდა.

— აბა, ჩემო პეტრე, — რაც შეიძლებოდა ტკბილად მიუბრუნდა კონსტანტინე, — ნიკოიას ვეუბნებოდი, ახლანდელ დროში, ჩემო ძმაო, კაცმა თუ ცოტა თვალი არ გააღო და ამ სოფელს არ მოშორდა, ძნელია ცხოვრება.

— შენ არ დამღუბო დღესა, კორსანტელი, — ხმამაღლა გაეხუმრა ნიკოიამ. — ესეც ესე ამბობს და არ გადაშირიო... ამაზე ვარ დაყრდნობილი.

— მოიცა, ბაბა, — ხუმრობითვე მიუგო კონსტანტინემ, — ძველი დროების კაცებმა სულ ასე იცით. ახლა სხვა დროებაა... შენ, ჩემო ძმაო, — მიუბრუნდა პეტრეს.

— რათ იკადრებთ, ბატონო, — მორიდებით შენიშნა პეტრემ.

— არა, შენ, ჩემო ძმაო, ახალგაზრდა კაცი ხარ, ახალი დროება უნდა გესმოდეს. მოჯამაგირე, რასაკვირველია, მუშაობს, მაგრამ

მოჯამაგირეს გააჩნია. ივანეზე მოგახსენებ. აქ სადმე აზნაურის ან თავადის სახლში მოჯამაგირობა და ჩემთან ყოფნა, თუ გინდ ტრაბახობად მიიღე, და იცოდე, ერთი არ არის. მე შენი ძმა უბრალო ხელის მოსამსახურედ არა მყავს: ფოთში, საყასბოში დაეყავენე, ხორცის ხელობას ისწავლის, ყველაფერს ცოდნა უნდა: ანგარიშს, წონას! ეს ყველაფერი საქმეა, ჩემო ძმავ, გამოსადეგია. ამიტომ ახლა ნიკოიასაც ვეუბნებოდით, ერთი ოთხი-ხუთი წელიწადი დაარჩინეთ ის კაცი ჩემთან, თუ გინდათ, რომ კაცი გამოვიდეს. ის ახლა მე მომავშორეთ, მერწმუნეთ, მისთვის დიდი ზარალი იქნება.

— ნება თქვენია, ბატონო, — მიუგო პეტრემ.

— კი, ბაბა, მარა ჩვენ? — გაერია ნიკოია, — ჩვენს ოჯახ....

— შენ ახლა დაიჩინებ შენებურად, ბაბა, — წყენით გააწყვეტინა პეტრემ. — ურთას ქრისტიანობას აძლევდნენ და ნეკით უარობდაო, ისე მოგდის შენც. აქ რას გაგიკეთებს ბევრს... წამოიყვანე და ირაკლი მძებრადის სასახლეში დააყენე მოჯამაგირედ, ახლო გეყოლება და აკეთოს ფქვილის ღომი, ისიც სანახევროდ არა აქვთ, თორემ.

პეტრეს სიტყვები კონსტანტინეს გულში ჩაეხატა, მით უფრო, რომ პეტრესი ეშინოდა: ვაითუ ის არ დამეთანხმოსო და ამიტომაც იყო, ნიკოია ცალკე გაიხმო. ახლა კი, რა შეიტყო, პეტრეც მისი აზრისა ყოფილა, მხიარულად გაეხუმრა:

— ნეტავ შენი თავიც იქ მომცა, მერწმუნე, არ იზარალებ.

— აი, ნეტავ მეც იქ დამაჩინა, — მიუგო პეტრემ.

— თოლი! გეყუალიო*, ჯიმა! შეილი არ გადამერიოს დღეს! — ხუმრობით მოაყვირა ნიკოიამ.

— ხა, ხა, ხა, — ჩაიცინა კონსტანტინემ. — ახლა, ჩემო პეტრე, როგორ იტყვი, მომავალ წელს რამდენად მომცემთ ივანეს.

— როგორც გენებოს. ჩვენ, მართალია, ღარიბები ვართ, მაგრამ სინიღისი, დამერწმუნეთ, კაცისა გვაქვს. ერთი-ორი მანეთის ინტერესით, თავი მომიკვდეს, თუ...

—ღმერთმა გაშოროს, ფიცი რათ მინდა,—გააწყვეტინა კონსტანტინემ.

— ამას თქმა არ უნდა. საცა ფული იშოვება, იქ ბიჭიც იშოვება, მაგრამ თქვენი ოჯახი სადღეხვალიოდ როდი მინდა..

— არც მე მგონია, მარტო სადღეხვალიოდ ვიყოთ, — შენიშნა ნიკოიამ.

* გეყუალიო — გიგილიო.

— აბა, მითხარით? — ორივეს დაეკითხა კონსტანტინე.

— თქვენ ბრძანეთ, ბატონო!

— ბევრს არ გავაჟიანურებ, ძმაო, შარშან ოთხ თლმან-ნახევრად მყავდა? წრეულს ხუთ თუმანს მივცემ.

— ცოტაა, ბატონო, — მიუგო მამა-შვილმა.

— რას ამბობ, კაცო, ახლა ტანისამოსი იანგარიშეთ, დაკონკილად ხომ არ ვატარებ გოროდში.

— მაინც, რაც გინდა იყოს, ბატონო, ის ახლა ზრდაგათავებული კაცია, ექვსი თუმანი უეჭველად ერგება.

— შე კაცო, ექვსი თუმანი ჩინონიკებს არ ეძლევა. არც ტანისამოსს აძლევს ვინმე და არც საკმელს, — გაიკვირვა კონსტანტინემ.

— ჩილონიკების საქმე სულ სხვაა, ბატონო. იმათთან ჩვენ რა გვინდა.

— რა გინდა კი არა, ბევრი რამე კი გგონია შენ წვრილი ჩინოვნიკობა.

— ერთს გეტყვი, ბატონო, არ გეწყინოს, — თქვა ნიკოიამ.

— თქვი, შე კაცო, საწყენი რაა. აჰ, ბაბა, ანგარიშის საქმეა; ვაჰრობა და წყენა ვის გაუგონია, მე ანგარიშით ვცხოვრობ.

— ხუთიც მიუმატე და ნესქერ მის საქმეს.

— მე ექვს თუმანზე ნაკლებ გულში არ მედო, მაგრამ რაჟი მამამ თქვა, თანახმა ვარ, ნაკლებად კი... — შეიჭოკმანა პეტრემ.

— ტანისამოსიც ჩეპია?

პეტრემ და ნიკოიამ მორიდებით დაუდასტურეს.

კონსტანტინემ თავი აქეთ-იქით გააქნია, ცალი თვალი დახუჭა. ზევით აიხედა, მარცხენა ხელის თითები შუბლზე მიიტატუნა, მერე ხელი ძირს გააქანა და წარმოთქვა:

— თანახმა ვარ, კარგი, მოდი, — და პეტრეს ხელი გაუწოდა. იმანაც ხელი დაჰკრა და შინისკენ წამოვიდნენ.

„ამათ ჭერ კიდევ არ იციან თავიანთი ფასი, — ფიქრობდა კონსტანტინე, — ორმოცდათხუთმეტი, სამოცი... სულ თუ გინდ ოთხმოცდახუთი იანგარიშე... სამას მანეთს ერთი კაპიკივით იმუშავებს საყასბოში. ჭერ არ იციან თავიანთი ფასი, მაგრამ ჩემგან, მგონია, დაისწავლიან.“

წასვლის წინ დარჩენილი ოცდახუთი მანეთი მისცა და მომავლის ბეთ ხუთი მანეთიც დაუტოვა.

დადგა ისევ დიდმარხვა. ჭყონონაში ყველაფერი ძველებურად მიდიოდა. წისკვილი ფქვავდა, მაძინია უვლიდა. პატარა ფარნა წელს დახელოვნებული მწყემსი იყო. მას წელს უშიშრად დაჰყავდა თხები ბიჭურში და არათუ ტურა-მგლისა ეშინოდა, პირიქით, ხმა-მალალი კიყინით აშინებდა მათ.

ერთ დღეს, ახალ ნააღდგომევეს, ფარნამ გარეკა თხები ბარცხენისაკენ. ის ადგილი მდებარეობდა წისკვილის გაღმა და სოფელ მონაჰერის ნაწილი იყო. ბარცხენა იმითომ ერქვა, რომ ამ ადგილზე ერთგვარი ეკლიანი ბუჩქნარი ბლომად ხარობდა. ამ ბუჩქს მეგრულად ბარცხენას ეძახიან.

სალამოთი ადრე გამოირეკა ფარნამ თხები და წისკვილის გვერდით, წისკვილისა და ბასილ მძებრაძის სახლს შუა ჩამომავალ პატარა რუს გასწვრივ ამოსულ ხშირ ეკლიანში შევალა.

ახლად აყვავებული ქორფა ეკალი ესიამოვნათ თხებს. ზოგი უკანა ფეხებზე დგებოდა, კისერს იგრძელებდა და შესანიშნავი სიმარლით იტაცებდა განზე გაშვერილ ქორფა ეკლის ტოტს.

ეკლის ფალაგე, როგორც ვთქვით, რუს გაყოლებით მისდევდა, სხვაგან კი გაშლილი იყო ფართო ქალა. ქალაში ზოგან ხენა-თესვა დაეწყათ, ზოგან მხოლოდ სიმინდის ღეროები მოეწმინდათ და ზოგან კი შარშანდელი სიმინდის ღეროებიც არ იყო მოწმენდილი.

ორი თხა ეკალს ალბათ არ დასჯერდა და ბასილის ეზოსკენ გაეშურა.

— ყაი, ყაი! — დაუძახა ფარნამ, მაგრამ მათ თითქო არც გაუგონიათო, ბაჯბაჯით და წვერის ცანცარით გაზომეს ბასილის ბახჩისაკენ, სადაც მათ ახლად აყვავებული ხეხილი იტყუებდა.

— ყაი-მეთქი, შე ამოსაწყვეტო! — დაუყვირა ფარნამ, თანაც ცოტა გაირბინა და სიმინდის ღეროც ესროლა. თხები შეშინდნენ და უკან გამობრუნდნენ. ფარნამ რალაც მწკრივად მიმავალი ფრინველები შეამჩნია, იმას დაუწყო ყურება.

— ჭიტა! — მოესმა უკანიდან. — ხა, ხა, ხა, მე ხმითვე გიცანი, თხებს რომ უჯავრდებოდი და შენკენ გამოვიქეცი.

ფარნამ მოიხედა. მის წინ ტასია იდგა. წელს, რა თქმა უნდა, შარშანდელზე უფრო დიდი ჩანდა, თუმცა სახეზე ცოტა უფერობა ეტყობოდა. ფარნამ გაუღიმა.

— რა იყო, ფარნა, ზევით რომ უყურებდი?

— რალაც ჩიტები მწკრივად მიფრინავდნენ.

— აბა სადა, მეც მაჩვენე!

ფარნამ ზევით აიხედა და ცას დაკვირვებით თვალიერება და უწყყო.

— ახლა არც კი ჩანან, — მიუგო მან და ისევ დაკვირვებით შესხედა ცას.

— ჩვენ დღეს ბევრი სტუმარი გვყავს, — დინჯად თქვა ტასიამ.

— ვინ არიან? — საჩქაროდ მიუბრუნდა ფარნა.

— ზალიკა მაწკირია, დრიმინტია ჭანდრაკელია, სამსონი ყურაშვილი და კიდეც ვილაცეები. მათი გვარი და სახელი არ ვიცი. არც უჩანამ იცის, ირინესაც ვკითხე, იმანაც ვერ მითხრა. ერთ კაცს სულ აქ აქვს პატარა წვერი, — ტასიამ ხელი ნიკაპზე მიიღო, — თორემ სხვაგან, როგორც ჩემი ხელისგულია! — ხმის დაქერით წამოიძახა ტასიამ და ხელისგული უჩვენა.

— რაზე მოვიდნენ ამდენი სტუმრები? — დაინტერესდა ფარნა.

— არ იცი? დრიმინტია ჭანდრაკელიასთვის ბაბას ფული უსესხია, — ცოტა არ იყოს, ამაყი კილოთი მიუგო გოგომ, — ბაბამ უჩივლა და რალაც გამოიტანა, ლიფსტი, ლიფსტო, ამბობდნენ და მე კი არ მინახვს, დიდია თუ პატარა. ამიტომ დღეს ბევრი კაცები მოვიდნენ. ბაბას ეხვეწეს, უი, რამდენი ეხვეწეს, დილიდან სადილობამდღი სულ ლაპარაკობდნენ. ერთი ცხენი მისცეს ბაბას, ისეთი ცხენი, რომ უ... უ... მაღალი, მაღალი... კიდეც რალაც ქადალდი, ხელწერილიო, დაუწერა და მისცა ზალიკამ. მე, მე მენდე, შე კაცო, ეუბნებოდა ბაბას ზალიკა. თუ ექვს თვეში არ გაგისტუმრა, მე მოგცემო. ზალიკა ჩემი მორღიაა, მუხლზე დამისვა და ერთი დიდი კალფენტი მომცა.

ფარნა პირდაღებული უყურებდა გოგოს. თავის სიცოცხლეში არ გაეგონა დრიმინტიას სახელი. არც მისი ცხენი აინტერესებდა. კალფენტი კი უფრო მოეწონა, ვინემ რალაც ხელწერილი.

— კალფენტი გემრიელი იყო? — ჰკითხა ფარნამ.

— უჰ! შაქარივით ტკბილი. რომ მცოდნოდა შენ აქ იყავი, უსათუოდ მოგიტანდი.

— მე რათა? — გაიკვირვა ფარნამ.

— იცი, შე ბორო, — გაგრძელებით და სიცილით მიუგო ტასიამ, — არ იცი, განა, ღმერთმანი, შენ როგორც ჩემი ძუკუ, ისე მიყვარხარ! ძუკუ ჩემი ძმაა, შენ იმაზე კარგი საქმე არ მიქენი? შენ არ ყოფილიყავი, ცოფიანი ძაღლი მიკბენდა. ბაბამ თქვა, ის დალოცვილის შვილი არ აგჩენოდა, ძუკუს იმედით დავიღუპებოდიო.

ფარნას თვალები აენთო. ალერსიანად შეაჩერდა გოგოს ლამაზ ხახეს და ბავშვურმა, უმანკო სიმპათიურმა გრძნობამ გაურბინა

სხეულში. ფარნასაც უნდოდა რალაცა ეთქვა, წითლდებოდა, გული რალაცნაირად უცემდა, მაგრამ ვერაფრის თქმას ვერ ახერხებდა.

— ახ, ნეტავ სევერიანე ისევ ჩქარა მოვიდოდეს, — თქვა ტასიამ.

— შენც იმასთან ისწავლი? — ჰკითხა ფარნამ.

— მაშინათვე! ბაბა ამბობს, მე ჩქარა ისევ ზუგდიდში წამიყვანენ ან ხვალ, ან ზევ და როცა ისევ ჩამოგიყვანო, მთელი ზაფხული სევერიანეს რიგიანად უნდა მოვამზადებინო შენი თავიო.

— ეჰ, შენ ბედნიერი ხარ, — ამოიოხრა ფარნაჰ. — ზუგდიდშიაც წავიყვანებენ, აქაც გასწავლიან, მე ამ ოხრებს უნდა ვსდიო.

— განა ზაფხულში შენც არ მიხვალ სევერიანესთან?

— ზაფხულში შეიძლება მივიდე, მაგრამ მაშინაც დრო არ მექნება ხეირიანად. მაინც სადამოობით ამ თხებს უნდა ვსდიო. წიგნს რომ დავხედავ ერთი წუთი, და გაიხედავ, თხებიც არ არიან.

— ნეტავი შენც ზუგდიდში წამოგიყვანდნენ, ღმერთმანი, ისე გამეხარდებოდა, — თანაგრძნობით წარმოთქვა ტასიამ.

— უი შე... ბედიანი, ზუგდიდში მე კლასს ვინ მალირსებს. ზაფხულობით მაინც მეცალოს რიგიანად, ისიც მეყოფა.

— ტასია, ტასია! — მოისმა ამ დროს ირინეს ხმა.

— ჰო, ჰო! — დაუწივლა ტასიამ.

— შე კინჩხმოსატეხო, სადა ხარ?

— აგერ, აგერ, — ისევ დაუწყივლა ტასიამ და შინისაკენ გაექანა.

ბასილ მძებრადის ოღის აივანზე რამდენიმე, ზოგი ნაბღიანი და ზოგი უნაბღო, კაცი მათრახებით ხელში იდგა.

— ცხენები, წიე, ცხენები! — დაიძახა ბასილმა.

რამდენიმე შეკაზმული ცხენი უჩანა მოჯამაგირემ თავლიდან გამოიყვანა და სახლის წინ გააჩერა. სტუმრები მასპინძლებს ვაპოემშვიდობნენ და თავიანთ გზას გაუდგნენ.

ბასილმა სტუმრებს თვალი გააყოლა, მერე აქეთ-იქით მიიხედ-მოიხედა, ფალაგესთან თხები შეამჩნია.

— ეო უჩანა! — დაუძახა მოჯამაგირეს.

— ბიჭო, ეს ვისი თხებია, ა იქ, ფალაგესთან კნატუნობენ. ბაღჩაში არ შემოიჭრან, თორემ სულ ერთიანად გააფუჭებენ.

— ნიკოია თოხიტარისა თხებია, ბატონო!

— თოლი, ის პატრა ბიჭი მწყემსავს, ცოფიანი ძალლი რომ მოკლა?

— დიახ, ბატონო.

— ახლა სად არის?

— აი, აგერ, გადალუნჯლი კაკლის უკან დგას.

ბასილმა ხელი შუბლზე მიიღო და გახედა.

— შენ, ჭიჭი, ეი, შენი — დაუძახა ბასილმა. — რა ჰქვია, ბიჭო, სახელი? — დაეკითხა მოჩამაგირეს.

— ფარნა ჰქვია, ბატონო!

— ფარნა, ფარნა დაუძახე, ბიჭო, აქ მოვიდეს.

ფარნას ეგონა თხეების აქ მორეკვისათვის ალბათ მიჯავრდებოდა და ერთ წუთს გაქცევა დააპირა, მაგრამ ამასობაში ბასილის მოჩამაგირე მივიდა და მოფერებით მიიპატიჟა.

ფარნა მორცხვად წამოვიდა და თავდალუნჯული ავიდა ბასილის აივანზე.

ბასილმა სიამოვნებით დაათვალიერა თუმცა ძონძებში გახეული, ფეხშიშველი, მაგრამ ლამაზი და ჩაფსკვნილი ბავშვი.

— ხარდანაძის ქალო, აი ის, ძაღლის მკვლელი, ერთი გაუმასპინძლდი, თუ გიყვარდე.

მარიკამ ოთახიდან თავი გამოჰყო. სახეზე ღიმი უკრთოდა, მას ფარნა რამდენჯერმე ჰყავდა ნახული.

— ამის გამასპინძლება ტასიას საქმეა, ესაა მისი მეგობარი, — სიცილით თქვა ხარდანაძის ქალმა.

ორივე ცოლ-ქმარნი ღღეს რაღაც კაი გუნებაზე იყვნენ, ალბათ ცხენისა და ხელწერილის გამო. ტასია დედის გვერდით იდგა და რაკი ფარნას თავის სახლში ხედავდა, სიხარულით ანთებუდიყო.

— მოდი, შვილო, აქ მოდი, — ალერსიანად უთხრა მარიკამ; ბავშვი სასადილოში შეიყვანა და სკამზე დასვა მაგიდასთან. მაგიდა ნაპურევით სავსე იყო. ეტყობოდა, ახლახან ესადილათ და ალაგება ჯერ არ მოესწროთ. სხვანდასხვა საქმელი იმდენი დარჩენილიყო, რომ ფარნასთანას ხუთს გააძღებდა. ფარნა მორცხვად მიუჯდა და ნელ-ნელა ჭამას შეუდგა.

— ნუ გრცხვენია, ფარნა, შენი ჭირიმე! — გაათამამა ტასიამ, რომელიც მის პირდაპირ იჯდა და მხიარულად შეჰყურებდა.

ორი ჭიჭა ღვინოც დალია ფარნამ, კარგადაც გამოძლა და თხე-ბისკენ გაეჩქარა.

— შერაბის სულს ვფიცავ, ხარდანაძის ქალო, — უთხრა ცოლს ბასილმა; როცა ფარნა წავიდა, — ამ ბიჭს პატრონი რომ ჰყავდეს, კაცი გამოვა, რაღაც საღი და გამომეტყველი სახე აქვს.

— ჰმ, — მიუგო მარიკამ და ტუჩები გაბუტა, — რა იქნება ისეთი, ნიკოია ქუსლმოქცეულის შვილი!

— არა, რათა, ნიკოიას შვილობაზე როდია!

— მაშ რაზეა, — უკმაყოფილოდ მიუგო მარიკამ. — ძუკუს მამა, ხანდისხან რალაცნადი ახირება იცი. შენი კარგი იმდენი არ მოგწონს და სხვისი, თუ გინდ, ერთი სიტყვით... რაც გინდ იყოს, მოგწონს. რა უნდა გამოვიდეს მეთხე ბიქისაგან, ყაზახის შვილისაგან. აივანზე ხეირიანად ვერ ამოვიდა; თავი სულ კაქუტივით ძირს მიაქვს.

— ეჰ, შენცა ხარ. ერთი. ცალმხრივი მსაჯულოი ბაბა, ბავშვია ჯერ, ჩვეული არაა, აბა რა ქნას.

— ბავშვია, დიახ ბავშვია, ორი წლისა — დაცინვით გააწყვეტინა მარიკამ. — იმაზე პატარა არ იყო ჩემი ძუკუ, ჭყონდარი * რომ მობრძანდა. ჭყონდართან თამამად მივიდა, ხელზე ემთხვია და ჭყონდარმა ჯვარი აჩუქა ვენაცვალე, სითამამე მაშინაც ეტყობოდა.

— და ამ სითამამით, — გააწყვეტინა ბასილმა, — მასწავლებლებს ქვა ესროლა და მოკვლასაც უპირებდა.

— ერთი სიტყვით, ისეთი რამე თქვი, რომ რამეს ჰგავდეს, — აკაპასდა ხარდნაძის ასული, — განა არ იცი, რა ღმერთგამწყვრალი გვარისანი ხართ? ის კი არა, მოეფერე, კარგად ჩააცვი, დაახურე. რამდენი ხანია გეხვეწება, ცხენი, ცხენიო, მეც რამდენი გეხვეწე. გო მოუწყვე საკუთრად ერთი ცხენი და უნაგირი. გაერიოს საზოგადოებაში, გაიციოს კაცები. ერთი გადავხედოთ იმ კაცს, აბა რას იზამს. დაუჯინა: არ ისწავლა, არ ისწავლაო. რა გინდ არ ისწავლოს, ნიკოიას შვილს მაინც ქე ემჯობინება, ცა და დედამიწა ერთმანეთს რომ მიატყდეს. სხვა რა გინდა...

— თოი, თოი, თოი, ქალის გაჩენას რა ვუთხარი. სულ შენ გააფუქე მაგი, შე ოჯახამოსაგდებო. განა მე არ ვეფერებოდი, განა ცოტა ვეფერე? თოი, თოი, თოი რაც თქვენ დაებატონეთ ქვეყანას, მას შემდეგ უკუღმა დატრიალდა დედამიწა. — აუმაღლა ხმას ბასილმა, — თათრის მეტს, მერაბის სულს ვფიცავ, თათრის მეტს ქალი მოშინალებული არა ჰყავს. კები უნდა ედგას ზურგზე და მაშინ შეიძლება...

— იმდენი ცხონება აქვს მამაშენს, შე დამპალო ყაზახო, იმდენი სიკეთე დედაშენს, — გაანჩხლდა მარიკა, — მაინც ბევრი რა მაკლია. ბარელამ კებიც დამადგი და ის იქნება, რა გახარებულად მე შენ გყავარ. იმდენი ცხონდა პაპაშენი. ეკლესიაში პირჯვარის დასაწერად ვერ წავსულვარ. ან რით წავიდე! ეფროსიმეს, გილაც ბრტყელაიას ცოლს, თამბაქელიას ასულს, დრაფის ტალმა იცვას

* ჭყონდარი — ჭყონდარი.

და მე... მე... რო... პო... მითხარი ერთი?—თითქმის ტირილით დაეკითხა მარიაკა.

— დიდობა შენდა, ღმერთო, — მრავალმნიშვნელოვნად წარმოთქვა ბასილმა და თავის განუშორებელ მეგობარს, ყალიონს, ხელი მოავლო.

XVI

ვინ იზარადა, თუკი ყველა კმაყოფილია?

ბასილმა მართალი თქვა. ბართლომე მძებრადეს ორი დღე გაატარებინეს სატუსალოში და მერე გამოუშვეს.

სატუსალოდან გამოსვლისთანავე გაეშურა ბანქოს სათამაშო სახლისაკენ, რომელსაც ადგილობრივ „საყავოს“ ეძახდნენ, ზოგნი „ტახტირსაც“ უწოდებდნენ და სხვანი — „რესტორაციას“. იქ ბართლომეს ბევრი ძმაბიძები დაუხვდა. ზოგი კოცნიდა და განთავისუფლებას ულოცავდა, ზოგიც იაგორა ჰიკიტნის სახელზე უწმაწურად იგინებოდა.

— აა... ბართლომეს ვახლავარ, კარტი-ნარდი-ბილიარდით გამოგიშვეს?! აა... მადლობა ღმერთს. სახალისს იქით გადაგაბრძანეს მეგონა. იაგორას გალახვისათვის კი დაგიმადლე, ოო... დაგიბერდა ის მარჯვენა. ის ისეთი მსუნავი ვინმეა.— მოემხიარულა ბართლომეს საყავოში შესვლისთანავე ერთი ამფსონთაგანი, რომელსაც ლამაზად შეეკერილი ახალი ჩოხა ეცვა, ქამარზე ვეებერთელა ხანჯალი ეკიდა. წვერი მოდაზე სამკუთხედად ჰქონდა შეკრეკილი და ლამაზად დაგრეხილი უღვაში ბოლოში კოხტად შეწყვიტინებულთ. მართალი რომ ვთქვათ, გარეგნობით ლამაზი შესახედავი კაცი იყო. ეს გახლდათ გოგია კულაშვილი, ხელობით კარტოჟნიკი, როგორც ეძახდნენ. არ ხნავდა, არ თესავდა, არ ვაჭრობდა, არ იჯარალობდა, არ მსახურობდა, მამულ-დედული არ გააჩნდა (გლებთაგანი იყო); მიუხედავად ამისა, მუდამ კოხტად გამოწყობილი დადიოდა. ხუთი სხვადასხვა ფერის ჩოხა ჰქონდა. სამი აბრეშუმის ახალონი და სხვა მისი მიყოლება, ჟანგარიშო დღეს ფოთში იყო, ხვალ ოზურგეთში, ზეგ ბათუმში, იქით კვირას ქუთაისში.

— მაგის დედასა, მაგ გაქონილ ყაზახს, — მიუგო ბართლომემ. — მაგის თავს კიდევ ჩავიგდებ ხელში და მე, ზურაბის შვილს, ბართლომე არ ვიქნები, თუ მისი დამპალი წელები ძაღლების სათრევედ არ გავხადე.

— აქით, კიდე მგონია, მოგების გზაზე გადგვივარ და ჩანარ

მყრალ სიტყვებს ლაპარაკობ! ნაჩალიკს ქუჩაზე კენჭი ვერ მოუყრია და იაგორა მიციტნის მართლა აყროლებული წელების გარეცხვაც ზედ გინდა დაუმატო. ხუმრობა საქმედ მიგაჩნია! თუ ძმა ხარ, არ ჩაიღინო მაგისთანა საქმე, სუნით კაცს არ დაედგომილება, — ხუმრობით შეეხვეწა ერთი დაგლეჯილჩოხიანი მოთამაშე, რომელსაც ნახშირით გამურული სახე უმტკიცებდა, რომ მკედელი უნდა ყოფილიყო.

— ერთი შენც, გამოყოფ ახლა თავსა, რა შენი საქმეა აქ ყოფნა, ტახტირი არ გააქუქყიანო. შენ ქულამურს და საბერველს მიხედო არ გირჩევნია? თედორე მღვდელს ჯორი გამოუგზავნია დასაქვდავი. — ბართლომეს ნაცვლად მიუგო გოგიამ.

— შენი თავვის კუდივით წვეტიანი ულვაშები ნუ მომიკვდებამ! რომ აგაფტკვენი ამ საათში სამი მანეთიანი, იმაზე კრუხივით კაკანებ, მაგრამ ვერ მოგართვი კოჩას გამომცხვარი შაურიანი პური! ახლა ბართლომეს მიელაქუცე, მაგრამ იმისგან რა ხეირს ნახავ. იმას შენთვის რა ექნება. ახლა მაგის ჯიბე და შენი ნალია ორივე ერთია! არც ერთში გროში კაპეიკის საღირალი არა მოიძებნება რა.

— ახი არ არის, ახლა იმ ბართლომემ, როგორ ოქროპირის ჯორივით აყუდულა აქა, იაგორას მაგიერად შენ შემოგკრას ის ხანჯალი და აქვე წელები გადმოგიყაროს? მე ხომ გამსვრის, ისა თქვი და! ხუთ დღეს ვერ გავირეცხავ, ჩხოუშის წყალი არ ეყოფა... აქეთ უყურე, ჰა! ერთიანი ჩამოვედი! ახლა შენი ჩამოსასვლელია, — უთხრა მკედელს მოპირდაპირე მოთამაშემ, წვეერგაპარსულმა, მსხვილმა, ჰალარა კაცმა.

ბართლომე ამგვარ ხუმრობას ამ ძმაბიჭებთან შეჩვეული იყო და გული სრულებით არ მისდიოდა, პირიქით, მხიარული და კმაყოფილი იღიმებოდა.

— არა, ხუმრობა იქით იყოს, ლამაზი ქალების მადლმა, კაცს ცოტა გული უნდა გაუკეთო, გაუთამამო. დღეს მას მოუვიდა, ხვალ შენ დაგემართება. იაგორას უშვერი სიტყვები ვის არ გამოიყვანს მოთმინებიდან. კიდეც ბევრი მოუთმენია, თორემ მე რომ ვყოფილიყავი, ხელში შემომაკვდებოდა. მოდი, ბართლომე, ერთი, რაღა, ცოტა წავუთაქუნოთ კონჩინა თითო-თითო ყავაზე, — მიეფერა და მიემხიარულა ისევ გოგია.

— რას დავეძებ, — გაფანტულად მიუგო ბართლომემ.

— ბიჭო, კარტი. შე ყურუშმსალო! ივაკია, არ გესმის, კარტი — დაუყვარა გოგიამ მოსამსახურე ბიჭს და სათამაშო მაგიდას მიუჭდა. ბართლომემაც აიღო ერთი სავარძელი.

— ნელა, — შენიშნა მკედელმა. — ნალბახტში, სავარძელზე ჯდომას გადაეჩვეოდი და არ წაიქცე.

— შენ ჯერ ნახშირი ცხვირ-პირიდან მოიწმინდე, — მიუგო ბართლომემ, — შენისთანა გაზინგულ ყაზახს იქაც ვკობდი! — ხუმრობით და მშვიდად დაუმატა ბართლომემ. — ჰე და ჩემმა ღმერთმა, ის სალდათებიც ისეთი პატივით მეპყრობოდნენ, რომ...

— რა თქვენი საკადრისია, უეჭველია, ბატონო, — იოხუნჯა მკედელმა, — შესვლისთანავე ბოქვას გარეთ შენ გაგაზიდვინებდნენ, რა სათქმელია. განა აზნაურს იქ არ იცნობენ?

— ხა, ხა, ხა, — გადაიხარხარა ყველამ ერთბაშად.

რამდენიმე საათი დარჩა ბართლომე საყავეში. ბანქოც ბევრი ითამაშა და ნარდიც. თუ ბანქოს თამაშში რვა აბაზი წააგო, სამავიეროდ ნარდში თორმეტი აბაზი მოიგო, და ამნაირად მოგებული, შინ დაბრუნდა.

მაგრამ იაგორა ყველა გამვლელ-გამომვლელის წიხლით სათელი როდი იყო, როგორც ქარტოჟნიკებს ეგონათ. ეგონათ კი არა, ისინი კარგად იცნობდნენ მას, და ამიტომ მხოლოდ ჯავრის ამოსაყრელად შორიდან დაცინვა-მუქართა და გინებით ენას იფხანდნენ. იაგორა იმიტომ სძულდათ, განსაკუთრებით უსაქმურებს, რომ მისი გაცურება და მოტყუება ძნელი იყო.

იაგორა მარტო პერანგის ამარა დარჩა ობლად. ბევრი წვალეზა და ვაეზა გამოიარა, მაგრამ თავისი შრომით და მეცადინეობით ბევრი ვაი-ვაგლახის შემდეგ იმ ზომამდე მიალწია, რომ რამდენიმე ათასი მანეთის: ფულის თუ შენობა-საქონლის პატრონი გახდა.

ცხოვრებამ, წრემ და, საზოგადოდ, კაცობრიობის „მეს“ სიყვარულმა იაგორასაც თავისი ბეჭედი დაასვა, და თანამედროვე კაცად გაზარდა. ზურგს სადაიროდ არავის უშვერდა და ბევრსაც ამიტომ სძულდა. თვითონ კი გამოტეხილად არავის ჩაეჩინებოდა, მაგრამ ქვეშ-ქვეშ არა თუ დაირას დაუკრავდა სხვის ზურგზე, საქალამნე ტყავსაც ააცლიდა. თხუთმეტი წლის ყოვლად უსინდისო და უპატიოსნო მიკიტნის შეგირდობამ თასპასავით გამომართა და გამოჩარხა.

ბასილ მძებრამე ძლიერ კარგად იცნობდა იაგორას და კიდევაც მისი მოსაზრება ბართლომეს საქმეზე სიტყვა-სიტყვით ახდა.

იაგორამ მოწმეები დაამზადა. ბოქაულს როგორიც თვითონ უნდოდა, ისეთი ოქმი შეადგენინა და ბართლომეს მოსამართლესთან უჩივლა.

ნაახალწლევს ბართლომეს უწყება ჩააბარეს: „ოთხ თებერვალს, 18... წელსა, ზუგდიდის მომრიგებელი სისხლის სამართლის განყოფილებისა მოგიწვევთ თქვენ, რათა გამოცხადდეთ მასთან კაძერაში დილის საათებში, ვითარცა მოპასუხე იაგორა მუშტკუჟაძის გალახვის თაობაზედ“ — ეწერა უწყებაში.

ბართლომემ ერთი უხეიროდ დახედა უწყებას, ქალაღი ზელით დაკმუქნა და ზიზლით ახალხის ჯიბეში ჩაიგდო. ცოტა ნასვამიც ქე იყო, ბევრი ყურადღებაც არ მიუქცევია. როცა გამოფხიზლდა, დაკმუქნილი ქალაღი ისევ ამოიღო და გულდადებით წაიკითხა, მაშინ კი ფიქრს მიეცა.

— ჰა, მაგ ღორის შვილი, — ამბობდა ბართლომე. — მაგისთანა კაცი არ მოპკლა, არ აკეპო?! ერთი-ორი გავარტყი მაგ ძაღლის გაგდებულის შვილს და ორი დღე ტილებით სავსე სახლში გამატარებინეს, ის არ მეყოფოდა? და ახლა კი გამომდგარა და კიდევ მიჩივის... აჰა, დედასა, სადა ხარ, დროებავ!.. სადა ხარ, როსთომო მძებრაძევე, რომ შენს ბართლომეს ვილაც იაგორა ნაობახთში აჯღენს.

მაგრამ ამნაირი მუქარა-გინებით რა გამოვიდოდა! ამ უწყებამ ერთობ შეაწუხა ირაკლი და პავლე, — ბართლომეს ძმები. მათ, როგორც ვფიქვით, წლის სარჩო სიმინდი არ შემოუღიოდათ და ახლა საჩივარი და მაგისთანები მათთვის ზომ ძლიერ სამძიმო იყო.

შინაური რჩევა გამართეს ბასილის თავმჯდომარეობით და გადაწყვიტეს: ჯერ მომრიგებელ მოსამართლის კანცელარიაში შეეტყოთ რამდენად საშიში იყო საქმის მდგომარეობა და მერე მის მიხედვით ემოქმედათ.

ბართლომეს ბასილიც წაყვა, ან უკეთ ვთქვათ, ბასილს ბართლომე წაყვა, რადგან ბასილი უფრო ჩქარა მოსძებნიდა და შეიტყობდა კანცელარიაში საქმის ვითარებას, ვინემ ბართლომე. კანცელარიაში საქმე მოიკითხეს და უფრო შეწუხდნენ. ისინი შეაწუხა ბოქაულისაგან შედგენილმა ოქმმა. სექტემბრის 27 ს, 18... წელსა ზუგდიდში მოვაკრეს, მიკიტანს იაგორა მუშტკუჟაძეს, დუქნის ნახარჯის მოთხოვნისათვის მიჯხტა ს. ჰყონონას მცხოვრები აზნაური ბართლომე ზურაბის ძე მძებრაძე და ხანჭლით რამდენიმე ალაგას დაკრა. შეიძლება სულაც მოეკლა, მეზობლები და პოლიცია რომ არ მიშველებოდა. ბართლომე მძებრაძე, რამდენად ვიცით, ბანქოს თამაშობის მეტს არაფერს აკეთებს, თუკი რიგიანი ზომები არ იქნა მიღებული და მაგისთანა უსაქმო და

ზათაბალის მოყვარული კაცები ასეთი მძიმე დანაშაულობისათვის სასტიკად არ იქნენ დასჯილნი, მაშინ მაგნაირი ჭურის კაცები სულ აღვირს წაიხსნიან, სულ წათამამდებიან, მშვიდობიან მოქალაქეთ უფრო ხშირ-ხშირად დაუწყებენ ჩხუბსა და აწიოკებას, და მერე მათი ალაგმვა პოლიციას ძლიერ გაუჭირდება“, — ამიტომო, დასძენდა ბოქაული, — „გთხოვთ, შესაბამისი კანონის მუხლის ძალა უკლისად მიუსაჯოთ“.

ბასილმა და ბართლომემ ვეჭილებიც ნახეს. მაზრის საჯკეთესო ვეჭილებმა საქმის დაცვა თთხ თუწნად დაათასეს უპირობოდ, ე. ი. სრულიად განთავისუფლების პირობას არ იძლეოდნენ. ძლიერ დაინტერესებულნი და გულმოსულნი არიან ამ ამბით მოქალაქე-ნიო, უთხრეს ბასილს ზუგდიდში. თუ მჩატედ მოეპყრა სამართალი, არა თუ აპელაციას გადაატანინებენ სადაც ჭერ არს, ლუბერნატორ-თანაც ცალკე აპირებენ საჩივარსო. თუ მასეთ გამგელ-გამომე-ლელმა ჩვენი ფულის გულისთვის ხანჯლებით გჩხეს, ჩვენ, ეტყო-ბა, არ დაგვედგომილება და რამე მოგვიხერხეთო. დაღონებული დაბრუნდნენ შინ აზნაურები. ბასილი თავისი გვარის დიდი პატივის-მცემელი და ქომაგი იყო. ამიტომ ბართლომეს სულელური მოქ-ცევა და მოსალოდნელი შედეგი ერთობ აწუხებდა.

— რას გეტყვი, ჩემო ძმაო, იცი? — უთხრა ბასილმა, როცა ზუგდიდიდან დაბრუნებულებმა თავიანთ სახლისკენ წასვლა დააპირეს. — ეცადე, სადმე ფულები იმოვნო. მე კიდეც დროს არ დაგამადლი, ან შეიძლება რამე გავაწყო მაგ იაგორასთან. სულამდი თუ მივიდა საქმე, იცოდე, წააგებ. ბევრი გაწყენინე და კიდეც ვითხრა, გეწყინება: უფრო შენი ბრალი კია, იმ კაცს იმდენი ბრალი არა აქვს; მიუგდებდი შვიდ შაურს და მორჩა, ამაზე როგორ აეტეხ-დი აყალმაყალს. შენ ვინ მოგცა, ჩემო ძმაო, ქვეყანა გადასაჩხეზავად. ახლა, ძმაო, არ დაიჭრე, რუსის კალონია. ეცადე, ეცადე როგორ-მე, ხომ იცი, ცოლ-შვილს გეფიცები, ახლა ხელში ერთი კაპეიკი არ მოჰქიქევა, თორემ როგორ დაგიჭერ, თუ რამე მქონდა, შენც ხედავ-დი, გოგოს სწავლის ქირას მივეცი.

— მაინც რამდენი მეყოფა, ბიძი? — ჰკითხა ბართლომემ.

— უკანასკნელი სამი თუმანია საქირო. მე კარგად ვიცნობ ია-გორას! მაშინვე ჩემთვის დაგეჭერებინა, საქმეს ხუთ მანეთად მოვაგვარებდი. ახლა კი, არა მგონი, ნაკლებ რამე გავაწყო.

— რა ამბავი, ძუკუს მამა, როგორ ყოფილა საქმე? — მიეგება ბასილს მარიკა.

— როგორ იქნებოდა. თუ შენ გახსოვს, მე მაშინათვე ვთქვი-
როგორ წავიდოდა საქმე. კაცი სუდში დაგბერდი და საქმე როგორ
წავა, არ ვიცოდე? ისეთი გლაზა გლაზღრს იქმს და შენ კი სირცხვი-
ლით უნდა დაიწვა, მძებრამქს ნაკაზანია გადაუწყვიტესო, გალან-
ძღეს, გააბახესო, იტყვიან, თორემ ბართლომეა არამზადა, აჰას ვინ
იტყვის. სირცხვილით სუდის სადგომში ვერ შევსულვარ... ვაჟ-
კატურად რამე ექმნა, მესმის, და იმან კი შვილი შაურის ნისიისა-
თვის. აბა, თვალი სად გავალო, ქე მაინც ქვეყანა არ მიცნობდეს:
ერი და ბერი... ჰაიტ, ანასინი მაგის საქმეს!

— მაინც, მაინც, შე კაცო, — ჩააცივდა მარკია.

— რა მაინც გინდა, დედაკაცო, პირისთავს ისეთი პორტოკოლი
შეუდგენია, რომ თუ გინდა კნიაზ მენგრელსკის გადაასახლებს. რას
იზამს ყაზახი ამისთანა შემთხვევაში. ქე მაინც რამე შეძლება ჰქონ-
დეთ ოჯახდაქცეულებს! მამა-პაპისაგან თუ რამე ჰქონდათ, შთან-
თქეს... აი, აი, რა მამული, რა ქალები, რა სავენახეები?! — თავი
გააქნია ბასილმა. — ახლა კი რისამე საშოვნელად ხელს არცერთი
არ ანძრეეს. პირიქით, ჩხუბსა და დავიდაარაბას მართავენ. ღმერთმა
სიკეთე უყოს, მაგრამ რა ვიცი! თოი, დიდება შენდა, — ჩაილაპარაკა.
მან და-მერე ხმას აუწია: — იაგორა მიკიტანი კოჩას შვილი ეგონა.
რომ ხანჯალს უქნევდა? ის კი არა. ის კაცი სააბუხანდე ღვედივით
გამოზღელილია. მე ვიცოდი, ბატონო! აი, ახლავე რიგი-მეთქი, მარა-
ვინ დაგიწესა.

• • •

ნიკოია თოხიტარია დილით კერასთან იჯდა და ცეცხლთან
თბებოდა და თან ჩიბუხს შეექცეოდა.

— უს! — მოისმა ხმელი ხველა და ფაცხის კართან გაჩნდა.
მისივე მეზობელი კოჩა ბარია.

— კოჩა, მობრძანდი, — მოიპატიჟა ნიკოიამ. — ადე, ბიჭო-
პეტრე!

პეტრე ადგა და კოჩას მიეგება:

— მობრძანდი, კოჩა, მობრძანდი.

— კი, ბატონო, კი, შენი ჰირიმე! — ღმერთო, კარგი შემოიყვანე
ამ ოჯახში! — შემოილაპარაკა კოჩამ და თავი ცოტა ძირს დასწია,
რადგან კარიბჭე მისთვის დაბალი იყო. — დილა მშვიდობა, დილა
სიხარული!

— ღმერთმა გაცოცხლოს, — მიუგო ნიკოიამ, ზეზე წამოდგა ჯა პეტრე რომ იჯდა, იმ კველაზე მოიპატიუა.

— პეტრე, ერთი-შეშა შემოიტანე, რაც გინდა იყოს, იანვარი! — გასძახა მამამ.

— არა, გენაცვალე, საჭირო არაა, ნუ გაწყინდებით, — მიუგო კოჩამ და თან დილის სიცივისაგან გაყინულ ხელს ცეცხლზე ითბობდა.

პეტრემ შეშა მიუმატა და მინელებული ცეცხლი ისევ აგუგუნდა.

— საკვირველი დარი არაა? დეილოცა მისი სახელი, — თქვა კოჩამ.

— აბა, შე კაცო, ნამდვილი აპრილია, — მიუგო ნიკოიამ. — იანვარი ღმერთმა იანვრად გააჩინა. არ გახსოვს, ჩვენს ბიჭობაში, რა თოვლი იცოდა, კოჩა, და მერე რა მშვენიერი ზაფხული მოყვებოდა!

— კიდევაც იმიტომ იყო, ბაბამე, მაშინ დოვლათიანი დროება. ღვინო ბლომად ქურჩანობდა, ყველი და ხორცი ოხრად ეყარა.

— ახლა სადღაა ისე, — გააწყვეტინა ნიკოიამ. — აგერ თითქმის ორი კაცი ხუთიოდე თხას დავსდევთ და ერთი მუჭა რძე არ მოაქვს. ან საიდან მოიტანოს, შენი ჭირიმე, საქმელი სადღა აქვს. ხომ გახსოვს, როგორი იყო ბიჭური და ახლა რა არის?

— ჰ! შე კაცო, როგორ არ მახსოვს? აქ რომ ფშალოს მოსწევდი, ოხვამე-კარზედ ინძრეოდა, ისე გადმობურული იყო ერთ-მანეთს სურო, ფშალო და ძიტრა. ახლა კი რცხილაც არა აქვს პირუტყვის საკნატუნებელი.

— ჩალაზე როგორ ხარ, კოჩა? — ჰკითხა ნიკოიამ.

— მაქვს ცოტ-ცოტა. დღისით დარი კარგია და საქონელს გარეთ ვუშობ, შოულობენ ცოტა რასმე თავის შესაქცევარს. ის, ნათლიას მოცემული აფანი ჯაქელა, რაცხა ბალაგარი, დამიღარიბდა და იმას ჯერ გარეთ არ ვუშვებ; თებერვალმა რაც გინდა ქნას, მეყოფა, მგონია, ჩალა. ერთი შენი თუთუნი, — დასძინა კოჩამ და ქამრიდან ყალიონი ამოიღო.

ნიკოიამ თავისი გამქვართლული, სამი წლის გაურეცხავი მატყლის ქისა მიაწოდა.

— დამელია, კოჩა, თუთუნი, ეს უკანასკნელია. ვაი, ჩემი ცოდვა. ახლა უნდა ვიყიდო და ამდენ ყიდვას რა აუფა. შარშან ერთი კვირა ავადმყოფობამ დამლუპა, თორემ მეორე იმდენი დამერგო, მთელ წელიწადს მეყოფოდა, — შესჩივლა ნიკოიამ.

— შენ ახლა არ მკითხავ, ნიკოია, რაზე მოვედი, — დაიწყო კოჩამ, როცა თვითონაც ყალიონს მოუყიდა და ქისა ისევ ნიკოიას დაუბრუნდა.

— თქვი, შენი ქირიმე.

— თავათ ღმერთმა და მერე წმიდა გიორგმა, მიქამგარიო თა-არანგელოზმა ამოაგდოს ყოველი ბანძლის და ჩხუბის ამტენი, ყოველი ხათბალის მოყვარე კაცი. რაც ჭკუაში შევედი, მას აქეთ ყოველთვის მძულდა, ან როგორ შევიყვარებ თავის დღეში, ან როგორ გავერევი მაგნაირი კაცების საქმეში. ეს შენც კარგად იცა, ჩემო ნიკოია. ა, შენ ხარ ჩემი ბატონი, მარა, რო გაგიჩნდება ქირი და აღარ მოგცემს საშველს, რას იზამ! იმის გაზრდას, საწყალ დედაჩემს გოჭი გაეზარდა არა სჯობდა? ერთ დღეს ურა კამპანიას გვაძახებდა ყველას, მაგრამ რას იზამ, რაც არის, არის! ძუძუმკერდობა ჩვენი გაჩენილი არ არის... იმ კისერმოსატეხ ბართლომეზე გეუბნები. ჩვენს ოჯახში თუ რამე მოიძებნებოდა, შექამა და ეს არის. ცოლ-შვილს გეფიცები, ნიკოია თოხიტარია, მარტო მე, ძმების გარდა, ჩემი საკუთარი ფული ერთდროებით, ექვსი თუმანი მივეცი, წვრილ-წვრილს ვინ იანგარიშებს. საქონლის მოსატანად მივდივარო, (მაშინ ღუქანში იყო), ამას ვიზამ, იმას ვიზამო, მეტი არ გავიხარე მისთვის, ან რაღა საქონელს მოიტანდა, ან რას ივაჭრებდა, თანაფია წამხთარაძის კახა ცოლს რომ უკან მისდევდა. ყველაფერი იმას შეაღია და დარჩა შიშველი კაცი. მერე რა კაცი დალუპა? ახლა იყო და იყო! ქე მაინც სხვას არ აწუხებდა. იშოვნოდა რასმე, ან ერთ აბაზს, ან ერთ მანეთს, შექამდა, არ იშოვნოდა, ქე იყო ისე... ხან აქ, ხან იქ ბანქოს თაშაშობით თავს გვარიანად ქე იქცევდა.

მაგრამ ეშმაკმა მაინც რომ არ მოასვენა და ვილაცა მიკიტანს წაჩხუბებია და კინალამ მოუკლავს ხანჯლით. უჩივლია იმ კაცს, და ამბობენ, ძლიერ მაგრა მიდის საქმეო. მე რომ შევიტყვე, ყურში თითები გავიყარე. თვითონ კი რა შუბლით მოვიდოდა ჩემთან, ატა, ტა, ტა, ტა! მაგრამ მოსულა მოხუცებულ ქალთან, საშველი არ მიუცია. გულსა წვავს ცეცხლმოკიდებულს, სამ წელიწადს ძუძუმკერდს ეგირდონებოდა. შინ რომ მოვედი, შემიჩნდა, საშველი აღარ მომცა! დედაა, კაცო, რა ვუყო, მშობელი დედაა, დღესა თუ ხვალ მოკვდება და სამარის პირად მდგარი როგორ გავაცუდო. ბართლომე ოხერია, მაგრამ მეც, ოჯახდაქცეული, გულსა მწვავს, ჩვენი ნაშრომ-ნადაგი, ჩვენი გაზრდილ-გამოკვებილი. ქენი, ნიკოია, ღმერთობა, — სვენებით წარმოთქვა კოჩამ, — ქენი ხელმწიფო-

ბა, ქენი კაცობა, გაქვს, ქე ვიცი, და ერთი სამი ლუმანი მიათხოვე ორი-სამი თვის ვადით. ბასილი ცდილობს როგორმე იმ ოჯახდაქცეულ მიკიტანთან მოარიგოს, და საქმე მოასპობინოს. თვითონ ხომ იცი ბასილის საქმე, რა ხელმოჭერილი კაცია. იმიტომაცაა აქვს, ბაბა! ესეც არ იყოს, მეტი არ არის ის კაციც. ფული ბასილი, სიმინდი ბასილი, ცხენი ბასილი. მძებრადეების პოდრაჩიკი ხომ არ არის!

— მე, ჩემო კოჩა, — მიუგო ნიკოიამ და თანაც ჩაახველა, — შენ კარგად იცი, რა განაჭირი და ნაობლარი კაცი ვარ. სიკოია და გიტინია თუ პერტეიას ძმები და სიმონიკას შვილები იყვნენ, მე, ნიკოია, პერტეიას შვილი არ ვიყავი, სიმონიკას შვილიშვილი? იმათ წისქვილის სათავე თუ ეკუთვნოდა, მე ვითომ უჭერო შვილი ვიყავი? ქვეყნის დამამაგრებელმა მოჰკითხოს მაგათ! კაი ადგილას ქე მაქვს ჩაბარებული და მისი კაი თავი ხელს ისე როგორ ამალბებს, რომ ერთი რიგინად არ დააძახებინოს ჩემი სახელი. ბართლომე და ირაკლი არ ყოფილიყვენ, შეიძლებოდა ჩემი სახელიც ეცნოთ მონაწილედ, მაგრამ იმათი რჩევით და ზურგს მიფარებით გამაგრდნენ სიკოია და გატინია, და მე უხმოდ დამტოვეს. მე ერთი ძროხასავით ყაზახი ვიყავი, საქმეს ვერ მივაგნებდი, მეშინოდა, წვრილი ჩვილ-ჩვილი ბაღნებით სახლი სავსე მქონდა, თორემ ნაჩალიკისთვის მაშინათვე რომ მეთქვა, თურმე შენ სიკოიას ზურგს აუჭრელებდნენ და მეც წილს მომცემდნენ. მაგრამ ცოდნა და გამოცდილება სად იყო? შენ შეიძლება გეწყინოს და შენმა ირაკლიმ და ბართლომემ მიყო ეს. მათი უფროსი ძმა როსთომი კი რათ გამახსენდება! მაშინ ხომ არც სახლი მედგა, სასიმინდეს ქვეშ ვცვოდვილობდი. ჩემი ერთადერთი მოზვერა მოაპარვინა და მაგას რომ კისერზე დანა წაუსვა, როგორ იმან „ბეე...ო“ დაიძახა მაშინ, ისეთი „ბე“ დააძახინე, ღმერთო! მაგრამ რას ვამბობ?! ღმერთო, ძრიელო, ხენწიფე ღიდებულის კურთხეულო კალწონო! როსთომი ხომ ჩააძალღეს, იმის კვალს მიაყოლე ყველა ჩემი დამჩაგვრელები. — აღელვებით თქვა ეს ნიკოიამ და ორივე ხელი ზევით აღაპყრო, კისერი გადიგრიხა და თვალები დააბრიალა, — შენ რომ არ იყო, კოჩა, და სხვა ვინმე რომ იყოს, ამ საწყალ ჩემ შვილებს გეფიცები, კიჟინ-კიჟინით გამოვედევნები.

კოჩა თან დარცხვენილი, თან ცოტა გულმოსული, და თანაც თანაგრძნობით შეჰყურებდა ნიკოიას.

— მეც ვიცოდი, რომ არ გამაგდებდი და იმიტომ გავბედე მოსვლა, — რაც შეიძლება დამშვიდებულად და თითქმის ხუმრობის

კილოთი მიუგო კოჩამ, — ერთი მუცლიდან, ღორის გარდა, კაცი ძნელად გამოვა, შე კაცი, რა! პატარობიდან ერთად ვართ შეზრდილი, თუ ერთმანეთის გაჭირვება-დაღსინება არ ვიგუეთ, სხვა აბა ვინ მოგხედავს, ღღეს შენ გაქვს, ხვალ...

— შენ მტერს მეტი არ მიეცა, მე რამე მაქვს, — გააწყვეტინა ნიკოიამ, — ტყუილი გითხრა — ტყუილი იქნება. ერთი ბალანა ქე ცოდვილობს იმ სიშორეზე, სხვის ოჯახში, აგერ ერთი წელიწადი ჩქარა იქნება. განა თითონ არ იცი? სხვისი მოჯამაგრობა რა ძნელია. ბატონყმობა რა არის მოჯამაგრობასთან. ბატონყმობის ღროს, არ გახსოვს, დადიანის ოჩეზე რა ამბავი გვექონდა? შევიკრიბებოდით ასი კაცი, იყო ერთი სიმღერა, ჭიდაობა და დაემარგლავდით ძალიან დიდი ხუთ ქვევა მიწას, მერე ისიც როგორი დამარგლული იყო: სანახევროდ ისევ ფარფაშობდა ღვარძლიანი ბალახი. საჭმელს კიდე გვაძლევდნენ, დიდობა შენდა! სულ არ იყო მაშინ ჭკუა თუ ახლანდელი მოჯამაგირე კი, ბაბა, წკირზეა ჩამოცმული ორი კაპეიკისათვის, ტყვეა ნამდვილი, ჭამს, არ იცი და სვამს, არ იცი. დავე ნახევარ ღროს დასაძინებლად არ ეცლებს. „აბა, შე მამაძაღლო, წისქვილი; აბა, შე ძაღლის შვილო, ცხენი; აბა, შე ყურუმსაღლო, სადილი; კიდე როგორ მიიზღაზნება“, — დაუჭყვიელებს ალა. იმას კი არ იკითხავს, რომ ისიც კაცია. შეიძლება კაი გუნებაზე არ არის, ან ვინიცობაა, რამე ტყივა. შეილის ნამოჯამაგირი, ცხრაფრად ჭინჭში გახვეული ორი თუმანი ქე მაქვს, რათ დაგიმალო, მაგრამ არ იკითხავ ჩემ გაჭირებასაც? როდის იყო, მე რომ ფულებს ვასესხებდი! გუშინ ფოსტა გადავიხადე და ღღეს ხელახლა გადასახდელია. აწი მებატონე, აწი პაპა, აწი ტერ-მოყვარე. ის ორი გროში ჩემი როდია, ბაბა, ახლა ძველი დროება როდია, კოჩა! ოცდახუთი სული რომ ვჯდებოდით ტაბაკთან. ყველაფერი საერთო მიგვაჩნდა. ახლა, ბაბა, წვერი ამოუვა კაცს თუ არა, მაშინათვე თავის გემოზე ცალკე ცხოვრებას ნდომობს.

— როგორმე, როგორმე, ნიკოია. ნუ გამაცუდებ, ეს შვილები ნუ მოგიკვდება, შენი მიცვალებულის სული... ნუ წაგიწყდება. ძალიან, ძალიან დიდი, დიდი, სამი-ოთხი თვე გავაჩერო შენი ფული, როგორც შენი თავი შინდა, ისე მოგართმევ.

— შენთვის, შენი გაჭირვებისათვის რომ გინდოდეს, კიდე გავებდავ და იპისთანა კაცისთვის, რომელმაც პირიდან ლუკმა მომტაცა, მამაპაპეული სარჩო-საბადებელიდან ხელი გამაბანია...

— ჩემთვის რომ მოგეცეს, სწორედ იმისთანა მადლობელი

ვიქნები, შე კაცო. ვისთვის მინდა, იმას რას დაეძებ. ხომ ვითხარი, მე რომ იმას ვუმაღლი, ღმერთმა ისე დაუმაღლოს, მაგრამ რა ვქნა. კაცს ქუდი სირცხვილისთვის ხურავს. ჩემი გაზრდილია ის ოჯახ-დაქცეული. თუ გინდა ხელწერილს ჩემ სახელზე მოგცემ...

— რა! — გაიკვირვა ნიკოიამ. — ვთქვათ სასესხი ფული რომ მქონდეს, ბართლომეს თამასუქს ავიღებ? ბართლომეს სამ წაურს არ ვენდობი, ხუთი თამასუქი რომ მომცეს.

— ერთს გეტყვი, ნიკოია, გამიგონე. მართალია, გერწმუნები, ძნელი სანდოა, მაგრამ, ვთქვათ, ირმის მონახეთქში, ისე სამკუთხად რომ ძვეს წისქვილის გაღმა, გაბრიოს ყანის გვერდით, ერთი ქცევა მიწა, ის თუ დაგიგირავა, მგონია, მაშინ კი ენდობი. მერწმუნე, იმ მიწაში ორ-სამ თუმანს, იცოდე, ყველა ენდობა.

ირმის ნახეთქის გაგონებაზე ნიკოიას და პეტრესაც სიხარულის ელფერმა გადაურბინა. ირმის მონახეთქი ერქვა ქალას წისქვილის გაღმა, ამ ქალის მსგავსი მთელ ჭყონონაში არ მოიძებნებოდა. იქ ირაკლისა და მის ძმებსაც შერჩენოდათ ორი იყო თუ სამი ქცევა მიწა, რომელიც ასე თუ ისე მათ არჩენდა. ნიკოია თავის დღეში არ მოიფიქრებდა, რომ ირმის მონახეთქს პატრონი, რაც გინდა გაჭირ-ვება დადგომოდა, დასაგირავებლად შეეღეოდა.

— თუ გინდა ვთქვათ ასე, დაუგირავებია, — მიუგო ნიკოიამ და შეეცადა თავი ისე მოეჩვენებინა, ვითომ ამ ამბავს მაინცდამაინც უთაბეჭდილება არ მოუხდენიაო, — ვთქვათ ბართლომეს დაუგირავე-ბია, მარა ბართლომემ რომ დღეს დაგიწეროს, ხვალ მოვა ირაკლი და გადაგადღებს, მათ ხომ მამული გაყოფილი არა აქვთ. ზეგ პავლე დაგიწყებს კირტკაობას და მიწას კი არა, ჯოჯოხეთს მოგანატრებენ. ახლა, ხომ იცი, ჩემო კოჩა, ქვეყანა რანაირია!

— შენ ოღონდ ამ საქმეში დამეხმარე, ნუ ჩამარჩენ, სირცხვილს ნუ მაჭმევ და სამივეს მოვაწერიებ ხელს.

— არა, მე ისე ვამბობ, თორემ ის ორი გროში რომ მაქვს. შეიძლება ხვალვე გზა გამოუჩნდეს. საწყალი კაცის საქმე ხომ იცი!

— შენი ჭირიმე, ნიკოია, როგორიც გინდა, ისეთ პირობას და-გიწერიებ.

— წიე, როგორ მეტყვი? — დაეკითხა ნიკოია პეტრეს.

— შენ არ იცი? მე რასა მკითხავ. მიწა თუ მოგცა რიგიანად, შეიცი, რას დავეძებ, ოღონდ კი ხელწერილში არ მოგატყუონ, — მიუ-გო პეტრემ.

ფარნას ჯერ თხები არ გადაერეკა, სულგანაბული ყურს უგდებ-და მათ ლაპარაკს. სიტყვა „ხელწერილთან“ ტასიას სიტყვები

გაახსენდა: დრიმინტიამ ბევრი ეხვეწა... და ბაბას ხელწერილი მისცაო. აგერ ჩემ ბაბასაც პირდებიან ხელწერილის მიცემას, მაშ, ჩემი ბაბაც კაი კაცი ყოფილაო, — გაუელვა ბავშვს თავში.

• • •

— რა ქენი? — ეუბნებოდა ბასილი ახალშემოსულ ბართლომეს.

— რას ვიზამდი, ბიძი. მე, ხომ იცი, როგორც მგელს კაცი კრავს არ ენდობა, ერთ შაურს არავინ მენდობა. ჩემი ძიძიშვილი, საბრალო კოჩა, ვატარე, მთელი სოფელი დაიარა, მაგრამ თითქო პირობა შეკარო, ვისთან არ იყო, სად არ იყო, მაგრამ ჩემ ბედზეა, თუ რაცხა უბედურობაა, ვერსად ვერაფერს გახდა. ერთს ადგილს წავაწყდით, როგორც არის, ორ თუმანს, მაგრამ რათ გინდა, ერთი ქცევა ირმის ნახეთქი უნდა დაუფერიავო. დანარჩენი ერთი თუმანი, ბიძი, გინდ მომკალი, გინდ მაცოცხლე, შენ იცი...

* * *

— შენს გარდა სხვა ვინმე იყოს, ვიცი, რას ვუზამ, — ეუბნებოდა იაგორა მიკიტანი თავის ლუქნის უკანა ოთახში ბასილ მძებრადეს. — ახლა ამაზე პირისთავიც გამიჯავრდება, ყველა მეზობელი დამემდურება. მეორეჯერ რომ შემემთხვეს ჰაგისთანა, პირისთავი კი არა, დესეტნიკიც ახლო არ მომეკარება. განა ენით გამოითქმება, იმან მე რომ მიყო? აბა, შენი ძვირფასი ცოლ-შვილი ნუ მოგიკვდება, ერთი, ამას დახედე! — მოარბენინა იაგორამ თავისი ჩოხა ახალუხი, — აი, ერთი დახედე, სადაა დაჭრილი ხანჯლით, აი, მეორე, აი, მესამე. მე თვითონ მიკვირს, როგორ გადავრჩიასეთ საქმეს რომ გიზამს, იმისთანა კაცი უნდა შეიბრალო?! შენით თქვი, საცა დღეს ეკლესია გააღონ, იმის მადლი თუ გწამს.

— სათქმელი არაა, იაგორ, მაგრამ კიდევ გელაპარაკო, რა საქირაა. უიმისოდაც ბევრი ვიყუბდეთ. აი, ეს სამი თუმანი ჩაიდევნი და საქმე მოსპე. ჩვენ ვლირვართ ამდენად, დამერწმუნე. ქვეყანა წახდა, დაიქცა, თორემ ოდიშში ერთი ვინმე... ერთი გვარი თუ იყო ვინმე, ჩვენც ვიყავით.

— ოცდაათ მანეთად კი არა, ოცდაათი სახარება გაუწყრეს. ვინც ოცდაათ თუმნად დათმოს, მაგრამ შენი ხათრისთვის მიპატიებია.

ერთი საათის შემდეგ კმაყოფილი ბასილი ამაყად იჯდა ცხენზე და ჰყონონასაკენ მითოხარიკობდა.

„დილობა შენთვის, ღმერთო, მამაჩემი ყველა მძებრადეზე

გლახა იყო. ცულლუტურსა და ქურდობა-დაწიოკების მეტ ვერაფერში გამოდგებოდა და დღეს კი ღმერთმა ისე მოაბრუნა დროება, რომ მისი შვილი ყველა მძებრადეებს ვჯობივარ. ზურაბის შვილს და როსთომის ძმას კაცი შალრს არ ენდობა და მე... ჩემი ხათრისთვის იმ კაცმა სისხლის სამართლის საქმე გააუქმა, — გაიფიქრა ეს ბასილმა და ამ სასიამოვნო გრძნობის გავლენით ერთი-ორი მათრახიც გადაუჭირა ფერდებში სრულიად უდანაშაულო საღარიას. ცხენი გავარდა ციციკ-ციციკით, კიშმიშზე შედგა და უკანა ფეხები ლამაზად გაათამაშა.

— აჰა, შე მგლის თაო! — დაუძახა ბასილმა და ადვირი მაგრა დაიჭირა.

გულნატკენი არც იავორა დარჩა. მან თუმცა იჩივლა, მაგრამ ცოტა შიშში არ იყო. ბართლომეს რომ დასჯიდნენ, ამაში ექვი არა ჰქონდა.

— მაინცდამაინც ჰკვიანურად არ გიქნია, — ეუბნებოდნენ მოკეთეები. — თუ გინდა ის კაცი დასაჯონ, მერე შენთვის რა მოგებაა, მთელი მაზრის თავადაზნაურობა გადაგემტერება. მოგეხსენება, მაგათ როგორ ერთმანეთის მიღგომა იციან. ნახევარი მათგანი ხლაფორთის მეტს არაფერს აკეთებს. საცა იქნება, ისეთ ადგილს ვადაგახტუნებენ, რომ მთელი შენი სიცოცხლე ვერ ამოხვიდე. გარდა ამისა, მოგება კიდევ მათგან რჩება, ჩემო ძმაო. ნისია იციან, მაგრამ მიცემაც იციან. ერთი ვთქვათ, ასეც მოხდება, მანეთს აგაღლეტს, სამაგიეროდ, მეორეს და მესამეს ხლთ და ათ მანეთს ააქუცებ: მაინც უზურში მოგებაში ხარ. დიდი შეცთომა და წინდაუხედაობა მოგივიდა, რომ ბართლომეს შვიდი შაურისთვის ჩხუბი აატეხინე და ხანჯალი ამოაღებინე. მას ცუდს სიტყვასაც არ ვეტყვოდი, პირიქით, შევიპატიეებდი და ერთ შაურიან ოტკასაც ზედმივყოლებდი, სამაგიეროდ, როცა ბასილი მობრძანდებოდა, გადიგაღუქრავდი ჩოთქს და ერთი-ორჯერ მაგ შვიდ შაურს იქ გავაქვითებდი და ამნაირად არც მწვადი დაიწვებოდა და არც შამფური.

ეს გონიერი მსჯელობა იავორასაც მოუვიდა ფიქრში, მაგრამ გვიანი იყო; საქმე მოსამართლეს ჰქონდა. აი ახლა, საქმეც მოსპობილია, თავადაზნაურობაც მაღლიერი და სამი თუმანიც იავოსჯიბეში. ამ საამო ფიქრის გავლენით კმაყოფილმა იავორამ რამდენჯერმე გაიარ-გამოიარა თავის დუქანში და შემდეგ დახლში შევიარდა.

„მაინც ერთი ვიანგარიშო წმინდა მოგება რამდენი დარჩება, — გაიფიქრა მან და საანგარიშე რგოლებზე ხელი დაადო. — სამო

მანეთი ხომ ფულად პირისთავს მივეცი, პორტოკოლი რომ შეაყენა.... სამი.... თითო სადილი დესეტნიკებს: გუჯუს და ტა-
 რას: ყაღრმა — აბაზი.... პური — ორი შაური... ბოთლი ღვინო —
 აბაზი. ესეც ათი შაური. არზა რომ დამიწერა ივლიანე წერალმა.
 ფულად ათი შაური მივეცი, ზაკუსკაც რომ მიირთვა, ფული არ
 მოუცია, ხელი ჩავიქნით ჯობია! საჭირო კაცია. ერთი არაყი — შაუ-
 რი, მჭადი — შაური. ჰო! გაკეთებული პაპიროსიც მივეცი კიდეც,
 ესეც ერთი შაური. სულ ხუთი შაური. მოწმეებისთვის ჯერ არაფერი
 პატივი მიცია. არც კი დამჭირებთან, მაგრამ ვინ იცის, კიდეც როდის
 დამჭირდებთან. თითო არაყსაც მაგათ დავალევიანებ: ოთხი კაცია —
 ერთი აბაზი... ესეც ოთხი მანეთი და ცხრა შაური. გამოვაკლოთ
 სამ თლმანს... დარჩება წმინდა მოგება ოცდახუთი მანეთი და სამი
 აბაზი და ერთი შაური“.

— ესეც შენს იაგოს, — მხიარულად ჩაილაპარაკა იაგორამ და
 კმაყოფილებით ულვაში წაიგრიხა.

არც ჩვენი ნიკოია და მისი შვილები იყვნენ მოწყენილი. ხელ-
 წერილზე სამივე ძმას ხელი მოუწერა და ერთი ქცევა მიწა ირმის
 ნახეთქზე დაუგირავეს. თამასუქიც ცალკე მისცეს, რასაკვირველია.

მეორე დღეს, დილაადრიან, პეტრე და ნიკოია თოხებით ხელში
 ესტუმრნენ ირმის ნახეთქს და სიმინდის ძველ ღეროებს ჩქაფაჩქუ-
 ფით ჰკრა დაუწყეს.

ბართლომეც კმაყოფილი იყო: გაბახებას და ნალბახთში ჯდო-
 მას გადაუჯრჩო. ბასილი მხიარულობდა: გავლენიანი და ჰკუ-
 საკითხი კაცი ვარო. იაგორა სიამოვნებდა: ოცდახუთი მანეთი ვიშოვ-
 ნო, და ნიკოიაც გახარებული იყო: ერთი ქცევა ირმის ნახეთქზე
 მოწეული სიმინდი სრულად ჩემი საკუთრება იქნებაო. მაშ, ვინ
 იზარალა?

XVII

დადგა ისევ იანვარი და სევერიანეც დაბრუნდა ჰყონონაში.
 დაბალი სასწავლებელი უკვე დაემთავრებინა. ამ ერთი წლის გან-
 მავლობაში სიმალღეზე კარგა მომატებოდა, საულვაშეზე ოდნავ
 შუქი ფერი გადაჰკრავდა და ნიკაპი პატარ-პატარა ქინქლებით
 გადაბუროდა.

მოსვლისთანავე სევერიანე შეუდგა თავის საყვარელ საქმეს.
 ძველი შეგირდები ისევ მოგროვდნენ, ბევრი ახლებიც მიემატნენ.
 ბასილმა ტასიაც გამოუგზავნა და კერძოდაც ჩააბარა, რომ რივიანად
 შოემზადებინა შემდეგი კლასისათვის. სხვათა შორის, რა თქმა უნ-

და, ფარნაც მოვიდა. სევერიანეს გაუკვირდა, როცა ფარნა გამოცადა. ბავშვს თითქმის ნახევარზე მეტი წიგნი ზეპირად დაესწავლა. სევერიანემ მაშინვე რუსული წერა-კითხვის სწავლება დაუწყო და იენისის დამლევს საქმე იქამდე მივიდა, რომ ფარნა თოხიტარია: ყველა დანარჩენ ბავშვს სჯობნიდა ცოდნით.

პეტრეპავლობის წინა დღეს ცოტაოდენი ძღვენი მიუტანა: ნიკოიამ და სევერიანე ინახულა. მამა ევთიმეც შინ დაუხვდა. ის იყო ბოსტნის მუშაობიდან გამოვიდა და ხელის დასაბანი წყალო მოითხოვა.

— იცი, რას გეტყვი, ბაბა ნიკოია, — უთხრა სევერიანემ, როცა ერთმანეთს ჩვეულებისამებრ ცოტა მოუქალაჩუნეს და მოუბოდიშეს. — თუ გინდა, ბაბა, ეს ბიჭი კაცი გამოვიდეს, ჩემი რჩევა გაპიგონე: ამ ზაფხულში მე, რაც შემიძლია, მოვამზადებ, და სექტემბერში უსათუოდ ზუგდიდში წაიყვანე. იქ უეჭველად მეორე განყოფილებაში დააჩენენ, ორი-სამი წელიწადი იქ თუ დარჩა, მერე თითონ გაიგნებს გზას და კაცი გამოვა.

— შენს პირს თაფლი და შაქარი! რას მეუბნები, დალოცვილის შვილო! ზუგდიდში წასაყვანი და იქაური გასაზრდელი კი არა, უკაცრაო პასუხია, პერანგი არ მაცვია ყაზახს. ჭერ დილ-დილით შენთან რომ დადის, ეს, იცი, რამდენად საზარალოა ჩემთვის? ორი-ოდე თხა რომ დალოდავს, ბატონო, იმით მიდგია სული და იმას მიმიყობოდა. ახლა დავრჩი უმწყემსოდ. ათანასემ სიკვდილი ინატრა და ისევ თხას არ გაყვა, რაკი ერთხელ გადაეჩვია. დავრჩი მე. სადილობამდი, სანამ ფარნა შენგან დაბრუნდება, მივყვები მე, და ნაშუადღევს მიეჩანჩალებ ყაზახი ყანაში, ნაშუადღევის ნამუშევარი რა იქნება? ხეავი და ბარაქა დილის მუშაობას აქვს. გათენებისთანავე რომ დაახტები ჭერ კიდევ ნამით დატვირთულ ნორჩ სიმინდს, გემო იმას აქვს! კიდევ ამიტომ არა მაქვს ჭერ სამარგლავი გათავებულნი.

— მართლა, ნიკოია, როგორი სიმინდია იმ შენს ახალ ყანაში? — დაეკითხა მამა ევთიმე.

— სუ, ბაბა, ცოტა ხანს, სიმინდი კი არა, მე ამ კაცს მინდა წავეჩხუბო, — ჩუმაღ უთხრა სევერიანემ მამას. — რას მეუბნები, ნიკოია? ქვეყანა ღმერთმა გაანათლა. გამოდი, ისწავლე, თვალი გააღე, განათლება შეიძინეო, ვითხრა და შენ იმ სიბნელიდან, რომელშიაც დროთა ვითარებისა გამო მომწყვდეულხარ, აღარ გინდა გამოზვიდე! ჭერ მარტო, რაც ახლა იცის შენმა შვილმა, რამდენად ღირს. განა შენ შეგიძლია დაათვალო იცი, რამდენად გამოსადეგი-

იქნება მისთვის ის ცოდნა? მერე როგორ ისწავლა საწყალმა, თითქმის ძალით. ახლა რომ ერთი თუმნის ზარალი ნახო მაგისი წიგნის სწავლაში, მერწმუნე, ათ თუმნის და ოც თუმნის მოგებას მოგიტანს შემდეგში. ბიჭი ბევრია კუონონაში, მეც ბევრი შეგიბრძოლი მყავს წრეულს და ასე დაჟინებით არავისთვის მირჩევია ზუგდილში წაყვანა. ეს ბიჭი სხვა ნიჭის და მოწადინების პატრონია, და თუ მისი ნიჭი შენ ასე უბრალოდ ჩაღუპე, საუკუნოდ დამნაშავე იქნები შენი სინიღისის წინაშე, იმის და ღვთის წინაშეც. მე შენთვის მი-თხოვია და მირჩევია ეს საქმე, თორემ ბოლოს დაინადვლებ, ბაბა-მეე, და მერე გვიანი იქნება. ორი წელიწადი მაინც გაატარებინე იქ და რაც დააკლდება ზაფხულობით, თუ ვიცოცხლე, როცა მოვალ, მე შევეუცხებ. კიდევ ბევრი აკლდება, მაგრამ სულ არა-რაობას მაინც ემჯობინება.

ეს სიტყვები იმდენად მტკიცედ და წრფელი გულით წარმო-თქვა სევერიანემ, რომ ნიკოიას მოუხეშავი გულიც თითქმის ცოტათი მოაღბო.

— შენი სიტყვები ოქროა, ბატონო, მაგას ვინ გაბედავს, მაგრამ რას იზამ, ალლაკი რომ არ შეგწვეს!

— სუ, სუ, ნუ მეტყვი, მოიწადინე, ბაბა, ვალიც რომ დაიღო მაგისთანა საქმეში, ზარალი არაა, სამაგიეროდ, ისევ ის სწავლა ერთი ათად გადაიხდის.

— ვნახოთ, ბატონო, ვნახოთ, შენი ჭირიმე. შენც და ეს შენი ზაბაც, ჩვენი მოძღვარი, ყოველთვის კარგს გვეუბნებით, მაგრამ ჩვენ ვართ. ბატონო, ა... ხალხი, მა რას ჰქვია ხალხი! ღმერთს, დეილოცა მისი სამართალი, ტყუილად კი არ დაურქმევია ჩვენთვის ხალხი.

— ახლა კარგი, ეყოფა, — ჩაულაპარაკა მამა ევთიმემ სევერიანეს. — ბევრ ტიტინს რომ დაუწყებ, სულ არ ვარგა. თანდათანო-ზით უნდა შეადგმევიწინო ფენი. ერთად ყველაფერს მაგის თავი ჭერ ვერ მოხარშავს. ის მითხარი, ჰო, ნიკოია ბაბა, წელან რომ გკითხე, შენს ახალ ყანაში როგორი სიმინდია? — ისევ ჰკითხა მამა ევთიმემ.

— კარგი, კარგი, ბატონო, ღმერთმა მშვიდობაში გიკითხოს, ძნელი სამუშაო კია, მოძღვარო! შარშან ტუტურუს ჰქონდა, კარ-გად ვერ დაუმუშავებია. ასეა, ა... ბატონო, ბურჩხი და დოლოკეტი მოდებულნი, — ნიკოიამ ორივე ხელის ფრჩხილები ზევით აიშვირა.

— ეს არაფერია, თუ შენ ხელში ერთი-ორი წელიწადი დარჩა,

ისე გამოაკეთებ, ხელისგულივით იქნება. მართლა, რამდენად გაქვს დაგირავებულნი.

— ორ თუმნად, მოძღვარო, ორ თუმნად. ბიჭის გამოგზავნილი ფოსტის ფული მედგა კიდობანში და ის მივეცი. მე ვინ მომცა, ბატონო ევთიმე, გასასესხი ფული, შენ მაინც ხომ იცი.

— არა, ბაბა ნიკოია, შენ ნუ კნავი. შენ არ წაგიგია! ის კი არა, კუჭი გაიმავრე! შენ არ მეცოდები, მაგრამ ის კაცები კი რით იცხოვრებენ, იმას არ იკითხავ? ისეთ განძს რომ ხელიდან იშორებენ, ნეტავ რას მოელიან, არ ვიცი?!

— ჩემს მიწყალობებდნენ, ბატონო, თორემ მისი მიწა ღმერთმა მოახმაროს. აზნაურიშვილის საკუთრებაში მე რა ხელი მაქვს.

— მეტი არ იხარა ჩემმა მტერმა! — გაგრძელებით მიუგო მამა ევთიმემ. — ვაი, იმის მეტი, იმათ რომ შენი ფულები ასე ჩქარა ჩაგიჩხრიალონ. გაკვირვებულნი ვარ, ეს კაცები რას აპირებენ, რა უძევთ გულში. დედა, ღმერთო! რა მამულის პატრონები იყვნენ და როგორ ქვესკნელში ჩაარონიეს. ის უბედური ბართლომე მაინც გვარიანი იყო, მეგონა. რალაც ვაჭრობა დაიწყო, ხაბაკობდა ერთ ღროს და ახლა ის სულ მსტვინავი გახდა. პავლე რომ ჰქვიან, იმას ჯვარი მუქთად დავწერე. რეა წელიწადია მას აქეთ. პირველ სამ წელიწადს ბოდიშს მეუბნებოდა და ახლა ისიც გადაავიწყდა. აქეთ თხოვა კი არა, რომ მქონდეს, მისთანა დაფსებულებს იქით უნდა აჩუქო.

— ჰო, პაპა, სულ ისინი შეიბრალებ, ზვენზე კი არ იტყვი შესაბრალისიაო, — ხუმრობით მიუგო ნიკოიამ. — პირში რომ უთხრა ასე, ხანჯალს მოგიქნევენ, ეს! საწყალი კიდევ ჩვენი კაცი, — თავის ქნევით გააგრძელა ნიკოიამ, — ჩვენ არავის ვებრალებით, ყველა ჩვენ ზღვრზე ნავარდობს. ცა და ქვეყანას კი ჩვენი ცხრაფრად გახეთქილი ხელი ჰკვებავს.

— როგორ არ მებრალები, ბეჩა, — თანაგრძნობით მიუგო მამა ევთიმემ. — მაგრამ შენ შესაბრალი რა გიჭირს. მუშა კაცი ხარ, ბაბა ნიკოია! ვისაც მუშაობა შეუძლია, მუშაობა იცის და სამუშაოც აქვს. თავის დღეში საცოდავი ხარ არის. ის თავს ყოველთვის დაირჩენს. მაგრამ ვაი იმ კაცს, რომელსაც სამუშაო აქვს, მაგრამ მუშაობა არ ეხერხება, როგორც შენი ირაკლი და ბართლომე.

— ღმერთი ისე ააშენებს, ის დღე მაგათ არ მოესწრებათ, რომ ეს ჩემი ბატონი იყოს.

— ნუ გეშინია, — სიცილით მიუგო მამა ევთიმემ. — მაგისტანებს გაუვიდა, ბაბა, ვადა. გაიქცა ტყეში! ახლა შრომის და ცოდ-

ნის დროებაა. ვინც ამ დროების ყაიდას არ მიყვება, სასტიკად დაისჯება, იცოდეთ, დროებამ ხათრი და შებრალება არ იცის.

— შრომა კი არ მაკლია მე საწყალს, — ამოიოხრა ნიკოიამ, — ბევრი არაფერი გამოდის, თორემ...

— შენ მტერს ღმერთი გაუწყრა, — მიუსწრო მღვდელმა, — პირში მუჭი უნდა მიიჭახუნო. როგორ არაფერი გამოდის. არა, მითხარი, შვილები ნუ მოგიკვდება, — დაინტერესებულად დაეკითხა მამა ევთიმე. — სიკოიას რომ გამოეყავი, რა გქონდა?!

— თი! — ამოიოხრა ნიკოიამ, — არაფერი.

— მერე სახლი ხომ დაიდგი?

— კი, ბატონო.

— ხარი ხომ იყიდე?

— კი.

— სასიმიინდე ხომ გააკეთე?

— კი.

— თხები ხომ გაიჩინე?

— კი.

— 'მომშილი ხომ გადაიგდე?

— კი.

— ახლა სხვისი მიწაც ხომ დაიგირავე?

— კი.

— აჰა, შე დალოცვილო, საიდან მოვიდა ეს, ხომ შრომიდან მოვიდა?

— რასაკვირველია, შრომიდან.

— თ... თ, ჩემო ბაბაია, ჯერე შენ ნახე, თუ რიგიანად იშრომე. შემდეგში რამდენი სიკეთე შეგიძინოს შრომამ. ახლა ეს მითხარი, შენ აღარაფერი გქონდა და ამდენი შეგიძენია. ირაკლის კიდევ არაფერი ჰქონდა? ა... ხომ გახსოვს, ზურაბს რა მამული დარჩა? მარტო შენ სახლიკაცს, ზაკაიას. რომ აქვს დაგირავებული. ვაჟიშვილად არ ღირს? ეხ, მე კი ვადავყევი ლაპარაკს, — ჩაილაპარაკა მამა ევთიმემ. — კოკი! — დაუძახა თავის ერთ შვილს, რომელსაც ალექსანდრე ერქვა, მაგრამ სასიყვარულოდ კოკის ეძახდა.

— ჰო, — მოისმა ბიჭის ხმა.

— სტაროსტას დაუძახე, ბაბა. დრო არის დარეკოს. ახლა დროა ჩვენ საქმეს შევეუდგეთ. ხვალ წირვას არ დააკლდეთ, ბაბა, — მიუბრუნდა ნიკოიას: — ხვალ, ბაბა, დიდი დღეა... წმიდათა და თავთა მო-

ციკულთა პეტრესი და პავლესი. მათ ქრისტიანობისათვის ბევრი იღვაწეს, ბევრი წვალება მოითმინეს.

— დეილოცა მისი სახელი, — პირჯვრას წერით თავისთვის წარმოთქვა ნიკოიამ.

— მათი ხსენების დღეს, ბაბა, სჯლით და გულით უნდა შევეხვეწოთ მათ, — გააგრძელა მღვდელმა. — რომ მათ თავიანთი შუამდგომლობით და ლოცვით ჩვენზედაც მოფინონ ღვთის მადლი. მადლი მხნეობის და მოთმინებისა, აი, მარტო ხვალინდელ სამოციქულოში რომ წერია... ეჰ! რა ჰირი და რა განსაცდელი არ გამოუვლია წმიდა მოციქულ პავლეს: ურიათაგან ორმოცდაერთ მოკლებული ცემა მივიღეო. სამგზის კვერცხითა ვიეც, ერთგზის ქვითა განვიტეინე, ორგზის ნავი დამექცა, დღე და ღამე უფსკრულსა დაეყაო... მრავალგზის ჰირნი ავაზაკთაგან, ჰირნი უდაბნოსა შინა, ჰირნი ძმათა მატყუართაგანო, სიმშლითა და წყურვილითა და რულუნებითაო.

— დაილოცა მისი სახელი! — ისევ კრძალვით და პირჯვრის წერით წარმოთქვა ნიკოიამ. — ჩვენ რა გაგვეგება, ბატონო, ყრუებს.

• • •

ივლისის გახჯრებული დღე იყო.

ნაშუადღევს, ირმის ნახეთქში, ნიკოია თოხიტარია და ორი მისი შვილი, პეტრე და ათანასე, მარტო პერანგა სიმინდს მარგლავდნენ. ცის ლაყვარღზე ერთი ბეწო ღრუბელი აღარ მოიძებნებოდა და მზე მეტად სასტიკ სხივებს ესროდა დედამიწას. დღევანდელი შოკრილი სქელი სიმინდი და ბალახბულახი სიცხისა გამო უკვე დამქცნარიყო. მუშებს ედოთ სქელი სამარგლავი, სადაც სიმინდი და ბალახი ერთმანეთს ეტოქებოდა. მაგრამ მარჯვედ მოქნეული ფოლადი ჩქათჩქუფით, ძირიანად სკრიდა მავნე ბალახს და სიმინდს საზრდელად ნიადაგს უმზადებდა. სამივე მამა-შვილს ოფლი წურწურით ჩამოსდიოდათ სახეზე, თხელი მიტკლის პერანგი მათ გაოფლიანებულ ტანს ლავაშივით მიკვროდა და სიცხისა გამო გაწითლებული ტყავი გამოჩანდა.

— მაინც რომ ეს ბედნიერი სულ შეიკუმშა დღეს, — თქვა პეტრემ. — ერთს მაინც დაიქნევდეს ნიავი, თორემ მეტი არა ვარ, სულ ალივით მომეკიდა პირისახეზე.

— მოუქნიე, ბაბა, მოუქნიე, — წაათამამა ნიკოიამ შვილი, — ეს ფრთა როგორმე გავიტანოთ და მერე ერთი რიგიანად მოვისვენოთ.

— ე... ჯიჯა, შენ ახლა მოხვედი, ჯერ ორჯერ არ მოგაქნევია

თოხი და იმიტომ ასე ადვილად ამბობ ფსუას გატანას, ჩვენ კი... — შესჩივლა ათანასემ.

— წიე, მე შენ! — დაუძახა პეტრემ, — ნუ ცუდლუტობ-მეთქი.

თოხს იქნევ კი არა, ქვეყანას აკვირვებ! შეხედე, აი, კელუცა და დუტუ რა ამბავში არიან, — თვალთ მიუთითა ორ, მოშორებით მომუშავეებზე; რაც დილით თოხი მოიქნიეს, მას აქეთ ძირს არ დაუდვიათ, სადილიც, მგონია, ზეზეურად ჭამეს. რა თავგადადებულ ხალხია, შენი კირიმე! — გაიკვირვა პეტრემ.

— შენ, ბიჭო, სულ მე მიხარკე, — ჩაილაპარაკა თავის მხრივ ნიკოიამაც. — სათამაშოდ ხომ არ ვიყავი, დღეს დიდი კოვზით მაწონს რომ შეექცეოდი, ის საიდან მოვიდა.

ათანასემ არა მიუგო რა და ჩუმაღვე მუშაობა განაგრძო.

ფართო ქალაში ბევრგან მოჩანდა თეთრი პერანგი. ზოგან თითო, ზოგან ორი, ზოგან სამი და ზოგან ხუთი-ექვსი ერთად. ნანატრი დღეები იდგა და ყველა ცდილობდა ესარგებლა.

ბუნებამაც თითქო შეიბრალა მუშებო, ნელ-ნელა აასისინა სიო. სიმინდის მწვანე ფოთლები ოდნავ შეირხა, აფორფოშდა და მუშების პერანგიც ააფრიალა.

— ო... ო... შენი გულისა! — სიხარულით წამოიძახა პეტრემ, როცა სიო გახურებულ სახეზე მოხვდა და ცივი ნიავი გადააფინა.

— კარგი, შეილებო, კარგი! — დაიძახა ნიკოიამ, როცა ფსუა გაიტანეს.

— ყალიონს თუ არ მოვუპაპუნე ერთი მოსვენებულად, თავის დღეში არ მარგია, — სამივენი იქვე თუთის ჩრდილში ჩამოსხდნენ. ნიკოიამ და პეტრემ ყალიონს მოუკიდეს და სიამოვნებით ამოუშვეს პირიდან მყრალი თამბაქოს ბოლი.

— თოხები კიდევ დასაპირავია, ოხერი, — ცოტა შეწუხებით წარმოთქვა პეტრემ. — ნახშირი კიდევ ვერ მიეუტანე მჭედელს, რამდენი ხანია ადვუთქვი და სულ ტყუილი გამომივიდა. დრო და მოცალობაც რომ არ არის! ხვალ ამოვუღებთ მგონია სულს ამ სამარგლავს. ა... ბაბა, თუ ღმერთმა გვაჩუქა, ახლავე რა სიმტკიცე ეტყობა ღეროებს, რა შქიშქილასავითაა“.

— მაინც რომ ამ უბედურს ტუტურუას ასეთი მიწა ხელში ჰქონდა და სულ ხელი რომ არ უხლია ასეთი ბალახმორეული სიმინდიც არ მინახავს!

— ნუ გეშინია, ბაბა. თქვენს თავს ღმერთი რომ მიცოცხლებდეს, მიწის მეტი რა არის. მაგრამ ბართლომემ ასე ჩქარა, არა მგონია, ვალი გადაიხადოს. რომ იშოვნოს, ვალს მაინც არ გადაიხდის.

პირიქით, ეცდება კიდევ მიუმატოს. ფული ასე ადვილად რომ ეშოვნა, ჩვენ თავს არც კი მოგვატეხდა. ნუ გეშინია! ჩვენ მაგას ვულზე გრ ვახატივართ და ისიც ჩვენ არ გვახატია, იმანაც ქე იცის... ჰარტო წრეულს რომ დაგვკრჩეს აქაური სიმინდი, — დარჩომილიცაა. გათავებულა ანგარიში, — მაშინაც ზარალში არ ვიქნებით. ეს სიმინდი ხომ სარგებელია, თავნი ფული სარგებლით უნდა მომცეს. არ მომიკვდეს იმის მეტი ჩემი თავის კარგად არ მოვუჭირე კისერში? ვეცადოთ, ვეცადოთ, შევიღებო! ღმერთმა ეს მიწა ჩემი საკუთარიმც მაჩვენოს, — ხელი დაათათუნა ფხვიერ მიწაზე ნიკოიამ. — ვეთიმე პაპასთან ამას წინეთ რომ ვიყავი, მითხრა: მეტი არ გაიხარა შენმა მტერმა, იმან რომ ფულეზი ასე ჩავიჩხრაილოსო.

— მართლა, ბაბა, პეტრეპავლობას სევერიაანეს ვხედავდი და იმ ბავშვზე რომ მეუბნება, რა ვუყოთ, არ ვიცი?

— აი, შენთვისაც უთქვამს.

— მითხრა კი არა, საშველი არ მომცა. წაიყვანეთ და წაიყვანეთო. დამიჭერეთ, სჯობია, თორემ მერე ინანებთო. ბაღანაც ისეთნაირად მოწადინებულია, რომ ცოდვას მაგის ისე დაგდება. ახლა ჩვენი სახელი და გვარი თურმე რუსულად დაუწერია და გვიჩვენა გუშინ. ჩვენ ხულას უკან მიუწერია ქორონიკონი, რომელ წელს, თვეს და დღეს დაიბადა სალომეს ვაჟი. აი ახლა რომ დაებადა. რამანოზა მესიმინდემ გაიარა ერთხელ, შეხედა და მე მკითხა: ეს ვინ დასწერაო.

— ბავშვმა მიაჭყაპნა-მეთქი.

— ბავშვი კი არა, კაცი ის ყოფილაო. ამისთანა კაი ხელი ნეტავი მე მქონდესო.

— რა ვიცი, შეიძლება მართლა კაცს დაემგვანოს და დავიხუქოთ თვალები და ვითომ წავიყვანოთ ზუგდილში? მარა, ა, წიე? გადაირიე! — თითქმის მიაყვირა ნიკოიამ, — ჩვენ კლასში სწავლას სად აუვალთ, ჩვენ კი არა, მდიდრები ვერ აუდიან. ოხერ თხებს რა ეშველებო!

— არა, ბაბა, ღმერთი მოწყალეა, მოვახერხოთ რამე, — დინჯად მიუგო პეტრემ. — სექტემბერში მაგოღენი სამუშაო რა გვექნება, რომ ორი კაცი ვერ აუვალთ, მარტო სიმინდის ალება, გაგვიჭირდება დიდი, დიდი, ერთი კვირა ან ათი დღე. მერე ზამთარია და ისაა.

— თხებს, თუ გინდათ, მე ვმწყევსავ, — გაერია საჯბარში ათანასე.

— ოჰო! — წამოიძახა პეტრემ, — ო... ო... მოგშალე თუ არა

ასე ჩქარა? მე გახლავარ პეტრე. ძნელი ყოფილა თოხნაობა, აი, ჩემო ათანასე? სიმინდის მარგვლა ფართო ღელეში კიბოიას ქერა გეგონა? ა!

ათანასე, თავდაღუნული და ცოტად დარცხვენილი, ნელ-ნელა იცინოდა. ნიკოიას, ცოტა არ იყოს, გაუხარდა, რომ ათანასემ თხეზის მწყემსობაზე დასტური განაცხადა, და ხალისიანად მიუბრუნდა პეტრეს:

— ბიჭო, იქ კლასში, ალბათ, დიდი ქირა იქნება შესატანი?

— არა, დიდი არ არისო, და მაინც სამი თუ ოთხი მანეთიო წლიურად შესატანი. ერთი მანეთის ქალაღდიც უნდაო. ბინად კი მაშიდასთან დავაყენოთ.

— შორს არ იქნება კობთაიას სახლო?

— რა შორია, ცოცხალი ბავშვია, ერთ წუთს გაირბენს.

— აბა, ახლა, ბიჭებო, კაი მაგას! — დაიძახა ნიკოიამ, როცა ყალიონი ამოსცალა, — ერთიც დავსცხოთ ჩვენებურად ამ სამზრობისას. ე... სადა ხარ, ჩემო ახალგაზრდობა? ტა, ტა, ტა, ძლივსღა ვდგები, ეგ ოხერი, შემეპარა ბალანგარი სიბერე, შემეპარა, ძალი მომაკლდა, — გაქიანურებულად წარმოთქვა ნიკოიამ და ნელ-ნელა წამოდგა. — ღმერთო, დიდება შენდა! აბა, პეტრე, ის ფალაგე კარგა აჩეხე, თორემ ისევ დაითესება ეს სავალალო ჭყორჭყორტო, — დასძინა ნიკოიამ და თოხს ხელი მოავლო.

• • •

სევერიანეს ძლიერ გაუხარდა, როცა ფარნასაგან შეიტყო ნიკოიას გადაწყვეტილება მის სკოლაში მიცემის თაობაზე. უფრო ბეჭითად მოეკიდა საქმეს და ორ თვეში კიდევ რიგიანად მოამზადა.

თანდათან მოახლოვდა სევერიანეს საშუალო სასწავლებელში წასვლის დროც. სევერიანეს გულით უხაროდა ახალ სასწავლებელში შესვლა, ქალაქის ნახვა და იქ ცხოვრება, და გულის ფანქალით მოელოდა წასვლის დღეს.

ჰამა ევთიმეს კი ამ დღის მოახლოება ათასგვარ ფიქრსა და დარდ-ვარამში აგდებდა. სევერიანეს გარდა ორი სხვა შვილიც ამ წელს სასწავლებელში უნდა მიეცა და სამი შვილის ერთად გამოზრდა მძიმე ტვირთად აწვებოდა სოფლის ღარიბ მღვდელს, რომლის უიმისოდაც მცირე შემოსავალს ბლადოჩინის ბასრი კბილი და წვეტიანი კლანჭები მუსრს ავლებდა და ნიორიდან ჩენჩსა არგუნებდა.

შინ რჩებოდა კიდევ ორი შვილი, რომელნიც დღეს თუ ხვალ

სასწავლებელში უნდა მიეცა. გარდა ამისა, თვითონაც აღამიანი იყო. ცოლი ჰყავდა, სახლ-კარი ჰქონდა, მტერმოყვარე მოუდიოდა. რასაკვირველია, ბევრი შავი ფიქრი ერეოდა თავში მამა ევთიმეს, მაინც გულმაგრა იყო, არ შედრკა. ბლალოჩინისაგან ხუთი თუმანი, მთელი მისი წლის ჯამაგირი მოიტანა. გადასახადის გამოანგარიშებაში გამოქნილმა ბლალოჩინმა ხუთი მანეთი ააფცქენა. ამას კარგად ხედავდა მამა ევთიმე, მაგრამ რა ექნა, უნდა მოეთმინა.

ბლალოჩინიდან გამობრუნებული შინ რომ მოდიოდა, კვლავ წარმოიდგინა თავისი აწმყო მდგომარეობა: „ერთ შეიღს თბილისში გავგზავნი, ორიც სასულიერო სასწავლებელში მისაცემი მყავს და ჯიბაში კი მარტო ხუთი თუმანი მიძევს! ხუთი მანეთი კიდევ წამართვა მაგ უღმერთომ, ხუთი მანეთი ახლა ჩემთვის ხუთი თუმნის ტოლად“. ამ ფიქრის დროს გულმა მეტი არ მოუთმინა და ბლალოჩინის სახელზე ერთი-ორი უკარსაული სიტყვა ჰაერში აანიავა. „თათარი და ურია შევა ახლა ჩემს მდგომარეობაში, მარა რა ვქნა... მაინც რომ არ გაძლა ეს ოჯახდაქცეული! ბლალოჩინობამდი ნემსის ყუნწში გაეტეოდა და ახლა კი მუცელი რუმბივით აგერ-აგერ გაუსქდება, მაგრამ მაინც ხვეჭავს და ხვეჭავს. მაცხოვარო, შენთვის ჩამიბარებია ჩემიც და მისი, ორივეს თავი, შენი მართლმსაჯულობის მოლოდინში ვარ, — ზეცას თვალებაპყრობით წარმოთქვა მამა ევთიმემ. — ღვთისმშობელი მომასწრებს ჩემი სევერიანეს კურსის დამთავრებას, რომ მაგისთანა ტყავის მძვრელებს ქეჩოში დააჯდეს. ბლალოჩინობა არგუნა ახალმა, დაღმა დატრიალებულმა დროებამ, თორემ სხვაზე მეტი იმან რამე რომ იცის, ღმერთი ისე ააშენებს,“ — ფიქრობდა მღვდელი და თან ღეზებით უჩქარებდა შინისაკენ. ხუთ თუმანს ორიც მისესხა. ხუთი სევერიანეს ჩაუღო ჯიბეში და თან მოკლე დარიგებაც დაურთო.

— შვილო, შენ ხომ იცი ჩვენი მდგომარეობა, აი, ეს ხუთი თუმანი, ეს მთელი წლის ჩემი სახაზინო ჯამაგირია. ხომ ხედავ, შენს ორ უმცროს ძმებს, აი, დღეს ესენიც მიმყავს სასწავლებელში. მე არაფერს დავზოგავ თქვენთვის. აი, შეხედე, შვილო, ჩემს ანაფორას. რასა ჰგავს, მაგრამ მე ამის სრულიად არა მრცხვენია, ვიცი რა, რომ ამის საყიდელი ფულით უფრო საჭირო და სავალდებულო საქმეს ვასრულებ. ტყუილად არ დაფლანგო, შვილო, ფულები! ერთი მანეთი ერთი თუმნის ადგილას მოიხმარე, ურიგოდ არ გაისარჯო, უშმინდურ ადგილებსკენ არ გაიარო, ჯუნეო ამხანაგებთან საქმე არ დაიჭირო, უფროსების მორჩილი და თავმდაბალი იყავი, სწავლას ეცადე. ჩვენი სიღარიბის აძბავი თვითონაც რომ კარგად იცი, მე რად

ჯაგახსენო. აი, საბრალო დედაშენი, დღე სულ შენზე ფიქრში იქნება და ღამე თვალში ძილი არ მიეკარება. აბა, შენ იცი, შვილო, თუ მაგის იმედებს გაამართლებ და სასიქადულო შვილი დაუბრუნდები. ეცადე, შვილო. მარჯვნივ მობრუნდი — დედას გამოეთხოვე, შვილო. აბა, ქალო, მოდი! — დაუძახა მამა ევთიმემ ცოლს.

თმადაუვარცხნელი და საკინძეჩამოხეული, ათასფრად მტვერში და ფქვილში გასვრილი, ასე შუახნის ქალი ფიცხლავ მობრუნდა. ხელი შეუშვა ხურჯინს, რომელშიაც სხვა სანოვაგესთან ერთად ერთი დიდი კომშიც უნდოდა მოეთავსებინა, მაგრამ ხურჯინი სავსე იყო და ეკატერინე მის ჩადებას ვერას გზით ვერ ახერხებდა. ალექსანდრე და დიმიტრი მოკლე პარუსინის ბლუზაში, ახალი ქალამნებით, ჩანთა გადაკიდებულები იქვე იდგნენ და დედას ეხმაურებოდნენ.

— რას ჰგაგხარ, ქალო, თმა მაინც დაგევარცხნა, — უთხრა ევთიმემ, როცა ეკატერინე მათთან მივიდა.

— სად შეცალა დღეს მაგისთანეებზე, ამათ რომ მშვიდობით გავისტუმრებდე, — მოწყენით თქვა საბრალო მზრუნველმა დედამ, სევერიანეს მიუახლოვდა და გულში ჩაიკრა.

— შვილო, — დაიწყო მან. უნდოდა რაღაც ეთქვა, მაგრამ თვალები ცრემლით ავესო, გული აუჩუყდა და სიტყვების მაგივრად მწარედ აქვითინდა.

დედის ტირილი რომ გაიგონეს, ალექსანდრე და დიმიტრიც ატირდნენ. სევერიანესაც დაბალუპით მოდიოდა ცრემლი. სულ უმცროსმა ბავშვმა, რომელიც სამი წლისა. იყო და რომელიც პერანგის ამბრა ნახევრად ჩაკბეჩილი კომშით ხელში ხურჯინის ახლო იდგა, დედის ტირილი რომ გაიგონა. თვითონაც ბლავილი მორთო.

— ჰერი ჰაა! — დაიძახა მამა ევთიმემ. — ტირილი კი არა. ახლა ის დამიწყეთ... ამას რა აბლავლებს! შენ სუ, ბაბა, ნუ ტირი, — მიუბრუნდა უმცროსს, რომელსაც ჩაკბეჩილი კომში აცრემლებულ თვალებზე მიედო, — ნუ ტირი, ბაბა, მე შენ ზუბლიკას მოგიტან.

— აბა, ბაბა, ბაბა, ზოსიმე! — დაუძახა მამა ევთიმემ მოჯამაგირეს, — შენ გაუდექი, შვილო, გზას.

მოჯამაგირე აღვირით ხელში გაუძღვა ცხენს, რომელზედაც აკიდული იყო ორი ტომარა სიმინდის ფქვილით და კეხზე შუაში კიდევ ბაწრით დაკრული იყო დიდი ბოხჩა სხვადასხვა ტანისამოსითა და სანოვაგით. ეს ალექსანდრესი და დიმიტრის საგზალი იყო. ხურჯინი მამა ევთიმემ ჯორზე აკიდა და თვითონაც ზედ შეჯდა. ალექსანდრე და დიმიტრი ორივე ერთად შეაჯინა და სევერიანე

მეორე ცხენზე შეჯდა. ორი-სამი რალაც დარიგება დაიბარა მამა ევთიმემ და პატარა ქარავანი გზას გაუდგა. ფქვილით დატვირთული ცხენი და ჯორი მისი საკუთარი იყო და დანარჩენი სხვა ორი ცხენი მეზობლებში ნათხოვნი.

მამა ევთიმემ სევერიანე მატარებელში დააბინავა და თბილისში გაგზავნა. დანარჩენი ორი შვილიც სასწავლებელში მისცა, მათ ბინა მოუძებნა, წიგნები უყიდა და შინ დაბრუნდა. ორი კვირის შემდეგ ისევ მიაკითხა შვილებს, ცოტაოდენი სანოვავე კიდეც მიუტანა. ამ დროებით წერილი მიიღო სევერიანესაგან, სადაც ის, სხვათა შორის, სწერდა, რომ მიმიღეს, სწავლაც დავიწყეთო, რაც შეეხება ხარჯს, თვეში სულ უკანასკნელი თხუთმეტი მანეთი მინდებო. აჰა, ერთი — ამოიოხრა მღვდელმა ამის გაგონებაზე და დაფიქრა. სასწავლებლის სამმართველოსაგან მოწმობა აიღო, რომ ორ შვილს სასწავლებელში ზრდიდა. ეს მოწმობები სევერიანეს გაუგზავნა და მისწერა, წარედგინა, სადაც ჯერ იყო და რამე შემწეობა ეთხოვა.

ნიკოია თოხნიტარიამაც წაიყვანა ფარნა ზუგდიდში და პირველ დაწყებით სკოლაში მიაბარა. ფარნა გამოსცადეს და წარჩინებულად შიუგო. სიხარულით დასვეს მეორე განყოფილებაში.

* * *

ოქტომბრის დამლევი იყო. ფურჩისაგან გარჩეული სიმინდი მამა ევთიმეს ოდის აივანზე ეყარა, ჯერ სასიმინდეში არ შეელაგებინა. თვითონ მამა ევთიმეს მთელი დღე ჩალის კონებად შეკვრისა გამო ხელები ათ ალაგას გაჩხვლეტილი, ტალახსა და სიმინდის ჩალაში ამოსვრილი ჰქონდა. სამზარეულო სახლის ვიწრო მიწურ აივანზე დაბალ სკამზე იჯდა და ფიქრს მისცემოდა. ეტყობოდა, ახალდაბრუნებული იყო ყანიდან და ძლიერ დაღლილიც იყო. უეცრად ოდის მეორე მხრივ ძაღლებმა ყუფა ატეხეს და ერთი წუთის შემდეგ გამოჩნდა იმავე სოფლის მამასახლისის თანაშემწე, იგივე, რომელმაც ერთხელ ბასილ მქებრაძეს კონვერტი მიუტანა.

— ტაგუა ხარ, შვილო? ხომ არ გიჭირს რამე? — გამოეხმაურა მამა ევთიმე.

— არა, ბატონო, — შიუგო მამასახლისის თანაშემწემ და შენდობის ასაღებად წამოიწია. მამა ევთიმე წამოდგა და ჯვარი გადაწერა.

— ეს, ბატონო, თქვენი უნდა იყოს, სასამართლოში მოიტანა მამასახლისმა, ვასილ ვაჭარს მიეცა. — ამ სიტყვებით ტაგუამ

მამა ევთიმეს კონვერტი გადასცა. კონვერტზე შვილკაპიკიანი მარკა ეკრა.

მამა ევთიმეს თვალები გაუბრწყინდა. ეკვი არ იყო, წერილი სევერიანესაგან იქნებოდა.

— სათვალე, სათვალე, ქალო! — დაუძახა ცოლს.

„ძვირფასო მამა! — სწერდა სევერიანე, — ღმერთმა ისმინა შენი ლოცვა, შენგან გამოგზავნილი მოწმობა წარვადგინე და ცხრამეტ ამა ოქტომბერს სახელმწიფო ხარჯზე მიმიღეს“... ქვევით რა იყო დაწერილი მამა ევთიმემ ვერ გააჩია, რადგან თვალები აღწყალდა.

— დიდება შენდა, ღმერთო! — წამოიძახა მან, — კლრთხეულო ხენწიფის სამართალო, — პირჯვარი ნელა გადაიწერა და ორი მსხვილი ცრემლი თვალებიდან ქალაღლზე დაეცა.

XVIII

სოფლის სასამართლოში

იანვრის ერთ დილას ჭყონონაში ციხის ნანგრევებიდან გაჩნდა ბუკის გაცხელებული ბურიწი.

— ა... უ... უი...! — თან უმატებდა მებუკე რაც შეეძლო ყვირით და მისი მჭექავი ხმა თითქმის მთელ ჭყონონას თანდათანობით ეფინებოდა და ჭანისწყლის გაღმა იკარგებოდა.

— დუ... დუ... დუ... დუ... დუ... დუ... დუ... მრტრტ... მრტრტ... ტრტ... აუ... უი — დაიჭეჭა მებუკემ და კიყინითვე გააგრძელა: — კაცის შვილი არ დააკლდეთ სასამართლოს. ნაჩალიკი და პირისთავი შობრძანდება. თითო თუმნის საწინდარი გამოუტანეთ, ვინც დააკლდება. ა... უუუიბრტტ. ბრტ... დუ... დუ... დუ, დუდუ დუ დუ... ბრტ, ბრტ!

— წიე, რა ამბავია, რა ღმერთი გაწყრა, ამდენი ყრილობა ვინ გაიგონა, კიდევ ქურდობის თაობაზე არის? — არა ნაკლებ ხვამალლა დაიძახა ციხის ფერდობის ახლო მცხოვრებმა ერთმა გლეხმა.

— ქურდები კი არა, ნაჩალიკს გამოსაცხადებელი აქვს, რალაც დიდი საქმეო, კაიტატმა თქვა. მე თვითონ ვხედავდი, ჩვენი წერალი აჭიდაგაჰით მოაქენებდა ცხენს ზუგდიდიდან! — ცოტა მოდაბლო ხმით დაუყვირა პასუხად მებუკემ, ცალკე საყვირის ბერვითა და ცალკე კიყინით მოქანცულმა.

მეორე დღეს, სოფლის სასამართლოს ეზოში დილიდანვე დაიწყო ხალხმა დენა. ნაშუადღემდე კარგა ბლომად შეიკრიბა. ზოგი

სასამართლოს აივანზე იყო შეჭვუფული, ზოგი მახლობელ დუქანში, ზოგი მინდორში აქა-იქ ჭვუფ-ჭვუფად დამსხდარიყვნენ და მუსაიფით თავს იქცევდნენ.

თოვლ-წვიმა არ იყო, მაგრამ ყინულივით ცივი ქარი საგრძნობლად უსისინებდა. ნაჩალიკი და მისი მიუღლებულნი ჯერ არსად ჩანდნენ. ნაბადში გახვეული ოციოდ გლეხი ცივი ქარისაგან სასამართლოს შენობის კედელს მიფარებოდა, ერთმანეთთან ახლო-ახლო დამსხდარიყვნენ და მუსაიფობდნენ.

— სადილი მაინც მეჭამა, — თქვა ერთმა. — აი, აი ქვეყანა იქცევიაო, მართალი მეგონა და გათენებამდი აქეთ გამოვწვიე და აგერ ქე ღამდება, მაგრამ არაყინა ჩანს.

— კარგად გაძძები, ტყუილი რა მოგახსენო, — მიუგო მეორემ, — ჩვენ პირისთავთან შშიერს კი არა, მაძლარსაც უკვირს პასუხის მიცემა. ისეთს შემოგძახებს და შემოგიტროხებს ცოცხალზე და მკვდარზე, რომ ძუქნა ძაღლსაც არ გაეკონება. — სადაგელი მგზავლი კი იცის, — თქვა მესამემ, — მაგრამ დღეს ნაჩალიკთან მგზავლი თქვამს რა ძალა ექნება. როცა მარტო პრას, საძინახა, — მგზავლი

— რომ ვთქვათ, გასამტყუნარიც არაა, — გაიხმაურა მეორემ. — იმდენ სხვადასხვა კაცებთან აქვს საქმე, რომ ყველასთან გულკეთილად მოქცევა და ყველას ერთობ დაკმაყოფილება შეუძლებელია. ზოგი ქურდია, ზოგი ჩხუბობს, ზოგი კიდევ...

— შენი თავი არ მომიკვდეს იმის მეტი, — მიუგო მეხუთემ, — გინება, შერე, რა პატიოსნებაა. მაინცდამაინც თუ მიუცილებელი საქიროა, ვინც დამნაშავეა, იმას უნდა აგინო, თორემ შენ მოადგები და მართალს და მტყუანს ერთმანეთს მიაჩარგაზებ, ეს როგორ შეიძლება!

— სრულებით უმიზეზო ვიყავი, ისე ბევრად მაგინა, მაგრამ სიტყვა ვერ შევუბრუნე, — ნელა შენიშნა ერთმა ღარიბულად ჩაცმულმა, პატარა, ერთი ბეწო კაცმა, — ლაპარაკი რომ დავაპირე, მათრახი მომიღერა და შემეშინდა.

— შენთვის, ბეჩა, მათრახი რა საქირო იყო, — გაეხუმრა ერთი ჩასქელებული გლეხი, — იმ სისხო ბურწენივით ყაზახს სულიც მაგრა შემოებერა, ცაში ავაფრენდა.

— ხა, ხა, ხა! — გადაიხარხარა ყველამ.

ერთი ჭგუფი სასამართლოს გვერდით ასე რომ მუსაიფობდა, მეორე ჭგუფი თვით სასამართლოს აივანზე მოგროვილიყო. აქ, ეტყობოდა, სოფლის გლეხთა მოწინავე კაცებს მოეყარათ თავი. თითქმის ყველანი სუფთად და კოხტად ჩაცმულ-დახურულნი

იყვნენ. ზოგს შალაყელიანი წაღებიც ეცვა და მოჭედული ხმალიც ეკიდა. უმეტესობას ხელში მათრახი ეჭირა, რაიც ამტიციებდა, რომ ცხენით მოსულიყვნენ.

— ა... ზალიკა, მამ დალიეთ, ა... კარგად? — ჰკითხა ერთმა ლამაზმა ბუხრის ქუდიანმა, ცოტად ჰაღარაგარეულმა, მეორეს, თუმცა წვერგათეთრებულს, მაგრამ მარჯვე და სალი გამომეტყველების კაცს.

— უჰ! მე შენ გეტყვი, სულ უღმრთოდ დავეწაფეთ, სულ უბედურად დავცხეთ. ტოლუმბაშს რომ არ ეღალატა, უბედურს. მე შენ გეტყვი, ა... გაქვს ღვთის წყალობა, ჩვენ იქითურ მაყრებს ვუზამდით, მოამბეს არ გავუშობდით შინ ფხიზლად. მარა რათ გინდა, რალათ გინდა, გვიღალატა უბედურმა ნიკოიამ, მე ის კაცი მეგონა.

— ოჰ, ჰო, მე ვიცი მისი ხასიათი, რომ შეხურდება, გადირე-
გაერია ლაპარაკში ერთი.

— მიუგო ზალიკამ, — ისე ქე ვიცნობდი და დიან პატროსახი კაცო, მაგრამ რათ გინდა, სიმთვრალეში... ღმერთმა დაგიფაროს მისვან. ჯერ ის ოჯახდაქცეული რა კარგად მიყვა საქმეს. საჩაიე ჰქიეთ დაიწყო ნეფე-დედფლის სადღეგრძელო. ორჯერ თითო ჰქიე რომ ჩამოატარა, მერე მეორეც მიუმატა. სამჯერ ისიც ჩამოატარა და მერე დიდი ჰქიე დაიწყო, ვერმლთიანი. მერე ყანწი. ყანწი ორჯერად დასცალა, და კიდევაც გადაირია. ვერაფრით ის ვერ დავამაგრეთ. ტანისამოსი სულ ერთიანად დაიფხიწა, ბოთლები დაამტვრია, შეფა კინალამ წააქცია, ერთი სიტყვით, ფუი, მაგის...

— ნიკოიას როგორ ამოვარჩევდი ტოლუმბაშად, რათ ამოარჩიეთ, შენ თვითონ დამჭდარიყავი, ზალიკა, — მიუგო ერთმა გრძელნაბდიანმა წითელწვერამ.

— თოლი, რა ვიცოდი, დასალუპავი, ისეთი გიყი თუ იყო. თორემ მაშინათვე მე დავდგებოდი... ის ერთი ულვაშწაგრეხილი მაყარი კი ავავეს გუდასავით. სიმართლე უნდა თქვა კაცმა, სუფრაზე წმინდად იჯდა: ერთი-ორჯერ ღვინის განზე გადასხმაც მოინდომა. მაგრამ ვერ მივართვი! სუფრიდანაც გვარიან სალად ადგა, თითქმის პირჯვარიც გარდიწერა და თავიც დაგვიკრა, მაგრამ შეფის გამოსავალთან რომ მივიდა, შენი მტერის მძებრაძეების წისქვილის ღარივით ამოუშვა სულ პირიდან.

— ყოჩაღ, ყოჩაღ, — უთხრეს ზოგიერთებმა, — ხა, ხა, ხა, — იკინოდნენ სხეები.

ერთი სოფლის საუკეთესო ჯგუფთაგანი სასამართლოს მახლობელ დუქნის უკანა ოთახში იყო მოგროვილი.

იქ ბუხარში ცეცხლი ენთო და მის წინ სკამზე ბასილ მძებრადე იჯდა. კედლის გასწვრივ მიდგმულ ტახტზე ოთხიოდ კაცი იჯდა. ერთ მათგანს თოვლივით თეთრი წვერი მკერდს სცემდა და მკერდზე ერთი თეთრი ვერცხლის მედალიც ეკიდა. ეს გახლდათ ნამამასახლისარი გიორგი ჭუბურია, კაცი გამოცდილი, როგორც ეძახდნენ. სხვა ორი, მის გვერდით მჯდომნა, შედარებით ახალგაზრდები იყვნენ. ერთი იყო ქოსა და დაღმევილი სახისა — ეს იყო მედუქნე ოქროპირა ძევეიშვილი, და მეორე, შეწვერა, ხელობით ღურგალი, ისიც სოფლის ცხოვრებაში ძლიერ დახელოვნებული და ყოველნაირი კლიმანჭურების მცოდნე. მას ერქვა ზესარიონი. გვერდით კიდევ იჯდა ერთი მოხუცებული კაცი — ბაკურია ერკქემია, მთელ ჭყონონაში განთქმული მოლაპარაკე. ბასილის გვერდით სკამზე იჯდა მძებრადეებში ჩამოსიძებული აზნაური ლავრენტი ტკვარჩელია; ისიც ძლიერ დახელოვნებული იყო სოფლელების მორიგება-წაკიდებაში, ვეჭილობასა და ამისთანებში.

სოფელ ჭყონონაში არავითარი საზოგადო საქმე ამ ექვსი კაცის გარეშე არ გადაწყდებოდა.

— შენ. ნამდვილად კი იცი, ოქროპირა, რომ აწერის თაობაზე მოდის დღეს ნაჩალიკი? — ჰკითხა ბასილმა მედუქნეს.

— ნამდვილად ვიცი, ზუგდიდიდან წუხელ მოვედი. ჯვარისკენ კიდევაც დაუწყიათ აწერა.

— ვითომ რას უნდა ნიშნავდეს ეს აწერა? — იკითხა მოხუცმა ბაკურიამ.

— არაფერი ვიცოდე, — მიუგო ბასილმა.

— კაცო, ახალი კამელარია ხომ არ დგება, — გაერია ნამამასახლისარი გიორგი.

— მე ვფიქრობ სალდათობა უნდა იყოს, — წარმოთქვა ლავრენტიმ.

— ასე მოგახსენებენ, — კვერი დაუკრა მედუქნემ.

— რას, სალდათობას? — დაეკითხა ბასილი.

— სწორედ.

— არა მგონია!

— ყველა ასე ამბობს, — განაგრძო მედუქნემ. — ამბობენ, საბოლოოდ გადაწყვეტილიაო. ჩემი ძმისწული, თქვენც იცით, ნაჩალიკთან ლაქიათაა, და რასაც სანაჩალიკოში იტყვიან, ხომ არაფერი გამოეპარება.

— ვთქვით, კარგი, ასეც იყოს, ეს მეც გავიგე ჭორსავით, მაგრამ მართალი არ შეგონა, ვთქვით, სალდათობას გამოაცხადებენ, მაგრამ როგორ იქნება, ყველას ერთად წაიყვანენ, აზნაურ-თავადებსაც? ეს როგორ იქნება, არ ვიცი, განა მაღალ საზოგადოებასაც გაუბედავენ ვითომ? — იეჰვა ბასილმა.

— რასაკვირველია, შენს მტერს ღმერთი გაუწყრა? — მიუგონამამასახლისარმა, — თუ წაიყვანეს სალდათად, ყველას ერთად წაიყვანენ. წოდების გარჩევა ამაში არ იქნება. საცა მე ვიქნები, შენც აქ გვერდით უნდა ამომიდგე, — ნიშნის მოგებით გაეხუმრა ბასილს და მერე ლავრენტის მიუბრუნდა: — ნუ გეშინია, ორივეს მოგვცემენ რუსები ხიშთიან თოფებს და ნა... პლე... ჩუ! რომ დაგიძახებენ, უნდა თქვენი კეთილშობილება და ჩემი პატიოსნება მობრუნდეს მარჯვნივ. აკრა... ფულო, რომ გიკამანდრებენ, უნდა მოვბრუნდეთ მარცხნივ.

— ის დღე შენ არ მოგესწრება, — ხუმრობითვე მიუგო ლავრენტიმ, — შე და შენ რომ ერთნაირად ვმსახურობდეთ. მართლა. ბასილი, ხუმრობის გარეშე, — მიუბრუნდა ლავრენტი ბასილს, — ამ თავდაზნაურობას როგორ უზამენ, მათთვის, ალბათ, ცალკე ცხენოსნების პოლკს შეადგენენ, აი, ომიანობაში არ იყო, კაცო, დვორიანსკი პოლკი?

— მე ვფიქრობ, ასე უნდა იქნეს.

— მეტი თქვენი თავი არ მომიკვდეს, — გაერია ღურგალი. — ყველა ერთად იქნება: გლეხი, თავადი და აზნაურობა. სამხედრო ბეგარა ჩვენ სახელმწიფოში საერთოა, თუ ეს ასე არ იქნა, მე ბევრი მაგინე!

— რას ამბობ, კაცო! — ცოტა არ იყოს მწყურალად მიუგო ლავრენტიმ.

— მაშ, რის თავდაზნაურობაა, რა მაღალი წოდებაა, თუ გლეხისაგან არ გაარჩევენ!

— მოიცა, მოიცა, — გაერია ბასილი, — ვთქვით ახლა, ჩემ შეილს და კოჩას შეილს ერთად დააყენებენ, ა?... როგორ გეკადრება?

— მე, ის კი არა, სასწაული გავიგე, — წარმოთქვა ნამამასახლისარმა.

— აბა, რა? — მიუგეს ერთბაშად.

— თქვენ, მაღალი წოდებააო, ამბობთ, და ჩვენი თავდაზნაურობა ჭერ გარჩეული არც კი არისო. ვინ იქნება აზნაური, ჭერ არავინ იცისო.

— ეს ახალი ამბავი არაა, — ცოტა არ იყოს უკმაყოფილოდ

თქვეს აზნაურებმა, — გარჩეული, მართალია, არაა, მაგრამ ჯერ კიდევ ვინ იცის.

— ღმერთმა იცის, ბაბა, უკეთ, როგორ იქნება საქმე, — წარმოთქვა მოხუცმა ბაკურამ.

— პირისთავთან რომ მივალ, ყველაფერს დაწვრილებით გამოვკითხავ, — ცოტა ამაყად თქვა ტკვარჩელიამ, თითქო ამით ის უნდა დაიქადოს, რომ ერთი შემომხედეთ, რა ბიჭი ვარ, პირისთავთან დაახლოვებული ვარო.

მზე თანდათან იხრებოდა, უიმისოდაც იანვრის მოკლე დღე თავდებოდა და მაინც არავინ ჩანდა. სასამართლოს წინ კარვა მოზრდილი მინდორი თითქმის აივსო ხალხით.

ბევრი ხნის უნახავები ერთმანეთს ჰკოცნიდნენ, ზოგნი ცხენზე ან ხარზე ვაჭრობდნენ, ზოგი ხუროს ურიგდებოდა, ზოგი მეზობელთან სამოციქულოდ სიტყუას აბარებდა მეორეს, ზოგი ავადმყოფის მორჩენას ულოცავდა და ზოგიც სამძიმარს ეუბნებოდა.

თითქმის ბინდისას, როგორც იქნა, დაიძახა ვიღაცამ მოდიანო, და გზაზე რამდენიმე ცხენოსანი გამოჩნდა. ხალხი ფიცხლად შეჯგუფდა სასამართლოს წინ. აზნაურები აივანზე მოთავსდნენ, მამასახლისი საზოგადოებას წინ დაუდგა.

— გამარჯვება თქვენნი! — დაიძახა უფროსმა რუსულად, თუმცა ქართულიც კარგად იცოდა. თარჯიმანმა, რომელიც თან ახლდა, ხალხს გადაუთარგმნა.

— ღმერთმა გაცოცხლოს, — დაიგრიალა რამენიმე თავშეშეღმა კაცმა.

— მე დღეს მოველი იმიტომ, რომ გამოგიცხადოთ უძალღესი მთავრობის ბრძანება, რომლის ძალით თითოეული სახლობის სია უნდა შედგეს ერთი ფრთად დიდი და სასარგებლო საქმისათვის, რომელსაც ჩქარა შეიტყობთ. მიუცილებლად საჭიროა, ამ დღეებში მიროვოი პოსრედნიკი მოვა თქვენს სოფელში, მოვიხმობთ და ყველა უნდა სიაში ჩაეწეროთ; ვის რამდენი შვილი ჰყავს და რა ჰასაკისანი არიან. სათქმელი ხომ ვისმე არაფერი აქვს? — დაუმატა უფროსმა. თარჯიმანმა უთარგმნა. ხალხში ჩოჩქოლი შეიქნა.

— ერთს კი მოგახსენებთ, ბატონო, — მოისმა ბაკურიას ხმა, რომელსაც ამისთანა შემთხვევაში ყოველთვის წინ აყენებდნენ ხოლმე.

— აბა, თქვი?

— ჩვენ რამდენი შვილები გვყავს, ან რა ჰასაკისანი არიან განა მღვდელმა უკეთ არ იცის? ეს საქმე მას აბარია მე, უნდა მართალი

ვთქვა, ნამდვილად, დაბეჭითებით რამდენი წლისაა ჩემი შვილები არც ერთი არ ვიცი.

— მღვდელი მღვდელია, და თქვენც ცალკე უნდა ჩასწეროთ, — უწონოდ მიუგო უფროსმა.

— მაგრამ, ბატონო, ორი ჰასაკი ხომ არ იქნება, შეიძლება ჩემი ნათქვამი და მღვდლისა ერთმანეთს არ მოხვდა, მაშინ ხომ... — უნდოდა კიდევ რაღაც ეთქვა ბაკურიას, მაგრამ ადგილობრივმა ბოქაულმა, რომელიც უფროსის გვერდით მორიდებით იდგა, — სს... ბევრს ნუ ყბელობ, ყაზახოვო! — დაუძახა და ჩააჩუმა.

— სხვა როგორი მშვიდობაა შენ საზოგადოებაში, მამასახლისო? — ჰკითხა უფროსმა.

— მშვიდობა კარგი, ბატონო, თქვენი იქედით.

— ქურდობა ხომ არ არის ხშირი?

— არა, ბატონო, მხოლოდ ძვაძვალა ჰქურუას მოპარეს იქით კვირას ერთი ლაფშა ცხენი, იორდანე სულუგინაძეს ჰაკი ცხენი, ფართხუნია ვაგიკენაძეს უღელი ხარი და ირინე ქვრივს დედალი შეწველი თხა. ბურღულია ღვედაძეც ამბობს, ერთი ღორი მაკლიათ. დღეს განაცხადა, მაგრამ ჯერ არ არის გამორკვეული, მოპარულია თუ მეზობლების ღორებს გარდაყვა, ან სადმე მიიძალა.

— მერე განკარგულება ქენით რამე?

— ზომები უკვე მიღებულია, ბატონო, — გაერია ბოქაული, ღორზე ჯერ არაფერი მომიხსენებია და სხვა კი საქმის ქალაღდებში ჩაწერილია.

— კარგი! სხვაფრივ? — ისევ იკითხა უფროსმა, — როგორი მოსავალი იყო?

— კარგი, ბატონო, მხოლოდ ყურძენი ძლიერ დაზიანდა შარშან, ღვინო ძლიერ ნაკლები და ჰდარე მოვიდა. ფერლოებში გვალვამ სიმინდი ძლიერ დაჰკნო და... ისიც ნაკლები იყო შარშან.

— კარგი, ისე ხომ ერთმანეთში თანხმობა არის?

— კი, ბატონო, მხოლოდ სულუგინაძეებმა და ჰკიდაძეებმა პარასკევს ერთმანეთს ცხვირ-პირი ჩაამტვრიეს, კიკო სულუგინაძეს ასულის მოტაცების თაობაზე. ახლა სულუგინაძე და ომერი ჰკიდაძე ან მორჩებთან, ან არა, ხუთ-ხუთ ადგილას აქვთ თავი გახეთქილი და ცხვირ-პირდაკაწრული კი ბევრია.

— ზომები ხომ მიიღეთ?!

— კი, ბატონო, — ისევ გაერია ბოქაული, — ოქმი შედგენილია.

— მშვიდობით, ძებო! — დაიძახა უფროსმა.

— ღმერთმა მშვიდობა მოგცეს! — დაიგრილა ხალხმა და თავიანთ სახლში დაიფანტა.

* * *

მამა ევთიმემ დაუჯდომელი ილოცა, თმა დაივარცხნა და ის იყო ისევ ლოცვანს მოავლო ხელი, რომ მისი პატარა ზალის კარები აჭრიჭინდა და ნიკოია თოხიტარია შემოვიდა.

— ხომ არ ჰქირს რამე, ნიკოია?! — მისძახა მღვდელმა.

— შენდობა, ბატონო, — მორიდებით წარმოთქვა ნიკოიამ და შენდობის ასაღებად გაეჩქარა. — უკაცრაოდ, მოძღვრო, შენ დღეს წირვა გქონია და მე არ ვიცოდი, გაგაწყინეთ. იმ საუბედურო ასაწერად მივდივარ. დღეს გვიბარებენ, მირონ პოსტონიკ სეფანე ჭუბურიას სახლში ჩამომხთარა და ყველა იქ უნდა მივიდეს და ჩასწეროს თავისი ოჯახობა. რა ვიცი, როგორ ვქნა. ზოგი ამბობს, მოძღვრო, ჰცირეწლოვნად ჩასწერო სჯობიაო; ზოგი ამბობს, მეტი დასწერო უკეთესიაო; სულ ავირიე, არ ვიცი, ღმერთმანი, რომელ ერთს დავადგე.

— მე თუ რჩევასა მკითხავ, ჩემო ნიკოია, მართალს გეტყვი, ნურავის ნათქვამს ნუ აყვები. რაც ნამდვილად არის, ის ჩასწერე, ნურც მოუკლებ, ბაბა, და ნურც მოუმატებ.

— ნამდვილად რამდენია, ხომ არ ვიცი?

— ჰო, შეიტყო გინდა? ახლავე!

მღვდელმა საჩქაროდ აღსარების მთქმელთა სია მოსძებნა და ფურცელა დაუწყო. მოიცა, ბატონო, — ჩურჩულებდა თავისთვის მღვდელი: — თოხიტარია, თოხიტარია... ფურცელავა... ირიკაშეილი... აა... თოხიტარია, თოხიტარია... სუმონიკა... სოკოია... აი, ნიკოია. თოხიტარია ნიკოია პერტიას ძე! — დაიძახა მამა ევთიმემ. სამოცდახუთის წლისა, ქვრივი.

— მეტი ვიქნები, ბატონო.

— მე კი მგონია, რომ იმდენიც არ იქნები. შენი დაბადების დროს სად იყო საეკლესიო საბუთების წარმოება. შეილნი მისნი, — გააგრძელა მამა ევთიმემ, — პეტრე, ოცდაოთხი წლისა; ივანე ოცდაერთის წლისა, ათანასე — ჩვიდმეტის წლისა, ფარნა — თორმეტის წლისა და გაიანე — თხუთმეტის წლისა. დედამისი ჭუჭუა გურიკოჩის ასული, ოთხმოცდახუთის წლის ქვრივი.

— საბრალლო გურიკოჩაც წერებულა, — სიცილით შენიშნა ნიკოიამ.

— აა, ბაბა, ეს არის. დედაშენი ოთხმოცდახუთის წლისაა, შენ სამოცდახუთისა, პეტრე ოცდაოთხისა, ივანე ოცდაერთისა, ათანასე ჩვიდმეტისა, ფარნა თორმეტისა და გაიანე თხუთმეტისა. შენ და დედაშენზე, რა მოგახსენო, და დანარჩენებს გრამი არ აკლია, ყველა ჩემი ხელით მონათლული და ჩაწერილია.

— მაშ, მოძღვარო, შენი სიტყვით იყოს, არ მოვეუკლებ. არც მოვეუმატებ, თუკი არ დავიბენი მირონ პოსტონიკთან.

— ეს ცნობები ჩვენ უკვე გავუგზავნეთ მას.

— თქვენ თუ გავგზავნეთ, მე რაღას მაწვალებენ, არ ვიცი? მშვიდობით, ბატონო.

ნიკოია კარებში გავიდა. მამა ევთიმემ კი ლოცვანს ხელი მოავლო და დაიწყო: „მოვედით ერნო, უგალობდეთ ქრისტესა, რომელმან განიყვანა ერთი თვისი ზღვასა მას მეწამულსა“.

• • •

კონსტანტინე ტომბაშვილი წელსაც მოვიდა ნიკოია თოხი-ტარიას სახლში და თან ივანეც მოიყვანა.

ივანე ახლა სრული ვაჟკაცი იყო. ნიკოიამ, რაც შეეძლო, კარგად გაუმასპინძლდა ტომბაშვილს და განსაკუთრებული პატივით და მოწიწებით ეპყრობოდა.

— ღმერთმა თუ ჩემი პეტრეს ბედნიერება მაჩვენა, მორღიათ შენს გარდა არავინ მინდა, — სხვათა შორის გაურია ლაპარაკში ნიკოიამ.

— მაგისტანა უბრალო საქმეს კიდევ რა დიდი ხვეწნა უნდა, ჩვენი სახლები გაყოფილი არ უნდა იყოს! ასე არ არის, ივანე? — დაეკითხა ივანეს კონსტანტინე. — ე... ჩემო ნიკოია, ახლა იმდენად მიეჩვია ივანე სუკის მწვადებს, რომ რამდენიც გინდა ეხვეწო, მე არ მომშორდება.

— გყავდეს, ბატონო, გყავდეს, შენთვის მიჩუქებია, — ხუმრობით მიუგო ნიკოიამ.

ახლა ნიკოია თვითონაც არ მოაშორებდა ივანეს კონსტანტინე ტომბაშვილს. იგი ცხადად ხედავდა, რომ იმ კურთხეული დღიდან, როცა ამ კაცმა პირველად შემოდგა ფეხი მის ოჯახში, ყოველივე მისდა საბედნიეროდ შეიცვალა. წინათ ნიკოიას პერანგის გამოცვლა უჭირდა, ორ წელიწადში ერთხელ არ ეღირსებოდა სამოგვის ქალამანი, ტანზე ძონძი ეცვა, ახლა კი სულ სხვა იყო. გარეგნობით სუფთად ეცვა და ეხურა.

კონსტანტინესაგან დროზე მოცემული ფულით დაგირავებულმა

ერთი ქცევა ირმის ნახეთქმა პირველსავე წელს სამოცი ფუთი სიმინდი მოუტანა, რაც, უკანასკნელი, სამი თუმანი ღირდა. ამნაირად თავის რიგიანი შრომით თავისი ფული, ორი თუმანი, პირველსავე წელს აიღო და ერთი თუმანიც სარგებელი დარჩა. მოსალოდნელი იყო, რომ ირმის ნახეთქი ჯერ კიდევ კარგა ხანს დარჩებოდა მის უფლებებაში, რადგან მძებრაძე ფულის დაბრუნებაზე არც კი ფიქრობდა.

ნიკოია ცხადად ატყობდა, რომ ტომბაშვილთან საქმის დაჭერამ ყველაფერში ბარაქა და წარმატება მისცა. ამას ნიკოია კონსტანტინესაგანაც არ მალავდა. როცა შემდეგი წლისთვის ტომბაშვილმა ივანეს ჯამაგირად ექვსი თუმანი და ტანისამოსი დაუნიშნა, ნიკოია და პეტრე ხმის ამოუღებლად დაეთანხმნენ.

— მხოლოდ ერთი კია, — თქვა კონსტანტინემ. — ზქვევ იცით თუ არა, რომ წრეულს შემოღგომაზე უსათუოდ სალდათობა იქნება?

— ვიცით, ბატონო, — მიუგო ნიკოიამ, — ჩვენ აგვწერეს კიდევც.

— რამდენი წლისაა ივანე?

— ოცდაერთისა, ბატონო.

— აიტ! — დაიძახა კონსტანტინემ, — მზათა ყოფილა.

— ის კი არა, მე მეშინია, პეტრე არ წამართვან-მეთქი.

— პეტრე რამდენი წლისაა?

— ოცდაოთხისაა, ბატონო.

— ფიქრი ნუ გაქვს... მოიცა! შენ რამდენი წლისა ჩასწერე.

— რამდენიც არის, მღვდელს ამოვაკითხვინე და რაც ქალაღლში ამოვიდა, იმდენი ჩავაწერინე.

— კარგი გიქნია.

— სჯობია ვითომ?

— რა სათქმელია. რაც ნამდვილია, ნამდვილია, სანამდი იმალება, ბაბა. ხელმწიფეს ასე ადვილად ვინ დაემალება.

— პეტრეს არ წამართმევდნენ, თორემ!..

— ივანეს წაყვანა კი არაფრად მიგაჩნია? ა... როგორ არა, ხვალ დილით, — ნიშნის მოგებით უთხრა კონსტანტინემ. — ჩემი საქმე ფეხებზე გკიდიათ, მაგრამ ღმერთია მოწყალე, ივანეს არავის დავანებებ. ადრე ჩამოვალ და საქმეს... მრვაკვარახჭინებ.

— შენ იცი, ბატონო, — ნდობით მიუგო ნიკოიამ.

— ის შენი პატარა ბიჭი სალდაა, — იკითხა სტუმარმა, — რაღაც თვალში მაკლია.

— ჰო, — სიცილით მიუგო ნიკოიამ, — ის, ბატონო, გადამრიეს, აი, გადამრიეს, ზუგდიდში კლასშია.

— კლასშია, სასწავლებელში? — გაიკვირვა კონსტანტინემ.

— აბა, ბატონო, რა ეკლასებოდა, მუტრ...

— დალოცვილო, მერე სათაკილოდ მიგაჩნია?

— სათაკილო კი არაა, ბატონო, მაგრამ მე ერთი ლალატი კაცი...

— ჭე მაინც ვინ გირჩია აგეთი საქმე? — ხმამალლა და ალტაცებით წარმოთქვა კონსტანტინემ.

— ჩვენი მღვდლის შვილმა, ბატონო, იმან დაუწყო სწავლება.

— ის ღმერთმა აცოცხლოს, ვილაცაა, და შენ, ბაბა, ეცადე, ცოტა ხანი არ გამოიყვანო იქიდან. წერა-კითხვაში გაივარჯიშოს და მერე მე მკითხე! ივანეს სიმარჯვესთან და სიმართლესთან ერთი-ორი ანაბანა დამისწავლა! მაშინ ჭე ვიცი, რას ვიზამ, მარა, — ნაღვლიანად დაუმატა კონსტანტინემ.

— თუ გინდა. ივანე აქეთ მომეცი და ის ზიჯი ახლავე წაიყვანე. იქ გყავდეს, რამდენ ხანსაც გინდა.

— არა, ჩემო ნიკოია, ნუ ჩქარობ. ივანე შენს ყანაში ახლა არ გამოდგება. ის ბავშვიც ჭერ ისევ იქ იყოს. ერთი-ორი წელიწადი კიდევ ისწავლოს და მერე დიდის სიხარულით წაიყვან. თუ ისიც მუყაითი კაცი გამოვიდა, მაშინ მე მიყურე! თუ თავზე ქული მახურავს, გაჩვენებ, როგორ ავაკრაქუნებინო კბილები შენს მტრებს.

— ოი! — წაილულლულა ნიკოიამ, — მე ვინ მომასწრებს იმ დღეს. ერთი მაგათი თვალის ამოსათხრელად რომ ჩემი შვილები მათ ცხვირის მაჩხეპარად დაუყენო.

XIX

სასიამოვნო შეხვედრა

იენისის დამლევს ზუგდიდის პირველდაწყებითი სკოლის მოსწავლეები გამოსცადეს და დაითხოვეს. მეორე განყოფილების ან მეორე სტოლის, როგორც ეძახდნენ, შეგირდებში ფარნა თოხიტარია ყველას სჯობდა. მან ჩინებულად მიუგო გამოცდაში, რის გულისათვის, სახლში დასათხოვნელ მოწმობასთან ერთად, აჩუქეს ლამაზი წიგნიც, სადაც დახატული იყო სხვადასხვა ცხოველები, ფრინველები, მცენარეები, რუსეთის ისტორიაში გამოჩენილი კაცები, მეფეები, დედოფლები.

ფარნა სიხარულით ცას ეწია და დათხოვნის შემდეგ, რაც

ძალი და ღონე ჰქონდა, მირბოდა მამიდის სახლში, სადაც ბინადრობდა. ცალ ხელში ახლადმიცემული ბილეთი და წიგნი ეჭირა, მეორე ხელით ჩანთას იმაგრებდა, რომ სირბილის დროს ასპიდის დაფა არ დამსხვრეოდა.

— აი, დაგწყევლა ღმერთმა, შე კისერმოსატეხო, რა შტერით მირბიხარ, ნელა ვერ გაიარე? ერთი ბეწო დამაკლდა, კინალამ ცალი ბორბალი თხრილში გადამიგდო ამ მოზვერმა! — წყრომით მიაძახა გლეხმა, რომელიც ხარებშებმულ ურემს მოუძლოდა.

ფარნას დანახვაზე ხარები მართლა დაფრთხნენ და ურემი კინალამ გადააბრუნეს.

— ამნაირ-ამნაირი გიჟებით სავსეა ის დასაქცევი კილასია, თუ რა ჯანდაბაა, — უკმაყოფილოდ გააგრძელა მეურმემ, — შენ რომ იქ რამე ისწავლო, ის დედიშენთან დაიქადე, — დაილაპარაკა გლეხმა და მოზვერს სახრე გადაუჭირა, თითქოს ფარნას ჯავრს ამაზე იყრისო.

ისარივით შევარდა ფარნა მამიდის სახლში.

— რა ამბავია, შეილო, ხომ არ მოგდევს ვინმე? — გოცებით ჰკითხა მამილამ, რომელსაც ცალ ხელში ცოცხი ეჭირა და მეორეში მტირალი ბავშვი.

— არა, მომდევს კი არა, შინ დამითხოვეს. აა... მამილა, ბილეთი. რა კარგი ბილეთია, აა, როგორი წიგნი მაჩუქეს! — აღტაცებით ეუბნებოდა ფარნა და ბილეთს და წიგნს მამილას აჩეჩებდა.

მამილამ ცოცხი დააგდო და ბილეთს თითები მოუპოტინა, თითქო მისი სიავეკარგე თითებით უნდა გასინჯოსო.

— ახლა, მალა, მალა, მე წავალ, ახლავე წავალ, — თან ამბობდა ფარნა და თანაც ერთ ადგილზე წარამარა ტრიალებდა. მამილას წიგნი და ბილეთი გამოართვა და ჩანთაში ფრთხილად შეინახა.

— სად უნდა წახვიდე, მალა? — ლმობიერად მიუგო მამილამ. — დამშვიდდი, მალა, ხომ არ გადარეულხარ.

— სახლში უნდა წავიდე, შინ უნდა წავიდე. ჰყონონაში, ახლავე, ამ საათში, მერე ვერც კი მივუსწრებ, მეშინია შუა გზაზე არ დამილამდეს.

— რას ამბობ, შეილო, პირჯვარი დაიწერე, სახლში მარტო რა წავიყვანს, შოთმინე, ხვალ და ზეგ მოგაკითხავენ, ანდა მამაკაცი სახლში მინდა გავგზავნო, თქვენი ფოთიდან მოყვანილ ზავოდის ღორს გოქები მოუგია, ჩემმა ძმამ ერთი აღმიტქვა და უნდა მოეყვანინო, და მაშინ შენც წაყვები.

— რას მეუბნები, მალა, ხვალ და ზეგ, ჯაჭვით რომ დამაბა, მე აქ არ მოვიცდი! მართლა რა, ბალანა ხომ არა ვარ, მე ახლავე უნდა

წავიდე. მე გზაზე სრულიად არ შემეშინდება. გზა პირდაპირია, მარტო ერთი ასახვევია მარტოხელა მუხასთან, იქ მარჯვნივ რომ მიდის, ის გზა უნდა დავტოვო და მარცხნივ, აქეთ, სუკისაკენ მიმავალ გზას უნდა ავყვე, — აქ ფარნამ ხელი გაიქნია მარჯვნივ და მარცხნივ და თვითონაც ისე მიბრუნდა, თითქო ახლა იმ გზის გადასახვევში წარსო. — სწორედ ეს გზა პირდაპირ ქყონონაში მიდის.

— სადილი მაინც ქამე, მადა, — უთხრა მამიდამ, როცა ნახა, რომ ყმაწვილი თავისას არ იშლიდა.

— არ მინდა, მადა, არა, ღმერთმანი არ მინდა, — ფიცულობდა ფარნა.

— წიე, როგორ არ გინდა, — ცოტა ხმაპალა მიმართა მამიდამ, — დილით არაფერი გიქამია, მაშინაც, აი, ჩქარა, აი, ჩქარაო, ღომის მოხალეაც არ დამაცალე.

— არა, მამიდა, სულ არა მშია, ბაბა ნუ მომიკვდება, სულ არა მშია.

ფარნამ საჩქაროდ მოძებნა, თუ რამ ტანისამოსი ჰქონდა. ძებნა დიდხანს არ მოუხდა, რადგან რაც ზედ ეცვა, იმის გარდა ბევრი არაფერი ჰქონდა. ფეხებიდან სამგის ქალამანი გაიხადა და ზოხჩაში ჩალო.

მამიდამ მაინც ცივი ღომის ნატეხი და ყველის ნაქერი თეფშზე დააწყო და შესთავაზა.

სხვა ღროს ფარნა მგელივით ეცემოდა და ღომსა და ყველს თვალის დახამხამებაში გადასანსლავდა, მაგრამ დღეს ზანტად მოუჭდა. მოტეხა ერთი ლუკმა ღომი და თან ყველიც შეაყოლა, კარგახანი ღეჭავდა და ძლივძლივობით გადაყლაპა. ერთი-ორი ლუკმაც, როგორც იყო, შექამა, მაგრამ ვერავითარი გემო ვერ მიატანა. საჩქაროდ წამოხტა და მამიდამ მოხედვაც ვერ მოასწრო, რომ ბავშვი ქიშკარს გადადიოდა.

— ქუიანად იყავი, ქუიანად, გზაზე რამე არ დაგიშავდეს! — დინჯად მიაძახა მამიდამ და ერთიც მზეს შეხედა.

ივნისის ბრწყინვალე და მხურვალე მზე ჭერ ძლიერ მადლა. იყო და ამით დაიმედებულმა მამიდამ ერთიც შეხედა მიმავალ ძმისწულს, აიღო ცოცხი და თავისი საქმე გააგრძელა.

• • •

ფარნა დაადგა გზას, და რაც ძალი და ღონე ჰქონდა, მიდიოდა და მიდიოდა. პირველად ეადვილებოდა სიარული და თავს არ ზოგავდა, თითქმის გარბოდა, მაგრამ თანდათან გაოფლიანდა.

ფეხებშიაც დაღლა იგრძნო და სიარულსაც მოუკლო. ფეხსაბან დღეს რომ მიუახლოვდა, იმდენად მოიქანცა, რომ საჭიროდ ცნო დღელის პირად, ჩრდილში, დაესვენა. „მზე ჯერ კიდევ სადაა, — გაიფიქრა მან, — დაღამებამდი მისვლას მაინც მოვასწრებ“. — თავისი პატარა ბოხჩა სასთუმლად ამოიღო და ჩრდილში წამოწვა. საწიგნე ჩანთაც მოიხსნა და იქვე დააგდო. ფრთხილად ამოიღო ბილეთი და წიგნი. ერთი ბილეთს გადახედა, მეორე წიგნი აიღო და სურათებს გულდადებით ათვალიერებდა.

ქარვა ხანი ფურცლა წიგნი, მეორე ისიც შეინახა და მზად იყო ისევ გზა განეგრძო, რომ რალაც მტირალი ხმით ჩივილი შემოესმა.

— არა... არა... არ მინდა, — გაქიანურებულად ბუზღუნებდა ვილაცა, — რა იყო, რომ მითხრა, ცალკე ცხენს, კაი უნაგირიანს გამოგიგზავნიო! ფეხით წავალ, არ მინდა, ა...

ფარნა წამოდგა და მიიხედა. ერთ ცხენზე დიდი ხურჩინი იყო ჯადაკიდებული, ლოგინით და ბავშვის სხვა ხაბაკებით სავსე. შუაში ასე თერთმეტ-თორმეტი წლის ყმაწვილი იჯდა. ფარნამ შორიდანვე იცნო. მისი ამხანაგი აზნაური პავლე რომანოზის ძე უდიერაშვილი იყო. ცხენს ერთი ახალგაზრდა ოცი-ოცდახუთი წლის კაცი ფეხით მიუძღოდა.

— ცალკე ზიხარ, რა უბედურობაა, მაგ ცხენზე, — მიუგო შომყოლმა. — რა იცი, პავლე, ასეთი ახირება. ერთხელ რომ რასმე დაიჭინებ, საშველს არ მისცემ! რაც შენი მასპინძლის სახლიდან გამოვედით, მას აქეთ ბუზღუნობ და ბუზღუნობ, რა დაგემართა, შე კაცო, შენ ბარგზე შენვე იჯდე, რა სირცხვილია.

— არა, არა, — ისევ წაიბუზღუნა პავლემ. — ბარგი რა, მე-ღვართლე ურია ხომ არა ვარ, თავისუფალ ცხენს რომ გამოგიგზავნიო, რათ არ გამოგიგზავნა!

— არ დამიჯერებ, რომ გეუბნები. რომანოზიც და ელისაბედიც დღეს სატირალში არიან, თორემ ცხენი და უნაგირი თავისუფალი ყოფილიყო, უსათუოდ გამოგიგზავნიდა. ჯვარის საწერად ეკლესიაში ხომ არ მიდიხარ, შე კაცო. აი მიხვალ შინა და მეორე ხვალ, ზეგ, რომელიც გინდა, იმ ცხენზე შეჯექი და რამდენიც გინდა. აჭენე-ათუხარიკე. აი ესეც, ვილაცა მოსწავლე ყოფილა, — მიუთითა შომყოლმა ფარნაზე, რომელიც მათ მიუახლოვდა, — აი ხედავ, ფეხით მიდის შინ, მაგრამ რა უჭირს!

ფარნას ძლიერ გაუხარდა თანამგზავრების შეხვედრა და მით უფრო ამხანაგის, რომელზედაც ცოტაოდენი ამაგიც მიუძღოდა. უდიერაშვილი სწავლაში ცოტა სუსტი იყო და ფარნა გაკვეთილის

მიგების დროს უჩუბრულებდა. საანგარიშო ამოცანების გამოყვანა კი სრულებით არ იცოდა და მის გამოყვანაშიაც ფარნა ხშირად ეხმარებოდა.

— ის, რა ვუყოთ, ფეხით რომ მიდის,—დაიბუზლუნა პავლემ,— ის გლეხის შვილია და მე გლეხის შვილი ხომ არა ვარ, ფეხით რომ ვიარო.

— ვისიც შვილი გინდა იყოს, კაი ბიჭი კი ყოფილა, — მიუგო მომყოლმა და ფარნას დაუპირდაპირდა,—ფერი არ აკლია და ხორცი, შესაფერი სიმაღლე არ აკლია და სიგანე. ვაშლივით გაწითლებული ბიჭია და სხვა რა გინდა. გამარჯობა, ჯიმაია, შენი, — მიუბრუნდა მგზავრი ფარნას.

— ღმერთმა გაცოცხლოს, — მიუგო ფარნამ და გზას დაადგა.

— რასაა, პავლე, რომ ჩივი? — დაეკითხა ფარნა. გულში საშინლად ეწყინა პავლეს ამაყური სიტყვები, მაგრამ თავი ისე მოაჩვენა, თითქო არც გაუგონიაო. ეხ, — გაიფიქრა გულში, — რა ჩენებოდა ერთი, მეც, ეს ოხერი, აზნაურის შვილი ვყოფილიყავიო.

პავლემ ფარნასაც ბუზლუნით გააგებინა თავისი მწუხარება.

— რა გატირებს, მერე, შე კაცო. ეს მაინც დაფაზე ამოცანების გამოყვანა არაა, რომ ვერ გამოიყვანო და იტირო. — მხიარულად მიუგო ფარნამ.

პავლე გაწითლდა და ხმა ჩაიკმინდა. მართლაც, პავლემ ერთხელ დაფაზე არითმეტიკული ამოცანა ვერ გამოიყვანა, მოთმინებიდან გამოსულმა მასწავლებელმა სცემა და პავლე აატირა. ამ ამბის გახსენება პავლესთვის ძლიერ მძიმე იყო. ფარნამაც მაგიერი გადაუხადა და მის ავადმყოფ ადგილს ფეხი დააქირა.

პავლეს მომყოლმა კაცმა კი ვერაფერი გაიგო, თუ რომელ ამოცანაზე იყო ლაპარაკი. მას მხოლოდ ის უხაროდა, რომ პავლე ჩაჩუმდა და მისი ბუზლუნი აღარ აწუხებდა.

კარგა მანძილი გაიარეს ერთად და ერთ გადასახვევში პავლე და მისი მომყოლი თავიანთი სოფლის გზას დაადგნენ და ფარნა ჭყონონის გზას დაადგა. რამდენადაც ემარჯვებოდა და ეხალისებოდა ფეხის გადადგმა ზუგდიდიდან გამოსვლის დროს, ახლა ორი იმდენი ემძიმებოდა და ეზარებოდა. კუჭმაც თავისი განაცხადა, და ფარნას მის მიერ უპატიოდ მიტოვებული ცივი ღომი და ყველის ნაჭერი გაახსენდა. თავის წონა ოქრო რომ ჰქონოდა, მზად იყო ახლა იმ ცივი ღომი-ყველისათვის მიეცა, მაგრამ სად იყო! დაღლილ-დაქანცული

ზანტად ალაგებდა და დიდის ვაი-ვაგლახით, როგორც იყო, წყვიბი ლელემდის მიღწია, და იქ ერთი ჩრდილქვეშ გაგორდა.

ჰყონონამდი ჯერ კარგა მანძილი იყო.

დიდი ხანი იწვა ჩრდილქვეშ, ფეხები ცოტა მოუღბა, მაგრამ კუჭს კი არა ეშველა რა.

„ტყემალი მაინც იყოს, ეგ ოხერი,“ — გაიფიქრა მან და კიდევაც უნდოდა ამდგარიყო და არემარე დაეთვალეირებინა, რომ ქალის ნაცნობი ხმა შემოესმა.

— ნამღვილად ფარნაა, შორიდანვე ვიცანი, ღმერთმანი, ფარნაა, არა, უჩანა?

— უნდა იყოს, მეც ასე მგონია, — მოისმა ბასილ მძებრადის მოჯამაგირის ხმა.

ფარნამ მიიხედა; მის წინ, რამდენიმე საყენზე, ტასია ცხენით, ფრანგულ უნაგირზე კოხტად განზე გადამჯდარი მოდიოდა. ვერცხლით ტარმოკვდილ მათრახს ცხენს ზურგზე ნელ-ნელა უცაცუნებდა. მის გვერდით დიდ სავსე ხურჯინაკიდებულ ცხენზე მათი მოჯამაგირე უჩანა იჯდა. ცხენი, ცოტა არ იყოს, ნოღია იყო და უჩანა ძალზე ერეკებოდა.

— ხომ გიცანი შორიდან, ხომ გიცანი, — მოუკიკიკია ტასიამ.

— ჰაი, ჩემო ფარნა, ფარნაოზას გაუმარჯოს, — მიესალმა უჩანაც.

— გაგიმარჯოთ, გაგიმარჯოთ. მაინც მოგეწიეთ. მე თქვენ ახლა შინ იყავით მეგონა. დღეს დილით კლასში რომ მივდიოდი, მაშინ არ შემხვდი, უჩანა, მე შენ და მას აქეთ რა ხანია!

— არ იცი, ხაბაკი-მაბაკი, ზოგი საყიდელი რალაცებიც დავაბარა ბასილმა, მერე სიცხემ მოგვისწრო შუადღეზე, თავის გადასაგდები, ღვითთ, არაფერი გვიჭირდა და დავრჩით.

— ახლა ლაპარაკს კი ნუ გადაყვები, უჩანა. ერთი ჩამოდი მაგ ცხენიდან და ფაჩნა შეაჩინე — ბრძანებით უთხრა ტასიამ.

— კი, ბატონო, მზადა ვარ პატივი ვცე, ეს კარ ბიკია, ცხონებული ამისი დედისაგან ბევრი კარგი გამახსენდება.

— არა, არა, თქვენ არ შეწუხდეთ, მე ისე წავალ ნელ-ნელა, მირჩევნია, — არეულად მიუგო ფარნამ.

უჩანა კი ჩამოხტა და ერთგულად ცხენს თავაზობდა. ცხენზე შეჯდომავიაც უშველა.

— აგაშენათ ღმერთმა, ოი, ოი, დამამტერია მაგ ოხერმა კეხმა, ჰო, ერთი ფეხს რომ გავიმართავ, რამდენად მიღირს, საუბედუროდ, ის აბუანდიც მოკლეა ჩემთვის, ფეხები შემხუთებია, — ჩიოდა უჩანა.

ნა, ჯერ ერთი-ორჯერ წაიბაჯბაჯა და მერე მშვიდად ცხენოსნებს წინ გაუძღვა.

ფარნას კი უჩანასაგან დაწუნებული კეხი ღინღლის ბალიშად მოეჩვენა.

— მაგრა დაარტყი, მაგრა, ფარნა, თორემ ის ცოტა ჯანჯალი ცხენია, — მხიარულად ჩაილაპარაკა ტასიამ და ფარნას ღიმილით შეაჩერდა. ფარნამაც შეხედა. ორივენი ძლიერ კმაყოფილნი იყვნენ ამ შეხვედრით.

— როგორი ბილეთი გაქვს, ფარნა? — ჰკითხა ტასიამ.

— გვარიანი, — მიუგო ფარნამ.

— აბა მაჩვენე!

ფარნამ ხელი ჩანთაში ჩაყო, ბილეთი მოსძებნა, ცხენი გააქენა, ტასიას ვიუახლოვდა და ბილეთი გადასცა.

ტასიამ დახედა, მხიარულმა ფერმა გადაჰკრა სახეზე და ალტაცებით წამოიძახა:

— რომ ამბობ, გვარიანი კი არა, პირველი შეგირდი ყოფილხარ, ერთი ოთხიჯ არ გირევი!

— წიგნიც მომცეს, — დაუმატა გათამამებულმა ფარნამ.

— აბა!

ფარნამ წიგნიც აჩვენა. ტასიამ ცალი ხელით, ტუჩის შემწეობით, აქეთ-იქით გადაშალა წიგნი, რადგან მეორე ხელში ალვირი და მათრახი ეჭირა, და უფრო გახარებულმა და თვალგაბრწყინებულმა ფარნას შეხედა.

— ყოჩაღ, ფარნა, ყოჩაღ, ისე მიხარია, ისე მიხარია, რომ ჩემ ბილეთსაც გაჩვენებდი, მაგრამ ხელის ახლო არა ჰაქვს.

— მართლა, როგორია? — დაეკითხა ფარნა.

— ისიც გვარიანია, — სიცილით მიუგო ტასიამ.

— მაინც? ხუთებია?

— ხუთიჯ არის.

— ოთხებია?

— ოთხიჯ არის.

— სამებია?

— ჰ... ე... ე... სამი კი არ არის. — გაგრძელებით მიუგო ტასიამ.

— ყოჩაღ! — მიუგო ფარნამ.

— აბა, რა გეგონა, ხა, ხა, ხა! — გადაიკისკისა გოგომ.

— გადგიტ, გადგიტ ფეხი, ეს ოხერი. ბედაურებზე ზიხართ და ვერ გარეკეთ! — მიაძახა უჩანაჰ, რომელსაც მათთვის კარგა მანძილით წინ გაესწრო, რადგან ბილეთისა და წიგნის განხილვის

დროს ცხენები მათ სულ ნელა მიჰყავდათ. — რა, ქალაღის და წნიგის განხილვა მოგინდათ ახლა, არ ვიცი, — ჯავრობდა უჩანა. — კიდევ ვერ მოუწყინდით მაგ სანგაროს.

— ვაი, სი კოჩი, უჩანა. შენ, რაც გინდა იყოს, მაინც მოგეწყვიტო! — ცქვიტად მიაძახა ტასიამ. აღვირი მაგრა დაიჭირა და ცხენს მათრახი დაარტყა. ცხენი ცოტად შეხტა და მერე ბაკუნ-ბაკუნით გაითოხარია. ფარნამაც, რაც შეეძლო, გააჰქენა ცხენი. მან კი უშნოდ გაიქნია უკანა ფეხები და თავთავით გაჩანჩალაკდა. ხურჯინმა ფაფუნნი ჰოილო და კეხი აჭრიჭინდა. ციხის გადასახედავთან რომ მივიდნენ, ფარნამ მადლობა უთხრა და ცხენიდან ჩამოხტა.

— შენ აქ გადუხვევ? — ჰკითხა ტასიამ.

— დიახ, ამის გზა აქეთ არის, — მიუგო უჩანამ და უზანგი მოიმარჯვა.

— კვირას წირვაზე ხომ ამოხვალ? — ისევ ჰკითხა ტასიამ.

— უსათუოდ.

— მეც მოვალ.

— ეეჰ, ბაბაია სქუა, დავდლილვარ. — წარმოთქვა უჩანამ და ცხენზე მიიმედ შეკდა.

ცხენოსნებმა გზა განაგრძეს, ფარნამ კი თავის სახლისაკენ მიმავალი ბილიკით გადაუხვია.

ტასია მალ-მალ უკან იყურებოდა და ფარნაც თვალს აყოლებდა. ცხენოსნები ქვიან დაღმართზე ნელ-ნელა დაეშენენ. ტასიამ უკან მოიხედა, მაგრამ ფარნა ვერ დაინახა. მათ შუა პატარა ბორცვი იყო.

ზუგდიდიდან მოსვლის მეორე დღესვე ფარნამ ინახულა სევერიანე, რომელიც ამ დღეებში ჩამოსულიყო ქალაქიდან. თუ შარშან ნიკაპი პატარ-პატარა ქინქლებით ჰქონდა დაფარული, წელს მუქი ფერი გადაჰკრავდა. სევერიანეს ძლიერ გაეხარდა, როცა ფარნას მოწმობა დაათვალიერა და ამ ზატხულსაც სწავლება აღუთქვა.

ერთი კვირის დასვენების შემდეგ, სევერიანე ისევ შეუდგა თავის საყვარელ საქმეს. ახლა ის პატარა სევერიანე არ იყო, გასართობად, როგორც ზოგიერთი სოფლელები ამბობდნენ, სასენაკოსთან რომ თამაშობდა. იგი ახლა ღინჯად გამოიყურებოდა და როგორც გარეგნობით, ისე სულიერადაც სიმწიფის ნიშები ეტყობოდა. სოფლელებიც, როგორც ქალაქში მოსწავლეს, პატივითა და მორიდებით უყურებდნენ.

ჯერ ის შეეცადა, ცოტაოდენად სასენაკო შეეკეთებინა, ზოგიც

ბავშვების მშობლებისა და ზოგიც მამა ევთიმეს შემწეობით, სასენაკოს თხმელის თხელი ფიცრების ჰერი გაუყეტა. წინ ორი პატარა ფანჯარა გამოაჭრევინა და შუშის ჩასასვამი ოთხთვლიანი ჩარჩოები ჩაადგმევინა. სასენაკოს მტვერით სავსე და მინგრეულ-მონგრეულ მიწურ იატაკს სველი წითელი თიხა ბლომად დააყარა. გაასწორა და ბალღების შემწეობით კარგადაც დატყებნა, ასე რომ, იატაკმა ცემენტმოსხმულის სახე მიიღო. ერთი მეზობელი ხურო მოიწვია და იმ ფიცრებისაგან, რომელიც სასენაკოში ჰქონდა, რამდენიმე საკლასო გრძელი მაგიდის მსგავსი რაღაც გააკეთებინა. ჰქვეშ წიგნების და ყაბალახების შესანახი უჯრაც ჰქონდა და ერთი ადგილიდან მეორეზე გადატან-გადმოტანა ადვილად შეიძლებოდა. უწინდელ, ვარაუდად დადგმულ გაუწმენდავ ფიცრებთან შედარებით ეს დიდი ნაბიჯი იყო წინ.

ბავშვებიც იმდენი მოგროვდნენ წელს, რომ სასენაკო სანახევროდ არ ეყო და უადგილობისა გამო უქმყოფილო ბევრი შინ გაბრუნდა. რაც იყო, ის იყო. სამაგიეროდ, ვინც მიიღო, იმათ კი რიგიანად მოჰყიდა ხელი. ყოველდღე სამ-სამ გაკვეთილს აძლევდა. შეგირდების სია და გაკვეთილების ნუსხა შეადგინა, ფურცელზე ლამაზად და მსხვილად დაწერა და წინა კედელზე გააკრა. ამნაირად, გარეგნობითაც სასენაკო სკოლას დაემსგავსა.

ფარნა და ტასიაც, რასაკვირველია, შევიდნენ მოსწავლეთა რიცხვში, ისინი ერთად ისხდნენ და მათ სევერიანე ცალკე ასწავლიდა. ტასიას და ფარნას, როგორც სამაზრო ჭალაქის მოსწავლეთ, დანარჩენი ბავშვები, ცოტა არ იყოს, შურიანი თვალით უყურებდნენ, და იმათაც, ღვთის წინაშე, თავი მაღლა ეჭირათ და დანარჩენებზე უფროსობას ჩემობდნენ.

სევერიანეს ძმებიც დადიოდნენ სკოლაში, მაგრამ სევერიანე მათ ვერ მოურიგდა. ერთი რომ, როგორც ძმები, თამამნი იყვნენ სევერიანესთან, მის ნებადაურთველად, როცა უნდოდათ, შინ მივბოდნენ. შემოიღეს ბავშვებში კალმების თამაშობა, ჩხუბი და სხვადასხვანაირი ცელქობა, რომელიც უკვე დაესწავლათ ამ ერთი წლის განმავლობაში სასწავლებელში.

სევერიანემ თავისი ძმები სასენაკოში აღარ შემოუშვა. თუმცა მამა ევთიმე ამისი ძლიერ წინააღმდეგი იყო და ისეთი გული მოუვიდა ერთხელ, რომ კინალამ მთელი სასენაკო მიღეწ-მოღეწა და ბავშვები გარეთ არ გაყარა, მაგრამ ისევ მორბილდა და თავის შვილებს სხვა საქმე მიუჩინა. მათ ცხენისა და ჯორის მოვლა-პატიება ჩააბარა. ბავშვებსაც ეს უნდოდათ. ყოველ დილით ერთი

ცხენზე და მეორე ჯორზე პერანგის ამარა შეჭდებოდნენ და ერთი კიყინით და დავიღარაბით გაირბენდნენ სასენაკოს კარზე, თითქო სევერიანეს აჯავრებენო.

ფარნა და ტასია თუ წინათაც მეგობრები იყვნენ, ახლა იმდენად შეეჩვივნენ ერთმანეთს, რომ უერთმანეთოდ ცხადად ეტყობოდათ მოწყენა. თუ რომელიმე მათგანი რაიმე მიზეზისა გამო გაკვეთილს დააკლდებოდა, მეორე იმ დღეს თავს უქეიფოდ და ულაზათოდ გრძნობდა, ზანტად წერდა და გაკვეთილს არეულად უგებდა; თითქო ვიღაცას ელისო, სულ განზე იყურებოდა.

— რა დაგემართა დღეს, არ ვიცი?! — გაკვირვებით მიუბრუნდა ერთ დღეს სევერიანე ტასიას; ფარნა ამ დღეს გაკვეთილებს არ დასწრებია. იმ დღეს ძველი ხელობა გაახსენეს, — თხას გააყოლეს. რადგან ნიკოიას ნაღი ჰყავდა და არ ეცალა. — რა დაგემართა, ვერ გამიგია. გუშინ, გუშინწინ რა მშვენიერად მიგებდი, და დღეს კი, თითქო გეძინებო, სულ გაფანტულად იყურები. რვეულზედაც პელანი ხუთ ადგილას დაგიღვრია.

ტასია, ქარხალივით გაწითლებული, ძირს იყურებოდა და თავის ლამაზ, ფუნთუშა და ბოლოწაწვრილებულ თითებს ფიცარზე ნელ-ნელა უსვამდა. ერთხელ სევერიანემ ფარნა დაფასთან გაიყვანა. სამწუხაროდ. საკლასო დაფის მაგივრობას ახლაც ის გამურული მუხის ფიცარი ასრულებდა.

— აბა შენ დასწერე: ხუთიათას ექვსას სამოცდარვაჲ ფარნამ დაწერა.

— ვთქვით, ეს სულ მანეთებია. ახლა ეს ფულები გაუყავი ოთხმოცდაექვს კაცს, თითოს რამდენი ერგება?

ფარნამ გაყოფის მაჩვენებელი ხაზი გაუსვა და დაიწყო:

— ხუთი ათას სამოცდარვა უნდა გავყოთ ოთხმოცდაექვსად. ორმოცდათექვსმეტში ოთხმოცდაექვსი არ იმყოფება, უნდა მივუმატოთ ერთი რიცხვი, გამოვა ხუთას სამოცდაექვსი. ხუთას სამოცდაექვსიში სამოცდახუთი არის..... — აჲ ფარნა ცოტა შეჩერდა.

— ჰო, რამდენჯერ, დაახლოებით თქვი, — მოეხმარა სევერიანე.

— ექვსჯერ.

— ვთქვით, კარგი!

— ახლა უნდა შევიტყოთ, ექვსჯერ ოთხმოცდაექვსი რამდენია; იმის გასაგებად, ოთხმოცდაექვსი ექვსჯერ იმყოფება თუ არა ხუთას სამოცდაექვსიში.

— კარგი, — მიუგო სევერიანემ.

— ექვსჯერ ექვსი ოცდათექვსმეტი, ექვსს დაწერ, სამს ვინა-
ხავ, ექვსჯერ რვა... რვაჯერ ექვსი, — ორმოცდარვა. ორმოცდარვა
და სამიცი ორმოცდათერთმეტი. ერთად ხუთას თერთმეტი. ახლა
ეს გამოვავლოთ ხუთას სამოცდაექვსს. ექვსი, დარჩება ნული,
ექვსს — ერთი, დარჩება ხუთი, ხუთს — ხუთი, დარჩება არაფერი.

— ასე, ასე, ღიახ, — მოუწონა სევერიანემ. ფარნამ ცარცი
დაფას მოუღერა, უნდოდა რაღაც ეთქვა და კიდევ დაეწერა, მაგ-
რამ ამ დროს მათრახმა გაიტკაცუნა და ცხენის ფეხის ჩქარი ბაკი-
ბუკი მოისმა. ყველამ მიიხედა. სასენაგოს კართან ბასილ მძებრაძე
იღვა ცხენით.

— ჰა! — დაიძახა სევერიანემ. — ჩამობრძანდი, ბატონო!

— გმადლობთ, — სიცილით უთხრა ბასილმა. — იქით არა
მცალია, სევერიანეს გაუმარჯოს. — სევერიანე მიეგება და ხელი ჩა-
მოართვა. — მშვიდობა, ბიძია, თქვენი. გაიზარდეთ, გაიზარდეთ.

მამის დანახვაზე ტასია შეწითლდა და დარცხვენილი ღიმილით
წინა ფიკარს დაეყარნო.

— როგორ მშვიდობით, როგორ კარგად გიკითხო! რაა, შე
კაცო, სულ რომ არ გამოჩნდი, ან ისე გავიარ კაცის სახლში, ან
კარგს ვიტყვი, ან ავს! დასაბატიყებლად ვერ მოვიცალე და ისე შენ
კაცს არ მიეკარები. ეს როგორ შეიძლება! — უსაყვედურა ბასილმა.

— რა ვქნა, ბატონო, ხომ იცით, ვერ მოვიცალე, სულ საქმეე-
ბი, — თავი იმართლა სევერიანემ.

— მე შენ გეტყვი, კაი საქმეც ქეა, — დინჯად მიუგო ბასილ-
მა, — თუ ღმერთმა გვაცოცხლა, შემდეგში ეს საქმე სულ კარგად უნ-
და გავაწყოთ. ჰე, ჰე, გიდი, შენ თავს ღმერთი სულ აქ, ახლოს
რომ მომცემდეს სწავლის გათაგების შემდეგ, მაღლი ის იქნება.
მაგრამ შენ, ძმაო, საით გადიკარგები, ვინ იცის, ჩვენი ტალახიანი
სოფელი ეგებ არც კი იკადრო.

— არა, რატომ არა, — მიუგო სევერიანემ.

— ეჰ! რატომ, ჩემო სევერიანე, და იმიტომ, რომ შენ ჯერ გამოც-
დილი არა ხარ და მერე თვითონ შეიტყობ. ყაზახმა სიკეთე დაგი-
ფასოს, არ შეიძლება. შენ ერთგულად რომ ეკიდებოდე, ის ეშპაკო-
ბას მაშინ დაგიწყებს და ქვეშ-ქვეშ სამარის სათხრელად მოგიდგე-
ბა... შენ ახლა რომ შრომობ, განა ეს ცოტაა, მარა გიფასებს ვინმე?
ა.. დედა ნუ მოგიკვდება?... ახლა აქ ჩემმა გოგომ რომ ისწავლა,
იმდენი ვიცოდე ნეტავი და ასი მანეთი ამ საათში არ გადავიხადო,
საშველი არ მომცა. რა გითხრა, სევერიანე, — ხმა დაბლა ჩაილა-
პარაკა ბასილმა, — გაგაცდინე, მარა...

— არა, რათ იკადრებთ!

— არ შეიძლება, ტასია ახლავე შინ გაუშვათ? მე სასამართლოსკენ მივდივარ და დედამისმა დამაბარა, რალაც საკერავეები აქვს მისთვის.

— დიდი კმაყოფილებით, — მიუგო სევერიანემ. — ტასია, აიღე წიგნები და შინ წადი.

ტასიამ წიგნები მოაგროვა, ერთიც ფარნასკენ მოწყენილად მიიხედა და წასვლა დააპირა. ფარნას სახეზე აღმზრი მოედო და გულმა საშინლად ცემა დაუწყო. ბასილმა ცხენს ისევ შემოკრა მათრახი და სასამართლოსკენ წავიდა.

— აბა, შეძლეგ, ფარნა, გააგრძელე, — მიუბრუნდა სევერიანე ფარნას.

— რჩება ორმოცდაათი, — არეულად თქვა ფარნამ. — უნდა ჩამოვიტანოთ რვა, ხუთას რვაში ოთხმოცდაექვსი იმყოფება შვიდჯერ.

— რას ამბობ, ფარნა?! — მიუგო სევერიანემ.

— ექვსჯერ?

— არა.

— ორჯერ.

— ხუთას რვაში?! — გაკვირვებით დაეკითხა სევერიანე.

ფარნა გაჩერდა. ტუჩები გალღრჯებოდა.

— რა დაგემართა, ფარნა? — ლმობიერად დაეკითხა სევერიანე. ფარნამ მოიკრიფა უკანასკნელი ძალა და მიუგო, თუმცა თავს ნაკლებ ანგარიშს აძლევდა, თუ რას ლაპარაკობდა. — ხუთჯერ.

— კარგი!

— ხუთჯერ ექვსი — ოცდაოთხი.

— რას ამბობ, რას?! —

— არა ოცდაათი. ხუთჯერ რვა — ოცდაათოთხმეტი...

— რა გემართება, ვერ გამიგია, რა კარგად დაიწყე, რა მშვენიერად ამბობდი! — კვირობდა სევერიანე.

— არა, ორმოცდასამი, ოთხმოცდასამი...

— კარგი, კარგი, დაჯექი. — შეკრულად შეხედა სევერიანემ და ერთი-ორჯერ გაიარ-გამოიარა და მერე ბავშვებს მიუბრუნდა.

— ერთი ღარეკეთ. აღექით, ილოცეთ, გაკვეთილი გათავებულო.

საჭიროა საბუთი

სალამო ჟამი იყო, როცა აზნაური ბასილ მძებრადე და მისი ბიძაშვილი ბართლომე ცხენებიდან ჩამოხტნენ და ოდის აივანზე ავიდნენ. ორივეს სახეზე სიღინჯე და ცოტაოდენი მოწყენაც ეხატებოდა.

მარიკა მათ მხიარულად მიეგება, და თუმცა მათმა გაბუტულმა სახემ, ცოტა არ იყოს, შეაფიქრიანა, მაინც მიეხმატკბილა.

— რა ამბავი, ძუკუს მამა, მარშალთან რაზე ყოფილხართ დაბარებული?

ბასილმა ხმა არ გასცა, ნაბადი ნელა მოიხსნა და პასუხის მაგიერ ნელავე გადასცა.

— რამ გაგბუტა, შე კაცო? — დაეკითხა ისევ მარიკა. ბასილმა მათრახიც და ყაბალახიც ჩუმადვე მიაწოდა.

— რამ გარსაბა ეს ხალხი, არ ვიცი? — გაიკვირვა მარიკამ და ნაბად-ყაბალახი ოთახში შეიტანა.

ბასილი და ბართლომე აივანზე ჩამოსხდნენ.

მარიკა ისევ გამოვიდა.

— შენ მაინც მითხარი, რა ამბავია, ბართლომე, თუ ძმა ხარ? — უთხრა მარიკამ ბართლომეს.

— არაფერი, ბატონო, უმაღლესად გადაწყვეტილიაო, რომ სამეგრელოს თავადაზნაურობამ აზნაურის ხარისხი საბუთებით უნდა დაამტკიცოსო. ცალკე კომისიას ადგენენ ამისთვის და ყველამ, ვინც აზნაურია და სურს ეს წოდება დაიმტკიცოს, საბუთი იქ უნდა წარადგინოსო. ვისაც კომისია ღირსად იცნობს, ის რუსეთში გაიგზავნებაო და იქიდან გერანლიდგან დამტკიცება მოუვარო.

— დაილოცა შენი სამართალი, ნუ მეუბნები, ბართლომე! — პირჯერის წერით წარმოთქვა მარიკამ. — მოდი ახლა და ნუ დაიჯერებ: თუ ახალი ამბავი გინდა, წისქვილში მიდი და იქ გაი-

გონებო. ახლა კი არა, შარშანწინ ხუმრობდნენ, რომ მაძინია წისკვილში ამბობდა: აზნაურებს საბუთს მოსთხოვენო. მე მაშინ ვიცინოდი. მოდი და ეცინე ახლა!

ბასილი ჯერ ხმას არ იღებდა. ბოლოს ხელი წაივლო ჩექმის ყელისაკენ და ყალიონი ამოათრია. ტარში ჩაშეიტინების შემდეგ ჯიბიდან ამოიღო დაჭრილი თამბაქოთ სავსე ხარის ბუშტისაგან გაკეთებული ქისა, რომელშიც ყალიონი ჩაჰყო და სალოკი თითით თამბაქოს შიგ მოგროვედა დაუწყო.

— ირინე, ერთი სიფიჩქა! — დაიძახა მან.

მარიკა ადგა და ასანთი მოიტანა.

ბასილმა თუთუნს მოუკიდა, სქელ-სქელი ბოლი პირიდან ამოუშვა და თითქო ამ ბოლმა გამოაფხიზლაო, წამოდგა, ერთი გაიარჯამოიარა და ლაპარაკი დაიწყო:

— აა... ახლა ვთქვათ, თუ კაცი ხარ, — მიუბრუნდა ბართლომეს, მარჯვენა ხელი მხარზე დაუთათუნა და მერე ჰაერში გააქნია. — ვთქვათ ახლა, ქვეყანა გაჩენილა და მძებრადეც აზნაური ყოფილა. არა, თუ ძმა ხარ, არა! — თვალების მალლა აწევით და ერთ წერტილზე დაბრიცებით დაუმატა მან.

— ჰტ! — წაიტუტუნა ბართლომემ.

— კარგი, ძლიერ კარგი! ამდენი ხანი, შე კაცო, თუ აზნაური იყო, ახლა რაღა საბუთი სჭირია, ა... თუ ღმერთი გრწამს. მთელი სამეგრელო ენგურსა და ცხენისწყლის შუა დააფიცო, ქალი და კაცი, დიდი თუ პატარა, ერთხმად იტყვის, რომ მძებრადე აზნაურიშვილიაო. ჩვენი გვარი ეინმე ბრტყელია ან ცქვიტყურადე როდია, გუშინდელი გააზნაურებული. გუშინწინამდე ხბოს რომ იხდიდა ბეგარად. ნანდული ძველთაძველი ტახტის აზნაურია მძებრადე, და ახლა წარმოიდგინე, რომა... საბუთი წარმოადგინე, აზნაური ხარ ნამდვილად, თუ არაო, — აქ ბასილმა ტუჩი მოკუმა, მხრები აჩეჩა, ყალიონის ტარი პირში ჩაიღო და მოუპაპუნა, მაგრამ ბოლი ვერ ამოუშვა, რადგან ლაპარაკის დროს ცეცხლი ჩამქრალიყო. ასანთის ღერს მოუკიდა, ხელში დაიჭირა და ისევ განაგრძო — შენ ახალგაზრდა ხარ, რა გახსოვს, და ცხონებული პაპაჩემი სუჟონა რომ გენახა, ოჰო, ჰო, ამ კარში არ შემოეტეოდა. — ასანთი თანდათან იწვოდა და როცა თითი მოეწვა, საჩქაროდ ყალიონის ტარი პირში ჩაიღო, თან ძლივს მბუჟტავ ცეცხლს ყალიონს ადებდა და თან ლაპარაკობდა: — ხელმწიფე ნიკოლოზი რომ მობრძანდა ჩვენს ქვეყანაში. ლევან დადიანი დახვდა თავის აზნაურებით,

მთელი წოდება მოგროვილიყო და ამდენ კაცში ხენწიფემ სუმონია გამოარჩია. პირდაპირ ივითხა, ისე მოეწონა მისი ახოვანება... და ახლა რა ამბავია, შე კაცო... რა საბუთი გინდა უკეთესი... მაგრამ, მართალი რომ ვთქვათ, — აქ ბასილმა ხმა დაუშვა, თითქო ეზინია, ვინმემ არ გაიგონოსო, — ღმერთსა ვფიცავ, ჩვენი ბრალთა ყველაფერი. ზოგიერთი ისეთები გავუჩიეთ იმ წინანდელ ჩვენ დეპუტატ-საბრანიაში, რომ ერიამორიათ აშალეს ჩვენი საქმე.

— ასე ამბობდნენ, ბიძი, ჰო! ასე ამბობდა დღესაც თავადი სეხია ფარქანიძე. ეს საქმეც ზოგიერთებმა პირადი სარგებლობა-ინტერესისათვის გააფუჭესო და ახლა მაგათი გაფუჭებული საქმით ათასი უდანაშაულო პირი დაისჯებაო.

— მეც იმასაა, კაცო, რომ ვჩივი. — აღტაცებით მიუგო ბასილმა და ფიცარზე ჩამოჭდა, — კაცი ვარ, კაცო, კატა ხომ არა ვარ? რამდენი უდანაშაულო პირი ისჯება! საწყენად არ ვიტყვი და რამდენია ხელმოკლე აზნაური, და ეს საქმე ახლა მათ ცოტაოდენ ხლაფოთს კი არ მოსდებს. საბუთი იქნება არა აქვს, ვინ იცის. თუ გინდ ჰქონდეს, ხომ იცი, საქმის წარმოება, საცა გინდა იყოს, რა სადავიდარაბოა; რამდენი დრო და ხარჯი უნდა. ამაზე ვამბობ, კაცო, თორემ მე? ქვეყანა რომ დაიქცეს, მაინც რასმე ვიზამ. საბუთი რაა, შე კაცო, მაინცდამაინც, მე თუ არ მექნა, მაშ ვინ ოხერს ექნება? ის კი არა, ჩემი საბუთი სხვას უნდა გამოადგეს. მოურავად სულ ჩვენი ძველი იყო, დადიანის კარისკაცები სულ ჩვენები იყვნენ. ერთ დროს თურმე მძებრაძე სახუცეცის თანამდებობასაც ასრულებდაო, მაგრამ მე ვამბობ, საზოგადოდ, — ამაყად დაუმატა ბასილმა.

— ჩვენ კი, ბიძი, ერთი საბუთი უნდა გამოგვადგეს? — ჰკითხა ბართლომემ.

— მე ვფიქრობ, უნდა გამოგვადგეს. მამაჩემი, ცხონებული მერაბი იყო, იმის მკვიდრი ძმა იყო ზურაბი, მამაშენი. და მათი მამა, ე. ი. ჩვენი, რალა, ბაბუა, იყო სუმონა. იმისი საბუთი ახლა ჩვენ ყველას უნდა გამოგვადგეს. მხოლოდ, როგორც მარშალმა თქვა, უნდა დავამტკიცოთ საეკლესიო საბუთით, რომ ნამდვილი მისი შთამომავალი ვართ.

— ეს ხომ ბევრი არაფერია.

— არა, რატომ! აღვილიც არაა. ყველას კანტორის მოწმობა უნდა.

— მღვდლის ეყოფაო, რომ ამბობდნენ.

— არა, მე თვითონ მარშალს ვკითხე, არავინ არ მოტყუვდეთ. მეტრიკული მოწმობა უსათუოდ კანტორიდან უნდა იყოსო.

— ეს კი საქმეს გააჭიანურებს.

— რაც უნდა იქნას, უნდა ეცადო, ჩემო ძმაო. საქმის გაჭანჭ-
ლება არ ვარგა. მე ტახტის აზნაური ვარო, რომ იძახო, ეს მარტო
არ დაგიჯერა იმ კაცმა, ხომ ხედავ! დამისაბუთე, რომ აზნაური
ხარო. რას უზამ, შენც, როგორც გიბრძანებენ, ისე უნდა უსაბუთო.
ღმერთო, მომკალი, ყველაფერს მოველოდი და მძებრადესაც თუ
საბუთს მოთხოვდნენ, ამას კი არა... მე, შვილო, ხომ იცი, რაც
შემიძლია, თავს არ დაეზოგავ, მაგრამ კარგად ხედავ. ულევი მეც
არაფერი მაქვს. თქვენც ეცადეთ, დაფაქურდით, ირაკლის და
პავლესაც უთხარი, ხელი გამოიღონ, სირცხვილია!

— რასაკვირველია, ბიძი, რაც შეიძლება.

— ასეა და... ახლა, ძმაო, ფულებია საჭირო, ჩქარა უნდა შევი-
ტანოთ, რომ ჩქარა გათავდეს და მორჩება... მაგრამ, ჰო! ფულებმა
გამახსენა! დედა, ღმერთო, რა კაცთან მაქვს საქმე, კაცო, ღმერთი
არ არის ქვეყანაზე? ჩემისთანა დასჯილი კაცი კიდეც იქნება? შემჰა-
მა, შემჰამა, შემჰამა მაგ დრიმინტია მაზაკვალმა.

დრიმინტიას გაგონებაზე ბართლომე გაწითლდა: მას ეზარებო-
და დრიმინტიას ამბის გახსენება... ამ ამბის გახსენებაზე ყოველ-
თვის ჩუმად თავისთავს სწყევლიდა, რა საეშმაკოდ ვასესხებინე მა-
შინ ის ფულები ბასილს მაგ დასალუბავისათვისაო.

— არ გაგისწორდა კიდეც, ა... ბიძი? — რაც შეიძლებოდა თანა-
გრძნობით დაეკითხა ბართლომე.

— ჰმ! მა რას გეუბნები. შემჰამა, ერთი სიტყვით! ჯერ ხომ,
ხუთი წელიწადი მაწვალა. მერე უჩივლე, უხლაფორთე. რა თქმა
უნდა, დავადევი. მერე ის იყო, ერთი ნაცხენია მოიყვანა. ქვეყანა
შემიჩინა, ზალიკა შემომიჩინა, ისიც ნათელმირონი მომიმღურა...
კიდეც დარჩა ორი თუმანი. არ იქნა და არა. დღეს ხვალ, დღეს
ხვალაო... და ქე არის ისე... აბა, ასე სისხლი გამიშრო იმ გაკოტრე-
ზულმა და გაცრუებულმა ყაზახმა.

— ღმერთიც იმას დასწყევლის, კაცი იყო მეგონა, კარგად
ჰქონდა მაშინ საქმე და მეც იმან შემაცდინა. მოვმკვდარიყავი,
ნეტავი, და ამ საქმეში არ გავრეულიყავი. მეც შემარცხვინა
შენთან და შენც ქე გახრჩობს, — რაც შეიძლებოდა, პირს მოუ-
ფერა ბართლომემ.

— ე... ეჰ! — ამოიოხრა ბასილმა და გაჩუმდა, რაც ყოველთვის
13. უიარაღო

იცოდა, როცა საჭირბოროტო დრიმინტია ქადრაკელოს გადაუხდელი ვალი გაახსენდებოდა.

დაბნელდა. მისის დღის მუშაობისა გამო ილაჯგაწყვეტილი გლეხები ქალიდან თავიანთი სახლისაკენ მიდიოდნენ. ბასილის სახლის პირდაპირ, შუა ქალაში, მაღალ როკზე ყვავები ჩხავილით გროვდებოდნენ და ღამის გასათენებლად ემზადებოდნენ. მარიკა სამზარეულოსკენ წავიდა და ბართლომეშვიც შინ წასვლა დააპირა.

— მოიცა, შე კაცო, ვივანშმოთ, — შეეპატიჟა ბასილი.

— გმადლოზ, ბიძი, ეს ცხენი კოჩას უნდა მიეფუყვანო, სადილობამდი მოვალ-მეთქი და მოვატყუილე, მეორეჯერ არ მათხოვებს.

ბასილი არ გაუძალიანდა. ბართლომე ახლო ხეზე მიბმულ ცხენთან მივიდა და თოქართო სატახტოს გასწორება დაუწყო.

— თე, ბართლომე, როგორ მიდიხარ, არ ვიცი? — უთხრა ბასილმა. — როდემდი ვაქენოთ საქმე. მოდი, დღესვე გავსინჯოთ საბუთები, აბა, რომელი სჯობია. მოდი, მოდი, ცხენს მე ბიჭს წავაყვანიებ. გადადებული საქმე, ხომ იცი...

ბართლომე ისევე შემობრუნდა.

— ირინე! — დაიძახა ბასილმა.

— ბატონო!

— მოდი ერთი, ჩექმები გამხადე და წულები მომიტანე.

ირინემ ჩექმა გახადა და წულა მოართვა.

— ხარდანაძის ქალს დაუძახე, ერთ წამს აქ მოვიდეს, — გასცა ბრძანება ბასილმა.

ირინე სამზარეულოსკენ წავიდა და ცოტა ხნის შემდეგ მარიკა ოლაში მძიმედ ამოვიდა.

— ხარდანაძის ქალო, — რაც შეიძლება ალერსიანად უთხრა ბასილმა, თითქო ამას წინეთ ბუტიაოზისათვის ბოდიშს უხდისო. — ერთი, ხარდანაძის ქალო, ქაღალდები მოსძებნე, საბუთი უნდა ავარჩიოთ. რას გეტყვი, იცი, ბართლომე? მე შეიძლება კარგი საბუთი არც კი მქონდეს. რაც კაი ქაღალდები იყო, განსვენებულ როსთომს ჰქონდა. აქ თუ რიგიანს არ წავაწყდით, ირაკლის და პავლესაც უთხარი, ხვალ ნურსად წავლენ. მე თქვენსა მოვალ და ყველა ქაღალდები დავათვალიეროთ. სირცხვილია, კაცო. თუ შევიტანთ, ერთი ჩვენ გვარს რომ ეკადრებოდეს, იმისთანა შევიტანოთ. ისეთი, რომ ბევრი სალაპარაკო არ იყოს და ფიცხლავ გათავდეს საქმე.

ამასობაში მარიკამ კარგა მოზრდილი ყუთი მოიტანა. ყუთი გარედან სხვადასხვა ფერადებით შეღებული თუნუქით იყო შეკე-

დილი. ბასილმა ყუთი გააღო და მუხლებზე დაიდო. ყუთი ქალაღლებით იყო სავსე.

— აბა, ბართლომე, ერთი კარგად დაათვალიერე. აბა, ჭერ ეს ნახე რა არის, — უთხრა ბასილმა და სიძველისაგან გაყვითლებული კარგა მოზრდილი ქალაღლები გადასცა.

ბართლომემ გახსნა, რამდენიმე ფურცელი ქალაღლი ერთად იყო შეკინძული.

— სია გადასაბურავთა ფულთა გარდაცვალებულის აზ-რის მერაბი მძებრადესი, — დაიწყო ბართლომემ.

— უი, მართლა, ეს რათ მინდა, დაანებე თავი მაგ ოხერს, საღ მოქცეულა, — გააწყვეტინა ბასილმა. — სხვა, სხვა, შენი ჭირიმე. ეს, რაც განიხილო, აქ სტოღზე დააწყვე, მაგრამ მოიცა, სიტყვაზე, ერთი ის სიაღ ნახე, მინდოღა მენახა და სულ მავიწყღება. ერთი, გენაცვალე, მოსძებნე, ახთულა ტუტინაძემ რამდენი გადააბურა? მე იქით მანეთი გადავაბურე და იმის შვიღს საყვეღური უთქვამს: შამაჩეში მანეთით არ მოვიღოღა მერაბის სახღშიო.

ბართლომემ სია გადაშალა და ჩუმ-ჩუმად კითხვა დაიწყო: უ... ე... იოსეღა ცქვიტიაღ — სამი შაური.... უ... უ... არჩიღა ერჩქინღლიაღ — ორი აბაზი... ხახუ ზინღაშვიღმა — ერთი აბაზი.

— ახთულა ტუტინაძემ, — ჩაიღაპარაკა ბასილმა.

— ვეძებ, ბატონო, — ბართლომემ ქალაღლი ისეე გაღმოფურცღა. ეღიზბარ თეთრადემ ორი მანეთი... ზალიკა წკირაძემ ზუთი მანეთი... თო! — დაიძახა ბართლომემ, — ის მაშინაც იყო თქვენი მოკეთე?

— რასაკვირვეღია, იმის მამის მონათღული ვარ და ახღა შვიღლებიც მას მოვანათღოე.

— რომ ვერა ვნახე. ახთულა ტუტინაძე!

— იქნება არაფერიც გადააბურა? — სიცღიღით შენიშნა ბასიღმა — მანეთიანებში ნახე. შანეთზე ნაკღებს როგორ მოიღბანღა, რა ვიცი?

ბართლომემ ქალაღლი გაღაფურცღა-გაღმოფურცღა და ისეე ჩუმ-ჩუმად კითხვა გაავრძღლა: — უ... უ... უ... აი, აი, ავერ, ქე წავაწყდი: ახთულა ტუტინაძემ ერთი მანეთი.

— მაღღობა ღმერთს. მანეთი, ა... ნამღვიღად?

— სწორედ, ერთი კავეიკი არც მეტი, არც ნაკღები. ვინ გითხრა, ჭავრობსო?..

— გავიგე და მართალი გითხრა, ისე შემრცხვა, რომ... ჭერ მა-

გალითი არ ყოფილა, რომ მე ვისიმე მოტანილი გადასაბურავი შემერჩინოს.

ბართლომემ ქალაღდი დაკეცა და მაგიდაზე დაღო.

— ეს შეკრული ქალაღდები რაღაა? — წაატანა ხელი ბართლომემ წითელი ჩითის ნახევით ერთად შეკრულ ქალაღდებს.

— ეს არაფერიღა, — საჩქაროდ წარმოთქვა ბასიღმა და ხელი დააფარა, ყუღითღან ამოიღო და ჭიბეში შეინახა, თითქო ეშინიღა, ვინმემ არ წამართვასო.

ეს ქალაღდები ხუმრობა არ იყო. აქ იყო ერთად მოთავსებულღი ყვეღა თამასუქი და აღმასრულებელი ფურცელი, რაც კი ბასიღს ჰქონღდა. მათი რაღდებღა, მარიკას გარღდა, რასაკვირვეღიღა, არავინ იცოღდა.

ბართლომე მიხვღდა, რაც ქალაღდები იყო, და ჩუმად ჩაიციღნა. „ოხ, ერთი ხელში ჩამიგღღო, — გაიფიქრა მან. — როგორ გავაკორებ კარტოენიკებს, ფოთი და ბათუმის გარღდა სხვაგან არც კი ვიკადრებ თამაშობას. ჰე-ჰეი გიღდი, და!“

— აბღ, ახღღა არ იჩქარო, ისე, თითო-თითოღღ, ყვეღღა ქალაღდები, — უთხრა ბასიღმა.

ბართლომემ ხელი დაავღღო ერთ მოძვეღღო, ოთხად გაკეციღღ პატარა ქალაღღს.

„ძმღო ბასიღღ, ხეღღლ სარაქონში ვაპირებ წასვღღას და გთხოვ...“ — წაიკითხა ბართლომემ.

— გადაგღღე იქით, — ჭავრით თქვა ბასიღმა. — ოხრად დარჩა მაგის თავი, კაცო, მაგისთანა ქალაღდები კი არა, საბუთები, ძვეღღლებურ ქალაღდებზე იქნებღა დაწერიღღო. არ ურევიღა ამ ოხრებში? მარშაღღმა, როგორ იყო რომ თქვა, რომელი წღღის აქეთური საბუთი არ ვარგაო?

— ორმოცდაათისო, მგონიღა, ორმოცი რომ ურევიღა, ჰე ვიცი.

— დავით დღღდიანის სიკედიღღის შემდეგ მოცემულს ძაღღღა აღარა აქვსო, ასე არა თქვა?

— ასე თქვა, მგონიღა!

— მგონიღა კი არა, ნამღღვიღღად ასე თქვა. უსათუოღღ მთავრისღან მეფის ხელმოწერიღღი უნღღა იყოსო და ის პირი, ვისაღღც საბუთი ეკუთვნის, აზნაურად უნღღა იყოს მოხსენებელიო. მაგრამ ერთი ეს მითხარი. დავით დღღდიანი რომელ რიცხვში გარღღაიცვღღა?

— რა ვიცი ამღღენი ქორონიკონების, ეს მღღვღღლებს საქმეღა.

— მა რა იცი, — გაეხუმრა ბასიღღი, — ოთუსბირი?

— გაქვს ღღღთის წყაღღობა, ოთუსბირი მე ვიცოღღღე, გინღღა შენც

დაგასწავლო, ბიძი. მომეცი ის, ჯიბაში რომ შეინახე ერთი მსხვილ-თაგანი.

— აი, იქ რომ ბევრია, მეტი არ იხარა ჩემმა მტერმა, — ნაღვლიანად მიუგო ბასილმა და დაფიქრა. — არ ვიცი, როგორ წელს გარდაიცვალა დადიანი.

— შენ, ბიძი, მაშინ კაი ტოცორო ბიჭი იქნებოდი, უნდა გახსოვდეს.

— ვიყავი, რათ არ ვიყავი, რაც ახლა ვარ, მაშინაც ის ვიყავი! სიმალღეზე არ მომიმატნია მის შემდეგ და სიმსხოზე. მომაკლდა კი ბევრი. მაგრამ წელიწადი კი ვერ დავიმანსოვრე. დავით დადიანის სიკვდილის წელს იყო, თუ იმის მერე, მზე დაბნელდა, დღევანდელ დღესავეთ მახსოვს და მისი სიკვდილის მესამე იყო თუ მეოთხე წელსა ომერ-ფაშა ენგურს გამოვიდა.

— ამდენი რა გინდა, დავით დადიანის მერენდელი ვისიმე ხელმოწერილი აღარაფერს სჭრისო და ეს არის. თუ დავით დადიანის ხელმოწერილია, რომელი წლისაც გინდა იყოს, სულ ერთია. სიკვდილის შემდეგ ხომ ვერ მოაწერდა ხელს.

— ეს ასეა, კი, აბა, აბა ნახე, შეიძლება წააწყდე რასმე.

ბართლომემ ხელი დაავლო ერთ მოდილო ქალალდს, გაშალა და წაიკითხა: — პირობა...

— ოხრათ დარჩეს მაგისი თავი, — მიუგო ბასილმა. — საბუთი მინდა, კაცო, და არა პირობა. მაინც ერთი ნახე, აბა, ეს რომელი პირობაა.

ბართლომემ კითხვა გააგრძელა:

— „18... ნოემბრის 16 დღესა, ჩვენ, ქვემოთე ამის ხელის მოწვერნი ერთის მხრივ. აზნაურნი ბასილი მერაბის ძე, ირაკლი, პავლე და ბართლომე ზურაბის ძენი, კოხთა სქუნჩის ძე, ვახთა ყაღჯათის ძე. ირაკლი ჭუჭუნს ძე, ერისთულ და ივანე უჩანას ძენი, ოქროპირა ჭვიპის ძე, ვახუ იოსების ძე, უთუთი და გვატი სიკოს ძენი, ნარიჭი და ამბაკო პეპუს ძენი მძებრაძეები. ლავრენტი გიორგის ძე ტკვარჩელია და მეორე მხრივ ამავე სოფლის და უეზდის გლეხნი სიკოია და გატონია სუმონიკას ძენი და...“

— ოი. ეს ბალაგარი წისქვილის პირობა ყოფილა. — გააწყვეტინა ბასილმა. — აქ მეორე პირობა მქონდა სხვისი მობარებული და ის მეგონა.

— დელი, დელი. აბა დელა, ნანა, — გულშეწუხებულად შემოიმღერა ვილაცამ ბასილის დარბაზში.

ორივემ აიხედა.

მათ წინ ძუკუ იდგა.

— ბართლომეს გამარჯობა, — მიემხიარულა ძუკუ.

— იცოცხლე, ალბათ შეგემატება რამე, უცბად შენი ხმა ვერ ვიცანი...

ძუკუმ წარბები აიბჯიკა, ტუჩები სასაცილოდ ააცმაცუნა და ოდნავ ენა გამოყო, თან ცალი თვალი ბიძაშვილისკენ აღმაცერად გადისროლა და ამით ბართლომეს ანიშნა, რომ ეს აქ არ იჯდეს, პასუხად რაღაცა საინტერესოს გეტყოდით. მერე ქალაღებს შეხედა.

— ეს ქალაღები რა ამბავია! დაღარიბებული ვაჭარი გულის გასართობად ძველ დავთარში იხედებოდაო, ისე ხომ არ მოგდით, — ვითომდა იოხუნჯა ძუკუმ.

ბასილმა ერთი ამოიოხრა და დინჯად მიუგო:

— შენ სულ ასე იმასხრე! აგერ დავაჟაკადი, მაგრამ ჰკუთა კი, რაცხა ცოდვის გადიდება, ერთი ბეწო რა არის, არ მოგემატა.

— შენ ხომ, თუ ქადაგება დაიწყე, ბოლოს არ მისცემ, — მკვახედ მიუგო ძუკუმ.

— შენთვის გეუბნები, შვილო, შენთვის, თორემ მე ყოველთვის ბასილი ვიქნები. ამ ჩემ დროებას, როგორღაც არის, კარგად თუ ავად, ქე გავათრეე. შენთვის, შვილო, შენთვის. მადლობა უფალს, ჩემ სიცოცხლეში ჩემი ცეტობით და მეტობით საქმე არ გამიფუჭებია. მხოლოდ ამ სიბერეში ეს ახალი დავიდარება არ გამჩენოდა, ტკბილად წავიღებდი ბოლომდი ჩემს დღეს... ამასაც შენთვის, შვილო, თორემ მე, სანამ ცოცხალი ვარ ბასილი მძებრადე ვიქნები, კოჩა ბარიად არ გარდამქმნიან, მგონია, უბრალოდ ღირსებას არავინ ამხდის.

ბასილი თან ამბობდა და თან ბართლომეს ქალაღებს აწოდებდა.

ბართლომე გაჩუმებული იჯდა. ქალაღდს ათვალეირებდა, თავის ქნევით უარს ანიშნებდა და ქალაღდს მაგიდაზე აგდებდა.

ძუკუ ჩაჩუმდა და სკამზე ჩამოჯდა. ის მართლა თითქმის დავაჟაკებულიყო. სიპაღლით ბასილს კიდევ აჭარბებდა. მისი განიერი მხარ-ბეჭი, დიდრონი თვალები, ჯანმრთელი გამომეტყველება მაყურებელზე სასიამოვნო შთაბეჭდილებას ახდენდა. ნიკაპი და ყბები ალაგ-ალაგ ნორჩი შავი წვერით დაფარული ჰქონდა.

სასწავლებლიდან გამოსვლის შემდეგ, როგორც ვიცით, ბასილი ცოტა ხანს გაუჯავრდა და ახლოს აღარ იკარებდა. მაგრამ თანდათან გული მოუღბა. ან რა უნდა ექნა, ერთადერთი ვაჟიშვილი

იყო, ფრიად სახელოვანი მძებრადიების გვარის განმარტელეელი. „რა ვუყოთ, მაინცდამაინც რომ არ ისწავლა,— ფიქრობდა მოხუცი,— ექვი არაა, სწავლა ჯობდა, მაგრამ თავადაზნაურობაში ასში სამი არ ლრევია ნასწავლი, მაგრამ ქე ცხოვრობენ. რალაც ბედზე არ მოყვებათ სკოლის გათავება. მარტო ჩემ შვილს არ დამართია ეს ამბავი. თავად ქიშვარდი ქაჯურადქეს და ყარამან წასულადის შვილებიც ქე გამოადგეს ძუკუს გამოგდების მეორე კვირას, მაგრამ ქე ცხოვრობენ თავიანთ სახლში... ჰე, მოვიძულო, სულ არ ივარგებს, შეიძლება სულ ავაზაყ-აბრაგებს აყვესო“. ბასილმა ისევე მოდერება და ალერსი დაუწყო შვილს.

ტანისამოსი, რა თქმა უნდა, რამდენიმე ხელი და კარგი ღირსებისა შეუქერა. სირმით აჭრელეზული შაგრენის წულა-მესტები უყიდა. ახალი მოდის „შაპაზის“ მესხებით გულ-მკერდი დაუმშვენა, ქუთაისიდან ახალი მოდისგე სპილოს ძვლის ტარიანი დიდი ხანჯალი მოუტანა. დახერხილი ირმის რქით მოქედილი კეხიანი და სირმით მოქარგული შაგრენის ბალიშიანი უზანგაღვირმოვერცხლილი უნაგირი გამოუწყო და თავისი სასიქადულო ვერცხლით მოქედილი და მოოქრული ხმალი წელზე დაკიდა.

— ა... ძმაო, კაი ბიჭი და კაი ცხენ-უნაგირი, — ამბობდნენ ზოგიერთები, როცა ძუკუ, გამოწყობილი, პირველად გაერია საზოგადო შეკრებულობაში.

— ერთადერთი შვილია, მამამისი შეძლებული კაცია, არ გამიკვირდება, რომ რიგიანად გამოაწყოს, — ცოტა შურიანად ამბობდნენ სხვები.

— კლასი მიატოვა ამ ყმაწვილმა? — კითხულობდა ზოგი.

— მძებრადე სწავლული ვის გაუგონია, — ოხუნჯობდნენ სხვები.

ძუკუ შინ არაფერს აკეთებდა. დილით, საუზმის გვიან მირთმევის შემდეგ, ძმაბიჭებში გადიოდა. ისინი საკმაოდ ჰყავდა, როგორც აზნაურები, ისე გლეხები, ყველა მასავით უსაქმური. განსაკუთრებით მეგობრობდა ბართლომეს, მაგრამ ის ჰყონონაში ხანდისხან მოდიოდა. როგორც ვიცი, ბართლომე ბანქოს თამაშობით ცხოვრობდა და ჰყონონაში ამით თავს ვერ დაირჩენდა. მაინც, თუ ბართლომე ჰყონონაში იყო, ძუკუ იმას არ შორდებოდა. მათ ჩქარა მკვიდროდ დაუამხანაგდა იმავე სოფლის მცხოვრების, ჩვენი ნაცნობი კოჩა ბარიას მოგვარე, სოფრომია ბარია. სოფრომიას არც მამული გააჩნდა, არც დედული. მამას ერთი ქცევა-ნახევარი მიწა შეხვდა წილად მძებრადისაგან და ისიც ბიძაშვილებმა შეისყიდეს. შესახედავად ლამაზი იყო. სიმღერა, ცეკვა, თამაში ჩინებული იცოდა,

საკმაო ოხუნჯიც იყო და ამიტომ, მიუხედავად მოჯალაბის შვილოზისა, აზნაურების და თითქმის თავადების სახლებშიც მიღებული ჰყავდათ, თითქმის მთელი მაზრა იცნობდა. ბოროტი ენები ათასნაირ ჭორებს უგონებდნენ, თუმცა ჭორებს, უმრავლესობის აზრით. მისთვის არა იმდენად სათაჯილოს, რამდენად სასახლოს. მუდამ სუფთად ჩაცმულ-დახურჯული დადიოდა და თითო ცხენიც ყოველთვის ჰყავდა. საქმეს არაფერს აკეთებდა; ამიტომ საზოგადოებას საექვეო პირთა სიაში ჰყავდა მოთავსებული.

ძუკუ, ბართლომე და სოფრომია თუ ჭყონონაში ერთად მოხვდებოდნენ, ერთმანეთს თითქმის არ შორდებოდნენ. საუზმობდნენ ერთად. უფრო კი, ბასილის სახლში, თუ უკანასკნელი შინ არ იყო. მერე დადიოდნენ სოფელ-სოფელ და მომეტებულ დროს არშიყობაში ატარებდნენ. ეს ხელობა ბართლომემ და სოფრომიამ ჩინებულად იცოდნენ და ახლა ძუკუს ასწავლიდნენ. საუკეთესო დრო იყო მათთვის გაზაფხული და ზაფხული, როცა სოფელი. თითქმის მთელ დღეს სახლის გარეთ, შინდერის მუშაობაში ატარებს და შინ მარტო ქალები რჩებიან.

დღეს, რაკი ბართლომე ბასილს წაყვია, ძუკუ და სოფრომია მარტონი დარჩნენ. ერთი კარგად ისაუზმეს და მერე წავიდნენ ორფენზე სანადიროდ, როგორც ამბობდნენ, მაგრამ დღეს რაღაც არ მოუვიდათ დღეში და დუქნებისაკენ გამოიარეს. აქ სხვა მათსავით უსაქმურებთან ცოტა ნარდი ითამაშეს, ბევრი იოხუნჯეს და იხუმრეს. საღამოზე ბურთიც ითამაშეს და მერე ძუკუ შინ წამოვიდა და სოფრომია თავისი ბიძის სახლში, სადაც ღამეს ათევდა.

— სულ არა და არა! — წყენით ჩაილაპარაკა ბასილმა. — ნახავ, თუ მე საბუთი მექნა? კაცო, რას მეზბნები! ასლი არ უნდა მქონდეს? წიე, დაუძახე ერთი დედაშენს, ერთ წამს მოვიდეს, — უთხრა ძუკუს. — ეს, ეს, აბა. ბართლომე! — სიხარულით წამოიძახა ბასილმა და ერთი ძველებური, ცხრაფრად გაკეცილი ქალაღი ყუთიდან ამოიღო და გადასცა.

— გარეგნობა კი უგავს, — თქვა ბართლომემ.

— ჩუ ე წელსა, — დაიწყო ბართლომემ, — მარიამობისათვის კ დღესა, ესეთი ჟამითი-ჟამად და უკუნითი-უკუნისამდე უტყუარსა და ჭვარის სახედ ჩემს მიერ ხელმოწერილსა წიგნსა, გაძლეე ჭყონონას სოფლის მცხოვრები გლახ...

— გადააგდე, გადააგდე! მართლა რამე იყო, მეგონა, — იმედგადა-

წყვეტილად თქვა ბასილმა. — ეს ქორონიკონი რამდენია, ზევით რომ წაიკითხე?

— ეს კი ვიცი, საწყალმა ჩემმა მასწავლებელმა ივაკა დიაკონმა სხვა რა მასწავლა. — ჩინ, ყარ, ჯ —ათას რვაას სამოცი წელიწადია.

— ეს დავით დადიანი კი არა, მაშინ ომიანობა გათავებული იყო. ბუნტობაც გათავებული იყო, მგონია. ამას, რომ მოვკვდე, არ მირჩევნია? ხარდანაძის ქალო, — უთხრა ბასილმა ახალ შემოსულ მარიკას, — ეს რა ცოდვის გადიდებაა, ერთი საბუთი რომ ვერ ვიპოვეთ ამ ყუთში?!

— მე რომ მეკითხები, მე რა ვიცი, შენ ყუთში საბუთი რათ არა ძევს, ჰმ! — მხრების აწევით მიუგო მარიკამ.

— მაშ უჩარდია გითოლენდიამ უნდა იცოდეს შენ სახლში რა ძევს და რა არა? მაშ ვინ არის ოჯახის პატრონი, თუ არა შენ! — გულმოსულად დაიძახა ბასილმა.

— ალუ, არ დაილალო! — დაუწრუწუნა მარიკამ და ცერი აჩვენა. — შენი ქალღლებისათვის მე ხელი არ მიხლია. რასაც მოიტან, შიგ ვინახავ. რაც ჩემ მოსელამდი ეწყო, შიგ აწყვია, რასაც გაიტან, გაიტან და ის არის.

— აბა მაშ, მე საბუთი არა მქონია არც ერთი?

— მე რა ვიცი.

— როგორ არ იცი?! — თითქმის ვიაცვირა ბასილმა.

— ხომ არ დამთვრალა ეს კაცი დღეს? — მიუბრუნდა მარიკა ბართლომეს. — ხომ არ გადარეულა? ხარდანაძის სახლიდან მოვეტანდი საბუთს, თუ რაგაა მისი საქმე? რა ვიცოდი, რომ აზნაურობაც გაუჭირდებოდა, თორემ შეიძლება საბუთიც მომეტანა მისთვის. — ამაყად წარმოთქვა მარიკამ. — საბუთს რომ მე მეკითხება, რა ჩემი საქმეა საბუთი. მძებრაძეების გააზნაურება მე არ შემიძლია, წინათ თუკი არ იყვნენ აზნაურები.

— ახლა ყველას ნუ კი გვლანძღავ, — სიცილით მიუგო ბართლომემ, — შენ ძმასაც ასევე საძებარი ექნება, ნუ გეშინია!

— სასაცილოა კი არა, სატირალია, შე კაცო. — ღინჯად ჩაუღლაპარაკა ბასილმა.

— იტირე მერე, ვინ გიშლის, — მოუჭრა მარიკამ. — რა მოგიზარებია ჩემთვის და რასა მთხოვ! რაც მოგიზარებია, ხომ ან დამიზრუნებია, ან ამ ყუთში ძევს. რაც ჩემთვის კაცს არ მოუცია, საიდან უნდა მოვძებნო, — ხელგაშლით დაუმატა მარიკამ.

— ახლა. ბიძი, ღმერთს სიმართლე უყვარს, — მშვიდად გაერია ლაპარაკში ბართლომე.

— მარია მართალს ბრძანებს, თუ არ ჩავიბარებია, მართლა რა... შეიძლება მართლა ჩვენსა არის, გაყოფის შემდეგ ალბათ შენ არ წამოგილია, ამან რათ ჯავრობ.

— ეჰ, კაცო, — ცოტა დამშვიდებით წარმოთქვა ბასილმა. — როგორ დავიჯერო, როგორ დავიჯერო, რომ ამ ქალაქებში ერთი მაინც ისე არ გამოერია. კაცო, გაიგონე, რომ სუმონა მოურავი იყო და ხშირად მოდიოდა ბატონისაგან მონაწერი. მაშინ ახლანდელივით გადაწერილი არ იყო საქმის წარმოება. მიწერდნენ, ეს და ეს გააკეთეო. ან ამას და ამას ეს გამოუცხადეო. ან დაიბარებდნენ სასახლეში, ან რასმე აჩუქებდნენ. შიგ რაც ეწერა, იმას შეასრულებდა და ქალაქს ყუთში ჩააგდებდა. დღეს, ხვალ, ზეგ, გროვდებოდა უანგარიშო. სად არ ეგდო. ერთხელ, ასე ოცდაორი წლის რომ ეყავი, თავლაში ერთი პატარა ქალაქი შევამჩნიე, ავიღე, მაშინ გვარიანად ვკითხულობდი. ჰყონონას მოურავს ახნაურს სუმონა მძებრაძესო, ეწერა ზედ. — ფერის ცვალობისთვის თუ ას კალმახს მომიტან, ბეკუ შუშხუნაძის უმემკვიდროდ დარჩენილ მამულს შენ გაჩუქებო, — შიგ ეწერა და ბოლოს მთავარი აწერდა ხელს. მე გამიკვირდა! აქ ამას რა უნდოდა-მეთქი, ავიღე და იქვე კედლის ქუქრუტანაში მივაბიძგე.

— ოუ, ბიძი, შენახვა ჩვენ არა გვცოდნია და ტყუი... —

— კაცო, რას გეუბნები, — გააწყვეტინა ბასილმა. — ყურადღებას ვინ აქცევდა. სიზმრადაც არავის დასიზმრებია, რომ საბუთებს მოითხოვდნენ. მე ის მაჯავრებს, რომ ყველგან ეყარა და ნუთუ ერთი მაინც ამ ჩემ ყუთში არ მოყვა! ღმერთს გეფიცები, ტყუილი არ გითხრა, შენ გახსოვს, ერთი ხულას ტოლა პატარა სასტუმრო სახლი გვედგა, ძველად სად იყო სახლი! ერთი კედელი სულ მაგ საბუთებით იყო გაწებილი.

— მაგნაირ კაცს კჷუა ჰკითხე! — დაცინვით შენიშნა მარიკამ და სამზარეულოსაკენ გაეშურა. — ოთახს იმით წებავდნენ, ცხენებს ჩალის მაგივრად უყრიდნენ და ახლა, თუ არ იპოვნეს, ხარდანაძის... — გზა-გზა ლაპარაკობდა მარია.

ბასილი გულში გრძობდა, რომ მარია ყოვლად უდანაშაულო იყო. მაგრამ უნდოდა ჯავრი რამეზე გაექარებინა.

— ნავარობა და ოხრობა მაგისი. ახლანდელ სიცოცხლეს სიკვდილი თუ არა სჯობდეს, ღმერთი გამიწყერეს, — გულდაწყვეტილად თქვა ბასილმა და აივანზე გავიდა.

ბართლომემ ღიმილით შეხედა ძუკუს და წარბებებზეკით. ჩუმად ჩაალაპარაკა:

— რა ამბავი, ელეს როგორი დრო გაატარეთ. სოფრომია ციყო?

— ეხ! შენ დაგეჟცა დაბადების დღე. როცა საჭირო ხარ, მაშინ გადიკარგები. საბუთთანად ამოგავდოთ ღმერთმა, რასაა, რომ ხლაფართობთ, — უკმაყოფილოდ მიუგო ძუკუმ. — ვიყავით კი არა. ოთხჯერ გავიარეთ მისი სახლის ახლო, მაგრამ მარჯვე დრო ვერ ვიშოვნეთ. რალა მარჯვე დრო გინდა, კაცო, ქმარი იქვე ეზოში მუშაობს, დგას ყაზახი და მარგლავს სიმინდს... ჰა, ელეს შენც ვერაფერს იზამდი.

— ვაი, ვაი, ვაი, — მოუსწრო ბართლომემ. — უჩემოდ, ბიჭო. თქვენ გათლილ კიტრად არ ღირხართ. დამაცა, გაყურებინებ მის სეირს.

— ხერხიანი დრო თუ იშოვე, ეს მესმის, მარა, კაცო, მაპაჩირობა ხომ არ არის, ძალით ხომ არ ეცევი, ისე მიზეზი უნდა გქონდეს. კაცის სახლში რომ მიხვალ, ვირივით ყაზახი გამოგეკიდოს და თოხის ყუით ხერხემალი ჩაგიმტვრიოს.

— ბართლომე მოგიკვდეს, თუ მაგის ჩანამტვრევი ხერხემლით ცყონონაში გაიაროს. თქვენ რა იცით, ბიჭო, ჯერ არშიყობას რა და რა ხერხი უნდა. ძლიერ ლამაზია ის მამაძაღლი, ა!

— უჰ! ძმაო, — ათრთოლებით თქვა ძუკუმ, — დაადნობს კაცს. როცა მიდის, წვრილი წელი და განიერი თეძოები ისე მოგტაცებენ თვალს... მაგის ფუნთუშა ლოყებზე კი რალა უნდა ვითხრა. ტუჩები მიაღვევი და ზედვე დააკვდე, მადლია.

— მერე, კაცო, — საქმიანი კილოთი თქვა ბართლომემ, — მაგისთანა არსება ვისია? ვილაც ჭუჭყიანი ყაზახის. მთელი დღე ვეებერთელა იოხი ხელში უჭირავს, მუხლამდის ფეხები ტალახში და მტვერში აქვს ამოგლეხილი. ოფლის სუნით ერთ ვერსტს ვერ მიეკარები... და ამისთანა, მზის სხივებისაგან გადათუთქული მაგისთანა ანგელოზივით არსებას თავის ჭუჭყიან, სიცხისაგან დახალულ ტუჩებს რომ მიაყრდნობს... ეჰ, ჰ, ჰ, განა ეს სამართალია? ან ცხრაფრთად აბედივით დაბეჟილ ხელებს მის ბამბასავით ფამფა სხეულს რომ შემოახვევს, განა ეს ღვთის წყრომა არაა! მაგრამ დამაც...

— ერთი ვახშამი, ვახშამი, — შემოილაპარაკა ბასილმა და კარი შემოადო.

ბართლომემ უცბად შეწყვიტა ლაპარაკი.

— მგონია წვიმაც მოვიდეს, ისე მოიღრუბლა, — გაავრძელა ბასილმა, — ცუდი კი არის ახლანდელი წვიმა... როგორ დავიჯერო,

რომ ერთი საბუთიც არა მქონია. ლაკადა ადგილებს ქე მოუხდება ახლანდელი წვიმა და ჭალას კი არ უნდა... შენ მაშინ ნახე .სეირი, თუ თქვენ სახლშიაც ვერ ვიპოვნეთ საბუთი.

— ჩემ სახლში როგორ არ მოიძებნება, რა ვიცი, ისე როგორ დაიქცევა ქვეყანა.

— შენი მტერი, რომ ხარჯი დაგვაწვეს, თუ შენთანაც ვერ ვიპოვნეთ და არქივში შეგვექნა საძებნელი.

— შეიძლება, ბიძი, სხვა ვისმე, ჩვენ მოგვარეებს ჰქონდეთ ჩვენი გამოსადეგი?

— არა შგონი! პირიქით, მაგათი გამოსადეგი ჩვენ უნდა გვექონდეს. მძებრაძე, ნამდვილი და ღირსეული, სუმონა ყოფილა. მისი შვილიშვილები ვართ ჩვენ და საბუთიც ჩვენ უნდა გვექონდეს. აჰა, აი, დავიღალე კიდევ, ჩქარა ვახშამი, ძილი მინდა, — მიუბრუნდა ჩოსამსახურე გოგოს, რომელსაც გარეცხილი ღვინის კიკები შემოჰქონდა.

XXI

ივნისის დამლევს სევერიანე წყალაძე ძლიერ დასუსტებული დაბრუნდა სოფელში. ეს თბილისში მისი ყოფნის მეორე წელიწადი იყო. სახე გაყვითლებოდა, ლოყები ჩავარდნოდა, მისი გაჰქრიახი და მოელვარე თვალები ძლივძლივობით ბეუტავდა. მამა ევთიმემ და ეკატერინემ კინაღამ ღრიალი ასტეხეს, როცა პირველად დაინახეს მათი შვილი, მათი სასიქადულო შვილი სევერიანე ქლექში ჩავარდნილი ეგონათ. სევერიანემ სახეზე შეატყო მათ გულის აზრი და ანუგემა.

— ღმერთი, რჯული, — უთხრა მან, — აქეთ წამოსვლისას თავი ექიმს გავასინჯე და პატიოსანი სიტყვა მომცა, რომ საექვო და საშიში არა მჭირს რა, მხოლოდ მირჩია სრული დასვენება, წმინდა ჰაერი და რიგიანი სასმელ-საჭმელი, ჯფრო კი რძე და თოხლო კვერცხიო.

— დედა, დაისვენე, ნანა, დაისვენე, შემოგვევლოს დედაშენი. ოღონდ შენ მყავდე კარგად და სხვა შვილებს კისერს მოვტეხ, რომ ერთი ბეწო ჩამეში გაგაჯავრონ. რძე და თოხლო კვერცხს როგორ არ გიშოვნე, თუ ღმერთი შენს თავს მადირსებს, — ათრთოლებით ამბობდა საბრალო დედა და თვალებიდან მსხვილი ცრემლები ჩამოდიოდა.

— ახლა შენც დაიწყებ ვაი-ვაგლახს. ხომ გითხრა, მოსვენებაა

საჭიროო, და შენ კი ტირილი დაიწყე და სულ აღელვებ, — უკმაყოფილოდ შენიშნა ცოლს მამა ევთიმემ. — კარგი, შეილო, — მიუბრუნდა სევერიანეს. — დაისვენე, ისეირნე, ჰამე და სვი, როგორც შენი ქეიფი იყოს. მხოლოდ ბავშვებს წრეულს ხელს ვერ მოკიდებ. მათ მეტისპეტი შრომა უნდა. აი გაისად, თუ ღმერთმა მშვიდობა ქმნა, მაშინაც მოასწრობ. ოღონდ შენ იყავ ჯანმრთელად.

ენით თამამად ლაპარაკობდა მამა ევთიმე, მაგრამ მის გულში კი აღელვებული ზღვა დუღდა და გადადიოდა. ჩუმ-ჩუმად ჩქარ-ჩქარა შეხედავდა შეილს და ცდილობდა მის სახეზე ამოეკითხა, საშიში იყო მისი მდგომარეობა თუ არა. „ვაითუ საეჭვო სატკივარი სჭირდეს და არ მიმხელდეს“, — ფიქრობდა საბრალო მღვდელი და გული უკვდებოდა. გაგონილი ჰქონდა, ამ მხრივ რა ცუდია დიდი ქალაქები და რა ზომამდია მისული იქ გარყვნილება. თავისი ექვი მამა ევთიმემ ცოლსაც გაუზიარა. საბრალო დედას ამის გაგონებაზე ტანში გააზმორა და მოთქმის კილოთი ქმარს მიუგო:

— დედა, დედა, ვინ იცის, ეგები ეცხლმოკიდებული ვიყო და გენიაში ვიწვებოდე, იმ დასაქევევ ქვეყანაში. რა ვიცი, სად გაება ყრუ ბალანა.

მაგრამ, საბედნიეროდ, მათი შიში გაქარწყლდა. ერთი კვირის განმავლობაში სევერიანეს უკეთესობა დაეტყო ღონეშიაც და ფერხორცშიაც, და მამა ევთიმე და ეკატერინე სრულიად დამშვიდდნენ.

სევერიანე სეირნობდა ხან ფეხით და ხან ცხენით. სვამდა რძეს, თოხლო კვერცხს ყლაპავდა. მზრუნავი დედა ყოველ ცისმარე ღღეს, საოჯახო მოთხოვნილების გარდა, თითო ქათამს ჰკლავდა. რამდენიმე მეორეხარისხოვან ნაჭრებს, როგორც მაგალითად კისერსა და ფეხს, სხვა შეილებს მიუგდებდა, რომელნიც მგლის ლეკვებივით დააფრინდებოდნენ და ძელიანად ჩაახრამუნებდნენ და დანარჩენ საუკეთესო ნაჭერს სევერიანეს შესთავაზებდა.

ჩვენი ნაცნობი სასენაკო, რადგან წელს სწავლა არ იყო, ობლად გამოიყურებოდა. მის ახლომახლო ბავშვების ფეხისაგან გატკეპნილადგილზე მდებლო თავი იჩინა და სასენაკოს გვერდზე, და განსაკუთრებით უკან, ანწლი და გვიმრა სიხშირეში და სიმალეში ერთმანეთს დაეჭიბრა.

შარშანდელი ბავშვების მხიარული ცელქობა, ხმაური არემარეს არ აღვიძებდა. მიჩუმდა და მიყრუვდა სასენაკოს მიდამო.

მხოლოდ საზოგადო კანონს სევერიანემ წელს ფარნა გამოაკლო. მას კი მისცა ნება, როცა დრო ექნებოდა. მასთან მისულიყო და ფარნაც თითქმის ყოველდღე დადიოდა. მოჰქონდა ხან რძე-

ხან ყველი, ხან ხილი, ხან კიბო და თევზი, რომლის ქერა ფარნამ კარგად იცოდა.

ახლა ფარნა უწინდელი ბავშვი როდი იყო. მაღალ-მაღალი, ლამაზი და ფერ-ხორცილ სავსე, კანში აღარ ეტევაო, იფიქრებდი, ისე ჩასქელებული ჰქონდა მთელი სხეული. ახლა ის არათუ თამაშად წერდა ქართულად და რუსულად, საღმრთო ისტორიასაც უთხრობდა და უბრალო ნაწევრების ამოცანებსაც აკეთებდა.

სევერიანესთან მის რეპეტიციას სავსებით შინაური ხასიათი ჰქონდა. ყოველი სკოლური ფორმა და რიგი განდევნილი იყო. სევერიანე ჰანდრის ჩრდილში კილოზზე გორავდა და იქვე, მწვანეზე, ფარნა იჯდა წიგნით ხელში და კითხულობდა, ან არითმეტიკულ ამოცანას აკეთებდა. სევერიანე ან ყურს უგდებდა, ან შეკითხვას აძლევდა, ან უხსნიდა. ხანდისხან რამე წასაკითხ წიგნს მისცემდა და გაკვეთილიც ამით თავდებოდა. მათ შორის უფრო მეგობრული მუსაიფი და დროს გატარება იყო, ვინემ სკოლური სწავლება. მაგრამ ამნაირი მუსაიფით ორი თვის განმავლობაში ფარნამ უფრო მეტი შეიძინა, ვინემ მთელი წლის განმავლობაში მუდამ გულმოსული და ზარმაცი მასწავლებლისაგან სამაზრო ქალაქში.

ერთ დღეს ზაფხულის ჩვეულებრივი ეუუენა წვიმა დაუშვა. სევერიანე დარბაზში იჯდა, ფანჯარასთან, და რაღაც წიგნს კითხულობდა, ფარნა კი შუა ოთახში სასადილო მაგიდას უჯდა, წინ რვეული ელო და წერდა. მამა ევთიმე ის იყო სამრევლოდან დაბრუნდა, ვიღაც ავადმყოფი ეზიარებინა, იქვე ოთახის შუაგულ იდგა და წვიმისაგან დასველებულ წვერს იწმენდა.

— აბა, შეხედე, მამა, როგორ წერს ფარნა, მომავალი წლისათვის აღსარების მთქმელთა სიას მას გადავაწერინებ.

— აღსარების მთქმელთა სია კი არა, — იეჰვა მამა ევთიმემ. სევერიანემ წიგნს თვალი მოარიდა და მამას შეხედა.

— შენ არ მომიკვდე, აბა, დახედე?

მამა ევთიმე ფარნას მიუახლოვდა. ფარნა ცოტა აღელდა, გაწითლდა და ხელის კანკალით აატარ-ჩაატარა კალამი.

— თო, თო, ეს ბიჭი არ ხუმრობს, შენმა მადლმა! ეცადე, ჭიჭი. ეცადე! ღმერთი მოწყალეა, ვინ იცის, რას ამზადებს შენთვის? სევერიანე, — მიუბრუნდა მამა ევთიმე. — რატომაა, რომ ფარნა ასობებს სულ ცალ-ცალკე სვამს, გადააბას ერთმანეთს, რა უჭირს, უფრო ჩქარა ვერ დასწერს?

— რასაკვირველია, მაგრამ მე მინდა, რომ ჯერ ასობების ლამაზად გამოყვანა დასწავლოს და როცა ამაში კარგად გაფარჯიშე-

ბული ასობის გადამბას დაიწყებს, დაწერილი ადვილი გასარჩევი და ლამაზი გამოუვა.

— ჰო, როგორც ვატყობ, მომავალი წლისთვის კიდეც დასწერს აღსარების მთქმელთა სიას. დაილოცა შენი სახელი, — პირაჯრის წერით განაგრძო მამა ევთიმემ. — რა ღროება მინახავს და რას ვხედავ, მერე ბევრი ხანი იყოს, ნეტავ! ოცდაათი წლის წინეთ. მთელ სამეგრელოში, ასე წარმოიდგინე, ხუთმა-ექვსმა იცოდა რიგიანი წერა, ისიც სამღვდლოთაგანაა. ერის კაცებზე ნუ იტყვი. ზოგიერთებმა ხელის მოწერა ძლივს იცოდნენ და ბევრი მღვდელი იმასაც ვერ ახერხებდა.

— რას მეუბნები! — გაიკვირვა სევერიანემ.

— ისე გამეზარდე შენ, ეს რომ მართალია. და ახლა ნახე, საბრალო ნიკოიას შვილი როგორა წერს.

— განა ცუდია, მამა? — მიუგო სევერიანემ და წიგნი დაკეცა

— არა, ცუდიაო, ვინ ამბობს! ცუდი კი არა, განათლებაა. მაგაზე უკეთესი ქვეყანაზე რაღა იქნება. უზრდელი და უსწავლელი ძროხის ტოლია, ჭამს და ძინავს, სხვა არაფერი, მაგრამ ერთი კი არის: ჩვენმა კაცმა ცოტა თუ ისწავლა, ან თუ რაივე შეიძინა, მერე მშვიდობით, მაშინათვე გაამპარტავენდება. ახლო ნუ მიეკარები, ასწევს ცხვირს მაღლა, არც ღმერთს იცნობს, არც კაცს. რა ვიცი, მე ასე შემომჩნევა, და რამდენად მართალია, არ ვიცი, და ცოტა მოდაზლო წოდების კაცი ფეხს წინ რომ წარსდგამს, ცხელუბაშეყრილ კაცს დაემგვანება.

— ხა, ხა, ხა, — გადაიხარხარა სევერიანემ. — ავადმყოფია, განა? გეთანხმები, მაგრამ ეს ბევრი არაფერი, ღროება ყველაფერს გაასწორებს. ეს ბუნების კანონია. ასეც უნდა მოხდეს, მაგრამ ფარნა ასეთი არ იქნება, მგონია. ა, ფარნა, ცოტა რასმე რომ შეიძენ. გაამპარტავენდები და როგორც მამაჩემი ამბობს, სიცხე მოგეცემა?

ფარნამ თავი კიდევე უფრო ძირს დასწია და აკანკალებულმა ქლივძლიობით გააგრძელა წერა.

• • •

აზნაური ოსეყმა მძებრადე რუსუდან ხინჯიას ასულის მესამე სჯულის კმარი იყო. უწყალომან სიკვდილმან იმის თავიც გარდაიღო და დარჩა რუსუდანი ნამღვილი ქვრივი. მეოთხე კმრის ნებას კანონი არ მისცემდა, და რომ მიეცა, არა ვგონებ, ვისმე შეერთო. ყოველ შემთხვევაში, საეჭვო იყო მისი გათხოვება. მრავალმა წელმა და სამმა სხვადასხვა ხასიათის კაცმა თავისი ბეჭედი დაასვეს

რუსუდანს და ახლა ძნელად თუ ვინმე დაიჯერებდა, რომ მისი დანაოკებელი, გამხმარი სახე ერთ ღროს არა ერთსა და ორ ვაჟ-კაცს გულს უტოკებდა. ოხ, ღროებავ, ღროებავ! ოსეყმას სიკვდილის შემდეგ რუსუდანი ვერ მოთავსდა თავის გერთან, გახუსთან, ოსეყმას პირველი ცოლისაგან დაბადებულ შეილთან, და ვგონებ, უფრო მის ცოლთან იუსტინესთან. ხან აქეთ დააპირა წასვლა, ხან იქით, და ბოლოს გადაწყვიტა მონოზნად შემდგარიყო. სიცოცხლის ორმოცდამეთხუთმეტე წელს დაგმო და უარი უთხრა ამ ბილწ და გარყვნილ ქვეყანას. მაგრამ მონასტერში კი არ წასულა, იქვე, ჰყონონის ეკლესიასთან დააპირა ეპოვა მყუდრო თავშესაფარი და ლოცვა-ვედრებაში ღროს გატარებით საუკუნო ცხოვრებისთვის მომზადებულიყო.

მართლაც, რუსუდანმა თავისი წილი, თუ რამე ჰქონდა, გახუსს გამოართვა. ზოგი რამეები ითხოვა, ზოგიც აჩუქეს და ამ შეერთებულ ძალით ჩვენი ნაცნობი სასენაკოს პირდაპირ პატარა, ერთ-თვალა სახლი ააშენა. თუ რამე ხაბაკ-ხუბაკი ჰქონდა, ყველავერი იქ გადაიტანა. სამგლოვიარო მიტკლის ანაფორა ჩაიცვა, ხელში შავი ძაფისაგან გამოსკენილი კრიალოსანი დაიჭირა, თავი შეიხვია შავი მიტკლით და მერე ისე ოსტატურად, რომ ცხვირპირისა და თვალების მეტი არაფერი უჩანდა, და დაიწყო ცხოვრება.

რუსუდანის ახალგაზრდობა საიდუმლოებით იყო სავსე. ზოგნი ამბობდნენ: ვილაც თავადის უჭერო შეილიაო, გაზრდილი კი იყო თავადის სახლში; ზოგი — სვანეთში მონატაცები და ჩამოყვანილიო, თუმცა სვანს სახე არ მიუგავდა; ზოგი რას ამბობდა და ზოგი რას. თვითონ თავის თავს კი რუსუდანი აზნაურ მამუჩარ ხინჯიას ასულს უწოდებდა. პატარაობითვე ობლად დავრჩი, ნათლიაჩემმა, თავად იოსებ ღვივიშვილის მამამ, არჩილმა თავის სასახლეში წამიყვანა და იქ გავიზარდეო. ახლაც ბევრ რამეებს ამბობდნენ მისი ახალგაზრდობის, პირველ ორ ქმართან ცხოვრების ღროიდან და ასე რომ, მონოზნად შედგომის შემდეგაც ვერ გადაურჩა უღმობელ ქვეყანას გაუქილავ-გაუქორავი.

— რა გინდა, ძმაო, ქმარი სჯულიერი გამოიცვალა და ისე... მე ჩითის ახალუხი არ გამოიმცვლია იმდენი ჩემს სიცოცხლეში. როგორც უნდოდა, ისე გაიხარა გული, ახლა მონოზნად შედგა და სულსაც იცხოვნებს. მოდი და შეედარე, — ამბობდა ერთი.

— შენ რა იცი, მას რაც ჩაუდენია, ის თუ ყველა აპატია ღმერთმა, — ამბობდა მეორე. — მაშინ მე ცოცხალი უნდა აფერიდნე ზეცას.

— რა უქნია, ჰო, ისეთი, — განზრახ კითხულობდა მესამე, — ორ-სამ გოგოს კი შეილები მოანელებინა, მაგრამ ეს სამადლო საქმეა; თავისით რომ დაბადებულიყვნენ, მათ ღედებს არავინ შეირთავდა.

— თითქო სულ ერთი არ იყოს, რა მონელებია და რა დაბადება, თუკი დაორსულდა.

მიუხედავად ამისა, მთელი სოფელი პატივსა სცემდა რუსუდანს, ჩქარა სახელიც მოიხვეჭა, როგორც გამოცდილმა ექიმმა და ღვთისმშოსავმა ქალმა. განსაკუთრებით ქალებზე ჰქონდა ძლიერი გავლენა.

საკმელ-სასამელი უხვად მოსდიოდა სოფლელებისაგან, შეშა და წყალი უზრუნველი. ოქტომბერში, ჭირნახულის დალაგების დროს, რუსუდანი დაჰყვებოდა ჭანისწყლის ქალას და საკმაო სიმინდს მობოჭავდა. მოგროვილი სიმინდი არათუ თვითონ ჰყოფნიდა, კიდევ ჰყიდდა.

რაც გინდა ავადმყოფობა შეგეჩვივლათ მისთვის, წამალს მაშინვე მოსძებნიდა. თვალის ტკივილი, გულის ფრიალი, ყურის ტკივილი, წითელი ქარი, საბავშვო საყმაწვილო, თითქმის ჭლექის მორჩენასაც ჩემობდა. ბებიობა ხომ მაგის ხელში იყო.

წამლებს კი ყოველნაირ ავადმყოფობას უძებნიდა, მაგრამ უხდებოდა თუ არა ავადმყოფს, ამის დარდი არ აწუხებდა. სოფელი ერთხმად ღაღადებდა: უებარი ექიმიყო, თუმცა მისმა დანაყოილმა და ჩანახარშმა წამალმა არა ერთი და ორი გაგზავნა უდროოდ შავი მიწისაკენ.

რუსუდანი ამას არ დასჯერდა და საეკლესიო საქმეებშიც გაერია. მნათეს ხშირ-ხშირად დარიგებას აძლევდა, პრიჩეტნიკს მფარველობას უწევდა. სოფლად ქადაგებაც დაიწყო, უფრო ქალებში: ღმერთზე, სახარების ძალაზე, სარწმუნოებაზე, სიყვარულზე და ქადაგებებში ოსტატურად ალაგ-ალაგ მამა ევთიმეს საყვედურებსაც გაურევდა.

მისგან ხერხიანად დათესილმა მარცვალმა ზოგიერთ ამჟამად პირთა შორის კეთილი ნიადაგი მოიპოვა, და საბრალო მამა ევთიმეს ამის მეოხებით არა ერთი და ორი უსაიმოვნობა შეხვდა სხვადასხვა ქრისტიანული წესების აღსრულების დროს. მამა ევთიმემ ყოველივე ეს იცოდა, მაგრამ სხვადასხვა მოსაზრებისა გამო სდუმდა, თუმცა შინაურობაში არ მალავდა, რომ მონოზანი წრეს გადადის და ისეთ საქმეებში ყოფს ცხვირს, რომელიც მას სრულებით არ ეხებაო.

მიუხედავად ამისა, რუსუდანი მამა ევთიმეს სახლში ხშირად

მიდიოდა. მუსაიფობდა ეკატერინესთან, თვით მამა ევთიმესთან, სვამდა, ჭამდა. შორიდან კაცს შეეხვდა, ერთმანეთის გულითადი მეგობრები ეგონებოდა.

შეიძლება რუსუდანს მამა ევთიმე სრულებით არ სძულდა. პირიქით, გულის სიღრმეში მისი პატივის მცემელიც ყოფილიყო, მაგრამ გული მაინც არ მოუთმენდა, ცოტათი მაინც რომ არ გაეკილა სოფლის მღვდელი, თუნდაც მარტო იმისათვისაც, რომ ბასილის გარდა მამა ევთიმე ჭყონონაში ყველა მძებრამდე უკეთესად ცხოვრობდა. პირში რუსუდანი თუმცა უცინოდა მამა ევთიმეს, მაგრამ შურიანობით, ამ საყოველთაო საზიზღარი სენით დაბნელებული, ადვილად ვერ მოუტივდებოდა იმ აზრს, რომ მამა ევთიმეს, ჩაჭომავლობით გლეხთაგანს, სასმელ-საჭმელი უხვად ჰქონდა, შვილებს ყველას სასწავლებლებში ზრდიდა, ცხენი და ჯორი ჰყავდა, ყოველდღე ბარაქა და შემატება ეტყობოდა; და ეს მაშინ, როცა მძებრამდეები, უხსოვარი დროიდან ჭყონონას აზნაურები და მებატონეები, დღითიდღე კლებულობდნენ, მომეტებულს მათგანს სიმინდის ღომიც ენატრებოდა. რუსუდანი ამას ნათლად ხედავდა, და როგორც-მძებრამეს ნაცოლარს, თავმოყვარეობა ელახებოდა, თუმცა იმასაც ცხადად გრძნობდა, რომ პირადად მამა ევთიმე მძებრამების დაქვეითებაში უდანაშაულო იყო.

საზოგადოდ, რუსუდანი პურმარტილიანი და გულკეთილი ქალი იყო. ნიკოია თოხიტიარისთან რაღაც გულმკერდული მეგობრობა ჰქონდა და ამიტომ ფარნა ხშირად შედიოდა მასთან, როცა სევერიანესგან მობრუნდებოდა. ხან შეშას და წყალსაც მოუტანდა მოხუცს, რუსუდანიც თავის მხრივ ხშირად უმასპინძლებოდა.

ავვისტოს დამლევს უკანასკნელი გაკვეთილი მისცა სევერიანემ ფარნას, თუკი მათ შინაურულ მუსაიფს გაკვეთილს დეარქმევთ. მეორე დღეს სევერიანე თბილისში მიდიოდა. ახლა ის სრულებით არ ჰგავდა იმ სევერიანეს, რომელიც მაისის დამლევს ჩამოვიდა, ფერმიხილი და ღონეპილეული. ახლა ის ჩასქელებულ კისერს ძლივძლივობით აბრუნებდა. ეკატერინე, რა სალაპარაკოა, სინარულით ფეხზე აღარ იდგა, და მისი კვლავ ჭანმრთელობისათვის ჩუმ-ჩუმად ღვთისმშობელს ევედრებოდა.

— შვილო, შვილო, — ეუბნებოდა დედა ხშირ-ხშირად წასვლის წინა დღეებში. — თუ ცოტაოდენი სიყვარული გაქვს დედაშენისა, ჩემი პირველი და უკანასკნელი თხოვნა ესაა: შვილო, ყელი არ გამოშკრა და უწმინდურ ადგილებისაკენ არ გაიარო. ყველაფერს მოასწრებ, თავს შემოგველე, შვილო! თუ ღმერთმა შენი კურსის დამთავრება

მაჩვენა, რა მიმიყვანს მე უბედურს იმ დღემდღი, თორემ, ისეთ ცოლს შეგერთავ, ამონახატი იყოს, მზეთუნახავი.

— რას მეუბნები, ნანა, განა მე იგეთ კაცად მიგაჩნევა? — ღიმილით მიუგებდა სევერიანე.

— ოხ, ვიცნობ მე კაცებს. ეკ, შვილო, განა არ ვიცნობთ მე თქვენ? მაგრამ, ჩემი სიყვარული თუ გაქვს, მე კვლავ ეს მითხოვნია შენთვის: ქალი რომ შეგხედეს, მოგეწონოს და გული აგიღელდეს, მაშინათვე მე მომიგონე, მე, დედაშენი; რომ მეც ქალი ვარ, მე, დედაშენი. აი ძუძუ, რომელმაც გაგზარდა, შვილო, ჩემს ჯათისაგან დანაოჭებულს და გალურჯებულ სახეს თვალწინ დაიყენებ, იცოდე: ის დაგიფარავს მაცდურის ქსელისაგან.

— შენც ერთი, ნანა, ბაბასავით დამიწყებ ქადაგებას, — კვლავ ეტყოდა სევერიანე და სიცილით გაშორდებოდა ხოლმე.

უკანასკნელი გაკვეთილის შემდეგ ფარნა გულთბილად გამოემშვიდობა სევერიანეს და შინისაკენ გასწია. ზეგ ისიც მიდიოდა სკოლაში. პირველდაწყებითი სკოლის გათავებას კიდევ ერთი წელიწადი უკლდა. საღამო ეამი იყო, გზაზე, ჩვეულებრივ, რუსუდან მონოზანს გამოუარა.

— ფარნა ხარ, შვილო! — შორიდანვე დაუძახა რუსუდანმა. — ძალიან გამეხარდა შენი ნახვა, ახლა ისე მესაჭიროებოდი. მოდი, შვილო, ერთი ამ ქალღმერთში შხამიანის შელოცვა გამომიჩიე: თვალს ვერ ვაწვდი, შვილო, დაებერდი. სათვალეშიაც ვერ ვარჩევ რიგინად. — ამ სიტყვებით ერთი კარგა მოზრდილი, ძველ ჭინკში გამოხვეული ქალღმერთი გადასცა ფარნას.

ფარნა დერეფნის საძირკველზე ჩამოჯდა და რუსუდანის შემწეობით იატაკზე ბოღია გაშალა. რა და რანაირი ქალღმერთი არ ეყარა შიგ. ერთი რვეულის გარდა, ზოგი მთელი ფურცელი ოთხად გაკეცილი და დროთა ვითარებისა გამო გაკვეთლებული, ზოგი ერთი ბეწო დაჭმუჭვნილ-დაჯღაბნილი, ზოგიც ძველებურ სქელ მწვანე ქალღმერთ რაღაც წერილები.

ფარნამ ერთ რვეულს ხელი მოავლო, გადაშალა და წაიკითხა: „პატივისმცემელი მამისა, იხარებდეს ძეთა მიერ, პატივისმცემელი მამისა, იხარებდეს ძეთა შიერ.“

— ო! ეს ჩემი დამტირავი, ჩემი იოსების დაწერილია. პატარაობისას, როცა სწავლობდა, მაშინდელი, — აღტაცებით გააწყვეტიანა რუსუდანმა.

— დაწერილი ლამაზათაა, მაგრამ სულ ერთი და იგივე წერია: „პატივისმცემელი მამისა, იხარებდეს ძეთა მიერ.“

— ალბათ ისე უნდა და ისე დაწერდა ჩემი იოსები, თავზე შემოველოს მისი რუსუდანი. ეს გადადევნი, შვილო. ამაში არ იქნება შელოცვა. შელოცვები აი ამ მეორე რვეულში იქნება, — მიუთითა რუსუდანმა მეორე რვეულზე. — კოსთაიას გოგოს მარჯვენა ფეხის ცერი დასიებია და დედამისი მოიჭრა ამ საღამოს, არიქა, მიშველეო, შეიძლება დასუნებული იყოსო, წამალი უნდა მოვემზადო და შეველოცო.

ფარნამ რვეული გაშალა.

— ლოცვა საბავშვო საყმაწვილოსი: სახელითა მამისათა და ძისითა, — წაიკითხა მან.

— აი, აი, ამ რვეულში იქნება! — წამოიძახა რუსუდანმა, — სხვანახე საბავშვო საყმაწვილოსი კი არ მინდა, შხამით დასივებულისა ან გველის ნაკბენი რომ იქნება, ან მორიელის, იმისი ლოცვა.

— ლოცვა მექექისა...

— კიდევ ქვევით ნახე.

— ლოცვა სივსივნისა.

— აი, აი, კიდევ ცოტა ქვევით.

— ლოცვა შხამიანისა.

— აი, ეს ლოცვა წამიკითხე, შვილო.

— ბირმელა... ჰი, — დაიწყო ფარნამ. — სტრაფელი ჰი, რამუა იუჟე სლამუნ ალელაჰი ქუფენ; ასასან, ბასასან, ბასტუმ მიმირნუშ კულუფუ ალელიჰი ქუფენ.

— შვილო! ამას რომ წაუკითხავ და შეულოცებ, წყალს დააღვეინებ, ამ ქალალდსაც ზედ დაადებ, შხამს ძალა დაეკარგება. და ნაკბენი, ღვთით, მორჩება, — ავტორიტეტულად შენიშნა რუსუდანმა. — სულ არეულად მაქვს ეს ქალალდები, — ჩუმად განაგრძო მან, შელოცვის რვეული ფარნას გამოართვა, შხამიანის შელოცვა ფრჩხილით დანიშნა, იმას იოსების ნაწერი რვეული ზედ დაადო და სხვა ზოგიერთი ქალალდებიც მასზე დააწყო. — ამდენ ერთი ბეწო ბურდებს რათ ვინახავ. არ ვიცი, — ნელა შენიშნა რუსუდანმა და ზოგიერთი ქალალდი, რომლებიც ძლიერ ძველად და უმნიშვნელოდ მოეჩვენა, ცალი ხელით აკრიფა, მუჭით დაჭმუჭნა და სასენაკოს გვერდით სანაგვესაკენ გადაისროლა.

— რად გადაისროლე, ჩემთვის მოგეცა! — შესძახა ფარნამ.

— გეტქვა, შვილო, რომ მცოდნოდა, არ გადავაგდებდი. ისეთი ერთი ბეწო ქალალდები რაღათ გინდა, შვილო, ალბათ, ძველებური ერთმანეთთან მინაწერი ბარათებია, ვინ იცის, საიდან სად ჩამი-

ვარდებოდა ხელში, ვერც კი გაარჩევ რიგიანად, მაშინ სხვანაირად, კიკმაკურით წერდნენ! — ამოხვრით დაუმატა რუსუდანმა.

ფარნამ საჩქაროდ მოაგროვა გადაგდებული ქალაღდები და უბეში ჩაიღო. მერე რუსუდანს გამოემშვიღობა და შინ გასწია. გზაზე ამოიღო ერთი, ხელისგულზე ცოტად ფართო, ძველი ქალაღდი და დახედა. ზოგი ასოები იცნო, მაგრამ წაკითხვით ვერ წაიკითხა. მელანიც თითქმის წაშლილი იყო, გარკვევით არ აჩნდა. ქარაგმებით საესე იყო და ასოებიც, მართლა, რალაც ეშმაკურად იყო ერთმანეთში გადახლართული. ეს ისეე უბეში ჩაიღო და მერე ქალაღდი ამოიღო. ამას თავი და ბოლო თავეებისაგან მოკმული ჰქონდა, მაგრამ გადაგდებით არც ერთი ქალაღდი არ გადაავღო. მერე მათი არსებობა არც კი გახსენებია ნავახშმევაღდე. ნავახშმევეს, როცა ბლუზას იხდიდა, ქალაღდები მიწაზე დასცივიდა.

— ეს რა ქალაღდებია? — ჰკითხა მის გვერდით მღგომმა გაიანემ.

— რა ვიცი, რუსუდან მოლაზონმა მაჩუქა. აი, ამ ჩემს სასთუშალში ეყაროს და როცა დაგკირდეს მოიხმარე.

— რაში დამკირდება მაგეთი ერთი ბეწოები, რა ნაგლეჯები მოუცია, — ტუჩის აბზეკით მიუგო გაიანემ, როცა ქალაღდები დაათვაღიერა.

— მაინც აქ ელაგოს, — უთხრა ფარნამ, — ქალაღდები მუთაქის ჰეემ შეინახა, პირჯვარი გაღიწერა და საბანი გაღიხურა.

პირველ სექტემბერს ფარნა გაემგზავრა სასწავლებელში, მაგრამ ფეხით კი არა, როგორც წინათ. ახლა მათ საკუთარი ცხენი ჰყავდათ.

ნიკოია თოხიტარიამ ამ თოხი-ხუთი წლის განმავლობაში შესამჩნევად იმატა. თვითონ ნიკოია, ამ ხუთი წლის წინათ როცა ტომბაშვილი პირველად მოვიდა მის სახლში, წელში მოღუნული, დაბეჩავებული რომ იყო, ის ნიკოია, რომელიც ღორის ტყავისაგან თავისივე ხელით შეკერილ ქალამანს ორმოცჯერ დააკერებდა, ათჯერ გაღი-გადმოაბრუნებდა და მთელ ზამთარს მაინც გაატარებინებდა, ახლა სულ სხვა იყო. წელში გამართული დადიოდა, თვალებს მხიარულად აბრიალებდა. საზოგადოებაშიაც პატივი დაედო. მობრძანდი, ნიკოია, დაბრძანდიო, ეუბნებოდნენ. წინათ კი: ნიკოია, მოდი. შენც მოდი, ნიკოიაო, სამადლოდ ეტყოდნენ ხოლმე. ცხრაფრად დაკერებული და გაქუქყიანებული მსხვილი შალის ყაბალახის მაგიერ ახლა თეთრი ყაბალახით ჰქონდა თავი წაკრული და ყაბალახის წვერზე ეკონწიალებოდა აბრეშუმის ძაფის ფუნჯი, რომელიც ყაბალახის თავზე შემოხვევის დროს ყურთან მოექცეოდა

ხოლმე. წინათ ორ წელში ერთხელ თუ შეიკერავდა ორ შაურიან ჩითის ახალუხს, დიდი ღვთის წყალობა იყო, ახლა კი ჩითის კი არა, ერთი სატინის ახალუხიც ჰქონდა. წინათ თუ წლის განმავლობაში უმეტეს დროს ფეხშიშველი დადიოდა, რის გამო ცხრაფრად დახეთქილი ჰქონდა ქუსლი, ახლა ხშირად შავი სამოგვის ქალამანი ეცვა და შინაურულად შეკერილი კანის ქალამანი კი მუდამ. მისი შვილებიც სუფთად და თითქმის კოხტად ჩაცმულნი დაიარებოდნენ. ბართლომე მძებრაძემ, როგორც მოსალოდნელი იყო, ვერ დაიხსნა ირმის ნახეთქი. ნიკოიამ ჩინებულად დაწმინდა ღვარძლისაგან და ისე გამოაკეთა, რომ მაინცდამაინც ძნელი მუშაობა არ სჭირდებოდა და სამოცდაათიდან ოთხმოც ფუთამდე ყოველწლივ წმინდა სიმინდს იძლეოდა. ჩალა, ლობიო და გოგრა კიდევ სხვა იყო. გარდა ამისა, ნიკოიამ სამი ქცევა მიწა კიდევ დაიგირავა სხვა მძებრაძეებისაგან, რადგან აზნაურობის მაძიებლობამ ფული მოითხოვა. ფულზე კი მძებრაძეები ცოტა ქესატად ბრძანდებოდნენ და იძულებული შეიქმნენ ჯალა დაეგირავენინათ. ამნაირად, ნიკოიამ სხვისი მიწების სანახევროდ მუშაობას თავი გაანება. დროებამაც ხელი შეუწყო, სიმინდის ფასმა აიწია. ცხენი შეიძინა, ახალი უნაგირი იყიდათხები ზოგი გაყიდა, ზოგი თვითონ დაჰკლა და ზოგი გააბარა, და მათ მაგივრად ორი მეწველი ძროხა გაიჩინა.

ეზოს ღრმა თხრილი შემოავლო და მესრით შემოზღუდა. ბელებისაგან გაკეთებულ და ისლით გადახურულ სასიმინდის გვერდით ფიცრული და ყავრით დახურული ახალი სასიძინდე დადგა. სახლი ჭერ ისევ ძველი ედგა, მაგრამ ისიც მიასუფთ-მოასუფთაჲ; საქონელს ახლა შიგ აღარ აბამდა. შემთხვევით ერთი პატარა ფიცრული სახლი იყიდა, ცოტა მასალა მიუმატა, გააგანიერა, თავის გემოზე დადგა და საპირუტყვე სახლად გახადა.

დედამისი, ქუჭა, თუმცა ძალზე მოხუცებული იყო, მაგრამ თითქო გაახალგაზრდავდაო, სუფთად ჩაცმულ-დახურული ხანდიხან ეკლესიაში ამოვიდოდა და გულმოდგინედ ღმერთს ევედრებოდა: ნაწირვებს მხიარულად მუსაიფობდა და კიდევ გაიხუმრებდა. აბა, ასეთია ცოტაოდენი ღონე! გაიანე აბრეშუმის კაძაში, ქოლგით ხელში თავმომწონედ მიდიოდა ეკლესიისაკენ. იგი ახლა სრული დამწიფებული იყო, ძლიერ ლამაზიც, და არა ერთ ახალგაზრდა ბიჭს გულს უმღვრევდა მისი ფუნთუშა ლოყები და მოსული გულმკერდი.

XXII

ბედნიერი შეხვედრა

გაჩნდა სალდათობა. ყველა ახალგაზრდა, ოცდაერთი წლის ჰაბუკი ჯარისკაცად ჩასწერეს და ნოემბრისათვის სამაზრო ქალაქში კენჭის საყრელად გაიწვიეს. ბევრი არათფერი განსხვავება დასდევს თავად-აზნაურ-გლეხებს შორის, თავადაზნაურობის და სასულიერო წოდების შვილები მხოლოდ ცალკე წიგნში ჩასწერეს და პრივილეგიროვანნი სოსლოვიე დაარქვეს: ეს იყო და ეს, სხვათრევი კი ერთნაირად უძახდნენ, ერთნაირად ზომავდნენ და ერთნაირად კენჭს აღებინებდნენ, თავადაც, აზნაურსაც, გლეხსაც.

პეტრე თოხიტარია კი გადასცდა სალდათობას, ივანე კი ოცდაერთის. წლისა იყო და კიდევაც ჩასწერეს. კონსტანტინე ტომბაშვილმა, როგორც თქვა, ისე შეასრულა. კენჭის ყრის რამდენიმე დღით წინ მოვიდა, ერთი კვირა დაჰყო სამაზრო ქალაქში და ივანეც გაანთავისუფლა სალდათობისაგან, როგორც ნიკოიას ჩუმად უთხრა, საზოგადოდ კი ამბობდა: ბედი ჰქონია საბრალოს, დიდი ნომერი შეხვდა და იმან გადაარჩინაო.

სალდათობის გათავების შემდეგ კონსტანტინემ გამოუარა ნიკოიას. ნიკოიამაც სიხარულის ნიშნად ერთ მოზვერს თავი გააგდებინა. მეზობლებსაც დაუძახა, გაიმართა სმა-ჭამა და ურას ყიყინით გამოაყრუეს არემარე.

ივანე ახლა საყასბოში ნოქარი იყო. სასმელ-საქმელისა და ტანისამოსის გარდა თვეში ახლა თუმანი ჰქონდა.

ბრბო სულმოკლეა. ცოტა რამე გააკვირვებს. ერთი ბეწო ღირსებისთვის მეტისმეტად გაქებს და ერთი ბეწო შეცდომისთვის მიწასთან გაგასწორებს. თუ შეძენის გზას დაადექი, მაშინვე მდიდარს დაგიძახებს და ვინიცობაა იზარალებ, ვაი, მაშინვე კოტრად მოგნათლავს. ბრბო უკიდურესად სჯის, — საშუალო, სჯა მისგან შეუძლებელია.

საბრალო გლეხმა ნიკოია თოხიტარიამ ტანჯვა-ვაებით რამდენიმე თუმანი იშოვნა, რამდენიმე ქცევა მიწა დაიგირავა და შვილი პირველდაწყებით სასწავლებელში მისცა. ეს საკმაო იყო, რომ ჯალხს მისთვის მდიდარი დაერქვა.

არათუ ჰყონონამ შეიტყო ნიკოიას სიმდიდრე, სოფელ აკეცილში, სადაც ცხოვრობდა დრიმინტია ჰანდრაკელია, იქაც გაუვარდა ხმა ნიკოიას ფულიანობაზე. საბრალო დრიმინტია ჰანდრაკელის ისე

გაუტყდა სახელი ამ ბოლო დროს, რომ ახლომახლო სოფლებში ერთ აზაზს არავინ ენდობოდა. კოტრია, კოტრია! ერთხელ ძღვევა-მოსილად რომ დაიძახა ბრბომ, მერე არა ეშველა რა.

ნდობა დაეკარგა და ვერაფრის გზით ველარ დაიბრუნა. ნამდვილად კი ღრიმინტია არ იყო კოტრი და არც მაინცდამაინც უსინდისო კაცი. მხოლოდ დროებამ ისიც ათამაშა, როგორც ათასობით და ათი-ათასობით სხვა.

პატარაობითვე ღრიმინტიამ წვრილმანი ვაჭრობა დაიწყო. ცოტა რამე ჰქონდა, როცა უკანასკნელი ომიანობა გამოაცხადეს, აფხაზები აიბარგნენ და თურქეთში გადასახლდნენ. სწორედ ამ გადასახლებით ისარგებლა ღრიმინტიამ. შედარებით სულ მცირე ფასად აუარებელი საქონელი შეიძინა. მაგალითად, დედალი ცხვარი, ან თხა იყიდა ხუთ შაურად, ძროხა ორ მანეთად, ცხენი ხუთ მანეთად და ამნაირად შესყიდული მთელი ჯოგით სამეგრელოში დაბრუნდა. რაც გინდა იაფად გაეყიდა ამრიგად შეძენილი საქონელი, მაინც არაჩვეულებრივი მოგება დარჩა, და ჯიბეც გაიმგვრალა. კაი ღუქანი გამთქიმა, საქონელი მოსკოვიდან და ოდესიდან გამოიწერა. სახლ-კარი კარგად მოაწყო. თვითონაც საკადრისად ჩაიცვა-დაიხურა და დაიწყო ცხოვრება. ბრბომაც ბევრი არ დააცადა და დაიძახა: მდიდარია, მდიდარიაო! ყველგან და ყველასაგან თავისი ქება ესმოდა. ზოგი პატიჟობდა, ზოგი ნათლიაობას თხოვდა, ერთი ცოლს ურიგებდა, მეორე ლამაზ ქალებთან, ისე, საქმეს უწყობდა. ყველას მოსწონდა, ყველა თავს უკრავდა და მხიარულად უღიმოდა. ღრიმინტიაც გულკეთილად იქცეოდა და მხიარულად უღიმოდა, ვინც ეწვეოდა, უსმელ-უქმელს არ გაუშვებდა. ღუქნიდანაც ნისიად აძლედა საქონელს. განა შეიძლებოდა რამდენიმე მანეთის ხაბაკისთვის უარი ეთქვა ისეთი საპატიო და მოყვარული პირებისათვის, რომელნიც ათას სხვადასხვანაირ სახეირო საქმეს პირდებოდნენ!

გავიდა რამდენიმე ბედნიერი წელიწადი და უცბად... დიდება შენდა, ღმერთო! რა მოხდა? — ბევრი არაფერი! ის მოხდა, რაც უნდა მომხდარიყო. სხვა ვაჭრებმა ახალი საქონელი გამოიწერეს, ან მოსატანად თვითონ გაემგზავრნენ და ღრიმინტია ჭერჯერობით, არც მოსატანად მიდიოდა, არც ახალს იწერდა. საქონელი ჭერეთ კიდევ ჰქონდა, თუმცა ძველებურად. ბლომად კი აღარ ეყარა თაროებზე. ალაგ-ალაგ თაროებს სიქაჩლე შეეიტყო. ეს კიდევ არაფერი, მაგრამ მაგარი ის იყო, რომ მყიდველებმაც გვერდი აუქციეს და ახალ-მოტანილ საქონლისაკენ გასწიეს. დაფაცურდა ღრიმინტია, თვალის გაახილა, მაგრამ გვიან იყო. პოლიმარი კეთილშობილი მეგობრები

საპატიო სიშორეზე დაუდგნენ და ბოდის მოხდით ნისიის გადასდის დადროვება შესთხოვეს. აქეთ კი, თუ ვისიმე ემართა, კარებში ბუხს არ უყენებდნენ და თავიანთ ფულებს თხოვდნენ. ისტუმრა ვალები, როგორც შეეძლო, ისტუმრა, და ბოლოს იძულებული შეიქნა ღუქანი დაეკეტა. ეჰე! — დაიძახა ბრბომ. გაკოტრდა დრიმინტია, გაკოტრდაო, და მორჩა და გათავდა. სოფელმა გააკოტრა და სოფელმავე კილეა-დაცინვა დაუწყო.

არც ერთი ვალი არ შექმნია იმდენად თავსატეხი, რამდენადაც ბასილ მძებრაძის რამდენიმე თუმანი. ერთი ცხენი, როგორც იყო, იშოვნა და ნახევარზე მეტი გადაუხადა, მაგრამ ორი თუმანი მაინც დარჩა. ამ ორმა თუმანმა ისე გაუჭირა საქმე, იმ ზომამდი მიიყვანა ბასილმა, რომ ან უნდა დაეკმაყოფილებინა, ან უკიდურესი საქმე ჩაედინა. მართლაც და სრულ კოტრად უნდა გამოეცხადებინა თავი და თუ რამე საკუთრება კიდეც შერჩა, ცოლისთვის დაემტკიცებინა. ამ ზომამდის საქმის მიყვანა და თავის დამცირება სრულებით არ ედო გულში. კაცი იმედით ცოცხლობს და მასაც, როგორც კაცს, მომავლის დიდი იმედი ჰქონდა. ვინ იცის, როგორ დატრიალდება დროება, მოგება და წაგება ერთმანეთის ძმები არიან! — ფიქრობდა დრიმინტია, — შეიძლება ისევე გავება რამე სახეირო საქმეშიო.

მაგრამ დრო მიდიოდა, სანატრელი, სახეირო საქმე არ მოდიოდა და ბასილ მძებრაძე კი კისერში მუხრატქს უჭერდა.

ერთხელ მას ესტუმრა ჰყონონას მცხოვრები ბიტა ბარია, რომელმაც დრიმინტიას, მას ჟამსა შინა ჟამსა სიძლიდრისასა, შვილი მოანათელინა, დრიმინტიასთანა შეძლებულ კაცს, როგორც ამბობდა, თავი შემოაფარა. კაცმა რომ თქვას, ბევრი სიკეთე უყო დრიმინტიამ ბიტას. ერთხელ ცხენი აჩუქა, მეორეჯერ ძროხა გაუგზავნა, მესამეჯერ ფურკამეჩი. რამდენჯერმე სააღდგომოდ ბიტას ოჯახში ყველა, ქალი თუ კაცი, თავით ფეხამდე შემოსა.

მაგრამ ბიტა ბარიას სასახელოდაც უნდა ვთქვათ, რომ სამაგიეროდ, მან დრიმინტია სიღარიბის დროსაც არ დაივიწყა. როცა მას დიდ პატივნაცემმა და დავალებულმა მეგობრებმა გვერდი აუხვიეს, ბიტა ისევ ძველებურად დადიოდა მის სახლში, თან ყოველთვის რამე ძღვენი მოჰქონდა და ამით თანაგრძნობას უცხადებდა და გულს უმსუბუქებდა.

ახლაც დრიმინტიას ბიტას მოსვლა ძლიერ გაუხარდა. ლაპარაკში თავისი გულის წუხილიც გაუჩია. ზედ დაუმატა, რომ ქვეყანა

დავიარე, რა არ ვეცადე, მაგრამ იმდენად დამკარგვია ნდობა, ვერსად ვერაფერი ვიშოვნეო. შეიძლება გეგულებოდეს ფული სადმეო, დაეკითხა ბიტას და ისიც აუხსნა, თუ რა სამარცხვინო საქმე უნდა ჩაედინა, თუ ვინცობაა, ვერ იშოვნო და ბასილს არ დააკმაყოფილებდა.

ბიტამ გულწრფელად მოისმინა ღრიმინტიას გაჭირვება და აუჩქარებლად, ჩუმად, თითქო საიდუმლოს უმქლავნებსო, მიუგო:

— კი შეგულება ჩვენს სოფელში, ერთ ალაგას, თუკი გაიმეტა. ახალი შეძენილი კაცია და ხელსაც მაგრა უჭერს. ქონებით კი, ნამდვილად უნდა ჰქონდეს, მაგრამ ჭირს კი შაგისგან ფულის გამორთმევა.

— მიმყევი ერთი, ბიტა, — შეეხვეწა ღრიმინტია, — ვთხოვოთ, შეეკაცო, შეეხვეწები. აი ჩემი ცოდვა, — მწუხარედ თქვა ღრიმინტიამ. — რამდენი გაჭირვებული გამოიმხსნია და ახლა ყველა კოტრს და რაზმონიკს მეძახის. მხვდება კი ყველაფერი, მაგრამ რაღა დროისაა, გვიან ვისწავლე ჰკუა. მაინც ვთხოვოთ, კაცო, შეეხვეწოთ, თუ ქნა კარგი, თუ არა შტრაფს ხომ არ გადაგვახდევინებს.

— მაინც ის ოჯახდაქცეული ჯამ ააჩქარა! ასეთი პატიოსანი კაცი ქვესკნელში ხომ არ ჩავა, ერთი-ორი თვე კიდევ მოითმინოს. მთა ხომ თავზე არ დაეცემა.

— პატიოსანი? — გააჯავრა ღრიმინტიამ, — ისე გაუმარჯვებს მაგას ღმერთი. როცა რამე მომეძეოდა, ჩემისთანა პატიოსანი მეორე ვინ იყო? განა არ იცი?... ბასილს ახლა სხვა საქმე უჭირს და თავისი წუხილი ჩემზე გადმოაყარა. თურმე აზნაურობის საბუთი არა ჰქონია. ეძებეს, მაგრამ ჭერჭერობით ვერსად მოსძებნა. არქივში ეძებს, მაგრამ ძებნას ხომ ფულები უნდა და საბუთი კი იმის გამოსადეგი არ იქნება, ირაკლის და მის ძმებსაც უნდა გამოადგეს, ერთმანეთის ბიძაშვილები არ არიან? იმათ კი საჭირო ფულები ვერ მოუტანეს, აბა საიდან მოუტანენ. მარტო თავისი ნაღდი ფულით კი ბასილს არ უნდა ეს საქმე გაარიგოს. და აი, ახლა, თუ მისი ვალები მართებს ვისმე, როგორც, ვთქვათ, ჩემი, საეჭვოსავით, ამას მოეზღაურა. ვითომდა, სანახევროდ დაკარგული ფულებით უნდა საქმე გააკეთოს, და მეც მუხრუჭი ამიტომ მომიჭირა. — ვინ არის ეგეთი ფულიანი? — ჰკითხა ბოლოს ღრიმინტიამ.

— ნიკოია ჰქვია, გვარი თოხიტარიაა. მისი შვილი ვილატ ტომბაშვილს ჰყავს, ვაჭარს ლეტაკარში მოჯამაგირედ.

— ტომბაშვილს, რომელს, კონსტანტინეს?

— სახელი რა მოგახსენო!

— კონსტანტინეს ქე ვიცნობ. ძლიერ კაი ვაქარია. ლეტაკარელი კია, მაგრამ ფოთში ვაქრობს, ნიკოიაც კი გამიგონია.

— არც ის ვიცი. მხოლოდ ის კია, რომ ნიკოიას შვილი მოჯამაგირეთაა. ამ ხუთი წლის წინათ ისეთი ლატაკი იყო ნიკოია, რომ ცეცხლს სულს ვერ შეუბერავდა და ახლა იმ ნამოჯამაგირი ფულით ბარე ათი ქცევა მიწა ქე დაიგირავა (ბიტამ გადააქარბა) და ფულსაც კი ჩუმად ასესხებს.

— აჰა, ჰა, ჰა, თუ მიწებს იგირავენს, თუ მიწის დაგირავენს დაეჩვია, იმისგან ფული ძნელი საშოვნელი იქნება. ის უსათუოდ გირაოს მოითხოვს და გირაო რომ მომცა, ფულიც მექნება.

— მაინც ვნახოთ, — შვიდად მიუგო ბიტამ, — ოც მანეთად როგორ არ ველირები, რა ვიცი, ერთადერთ ხარს დაეუწინდებ ამოწყვეტილს, რომ იზამდეს.

— გმადლობ, ჩემო ბიტა, — თითქმის გულაჩვილებულად მიუგო ღრმინტიამ. — შენს გარდა მე ერთგული მეგობარი არა მყოლია. დიდად შენზე მეტი პატივი რომ მიცია, იმისთანა კაცებმა პანღური ამომკრეს და შენ კი სიღარიბეშიაც არ დამაგდე. გმადლობ, გმადლობ, ღმერთმა მაგიერი გადაგიხადოს. ვინ იცის, ეგები შენი გულკეთილობა ღმერთმა კიდევ გადამახდევინოს. ჯერ კიდევ ბევრი წყალი ჩაივლის და ღრობეც ათასნაირად შეიცვლება. ჩემი ბედი კალთაში არავის არა აქვს ამოხვეული.

• • •

შუა ნოემბერი იდგა. ჯერ ქირნახული სოფელში ყველგან არ იყო მილაგებული. ნიკოია თოხიტარიას გაურჩეველი სიმინდი კუთხეში ელაგა. მისი სახლის ნახევარზე მეტი ადგილი გაურჩეველი სიმინდით იყო მოფენილი, უკანა კარები აღარ ჩანდა და ცალი კედელი სულ ქერამდი იყო სავესე.

— ტყუილი არ არის? ამას ჩვენ მარტო ხუთ დღესაც ველარ მოვერევით და მოდი, ერთი ნაღი ვაწვიოთ ამაღამ და ერთი მოქნეკით დავარჩიოთ, — რჩევა მისცა შვილებს ნიკოიამ.

შვილებიც დაეთანხმნენ და სამნივენი აქეთ-იქით ნადის საწვევად ქეზობლებში გაითანტნენ.

შინ დარჩნენ გაიანე და მოხუცებული ქუჭა. ორივენი ფაცხაში კერას იქით-აქეთ უსხდნენ. დაუქმება უამი იყო.

— მართლა, როგორ ვზივარ, არ ვიცი, — წარმოთქვა გაიანემ და თოფნაკრავივით ზეზე წამოვარდა.

— რა დაგემართა, გოგო, ქაჯი ხომ არ გეცა? — ნელა მიუგო მოხუცმა.

— ქაჯი კი არა, არ გინდა ხაჯი? გადაირიე, ზეჩა დადი?

— კიდევ, აბა, როგორ ენას ალაუაშებს. ღმერთმა სიკეთე გიყოს, შეილო, ეხლანდელ გოგოებს, მაგრამ არა მგონი, — დინჯად ჩაილაპარაკა ბებერმა.

— ოი, დადი, ის კი არა, ქისა მაქვს საკერი, კორსანტელს ადევ-თქვი აბრეშუმის ქისა. სრულებით დამავიწყდა. თანგი ხვალვე უნდა მივეუტანო მაიკოს. ახლავე თუ არ გამოვკერი, მერე ღროც არ შექნება, საცაა, დაღამდება, ნადები მოვლენ და ვახშამი უნდა მოვუმზადოთ. — თქვა გაიანემ და სახლისაკენ გაეჩქარა. აქ მაგიდის კოლოფს გამოსწია და ქალაღლისაგან გამოჭრილი ქისის თარგი გამოიტანა. მერე ზანდუკი გააღო, აბრეშუმის ქსოვილის ნაჭერი ამოიღო, მაგიდაზე გაშალა და ზედ თარგი დააზმანა. „მოდი, ჯერ ამისთანა თანგს მეც გამოვკერი ჩემთვის, — გაიფიქრა მან. — მაგრამ ქალაღლი სად ვიშოვნო? ნუთუ ფარნას არ დარჩა სადმე უხმარი ქალაღლი! — გოგომ მაკრატელი აიღო, წვერი კბილებზე მიიღო და დაფიქრდა. — ოი, მართლა! — თქვა მან, მუთაქისკენ გაეშურა. მუთაქის ქვეშ ფარნასაგან შენახული ქალაღლის ნახევები ხელუხლებელი ეყარა, ხელი მოუსვა და მაგიდაზე დაყარა. — უი, ეს რა ნამცეცები ყოფილა, — ჩაილაპარაკა გოგომ, — სთანგე არც კი ურევია, ეს რანაირი დაქყაპუნებულია, — თქვა ერთ დაქმუჭნულ, ხელისგულის ოდენა ლურჯ ქალაღლზე და თითებით და მაკრატლის ყუით გაასწორა. — ბეჭედიც ჰქონია, ალბათ, რამის მოწმობა იქნება. იარმუკაში ვერ წაუყვანია ვილაცას და მოწმობა ტყვილად ხელში შერჩენია; ვაი უბედური კეთილსინდისიერი, კიდევ ორ შაურს ან სამ წკუქონტუა თუთუნს გადაახდევინებდა. ქალაღლზე მარტოლა ბოლოში ჰატარა ოთხკუთხი ბეჭედი ესეა. ქისის თარგი აიღო და ქალაღლზე დააზმანა, მაგრამ სანახევროდ არ ეყო, უკმაყოფილოდ ქალაღლს ხელი წაჰკრა, მაკრატელიც მიაშველა და განზე მაგიდაზე გადაასრიალა.

გადახედა სხვა ქალაღლებს და ერთი ყველაზე უფრო ფართოდ მოეჩვენა. აიღო. ისიც თითებით გაასწორა და ზედ თარგი დაადო. ქალაღლი სიგანეზე თითქმის თარგზე მეტი მოვიდა, მაგრამ სიგრძეზე ერთ კუთხეში ცოტა დააკლდა. „ამას სხვა ნაჭერს მივაკერებ, ეს არაფერია, — გაიფიქრა გოგომ, ცალი ხელის თითები თარგს და ქალაღლს დააქირა, რომ ერთმანეთს არ მოშორებოდა, მეორე ხელში მაკრატელი აიღო და ნელ-ნელა თარგის განაპირა ქალაღლზე გაუ-

ტარა. ერთი გვერდით გამოსკრა, ფრთხილად მოატრიალა მეორე, გვერდზე და მაკრატელი დააწკარუნა, რომ ამ დროს სახლის წინ ცხენის ფეხის ხმა და მათრახის გაუბედავი ტყაცუნის მოესმა. მაკრატელი საჩქაროდ გადააგდო და გარეთ გაიხედა. თითქმის აივანთან, ვიღაც უცნობი შავწვერა და თვითონაც შავ-შავი კაცი, ჰალარა და გამხმარი სახისა, მოძველო ნაბადმოხურული, ცხენზე იჯდა და მის წინ მათივე სოფლის მცხოვრები ზიტა ბარია ილლიაში ჯოხშემოდებული იდგა. გაიანემ წამს გაქცევა გააპირა, რადგან მეტად შინაურულად ეცვა, მაგრამ ჯკანა კარებიდან ვერ გავიღოდა. იქ როგორც ვიცით, გაურჩეველი სიმინდი ეყარა. იძულებული გახდა, გამოსულიყო და სტუმრებს მისალმებოდა.

— სალამი მშვიდობისა. ცირა.— მიესალმა ცხენოსანი სტუმარი.

— გაიანეს ჯგირობუა, * — ხუმრობით უთხრა ბიტამ.

— ღმერთმა მშვიდობა მოგცეთ, ბატონებო, — მიუგო გაიანემ.

— ნიკოია შინ არ არის? — იკითხა ბიტამ.

— არ გახლავს, ბატონო!

— პეტრე?

— არც ის გახლავს, ბატონო, — ღიმილით მიუგო გოგომ.

— არც ათანასე?

— არც ისაა.

— სად გადაკარგულან, შენი ყარაულად მაინც არც ერთი არ დარჩა? — გაეხუმრა ბიტა.

— მე ყარაული რაღათ მინდა. ტყვე ხომ არა ვარ? — თამამად მიუგო გოგომ.

— ყარაული არ მინდაო, ახლავე რომ მოგიტაცოთ?

— არა, მაგას მაგისი არ ეშინია, — თანაგრძნობით ჩაერია ცხენოსანი.

— მე ვის რათ ვუნდივარ, — ძლივს გასაგონად მიუგო გაიანემ.

— მაინც სად არიან?

— სიმინდი დაგვრჩა, ბატონო, გაურჩეველი და ნადის საწვევად წავიდნენ.

— ბევრ ხანს არ მოვლენ?

— უნდა მოვიდნენ, სხვა საქმე არაფერი აქვთ. აქ შემობრძანდით, ბატონო, — მიიპატიჟა სტუმრები გაიანემ.

ბიტამ ცხენოსანს შეხედა და რაღაც ჩუმად უთხრა, იმანაც რა-

* ჯგირობუა — კარგად ყოფნა.

დაცა მიუგო და ცხენიდან ჩამოვიდა. ცხენი ბიტამ ჩამოართვა და სახლის სვეტზე მიჭედელ ღიდ ლურსმანზე აღვირით მიაბა.

ამით ისარგებლა გაიანემ, ერთიც მორცხვად გაიხედა და ფაცხისაკენ გაიქცა.

უცხო სტუმარი კი სახლში შევიდა. ეს გახლდათ ჩვენი დრიმინტია ჭანტრაყელია.

— ღმერთო, კარგი შემოიყვანე ამ ოჯახში, — შემოილაპარაკა დრიმინტიამ. — ამას, ძმაო, სახლი ჯერ სიმინდით სავსე ჰქონია.

— სალდათად ჰყავდა წრეულს შვილი ჩაწერილი, ის, რომ გეუბნებოდი, — მაუგო ბიტამ, — და იმან ცოტად ხელი შეუშალა, თორემ ახლა გათავებული ექნებოდა. ნახევარი კი აქვს დალაგებული. ნაცაა სხვაფრივ, მუშა კი არა, ნაცაა!

— მაშ, კაი ბლომად ჰქონია მაგას წრეულს სიმინდი, შენ არ მომიკვდე, — თქვა დრიმინტიამ. — მერე რა ფასი ექნება წრეულს, — თავი დააქნია მან. — უკანასკნელი, უკანასკნელი, სამი აბაზი მაინც იქნება.

— დაბრძანდი აქ, სკამზე, დრიმინტია, და მე ერთი მის მოხუც დედას გადაეუკრავ სიტყვას.

— აბა, შენ იცი, — თან დარცხვენილად და თან შეხვეწნის კილოთი მიუგო დრიმინტიამ და მაგიდასთან სკამზე ჩამოჯდა. ცალი ხელი მაგიდაზე დადო და თითები აათამაშა. მერე მაკრატელი აიღო და მაგიდის ფიცარზე ნელ-ნელა ხაკუნნი დაუწყო და თან იმ ხმაზე ფეხის ქუსლსაც აყოლებდა. მერე მაკრატელს თითები გაუყარა და ჰაერში რამდენჯერმე გააღრაჭუნა.

— არა გიჭირს რა, ღვთით, — მოესმა ბიტას მკაფიო ხმა, — ჯერ სასიკვდილოდ სადა გცალია, ბეჩა, შვილიშვილებს ცოლები უნდა შერთო, ეს უნდა გაათხოვო, არ ხედავ, როგორ დამსხვილდა.

ცხადი იყო, რომ ბიტა ნიკოიას მოხუცებულ დედას ემუხაიფებოდა. მოხუციც რაღაც პასუხს აძლევდა, მაგრამ მისი მისუსტებული და დაბალი ხმა გარკვევით არ მოისმოდა. დრიმინტია თავდაკიდვით იჯდა. მან ერთხელ კიდევ გააღრაჭუნა მაკრატელი და მოესურვა რამე გამოეჭრა და თავდაღუნულმა განზე გაიხედა. მაგიდის ბოლოს პატარა ლურჯ ქაღალდს თვალი მოავლო. ხელი გაჭიმა, მაკრატლის წვერი დააჭირა და ჩოჩ-ჩოჩვით მოიახლოვა, მერე ხელში აიღო და აღმაცერად გადახედა. ხელნაწერის კითხვა გვარიან კარგა იცოდა. ქაღალდის თავზე დაწერილმა თარიღმა, ცოტა არ იყოს, დააინტერესა. ქაღალდი თვალთან ახლო მიიტანა, რადგან დროთა ვითარების გამო მელანი ცოტად გახუნებულყო, და კითხვა დაიწყო. რამდენს

ქვევით კითხულობდა, იმდენი სახეზე აღელვება ეტყობოდა და ბოლომდე რომ წაიკითხა, ხელებიც აუქანკალდა. ზეზე წამოდგა, თვალეზზე ხელი მოისვა, თითქო უნდოდა შეემოწმებინა, სიზმარში ხომ არა ვარო. პირველი წუთის აღელვებამ გაუარა, ისევ სკამზე ჩამოჯდა და ქალაღი ხელმეორედ ჩაიკითხა. აი, რა ეწერა ამ ქალაღის ნახევში: „ქ. ჩყნ-ს წელსა, აპრილის კგ-ს დღესა. ვაკე-კარის მოუარავს ტარიელ სოლომონის ძეს შუშხუნაძეს. ს. ჭყონონას მცხოვრების გლეხის კიკო ბარიას ქვრივმა ტირიღით შემომჩივღა. ის ამბობს: „მებატონე ჩემი, აზნაური მერაბი მძებრაძე უღიერად მეპყრობაო; შვილებს მიწიოკებს, მიუხედავად მათი მცირე წლოვანობისაო. ერთადერთი მოზვერა არგამად მოპტაცა და მოიხმარაო. არა ერთხელ მოუწვეია ჩემ ყურებამღის აგეთ საჩივარს მაგ მძებრაძეზე და ამისათვის მოგიწერ გააფრთხილო აზნაური მერაბი სუმონის ძე მძებრაძე, თორემ თუ კიდევ განმეორდა მაგაზედ მაგისთანა საჩივარი, იძულებული ვიქნები სასტიკი ზომები მივიღო. ქვრივს კი მიეცეს ჩემი ბელიდან ექვსი ქიღა ლომი და ორი გლეხის გარდასახადი სხვა ზორაგეუღობა, სანამ ოზღები არ გაუწლოვანდებიან. მთავარი მენგრელიისა დავით დადიანი...“ და ბოლოს პატარა ბეჭედი სხვა ესვა, ალბათ, წერიღს რომ უფრო სიბეჭითე და ძაღა ჭქონოღა.

ღრიმინტიას ხელში ეჭირა ქალაღი და თვალეზს არ უჭერებღა, ათასგვარი გრძნობა: ვაკეირვება, სიხარული, ბედი, შემთხვევა ერთად ირეოღა მის გონებაში. თვალეზი გაუბრწყინღა და თამამი გამომეტყვეღება მიიღო. წელში გაიპართა. მთელი ტანი დაუმიჩატღა. ირგვღივ ყვეღაფერი ლამაზად და ბრწყინვალედ ეჩვენებოღა, თითქმის ნიკოია თოხიტარიას სახღის მქვარტღისაგან გამურული კეღლებიც რაღაც სასიამოვნოდ მოეჩვენა. ამ წუთში ყოვღისფერი უყვარღა ამ სახღში. მზათ იყო სიმინღის ტაროები სათითაოდ დაეკოცნა და ყვეღა ამის მიზეზი იყო ეს ძვეღი ქალაღის ნაგღეჭი, რომელიც სხვა მაგისთანებთან ერთად მონოზანმა სახღის გვერღით, ნაგავში გაღისროღა, იქიღან მუთაქის ქვეშ მოპყვა და აქიღან კინაღამ ქისის თარგად გამოპრა ეღირსა, მაგრამ უვარგისობისა გამო განზე იქნა დაგღებული. ახღა კი ამ ჭუჭყიანმა ქალაღის ნაგღეჭმა ეს დარღით გულსავსე კაცი უცბად გაამხიარულა. გასამხიარულებელი კიღვეაც იყო. ამ ქალაღღში სავი რამ იყო ღირსშესანიშნავი: ერთი რომ, ქალაღი დაწერიღი იყო 1850 წელს, თარიღი გარკვევით ჩანღა; მეორე, რომ სამეგრეღოს მთავარი ხელს აწერღა, და მესამე: მერაბი სუმონის ძე მძებრაძე აზნაურად იყო ნახსენები მთავრისაგან და ზედ მისი ბეჭედიც ესვა. ერთი სიტყვით, ეს იყო

საუკეთესო საბუთი ბასილი და მისი ბიძაშვილების აზნაურობის დასამტკიცებლად. მერაბი რომ აქ მაინცდამაინც საქებურად არ იყო ნახსენები, ამის ღარდი ღრიმინტიას სრულებით არ აწუხებდა. ამას ბასილიც არ ითაკილებდა, რადგან ეს საქმეს არ აფუჭებდა. საქმე ის იყო, რომ მერაბი სუმონის ძე მძებრაძე აზნაურად იყო ნახსენები და მხოლოდ ეს იყო საჭირო. ამნაირი საბუთის ძებნაში ბასილი მძებრაძემ არა ერთი თუმანი დაჰკარგა, საღ არ იკითხა, ვის არ თხოვა, ვინ არ ქრთამა, მთელი არქივი გადმოაბრუნებინა, მაგრამ ვერას გახდა. მას ფიქრადაც არ მოუვიდოდა, რომ რუსუდან მონო-ზანს მეჭექის შელოცვასთან ერთად ჭინჭში გამოხვეული ექნებოდა, რასაც მან ამდენი შრომა და ფული დაახარჯა.

როცა ნელ-ნელა აღტაცება დაულაგდა, ღრიმინტიამ ჯიბიდან რაღაც ქაღალდი ამოიღო, საბუთი დაკეცა, სასოებით გამოახვია და ისევ ჯიბეში ჩაიღო, თან ხელიც ჩაიყო, თითქო ეშინია, ვინმემ არ მოპაროსო. ჯიბეში ხელჩაყოფილი აივანზე გავიდა. ღრიმინტიას სული ყელში ებჯინებოდა: უნდოდა ახლავე, ამ საათში, ამ წუთში წასულიყო, მაგრამ ზრდილობა და საჭიროებაც, ეჭვი რომ არ აეღოთ რამე, ითხოვდა, მასპინძლის დაბრუნებამდე მოეცადა. აივანზე აქეთ-იქით სეირნობა დაიწყო. როგორც ნავაჭრალი კაცი, თავდაპირველად გამოანგარიშებას შეუდგა, თუ რამდენს აიღებდა ამ საბუთში. „ხუთი თუმანი თუ გადავახდევინე. ოციც მისი ვალი, დამრჩება სამი თუმანი ნაღდი ფული. — ღრიმინტიამ ცალი ულვაში ნელა გადაიგრიხა, ცალი ხელი ისევ ახალუხის ჯიბეში ედო. — რა უჭირს, ათიც გადავახდევინო, — მოუვიდა აზრი. — რაც მე იმან ხელი მომიჭირა, ა... ათი... მაშინ რვა თუმანი ნაღდი. ორასიც რომ ვსტკიცო ყურძირში, — თითქმის დაილაპარაკა მან, ჯიბიდან ხელი ამოიღო და ორივე ხელით ულვაშები წაიგრიხა. — ორასს გავიკრავ, არ უნდა ბოდიში, მოგიკვდეს ღრიმინტია, თუ მან შემთხვევა ხელიდან გაუშვას. შეიძლება იპოვნა სადმე უფრო იაფად, მაშინ გროშსაც ვერ აიღებ, — ჩასჩურჩულა რაღაც ხმამ ყურში. ამ ხმაზე ერთი ცივად გააზმორა და ხელები ისევ ჯიბეში ჩაიყო, ერთ წამს საშინელი მოწყენა იგრძნო. — არა, განა, ცოტა ეძება? რომ ენახა, ცოტა ფულები დახარჯა?! ზუგდიდში ახლახან რომ ვნახე, კაცი თითქმის სასოწარკვეთილებაში იყო ჩავარდნილი. ვერსად ვერაფერი ვიპოვნეო. არა, რა სათქმელია, ორას მანეთს ავაფუცქვნი, სრულებით არ მოვებოდიშები. ვირი მაშინ ვყოფილვარ, როცა ყველა კაცს ვენდობოდი და პატივსა ვცემდი, თორემ ახლა? ორასი მანეთი, ორასი... მაგრამ ეს კი ვერ მომიფიქრებია და რანაირად აღმოჩნდა ეს ძვირ-

ფასი ქალაღი ამ ყაზახის ოჯახში და მერე რა პანტასავით ეგღო მაგიდაზე. ალბათ, უცაბედად ჩავარდნით ხელში, კითხვა არავის სკოდნია და ყურადღებასაც ამ ჭუჭყიან ნაგლეჯს ვინ მიაქცევდა. ხუმრობაც არაა მისი წაკითხვა. ძლიერ მიჩვეული თუ არაა კაცი, ვერც კი წაიკითხავს. მე ძლივს გავარჩიე. ღმერთო, შენ მიცოცხლე მამკია კოჭლი. იმას რომ ჩემთვის კითხვა არ ესწავლებინა, ახლა მაგას ვერც კი წავიკითხავდი. რამდენად მიღირს მარტო ერთ საათში, ორი ანაბანა რომ ვიცი. ღმერთო, მიცოცხლე, ღმერთო, ავოცხლე ჩემი მასწავლებელი, მამკია კოჭლი.“ — მამკიას გახსენებაზე ღრიმინტიას ისიც გაახსენდა, თუ როგორ ისწავლა წერა-კითხვა. ღრიმინტია და მამკია კოჭლი, ადგილობრივი დიაკვნის შვილი, ერთად მწყემსდნენ. მამკიას ცალი ფეხი არ უვარგოდა და ზევირი სიარული, რასაკვირველია, ემძიმებოდა, წერა-კითხვა კი იცოდა, ღრიმინტია პირობაში შეეკრა: შენ ოღონდ წერა-კითხვა მასწავლე და თხებს ყოველთვის მე მივხედავო. მამკიამ მართლა დაასწავლა წერა-კითხვა და ღრიმინტიაამაც პირობა პირნათლად შეასრულა. იჯდა მამკია ჩრდილ ქვეშე, ან ეძინა, ან წალდით ხელში რასმე თლიდა. ღრიმინტია კი ქალაღდით ხელში თან კითხულობდა, თან თხებს ერეკებოდა.

ღრიმინტიამ საბუთი ისევ ამოიღო და ერთხელ კიდევ გასინჯა. საბუთის სინამდვილე ყოველ ეჭვს გარეშე იყო. ხელები ისევ ჭიბებებში ჩაიწყო და დაფიქრებით გაიარ-გამოიარა.

— დედა, ღმერთო! — თითქმის წამოიძახა მან, — სულაც არ გამხსენებია. ასეთი საოცარი შემთხვევისათვის ღვთისთვის მადლობაც არ მითქვამს, პირჯვარიც არ გადამიწერია, მიწა უნდა მექამა... შეგცოდე და შემინდვე, — მოწინებით წარმოთქვა ღრიმინტიამ: პირჯვარი გაღიწერა და ძირს დაიწია, მიწა უნდა აეღო, რომ სახლის გვერდით კაცის ფეხის ხმა და ლაპარაკი მოესმა.

— ჩალა კი, ღვთით, მწრალად დავალაგე... მარტო იმ საბას ნაყანევში უტბად მოსულმა ჭუჭუხმა დამისველა, ასე ორას კონამდი, მაგრამ ნაკვერცხალზე ქვაჩალერად ჩამოვკიდეთ და ვითომ დალბება ოხერი? — ამბობდა ბიტა.

— რა დაალობს. მანამდი შენც ნუ დააცლი, პირუტყვებს აქამე: აივანს მოუარეს. ნიკოიამ ღრიმინტიას მიემშვიდობა:

— სალამი მშვიდობისა, ბატონო! დასაბატიყებლად რომ ვერ ვიშოვნიდი, ამისთანა კაცი როგორ მობრანძულ დროს მომიყვანა ამ კაცმა, — ვითომ უსაყვედურა ნიკოიამ ბიტას.

— ღმერთმა გაცოცხლოს, არაფერია! სიმინდი სახლში ეყაროს,

ის არ არის, ზაბა, სირცხვილი, რომ არ იყოს, ისაა ცეცხლის მოკიდება, თორემ, — მხიარულად მიუგო ღრიმინტიამ.

ბიტამ ღრიმინტიას შეხედა და გაუჟვირდა. ეს ის ღრიმინტია არ იყო, ამ რამდენიმე წუთის წინათ მასთან დადგრემილი რომ მოდიოდა. ძლიერ გაჟვირდა ღრიმინტიას ასეთი მხიარული გაპომეტყველება და თვითონ ერთიორად უფრო მოწყენილმა, თვალით ანიშნა, რომ მხიარულება ნაადრევია, ამისაგან ფულის შოვნა საიმედო არ არისო.

— შინ მობრძანდით, ბატონო, შინ, — ეპატიუებოდა ნიკოია.

— არა უშავს რა, აქაც მოვთავსდებით, — მიუგო ღრიმინტიამ.

— კი, აქ სჯობიან, სამ... მაშ სკამებს გამოგიტანთ.

— შენი თავი არ მომიკვდეს, იმდენ ხანს არა მცალია. ცოტა სათხოვნელი მქონდა შენთან, ნიკოია, — ზრდილობიანად უთხრა ღრიმინტიამ.

— ბრძანე, ბატონო, მე კიდევ რა შემიძლია, საწყალს, — მიუგო ნიკოიამ. ეს, „რა შემიძლია“ ისეთი კილოთი წარმოთქვა, რომ თუ ფულზეა საქმე, იმედი აღარ გქონდესო.

— ერთი-ორი თუმანი დამპირდა, ორი-სამი თვის განმავლობაში მინდა, სარგებელს კარგს მოგცემ, — მტკიცედ და ისეთი კილოთი უთხრა ღრიმინტიამ, თითქო — თუ მომცემ, კარგი, თუ არა და მასზე უნალღლესი ორივეს ღმერთმა ნუ დაგვმართოსო.

ბიტა გაჩუმებული ყურს უგდებდა. ამ კაცის საქმე მაკვირვებს, ღნდა ელრიჯებოდეს და როგორ ტყემალივით ეუბნებო.

— ხვალინდელი დღე არ გამითენდეს, — მოყვა ნიკოია, — ჩემი შვილები ჩემი ხელით მომეკლას, ტყუილი თუ გითხრა, აგერ ბიტას ქე ვეუბნებოდი. ამ სალდათობაში დამეხარჯა. ტყუილს ვერ გეტყვი, ღვთის და თქვენი წყალობა ერთი-ორი კაპეიკი ქე მქონდა. ღმერთო, მომკალი, ღმერთო, მომკალი! რომ მქონდეს, ვინ ოხერი!..

— იმედია, რომ გქონდეს, არ დამიჭერ. მაინც შენი ისეთი მადლობელი ვარ, თითქო გესესხებინოს. ხმით ქე გატყობ, რომ გულწრფელი კაცი ხარ. აგაშენა ღმერთმა, — მიუგო ღრიმინტიამ და გამომშვიდობება დაიწყო.

— ბატონო, არც ღვინო, არც წყალი, ღმერთო, მომკალი, — მოიბოდიშა ნიკოიამ.

— რათ იკადრებ, მადლობელი ვარ, — თქვა ღრიმინტიამ და ცხენზე შეჯდა.

— რა არ ვუთხარი, რა არ ვეხვეწე, მაგრამ არა გამოვიდა რა, — მოწყენით უთხრა ბიტამ, როცა ნიკოიას ეზოდან გავიდნენ.

— თუ არ ქნა, ქე იყოს. რა ვუყო ახლა.

— ის ბასილიც არაა კაი კაცი. ერთი-ორჯერ მეც შემხვდა, შენზე საყვედურს ლაპარაკობდა. განაგონი აქვს იმ კაცს და რომ აქონდეს, მაინც სესხებას ვერ გაბედავსო.

— ღმერთი მოწყალეა, ბიტა! თუ შემქვამს ბასილი მძებრაძე, იპასაც ქვეყანა დაინახავს. აღდგომა სულ ერთ მხრივ არ იქნება, ჩვენსკენაც მოიხედავს ბრწყინვალე მზე.

— ხარი შევაძლიე, ცოლ-შვილს გფეიცები, — არ ცხრებოდა ბიტა, — რათ მინდაო, სხვისი კი არა, ჩემსას ვერ მოვუარეო. ასე იცის ცოტა წინ წაწევამ. რათ უნდა კი არა, ამ სამი წლის წინეთ ჩოქჩოქით იხვეწებოდა. ქენი წყალობა და ცალი ხარი მათხოვეთო, უნა ჰოუხნავი დამრჩაო.

— შენი დიდი მადლობელი ვარ, ჩემო ბიტა, ამდენად გულთან რომ მიიტანე ჩემი გაჭირვება. ჰაიტ! — ცქვიტად დაუძახა დრიმინტიამ ცხენს პატარა რუს დაღმართში და მათრახი დაარტყა. მისი მკლე ცხენი დაფაცურდა, თითქო იმანაც იგრძნო პატრონის სიხარულიო, თედოს ძვლები, რომლებიც სიმკლევისა გამო ტყავქვეშ ნათლად იხატებოდა, აამოძრავა და რუს მძიმედ გადაახტა.

ერთი საათის შემდეგ ცხენზე გადამჯდარი დრიმინტია ქანდრაკელია შინისაკენ მიემზრებოდა. ჯიბეში ხელს მალ-მალ იყოფდა და შუბლზედაც ისვამდა. ვისაც შეხვდებოდა, გამარჯობის თქმას არ დააკლიდა, პირველად უსათუოდ თვითონ ეტყოდა.

„ა... ეგ ოხრად დასარჩენი, აბა, რომ ვერ მიხვდები მაშინვე? — ვაიფიქრა მან და ხელი შუბლზე გადასვა. — იმ შავიდაზე. მაგისტანა ქალაღლები არა ერთი ეყარა. ნეტავ ვინ მისცა მაგათ, ყველა საბუთები იყო. სიხარულმა მომიტაცა და სხვას ყურადღება არ მივაქციე, ვერ მოვიახრე უცბად ეგ ოხერი, — უსაყვედურა თავის თავს. — არა, სუ! ვაითუ იმ კაცმა კარგად იცოდა ეს ქალაღდი რა იყო და იქ ეგებ შენახული ჰქონდა და ქურდობაც შემომწამოს? — ამ ფიქრში დრიმინტია წამოწითლდა, ქუდი მოიხადა და აქეთ-იქით მიიხედ-მოიხედა, ხომ არავინ მომსდევსო. ტყუილად დარდობდა. მისი წასვლის შემდეგ გაიანემ ქისის თარგი გამოჭრა, ლურჯი ქალაღდი არც კი გახსენებია. სიმინდის მრჩეველი მეზობლების ქაღები და ვაჟკაცები მოგროვდნენ და შუალამემდი სულ დაარჩიეს. მუშაობის გათავების შემდეგ მათ ვახშამი მიირთვეს. ვახშმის გაწყობის წინ გაიანემ თუ რამ ნივთი ელაგა. მაგიდაზე, როგორც, სარკე, მაკრატელი, ლამპა, აალაგა. ქალაღლებს კი გადაუსვა და სიმინდის ფურჩაში გადაყარა.

ისევ ხეცნერილი

შობის წინა დღეს ბასილ მძებრადის სახლის დარბაზის ბუხარ-ში ცეცხლი გუზგუზებდა. დაფიქრებული ბასილი ბუხრის წინ სავარძელში იჯდა და ახალდაბნულ თმა-წვერს ივარცხნიდა. იქვე სკამებზე ირაკლი და პავლე ჰძებრადეები ისხდნენ. ორივეს გამხმარი სახე და მოკლე წვერი ჰქონდათ. ირაკლი კარგა აქადარებული იყო და პავლეს კი აქა-იქ თეთრი წვერი ერია. ორივეს ქალამნები ეცვათ და ეტყობოდათ ახლახან შემოსულიყვნენ აქ, რადგან ქალამნები და შალის წინდების მოკლე ყელი, რომელიც შარვალზე გარეთ ძაფით ჰქონდათ შეკრული, სველი იყო და ალაგ-ალაგ დაუდნობელი თოვლის პატარა გუნდაც ბრწყინავდა და თანდათან დნებოდა.

გარეთ, რაც ძალი და ღონე ჰქონდა, თოვდა. ზღვის ქარი სწინლად უბერავდა და დასავლეთიდან აღმოსავლეთისაკენ თოვლის ქინქლებს აღმაცერად ჰყრიდა.

ირაკლიმ გარეთ გაიხედა, ერთიცი დაამტქნარა, ცალი თვალი ძალზე დახუჭა და დამტქნარებითვე ჩაილაპარაკა:

— რა გადაცემული დღეა, წართი, თუ არ გადაიღო და არ გამოიდარა, შენი მტერი, ჩალასაც ვერ ამოიტანს კაცი.

— შენ ჩალაზე ჩივი და შეშაზე უნდა თქვა, ერთი ღერი არ ჰოჯეძევა, — მიუგო პავლემ.

— ზამთარი კი იქნება წრეულს, კალენდარში წერიაო, ამბობდნენ. ის ოხერი, რომ ვერ ვიყიდე! გიორგი ბრტყელაიას ჯიბით დააქვს, მაზაკვალს. ზოგი ისეთი კაი ამბები წერია, — წარმოთქვა ბასილმა.

— ნეტავ ცეცხლი მოუქიდა ყველა კალენდრებს! ოღონდ მე კი ერთი ურემი შეშა მოჰყვა ახლა და რაც კალენდრებია ქვეყანაზე, ყველა ზღვაში გადააგდო, — შენიშნა პავლემ.

ბასილმა წვერ-ულვაში დაივარცხნა. სავარცხელი ბუხრის თავზე ჩამოდო, მერე აღმოსავლეთისაკენ მიბრუნდა და რამდენჯერმე პირჯვარი დაიწერა

— ბართლომე სად არის? — ჰკითხა ბასილმა, როცა ისევ სავარძელში ჩაჯდა.

— ქარბორიასთან, — მიუგეს ორივემ. — ამ ზამთარში მას სოფელში რა გააჩერებს, — განაგრძო პავლემ.

— ბაწრით და ჯაჭვით არ მოიცდის, — თქვა ირაკლიმ.

— კარგადაც იქცევა, სადღაა, ძმაო, მაგისტანა კაცის გასაძღომი მკვადი, — ბასილმა უწნოდ ჩაიცინა.

— კიდევ ქალაქ ალაგას მაგისტანა კაცი, — საქმიანი კილოთ თქვა ირაკლიმ, — იქ ტახტირებში და სამიკიტნოებში თბილად დროს გაატარებს.

— ძუკუ სად არის, ბატონო? — იკითხა პავლემ.

— არ ვიცი, შენ არ მომიკვდე, — თითქოს უცხოზე ლპარაკობსო, ისეთი კილოთი მიუგო ბასილმა. — როცა დილით ავდექი, ქე შევეამჩნიე, თოფს რაღაცას უკიტორებდა. ალბათ, სანადიროდ წავიდოდა. ისიც ჩქარა წავა, მგონია, ქარბორიას ანაბარა. — მწარედ დაუმატა ბასილმა და ერთიც ამოიხზრა.

— ქარბორია ღმერთთან აშოროს, ბიძი, ის კი არა, იმას აპონი ხარ, * — თანაგრძნობით მიუგო ორივემ.

— შენი მტერი დაეპონა მაგისტანა შვილს, — მწარე ღიმილით მიუგო ბასილმა. — თვითონც წაიქცევა და შენც ქვესკენელში გადაგადებს. მე სანამ სული მიდგა, ამ ჩემ ორ ფეხს დაეპონები, — მუხლებზე ხელი დაირტყა ბასილმა, — ის კი მე დამეპონება და კიდევაც სანამ ცოცხალი ვარ, არ დავცემ, მაგრამ ჩემ შემდეგ რა ეშველება, ვილას დაეპონება?

ირაკლიმ და პავლემ არა მიუგეს რა, მხოლოდ ჩუმად ამოიხზრეს.

ბუხარში ცეცხლის აღს ლაპლაპი გაჰქონდა. წიფლის ერთ მოგრძო მშრალ ნაჭერს ცეცხლი შუაგულ ჰოდებოდა და აალებულ ხეს ტკაცუნ-ტკაცუნი გაჰქონდა. აი, უკანასკნელად იტკაცუნა შესამ და შუაში გამწვარი ნაღვერდალში ჩავარდა, თითქო ხის მორევა გაუხარდაო, შესას ბარბაჩით მოედო.

ბასილმა თვისი საყვარელი ყალიონის ტარი პირში ჩაიღო, სიამოვნებით მოუბაჟუნა და სქელ-სქელი კვამლი გამოუშვა.

— ვო, ირაკლი და პავლე! — წარმოთქვა მან ცოტაოდენი დუმილის შემდეგ. — თქვენზე უფროსი თქვენ-თქვენს ოჯახებში არავინაა. როგორ გაჰირდა ჩვენი საქმე, კარგად იცით. ცოდვას ვერ ვიტყვი: რაც შეგეძლოთ, მტრის ჯავრისათვის დღემდე მხარი არ მოგიცილებიათ ჩემთვის. რამდენი ვიხარჯეთ, რამდენი ვეძებეთ ის საბალაგროდ დასარჩენი საბუთო! ღმერთი რომ კაცს გაუწყრება და გასწირავს ის არის, თორემ აზნაურობის საბუთი ჩვენ საქმებარი უნდა გქონოდა? მაგრამ ბევრიც რომ ვიწუწუნოთ, საქმეს ამით არ ეშ-

* აპონი ხარ — იმის იმედითა ხარ.

ველება. ახლა საეშმაკოდ, დედა ღმერთო! დრიმინტია ჭანდრაკელიას, ჩემი სისხლის მსმელს, რალაცნაირად, — სად იპოვა, ნეტავი ვიცოდე! ხელში ჩავარდნია ჩვენი გამოსადეგი საბუთი და...

— მართალი ყოფილა, ბიძი?! — გაოცებით დაეკითხნენ ორივე ძმები.

— მართალი, აბა, ჩემი თვლით ვნახე. იმ მენცარმა ხელი კი არ მომაკიდებინა. თვითონ ორივე ხელით ეჭირა და წამიკითხა. ზალიკასაც წააქითხა.

— ნეტავ რა წერია შიგ? — დაინტერესდნენ ძმები.

— საქმე ისაა, რომ აზნაური მერაბი სჯომონის ძე მძებრაძეო, ურევია და ეს არის თავიდათავი საქირო, თქვენთვისაც და ჩემთვისაც. წერილი სასახელო არ არის, — მორცხვად შენიშნა ბასილმა, — მაგრამ რას დავეძებ, მე არც მესაჭიროებდა, ის ქე არის ცხადად და სხვა რაც წერია, რას დავეძებ. მაჩაჩემს პირად კი არა სწერს მთავარი! ვაკე-კარის მოურავს, ტარიელ შუშხუნაძეს წერს.

— შარშან რომ გარდაიცვალა, იმას?

— დიახ, ტარიელ შუშხუნაძეს სწერს, რომ მამაჩემი გაატრთხილოს. კიკო ბარბას ქვრივს, არ გახსოვთ, კუზიანი ბებერი რომ დადიოდა, ისიც ახლახან უეცრად რომ გარდაიცვალა. აი იმას უჩივლია მამაჩემისათვის.

— ოჰო, შენი ქირიმე? — გაიკვირვეს ძმებმა.

— აი, ძმარ, საბუთი ვნახეთ ეს არის, მაგრამ რა ფასს ამბობს არ იტყვი? განა ნავაჭრალი და განაკოტრი კაცისაგან სიკეთე გამოვა? ორას მანეთზე ნაკლებ ლაპარაკსაც არ კადრულობს ის მენცარის შვილი!

— ყო, წიე! — თითქმის მიაყვირა ორივემ.

— აბა, დედის სულწაწყმენდილი! რომ მინახა დრო, მაგრა დამაქირა, რამდენი ხანი მაწვალა ფულის თაობაზე. ოცი მანეთი ახლაც მართებს. ისე მოცაცილად მქონდა ახლა საქმე, რომ ცაში უნდა აფრენილიყო, ან ჩემი ვალი გადაეხადა, და წარმოიდგინე. ეშმაკმა თუ ანგელოზმა, ხელში ჩემი სულის კლიტე ჩაუგდო. ხა, ხა, ხა, — მწარედ ჩაილაპარაკა ბასილმა, — თუ უნდა, გაგიღებს ის კაცი, თუ არა და ყავხარ დამწყვდეული და ეს არის, — მწარე ღიმილითვე დაუმატა.

— გადირია ყოფაგაქუცული? — ჯავრით წარმოთქვა პავლემ. — ორასი მანეთი ლობიოს ჩენჩი ხომ არ არის? ორასი მანეთი ნალდი ფული ახლა მე მომცა და შენი აზნაურობა ინგურში გადაგიგდო, ოცარცეს ქვემოთ.

— რას ამბობ, კაცო, აზნაური არ ვიყო, ღმერთმა ნუ ქნას, — ცოტა ამაყად მიუგო ირაკლიმ, — მაგრამ ორასი მანეთი ერთობ გაუქმავს მაგ შავ ყაზახს.

— ასეა, ძმაო, აი, ხომ ხედავ, დროებამ რა მოგვეიტანა! — ბასილმა ყალიონი მაგრა მოსწია, სქელი ბოლი გუნდ-გუნდად ამოდინდა. პირიდან და ნელ-ნელა ბუხრისკენ იფანტებოდა. აპრიალეზულ ცეცხლს ჩააფურთხა მასპინძელმა და აუჩქარებლად განაგრძო: — მე თუ მკითხავ და *ლოგოს* ვაკვირდები, შენ ხარ ჩემი ბატონი, ისეთი დროებაა დამდგარი, რომ შენს აზნაურობას მართლა ბევრი არაფერი გასაველი არა აქვს. აზლანდელი აზნაური, ბაბა, ისაა, ვისაც რამე აქვს და ვინც რამე იცის; ჩვენ კი, საუბედუროდ, თუ რამე გაგვაჩნია, ნელ-ნელა ხელიდან გვეცლება და არავითარ ცოდნას და ახალ რასმე არ მივსდევთ... ეს, ვთქვათ, ასეა. წყალში რომ ჩავარდე და იხრჩობოდე, თუ ხელი არ გაუსვი და ნაპირისკენ არ გაუჩქარე, რაძენიც გინდა თვალი ხუჭო, და ალბათ სიზმარი იქნებაო, რომ იძახო, რას გამოგადგება. თავი სანამდის უნდა იტყუილო, ბაბა!.. მაგრამ, კაცო, თვალეები ჩემი ხელით როგორ დავითხარო. ჩემი ღეხით კუბოში როგორ ჩავიდე! — აქ ბასილი წამოდგა და ხელები ფართოდ გაშალა. — მამაჩემი, პაპაჩემი, პაპისპაპა და ბაბუა ამიერ მითაჟამიდან უკუნისადმე აზნაური ყოფილა, ყმა ჰყოლია, სახლ-კარი ჰქონია, მიწა, მამული ჰქონია, სამაჟულო საქმეში მტრისთვის ზურგი თავის დღეში არ უჩვენებია, — ბასილი თან ლაპარაკობდა და თან ხელებს ზევით და ქვევით აქნევდა, — და ახლა გლეხი ბასილი მძებრადყო. რომ მეძახდნენ, მაგას ჩემი ყური ვერ გაიგონებს. ხარჯის შიშით ეს მივატოვო და ცოცხალი დავიმარხო? არა, საწაპ ვარ, ვიყო ისე, როგორც ვყოფილვარ. რაც უნდა დამიჯდეს, ცოლ-შვილიც რომ დავიწინდრო, და რომ მოვეკვდები, მერე თუ გინდა ქვა ქვაზე ნუ დარჩენილა.

ირაკლი და პავლე სულგანაბული ყურს უგდებდნენ. მათი მოწყენილი სახე კიდევ უფრო მოიღულშა.

— რას ვუზამთ, უნდა ვეცადოთ, — ფრთხილად დაარღვია სიჩუჟე პავლემ.

— კარგი, ძმაო, თუ ეცდებით აი ეს არის. რაც მე დღემდის დამიხარჯავს, ცოლ-შვილის პატრონი კაცები ხართ, თქვენ და თქვენი ღმერთი!.. ნახევარ ხარჯს ახლაც ამოვუდგები. რა ვქნა. და როგორმე თქვენც უნდა მოიწადინოთ, სამნი ხართ.

— სამნი ვართ, ბიძი, მართალია! — მიუგო ირაკლიმ, მაგრამ ის ერთი კაცი, ღმერთო შეგცოდე, არ იყოს, სჯობია. რაც ვაპრობას

თავი დაანება, მას აქეთ ერთი კაპეიკის ღირებული ოჯახში არ შემოუტანია. განა შენც ჩემზე უკეთ არ იცი, მაგრამ გულში რომ გიპირს კაცს, უნდა ილაპარაკო. ჩვენ არ ვმუშაობთ ხეირიანად. თორემ შავის ნამუშავერი ხომ არ გაგონილა და არც იქნება, ისე უნდა დაილიოს. მოვარდება ხანდისხან შინ, თუ რამე გაგვაჩნია. სვამს და ჭამს. ქალებს მაგის სარეცხის რეცხვაში ხელები უსკდებათ! საპონს მაინც მოიტანდეს. ერთი ქცევა მიწა ერთ ვაჟიშვილად ღირდა, შენც ქე იცი... თავისივე სულელობისათვის ყაზახს დაუგირავა. რატომ ასი მანეთი არ აილო ამ ორ მოწვევაში იმ კაცმა და ვგონებ საკუთრად მაგას შერჩეს. ვინაა ამომღები, გენაცვალე. ყაზახმა, მამაძაღლმა, თუ ერთხელ ჩაგიგდო, წურბელასავით სისხლს გამოგწოვს. რომ დაგინდოს, ყოვლად შეუძლებელია. ახლა, ბიძი, ასი მანეთის შოვნა ჩვენთვის? შენ რა, უცხო არა ხარ, ყველაფერი ჩვენი ამბავი კარგად იცი. მე რა უნდა გითხრა.

პავლე თავჩაღუნული იჭდა და ჩუმ-ჩუმად ხან ირაკლის, ხან ბასილს შეხედავდა და ხან გაპრიალეებულ მხურვალე ნაკვერცხლებით სავსე ბუხარში შეიხედავდა.

— ვიცი, როგორ არ ვიცი, — მხრების აწევით და ხელების გაშლით მიუგო ბასილმა. — მაგრამ თქვენც ჩემი ამბავი ხომ იცით. თუ ორი გრამი ვისმეს მართებს ჩემი, — კბილით ამოსაგლეჯ-ამოსაღებია, ერთი ორი გროში თუ ხელში მქონდა, დაილია, ძმარ. ზღვა კოვზით დაილევაო, ნათქვამია, და ჩემი ორი კაპეიკის დაღვეას რა ბევრი რამე უნდოდა. აქეთ ხუთი მანეთი. იქით ათი მანეთი, აქეთ ორი თუმანი. იქით სამი თუმანი, აქეთ ორი მანეთი, იქით ერთი მანეთი და ამდენ აქეთ-იქითში... ფვიტ, ხელიდან, — მარჯვენა ხელის ცერი შუა თითს მიაჭირა და დაატკაცუნა.

— მაინც რა გაუჭიმავს მაგ შავ ყაზახს. ეგებ კიდევ უფრო იაფად წავაწყდეთ სადმე. რა გაჩქარებს, ბიძი, — ინუგეშა თავი პავლემ.

— სხვაგან რომ ვიშოვნიდე! — წამოიძახა ბასილმა და ხელები გაშალა, — თათრის ვალს დავიდეტ, მეტს მივცემ და ვიყიდი და იმას კი, იმ გაკორტებულს, პირს ჩალაგამოვლებულს დავტოვებ, მაგრამ ესაა მაგის ღვთის წყრომა, რომ ვერსად ვიშოვნეთ. განა ცოტა ვეძებეთ? რა გვაჩქარებსო, რომ ამბობ! საჩქარებელი არაა თუ! განა მარტო საბუთია საჭირო? ეს მხოლოდ საჭმის დაწყებაა. ახლა ნეტრიკული მოწმობები, ახლა ოცდახუთი ჩინოლიკების ხელმოწერილი ქალაღი, მერე შეტანა და დავიდარაბა. არა, ერთი და

ორი წელიწადი გაივლის... თქვენ რომ პერაბის ძმისწულეები — ხართ, ამასაც დამტკიცება უნდა.

— აზნაურობაც რომ სადავიდარაბო გაგვიხდა, ფუი, მის საქმეს, — მწარედ ჩაილაპარაკეს ძმებმა.

— აბა, რა დროს მოვესწარით! — ნაღვლიანად მიუგო მათ ბასილმა.

— ას მანეთს ახლა, ბიძი, რომ ჩამოგვახრჩოს კაცმა, ვერ ვიშოვნით, — მწარე სიცილით თქვა ირაკლიმ.

— რა ვქნათ აბა, ბიძი, — მიუგო ბასილმა, — კაცს სირცხვილისათვის ხურავს ქუდი. თუ თქვენ უარს იტყვით და არ გინდათ, მე შაინც, რაც გინდა გადამხდეს, უნდა ვეძიო ჩემი ღირსება, სანამ გავუძღვებ. კოჩა და ბიტა ბარიას ამხანაგად გაზხადონ, გადმოდგეს სუკზე ტაგუია პოპროშიკი და ვო, ბასილ, ვო, ბასილ, ბარი და ნიჩაბი წამოიღე, ანაკლიისაკენ გზა გასაკეთებელიაო, რომ დამიკვივნოს, ამას ჩემი ყური და თვალთ ვერ მოვისმენ და დავინახავ და მერე... თქვენ თუ არ გინდათ, თქვენი ნებაა.

ირაკლიმ და პავლემ ერთმანეთს შეხედეს, მერე ფანჯარაში გაიხედეს. თოვლი ბლომად, ფრიალ-ფრიალით ცვიოდა, არავითარი საგნის გარჩევა არ შეიძლებოდა. მათ შეწუხებულ სახეს მოწყენილმა და სუსხიანმა ბუნებამ უფრო მეტი მოწყენა დაურთო.



შობის წინა ღამეს ნიკოია თონბიტარიას ფაცხაში კერაზე ცეცხლი იყო გაჩაღებული. ჭაჭვზე თუჯის დიდი კარდალა ეკიდა ღორის ხორციით სავსე და იხარშებოდა. ნიკოიას ჯალაბობა, ივანეს გარდა, იქვე იყო. დადი და გაიანე ერთ კუთხეში კუბატს აკეთებდნენ. ნიკოია კარდალის ახლო კველაზე იჯდა და ჩიბუხს ეწეოდა. პეტრეს ხელში პაპიროსი ეჭირა. ათანასე და ფარნა ღორის ბუშტს ბერავდნენ. კარდალაში წყალი დუღდა, ათასფრად გადი-გამოდრიოდა, აქაფებულ ბუშტებს ბუშტებზე ისროდა. კარდალაში ღორის თავიც იხარშებოდა, კარგად არ ჩატეულიყო და ერთიყური წყლიდან მოჩანდა. ნიკოიამ ხის შამფური აიღო, ზევით აპოყოფილ ღორის ყურს დააჭირა. ქვაბი ცალმხრივ გადაიწია და ქონიანი წყალი ცეცხლზე გადმოიქცა. ცხრ... აციცხინდა ქონი და საშინელი ალი ავარდა.

— ნანაია, შვილო, რას შობი. ცეცხლი არ მოგვიკიდო. — მიადახა ქუჭავ.

— ა, წიე, როგორი ალი ავარდა! საწყალი კერა ცარიელი ქონი

ყოფილა, რაც მე მაგას ამ მარხვაში სიმინდი ვაქამე, — სიხარულით შენიშნა ათანასემ.

— ნელა, ბაბა, ნელა. ერთბაშად ნუ დაწვევ, თორემ ცეცხლი საშიშია, — თქვა პეტრემ.

— ეს ოხერი ყური უშნოდ არის ამოჩიჩხინებული, მოუხარშავი დარჩება, — იმართლა თავი ნიკოიამ და ღორის ყურს წკირი ნელ-ნელა დააჭირა. ქაფი შაინც ქვაბიდან ნელ-ნელა გადადიოდა და ციციხინი გაჰქონდა.

— ერთობ პატარაა ჩვენი ფაცხა, თუ ცოტა დიდი ცეცხლი აანთე. კაცს გასასვლელ-გამოსასვლელი ალაგი აღარ დაურჩება. ერთი გვარიანი დიდი სამზადე რომ მოგვცა, კი გვეჭირია, — თქვა ნიკოიამ; ერთი ხელიდან წკირი მეორე ხელში გადაიტანა და ცეცხლისაგან გახურებული სახე განზე მიიბრუნა.

— მე ის საპირუტყვო სახლი სამზადოდ მინდოდა, შენ არ დამიჯერე თორემ, — მიუგო პეტრემ.

— პირუტყვებს რაღას უზამდი?

— ამ ფაცხაში დავაბამდი.

— ამაში რა დაეტევა?

— როგორ არ დაეტევა.

— რა დაეტევა, უღელი ხარი აქ თუ მოთავსდა, დიდი თავი დაუკარი. სხვას, ღეთის წყალობა, ორი ძროხა ქე არის, ორიც ხბო, ერთი ქაბლა,* ცხენი; ამდენ სულს რას უზამდი, სად დააბამდი?

— რაც აქ არ დაეტეოდა, იქ დავაბამდი.

— არა. შეილო, არ არის ლამაზი, — მიუგო ნიკოიამ. წკირი ფრთხილად ქვაბში ჩაჰყო, წოწინარივით ღორის თავს ამოუდო. მეორე მხრივ გადმოაბრუნა. მოუხარშავი ყური ახლა ძირს მოექცა. მღულარე წყალში, და ნიკოიამაც წკირი მოაშორა. — არაა, შეილო, კარგი, როცა კაცი საჭმელს აკეთებს და იქ ძროხა და ცხენიც უბია. უწმინდურობა და ბინძურობაა. ქათამი ხომ უკაცოდ არ მოიცდის გასაწყვეტი. სადაც კაცია, იქ უნდა გაიზარდოს, ბაგაში ჩააფრინდება, ბუმბულს ჩაჰყრის და შეიძლება ცხენს ან ძროხას ჩალაში ჩაჰყვს და კიდევაც მოკლას.

— ხა, ხა, ხა, — გაიცინა პეტრემ. — რა ჩქარა გავდიქვაცდით, ბაბა. მე რომ პატარა ვიყავი, სასიმინდეს ქვეშ, ამ ფაცხის ტოლაც არ იყო, ჩვენც ვთავსდებოდით, საჭმელსაც იქ ვაკეთებდით. ძროხაც იქ გვება, გოქსაც იქ ვზრდიდით და სტუმარიც იქ მოდიოდა.

* ქაბლა — უშობელო.

— ნუ გამახსენებ, შვილო! მერე ის ცხოვრება იყო! მერე ის სიცოცხლე იყო! რა ვიხეირეთ მერე, შვილო! საწყალი დედამენი იქ დასწულდა და კიდევაც სიცოცხლეს გამოესალმა.

— ღმერთო, ისე გამოასალმე სიცოცხლეს, ვინც ჩემი ნიკოია და- მიუსამართლა, — ნელა ჩაილაპარაკა მოხუცმა კუქვამ.

— სამაგიეროდ, ახლა გვარიანად ვართ ფონს გასული, მამა- ჩემო, ნუ გეშინია, — უთხრა პეტრემ და თავი მაღლა ასწია, თითქო ლენინს სმაში მოპირდაპირეს ენაძლავებაო.

ნიკოიას სახეზე მხიარულმა ღიმილა გადაურბინა ოა შვილებს სათითაოდ შეხედა. ყველანი ფერხობრცით საესენი, კმაყოფილნი და მოღიმარნი მამას შეჰყურებდნენ.

— თქვენი იმედით, შვილებო, ჩემი ივანეს იმედით, ღმერთო რომ თქვენს თავს მიცოცხლებდეს, სხვა რის მეშინია.

— აჰა, ძმაო, კისერიც რომ მოიტეხო, ამაზე მეტი ეს ბუშტი არ გაიბერება! — წამოიძახა ათანასემ. რომელსაც ისლის ლახვრის ერთი ბოლო პირში ედო, მეორე ბუშტის ვიწრო მილში ჩაეშვა, ხელითაც იმაგრებდა და, რაც ძალი და ღონე ჰქონდა, ლახვრის მილში სულს უბერავდა. — ახლა, ფარნა. — მიუბრუნდა ათანასე ფარნას. — ბუშტს ყელთან ძაფი მჩატედ მოაბი, მე ძლიერ გავებერავ და როცა სულ ძლიერ გაიჭიკნოს, უცბად ძაფით მაგრა მოსკვენი.

ფარნამ აბრეშუმის მაგარი ძაფი მოსძებნა, ბუშტს ყელთან მჩატედ ჩამოასკვნა და ძაფს იქით-აქეთ ხელიც მოკიდა. ათანასემ ისლის ლახვარი პირში ჩაიდო და ჯერ ნელ-ნელა ჩაბერა, დაქუქუქ- ნული ბუშტი ცოტ-ცოტად გაიბერა. ათანასემ ჩაბერა, რაც ძალი და ღონე ჰქონდა, ლოყები გამოებერა, თვალები გაუმსხვილდა და სახეზე ალმური მოედინა. „ჰმ“, ცხვირით და თავის კანტურით ანიშნა ფარნას. ფარნამ ძაფი იქით-აქეთ გაჭიმა და მერე გარშემო რამდენჯერმე შემოავლო, ისევ გასკვნა და ისევ შემოავლო. ათანასემ კი ისლის ლახვარი დროზე ამოაცალა.

— ეჰ, ცოტა დაიგვიანე, — უსაყვედურა ათანასემ ფარნას. — მე ხომ განიშნე, იმავე წამს უნდა მოგეჭიკრა. მე ჰაშინათვე ლახვარი ამოვაცალე, შენ ერთი ბეწო დაიგვიანე და სულიც ცოტა გამოვიდა.

— არა უშავს რა, — მიუგო ფარნამ და გაბერილ ბუშტს თითებ- ბით დაირასავით დაუბრაახუნა. — მაგარია, მეტი რა გინდა?

— ტყუილად არ გაავდოთ, ბაბა. დიდი ბუშტი ჰქონია ღორის ჰირობაზე, — უთხრა შვილებს ნიკოიამ.

— აბა რათ მოვიხმაროთ, — ჰკითხა ფარნამ.

— ქისა გააკეთეთ. აი, გაიანე ვაგიკეთებთ:

— ყა, ქისად ეს არ ვარგა, — თქვა პეტრემ, — ქისად ძროხის ბუშტია კარგი.

— ქისად გავაკეთოთ და ბასილ მძებრაძეს ვუძღვნათ, — გაიხუმრა ათანასემ. — იპას აქვს ყოველთვის ბუშტის ქისა.

— მე ვიცი ამას ვის ვუძღვნი! — წამოიძახა ფარნამ და გაბერბილი ბუშტი მიწაზე დაადო. ბუშტმა ოღნავ ფაფუნი მოიღო, აქეთ-იქით მიგორ-მოგორდა და ერთ ადგილას გაჩერდა.

— აბა, კაი, მაგას! — დაიძახა პეტრემ.

— მე, ვე! — წამოიწია ფარნამ.

— არა, მე! — თქვა ათანასემ და ფარნას მოექიდა.

ორივემ ხელი მაგრა დაავლეს ერთმანეთს და არ უშვებდნენ. ნიკოია და პეტრე იცინოდნენ.

— ჯვარი აქაურობას, წართი! — უკმაყოფილოდ შენიშნა ქუქამ.

— ქვეშ გენია გაჩაღებულია, ზევით მღვლარება ჰკიღია და ესენი აქ კიღაობენ. ათა, დადი, შენც გაბაღანავდი?

— არც ფარნაა ბაღანა, ნუ გეშინია, — მიუგო ათანასემ და დადის შეხედა. ფარნამ ისარგებლა იმ წამით და მარდად დაახტა ბუშტს მარჯვენა ფეხით. ბუშტი გავარდა, რაც საერთო ხარხარით იქნა მიგებებული.

— თოლი, ღმერთმა კაი გაგახსენოს, — დაეკითხა ნიკოია პეტრეს, — იმ ოჯახდაქცეულებს როგორ ვუყვით, ამ საღამოს რომ მოვიდნენ?

— ვის, ბაბა?

— იმ მძებრაძეებს, ღმერთო, — თვალები მალა აღაპყრო ნიკოიამ, — მგონია, ისევ ლაყუქში ბაწარი...

— წისკვილზე არ თანხმდებიან?

— თანხმდებიან კი, ბიჭო, მაგრამ რა ვიცი, ან გაფუქდეს, ან რამე ხრიკი დაიბდგან, ისინი ხომ დაჭერილი ეშმაკები არიან.

— ვითომ წყალმა გააფუქოს, იმის გეშინია?

— ესეც სათქმელია.

— აგერ ოცი წელიწადი ქე ბრუნავს ის დასამტკრევი, ათასჯერ მოვიდა წყალი, მაგრამ მაინცდამაინც თვალსაჩინო არა უვნია რა, თუ ჩვენ ჯინაზე ქვეყანა დაიქცევა, ჩანი გავარდეს, რა გაეწყობა.

— მაგრამ სასწორზე თავი როგორ დავადვით, წიე! ოფლის ქვეშ ნაშოვარი ფულებია. ივანეს ფული მარტო სამი თუმანი გვაქვს, სხვა ფოსტას და როკიკს ჰოვანხმარეთ. სხვა სიმინდის ფულებია, არ გახსოვს, რა ვიტანჯეთ ირმის ნახეთქში.

— რაც მოხდება, მოხდეს, მხოლოდ იმ წისკვილში ჩვენც

გვედოს წილი სიკოია და გატინიას ჯინაზე, თუნდ ერთ თვეს ვიყოთ ჩვენც იმ წისქვილის მონაწილე და მერე როგორი მონაწილე! ირაკლის, პავლეს და ბართლომეს წილზე, ზურაბის შვილების წილზე, ოპო. პო, როგორ თვალი ამოვთხარე გიტინიას და მის შვილებს. მაგრამ, — ხმას დაუმადალა პეტრემ. — როგორ დაევიჯერო, რომ იმათ უწისქვილოდ გასძლონ. მათი მარჩენალი ის არის, დღედაღამ იმას დაარაჯობენ. ალბათ ან მოკვდებიან, ან წისქვილს დაიხსნიან.

— დაიხსნან, რას დავეძებ! ჩემი მე მომცენ, ბატონო. ორი-სამი წელიწადი ვერ დაიხსნიან, ქე ვიცი, და მერე პქონდეთ. მაგრამ, ვაი, იმის მეტი, როგორც ირმის ნახეთქი ვერ დაიბრუნეს, ვერც წისქვილს დაიბრუნებენ, თუ ერთხელ ფული აიღეს და შექამეს. ეს არაფერია, შვილო, ოღონ ხელწერილში არ მოგვატყუილონ, იმათ ხოპ...

— აი აგერ არა მყავს, — მიუთითა პეტრემ ფარანაზე. — სხვა ჯერ რა გვარგო, რაც ამას დავახარჯეთ და რაც ფქვილს ვეზიდებით: ზუგდიდში.

— ხელწერილს რას იცნობს ეს ჯერეთ, — იეკვა ნიკოიამ.

— ქაღალდს რავა ვერ ვიციან. რიგიანი დაწერილია თუ არა, — ცოტა ამპარტავნად თქვა ფარანამ. — თუ ბართლომესთანა დავწერე. ორივე ხელებს მოვიმტვრევ.

— კარგია, შვილი, თუ რამეში გამომადექი და შრომა და ზარალი ტყუილად არ დამიკარგე, — ლმობიერად უთხრა ნიკოიამ და სიხარულით სავსე თვალებით შეხედა.

* * *

რა ზომამდი არ სძულდათ ირაკლისა და მის ძმებს ნიკოია თოხიტარია, რა ზომამდი არ ეჯავრებოდათ კიდეც მისგან ფულის ვალად აღება, მაგრამ სხვა გზა არ იყო, რომ კიდეც მისთვის არ მიემართათ და — თვალები ცრემლითა და გული ნაღვლით სავსეთ — წისქვილი არ დაეგირავებინათ.

იმავე დღესვე, რა დღესაც ბასილთან იყვნენ, დაფაცურდნენ, აქეთ-იქით ბევრი იწანწალეს, მაგრამ ვერას გახდნენ, საღამოთ ისევ ნიკოიასთან მივიდნენ და წისქვილი შეაძლიეს.

სხვაგან სოფელში ფული ვერ იშოვნეს. იმიტომ კი არა, რომ სოფელში სხვაგან ფული არ იყო. სრულებით არა. ფული ბევრსა პქონდა, მაგრამ მხოლოდ გლეხებს და გლეხები კი ფულის სესხებაში ყველანი ხელმოჭერილნი იყვნენ. ისეთ უიმედო პირებს, როგორც ირაკლი და მისი ძმები იყვნენ, არავინ ენდობოდა. წისქვილის ინტე-

რესი ნიკოიას ჰქონდა, თორემ სხვას იმაში გარევა კიდევაც ეჯავრებოდა.

მოილაპარაკეს და ნიკოიაც დათანხმდა. აქაც, როგორც მიწის დაგირავეების დროს, ხელწერილი უნდა დაეწერათ და ათი თუმნის ვექსილიც მიეცათ. ვადა კი ცხრა წელიწადი უნდოდათ დაენიშნათ. ცხრა წლის განმავლობაში ნიკოია წისქვილს ისარგებლებდა და თავის ათ თუმანსაც ცალკე აიღებდა. უამისოდ ნიკოია არ დათანხმდა.

წყალკურთხევის მეორე დღეს, ნასადილევს, ნიკოია თავის შვილებით, პეტრეთი და ფარნათი, მივიდა ირაკლის სახლში. აქ მათ დახვდათ ბასილი, ირაკლი, პაკლე, ბართლომე და სოფლის მწერალი ელიზბარი.

— შენმა შვილმა ქე ისწავლა, ბაბა, ნიკოია, და ჩემმა კი წინ ნაბიჯი არ წარსდგა, ღმერთმა გაჩუქოს, მოდი, გავცვალოთ, — მიეხუმრა ბასილი, როცა ნიკოია ირაკლის სახლის აივნის კიბის დამპალ საფეხურებზე ფრთხილად აღიოდა და თან ჯერ ჯოხით სინჯავდა, — შეეძლო თუ არა კაცის დამაგრება.

ნიკოიამ მძიმედ თავი დაუკრა ყველას, ბასილს განსაკუთრებით თავმდაბლად და ხუმრობითვე მოახსენა:

— შენი შენ გყავდეს, ბატონო, და მე ჩემი. შენი, რაც გინდა იყო, ჩემსას მაინც ქე ემჯობინება. შენი შვილი ტალახშიაც რომ ეგდოს, მაინც აღმასივით ბრწყინავს.

— ამაში კი ვემოწმები ნიკოიას, — ამაყად მიუგო ბართლომემ და ორივე ხელი ახალუხის ჯიბეში ჩაიწყო. ტუჩებს კენეტა დაუწყო და გაიარ-გამოიარა, თითქო სიბრაზე და ნიკოიასადმი სიძულვილი ამას უნდა გადააყოლოს.

ირაკლისა და მისი ძმების ერთთვალა ოდის ნახევრად ჩამონგრეულ ბუხარში ცეცხლი თუმცა ენთო, მაგრამ ერთი შეხედვით შეეცყობოდა, რომ სახლის პატრონი შემის მხრივ ძლიერ ქესატად ბრძანდებოდა. კედლებშიაც ბევრგან იყო საკმაო ზომის ჭუჭრუტანა. ნახევრად კიკილისაგან შექმულ დამპალ იატაკის ფიცრებს კი ზოგან ისეთი ფართო არე ჰქონდა, რომ ზედ სიარულის დროს სიფრთხილე იყო საჭირო. ოთახის ექვს-ექვს თვალ ფანჯრის ჩარჩოებში ოდეს-ღაც შუშებიც ყოფილიყო ჩასმული, მაგრამ ახლა მხოლოდ სამი შუშა დარჩენოდა მთელი, დანარჩენი ჩამტვრეულიყო. ამნაირად სახლში ქარი ადვილად უბერავდა ყოველ მხრივ და შიგნითაც ისე ციოდა, როგორც გარეთ: გარეთ კი ყინავდა, თუმცა თოვლი თითქმის დამდნარიყო.

ნიკოია თავის სქელ ნაბადში მაგრა გაეხვია და ტახტზე ჩამოჯ-

და. ბასილი კი სკამზე იჯდა ბუხრის წინ. შუა ოთახში ერთი ძველი პატარა მაგიდა იდგა და იმას მწერალი და ბართლომე მიუხსნდნენ. მწერალს წინ ქალაღი და საწერ-კალამი ედგა.

— ლაპარაკი ხომ გათავებულია თქვენ შორის, ნიკოია? — ჰკითხა მწერალმა.

— კი, ბატონო, აი ბასილიც აგერ ბრძანდება.

— მაშ დავწეროთ.

— დასწერეთ, ბატონო.

— აბა, ბართლომე, მოკიდე ხელი, შავი გამოიყვანე. — უთხრა მწერალმა.

— შენ კი რატო დაგიბარეთ? თუ მე დავწერე, მაშინ შენ რა მოხელე ნაჩაღნიკი იქნები. ტყუილად გაჭამეთ ღღეს ყვერულის კურტუმო?

— შე ოხერო, ჯერ კუჭამდი არ მისულა, აი, აგერ მიძევს, — მკერდზე მიიღო ხელი მწერალმა, — და შენ კი ახლავე დამაყვედრე, — ხუმრობით მიუგო მწერალმა, კალამს ხელი მოკიდა და წერა დაიწყო...

— აჰა, ძმაო, დავწერე! — დაიძახა მწერალმა რამდენიმე ხნის შემდეგ.

— აბა, წაგვიკითხე, — უთხრა ბასილმა.

— 18... წელსა, იანვრის 7-ს ღღესა, ჩვენ ქვემოთე ამისა ხელის-მომწერნი №... უეზდის და ჰყონონას სოფლის მცხოვრებნი აზნაური ირაკლი, პავლე და ბართლომე ზურაბის ძენი მძებრაძეები გიგირავებთ ღღეს რიცხვიდან ცხრა წლის ვადით ს. ჰყონონაშივე ირმის ნახეთქ მუხურთან მდ. ჰანისწყალზე დგმულ მძებრაძეების წისქვილისაგან ჩვენს წილს თქვენ, ამავე უეზდის და სოფლის მცხოვრებს ნიკოია პეტრიას ძე თოხიტარიას ათ თუმნად, ე. ი. ასი მანეთი ნაღდ ფულად, რომელიც ღღეს სრულებით მივიღეთ თქვენგან. და სრული უფლება გაქვთ ცხრა წლის განმავლობაში ისარგებლოთ ჩვენი წილის შემოსავლით, როგორც თქვენი საკუთრებით. ვადის შესრულებისთანავე ჩვენ, მძებრაძეები, ვალდებული ვართ თქვენი ათი თუმანი სრულად დაგიბრუნოთ და უკეთუ ვერ დაგიბრუნეთ, იმ შემთხვევაში წისქვილი დარჩება საუკუნოდ თქვენს უფლებაში. ვინიცობაა, დანიშნულ ვადის განმავლობაში ვინმე მოცილე გამოჩნდა, ვალდებული ვართ მოგაშოროთ და თქვენ ყოველმხრივ უზრუნველგყოთ, რასა შინა ხელს ვაწერთ.

— კეთილი და პატიოსანი, — თქვა ბასილმა. — აბა, ხელი მოაწერეთ, ხელი, და გავათავოთ საქმე.

— კი, ბატონო, — მიუგეს ირაკლიმ და პავლემ.

— ეჰე, ძმაო, — ზღაზვნით წარმოთქვა მწერალმა და ბასილისა-
კენ მიიხედა, — დედა ნუ მომიკვდება, ისეთი პირობაა, რომ ვექსილი
სრულიად საჭიროც არ რის.

— მეც ასე ვფიქრობ, რომ ასეთ მაგარ პირობას კიდევ ვექსილი
რალათ უნდა, — დარბაისლად თქვა ბასილმა. — ისარგებლე, ბაბა.
წისქვილით, სანამ შენს ფულებს არ მოგცემენ და გეყოფა. ჩვენც
კაცები ვართ, მარტო სარგებლობას არ უნდა უყურებდე, ქვეყანა
რომ გადმობრუნდა. იმიტომ ერთმანეთის პატივისცემა არ უნდა
დაგვაფიწყდეს... ჩვენც შეიძლება რამეში...

— თქვენი თავი დმერთმა ნუ მომიშალოს, ბატონო. — მიუგო
ნიკოიამ. — მარა, რა ვიცი, შემოსავალი, მაგდენ მონაწილეებში,
რალა იქნება.

— რას ამბობ, ნიკოია, — დამალული სიბრაზით მოუსწრო ბარ-
თლომემ, — როგორ თუ შემოსავალი არ არის? წელიწადში სულ
უკანასკნელი, სულ მცირე, სამოცი, სამოცდაათი ფუთი მაინც გვერ-
გება ჩვენ, სამნივე ძმებს.

— კი, კი, — დაემოწმენ ირაკლი და პავლე. ბართლომე და მისი
ძმები აპარბებდნენ, თავის დღეში მათ წილზე ამდენი სიმინდი არ
მოსულა.

— რაც გინდა იყოს, — გაერია ბასილი, — სულ მარტო მოგების
ინტერესებით არ უნდა იყოს ფულისათვის გამსქვეალული.

— მართალია, ბატონო, მაგრამ, როგორც ერთი საწყალი და
გამოუცდელი... — დაიწყო მობოდიშება ნიკოიამ.

— დაგიწერთ, დაგიწერთ თაქსუქსაც, ნიკოია, — უხალისოდ
მიუგო ირაკლიმ. — სალაპარაკოდ არა ღირს, შენი ქირიმე! — თვა-
ლით ანიშნა მწერალს.

მწერალი ისევ წერას შეუდგა, მას ბართლომე მიუახლოვდა
და დროგამოშვებით რალაც ერთმანეთს უჩურჩულებდნენ. პეტრეს
და ფარნას მოეწყინათ და აივანზე გავიდნენ. ნიკოიამ ბასილთან
რალაც მუსაიფი გააბა.

— აჰა, ძმაო! მზადაა ქალაღები! — დაიძახა მწერალმა რამდე-
ხიმე ხნის შემდეგ და ორი დაყვილი ქალაღი მაგიდაზე დადო.
ირაკლიმ ქალაღები აიღო და ნიკოიას გადასცა. ნიკოიამ თითქმის
ხელის კანკალით გამოართვა, ფარნა მოიხმო და იმას გადასცა.

— რა დათვალეირება უნდა, — წარმოთქვა მწერალმა, — შენი
ფარნა დაბადებულიც არ იყო, როცა მწერლად დავდექი, მას აქეთ
სულ მაგას ვადგენ! — ცოტა თავმომწონედ მიაძახა მან, თუმცა
რალაც შიში და არეულობაც კი შეეტყო სახეზე.

ფარნამ ერთი ქალაღი აუჩქარებლივ, ჩუმაღ ჩაიკითხა და ნელა შენიშნა:

— პირობის ქალაღი ჟერე ბართლომეს ხელმოწერილი არაა.

— როგორ? — თქვა ბართლოვემ.

— პირობის ქალაღს თქვენი ხელმოწერა აკლია, ირაკლის და პავლესი კი არის.

— როგორ, აკლია? მოაწერეს, მგონია, — თქვა ბასილმა და გაკვირვებული იყურებოდა.

— როგორ თუ ხელის მოწერა აკლია, — ათრთოლებით წარმოთქვა ბართლოვემ და ტუჩები ოღნავ გაულურჯდა და შეუთამაშდა. — შენისთანა გუშინდელი ბაყაყი მასწავლის ხელის მოწერას? — მწყრალად დასძინა მან.

ფარნა გაწითლდა და ძმა-მამისაკენ მიიხედა. პეტრესაც პირზე აღჰური ასდიოდა. ნიკოია გაფითრებული იღგა.

— ჩვენ საჩხუბრად და სალაპარაკოდ სრულებით არ მოვსულვართ აქ, ბართლოვე, — ცივად მიუგო პეტრემ. — თქვენთვის არაფერი წაგვირთმევია და თუ მოვედით, წასვლასაც შევიძლებთ. წავიდეთ, ბაბა, — ჩაულაპარაკა ნიკოიას. ფარნამ ქალაღები მაგიდაზე დააწყო და საჟივემ წასვლა დააპირა.

— წამართვევ კი არა, შენმა მზემ, შენი წართმეული კიდევ როგორი იქნება! — ბრაზით მიაძახა ბართლოვემ.

— დიდება შენდა, კაცო! ეს ხალხი ხომ არ დამთვრალა, ხომ არ გადარეულა დღეს! — თქვა ბასილმა და ზეზე წამოდგა. — ვერ გამიგია, მერაბის სულს ვფიცავ, რაშია საქმე. ასე წუმწუმასავით ერთმანეთს რომ მოეკიდნენ, ესეც არ მინახავს. ნიკოია, მოდი აქ ბაბა, და გაჰაგებინე, რაშია საქმე.

— რა ამბავია, რა იყო? თუ ხელმოწერილი არაა, მოვაწეროთ და ის იქნება, — ამბობდნენ ირაკლი და პავლე.

მწერალი, გაჩუმებული და გაწითლებული, მაგიდასთან იღგა. გულმოსული ბართლოვე კი უღვაშის კენჭით კუთხიდან კუთხეში დადიოდა.

— ეღონბარ, — მიუბრუნდა ბასილი მწერალს და დაბალი ხმით ჰკითხა: — მართლა აკლია ხელის მოწერა?

მწერალმა მორცხვად და კბილების ღრეჭით დაუდასტურა.

— ეს როგორ გეკადრებათ! — ნელა წამოიძახა ბასილმა. — დედაბერის არაკივით მოგსვლიათ, მერაბის სულს ვფიცავ, თქვენვე დანაშაულში ხართ და თქვენვე გული მოგდით. აზნაურის საკადრისი სრულებით არ არის აგეთი საქმე, მოაწერე ხელი ახლავე! — თითქ-

მის ზრძანების კილოთი მიუბრუნდა ბართლომეს და ნიკოიას, დასაძახებლად აივანზე გავიდა.

— შენ, ჩემო ძმაო, — დინჯად მიუბრუნდნენ ძმები, — სიკეთე თავის დღეში არ გიქნია და ახლაც, არევ-დარევის მეტს, საქმის გამოწყობაში კაცს არ გამოადგები. ასეთი სიყალბე ფონს რომ ვერ გავა, შენ მაინც როგორ მოგივიდა, შე კაცო, — უკმაყოფილოდ უთხრეს მწერალს.

ბართლომემ ქალაღებზე უწონოდ ხელი მოაწერა და საჩქაროდ უკანა კარებიდან გავიდა და თან უკმაყოფილოდ მიალაპარაკა:

— ოხრად დაგრჩა შენი აზნაურობა.

— ღმერთო, მომკალი, მე სრულებით ამისთვის ყურადღება არ მიმიქცევია, — კვირობდა ირაკლი. — ხშირად გავდიოდი გარეთ. ესენი სულ აქ ისხდნენ და ამის ფიქრში არც კი მოვსულვარ.

— ნიკოია, ვო, ნიკოია! — იძახდა ბასილი აივანიდან. — აქ მოდი. შე კაცო, პეტრე, პეტრე! წუმწუმასავით რომ მოეკიდეთ ერთმანეთს, რა იყო ისეთი!

ნიკოია და მისი შვილები ჭიშკარში ნელ-ნელა გადიოდნენ.

— რა ვქნათ, შენი ჭირიმე, თუკა ბაყაყები ვართ, მაგრამ ბაყაყსაც თავისი სორო აქვს, ისიც ღეთის გაჩენილია. თქვენ ჯვარი დაგწერეთ, ბატონო, ჩვენ ჩვენს გზაზე მივიღვართ.

— როგორ გეკადრებათ აგეთი სიტყვები, ნიკოია! — უფრო რიხიანად დაუძახა ბასილმა, — აიტ! შე ძაბუნო, სულმოკლე კაცი უოფილხარ! მე მაინც არაფერი დამიშავებია შენთვის. თუ გამარჯობას მეტყვი როდისმე, მითხოვნია დაბრუნდე.

ნიკოია მაშინვე დაბრუნდა.

— აქ მოდი, თქვე კაი კაცებო! ერთმა თუ რამე გაწყენინათ, შე კაი კაცო, რა, ძაღლები ხომ არა ვართ, — უთხრეს ირაკლიმ და პავლემ.

— ჯვარი დამიწერია, ბატონო თქვენთვის, თქვენს სალანძღავად მე რა ხელი მაქვს, — ყალბი სითავმდაბლით მიუგო ნიკოიამ.

— აა, წიე! ახლა ნასწავლო, კარგად დახედე, აბა! — უსირცხვილოდ მიაძახა მწერალმა ფარნას და ორივე ქალაღდი გაუწოდა.

ფარნამ ქალაღები გამოართვა, ჯერ ერთი მწერალს შეხედა და თვალით ანიშნა: ფიქრი ნუ გაქვს, მაგნაირი ხრიკებით თვალს ვერ ამიხვევო. მერე ნელა გახსნა ქალაღები და თითო-თითოჯერ ძირს დახედა. გულმოსულად ახალ ხელმონაწერი ჯერ რიგიანად მშრალი არ იყო და ცოტაოდენი მელანი დაკეცის დროს ქალაღდის მეორე მხარეს მისცხებოდა და ხელმონაწერიც ოდნავ წაშლილიყო. ფარნას

ლიმმა გადურბინა სახეზე და მამას ნელა ჩაულაპარაკა: კი, ორივე სელმოწერილია.

ხმა არავის აპოუღია. ბასილი დაფიქრებით უყურებდა. ნიკოიამ ქალაღღები ჯიბეში ჩაიდო. მერე ჯიბიდან ქისა ამოიღო, ათი თუმანი დათვალა და ირაკლის გადასცა.

XXIV

ფ ი ღ ო ს ო ფ ი ა

საზაფხულოდ სევერიანე წყალაძე ისევ დაბრუნდა შინ. გვარიან ჯანმრთელად იყო. სიმაღლე კარგა მომატებოდა. ნიკაპი და საულვა-შე თითქმის წვერით ებურებოდა. სახეზე თითქმის გამოცვლილიყო. ხუთი წლის წინათ ვისაც ენახა, ახლა ვერ გამოიცნობდა. ეს კიდეც არაფერი, საქმე ის იყო, რომ ხასიათი სრულებით განსხვავდებოდა. საღ იყო უწინდელი მოპლიმარი, ცქვიტი, მოსიყვარულე სევერიანე. სახეზე რაღაც მოწყენა და დაფიქრება ეტყობოდა. უწინდელი ცქრიალა და მოელვარე თვალები ახლა დაღვრემილად და სასტიკად იყურებოდნენ. წინათ ყოველ გამვლელ-გამომვლელს სოფელში ოთხი თუ ხუთი საყენის სიშორიდან გამარჯობას ცქვიტად დაუძახებდა. ახლა კი არც ამჩნევდა გზაზე შეხვედრილ კაცს, და თუ ვინმე აქეთ გამარჯობას ეტყოდა, ერთ წამს გაოცებული თვალებს აჰყეცტდა, თითქო უკვირს: ეს რა ამბავიაო. უშნოდ მიუგებდა: გაგიმარჯოსო და თავჩაღუნული ისევ გზას განაგრძობდა.

როცა ქალაქიდან დაბრუნებული სევერიანე ცხენიდან ჩამო-ჯტა, გახარებული დედა მაშინვე მიეგება და ხელგაშლილი გაე-ქანა საყვარელი და სასიქადულო შვილის მკერდში ჩასაკრავად. სევერიანე ახლა დედაზე ძლიერ მაღალი იყო. თითქმის მთელი თავით აჰარბებდა. სევერიანემ დედის მიახლოვებაზე თავი ძირს არ დახარა და ეკატერინე შვილს ჩაკონების მაგივრად კისერზე ჩამო-ეკიდა.

— გენაცვალოს, გენაცვალოს დედაშენი, — ლულულულობდა ეკატერინე და თანდათან სევერიანეს ტუჩების საკოცნელად იწევდა. სევერიანემ თავი ოდნავ ძირს დახარა და ერთი ცივად აკოცა დედას შუბლზე. დედამ კი ძალა მოიკრიფა, მაგრად მოუჭირა ხელები კისერზე, შვილი თავისკენ მიიზიდა და კოცნით დაუფარა ტუჩები, ლოყები, ნიკაპი, კისერი... საცა მოხვდა, რადგან სევერიანე თავს ათასფრად აკანტურებდა.

— გეყოფა, დედაჩემო! ამდენი კოცნა ვის გაუგონია, ეჭიმებო ბევრ კოცნას მავნებლად თვლიან,— უკმაყოფილოდ ჩაილაპარაკა სევერიანემ. მაგრამ განარებულ დედას ეს არ ესმოდა და მანამ არ მოეშვა, სანამ გული არ იჭერა.

უმცროსმა ძმებმა კი უფრო კრიტიკულად შეხედეს საქმეს. სევერიანეს სახეზე რაღაც მათთვის უცნობი სიღინჯე აღმოიკითხეს და ფრთხილად მიუახლოვდნენ. ამათაც თითო-თითოჯერ ტუჩები ლოყებზე მიადო სევერიანემ და სახლის აივანზე ავიდა.

— აბა, საქმელი, აბა, გოგო, ქათამი გაათბე, ის ახალი სულგუნი მოიტანე, შეიძლება თოხლო კვერცხი ჰქაოს, ხაჭაპურს ხომ მეტი არ მოუვიდა, ნაღვერდული კეციდან გადაყარე, — თან აპბობდა და თან გიჟივით წაღმა-უკუღმა დარბოდა დედა.

მამა ევთიმესაც, ცოტა არ იყოს, ცივად მიესალმა სევერიანე, ევთიმის ყოველ კითხვაზე, ეგსარხოსზე, კანტორაზე, სამღვდლოების ხაზინიდან ჯამაგირის დანიშვნაზე, სემინარიაზე, რექტორზე, ქალაქის ამბებზე, ომიანობაზე... სევერიანე კენტ და შოკლე, ულაზათო პასუხს აძლევდა.

„ყევი, პაჩი! ეს რა ამბავია, — ფიქრობდა მღვდელი, — ავადმყოფობა არ ეტყობა. ისე სუსტად არ არის და რაღაც გაბუტული რომ დადის, ეს რა ღვთის წყრომას ნიშნავს“.

სევერიანემ საგზაო აბგა გახსნა, იქიდან წიგნები ამოალაგა, ზოგი ახალი და ზოგიც ძველი, ზოგი ყდაში ჩასმული, ზოგიც უყლოდილით, რაკი პირს დაიბანდა და ისაუბმებდა, აიღებდა ერთ-ერთ წიგნს, ან წამოწებოდა ტახტზე, ან თუ ძლიერ ცხელოდა, გავიდოდა ეზოში, დაიგებდა ქილობს ჰადრის ჩრდილში და წიგნს კითხულობდა. მიუცილებელ საქიროების გარდა ხმას არავის სცემდა. თუ დაეკითხებოდნენ, შოკლედ უპასუხებდა.

შვილს სულ წიგნით ხელში რომ ხედავდა, მამა ევთიმემ თავისიანებს გამოუცხადა, რომ უბრალო ყბედობით არ გაეწყინებინათ სევერიანე. სასმელ-საქმელი დროზე და რიგიანად მიეცათ და ერთი სიტყვით, რამენაირად მისთვის ხელი არ შეეშალათ. პირველი მაგალითი ყველას თვითონ უჩვენა. ბევრი შეკითხვებით თავს არ აზებებდა. მორიდებულად ეპყრობოდა და წელს აღსარების მთქმელთა სიის წერაც არ სთხოვა.

სკოლაზე წელს ლაპარაკიც არ იყო. ვინც კი სთხოვა, ყველას ერთსა და იგივე პასუხს აძლევდა: არა შკალია, დრო არა მაქვსო. ამიტომ ჩვენი ნაცნობი სასენაკოს გარშემო თუ შარშან გვიმრა და ანწლი ხარობდა, წელს პატარა ხეებმაც იჩინა თავი.

სხვა ყველაფერს შეურიგდა მამა ევთიმე, მაგრამ ერთი რამ შეტისმეტად აკვირვებდა და თითქმის აშინებდა. საქმე იმაში იყო, რომ წელს სევერიანე ეკლესიაში არ დადიოდა. წინა წლებში კი ყოველ კვირა-უქმე დღეს მამას ეხმარებოდა, გალობდა, კითხულობდა, ქადაგობდა; წელს ორჯერ თუ მივიდა ეკლესიაში და ისიც წირვის ბოლოს.

ერთხელ მამა ევთიმემ მიქელი დიაკონი ბლალოჩინთან გაგზავნა და რალაც საეშმაკოდ მიქელამ დააგვიანა. შაბათს, ნასადილევს გაგზავნილი, კვირა დილასაც არ ჩანდა.

— აბა, შვილო, დღეს პრიჩეტნიკი არა მყავს და შენ იცი, — მოცინარი სახით უთხრა მამა ევთიმემ სევერიანეს.

— მე რა ვიცი, — გულავარდნილად მიუგო სევერიანემ და წიგნი გაშალა.

— წირვაში უნდა მომეხმარო, — გაუმეორა მამამ.

— დიაკონი სად არის?

— ბლალოჩინთან გავგზავნე, ვეღარ მოუსწრო.

— რა ჩემი საქმეა, სწირეთ, როგორც იცით, — ცივად მიუგო

სევერიანემ.

მამა ევთიმე გაფითრდა, მაგრამ შინაც მშვიდად შენიშნა:

— შენი საქმე რატომ არ არის, შვილო, ხვალ და ზეგ, თუ ღმერთმა მშვიდობა ქნა, მღვდელი უნდა იქნე და ახლავე უნდა ივარჯიშო საეკლესიო ღვთისმსახურებაში. აკი წინეთ ძლიერ გიყვარდა კითხვა-გალობა.

— მე მღვდელი თავის დღეში არ ვიქნები, — მიუგო სევერიანემ.

— მაშ რაღა იქნები? მღვდლობას სწავლობ და მღვდელი უნდა იქნე.

— ნწ! — ცოტა არ იყოს მოზიზღოთ მიუგო სევერიანემ.

— აბა, აბა, ჩქარა, წადი, წადი ეკლესიაში, წიგნები გამოარჩიე და მეც ახლავე მოვალ. — ისეთი კილოთი უთხრა მამა ევთიმემ, თითქო ეუბნებო: ბევრს ნუ ლაპარაკობ, რასაც გეუბნებიან, გაიგონე და აღასრულეო.

— ნეტავი თქვენც აგეთი ჩერჩეტი არ იყოთ, — უშნოდ მიუგო სევერიანემ, — წიგნი საზაფხულო პალტოს ჯიბეში ჩაიდო და სასეირნოდ წასვლა დააპირა.

— ვაი, ჩემი ცოდვა! ტყუილად დამკარგვია შრომა, — ნაღვლიანად წარმოთქვა მამა ევთიმემ და ცალი ხელი შუბლზე მოიტატუნა.

მერე ერთ ხანს მიმავალ შვილს უცქირა, თვალები აენტო, სახე გაუწითლდა და ერთბაშად დაუყვირა:

— აქეთ მობრუნდი-მეთქი, შე ძაღლის გავარდნილო! როგორ თავს იგდებს, არ ვიცი? მე რას ვეუბნები და ეს კირიანი, აბა, შეხედეთ!... ეს გასწავლეს განა? ამას ჰქვია დედ-მამის პატივისცემა? პატივისცემა რა შუაშია. პატივისცემას ვინ თხოვს...

— რა იყო, შე კაცო, ფარსაგი რამე არ მეგონა! ასე მწარედ რამ აგაყვირა ამ დილას, — გამოელაპარაკა ეკატერინე სამზარეულოს-კარებიდან. ეტყობოდა, მკადის ცომს ზელავდა, რადგან სახელოები ნიდაყვამდი შეეცილი ჰქონდა და ხელებიც ცომით შელესილი.

— მე პერანგს ვიხდი მაგის გულისათვის და ეს ჩერჩეტს მეძახის, — განაგრძო მამა ევთიმემ. — მართლა ჩერჩეტი ვიყავი, თხებს რომ არ ჰიგაყოლიე: ისე რომ მექნა, როგორც ვხედავ, მგონია, უფრო მეტ მოგებას ვნახავდი.

— რა არის, კაცო, რამ გადაგრია დღეს?! — ისევ ჩაერია ეკატერინე, ხელები საჩქაროდ გაიხოცა და მათ მიუახლოვდა.

— მე სრულებით არა ვარ გადარეული. აი შენი სასიქადულო შვილი. წირვაზე მომეხმარე-მეთქი და ჩერჩეტს მეძახის.

— მერე ასეთი გულის მოსვლა გაგონილა? კი, გენაცვალე, სევერიანე, ნანა, — ლმობიერად დაუმატა ეკატერინემ და სევერიანეს მიუბრუნდა. — კი, შენ გენაცვალოს დედაშენი, მამას წირვაში მოეხმარე. მოგეხმარება, შე კაცო, რა გაჯავრებს? — უსაყვედურა ქმარს.

სევერიანე ერთ ალაგას იღვა თავჩალუნული, არც აქეთ მიდიოდა და არც იქით.

არ ვიცი, როგორ გათავდებოდა ეს უსიამოვნება, რომ ჰიშკარი არ აჭრიალებულიყო და პატივცემული მიქელა მედავითნე არ გამოჩენილიყო თავის მოწითანო და ფრიად ნაკლებ მოსიარულე ჯორით. მის დანახვაზე მამა ევთიმე გაჩუმდა და სევერიანემაც ერთი აქეთ-იქით გაიხედა, თითქო როგორ მოიქცეს არ იცისო, და სახლისაკენ გაეჩქარა.

— რად დაგაგვიანდა ამდენ ხანს, არ ვიცი? — უკმაყოფილოდ მიაძახა მამა ევთიმემ მედავითნეს.

— შინ არ დამიხვდა, — აუჩქარებლად მიუგო მიქელმა. — სადღაც წასულიყო, მერე წუხელ გვიან მოვიდა, დღეს ადრე არ გაიღვიძა. მერე გამოვეჩქარე, მაგრამ მაინც დამაგვიანდა, — ამბობდა მედავითნე და თან, რაც შეეძლო, იქით-აქეთ დეზებს ჩხვლეტდა ფერდებში საბრალო ჯორს. პირუტყვი კი, ეტყობოდა, მიჩვეული

იყო დეზებს, ყურები აეცქვიტა და, თითქო განგებო, რაც კიშკარში შემოვიდა, სულ ტაატ-ტაატით მიჩანჩალებდა.

— აბა, აბა, გაეჩქარე ეკლესიაში, მეც ახლავე მოვალ. შუა-დღეა. — თქვა მამა ვეთიმემ და თავის პატარა ოთახში შევიდა, ცოტა ხნის შემდეგ, ანაფორაგადაცმული, თავზე შავი ფართო შლაპით ეკლესიისაკენ გაემგზავრა.

— ჩემი დღევანდელი წირვა რაღად ვარგა, — ზრახით ჩაილაპარაკა მამა ვეთიმემ. — დამაცა, მე შენ მომიკვდი, თუ ეს არ მოგანანიებინო... ჰჰ! ღმერთო ჩემო! თავზე დავისვი, გავაბატონე მაგ ყურუმსალი... მღვდლობას წუნობს. მღვდლობის წყალობით არის, რომ თბილისის ქალაქში მეცხრე ეტაჟიანშია გამოკიმული, თორემ სხვები ჩვენი გვარის, თუნდ ტუტუია წყალაძის შვილი რად არა ცხოვრობს იქა? ის განა მაგაზე უარესი ბიჭია?

სევერიანე ოთახში შემოვიდა და მაშინვე ტახტზე წაოწვა. თავქვეშ მუთაქა ამოიღო, უაზროდ კერს შესცქეროდა და თან ახალ ამოსულ წვერს იწიწვნიდა. კარგა ხანი იწვა ასე, მერე კედლისკენ პირი იბრუნა და სალოკი თითით კედელს ხაზვა დაუწყო.

— აქა ხარ, შვილო? — ტკბილად შემოილაპარაკა ეკატერინემ უკანა კარებიდან.

სევერიანეს, თითქო ამ ხმაზე სადგისი უჩხვლიტესო, გაათრთოლა და ტახტზე წამოჯდა. ეკატერინე კარებს ისევ ფრთხილად მოშორდა.

ერთ ხანს ასე იჯდა სევერიანე. მერე ზანტად წამოდგა. მაგიდაზე დაწყობილ წიგნებში ჩხრეკა დაიწყო და ერთი პატარა წიგნი გამოარჩია. წიგნის ყდაზე გამხმარ-გამხმარი, უწვერულვამო და გრძელთმიანი კაცი იყო დახატული. პალტოს ჯიბიდან წიგნი ამოიღო და მის მაგივრად ეს ჩაიღო, ქუდი დაიხურა და ეზოში გამოვიდა. ეზოში აქეთ-იქით მიიხედ-მოიხედა; ერთ ხანს ჭიშკრისკენ დააპირა წასვლა, მაგრამ ეს რაღაც ჭკუაში არ მოუვიდა. ერთი ცამზარეულო სახლისაკენაც მიიხედა. ისლის სახურავიდან კვამლი სქლად ამოდიოდა და ღია კარებიდან ჩანდა, კერაზე ცეცხლი როგორ ლაპლაპებდა.

— ძღაბო, ბევრი არ მოგივიდეს, — ეუბნებოდა ეკატერინე მოსამსახურე გოგოს. — აბა, სინჯე, თუ მარილი აკლია, მიუმატე. პილპილი კი ისე, ცოტა. ვენაცვალე, სევერიანეს ბევრი პილპილიანი არ უყვარს.

სევერიანემ ეკლესიისაკენაც მიიხედა. წირვის დასაწყისს რეკავ-

დნენ. ერთიც მალლა აიხედა, ლურჯი ცა საამურად დაკუთრებდა დედამიწას, აქა-იქ თხელი, მოთეთრო ღრუბელი გაუზომელი ცის სივრცეში ნელ-ნელა იკარგებოდა. სევერიანე მობრუნდა და ეზოს ერთ მხარეს გაყვა. ღობეზე გადახტა და ზორცვის ქვევით ჩაირბინა. ფერდობს ქვემოთ პატარა რუ ჩამოდიოდა და ამ რუს პირად, ერთ ადგილას სიგრძე-სიგანით რამდენიმე საუენი ვაკე იყო, მწვანე ბალახით დაბურული. ამ პატარა ვაკეს სხვადასხვა ხე და ეკლიანი ძიგირონი ფარავდა. გზა ახლო არ უვლიდა და თუ არ განგებ, იქ ვინმე ძვირად მოვიდოდა. აი სწორედ ამ საიდუმლო ადგილისაკენ გაეშურა სევერიანე. მივიდა თუ არა, პალტო გაიხადა და მწვანეზე დააგო, სარტყელი მოიხსნა, სიაპოვნებით პალტოზე გაგორდა და წიგნი ხელში აიღო. ათიოდ გვერდი გადაიკითხა, ფანქრით სამ-ოთხ ალაგს წიგნის აშიაზე დაკლაკნილი ხაზი დაუსვა — უპ,—გაგრძელებით ამოიოხრა მან, წიგნი გვერდზე მოიდო და პირადმა დაწვა.

— კი ალაგს კი დამალულხართ, მაგრამ ქე მოგაგენით, — მოესმა თითქმის ყურის ძირში.

სევერიანემ გაოცებულმა აიხედა, მის წინ თეთრი პარუსინის ბლუზაში გამოწყობილი ფარნა იდგა, გრძელი ყაბალახი გვერდზე გადაეგდო. ერთმანეთი სიყვარულით გადაჰკოცნეს.

— გაათავე განა ზუგდიდში სასწავლებელი? — მხიარულად ჰკითხა სევერიანემ.

— კი, თქვენი იმედით, — მიუგო ფარნამ და მკერდზე საკოცნელად მიიწია, მაგრამ სევერიანემ მოუსწრო, მხრებზე ხელები დაავლო და ისე პირზე აკოცა.

— დიდხანს გაგრძელდა თქვენი ეგზამენები? — ჰკითხა სევერიანემ, როცა ორივენი მწვანეზე ჩამოსხდნენ.

— აბა, ბატონო, წრეულს რაღაც დაავიანეს.

— მოწმობა მოგცეს?

ფარნამ სიცილით დაუდასტურა.

— არა გაქვს აქა? მაჩვენე.

ფარნამ ხელი უბეში ჩაიყო, ოთხად გაკეცილი მთელი ფურცელი ქაღალდი ამოიღო და სევერიანეს გადასცა.

— თო, თო, თო, — მხირულად ამბობდა სევერიანე, ხან გაშლილ ქაღალდში იხედებოდა და ხან ბრწყინვალე თვალებით ფარნას შეჰყურებდა. ფარნაც მხიარული შეჰყურებდა, ხან შორცხვად ძირს დაიხედავდა.

— ალბათ პირველ შეგირდად გაგითავებია, ფარნა! — აღტაცებით წამოიძახა სევერიანემ, როცა ბოლომდე ჩაიკითხა.

— ჰო! რა ვიცი, ასე უნდა იყოს, — მორცხვად მიუგო ფარნამ.

— მე არ შევმცდარვარ, მე არ შევმცდარვარ, ყოჩაღ, ყოჩაღ! — მხიარულად ამბობდა სევერიანე და ქალაღს დაჰყურებდა. — ნიკონას ძლიერ გაუხარდა? — შეხედა სევერიანემ.

— რა ესმის საბრალო მამაჩემს ჰოწმობის აკვარგიანობისა, მაგრამ როგორ არა, რომ გავათავე, ძლიერ უხარია.

— მე ეს მიკვირს, შენზე რომ სულ არ უმოქმედნია სკოლას! ბროწეულივით გილუის ლოყები, ან რა საღად და ჭანმრთელად გამოიყურები.

— სუსტად არც თქვენა ხართ წრეულს, ბატონო, ღვთის იმედით.

— ბატონოს თავი დაანებე, თუ კაცი ხარ, მე სადაური ბატონი ვარ.

— რატომ, ბატონო, შენ თუ...

— კიდევ ბატონო, ბატონს ნუ დამიძახებ, სევერიანე-თქვა, და ის იქნება.

— თქვენზე უკეთესს ვის უნდა დავუძახო ბატონო. თქვენზე მეტი სიკეთე ჭერ ჩემთვის კაცს არ უქნია.

— დაანებე, შე კაცო, თავი, მე კი არა, შენმა ნიკმა ქნა, თორემ.

— ბატონო, ერთსა გკითხავ!

— კიდევ ბატონო, სულ ბატონი და ბატონი! რა იყო, — სიცილით დაუპატა სევერიანემ და ცალ გვერდზე წამოწვა.

— წრეულს კლასი არ გექნება?

— შენ რაღად გინდა!

— რატომ?

— შენ ხომ დაამთავრე?

— რა დავამთავრე?

— სწავლა.

— ვაი იმის მეტი. — თავის ქნევით და მწარე ღიმილით თქვა ფარნამ. — ვასწავლებელმა დამაბარა, უსათუოდ სადმე სხვა უფრო მაღალ სასწავლებელში გადადიო, მთელი საათი ველაპარაკა, — ახლა, ხომ იცი, მაგისტანა მცირე ცოდნით ფონს ვერ გახვალო, მაგრამ სად არის, ესეც, რაც ვისწავლე, მამაჩემს ღიდ ამბად მიაჩნია. დავიღუპე, გავსწორდი, რამდენი დამეხარჯა შენზეო, სულ ამას იპეორებს.

— ახლა ხომ კარგადაა მამაშენი, გვარიან შეძლებულს ამბობენ, მართლა, რა უჭირს, რომ საქალაქო სასწავლებელში წაგიყვანოს სადმე?

— ჰმ, ჰმ!—მწარედ ჩაიციხა ფარნამ,—ესეც რომ გააგონო, ტუქს მოავლებს ხელს... ეჰ, ამაზე ფიქრიც მეტია, სადღაა, ბატონო, შეძლება. ჩვენი შეძლება კიდეც რა სახსენებელია, წლითი წლაპდე სიმინდის ფაფით რომ თავს ძლივს ვირჩინო, ეს რა შეძლებაა. გარდა ამისა, ძმეზი მყავს. არც ერთისთვის კაცს ერთი ანაბანა არ უსწავლებია და მე რომ ცოტა რამე... ისა... დიდ რამედ მიაჩნიათ... ხომ მოგეხსენებათ კაცის ხასიათი.

— შეშურდათ, რაღა, შენი სწავლა-განათლება, მოკლედ და გასაგებად რომ ვთქვათ, ხი, ხი, ხი, — ჩაიციხა სევერიანემ.

— არა, ბატონო, ძლიერ მოხარულიც არიან, მაგრამ...

— რა მაგრამ? ამ მაგრამმა მოუკიდა ქვეყანას ალი. ის მაგრამ არ იყოს, კაცობრიობას რა უჭირს. ერთს მეორეს უპირატესობა, რაგინდ ნათესავი და მეგობარი იყოს, მაინც შეშურდება. შურაჰა, შურაჰა შეიბყრო ქვეყანა. პირველი ცოდვა ხომ შურიანობაზე იყო დამყარებული, ხომ გახსოვს, წარბების მალლა აწევით გადახედა ფარნას სევერიანემ.

— როგორ არა, ბატონო, ეშმაკის შური.

— ოო, ჩემო ბატონო და ჩემო ბატონო, — გაჰიანურებულად თქვა სევერიანემ და ფეხები გაჰიმა.

ზემოდან რაღაც ფოთლების შრიალი მოისჰა. ორივემ იქითკენ მიიხედეს.

— რა იყო ნეტავ? — თქვა სევერიანემ.

— არ ვიცი, თქვენ არ მომიკვდეთ, — მიუგო ფარნამ,—ალბათ ან ძროხა ან ღორი იქნებოდა.

— რომ არა ჩანს, კაცო, ძროხას რა დამალავდა.

— საუცხოო ადგილი კი აგირჩევიათ, ბატონო, წიგნის საკითხავად.

— კიდეც ბატონო! კაცო, არა ვ.. არ.. მე.. თქი... ბა... ტო... ნო... — თითო მარცვლობით ჩამოიანგარიშა სევერიანემ. — ბატონები... ძვირფას ხალიჩებზე და მოქარგულ ბალიშებზე მორთხმით სხედან... ჰო, ჰო, მართლა, შენ რა იცოდი, რომ მე აქ ვიყავი, შინ რომ არ იცოდნენ მე საით წამოვედი, — ცნობისმოყვარეობით ჰკითხა სევერიანემ.

— შინ მართლა არ ვიცი, საით წავიდაო, მითხრეს. თქვენმა პატარა ძმამ კი ღობეზე მიმითითა, აი იქ გადახტაო. მეც გავყევი და მოგაგენით. ეს ადგილი მე ვიცოდი მწყემსობის დროს. ჩვენს სოფელში ხელისგულის ტოლა ადგილი არაა, რომ არ ვიცოდე. ბიჭურიდან მოყოლებული, მრუდეჩქონაჲდე.

სევერიანე დაკვირვებით ერთ წერტილს დაჰყურებდა და თავისთვის თითქო რალაცას ანგარიშობს ან იზებირებსო.

— ჰო! — წამოიძახა მან, — ჰო, — და ფარნას შეხედა, — შენ, ამას წინათ რა იყო, რომ მკითხე? — არა, ძმაო, წრეულს არ მექნება სკოლა, არა მცალთა, წიგნები მაქვს საკითხავი. შენც გათხოვებ, თუ გინდა, ხშირად შემოიარე ჩემთან. გახსოვდეს, რომ წიგნები ყოველთვის უნდა იკითხო, თორემ რაც იცი, ისიც დაგავიწყდება და პირიქით, თუ წიგნები იკითხე, ერთიორად მეტ ცოდნას შეიძენ. შენ ჯერ ჯეელი ხარ.

— ვეცდები, ბატონო, თუკი დრო შექნა.

— სად აპირობ შენ ახლა წასვლას?

— სადმე დუქანში დავდგები ალბათ. ჩემი ძმა რომ არის, იქითკენ. მის აღას ჩინებული მალაზია აქვსო თურმე.

— ჰო, — გაგრძელებით თქვა სევერიანემ.

შუაღლე იყო. მზე ისარივით გზავნიდა გახურებულ სხივებს. ჩრდილი ცოტ-ცოტად მიიღია. პატარა ვაკეს და ჩვენს მეგობრებს თავზე მზის ცხელი სხივები დაადგათ.

— ჰა, სანამდი მოსულა მზე, — აიხედა ჰალლა ფარნამ. — წირვა კიდევ გამოვიდოდა. ჩვენ წირვაზე წამოვედით, იქ განახავდით მეგონა და იქ რომ ვერა განახეთ, გულმა ვერ მომითმინა და აქეთ წამოვედი.

— დიახ, დღეს, — ცოტა დარცხვენილად წაილულულა სევერიანემ, — დღეს რაცლა გუნებაზე არ ვიყავი. მართლა, მზე როგორ თავზე წაჰოგეწოლია შეუმჩნეველად, მოგვპარვია. ხი, ხი, ხი, აი, იქ რუს პირად გადავიდეთ, მანამდი ჯერ კიდევ კარგა ხანს ვერ მოვა.

სევერიანე წამოდგა. პალტოს საყელოზე ხელი დაავლო და ჩრდილისაკენ წაათრია.

— მე კი ახლავე უნდა გეახლოთ, ბატონო, წიგნზე მერე შემოვალ, ამ ორ თვეს, ალბათ, არსად არ წავალ.

— უსათუოდ, უსათუოდ, ისეთ კაი წიგნებს გათხოვებ, რომ... მოითმინე, ახლა სად მიდიხარ? სადილი ვკამოთ.

— მადლობელი, ბატონო, ჩვენები ალბათ ვიცდიან.

— რას ჩქარობ, ჯერ შუა წირვისა არ დაურეკიათ.

— კი, ბატონო, დარეკეს.

— დიდი ხანია? მე რომ არ გამიგონია?

— ალბათ ყურადღება არ მიგიქცევიათ, თორემ... გვარინი ხანია.

ფარნა გამოემშვიდობა და წავიდა.

სევერიანეჲ წიგნი ხელში აიღო და პირალმა წამოწვა. კუქმაც თავისი აგრძობინა. გულით უნდოდა შინ წასულიყო, მაგრამ დილანდელი სცენა ახსენდებოდა და რცხვენოდა. გულის სიღრმეში არ შეეძლო თავისი თავი არ გაემტყუნებინა, არ გაეკიცხა მამის უბრალოდ შეურაცხყოფისათვის. მაგრამ იჲვე დროს რაღაც ძალა ამართლებდა, ღმიზეზოდ ხდიდა. „არ ვარგა ასე, მივალ, ბოდიშს მოვიხდი, ხელზე ვემთხვევი; — ეუბნებოდა ერთი აზრი. — რა შენი საქმე იყო დიაკვნის მაგიერობა... საზოგადო პროგრესი და ევოლუცია, აი შენი საქმე,“ — უჩურობდა მეორე აზრი. წიგნის კითხვის ხალისი დაეკარგა, დაკეცა და იქვე გადააგდო. პირალმა მწოლიარეს ლილასავით ლურჯი ცა დაჰყურებდა. ერთი ბეწო ღრუბელი არსად მოიძებნებოდა. სევერიანეს თვალწინ ჰაერში რაღაც დაკლავნილი ზოლივით სახეები დასცურავდა. საითკენაც თვალს გაათამაშებდა, სახეებიც იქითკენ გაცურდებოდა. სევერიანე ძლიერ გაერთო ამით, და ხან ერთს, ხან მეორე თვალს ხუჭავდა და ათასნაირად ერთიმეორეზე გადახლართული სახეები ელანდებოდა.

— ჰიტა! — დაიძახა ვილაცამ და სევერიანეს თვალებზე ხელი დაათარა.

სევერიანე თოფნაკრავივით ზეზე წაჰოვარდა. მის წინ დედამისი იდგა.

— წავიდეთ, ნანა, შინ, — ალერსიანად უთხრა ეკატერინემ.

სევერიანე გაწითლდა. დედის მარტივმა და ყოველნაირ სიყალბეს მოკლებულმა სიტყვებმა დავთარი დაუბნია, თითქო ენა დაუბაო, ხმას ვერ იღებდა.

— წამოდი, ნანა, სადილი ჰამე, — ისევ თბილად უთხრა დედამ. რაც სწავლაში შედიხარ, კუჲაზედაც გემატება, მგონია, შვილო, და შენ კი, მგონია, ჯიუტობაში გემატება. წვერი ამოგდის, ნანა! იქითა წლებში რა კარგი ბიჭი იყავი. სკოლა გქონდა, მთელი სოფელი, დიდი და პატარა, შენს ჰირს მიწაზე არ აგდებდა; ბასილ მძებრაძე ისეთ შეკრებულობაში ამბობდა შენს ქებას, ერთ-ორჯერ მეც გავიგონებ. რომ ერთ რამედ ღირდა. მამასაც ეხმარებოდი, ჩვენ ყველას გვეალერსებოდი და ახლა კი ხმას არავის სცემ. სულ მგლოვიარე კაცივით დადიხარ, შვილო! ეს რომ მცოდნოდა, არც კი გაგაგზავნიდი მაგ სიშორეზე. ხასიათია, შვილო, პირველი საქმე. ჩვენ რომ ორ დღეს სული გვიდგია, კარგი სიტყვები გვითხრა, მოგვეალერსო, მოგვემხიარულო, ის გვინდა, თორემ შენი ცული კაცობა, იმის მეტი, შენს ეკატერინეს ღმერთმა ნუ აჩვენოს, რომ მე შენ გამაყეთებ, ამის იმედი სრულებით არა მქონდეს. აბა, მაჩვენე, რომელ შვილს გაუყე-

თებია დედ-მამა! შენტვის, ჩემო ძვირფასო, ჩემო შვილო, საწყალ მოხუცებულ კაცს ხელის კანი ატყავებული აქვს მუშაობით. რიგინად არ აცვია და არ ახურავს. ჩვენც, ყველანი, აი, შვილო, შესყდე, ეს ორშაურიანი ჩითი სრული წელიწადია ჰაცვია. მეც აღამიანი ვარ, მეც მინდა კარგად მეცვას, კარგად მეხუროს. უკანასკნელი გლეხის გოგოებს ვერა ხედავ, რას ჩადიან. ტუტუა ერჩქინდიას ქალიშვილი დღეს მოქარგული სედლოთი მოსულა წირვაზე... არ ვარგა, შვილო, ასე. მამაშენი რათ გააჯავრე! სამუშაოდ ხომ არ გგზავნიდა. ცხენ და ჯორს საბალახოდ ხომ არ გატანდა, წირვაზე მომეხმარეო, გეუბნებოდა. ყველა შვილზე უფრო შენ უყვარხარ, შენზე ფიცულობს და შენ კი ისე მოიქეცი... მარტო მიქელა დიაკონი რას იტყვის, ან მისი ცოლი. მაშინათვე რუსუდან მონოზანს გადასცემს. ის კი ერთიორად გააზვიადებს და მთელ სოფელს რა და რა ქორებს არ მოსდებს. ეს მეორეჯერ აღარ მოგივიდეს, ნანა, ახლა წამოდი.

— წადი შენ, მე მერე მოვალ. ახლა წიგნი უნდა ვიკითხო!

დედის სიტყვებმა სევერიანეს გულზე სირცხვილის ალი მოუკიდა. ამ წუთში თავის თავი ამ გულწრფელ და მისადმი წმინდა სიყვარულით აღსავსე ქალის წინაშე მტვრად მოეჩვენა, მაგრამ ჭიუტობა მაინც ერთიორად ემატებოდა.

— სულ ამ ნავარმა და ოხერმა წიგნმა გადაგრია მგონია. მეტი სწავლა კაცს გადარევისო, რომ ამბობენ, ის არ მოგივიდეს, ნანა და ცეცხლი არ მოგივიკიდო! წიგნის კითხვას მერე ვერ მოასწრებ? ახლა სადილობაა. საცაა მამაც მოვა, ნალოცვევ-ნამარხულევი კაცია, სადილი უნდა.

— მოვალ-მეთქი, — უკმაყოფილოდ მიუგო სევერიანემ.

— ახლა წამოდი, — სიყვარულით უთხრა ეკატერინემ. იმ გრძნობით, რომელიც მხოლოდ დედას შეუძლია გამოხატოს საყვარელი შვილისადმი, სევერიანეს მიუახლოვდა და ნელა ყურზე ხელი მოკიდა. — წამოდი-მეთქი, შე ძაღლის შვილო, ჩემი სიცოცხლე მაგაზე დამილევია და ეს კი, შეხედეთ, როგორ მეჩიუტება, — ხუმრობა-ალერსით უთხრა დედამ, ყურებზე ოდნავ დაუქიჩავა, ახლო მიიზიდა და ახალი ამწვანებული ლოყა კოცნით დაუფარა.

სევერიანეს ხეპრობა-ჭიუტობამ ველარ გაძლო დედის უანგარო, განუზომელ სიყვარულს და თითქო ძალაუნებურად ეკატერინეს ხელს ტუჩებით დაეყრდნო.

— წავიდეთ, წავიდეთ, შინ ალბათ გვიცდიან.

— წადი, დედა, — რბილად უთხრა სევერიანემ, — მე ახლა მამის

შეხვედრა მრცხენია და მერე მოვალ, — სევერიანეს თვალებიდან ცრემლი მოდიოდა.

— ალუ, წვერიან კაცსა! ახლა წამოდი, მე გიბრძანებ, — ხუმრობით უთხრა ეკატერინემ, ყურს უფრო შავრა მოეჭიდა და შინისაკენ გაეზიდა.

სევერიანე ძალადობდა, შავრამ ყური ეტყინა და ჩოთირ-ჩოთირით დედას მისდევდა.

— მერე, მერე, დედა, შენი ჭირიმე, ახლა მაპატიე!

— საპატიო რა მაქვს, თუ შენ გრცხენია, მე მამაშენს და სხვას ყველას ვეტყვი, რომ ხვის ამოღება არ გაბედონ, თითქო არაფერი ყოფილიყოს. წავიდეთ, წავიდეთ, რომ იცოდე, რა ჩახოხბილი გაგიკეთე დღეს. სულ დარჩეული ნიგვზის ზეთი გამოვწურე...

* * *

აზნაურის სისო შუშხუნაძის ტირილი იყო სოფელ ვაკეკარში. მღვდლები ბევრი იყვნენ და არა ნაკლებ მთავრები, რომლებიც, სიტყვაზე, ამ ბოლო დროს ძლიერ მრავლდებოდნენ. მამა ბლალოჩინიც ბრძანდებოდა. მამა ევთიშეც.

ის იყო სამღვდლოებამ ისადილა. მათთვის ცალკე ოთახში იყო სადილი მოწადებული. ხიზილალა, კალმანი და სარდინკა თავზე საყრელი ჰქონდათ. სამღვდლოებასთან რამდენიმე აზნაურიც სადილობდა. ღვინო კარგი ჰქონდათ და კარგადაც გადაჰკრეს. ნასადილევს ოდის აივანზე ჩამოსხდნენ და მუსაიფი გააბეს.

სახლი მაღალ ქვითკირის საძირკველზე იყო აშენებული. წინ ფართო ეზო ეშლებოდა. აქ დღეს სადღესასწაულო ტანისამოსში მორთული რამდენიმე ასი ქალი და კაცი ირეოდა. მიცვალებული ესვენა სახლის გვერდით სახელდახელოდ გაკეთებულ დიდ სეფაში, სადაც შედიოდნენ მოტირალნი და საიდანაც მამაკაცების ბლავილი, ქალების კვილი და მოთქმა ერთმანეთში ირეოდა და ერთი გაურკვეველი შემზარავი ზრიალი მოისმოდა.

— მამაო ბლალოჩინო, — დაეკითხა ბლალოჩინს ერთი გრძელწვერა ჭალარამერეული მღვდელი. — რა ამბავია, ამ ჯამაგირებზე რომ ამბობენ, ვითომ შეიძლება მოგვასწროს ღმერთმა?

— დაბეჭითებით არც შე ვიცი, — საქმიანი კილოთი მიუგო ბლალოჩინმა.

— ამბობენ კი, სამღვდლოებას დიდი იმედიც აქვს, ამ ხუთ-ექვს წელიწადში შეიძლება გამოვიდესო.

— ნეტავ რამდენი მოვა თითოზე, — მყივანი ხმით შენიშნა ერთმა წითელწვერა გამხმარ-გამხმარმა მღვდელმა.

— ექვსზე ნაკლები არ იქნებაო, ბრძანებს ყოვლად-საძლე-დელიო, — მიუგო ბლადოჩინმა.

— მალაქია, მალაქია, ღვინო, ღვინო, — ყვიროდა ერთი ჩოხის კალთბაკეცილი შუახნის კაცი; ოღის წინ მინდორზე იდგა და მარნისაკენ ხელს იქნევდა.

— ნელა გაიარე, აქ, მგონია, წყალი დაუღვრიათ, ნელა, ფეხი არ მოგისხლტეს, თორემ ამოდენა ტკბილი შეკამანდი აქ თუ დავყარეთ, საინებზე შენც ნურას იტყვი, — უთხრა წინა მეხონჩემ უკანას, რომელთაც ვეებერთელა ხონჩაზე საინებით დაწყობილი მოხრაკული შაკარონი მოჰქონდა.

— ბატონებო, ბატონებო, თქვენი ჰირიმე, მასპინძელი გთხოვთ, ყელი არ გამოძქრათ და უღვინოთ არავინ წაბრძანდეთო. აბა, ბატონებო, ვისაც არ მიგიერთმევიათ, ღამდება, თორემ არ თენდება! — ხმამაღლა იძახდა მალალ-მალალი, თეთრი ნაზღისქუდიანი კაცი.

— აი, ჩვენი ცოდვა, — ნალელიანად თქვა ერთმა სამღვდელი-თაგანმა, რომელიც ბლადოჩინის გვერდით იჯდა და ოქროსფერი კილობის ქუდი ეხურა. — რას დავიდარაბობს ეს კაცი, რა თავს იწუხებს! აი თუგინდ დღევანდელი ამოდენა ხარჯი, ამოდენა დავი-დარაბა, ტყუილად ოხრდება, არც სულს რგებს და არც ხორცს.

— სულზე რა მოგახსენო, მამაო, ხორცზე კი გეტყვი: ისეთი გავძეხი დღეს, რომ ხვალ ამ დრომდი, იცოდე, კაცი ვარ, თუ გინდ ომერ ფაშას წინააღმდეგ წავალ. — უთხრა ერთმა დაბალ-დაბალმა, წვერგაკრეკილმა, შავჩოხიანმა აზნაურიშვილმა, რომელიც ღარიბ-თაგანი იყო, მუშაობა არ იცოდა და ამიტომ მუქთ საქმელს ძლიერ ეტანებოდა. დღეს სადილო სამღვდელოებასთან მიირთვა, ახლა ერთ მღვდელთან კაი თამბაქო ეგულებოდა, ერთი პაპიროსიც გამოართვა და იმას შეეჭკეოდა.

— შენ, ტაია, სულ ხუმრობაში უნდა გაატარო შენი ღრო, არც სულზე უნდა იზრუნო, არც სხვა სასიკეთოზე! — მიუგო ადგილობრივმა მღვდელმა, რომელიც ეს-ეს იყო ქვის კიბეზე ამოვიდა და დაოფლიანებულ შუბლს ცხვირსახოცით იწმენდა.

— შენ რამ შეგაწუხა, მამაო მოსე, — ცოტა დაცივნით გასცა პასუხი ტაიამ. — საორმოცოს, ლაპარაკი არ უნდა, სრულიად მოგცემენ. განსვენებულ სისოს ფული ქე დარჩა გვარიანად. — მამა ბლადოჩინს და სხვა პატიოსან მამათ, ხელი შოაელო სამღვდელოებას, — წესის აგების შემდეგ თავიანთ მართებულს დაუბრუნებენ.

ღვინო, შენც თვითონ მოწმე ხარ, მეც შეგხურდი, მაგრამ მწყალობდეს თქვენი მაკურთხებელი და თქვენი ლოცვა-კურთხევა, თქვენც ცოტა გაკლდათ, რომ მრავალყამიერ შემოგეძახათ. ეს ასე, ჩემო ბატონო, და თქვე კაი კაცებო, იმდენი სიკეთე თქვენ და მეც, თქვენი ანაფორის ჩრდილ ქვეშ ერთი რიგიანადაც არ გაეძღე? მა რა ვართ ამ წუთისოფელში? მოკვდა ის კაცი, ამ წუთისოფელს გამოეთხოვა! ა... იქ, მას ღმერთმა სასუფეველი მიანიჭოს და აქ ჩვენ, მისმა ნაცნობ-მეგობრებმა, მისი ამ ქვეყნით წარსვლა არაფრიდ არ აღვნიშნოთ? მისი მოშორების მოსაგონარი რამე არა ვქნათ? აი, წმიდანო მამანო... თქვენ, ერთი სიტყვით... მოგიწვიეთ, შეზობლებიც და ნათესავ-ნაცნობებიც მოვიწვიეთ, ვიტირეთ ი კაცი, ერთმანეთი ვანუგეშეთ. რომ შევიკრიბეთ, ესეც დიდი რამეა, ან კარგს იტყვის კაცი, ან ავს. იქნება ისეთი რამე დიდებული და სასარგებლო აზრი წამოცდეს ვისმე, განსაკუთრებით ამ ნასადილევის, რომ ჩვენი ქვეყნის საქმე...

— განსაკუთრებით ამ სიტყვაში, — დასძინა ბლალოჩინმა და ზეზე წამოდგა, — ვაი, შენს ქუთას, — ხელის თავზე ჩაკვრით მიუგო ბლალოჩინმა.

— არა, ერისთუ ნუ მომიკვდება, თუ ვტყუი, შენ თვითონ გასინჯე... მამაო.

ბლალოჩინი ყურს არ უგდებდა და ტაიამაც საჭიროდ სცნო ქადაგება შეეწყვიტა.

— კაცი, შეხედე, მზე სად მისულა, — წარმოთქვა ბლალოჩინმა, — ჰგონი დრო კი არის ჩვენი რიგი ავასრულოთ.

— ეს თქვენზეა, ბატონო, დამოკიდებული, — მიუგო ადგილობრივმა მღვდელმა.

— ჩემზე რათაა? მასპინძელი შენა ხარ, შენ უნდა ითავო, ჩვენ ხომ სტუმრები ვართ.

— მაშ, პომითმინეთ, ერთი მასპინძელს მოველაპარაკები, — მამა მოსემ საჩქაროდ კიბე ჩაირბინა და მასპინძლის საძებნელად წავიდა.

მამა ევთიმეც აივანზე იჯდა ერთ მოხუცებულ, სანდომიანი გამომეტყველების მღვდელთან და მასთან ჩუმად მუსაიფობდა.

— შენი შვილი ხომ დაბრუნდა საზაფხულოდ შინ? — ჰკითხა მეზობელმა მამა ევთიმეს.

— გეახლათ, მამაო, — თავმდაბლად მიუგო ევთიმემ.

— ახლა როჩელ კლასშია?

— მეოთხეში გადავიდა.

— ჰო, ძმაო, მოსაფრთხილებელი ყოფილა.

— მოსაფრთხილებელი, რათა — შეშინებულად ჰკითხა მამა ვეთიმემ.

— ფილოსოფოსობდეს იქნება, — ღიმილით მიუგო მღვდელმა.

— ეს რაღა იქნება, მამაო ოქროპირ? — დაეკითხა მამა ვეთიმე. ფილოსოფოსი ქე გაეგონა მამა ვეთიმეს, მაგრამ გარკვევით არ იცოდა, რას ნიშნავდა. ფილოსოფოსი კაცი ცუდი რომ არ იყო, ეს იცოდა.

— რა იქნება, ბაბა, ჩვენი ფილოსოფოსი. — მხიარულად ჩასჩურჩულა მამა ოქროპირმა. — დილით გვიან დგებოდეს იქნება, ხმას არავის სცემდეს იქნება. ათი რომ უთხრა, აქეთ არ მოგიგებდეს იქნება, სულ მოწყენილი იქნება, წირვა-ლოცვას სათოფეთ არ ეკარებოდეს იქნება, და აი, ჩვენებური ფილოსოფოსიც.

— წიგნებსაც კითხულობს, — თავისით ამოუვიდა ხმა მამა ვეთიმეს და გაკვირვებული მამა ოქროპირს შეჰყურებდა. ეს კაცი გულთმისანი ხომ არ არისო.

— აი ესეც მართალია, ხომ გითხარი, — ისევ გაიცინა მამა ოქროპირმა. — მე, ბაბა, მაგისტანებში გამოცდილი ვარ. ჩემზე წინეთ სემინარიაში შვილი არავის მიუცია. რამდენ წელიწადს დაჰყოფს იქ ყმაწვილი კაცი, იმდენი სხვადასხვა ზნე-ხასიათს მიიღებს. გასწორდება, ნუ გეშინია. ახალგაზრდა ბიჭები, — განაგრძო მამა ოქროპირმა, — ბევრსა ფიქრობენ თავიანთ გუნებაში, მაგრამ, საუბედუროდ, საქმით ბევრი არა გამოუღიბოთ რა. სანამ სწავლობენ, ქვეყნის განათლებას და განახლებას ეტრფიალებიან, და ცხოვრებაში რომ გამოვლენ, ბევრი ნაყოფი არა მოაქვთ რა. რაც „მე“ და „შენ“, ისინიც... ბევრი არაფერი, — ყურში ჩასჩურჩულა მამა ოქროპირმა.

— მამაო ოქროპირ! — ბოხი ხმით დაუძახა მამა მოსემ და ხელი მხარზე დაადო. — რა ჩუმ-ჩუმად ექუსაიფები ამ ქყონონელ მღვდელს. ორივეს ყურსოვნიკი შვილები რომ გყავთ, იმიტომ თავი მოგწონთ. — შვილის კურსოვნიკობა ავადმყოფი ადგილი იყო მამა მოსესთვის. მისმა შვილმა სასულიერო სასწავლებლის პირველ კლასის ზევით არაფრით არ ისწავლა. — აბა, მამანო, მიცვალებულს წესი ავუგოთ, დროა. თქვენც გეჩქარებათ და მეც წირვა-ლოცვა მიჰირს.

მღვდლები და მთავრები მიცვალებულის ანდერძის ასაგებად გეჩქარენ. ტირილი და მოთქმა მიჩუმდა. სასადილო სეფაში ხმაურობა კიდევ ისმოდა.

საღამოზე მამა ვეთიმემ მხიარულად შემოათოხნარია ეზოში თა-

ვისი პატარა ჯორი. ეკატერინეს სამზარეულო სახლის წინ გამხმარი ცერცვი გაეშალა და მოკლე ჯოხით მარცვალს ჩენჩოს აშორებდა.

— იცი, ქალო, რა ვითხრა, — ჯორიდან ჩამოსვლისთანავე ჩუმად უთხრა მამა ვეთიმემ და სარტყელივით მუცელზე შემოხვეული ანაფორის კალთები გაისწორა, ერთიც აქეთ-იქით მიიხედა, ყურს ხომ არავინ გვიგდებსო. სიახლოვეს არავინ არ იყო. — იცნ, ქალო, ჩვენი სევერიანეს აგეთი უცნაური ხასიათის მიზეზი ფილოსოფია ყოფილა.

— დედა, ვისი სოფია! — გაოცებით წარმოთქვა ეკატერინემ.

— ნუ კი გადირიე, — უფრო ჩუმად უთხრა მამა ვეთიმემ. — სოფია კი არა, არ გინდა, ანასტასია. ფილოსოფია, აბა როგორ გაგაგებინო, როცა კარგად არც მე მესმის და, ვგონებ, ვინც მითხრა, იმასაც მარტივად ვერ წარმოუდგენია. ეს ასეთი უცნაური ხასიათი ასაკის ბრალიო და რამდენსაც კაცი სწავლობს, იპდენად ხასიათიც ეცვლებათ. შემდეგში გასწორდებ, ახლა კი მოსაფრთხილებელიათ. ეს მამა ოქროპირმა ვითხრა. მან რა ხანია შვილი სემინარიაში გამოზარდა. მისი შვილი ახლა ხომ ბლადოჩინია. ის ხომ გამოცდილი კაცია.

— მერე შენ მოუყევი: ჩემი შვილი ასე იქცევა, ისე იქცევაო, — უკმაყოფილოდ მიუგო ეკატერინემ და ჯოხი მოიპარჯვა, რომ ცერცვზე დაერტყა.

— აქეთ მითხრა ყველაფერი, ქალო, იპანაა რომ პირი გამიშრო, ხომ გეუბნები, გამოცდილი კაცია-მეთქი!

ეკატერინემ თავისი საქმე განაგრძო. მამა ვეთიმე ჯორს უნაგირის მოხსნას შეუდგა.

XXV

— ხარდანაძის ქალო! — დაიძახა ტახტზე წამოწოლილმა ბასილმა.

— რა არის! — გასძახა მარიკამ აივნიდან.

— ბიჭი არ დაბრუნებულა?

— ასე ჩქარა რა დააბრუნებდა. ქარი ხომ არ იყო.

— აჰა, აფუუფუ... ფუ... — მიახველა ბასილმა, წამოდგა და აივანზე გამოვიდა. ის გადარეული საით წავიდა! — გადარეულს ძუკუს ეძახდა.

— წავიდოდა სადმე.

— ოხ, — ამოიოხრა ბასილმა. კარგად იცოდა, ეს „სადმე“ რას ნიშნავდა.

— ხომ კარგად დააბარე, სამი ბოთლი არაყი და ორიც რამე

კაი სასმელი მოიტანოს. რომ შეცურდები ხათაბალაში, ბარელამ უნოზე უნდა შეცურდე. თუ კარგად არ გამოგვეხე და არ შეახურე ის კაცი, არც კი იტყვის რიგიანად. ბლალოჩინსაც თუ არ მოუღხინე! მერე მამა ამბაკო ისეთი კაცია, ერთი სიტყვა რომ სხვანაირად დასწეროს, ხომ გაფუჭდა საქმე. ოპ, ოპ!.. დრიმინტია, დედაშენს. — თავის ქნევით მწუხარედ თქვა ბასილმა. — რა ფულები ჩავუჩხრიალე ხელში ერთი ბეწო ქუქყიანი ნაწერისათვის მაგ ყურუმსალს, მაგასა! მძებრაძეებმა საბუთი შეიძინეს, მაგრამ ახლა მეტრიკული მოწმობები იყო საჭირო და იმის წერილობითი დასაბუთება, რომ სუმონა მძებრაძის შთამომავალნი იყვნენ ბასილი, ირაკლი და მისი ძმებიც. საეკლესიო საბუთებში ბართლომეს მეტრიკა კი აღმოჩნდა. ბასილის დაბადების დროს სამეგრელოში საეკლესიო საბუთების წარმოება არ იყო. ზოგი მღვდელი მაშინ მეწისქვილე იყო და მწუხრცისკარს ლოცულობდა წისქვილში, სადაც მგალობელთა გუნდის მაგივრობას დოლაბ-ბორბალი ასრულებდა.

ირაკლის და პავლეს მეტრიკა რიგით უნდა ყოფილიყო, მაგრამ საბუთებში არ აღმოჩნდა. ამიტომ ყველა ამ საქმის გამოძიება დანიშნა სინოდალურმა კანტორამ და ამის გამოსაძიებლად ბლალოჩინის თანაშემწე მამა ამბაკო არწევანიძე უნდა მოსულიყო. ბასილი მძებრაძე და მისი ბიძაშვილები მის მისაღებ მზადებაში იყვნენ.

მოწმებები ოცამდე იყო საჭირო. ახლა გამოძიებელი და მისი მოყოლებული... სულ ხუმრობა საქმე არ იყო მათი გამასპინძლება. ერთი რიგი ჰალა-ჰალად სტუმრების გამასპინძლება როგორ შეეფერებოდა უხსოვარ დროიდან პურღვინით განთქმულ ოჯახს! მისმა ძმებმაც გამოიღეს ცოტა რამ ხარჯი, უფრო კი ბასილმა თავის ჯიბიდან და მზადებას შეუდგინა.

ბასილმა ერთი წლის კაი მოზვერი იყიდა. იზაბელას ღვინოს როგორ გამოაჩენდა ამისთანა შემთხვევაში! კაცი ტახტის აზნაურობის მაძიებელი იყო და ტახტის აზნაურიშვილს როგორც ეკადრებოდა, ისე უნდა მოქცეულიყო. ამიტომ რამდენიმე ფუთი საუკეთესო იმერული ღვინო მოათანინა. სხვა სასმელ-საქმელი, რაც შეიძლებოდა, დაამზადა.

— ერთი საქმე კიდევ არის, ხარდანაძის ქალო, — უთხრა ცოლს ბასილმა.

— რა საქმე?

— წერილი გამომატანა ამბაკო მღვდელმა ჩვენ მამა ეეთიმესთან. ისიც, ხომ უნდა დაესწროს გამოძიებას. აქითობას ვერ გამოვიარე მის სახლისკენ, დაღლილი ვიყავი და ერთი ბართლომესთან კაცი გა-

გზავნე, ევთიმეს ის წერილი მიუტანოს. ჩემი ახალი ახალუხის ჯიბეში ძვეს. ეს მაინც ქნას, სხვა რაღას აკეთებს. ის გადარეული, თუ დაბრუნდა, ერთ სასროლს დაგკრავ, იქნება კალმახები დავიკირო.

— შე თვითონ მივდივარ ამ საღამოს მღვდლისას, ცოტად სიცხე რომ დავარდება და ბიჭიც რომ დაბრუნდება. სირცხვილია, ამდენი ხანი ვერაფრით მოვიკითხეთ, ვერც ვნახეთ სევერიანე. ბევრი პატივი და შრომა მიუძღვის იმ კაცს.

— ეს კი დაგიმადლე, ხარდანაძის ქალო, — ლმობიერად უთხრა ბასილმა. — სულ ამ საუბედურო საქმეს გადავყევი და სულ იქით-იქით მიმირჩა. მაშ, წერილიც შენ მიუტანე და ის იქნება.

— ვიფუტან, რა მძიმე ტვირთია.

— მარტო შენ წახვალ თუ ტასიასაც წაიყვან?

— ერთად წავალთ.

— მაშ, მე ახლა ერთი პირი დამაბანინეთ და იმ გადარეულის მოსვლამდე ბადეს გავხედავ. ერთ ალაგს მგონი გახეჯლია. იმ დასაქცევ წისქვილის ზემოთ რომ როკს მოვახვედრე... კანაფის ძაფიც მომიძებნე. სიტყვიერადაც გადაეცი მამა ევთიმეს, რომ ხვალ დილით გამომიძებელს ველი. შენ ბევრს ნუ დაიგვიანებ; ინდაური, ქათმები და სხვა რამ წვრილმანი ამ საღამოთივე მოისტუმრე და ხვალ ნაკლები ფუსფუსი იქნება საჭირო.

— გაგიმარჯოს ღმერთმა, — დაცინვით თავი დაუკრა მარიკამ. — მე ესენი უკვე მოვამზადე; შეწვა-მოხრაკვის მეტი არა უნდა რა.

— აბა აგეთი ჭკუიანი რომ ხარ, იმიტომ მიყვარხარ, ხარდანაძის ქალო, მერაბის სულს გეფიცები, — ტკბილად უთხრა ბასილმა. — თორემ ზოგიერთებივით რომ იყო, ერთ საათს არ დაგაყენებ ჩემ სახლში.

— სუ, სუ, არ დამაყენებ კი არა, მათხოვრად წავალ აი, საწყალ ხარდანაძეებს ჩემი რჩენა გაუჭირდებათ.

— გულმოსასვლელად კი არ მითქვამს, — ცოტა მორცხვად მიუგო ბასილმა. — ეს ისე, ხუმრობით გავუბრძვი. ეხ, დასწყევლა ღმერთმა, არ მაქვს რაღაც ხუმრობის შნო, — უთხრა ბასილმა და მარიკასთვის გული რომ არ მოეყვანიებინა, დაეკითხა: — ბიჭსაც თან წაიყვან?

— მაშ, ჩვენი ხელით ხომ არ წავიღებთ რაცხა მეკომოკონსა.

— გოგო წაგეყვანა კი ჯობდა ჩემი ფიქრით, ბიჭი აქ რასმე გააკეთებდა. — საქმიანად შენიშნა ბასილმა.

— თითქო გოგოს აქ არაფერი საქმე ჰქონდეს! ოჯახში შენ არ იქნები, მე არ ვიქნები და გოგო უფრო საიწველოა, ვინემ ბიჭი.

— კარგი, ბატონო, კარგი, მე არ გეჩხუბებით, კანათის ძაფი მომიძებნე, ბატონო, კანათის ძაფი. დედაკაცებთან მუსაითით ზვირი არ გამოვა, — თავისთვის ჩაილაპარაკა ბასილმა.

მარიკამ კანათის ძაფი მოძებნა. ბასილმა სასროლი ბადე მინდორში, ჩრდილში გაშალა და გახეულ ადგილს დაკერება დაუწყო. ცოტა ხნის შემდეგ მარიკა და ტასიაც მღვდლის სახლისკენ მიდიოდნენ. მათ უკან კარგა მოზრდილი ზონჩით ხელში მოჯამაგირე მისდევდა.

მარიკას მოსვლა შორიდანვე შეამჩნიეს მამა ევთიმეს სახლში. მამა ევთიმე შინ არ იყო. ეკატერინე კბაბაკეცილი და თავწაკრული გამოვარდა სამზარეულო სახლიდან, სადაც მის უმცროს ვაჟს საშინელი ყვირილი გაჰქონდა: არ მინდა, არა, არ მინდაო, მე ის მეორე, დიდი მინდოდაო. ეკატერინე ოდის უკანა ოთახში შევარდა, რომ სუფთა კაბა გადაეცვა.

სევერიანე კი ამ დროს ფეხშიშველი და ხალათის ღილებგახსნილი წამოწოლილიყო დარბაზის ტახტზე. მაგიდასთან ფარნა თოხიტარია იჯდა და რალაც წიგნს კითხულობდა.

— ის წიგნი ძლიერ მომეწონა, გუშინწინ რომ მომეცი. — დაარღვია სიჩუმე ფარნამ, გადაშლილ წიგნს თვალი მოარიდა და სევერიანეს შეხედა.

— ის რომელი წიგნი იყო?

— გულივერის მოგზაურობა.

— ჰო?

— მართალი იქნება ეს ვითომ, სევერიანე? შეიძლება. რომ ისეთი პატარა კაცები იყვნენ ქვეყანაზე?

— ხა, ხა, ხა, — ჩაიცინა სევერიანემ. — ვინ გაიგონა, მოგონილია, განგებ არის ისე დაწერილი.

— ძალიან კი მოუგონია იმ კაცს, მართალი უნდა გითხრა, — დინჯად მიუგო ფარნამ. — პატიოსანი კაცი კი ყოფილა, მაგ ვილაც გულივერია. იმ პატარა კაცებისათვის ხელი რომ გაესვა, — ხმამალლა წარმოთქვა ფარნამ. თან იცინოდა და თან ხელებს ისე უსვამდა, თითქო ხმალი უჭირავსო. — სულ ერთად ხომ ნაცარტუტად აქცევდა იქაურობას. პირიქით, ის დიდი პატივისცემით ეპყრობოდა მათ; იქაურ ზნე-ჩვეულებას და კანონებს ემორჩილებოდა, მათს ენას სწავლობდა და მათს სიმამაცეს აფასებდა. თუკი რაჟე სიმამაცე ჰქონდა მათს ძლევა მოსილ მხედრობას, რომელიც იმ კაცმა ლაჭებქვეშ ვაატარა.

— სამაგიეროდ, ვეებერთელა კაცებს რომ ჩაუვარდა ხელში,

იმათაც არ ჩამოახრჩვეს. ჩამოხრჩობა რა საჭირო იყო, არ გასრისეს. პატივით მოეპყრნენ და შოშიასავით გალიით დაჰყავდათ, — მიუგო სევერიანემ.

— მე ვფიქრობ, რომ სიკეთისათვის სიკეთე უყო ღმერთმა, — სასოებით თქვა ფარნამ, — სუსტთან რომ ძალმომრეობა გამოეჩინა, მძლავრი მასთან ძალმომრეობას იხმარდა, მომრევის ჰომრევი ხომ არ დაილევა.

— მაშ, აქედან ჩვენ ის უნდა ვისწავლოთ, რომ სუსტი და უძლური თავის დღეში არ უნდა დაიჩაგროს მძლავრისაგან!

— აქეთ მობრძანდით, ბატონო, აქეთ მობრძანდით. მობრძანულად ვართ, ოხერი, ხომ მოგეხსენებათ ოჯახის გარემოება, — ჰოესმათ აივნის წინ. ეკატერინე მარიკას ეპატიჟებოდა.

— არაფერი, შენი ჰირიმე, ჩვენც სოფელში არა ვცხოვრობთ? გაგაწყინეთ, მგონია, მე უბედურმა. უდროო დროს მოვედი... — გადამეტეტებული ზრდილობით უპასუხა მარიკამ.

— აი, ღმერთო, შენ აშოაგდე! — ჩუმად და გაოცებით წარმოთქვა ამ ხმის გაგონებაზე სევერიანემ. ლაპარაკი შეწყვიტა, ზეზე წამოვარდა, ფეხით ქალამნები მოსძებნა, გზა-გზა ჩოთირ-ჩოთირით ჩაიცვა და უკანა კარებიდან გავარდა.

ეკატერინეს სიჩქარეში დაავიწყდა სევერიანე წინდაწინ გაეფრთხილებინა. რამდენიმე წუთის შემდეგ ისევ ყველაფერი მისწორდა და მორიგდა. მტირალი ბავშვი ჩაჩუმდა, რაკი ახალმოტანილი ხაჰაპურის ნაწერი ხელში მისცეს და სევერიანეც, პირდაბანილი და ჩაცმული, დარბაზში სტუმრებთან მუსაიფობდა.

— კაი მადლიერი მოწაფე არ არის შენი მოწაფე? — თვალებით ანიშნა მარიკამ ტასიაზე და რაც შეიძლებოდა ტკბილად უთხრა სევერიანეს. — ამდენ ხანს ერთხელაც რომ ვერა განახათ, ერთხელაც ვერ მოგიკითხათ.

— რაა არა, მნახა. ეკლესიაში ზარე ორჯერ კი ვხედავდი. ისეც, სადღაც ორ-სამჯერ შემხვდა. ძლიერ მიხარია, რომ კარგად სწავლობს, — მიუგო სევერიანემ.

— ეგეთი ნახვა რა ნახვაა, — ტუჩების გაბუტვით თქვა მარიკამ. — სულით და გულით გვინდოდა შენი ნახვა, გენაცვალე, ჩემი ძუკუ ნუ მომიკვდება, გვინდა კიდევ რამე პატივი გცეთ, ისე ჩემი ძუკუს ბედნიერება დედამისს ენახოს... ძუკუს მამასაც თუ ძუკუსავით არ მიაჩნდეთ, მაგრამ, ხომ მოგეხსენება, ბატონო, სულ შფოთი და დავიდარება, სულ უსიამოვნება, რაც ეს აზნაურობის საქმე

დავიწყეთ, მერე სულ... სულ... გულითაც რომ მინდოდეს პატივისცემა, ვერ მომიხერხებია...

— რა ბრძანებაა, ბატონო, რათ იკადრებთ. ვე რა მიქნია ისეთი თქვენთვის. ორი ანბანი რომ დავასწავლე ტასიას, ეს ბევრი საქმეა? ნეტავ შემეძლოს ბევრი რამე, — გააწყვეტინა სიტყვა სევერიანემ. გულში კი ბრაზი მოდიოდა, ნეტავ ამ კომპლიმენტებს ბოლო როდის ბოელებო.

— მაგას ნუ იკადრებ, შენი ჭირიმე. ორი ანბანი კი არა, თქვენი ამაგი ჩვენზე დაუფასებელია. თქვენი იმედით, თორემ ასე ადვილად კლასში...

— ახლა რომელ კლასშია, ბატონო, — გაერია საუბარში ეკატერინე.

— მარტო ერთი წელიწადი უკლია, ბატონო, თუ ღმერთმა მშვიდობით დააცალა, მაგრამ რათ მინდა ან სწავლა, ან სხვა რამე, ახლანდელი ღროის ჩვენი ცხოვრება გროშად არა ღირს. ყოველივე უბედურობა ჩვენ გვატყდება თავზე, ბატონო. სხვა გაჭირვებას, როგორც იყო, ქე ვუძღვებით, ასე თუ ისე იოლად ქე მივდიოდით, მაგრამ რათ გინდა, ამ აზნაურობის თაობაზე ისეთი ხარჯი დაგვაწვა კისერზე, შენ გენაცვალე, რომ ლამის არის სულ ერთიანად გაესწორდეთ. აზნაურობა უნდა დაამტკიცო. ღმერთო, მომკალი ახლა! ჩვენთვის აზნაურობა, — ცოტა ამაყად გააგრძელა მარიკამ და ცივად ჩაიცინა. — თქვენ ხომ კარგად იცით, მოძღვარსაც რამდენჯერ უთქვამს ჩემი მამამთილის მამის ამბავი, საგაზეთოდ დააქვთ მისი ამბავი. დადიას * დივანბეგზე, სახუცეზე ერჩივნაო, და ახლა ჩვენ აზნაურობა საძებნელი გავვიხადეს.

— რა ვუყოთ, — ანუგეშა სევერიანემ. — მარტო თქვენთვის რომ იყოს პირადად, სხვაა, მაგრამ რაც საზოგადოდ ყველასათვის აუცილებელია, რას უზამ.

— შენ მტერს ღმერთი გაუწყრა! — მიუგო მარიკამ. — მარტო ჩვენთვის რომ იყოს ეს კანონი, ამდენ ხანს თავს მოვიკლავდი, რომ იცოდე, სევერიანე. ჩემი ორივე ბაღანა ნუ მომიკვდება, ჯერ ხუთასი მანეთი დაგვიჯდა, ჰაინც ეს სულ ცოტა სულ მოკლე დროში რომ ვიანგარიშოთ. მარტო ხვალ რამდენი ხარჯი და... მართლა, შვილო, ტასია, აბა ის ქალადი, — მიუბრუნდა მარიკა ტასიას. — ამოიღე, შვილო, არ დაგვავიწყდეს.

— რა ქალადი ყოფილა, ბატონო? — ჰკითხა ეკატერინე.

* დაღია — დადიანი, მთავარი.

— ხვალ ბლალოჩინს ველით, გამომძიებელს, შენი ჭირიმე. ბლალოჩინს მოძღვარისათვის წერილი მოუწერია... კიდევ ვერ მოძებნე? — ისევ დაეკითხა ტასიას. ტასიამ ბარათი ჯიბიდან ამოიღო და დედას გადასცა. მარიკამ კი სევერიანეს გაუწოდა, — მოძღვარიც უნდა დაგვესწროს ხვალინდელ გამომძიებაზე.

სევერიანემ ბარათს ერთი შეხედა და დედას გაუწოდა.

— ეს გამომძიება მეტრიკული მოწმობების თაობაზე იქნება ალბათ, ბატონო? — დაეკითხა, როგორც იყო, სევერიანე.

— დიახ, ბატონო, მაგრამ რათ გინდა, სულ ჩვენს კისერზე გვატყდება ყოველივე ხარჯი და შრომა-ტანჯვა. ხომ მოგესხენებათ, — აქ თავი დააქნია მარიკამ, ნიკაპს ასწია და ერთიც აღმაცერად ფარნასაკენ მიიხედა, თითქო უნდოდა ეთქვა: ეს აქ არ იჯდეს, უფრო მეტს ვიტყვოდი რალაცასაო. მაგრამ რის თქმაც უნდოდა, ყველამ იცოდა და ვგონებ ფარნამ ყველაზე უფრო კარგად. მარიკას ირაკლისა და მის ძმებზე უნდოდა ეთქვა. ისინი რაც შვილები და ქონების პატრონნი იყვნენ, ამას ბევრი დამალვა არ ეჭირებოდა. უიმისოდაც დღესავით ცხადი იყო.

— ვიცით, ბატონო, — მიუფერა ეკატერინემ, — მღვდელს, ისე გამეზარდა ჩემი შვილები, ათასჯერ უთქვამს: ბასილი მძებრადქსთანა დასჯილი კაცი ცის ქვეშ არ მოიძებნებაო. მარტო თავისი თავი უჭირდეს, რაღაა, ათასი სხვის საქმეს და გაჭირვებასაც პასუხი უნდა გასცესო, ხუმრობა არაა, ბატონო, მღვდამ სხვის მაგივრად ხარჯის გაღება, ყველას თავისი თავი უჭირს.

— აი, იცოცხლეთ, ქმარ-შვილებიანად, მართალს რომ ამბობთ, — გააწყვეტინა მარიკამ და ლმობიერად შეხედა.

— შენი რა საქმეა სხვისი გაკილვა, დედაჩემო, — დინჯად შენიშნა სევერიანემ.

— რა კილვაა, შვილო! ჯერ შენ ცხოვრებაში არ გამოსულხარ და არ იცი; ქვეყანა ანგარიშით ცხოვრობს. ბასილს ბევრი აქვს, ღმერთმა კიდევ მისცეს, მაგრამ ყველა მძებრადქებისთვის კი არა აქვს... თავის თავი ყველამ თვითონ უნდა ნახოს. შენ ჯერ, შვილო, ერთი კაჭიკი შენიო არ გიშოვნია, ოჯახი არ გამოგიცდია და არ იცი, რა ძნელია ცხოვრება, — ცოტა არ იყოს, ხმამალა თქვა ეკატერინემ. — დასამალი რა მაქვს, შვილო, ბატონ მარიკას ეს რათ ეწყინება. პავლემ ცოლი შეირთო, ჯვარი დაიწერა, ბედაური აზნაურის შვილია, ერთი განვრეტილი კაპიკი არ მოუცია. რამდენიმე წელსა ბოღიშით გვატყუებდა და ბოლოს ისიც მიატოვა.

— კიდევ არ გადუხდია შეჩვენებულს? — მორცხვად შენიშნა მარიკამ.

— ვინ გაიგონა, ბატონო!

— ეს წასული საქმეა, დედაჩემო, — უთხრა სევერიანემ.

— რა უყვოთ, შვილო! მეც ვიცი, ხელიდან წასულია. თქვენ თავს ღმერთი მიცოცხლებდეს, თორემ მაგისტანებს კიდევ გავუძლებთ, — თავმოწონედ თქვა ეკატერინემ, ერთი მარიკას შეხედა და თითქოს რაღაც გაახსენდაო, აჩქარებით და ნაღვლიანი კილოთი განაგრძო: — ღმერთო, მომკალი, ბატონო მარიკა, როგორ გიყურებ, არ ვიცი, მე ცოცხლად მიწაში ჩასასვლელი, სულ ლაპარაკს გადავყვევით.

— რათ იკადრებ, გენაცვალე, მე სტუპარი ვარ თქვენთან?

— შენ მტერს ღმერთი გაუწყრა. დასაპატიებლად ვერ ვღირსვართ და ასე უეცრად... ჩაი მაინც...

— ჭუკუ არ მოუკვდეს, იმის მეტი, დედამისს. ჩაი კი არა, აგერ დავიწვი სიციხით.

— მაშ ატამი მაინც, ღვინოსთან, ერთი, შვილო!..

— შენი თავი არ მომიკვდეს, ეკატერინე! ის ნუ მოგიკვდება, — მიუთითა სევერიანეზე, — ხილმა თავი მომაძულა... არაფერია, ნუ შეწუხდები, ოლონდ... საღამოა კიდეც, იმდენი საქმეები მაქვს ზვალისთვის, რომ, — გაჭიანურებულად თქვა მარიკამ. — ერთს კი გთხოვ, ეკატერინე, ბოსტანს გიქებენ ძლიერ.

— გნებავთ დავათვალიეროთ, ბატონო, ინებეთ, შენი ჭირიძე. თუ რამე მოგეწონებათ, ღმერთო მომკალი, არც ღვინო, არც წყალი. ყველა ზეზე წამოდგა.

— წაპო, ნანა, ტასია.

მიუბრუნდა მარიკა ტასიას, რომელსაც რაღაც ნახატებიანი წიგნი გადაეშალა და სიამოვნებით ფურცლავდა. იმდენად გართობილიყო წიგნის თვალიერებაში, რომ უკანასკნელი მუსაიფი არც კი გაუგონია.

— წავიდეთ, — ნაღვლიანად მიუგო დედას და წიგნს მაინც თვალს არ აშორებდა.

— წავიდეთ, ვნახოთ. აბა, ჩემი ბოსტანი, — მიემხიარულა ეკატერინე.

— ბოსტანის სანახავად მიდიხართ? — დაეკითხა ტასია დედას.

— ჰო, ბოსტანი დავათვალიეროთ და შერე შენ წავიდეთ.

— დედა, თუ არ გეწყინება. მე ამ წიგნების თვალიერება უფრო მიხარია, — შეეხვეწა ტასია.

— ნება შენია, — მიუგო მარიკამ და ეკატერინესთან ერთად ოთახიდან გავიდა.

— წიგნებს უკეთესებს გაჩვენებ, თუ გინდა, — უთხრა სევერია-ნემ ტასიას და მაგიდაზე დაწყობილ წიგნებს ჩხრეკა დაუწყო.

ძლიერ უხაროდან მანდილოსნებს, რომ მარტო ორნი მიდიოდნენ ბოსტნის დასათვალიერებლად; უფრო სავსედ და გულახდილად იმუსაიფებდნენ, უფრო დაწვრილებით უკაბობდნენ ერთმანეთს ნანახ-განაგონზე, ან ვისმე გაქორავდნენ, თამამად მოიკლავდნენ ამ მხრივ წყურვილს.

— აი, ეს წიგნი ნახე, — უთხრა სევერიანემ, როცა ქალები გავიდნენ და ერთი სქელი, ლამაზყდიანი წიგნი ხელში მისცა.

ტასიამ წიგნი გამოართვა და თვალები დააშტერა. ფარნაც მიუახლოვდა და საპივენი მაგიდას მიუდგნენ.

ტასიამ წიგნის ყდა გადაშალა. პირველი ფურცლის შუაგულ მოკლე შევწვერიანი და შევთმახუჭუჭიანი კაცი იყო დახატული. ტასიამ ნახატს ზემოთ მსხვილი ასოებით დაწერილ დახედა და ჩუმად წაიკითხა *A. C. ПУШКИН*. ფარნამაც დახედა.

— ა-ა, პუშკინი, — მხიარულად თქვა მან.

ტასიამ ფარნას შეხედა და გულწრფელად გაუღიმა.

— გისწავლია რაჟე მისი ლექსი? — ჰკითხა სევერიანემ ტასიას.

— არა, — ნაღვლიანად მიუგო ტასიამ.

— არ შეიძლება, რომ არ გესწავლოს. ის დიდებული რუსი მწერალი-მოლექსეა.

— როგორ არ უსწავლია, — ჩაერია ფარნა. — მე თვითონ ყური მიგდია, რომ კითხულობდა:

По дороге зимней скучной

Тройка борзая бежит...

— ეს კი მისწავლია, — თქვა ტასიამ.

— აი. ეს ამის დაწერილია, — მიუგო სევერიანემ.

— კიდევ მისი დაწერილია: Буря мглою небо кроет...

— ეს განა არ გისწავლია? — ჰკითხა ფარნამ.

— ეს არა ჯერე, — მორცხვად მიუგო ტასიამ. — ალბათ გვასწავლიან, რა შავი კაცი ყოფილა, ან რა კიროკილი * თმა ჰქონია, — სიცილით დაუმატა ტასიამ და ნახატზე ხელი დაუსვა.

— შავია, მაგრამ შახია, — მიუგო სევერიანემ და სხვა წიგნებს დაუწყო ჩხრეკა.

* კიროკილი — დახვეული.

ტასია წიგნს ნელ-ნელა ფურცლავდა. წიგნი დასურათებული იყო. ფარნა მის პირდაპირ იჭდა და იმდენად ახლოს, რომ ერთმანეთის სუნთქვა ესმოდათ. მათი ფეხებიც ერთმანეთს ხვდებოდა.

— აი, ეს თვითონ პუშკინი პატარაობისას, — აუხსნა ფარნამ ერთი სურათი, რომლის დანახვაზე ტასიამ წამოიძახა:

— რა თმა კიროკილი ბავშვია, ჩაჩნის * შვილს არა ჰგავს! —

— ემაგრე, ემაგრე, აუხსენი, ფარნა, — უთხრა სევერიანეჟ, რომელსაც თავის მხრივ გაეშალა ერთი წიგნი და წარბშეკრული და დაფიქრებული რაღაცას ეძებდა. ხან აქეთ გადაშლიდა, ხან იქით გადმოშლიდა.

— Ну, ну, не то, не то, — ჩაილაპარაკა მან. — შენ ხომ ზევრი რამ გიამბე მაგ წიგნზე და ახლა შენ ტასიას აუხსენი. ის ხომ პატარაობისას დიდი მეგობარი იყო შენი, — ამბობდა სევერიანე და წიგნში იხედებოდა. ორივემ ჩაიცინა; ერთმანეთს შეხედეს და გაწითლდნენ.

— მე რა ახსნა შემიძლია, მაგრამ მაინც ვეცდები, — არეულად მიუგო ფარნამ.

— ეცადე, ეცადე, პო, — გაფანტულად თქვა სევერიანეჟ. — სად არის ნეტავ. აქ უნდა იყოს, — ბუტბუტებდა სევერიანე და წიგნს ფურცლავდა, უკმაყოფილოდ გადაშლილ ფურცლებს ტკაცუნი გაჰქონდა.

— აი, ეს მისი ცოლია, — აუხსნა ფარნამ ტასიას და ერთი გულმკერდ ამოღებული კაბით დახატულ ქალს თითი დაადო. — ამის გულისათვის მან სხვა კაცს თავი შეაქლა.

— როგორ თუ შეაქლა! — გაკვირვებით მიუგო ტასიამ და შიგთვალეებში შეაჩერდა ფარნას.

— ერთი ვილაც კაცთან ჰორი დაუგდეს, — საქმიანად მიუგო ფარნამ. — ეს ჰორი პუშკინმა შეიტყო, შურიანმა საზოგადოებამაც შეუსისინა და საქმე გაბერა. პუშკინი იძულებული გახდა თავისი პატივის დასაცავად ის კაცი ღუელში გამოეწვია. ესროლა იმ კაცმა, მოახვედრა და სასიკვდილოდ დასჭრა.

— ამან ვერაფერი უყო? — ათრთოლებით ამბობდა ახალგაზრდა გოგო, თვალეები გადიდებოდა, ნორჩი ძუძუები უთრთოდა და ფარნას შესცქეროდა.

— ამანაც ესროლა მარცხენა ხელით, — ღიმილით მიუგო ფარნამ, — და კიდევ შოარტყა, მაგრამ არა სასიკვდილოდ.

* ჩაჩანს სამეგრელოში ბოგანო ყიზილბაშებს ეძახიან. ავტ.

— *Нахонен*, — ნელა წამოიძახა სევერიანემ, წიგნს ერთ ალაგას ჩააჩერდა და ჩუმად კითხვა დაიწყო. ის წიგნიც დასურათებული იყო. იმ ადგილას, სადაც სევერიანე კითხულობდა, რალაც ცხოველების ჩონჩხები და ცალ-ცალკე ძვლებიც იყო დახატული.

— ოხ, როგორ იცინი, — მიუგო ტასიამ ფარნას, — კაცი, მერე როგორი კაცი მოუკლავთ და შენ იცინი?!

— ჩემი რა ბრალია, — კვლავ სიცილით მიუგო ფარნამ და თავისი ბროლივით თეთრი კბილები გამოაჩინა, მსხვილი თვალები აუწყალიანდა და მსუქან ლოყაზე აღმური აედინა. — მე რა შუაში ვარ. სამწუხარო კი არის, ასეთი ღვთის მადლით დაჯილდოებულიმა კაცმა რომ უდროოდ სხვას შეაკლა თავი. ოცდაჩვიდმეტის წლისა იყო, არ მითხარი, სევერიანე? — დაეკითხა ფარნა.

— ა!.. — ახალ გამოღვიძებულივით წამოიძახა სევერიანემ, რომელიც წიგნს გულმოდგინედ კითხულობდა და იმდენად გართულიყო, რომ ფარნას სიტყვები არ ესმოდა.

— ოცდაჩვიდმეტის წლისა არ მოკვდა პუშკინი?

— ჰო, ჰო, — მიუგო სევერიანემ და ისევ წიგნს ჩააჩერდა.

— აი, რა ახალგაზრდობაში დაიკარგა, ვინ იცის, კიდევ რამდენს დასწერდა, რომ უდროვოდ სული არ დაეღია, — ნალვლიანად თქვა ფარნამ.

— ეს სულ მისი დაწერილია? — ჰკითხა ტასიამ.

— სულ მისია.

— უჰ! რა ბევრი დაუწერია, — თქვა ტასიამ და წიგნი ხელით ასწონ-დასწონა. მერე ისევ ქალის სურათს დააკვირდა. — რომ არ არის მაინცდამაინც ისეთი გასაგიჟებელი ლამაზი! — ჩუმად, თითქმის ყურში უთხრა ფარნას.

— რა ვიცი, — ისევ სიცილით მიუგო ფარნამ და ყუყუნა თვალები გოგოს შეანათა. — ამბობენ, ლამაზი იყო, — ფარნა ტასიასკენ გადიხარა, უცებ მისი ლოყა გოგონას ლოყას შეეხო უნებლიეთ, და მაშინვე უკან წაიღო დამდულრულივით. ტასიამ ინსტინქტურად ლოყაზე ხელი მოისვა. გაწითლებული ფარნა შიშით შეჰყურებდა გაკვირვებულ ქალიშვილს.

— მე კი ლამაზად არ მიმაჩნია, — გაფანტულად წარმოთქვა ტასიამ, — აბა, კარგად დახედე, ცოტად გოჩას რძალს, სანდუხტიას თუ არა ჰგავს.

— კი ჰგავს ცოტად, — გაიცინა ფარნამ.

— ეს ვისი დაწერილია, მიჯღაბნილი რომ არის? — იკითხა ტასიამ, როცა წიგნი კიდევ გადაფურცლა.

— ეს თვით პუშკინის ხელნაწერია.

— რა დაჯღაბნილია მერე, სტრიქონი სწორადაც არაა წაყვანილი, ჩვენი მასწავლებელი ქალი ამაზე ორს დასწერდა, — იოხუნჯა ტასიამ.

— ხა, ხა, ხა, — გაიცინა ფარნამ. — ლამაზი წერა რათ უნდა. მისი ნაწერები ხომ სულ დაბეჭდილია, და არა ერთხელ და ორჯერ. საქმე შინაარსია, თორემ ახლანდელ დროში დაწერილი, როგორც გინდა იყოს, მხოლოდ წაიკითხონ... სხვა რა საჭიროა მისთვის ლამაზი წერა. მისი ნათქვამი მარგალიტებია, ან რა კარგად აქვს აწერილი ჩვენი ქვეყანა!

— ჩვენშიაც იყო განა?

— აჰ, ჩვენში, არც ჭყონონაში, არც სამეგრელოში არ ყოფილა. თბილისში იყო და ის ხომ ჩვენი დედაქალაქია. საზოგადოდ, ჩვენი ქვეყანა ისე კარგად აქვს აწერილი, რომ მკითხველის გონებას იტაცებს და ათასნაირ, ხან მწუხარე და ხან მხიარულ ფიქრებს მოკგვრის. ეს ყველა სევერიანემ მითხრა, თორემ მამაჩემი როდის იყო პუშკინზე მუსაიფობდა, — ხმადაშვებით და ღიმილით თქვა ფარნამ.

— აა, — ისევ გაიხუმრა სევერიანემ და კითხვა განაგრძო.

ტასია ფარნას თვალს არ აშორებდა. უკანასკნელი მისი სიტყვები სევერიანესადმი იმდენად ერთგული გრძნობით, იმდენი თავმდაბლობით და თან მტკიცედ იყვნენ წარმოთქმულნი, რომ ტასიას ნორჩი და ალლოიანი გული აცახცახდა და ფარნასადმი მეტი მიმზიდველობა იგრძნო. „რა კაი ბიჭია, — ფიქრობდა გულში ტასია, — რა ლამაზია, რა ჭკვიანი. — მას გაახსენდა ფარნა, ფეხშიშველი, პატარა ნაჯახით ხელში. ათასფრად დაკონკილ და დაგლეჯილ ტანისამოსში პირველად სასენაკოში რომ შეხვდა. მაშინ ხომ ყველამ დასცინა, მაგრამ მათი დამცინავეები ზოგი მოჯამაგირედ დადგა, ზოგმა არ ისწავლა. ფარნამ კი, მიუხედავად ყოველნაირი დაბრკოლებისა, პირველდაწყებითი სამოქალაქო სკოლა დაამთავრა და ისიც პირველმა. ყველაზე უკეთესად. იქ ხომ თავადაზნაურთა შვილებიც ბევრი იყვნენ, მაგრამ ნიკოიას შვილმა ყველას აჯობა. მაშ, კაი ბიჭობა გვარიშვილობაზე არა ყოფილაო, გაუელვა გოგოს თავში და გული მწუხარებით შეეკუმშა. დღეს პირველად შეეპარა ექვი იმ რწმენაზე, რომელსაც მის გარშემო ყველანი მოწიწებით აღიარებდნენ, როგორც ბუნების კანონს, რომ თავადაზნაურობა სხვა სისხლისაგანაა შემდგარი და გლეხობა სხვა სისხლისაგანაო. ეს მსჯელობა ხშირად გაუგონია დედისაგან, ხანდისხან მამისაგანაც. ბართლომე ხომ გლეხს

კაცად სულ არა თვლიდა, თუმცა სოფროშია ბარიას დიდი მეგობარი იყო.

— გლეხი არ უნდა დაინდო, უნდა გაატყავო,—ქადაგებდა ბართლომე, მაგრამ მისი გატყავებული ჯერ არავეის ენახა და თვითონ კი იმ გლეხებისაგან, რაც დრო გადიოდა, მარტო ძვალი და ტყავიღა რჩებოდა. საუკეთესო, თუ რამ ებადა ბართლომესა და მის ძმებს, ახლა ამ ფარნას მამის ხელში იყო.

აღბათ მომავალში შეიძლება მამაჩემის ქონებაც მაგას დარჩესო, გაიფიქრა გოგომ და კინალამ თვალებიდან ცრემლები წამოუვიდა. საფუძველიც ჰქონდა ასე ეფიქრა. მისი ერთადერთი ძმა ძუკუ მოაგონდა. ძუკუს სირმით, მუღითა და აბრეშუმით მოსავედნენ, მაგრამ მაინც ვერა ეშველა რა, სწავლა არ მიიღო და დროს ლაზღანდარობასა და სისაძაგლეში ატარებდა. ეს ტასიამ კარგად იცოდა. ნათლად თვალწინ წარმოუდგა ის წამიც, როცა ძმამ ტყეში მარტო დასტოვა და ამ ვაჟმა, მაშინ უსუსურმა და უმწეო ბავშვმა, იშვიათი თავგამოდებით და საოცარი თავგანწირულებით უბედურებას გადაარჩინა. ყოველივე ეს ასწონ-დასწონა გოგომ და მის ნორჩ გონებაში ახალი რწმენა, ახალი ფიქრი დაიბადა, თუმცა ჯერ სუსტი და გამოურყვეველი. ყმაწვილს თვალი მიაპყრო და სხეულში სასიამოვნო ჟრუანტელმა დაუარა.

— თუ ვიცოცხლე, როცა ფულებს ვიშოვნო, უსათუოდ ვიყიდი მაგ წიგნსა, — უთხრა ფარნამ.

— ძვირი ეღირება? — ჰკითხა ტასიამ.

— მანეთ-ნახევარი ღირსო, თქვა სევერიანემ.

სევერიანემ ისევ წაიბუტბუტა რაღაც და კვლავ მიჩუმდა. მათი ყურის საგდებლად მას აღარ ეცალა. ორი რაღაც ცხოველის ჩონჩხის ნახატს ათვალეირებდა, თან ძვლების სახსრებს ფრჩხილით ზომავდა და ერთმანეთს უდარებდა.

— ეს სხვა ნახატები რაღაა, აგერ კაცი ცხენს რომ მიაქენებს, ფო, ფო, ფო, ამას რა გრძელი წვერი ჰქონია! ან როგორი თვალები: კაცს დაესიზმრება, — წარმოთქვა ტასიამ.

— ო ო... ეს, — ღიმილით მიუგო ფარნამ და ცოტა ფიქრის შემდეგ განაგრძო: — ეს მაგის ნაწერების შინაარსის დასურათებაა, რომ უფრო თვალსაჩინო და ადვილი წარმოსადგენი იყოს მისგან მოთხრობილი ამბები. აი მაგალითად, — აღტაცებით თქვა ფარნამ და წიგნს ხელი წაატანა... ამ დროს კარებში მარიკას ხმა მოისმა:

— ძუკუს ცუდი კაცობა დედამისს არ ენახოს, იმის მეტი, ეკატერინე. მათი შენაწევარი რაღა იქნება, სიმიინდი არ ჰყოფნით

წლიდან წლამდე, თორემ სხვას ვინ დაეძებს. ეს დავიდარაბა კი ჩვენ გვაწევს კისერზე და როდის გათავდება...

მარიკას ხმაზე ფარნა და ტასია გაფითრდნენ, თითქო მოულოდნელად ქურდობაში დაიჭირესო.

— ტასია, წავიდეთ, — დაღლილი ხმით უთხრა მარიკამ.

მის ხმაზე სევერიანე გამოერკვა, წიგნი განზე გადადო და წამოდგა.

ყველანი ეზოში გამოვიდნენ.

მზე ჩასულიყო, შავი ზღვიდან სიო ნელ-ნელა უსისინებდა და სიცხისაგან ღონემიხდილ მცენარეებსა და ცხოველებს სულს უბრუნებდა. ეკატერინეს ხელში გვარიანი მოზრდილი ბოხჩა ეჭირა, სწორედ ის ბოხჩა, რომლითაც აქეთობას ხაჭაპური და ყველი მოჰქონდათ. ახლა ბოხჩაში სხვადასხვა ბოსტნეულობა და მწვანილი ელაგა. რამდენიმე კიტრი შიგ თავისუფლად ვერ მოთავსებულყო და ბოხჩის წვერების ნასკვნიდან სანახევროდ გარეთ იყო გამოშვებული.

— ღმერთო, მომკალი, ეს შეკრული თქვენ გიჭირავთ ხელში, — ზრდილობიანად უთხრა მარიკამ ეკატერინეს. — ტასია, ახლავე გამოართვი.

— მეჭიროს, შენი ჭირიმე, რა უჭირს, — მიუგო ეკატერინემ.

— აქეთ, ბატონო, — მორიდებულად უთხრა ტასიამ და ბოხჩა თითქმის ხელიდან ძალით გაოსტაცა.

— ჩვენი მოჯამაგირე მაშინათვე გაიქცა, შეჩვენებულნი, ძუკუს მამა მოუსვენარი კაცია, ერთი წუთის დაკარგვას ვერ მოითმენს, მაგრამ ჰო, იმასაც დღეს ბევრი საქმე ჰქონდა.

— ღმერთო, მომკალი, ჩემი ბიჭიც რომ არ მოვიდა ჯერ, — თანაგრძნობით მიუგო ეკატერინემ და იქით-აქეთ მიიხედა — ღმერთო, მომკალი, ამოდენა ბოხჩას ტასიას. რა წაალებინებს... ჩემი შთერებიც რომ არ არიან, — თქვა უმცროს შვილებზე. — სადილს იგდებენ თუ არა, რომ გაიქცევიან, მათ კვალს ვერ ნახავ საღამომიღი.

— რატომ, განა ამას მე ვერ მოვერევი? — ბოხჩა ხელში დაატრიალა ტასიამ. — ორი ამდენიც რომ იყოს, წავიღებ.

— მე წავიღებთ, ბატონო, მაგ ბოხჩას, — გამოეხმაურა ფარნა. — გზა მაინც იქითკენა ვაქვს, წისქვილში უნდა ჩავიარო.

— მამ საქმე გამოწყობილი ყოფილა, — მხიარულად წარმოთქვა მარიკამ და ერთიც ფარნას შეხედა იმნაირი თვალებით, თითქო ეუბნებო: ეს რომ გამიხარდა, ისე შენი დაბადება არ გამხარებიაო. ტასიამ ბოხჩა ფარნას ღიმილით გაუწოდა.

— აბა, ღამე ვშვილობისა, შენი ჭირიმე, ნუ შეწუხდებით, გენაცვალე, ეკატერინე, ნუ შეწუხდები, სევერიანე ნუ მოგიკვდება, — უარობდა მარიკა, როცა ეკატერინემ გაცილება დააპირა.

— ის არ მომიკვდეს იმის მეტი, რა თქვენი საკადრისია, — მიუგო ეკატერინემ. — მარტო ჭიშკრამდი, ბატონო, დიდი მადლობელი, თქვენი ჭირიმე, თქვენ ვინ გაგაწყინათ, თქვენ ვინ გკადრათ, ბატონო, მოსაკითხი იქით გხვდებათ, თქვენ რათ შეწუხდით, ამდენად არა ვღირვართ. ღმერთი შეაძლებინებს ჩემს სევერიანეს მაგიერ პატივისცემას, — წუწუნებდა ეკატერინე.

— რა ბრძანებაა, გენაცვალე, ის კი არაა, მკვდარი ვართ სევერიანესთან. ძუკუ ისე მიცოცხლა, ძუკუს მამაც ხშირად ამას ამბობს, მაგრამ სულ უღრობაა, სულ ხარჭი და დავიდარაბა.

— ოღონდ თქვენ ნუ შეწუხდებით, ბატონო, და მე... ისეთი რა მიქნია... ნეტავ შემეძლოს, — თავაზიანად ეუბნებოდა სევერიანე და თან ფიქრობდა, როდის იქნება ეს ცერემონია გათავდეს, ამ პირფერობას ბოლო მოეღოს, ესენი ეზოდან გავიდნენ და მე ჩემს საქმეს დავებრუნდეთ.

საუბედუროდ, სევერიანეს ჯიბრზე ქალები სრულებით არა ჩქარობდნენ და ტაატით მიდიოდნენ ჭიშკრისაკენ. სევერიანეც იძულებული იყო მათ ფეხის ხმაზე ევლო და ბრაზი გულში ჩაეკლა.

— ახლა კი მეტი არაა, ქმარ-შვილი ნუ მოგიკვდება, — მოიბოდიშა ისევ მარიკამ, როცა შუა ეზომდი, როგორც იყო, მივიდნენ.

— შენ არ მომიკვდე.

— ღმერთო, მომკალი, გაგაწყინეთ დღეს.

— შენ მტერს ღმერთი გაუწყრა, ის კი არაა. თქვენი მობრძანებით სული მოვიბრუნე დღეს, რამდენად მიღირს თქვენი ნახვა. მე კი, ნეტავი მომკლა, არც ღვინო, არც წყალი, ნეტავ სული ამომხადოს, ევთიმეს ისე ეწყინება, რომ...

ამ დროს ჭიშკარი აჭრიალდა და მამა ევთიმე გამოჩნდა თავის პატარა ჯორზე. უკან უნაგირის კომპულზე სავსე აბგა იყო დაკრული, საიდანაც შემწვარი ქათმის ბარკალი მოჩანდა.

— ცოლს რომ უყვარხარ, სათქმელი არაა, მოძღვარო, — მიელერსა მარიკა, — ის იყო გახსენა და თქვენც გამოჩნდით.

— ახ, ბატონო მარიკა! თქვენ მობრძანებულხართ და მე შინ არ დაგიხვდით. რომ მცოდნოდა, ადრე წამოვიდოდი, — მოიბოდიშა მამა ევთიმემ და დაუჩქარა ჯორს, რომელიც უნიისოდაც, რაკი ეზოში თავი შემოპყო, ყურებატკვეტილი, კულის მარჯვედ ქნევით მიცუცქრობდა.

მათ მოახლოვებაზე მამა ევთიმემ ჯორი შეაჩერა და ჩამოხტა. აღვირი ხელში დაიჭირა და მარიკას მიესალმა.

— ბატონო, ჩემი მოსელა ხომ არ გეწყინათ. — გაეხუმრა მამა ევთიმე, — მეც პოვედი და თქვენც ქე მიბრძანდებით. რა იქნება, ვითომ, ვახშმად რომ მომითმინოთ, მთვარიანი ღამეა, ბიჰს გაგატანთ.

— გმადლობთ, მოძღვარო, რა ხანია აქ ვართ, ეკატერინესთან ლაპარაკით ვერ გავძეხი, თორემ უფრო ადრე უნდა წავსულიყავი. ხვალისთვის იმდენი საქმე მაქვს...

— ხვალისთვის მართლა, კი ვიცი, — მხიარულად მიუგო მამა ევთიმემ. — აი, ახლა ვხედავდი ბასილს, ისეთი კალმანები დაიჭირა წისქვილის ზემოთ, რომ...

— ნაშ ხომ მოგახსენათ, ბატონო!

— კი, ბატონო, წერილი გამოუგზავნია ჩემთვის ბლალოჩინის თანაშემწეს. თქვენ მოიტანეთ, ბატონო?

— დიახ, ბატონო!

— მაშ, ხვალ თქვენი სტუმარი ვართ. ის ცრუ ქოსა პაპა ამბაკო ისე გავხადოთ, რომ ეს ჩვენი ციხე ჰონასტრად მოეჩვენოს.

— ჰ, ჰ! — მიუგო მარიკამ.

— ღმერთო, მომკალი, როგორ ისე... — ისევე მოიბოდიშა მამა ევთიმემ.

— დიდად გმადლობთ... ჩემთან ბოდიში რა საჭიროა. მეტი არა, ეკატერინე, მეტი არა, შენი თავი არ მომიკვდეს, იმის მეტი, — აქაქანდა მარიკა და ორივე ხელით ეკატერინე შეაჩერა.

— ბევრს ნუ შეაწუხებ, ქალო, — უთხრა მამა ევთიმემ. — მარტო სიტყვებით რა გამოვა... თუ ვიცოცხლეთ, კიდევ მოვესწრებით.

— კი, ბატონო, ღმერთმა თქვენი თავი გვიცოცხლოს, — მარილიანად თქვა მარიკამ, სამივეს ხელი ჩამოართვა, გამოემშვიდობა და შინისაკენ გასწია.

X XVI

გ ა მ ო მ ძ ი ე ბ ე ღ ი

გათენებისთანავე ბასილ მძებრადის სახლში ფაციფუცი დაიწყო. თავდაპირველად ხბო დაჰკლეს. ბასილის ნამოჯამაგირალი უჩანა, რომელიც დაცოლშვილებული ცალკე ესახლა, დილაადრიან მოვიდა ბასილის სახლში. ეს მეზორცედ მოეწვია ბასილს, როგორც თავისი

საქმის მცოდნე და გამოცდილი. ბასილის ახლანდელმა მოჯამაგირემ, კობთაიამ სასიმიინდეს ქვემოლან კისერზე ბაწარმოზმული ხბო გამოიყვანა და საკლავი ადგილისაკენ წაყვანა გაუპირა. საკლავ ადგილად მიჩნეული იყო ეზოს გვერდით ტყემლის ხე, რომელსაც ერთი ტოტი განზე გადაღუნული ჰქონდა და საკლავის ჩამოსაკიდებლად მოხერხებულ რასმე წარმოადგენდა. გარდა ამისა შიგნეულობის სარეცხად წისქვილის წყალიც აქედან ახლო იყო. საბრალო ხბო, თითქო ტანმა უგრძნო, რომ მისი უკანასკნელი წუთები ღვებოდა. ერთ ხანს გაუძალიანდა; წინა ფეხები მიწას მაგრა დააჭირა, კისერი გაჭიმა, თავი ძირს დახარა და ადგილიდან არ იძროდა.

— ჰა, ჰა, აშიო! — უკმაყოფილოდ დაუძახა კობთაიამ და თავს მოსწია. ხბო წაჩოთირდა და ისევ გაჩერდა.

— აუ, შე ოხერო, ხომ იცი, არა გვცალია. ბლალოჩინს ველით, გვეჩქარება და შენ კი საქმეს აჭიანურებ, — ისევ უკმაყოფილოდ შენიშნა კობთაიამ, ცალი ხელი უკან ფეხზე მოავლო და თან ბაწარსაც ღონივრად მოსწია. ძალად წააჩანჩალაკა. ტყემლის გარშემო მაღალი ბალახი იყო ამოსული. ხბომ ეს შენიშნა, ეგონა, საბალახოდ მივეყვართო და ფეხის ძალად ათიოდე გადადგმის შემდეგ მხიარულად თვითონვე წათოხარიკდა, თავს კმაყოფილებით აქნევედა და თანაც პატარა კლდს ნელ-ნელა თეძოებზე იცაცუნებდა.

უჩანა კი გალესილი დანით ხელში ტყემლის ძირას იდგა.

— ამდენ ხანს ხბო ვერ მოიყვანე, შე კაცო? — უსაყვედურა უჩანამ კობთაიას.

— არ წამოვიდა და!

— მე მაგას ვაჩვენებ, როგორ უნდა ჯიუტობა, თუ უჩანა ვარ, — კმაყოფილებით თქვა უჩანამ. ბაწრის ერთი ბოლო ხბოს უკანა ფეხზე მოაბა, კისერზე კი მოუხსნა. „ჰე“ ცქვიტად დაიძახა და თვალის დახამხამებაში. ხბო ტყემლის განზე გაწეულ ტოტზე თავდაღმა ჩამოკიდეს. იელვა დანამ, მუ... მუ, ერთი კი დაიბლავლა ხბომ, და ალისფერი სისხლი ჩქრიალ-ჩქრიალით დაიდვარა მწვანე მდელოზე და წითლად შეღება. რამდენიმე, ზოგი ბასილის და ზოგიც სხვისი ძალღი საიდანაც გაჩნდა და სწრაფად ლოკვა დაუწყეს თბილ სისხლს. სისხლი მოდიოდა და მოდიოდა, ახლა მდელოს გარდა ძალღების თავს, ყურებსა და კისერს ღებავდა... რ... რ... რ... ღრინავდა ერთი ძალღი. არ... არ... ემუქრებოდა მას მეორე... აფ... აფ... აფ... დაიყვანა მესამე.

— თოლი! მაგათ არ ხედავ, შე კაცო? იქით გარეკე, — კბილების ღრეკით უთხრა უჩანამ კობთაიას, ხბოს თავი მოატრიადა, შე-

მერთებელი ძვალი ატკაცუნდა, უჩანამ დანა დაუსვა და თავი კისერს მოაშორა.

— ეს გასაწყვეტები, ამ სხვის ძალებს რა უნდა, ვინ დაბატიჟა, ჩვენ რომ დღეს ხბოს ვკლავდით, ვინ შეატყობინა! — წააოიძახა კოხთაიამ, ტუკს ხელი მოავლო და ძალებს დაუშინა. ძალებმა ტკივილისაგან წელი დახარეს და ვაი-ვუის ძახილით აქეთ-იქით გაიფანტნენ, შორიახლო გაჩერდნენ და სიამოვნებით ტუჩებს ილოკავდნენ და თავმოშორებულ კისრიდან ჯერ კიდევ წვეთ-წვეთით ჩამომავალს სისხლს თვალებს არ ამორებდნენ. ხბო ჯერ კიდევ ინძრეოდა.

— ემაგრე, ბიჭებო, ემაგრე, გამარჯობა, ბაბა, უჩანა, შენ იცი და შენმა შვილობამ, როგორ დაფაცურდები დღეს. აბა, ჰე, შენ იცი, განა ტყუილად გაგზარდე! ტყუილად გაგზარდე! — თვალების ფშვნე-ტით და ახალუხის ღილების ბნევით მოლაპარაკობდა ბასილი და შათ ახლო გაჩერდა. — მსუქანი კი იქნება, მგონია.

— რა ბრძანებაა, ბატონო! — გაიკვირვა უჩანამ, — სიასამური იქნება, — დანით ფეხები მოჭრა და გატყავებას შეუდგა.

ცოტ-ცოტად მოწმეებიც მოგროვდნენ და რამდენიმე ხნის შემდეგ ბასილის დერეფანი ახმაურდა.

— მე შენ გეტყვი, თუ ღმერთმა ქნა და ასეთი დარები დაიჭირა, წრევანდელ ჰოსავალს კაცი ვერ მოერევა, — თქვა ერთმა ქალარა გლეხმა. თითქმის ყველა ტალახიანი იყო.

— ჯერ ნუ ჩქარობ, ბაბა, — მიუგო მეორე გრძელ თეთრწვევრამ, — აგვისტოში წვიმა თუ დააყოლა, შენი მტერი!

— არა, არა, გიორგი! — მოაძახეს მას აქეთ-იქით. — დღეის სწორი არ იყო ელიობა? ახლა სიმინდს ვერაფერი გააფუჭებს, ელიობაში თუ მივიდა მთელად, მერე ყოფილია ქირნახული.

— თუ წყალი გადავიდა? — ნელა შენიშნა გიორგიმ.

— ღმერთმა! გვაშოროს! — თითქმის ერთხმად წამოიძახა ყველამ.

— თუ წყალი გადავიდა, — გაერია ბასილი, რომელსაც რაღაც განკარგულება მიეცა ბიჭებისათვის და ის იყო აივანზე ამოდრიოდა, რა თქმა უნდა, განუშორებელი ჩიბუხით. — თუ წყალი გადავიდა? — ბასილმა დაუსტვინა, — მაშინ, ბაბა, მაშინ, ბაბა, შევიკრათ ბარგი და სადმე უნდა გადავსახლდეთ.

— არა, ბატონო ბასილ, წყალი წრეულს არ გადავა, — გამოეხმაურა ერთი დაბალი და გამხდარი გლეხი, რომელსაც პირში პატარა ყალიონის ტარი ედო. — მარტში გათავდა, ბატონო, წრეულს წყლის გადასვლა. წყალმა წრეულს, რაც უნდოდა, მაშინ

გაათავა. აბა გახსოვთ ვისმე ამდენი გადასვლა? მერე ისეთი ნელო გადასვლა.

— მართალს ამბობს სოსრანი, შეუნიშნავს, — თქვა გიორგიმ. — მართლა, ჯერ ასეთი წყლის გადასვლა არ მახსოვს. ერთი მტკაველა მიწა არ გაუფუჭებია წრეულს.

— გააკეთა კი ბევრი, — კმაყოფილებით თქვა სოსრანმა.

— ძალიან კი გააკეთა! მოსიას მიწა ნახევარზე მეტი ჭურიაში ჩაიტანა, — შენიშნა ერთმა.

— ის რა ვუყოთ, ის ისეთ ალაგასაა, რომ სულ წაიღებს მაგ მიწას, — თქვა სოსრანმა.

— იმასაც არ დააჯერებს და მგონი ქანიწყალი სულ მოსახვევს პირდაპირ რომ დაყვეს და ირმის ნახეთქის ზემოთ თავი გამოყოს, მაშინ რას ეტყვი?

— ღმერთმა აშროს... ა, პა, პა, — შეშინებულად ახმაურდა თითქმის ყველა. — ნახევარი ჭყონონა დაილუპება. სულ მცირე, ორას ჭყევა მიწას გააფუჭებს.

— ბაბამეე, — დინჯად შენიშნა გიორგიმ. — იმას ახლავე უნდა შეველა, ახლავე უნდა გამაგრება, თორემ თუ ერთხელ დაიძრა და გზა იშოვნა. მოსიას მიწას კი არაა, ფილუ, შენსას ქვეშ მოიყოლიებს.

— ა, წიე, — მიუგო ფილუმ. — ღმერთმა აშროს!

— ეს ყველა კარგი, ვთქვათ, მაგრამ, ეს ჩემი სტუმარი რომ ამდენ ხანს არ მოდის, მაგას რა ჰქვია, ეს ხომ ქანიწყლის ბრალი არ არის? — წარმოთქვა ბასილმა.

— დრო კი არის, კაცმა რომ თქვას, — მიუგეს ზოგიერთებმა, — შეხედე, მზე სანამდი მოსულა.

— წვრილ სადილობამდი ბევრი არ აკლია, — თქვა ჩვენმა ნაცნობმა კუდამ, რომელიც როგორღაც მოწმეთა რიცხვში მოჰყოლიყო.

— ირაკლის და პაველესაც რომ არა ვხედავ, — იკითხა ერთმა.

— ისინი კი აქ არიან... არაფერია, — გაფანტულად თქვა ბასილმა, ფეხის წვერებზე შედგა და ჭიშკრისაკენ რაღაცას თვალთვლიერება დაუწყო. — ეგერ, ვილატა კი მოჩანს, ცხენითაა თუ ჯორით, — დაუმატა მან.

ყველამ იკითხენ. მიიხედა.

— ეს ჩვენი ეთუმე მღვდელია, — თქვა კუდამ.

— დიახ, ეთუმე მღვდელია, — დაემოწმნენ სხვებიც.

— ისინიც ქე უნდა მოსულიყვნენ ამდენ ხანს, — ცოტა გაკვირვებით თქვა ბასილმა და დარბაზში შევიდა. მარიკა და ტასია რაღაცებს ალაგებდნენ.

— ხარდანადის ქალო, — უთხრა ბასილმა, — სამოვარი ხომ არ დაადგმევინე?

— გადადულდა და გაშრა კიდეც. აი ჩქარა, აი ჩქარაო და მეც ავდექი თუ არა, მაშინათვე დავადგმევინე...

— კარგი გიქნია, საცადაა მოვლენ, ჩვენი ევთიმე ქე მოდის.

— ბლალოჩინიც ქე მობრძანდება, ბატონო, ბლალოჩინიც, — აჩქარებულად შემოილაპარაკეს დერეფნიდან.

— აბა ვინმე ცხენები გამოართვით, — განკარგულება მისცა ბასილმა და თვითონაც აივანზე გამოვიდა, რომ სტუმრებს მიგებებოდა.

მამა ევთიმე, გამომძიებელი, ბლალოჩინის თანაშემწე მღვდელი მამა აშბაკო, მისი მწერალი და ერთიც მათი მხლებელი ერთად შემოვიდნენ ბასილის ეზოში.

მამა ევთიმე ჩვეულებრივ ჯორზე იჯდა. მამა ამბაკო მშვენიერ, ნახშირივით შავ ცხენზე. ეზოში შემოსვლისთანავე მამა ამბაკომ ცხენს ჰათრახი დაარტყა. ცხენმა კისერი მოიღერა და გასახტომად პოემზადა, მაგრამ მხედარმა გამოცდილი ხელით მაგრა დაიჭირა აღვირი, ცხენი რამდენჯერმე კიშმიშზე შეაყენა, ისევ შემოკრა მათრახი. განზე გააჭენა და ერთი ხის ძირას ჩამოხტა.

მწერალი და მხლებელი, ეტყობოდათ, სოფლური ფოსტის ცხენებზე ისხდნენ. ისეთაირად მოჩანჩალებდნენ და იმდენად მკვლე ცხენები იყვნენ, რომ ზედ ჯდომა კი არა, კაცს ეგონებოდა, ეს არის მიწაზე გაგორდებიან და ფეხებს გაფშეკენო! მიუხედავად ამისა, მხედრები ამაყად უნაგირზე განზე გადამჯდარიყვნენ და შარტო ძვალ და ტყავდარჩენილ გვერდებზე მათრახს უტყლაშუნებდნენ.

— მაგისტანა მღვდელს, ბასილ მძებრაძე, — გამარჯვების მაგიერად დაიძახა ცხენიდან ჩამოხტომისთანავე მამა ამბაკომ. — მაგისტანა მღვდელს, — მიუთითა მამა ევთიმეზე, რომელიც ჯორიდან ჩამოშტარიყო და მოსართავებს უშვებდა. — მაგისტანა მღვდელს, რა ჰქვია, იმ თქვენ მეწისქვილეს, დამავიწყდა, ნააბრაგევი რომ არის, მაგისტანა მღვდელს, მე თქვენი ვიყო, ბაბა, ავიყვან, და შენ ხარ ჩემი ბატონი, პროპროშიკად დავუყენებ. კაცო, მე ამ სიშორიდან შოვედი და ესეც ჩემთან მოვიდა. ამ შენ ჰიშკართან შემხვდა, ხახუს სულს ვფიცავ.

— დაიკარგე, დაიკარგე იქით, — ხუმრობითვე მიუგო მამა ევთიმემ, — მაძინიას პოპროშიკობა სწორედ შენ გეკუთვნის. ქოსა კაცის პოპროშიკი ქოსა უნდა იყოს.

— აი, რას ამბობს, კუბაკი. ყაზახი გავაზნაურე და ახლა გამითამამდა. დამაცადე, მე შენი თავი თუ ბედენიკზე წარვადგენინე, — უხუმრა მამა ამბაკომაც და აივნისაკენ გაემართა. ბასილი მიეგება.

— ჰო, კაცო, დილა მშვიდობისა არც კი მითქვამს. ისე კი ერთი კალათი საესე ქე ვილაპარაკეთ, — ვითომდა მოიბოდიშა მამა ამბაკომ. — დილა მშვიდობისა — დილა სიხარული, როგორ მშვიდობით, როგორ კარგად გიკითხობ? — სხაპასხუპით თქვა ამბაკომ და ბასილს ხელი ჩამოართვა. მამა ამბაკოს ლაპარაკში, სიარულში, მიხვრა-მოხვრაში სიჩქარე ეტყობოდა. მისი სახეც და შოკლე ქოსა წვერებიც თითქო სადღაც მიიჩქაროდნენ. — ასეთი ახმახი რომ შეგეყრება, — გაიშვირა ხელი მამა ევთიმესკენ, — გამარჯვებაც დაგავიწყდება.

— უკაცრაოდ, ჩვენ მღვდელს მასე ნუ იგდებ შენ, მამაო, თორემ, ცულად იქნება შენი საქმე, მაგას ისეთი ჭინჭარი ეზრდება ბოსტანში, რომ თუ საკბენად მოგაწოდა, ამ მომავალ დროის მღვდლებს, პა, პა, პა, — ნიშნის მოგებით მიუგო ბასილმა.

ბლალოჩინის თანაშემწე აივანზე ავიდა, მოწმეები მოწიწებით მიეგებნენ და შენდობა მოსთხოვეს.

— შენ როგორ დადიას ხოჯით. გაგიჩიჩხინებია, ყაზახო, უღვაშები! — ხუმრობით შეუტია ერთ მართლა გრძელუღვაშა გლეხს. — ხუთი კოკა შემოგითვალე და მარტო სამი გამომიგზავნე და ისიც როგორი, მირონცხებულ კაცს არ დაეღეოდა.

— აი შენი ჯავრი მეტი, — თავის ქნევით მიუგო გლეხმა, რომელსაც პავლეს ეძახდნენ. — ახლა, რაც გაგიგზავნე, იმასაც კი ვნანობ, თორემ... შენმა მოხმარებამ ჩემ შვილს რამე რომ უშველა... ხომ წაიყვანეს სალდათად, — ნაღვლიანად დაუმატა გლეხმა.

— ოხ! განა? — ვითომდა გაიკვირვა მამა ამბაკომ. — რატომ მაშინათვე ჩემთან არ მოდი.

— როცა მოვედი, მაშინაც ნეტავ არ მოვსულიყავი, სამი კოკა ქარვასავით ღვინო დავკარგე.

მამა ამბაკოს უნდოდა რაღაც ეპასუხნა, ცოტაც კი რცხვენოდა, მაგრამ ამ დროს მარიკა გამოვიდა, უკან ტასია მოსდევდა.

— პა, ქალბატონ მარიკას! — ალტაცებით წარმოთქვა ბლალოჩინის თანაშემწემ.

— აბა, ამას ჰქვიან, ჩემო ბატონო, ჭალა ალაგას ცხოვრება, დოვლათთან, ეზოში ჰაერის სუნთქვა, როგორ გასუქებულხარო, — თან ლაპარაკობდა და თან ხელი გაუწოდა სამთხვევად. — ჩემ ცოლს

რალა ღმერთი გაუწყრა ნეტავი? რა ნასაკურთხი არ ვაქამე, სანდ აბანოებზე არ დავათრევე, არა ეშველა რა, ძაინც ფარგასა ჰგავს კარამოკეტილი.

— ვოო, ვოო, რა მასხარა შენა ხარ, — სიცილით უთხრა მარიკამ, ხელზე ემთხვია და განზე გადგა, რომ ტუსია ვიეშვა.

— ა!.. — ხმამალლა და გაქიანურებულად წამოიძახა მამა ამბაკომ. — ეს შენი ცირაა, არა? დიდო, დიდო, დიდო, დიდო! ამას წინეთ ვხედავდი, ერთი გოჯის ტოლა იყო. რავე გათქვიშინებულა, ქერს ხომ არ აკმევენი! ეჰე, ჩემო ბასილი, ფრთხილად იყავი, თორემ! კარგი არ არის, ახლა რომ საცოლვე ვიყო?

— თოლი, იქით დაიკარგე, შე ცეცხლმოკიდებულო, რას ლაპარაკობ, — გააწყვეტინა მარიკამ და ჰაერში ხელი გაიქნია, ვითომდა ამბაკოს საცემად. — რასაა, ნეტავი, ბალანას რომ ეუბნები.

ტასია ხელზე ემთხვია და გაწითლებული გაიქცა.

— რა დიდ გულზე ხარ, ხარდანაძის ქალო, — ბოხი ხმით მიუგო მამა ამბაკომ და ენა სასაცილოდ აათამაშა. — შენ გოგოს კი არა, შენ გაგებუმრებიან... ხელს დაგწვამ, აი, მამა გიცხონდა, საცოლვე რომ ვიყვე ახლა. დამიწუნე ან გვარიშიელობა, ან ყმაწვილებიკობა, ან სხვა რამე. რა გაუგებარი და მიუმხვდარი ხალხია, ხახუ ნუ მომიკვდება! გამოძღვარან და ქოსას მეძახიან. ქოსა მე სრულებით არა ვარ, ქოსა კი არა, ყმაწვილი ვარ ოცდაროი წლისა. შენ ქმარსაც კი აქვს კოჩას თხსავით დიდი წვერი, მარა რა გააკეთა? კოცნას უშლიდეს იქნება?

— იქით დაიკარგე, შე უსირცხვილოვ, იმას არა სჯობია, რაზედაც მოსულხარ, ის გაათავო და ჩქარა წახვიდე აქედან, — ხუმრობით მიუგო მარიკამ.

— ბასილი მძებრაძე-მეტქი, ბასილი მძებრაძე-მეტქი! — ვითომდა გულმოსულად დაიძახა მამა ამბაკომ.

— ბატონო, — უპასუხა ბასილმა, რომელიც ცხენების დაბინავების განკარგულებას იძლეოდა.

— ეს ქალი მომაშორე, ძმაო, ეს ქალი მომაშორე აქედან, თორემ ახალ გამოძიებას კი არა, გამოძიებულსაც დაეხვე და მერე აზნაურობას თავი დაანებე, გლეხობას საქებრად გაგიხდი.

— მე ახლა, მამაო, — ხუმრობითვე მიუგო ბასილმა, — შენთვის მიწოდდა ვეკითხნა: ეგებ რამე ახალი კანონი იცოდე, რომ ეს ქალი მომაშორონ, და შენ მე ვეკითხები?

— ფოი! რას ჩერჩეტობენ, — ჩაილაპარაკა მარიკამ და სახლში შევიდა.

— კაი კაცია, სწორედ, კაი მხიარული ხასიათისაა, სულ განსვენებულ დეკანოზს ჰგავს, — ჩუმად, მაგრამ მამა ამბაკოს გასაგონად თქვეს ზოგიერთებმა.

— კი, კი, კაი კაცია, — დაემოწმნენ სხვები და ამბაკოს არ გასაგონად დაუმატეს: — კაი კაცია, ცოტა ჩქარი რომ არ იყოს და... არ უყვარდეს...

— აჰა, — დაამთქნარეს სხვებმა, — მიქამგარიო, შენ შემიწყალე, — თქვეს და პირჯვარი გადიწერეს.

— მამაო, ქე მაინც ახლა, არც მათრახს მომცემ, არც ანაფორას გაიხდი, საქმეს აღარ შეუღლები? მამაო, რას შვრები? — ხუმრობით უთხრა ბასილმა.

ამბაკომ ბასილს საგანგებოდ თვალები გაუშტერა, ორივე ხელი ანაფორის საკინძეზე დაივლო და ისე სასაცილოდ ბასილს შეაჩერდა.

— ხა, ხა, ხა, — გაიციინა ყველამ.

მამა ამბაკომ ანაფორის ღილი ჩუმად გახსნა და უნდა გაეხადა, რომ უცბად ხელები ძირს დაუშვა, მერე ერთბაშად ზევით ასწია და მხიარულად დაიძახა:

— დედა, დედა, ვის ვხედავ, ვის ვუყურებ! აქ მობრძანდით, ჩემო გვრიტებო, ჩემო ჩიტებო, ჩემო გასაახნაურებლებო, ჩემო სულელებო და ჩემო გულელებო. იმიტომაა ჰყონონა ქებული, რომ ასეთი აღმასები ჰყავს.

მის წინ ირაკლი, ბართლომე, პავლე და ძუკუ იდგნენ. შენდობა აიღეს.

— თოლი, ეს უბედურები, რავა, სულ გახუნებულან, მაგათ აზნაურობა რათ უნდათ, — გაეხუმრა ირაკლის და პავლეს. — ამას კი კიდევ არა უშავს რა, — თქვა ბართლომეზე. — ჩოხა მაინც გვარიანი აცვია. — ჰა, ძუკუს ვეახლები ლეჩხუმელი მეკურტნეებით, გამარჯობა, გაგიმარჯოს! კიდევ ვერ მიაგენი, სად უძევს ბასილს ფულები? ჰაგისთანები ბართლომეს ჰკითხე ხოლმე, ის დაგასწავლის.

— ოო! ერთი კიდევ ჩამიგლო შენი თავი ნარდში, ვაი შური საყვარელი, — გულზე მუშტის მიბრახუნებით თქვა ბართლომემ.

— ვაი დედაშენს, ვაი ბაბუაშენს, — თავის კანტურით ნაღვლიანად მიუგო მამა ამბაკომ. — კაცნო, ძმანო არა ხართ ქრისტიანები. ისმინეთ და გაიგონეთ. ერთი საათის განმავლობაში ერთი თუჰანი წამართვა, თუმანი, თუმანი! — მოტირალი ხმით გააგრძელა ამბაკომ. — ახალშეკერილი წალღის ამოსაღებად მიმქონდა. შემოვიღამდა. დუტუ ბურდინაძეს ვესტუმრე, ეს წყეულიც იქ დამიხვდა. ვითამაშეთ, ვითამაშეთ, — ამოიოხრა მამა ამბაკომ. — და თუმანი, თუმანი..

აი, აი, ცოლმა კინალამ მომკლა, — აღამალლა ხმა, მუშტი მოუღერა ბართლომეს. — ხომ ჩაგიგდე ხელშიო, — ო... შენი გააზნაურება ამა-
შია ა... — დააქნია მოკუმული მუჭი.

— აბა, ვამაო, აბა, ბატონო, — ჩაილაპარაკა დინჯად ბასილმა.

— აჰა, ძმაო, რა გაგიჭირდათ, ჰა, — დაიძახა მამა ამბაკომ, ანა-
ფორა გაინადა და გადასცა ბასილის მოსამსახურე გოგოს, რომელმაც
პატივისცემით ორივე ხელზე დაიდო. ანაფორაზე ქული დადო, მასზე
მათრახი, საჩქაროდ ახალუხის ღილებიც გაიხსნა: — ახალუხიც
გავიხადო? — დაეკითხა გოგოს, რომელიც თავდაკიდვით მორცხვად
იციროდა, — ა... დაია, პერანგიც გავიხადო? ჰა, ძმაო, ჰა, ბარემ ესეც
გაქნადეთ, — გაიშვირა ცალი ფეხი.

— სულ არ გადაიროს კარამოსაკეტი, — თავისთვის თქვა
ბართლომემ და მერე ხმამალლა დაუმატა: — თუ მაინცდამაინც
უფალს უნდა მიგიღოს და საგიჟეთში გასაგზავნად გაგხადოს, ქე
მაინც ეს გამოიძიე, ამდენი ხარჯი არ გვაზარალო და მერე რაც
დაგემართება, მადლობა ღმერთს, რა ვქნათ. ყველანი იქ წამსვლელები
ვართ.

— იმ დღეს შენ არ მოესწრები! სუთ, სუთ, მართლა, გვეყოფა,
გვეყოფა, შეიძლება ბასილი მართლაც გაჯავრდეს, — დინჯად თქვა
მამა ამბაკომ, კაბის ღილები ისევ შეიბნია, საქმიანი სახე მიიღო და
მწერალს დაუძახა:

— სარდიონ, სარდიონ, აბა, ბაბა, საქმე.

— აბა, მამაო, ჯერ ერთი სტაქანი ჩაი, რახანია დამზადებულია, —
უთხრა ბასილმა.

— მარტო ერთი სტაქანი? მარტო ერთი სტაქანი? ყაზახს რა
ეჩაიება, ქიქები არ დაამტვრიონ, — გაიშვირა ხელი მამა ამბა-
კომ. — აა, კაი კაცო, ამიტომ მიყვარხარ, აი!

— მოძღვარი სადღაა? — იკითხა მარიკამ, როცა მამა ამბაკო
მაგიდას მოუჭდა.

— ესეც საკითხავათ მიგაჩნია? — მიუგო ამბაკომ. — კაცი დღე
და ღამე თქვენთან არის და ხასიათი კიდევ არ შეგიტყვიათ. ჯორს
აბნანავებდეს იქნება, როგორც თვითონ ამბობს, არ მინახავს, რომ
კაცს ჯორი კი არა, ცოლიც ისე უყვარდა, როგორც მამა ევთიშეს
თავისი კოკია-ჯორი.

— მაინც რომ არ გაუროს, არ შეიძლება, — თქვეს ზოგი-
ერთებმა.

— ხვითოა, ბაბა, ხვითო, და ამიტომაც უყვარს. შენ ქე ეხუმრე-

ბი, ჯორი კი არა, დაუდექია. ხუთ შვილს ქე ზრდის ი კაცი მაგ ერთი ჯორით, — ქება შეასხა ბასილმა.

— ჰგონი შენც შეგყვარებია ეგ ჯორი, როგორც ვატყობ, — მიუგო მამა ამბაკომ, ერთი ეშმაკურად ჩაიციინა და ჩაი მოხვრიბა.

ჩაი მოწმეებსაც დააღევინეს, თითო არაყიც მიაყოლეს და მერე გამომძიებელი საქმეს შეუდგა.

დარბაზის შუაგულ მაგიდაზე ქალაღები დააწყვეს, თვითონაც მოუსხდნენ და საქმეს შეუდგნენ. ბევრი თავი არ შეუწუხებია მამა ამბაკოს მოწმეების სათითაოდ ჩვენების ჩამორთმევაში, თუ როდის დაიბადა ირაკლი, ან პავლე, მღვდელი ვინ იყო, პრიჩეტნიკი ვინ ჰყავდა, რა თვე და დღე იყო. ჯერ ყველანი მამა ევთიმემ დააფიცა. მერე მამა ამბაკომ მოწმეები ერთად დააყენა და საზოგადოდ ჰკითხა: ირაკლი და პავლე ზურაბის შვილები არიან თუ არა?

— კი, ბატონო, — იგრიალეს მოწმეებმა.

— ირაკლი ხომ 18... წელს დაიბადა, იანვრის 5-ს?

— კი, ბატონო, — მიუგეს მოწმეებმა.

— ბასილი ხომ მერაბის შვილია?

— კი, ბატონო, — ამბობდნენ მოწმეები.

— მერაბი ხომ ზურაბის ძმა იყო?

— კი, ბატონო.

— მერაბი ხომ სუმონის შვილი იყო?

— სუმანიკას შვილი იყო, კი, ბატონო, კი, ბატონო, და კი ბატონო!

— უკაცრაოდ, მამაო, — ზრდილობიანად უთხრა ბართლომემ, მივიდა და რაღაც ყურში ჩასჩურჩულა.

— შენ გირჩევნია ისე? — მიუგო მამა ამბაკომ და თვალბში შეაჩერდა. — კარგი, ბატონი ბრძანდები! ჩემთვის უკეთესია. აბა, ბატონებო, გარეთ მიბრძანდით.

ყველა გარეთ გავიდა. მამა ამბაკომ კარების დაკეტვა უბრძანა, მოწმეების სია ხელში აიღო და დაიძახა.

— გახუნია ძლანძლალაძე!

შემოვიდა გახუნია.

— შენ ხარ გახუნია ძლანძლალაძე?

— დიახ, ბატონო, — მიუგო გახუნიამ.

— რამდენი წლისა ხარ?

— რა ვიცი, ბატონო, ვიქნები ასე ორმოცის წლისა.

მამა ამბაკომ ბართლომეს შეხედა. თითქო ეუბნებო: აბა, კარგად ყური დაუგდო.

— კარგი, — მიუგო მამა ამბაკომ.

— პავლეს დაბადება-ნათვლა ხომ გახსოვს?

— კი, ბატონო?

— აბა, მითხარი, რომელ წელს იყო?

გლეხი გაჩერდა.

— ორმოცდა შვიდს იყო, ხომ? — ჰეშველა მამა ამბაკომ.

— დიახ, ბატონო, — მიუგო გახუნიაძე.

მამა ამბაკომ ერთი ბართლომეს შეხედა, ერთიც ბასილს, ირაკლის და პავლეს.

— დაეწერო ასე? — დაეკითხა ბართლომეს.

ბართლომე გაფითრებული იდგა, ხმას არ იღებდა.

— ესე იგი, გამოდის აჰ პავლეს ჩვენებით, რომ პავლე თვით მოწმეზე ჯაი რვა-ცხრა წლით უფროსი ყოფილა, და მოწმე კი ამბოზს პავლეს დაბადება და ნათვლა მახსოვსო.

მამა ამბაკომ გაჩუმდა და დამცინავად შეჰყურებდა მძებრადეებს.

— თავისუფალი ხარ, — უთხრა მამა ამბაკომ გახუნიაძეს. გახუნიაძე გარეთ გამოვიდა.

— აი? — მიუბრუნდა ისევ ბართლომეს, — დაეწეროთ ასე? — ბართლომემ თავი მოიფხანა.

— ო... რა ჩქარა შეგიღვარე წყალი? ნარდი კი არა, მგონია, ბანქოსაც დაგავიწყებ დღეს, — მხიარულად და სიცილით თქვა მამა ამბაკომ. — მაგათი ჩვენება, როგორც ისინი სათითაოდ იტყვიან, ისე თუ დასწერე, კანტორა ჰოწმობას მოგცემს კი არა, ტუკით გამოგეკიდება. ხაშურის იქით ფეხის გადადგმის ნებასაც არ მოგცემენ.

— დასწყევლა ღმერთმა, მე უკეთესი მეგონა? — იმართლა თავი ბართლომემ.

— ო! შენ ოთუხბირი იყო გეგონა? წადი, წადი, ისინი იქ გარეთ გაართე, როგორმე არ მოაწყინო. ზუნტი არ ატეხონ სადილობამდი და ამას ჩვენ დაეწეროთ, როგორც რიგია. საზოგადო კითხვები ხომ დაუსვი? — კი ბატონოვო, ხომ მიპასუხეს? ახლა თავისუფალი არიან. მხოლოდ ხელისმოწერის დროს შემომიყვანე.

— აბა, ახლა, სარდიონ, შენებურად, — მიუბრუნდა მამა ამბაკომ მწერალს, წერე და წერე, წერე და წერე! მოწმეების სია, აი, აგერა გაქვს, ჰე კი, ძმაო, თუ ცოტა თვალი არ მოვატყუილე, თავი აგერა კვახივით გამისქლება. წუხელ მაინც მეტი მოგვივიდა. მაგისთანა მაგარი ღვინო, ადესის კი არა, სვირულიც არ მინახავს!

— ვისთან იყავით? — ჰკითხა მამა ევთიმემ.

— სოსო ჯანჭღაიას სახლში, რათ გინდა, ამოვწყდით, ამოვწყდით. თითქმის თენდებოდა, სუფრა რომ აიშალა.

ამ სიტყვებით მამა ამბაკო ტახტზე წამოწვა.

— ბალიში, ბატონო, ბალიში! — მიაძახა შემთხვევით შემოსულმა მარიკამ.

— კარგი ქე იქნება, — დაღლილი ხმით მიუგო მამა ამბაკომ.

რამდენიმე წუთის შემდეგ მამა ამბაკომ გემრიელი ხვრინვა ამოუშვა და სარდიონი კი, რაც ძალი და ღონე ჰქონდა, კალამს ქაღალდზე ავლებდა. ხანდახან დაბეჭდილ პატარა წიგნს ჩახედავდა, რომელიც წინ გაშლილი ედო, და ხან მოწმეებდნის სიას.

მამა ევთიმე ცოტა ხანი გაჩუმებული იჯდა, მაგრამ იმასაც ძილი მოერია უსაქმობისა გამო და თავის კანტური დაიწყო. რომ არ დასძინებოდა, ეზოში გავიდა და ჩრდილქვეშ გლეხებს მოუჯდა. იქაც ნახევარზე მეტ მოწმეებს ჩრდილქვეშ დასძინებოდა. ნაშუაღლევის ორი საათი იქნებოდა, როცა მამა ამბაკო ოღნავ შეინძრა, ერთი გაგორ-გამოგორდა ტახტზე. შეკუმშული ხმით რაღაც გაუგებარი მიაძახა, ერთიც ლაზათიანად დაამთქნარა და გამოიღვიძა.

— უფუ, უფუ... ა... პა... პა... პა... — გაზმორებით წამოიძახა მამა ამბაკომ, პირი მწერლისაყენ იბრუნა, მარჯვენა მხარზე დაწვა და თავქვეშ ბალიში გაისწორა. — აბა, სარდიონ, რა დამესიზმრა თუ იცი?

— ხო! ამოგაგდოს ჩემმა გამჩენმა, ხელი რომ მოჰჭრა, ვერაფერს ვიგრძნობ და ეს კი სიზმრებზე მელაპარაკება.

— გაათავე, ა?

— თითქმის ვათავებ, მარა რათ გინდა, ასე არ დავლილვარ ჩემს სიცოცხლეში, შენ ქე მაინც დაიძინე, ზაბა, და მე... ერთი მაინც დაგეწერა ეგ ოხერი.

— დამეწერა კი არა, ღმერთს გეფიცები, რომ არ დამეძინა, ცუდად იყო ჩემი საქმე. შენ ამ დილას ცოტა მაინც თვალი მოატყუე და ქე ერთი ყუნტი რა არის! ღმერთო, დიდება შენდა, — დაამთქნარა მამა ამბაკომ.

— ახლა ხომ კარგად ხარ? — დაეკითხა სარდიონი.

— ახლა? ახლა მოგეცა ღვთის წყალობა! მე შენ დღეს მოგილხინო, ასე ვარ, როგორც მერცხალი, ასე გაგხდი, რომ ძაღლს ბაბას ეძახდე!

სარდიონმა წერა გაათავა.

— აბა, მამა ამბაკო, ხელი მოაწერეთ, მოვიხმით მოწმეები და ზელი მოვაწერინოთ, — უთხრა სარდიონმა.

— მე კი მოვასწრებ, შე კაცო, მე რა მეჩქარება. ჭერეთ დაპირებული რომ არ მომცენ, ისე ხელს მოვაწერ კი არა, — ჩაულაპარაკა სარდიონს და ზეზე წაჰოვარდა. — აა, — გაიზმორა და თვალეზზე ხელი მოისვა. — დაბეჭილივით ვარ რაღაც, ეგ ოხერი. ხომ რიგიანად დასწერე, შეცთომა ხომ არ მოგსვლია?

— არ მომსვლია, მგონია, პირველად ხომ არა ვწერ.

— კარგი, კარგი, ჩემო სარდიონ, უკაცრაოდ კი ვარ, რომ ვერ მოგეხმარე, მაგრამ, ერთი რომ, ეგ ოხერი, წერას რომ დავიწყებ, მაშინათვე შეცთომა მომივა და მეორე, რაც უფრო სახეში მისაღებია, დაღლილი ვიყავი.

— მე კი არ ვიყავი დაღლილი, მარტო ორი საათი მეძინა ამ დილას!

— აი, ახლა ნუ გადაყვები, დავუძახოთ ჰოწმეებს. სამაგიეროდ, თუ ამბაკო ვარ, პირობაზე ხუთიანს ზედ დაგიმატებ. აბა, დაუძახეთ, დაუძახეთ და ჩქარა ერთი, ზაბა, თორემ აგერ კუჭი გამიხმა შემშილით.

— აბა, ახლა, ძმებო, ხელი მოაწერეთ — მიუბრუნდა მამა ამბაკო მოწვევებს.

— რას, ბატონო, — გამოეხმაურა გიორგი.

— ა... ვირი ყაზახი... არ გახსოვს, რაც გითხარი ამას წინათ, — მოკლედ გაუმეორა ამბაკო უველაფერი.

მოწმეებმა ხელი მოაწერეს. წერის მცოდნე აღმოჩნდა ორი ააცი, რომელთაც არწუენეს დანარჩენებმა თავისი შაგიერ ხელის მოწერა.

— ო-ო, ჰო! ხომ გაგააზნაურე, — გაეხუმრა მამა ამბაკო ირაკლის. — შენგან ცალკე, ხახუ ნუ მომიკვდება, ერთი ხარი ქე მერგება.

— აი, მე ხარი მომცა და შენთვის კურტანი დამიდგა წელზე, — მიუგო ირაკლი.

— აბა, რას ბოდავს? ერთი წყალი მომიტანეთ, პირსაბანი, თორემ დაწერა თუ შემეძლო, დახვევაც შემეძლია. წყალი!

საჩქაროდ მოართვეს. მამა ამბაკო პირის ზანას შეუდგა.

XXVII

ს ა დ ი ლ ზ ე

ბასილ მძებრადის დარბაზის კედლის გასწვრივ, ტახტის წინ ფართო და გრძელი სასადილო მაგიდა იყო გაშლილი, მაგიდაზე თეთრი ტილოს სუფრა ეფარა. მასზე წყვილ-წყვილად რიგზე დაწყო-

ბილი იყო. ღვინით და სხვა სასმელებით სავსე ბოთლები და სხვადა-სხვა ზოვის ქიქები.

სუფრის თავზე საპატიო ალაგას მამა ამბაკო დასვეს. მას ჰამა ევთიმე მოუჭდა, შემდეგ სარდიონი და ისე რიგ-რიგად, ღირსების გვარად. ვინც ერთ მხარეს მაგიდაზე არ დაეცა, მათთვის მოპირდაპირე კედლის გასწვრივ მეორე ტაბაკი გაპართეს და ამრიგად, ბასილის დარბაზი იქით-აქეთ სტუმრებით გაიქედა.

როცა ყველამ დაიჭირა თავ-თავისი ადგილი, რომლის მოწეს-რიგებასაც კარგა დრო მოუნდა, საქმელების შემოტანა დაიწყო.

პირველად თეფშებზე დაგებული ცხელი ღვინო შემოიტანეს და ყველას სათითაოდ წინ დაუდგეს. მას მიაყოლეს ახალი სულგუნის ყველი, შემწვარი კალმანი, მწვანილი და თეთრი პური წვრილ-წვრილად დაჭრილი. შემოიტანეს აგრეთვე შემწვარი ქათამი ნიგვზის წვენგადასხმული, ყველასათვის ცალ-ცალკე თეფშზე დაწყობილი.

რამდენად საპატიო იყო სტუმარი, იმდენად ხორციც მეტი ეწყობოდა თეფშზე და რამდენად ისე... იმის კერძი ერთი ბარკლით, კისრის ნატეხით, ან ფილტვებით ისაზღვრებოდა. სამაგიეროდ, მაგნიარი სტუმრის თეფში წვნით პირამდი სავსე იყო.

მამა ამბაკოს თეფშზე ქათმის საუკეთესო ნაჭრები. თითქმის უკლებლად ელაგა.

— აბა, თქვენი ჭირი, ბატონებო! ნუ გააცივებთ, რაცა გვაქვს, მიირთვით, — შეეხვეწა ბასილი სტუმრებს.

— თქვენც მობრძანდით, ბასილ; თქვენც, — მოიპატიჟეს მღვდლებმა.

— ირაკლი და პავლე, მობრძანდით.

— თქვენი თავი ნუ მომიკვდება, — მიუგო სამივემ, — ჩვენ ჯერ პატარა-პატარა საქმე გვაქვს.

— ბართლომე მაინც რასა დგას მესამე ბორბალივით, ეს ხომ არავითარ განკარგულებას არ იძლევა. ტყუილად მოსამსახურებებს ეჩრება, ჩემი კერძი ქათმის წვენი კინალამ დაადვრევიანა, ცოტა დააკლდა, თორემ და ქე დამლუპა კაცი, — გაეხუმრა მწერალი.

— მართლა, ბართლომე, შენ რას დგახარ, დაჯექი, — უთხრა ბასილმა.

— მოვასწრობ, ვიდგე.

— მოვასწრობ რას ჰქვიან, ჩვენ ვკმარვართ, შენ დაჯექი!

— აქ მოდი, ბაბა, აქ მოდი, გაგიკეთე საქმე და არც კი მიმადლი, შე ყურუმსალო! — მოიპატიჟა სარდიონმა.

ბართლომემაც ბევრი არ დააყოვნა და ვწერალს გვერდით მოუჭდა.

— მარიაკა, ბატონო, მობრძანდით, — მიიპატიუა მამა ამბაკომ.

— შენ ნუ მომიკვდები, იმის მეტი, მიირთვით, ბატონებო, — მიუგო მარიაკამ, რომელიც რალაცას ფუსფუსებდა წინა ოთახში.

— ხუმრობა იქით იყოს, — ჩუმად ჩაულაპარაკა მამა ამბაკომ მამა ევთიმეს, — დამჯდარხარ, ყაზახო, პატარძალივით, ადექი, ერთი სუფრა აკურთხე, შე ოჯახქოროს ქე მაინც არ მოგშვიდა? მე კი ისე ვშია, რომ ვომიფრთხილდი, თორემ შეიძლება შენც შეგვკამო ღღეს... აბა, აბა, ჩქარა!

მამა ევთიმე წამოდგა, ქუდი მოიხადა და „მამაო ჩვენო“ წაიკითხა. ყველანი წამოდგნენ და პირკერის წერა დაიწყეს. მამა ევთიმემ სუფრაზე ჯვარი გადასახა, ქუდი ისევ დაიხურა და დაჯდა.

— ღმერთო, დიდება შენდა, — ხმამალა თქვა მამა ევთიმემ. — ღმერთო, შენ ხარ ჩვენი შემწე, ღმერთო, შენ აღაშენე მასპინძელი, რაც საქმეზე მოგვიწვია, კეთილად აღუსრულე! ხელი მოკიდეთ. შვილებო, ხელი — გადასძახა სუფრას, კიდევ უნდოდა რალაც ეთქვა, მაგრამ გასაგებად ვერ გამოთქვა, რადგან ცხელ ღომს ჰამდა. სხვებმაც ბევრი არ დააყოვნეს და ჰამას შეუდგნენ.

— მოიცათ, მოიცათ, ბატონებო, სასმელები დაგავიწყდათ! — ნაღვლიანად შენიშნა ბასილმა.

— ღმერთო, დიდება შენდა! — ისევ დაიძახა მამა ევთიმემ და ღვინით სავსე ჭიქა ხელში აიღო. — ღმერთო, გაუმარჯვე მასპინძელს, მტერი აშორე და მოყვარე უმრავლე.

— აამენი — დაიგრიალეს ერთად და ღვინო ჩამოილოცეს.

— ისეთნაირად ხმამალა ლაპარაკობს და სმას იწყებს ე თქვენი მღვდელი, რომ მგონია, ტოლუმბაშობა ქე უნდა, — გაჭიანურებულიად თქვა მამა ამბაკომ. — რას გაიმეტებ, რომ შენი თავი დავანისვენინო!

— არ მოკვდე, იმის მეტი, თავიდან გინდა აიცილო და მე მომაზვიო, ევთიმეს შენისთანა ზიკები ვერ ვოატყუებენ.

მამა ამბაკოს უნდოდა პასუხი მიეცა, ხელები ხელსახოცზე შეიხოცა და ოდნავ პირი დააღო, მაგრამ ამ დროს ინდაურის ხორციით სავსე თეფში თვალწინ გაუჩნდა და ლაპარაკი გადააყოლა. ინდაურს შემწვარი გოჭი მოყვა და გოქს მშრალად მოხარული ხბო. მღვდლებს მრგვალად მიართვეს ბეჭები და დანარჩენი სხვა ნაჭრები ღირსებისდაგვარად.

— ახლა კი, ბასილ, შენი ჭირიმიე, — შეეხვეწა მამა ამბაკო და პავლე, — თქვენც, ახლა ხომ დაწყობილია, ღვთის წყალობა ყველაფერი ბევრია.

— კი, შენი ჭირიმიე, ცოტა ხანს კიდევ.

— რა ცოტა ხანი უნდა, მობრძანდით, ბატონო, ჩვენც უკეთესად მოვილხნეთ. მოდიოთ, მოდიოთ, თუ ღმერთი გწამთ.

სამივემ ხელი დაიბანა და მღვდლების პირდაპირ დაჯდა.

— აბა, თქვენი ჭირიმიე, არ მომიწყინდეთ, რაცა გვაქვს, მიირთვიეთ! — მხიარულად გადასძახა სტუმრებს ბასილმა.

— ბევრი, ბევრი, მიქამგარიოს და თქვენი წყალობა. — უპასუხეს სტუმრებმა.

— ჰა! რამ გაგაჩუმათ! — დაიძახა მამა ამბაკომ. — მოღებთან ეს უბედურები ღმრს და ჭამენ და ჭამენ. გიორგი ნამამასახლარს და ახალ ადვოკატს დაულოცე გაისს ამა დღეს, — ჭიქა დასცალა და გიორგის უჩვენა მამა ამბაკომ.

— ღმერთმა შენი თავი მიცოცხლოს, ჩემო ბატონო, — თავმდაბლად მიუგო გიორგიმ, რომელიც ბართლომეს გვერდით იჯდა, წამოდგა და თავზე შემოხვეულ ბაშლაყს ოდნავ ასწია.

— მასპინძელი ღმერთმა ააშენოს.

— ჰაამენი ქმნას ღმერთმა!

— ე, მაგრე, ჰო ცოტა-ცოტად მიეჩვიე, — ჩაილაპარაკა მამა ევთიმემ.

— არა, ხუპრობა იქით იყოს, შენ არ მომიკვდე, — ღმობიერად მიუგო მამა ამბაკომ, — ეს ერთი ისე მასპინძლის ხატრისთვის, თორემ მე დღეს სმა არ შემიძლია, გუშინ ძლიერ გავილახე.

— სარდიონს დაულოცე! — დაუძახა მამა ევთიმემ.

— ღმერთმა შენი თავი მიცოცხლოს, მამაო!

— ბართლომეს გაუმარჯოს ღმერთმა! — დაიძახა ამბაკოს მხლებელმა, რომელიც გაღმა სუფრაზე იჯდა.

— იცოცხლე!

— აბა, ბატონებო, მოილხინეთ, მოილხინეთ! — აქეზებდა სტუმრებს ბასილი.

— შერე იცით, რას ნიშნავს ეს მოილხინეთ, მოილხინეთო, ბასილი რომ ამბობს? — თქვა სარდიონმა.

— იმას ნიშნავს, რომ დროა სარდიონი ტოლიმბაშად ამოირჩიოთო, — მიუგო გიორგიმ.

— სარდიონი რატომ, შე კაცო, აგერ არ ხედავ? სულის კლიტებს, ჩვენს მაცხოვრებლებს, ჩვენს მოძღვრებს, იმათ უფრო არ შეფერის? — მიუგო სარდიონმა.

— სრულიად არ შეფერის, — თქვა მამა ევთიმემ, — შენ უფრო შეგფერის, გიორგი! ექვს წელიწადს მამასახლისად იყავი, ლაპარაკიც გერჩის და სპაც იცი.

— არა, ბატონო, თქვენთან, ღვთისგან კურთხეულებთან მე რა მინდა, ჩემი ლაპარაკი თქვენთან რასა სჭრის, საღმრთო წერილი ხელში არ გიჭირავთ, ბატონებო!

— ამდენს რას ლაპარაკობთ, — თქვა ამბაკომ, — აიღეთ ჭიქები და მიულოცეთ გიორგის, — სავსე ჭიქა ხელში დაიჭირა ამბაკომ და გიორგისაკენ გაიშვირა. — გიორგი, ღმერთმა გაცოცხლოს, ღმერთმა კარგად შეგასრულებინოს...

— შენი თავი არ მომიკვდეს, არა, ღმერთმანი, — ხმამალა გააწყვეტინა გიორგიმ, ადგა და თავი დაუკრა, — მადლობელი, ბატონო, ღმერთმა პატივი გცეს, მაგრამ მე არ შემიძლია.

— აჰდენს რას აჭიანურებ, ხუცესო! მაგისთანა შემთხვევაში შენ მინახავხარ ტოლბაში და ახლაც შენ უნდა იქნე. ტყუილად რას იხამები, — უთხრა მამა ევთიმემ.

— ამდენს რას იპრიწები, შენია და შენი ტოლომბაშობა. — მიუგო მამა ევთიმემ.

— ღვინოს ვერ დავლევ, ჩემო ძმაო, და ისე ტოლუშბაშობა რას ვარაგა.

— მაშ, წყალი დალიე! — დაიძახა ერთმა.

— ვისაც რამდენი შეუძლია, დალიოს, ქორწილი ხომ არ არის, ერთმანეთს ჩავეჯინოთ, — ამბობდა მეორე.

— აბა, ბატონებო, გვწყურია! — ყვიროდა მესამე.

— კი, კი, მამა ამბაკო იყოს, მამა ამბაკო! — იძახდნენ აქეთ-იქიდან.

— სუთ, სუთ, — შე კაცო, ეს რა ხმაურია? არ დაგვიღვევია ისე, ასეთი ხმაურობა რომ არის, რომ გადავკრავთ, მაშინ რალა იქნება, — ამბობდა მამა ამბაკო.

— გაათავე, კაცო, და დაიწყე, მაშინ უფრო რიგე და წესი იქნება, — ეუბნებოდა მამა ევთიმე.

— ისე გაგაწესოს ღმერთმა! ესენი რომ შენ რიგე და წესზე გაგიზრდია, — ჩუმად ჩაილაპარაკა მამა ამბაკომ. — შავათ ხუთი ჭიქა

რომ დალიონ, შეიძლება ჩხუბიც აგიტეხონ. ავთა ვარ, კაცო! ვიცი, რომ გამლანახეს, მაინც რა უსაშველო ღვინო მოგიტანია, ზასილ, — ზამალა უთხრა ბასილს, სავსე ჭიქა ხელში აიღო და გახედა. — ფა, ფა, ფა, ჭარვია, ჭარვია... ჰა, წიე, ფო, ფო, ფო, — კბილის კაწკაწით დაუმატა, როცა ღვინო დალია.

— აბა, მამაო, შენი მაყურებელი ვართ, გვწყურია! — დაუძახეს აქეთ-იქით.

— თქვენ ამოგაგდოთ ღმერთმა, გამოძიება მე, ტოლუმბაშობა კიდევ მე, ერთი, ერთი, ჩემო ძმაო? — მიუბრუნდა ერთ-ერთ მოსამსახურეს. — ერთი კაი თოხიც მოსძებნე და ჰყონონელებს სიმინდსაც დაგიმარგლავთ და ის იქნება.

— მამაო, იცოცხლე, ღმერთმა რიგიანად შეგასრულებინოს, გაგიმარჯოს, — სავსე ჭიქებით ხელში დალოცეს აქეთ-იქით.

— ამოგაგდოთ ღმერთმა! რომ ჩაგაცივდებიან, საშველს არ მოგცემენ, — ჩუმად ჩაილაპარაკა. ამბაკომ, წამოდგა და ხმამალა გააგრძელა:

— გესმით? მადლობელი ვარ! კარგი, მაგრამ ვინც ღვინოს არ სვამს, ახლავე თქვას, თორემ ბოლოს, თუ ხელი გამოიღო, იცოდე, სუფრიდან ავაგდებ.

— კი, კი, ღიახ, ვინც სვამს, ახლავე უნდა დაიწყოს სმა. ჰო, ა... უ... — ისმოდა ერთმანეთში არეული ხმები.

მამა ამბაკომ სავსე ჭიქა ხელში აიღო, ერთი ღვინოს გახედა, ერთიც აქეთ-იქით გაიხედა, ერთიც მამა ევთიმეს შეხედა, ერთიც თვალები დახუჭა და მერე ისე ზარმაცად შემოავლო სუფრას, თითქო მძიმე ტვირთი ჰკიდია და არ იცის, საით წაიღოსო. მერე ერთ-ბაშად გამოცოცხლდა და დაიწყო:

— ბატონო ბასილ, ღმერთმა გაცოცხლოს, გაზენიეროს, გულის სურვილი ღმერთმა კეთილად შეგისრულოს, ჯერ მარიკა უნდა იედლეგრძელებინა ახალი კანონით, მაგრამ... ო, ერთი სიტყვით, ისე გამყოფოს, როგორც შენ გინდოდეს, ცოლით, შვილით; ყოველი შენი კეთილით. რაც საქმეზე ჩვენ დღეს მოვედით, ღმერთმა კეთილად დაასრულოს, აზნაურობა კი არა, ღრაფობა გამოეგზავნონ შენთვის, მე რა მეხარჯება, მრავალყამიერ იყოს შენი სიცოცხლე! გიორგის გაუმარჯოს! — ცქვიტად დაიძახა მამა ამბაკომ.

გიორგიმ ადგომა და თავის დაკვრა ვერ მოასწრო, რომ თამადამ დაიჭიქა:

— ჟამიერ...

— მრავალყამიერ!.. — მცირე ხმით ბანი მისცა ბართლომემ.

— მრავალყამიე... — წაიღუდუნა მწერალმაც.

მამა ამბაკომ ღვინო დალია. სხვებმაც ადღეგრძელეს ბასილი. ის ყველას ღმილით თავს უკრავდა და როცა ყველამ გაათავა, ადგა და სამადლობელი შესვა.

— ეს ღმერთმა აცოცხლოს ბატონი მარიკა! — დაიძახა თამადამ. მარიკა საჩქაროდ მოიჭრა და შუა დარბაზში გაჩერდა.

— თქვენი სადღეგრძელო იყოს, ბატონო, რომ დაბრძანებულიყავით, გაგვიხარდებოდა.

— არა უშავს რა, ბატონო...

— ეს თქვენი სადღეგრძელო იყოს, — ფეხზე ადგომით გააგრძელა თამადამ.

— დაბრძანდით, ბატონო, ნუ შეწუხდებით, — შეეხვეწა მარიკა.

— ღმერთმა ისე მოაწყოს თქვენი საქმე... როგორც... მოწყობილიცაა. რომ... მოყვარეს უხაროდეს და მტერს შურდეს. შენი ლამაზი ქალიშვილის ქორწილზედაც დაქვლიოს ღვინო... როგორც ეს ქიქა სავსეა, ისე სავსე ჰყოს ღმერთმა, როგორც კიდევ არის თქვენი ოჯახი, თქვენი სახლი და ბელელ-მარანი. ეს თქვენი სადღეგრძელო იყოს... აბადელია... ვო-რე-რა, ვო-რე-რა, — დაიწყო სიმღერა სიტყვის დამთავრებისთანავე ამბაკომ.

— ვო... რე-რო-რა, რეო-რე-რა! — მოსძახა ბართლომემ.

— ჰაააი... ჰაა... — დაბერა სარდიონმა.

— ოჰო... ჰო... ჰო... ჰოოოო... — დასჭყვივლა გიორგიმ. — ქეიფია, ქეიფი!

— აბა, თქვენი ჰირიმე, მოილხინეთ, მოილხინეთ! — იძახდა ბართლომეც.

— ახლა სუთ, ერთი ყური დამიგდეთ, — წამოდგა თამადა.

ყველანი ცოტ-ცოტად მიჩუმდნენ. ზოგი ხბოს მშრალ ხორცს თლიდა, ტყემლის წვენი ავლებდა და ჰამდა. ზოგი შემწვარი გოჭის ხორცის უკანასკნელ ლუკმით პირს იტკბარუნებდა და ცალი თვალით თამადას შეჰყურებდა. ზოგს დროებით ჰამაზე ხელი აეღო და დაფიქრებული დანას ჩუმ-ჩუმად თეფშს უკაკუნებდა.

— ბასილი მძებრადე, ჰო! — დაიწყო თამადამ, — რაც შეიძლება... კაი აზნაურიშვილია, ბევრი რამე... ასე, რომ ვთქვათ, ბევრი რამ სიკეთე და... დოვლათი მიუცია ღმერთს... მისთვის. მაგრამ... ყველა დოვლათზე, ყველაზე უფრო... ერთი სიტყვით, რომ ვთქვათ... ჩილდო... ჩილდო მიუნიჭებია მისთვის ღმერთს... ორი მისი ბაღანა. ორი ერთმანეთზე უკეთესი. თქვენი შვილები სად არის, ბატონო, — დაეკითხა ბასილს.

— ახლავე, ბატონო, — ბასილმა საჩქაროდ დასაძახებლად ბიჭო გაგზავნა.

ერთი წუთი და ძუკუ და ტასია თამადის წინ იდგნენ.

— აი! — მხიარულად წამოიძახა ამბაკომ. — ხომ ხედავთ, ბატონებო, რა ანგელოზებს მინდობილია ბასილ მძებრაძე. მაგათი სადღეგრძელო ცალ-ცალკე რაღაც არაა ლამაზი, ამიტომ მე ვსვაშორ ჭიქას ერთად, შეხედეთ! — დაიძახა თამადამ და თეფშზე დაწყობილი ორი სავსე ჭიქა ყველას უჩვენა.

— ვხედავთ, ვხედავთ! — დაიძახეს ერთხმად.

— ღმერთმა თქვენი ბედნიერება, თქვენი წითელი გვირგვინი თქვენს ჭირისუფალს აჩვენოს. მამულისათვის სასახელო და დედამამის სასარგებლო ღმერთმა გამოგიყვანოთ, — კიდეც რაღაცის თქმა უნდოდა ამბაკოს, მაგრამ მრავალუამიერი შემოსძახეს ხმაჰალა.

დაიწყეს ორ-ორი ჭიქის სმა. ერთი დალევდა, მეორეს გადაულოცავდა, მეორე მესამეს და ისე.

— რა ამბავია, კაცო, ამდენ ხანს კიდეც ვერ დააშთავრეთ! — თითქმის მიაყვირა მამა ამბაკომ, რადგან ერთმანეთში არეული სიმღერა-ხმაურობისა გამო დაბალი ხმით ვერაფერს გააგონებდა. — დალიეთ, რაღა, ჩქარა.

— კი, ბატონო, კი, — უბასუხა მოხუცმა ბასამ, რომელსაც ნუნუას კვალი ახლავე დამჩნეოდა სახეზე.

— არა, ძმაო, ასე არ ვარგა. მე ვინმე თანაშემწე უნდა დამინიშნოთ, იქით, სუფრის ბოლოს ვერ ვარჩევ რიგიანად... აბა, როგორ გეკადრება, სარდიონ, სარდიონ, ნახევარი მარტო, დასცალე, რაღა, დასცალე, რას უყურებ!

— არ შემიძლია, მამაო, დაღლილი ვარ.

— დაღლილი რას მიქვია, შენ თუ არ დალევ, სხვები სულ არ დალევენ.

— დალიე, სარდიონ, უნდა დასცალო, — ეუბნებოდნენ მეზობლები.

— თანაშემწე თუ არ ამომირჩიეთ, მე ისე ღვინოს არ დავლევ, — გაიმეორა თამადამ.

— ბართლომე მძებრაძე იყოს თანაშემწე! — დაიძახა გიორგიმ.

— სრულებით არა, შენ გეკუთვნის ნამდვილად, შენ, — მიუგო ბართლომემ.

— ესეც რაღა გასაჭიანურებელია. გიორგის ეკუთვნის თანაშემწეობა.

— მაშ, კარგი, პაშ, კარგი, — თქვა თამადამ. — გესმის, გიორგი, აბა, შენ იცი, რა კარგად ადევნებ თვალყურს შენს მიდამოს...

— მე რა სათანაშემწე ვიყავი, ბატონო!

— ბოდიშს თავი დაანებე-მეთქი. აქეთ შემოხედე. ამას ხომ ზედავ! — თამადამ თეთფშზე დაწყობილი სამი სავსე ჭიქა აჩვენა. — ორის შემდეგ რა უნდა?

— სამი, ბატონო! — ცქვიტად ვიუგო გიორგიმ.

— აი, მე ახლა ვსვამ სამ ჭიქას, სამი, ერთმანეთისაგან განუყრელი და მოყვარული ძმების სადღეგრძელოდ.

— ერთმანეთს ძალღივით ჭამენ, — ჩუმად ჩაილაპარაკა კუდამ.

— ღმერთმა ერთმანეთის სიმწარე არ აჩვენოს მათ... იცოცხლეთ, როგორც თქვენ გსურდეთ... გიორგის გაუმარჯოს ღმერთმა! მე ახლა მარტო შენთან მაქვს, ბაბა, საქმე.

საწინივე: ირაკლი, პავლე და ბართლომე ფეხზე იდგნენ და მადლობას ეუბნებოდნენ.

სამ-სამი ჭიქის გამოცლა კარგა ხანი გაგრძელდა. ამან უფრო აახმაურა ყველანი. ახლა უფრო ცხარედ გადაერია ერთმანეთში სიმღერა და ლაპარაკი. მოპირდაპირებმა ერთიმეორეს ფართო-ფართო მუსიცი დაუწყეს.

— ჩემო თანაშემწე! — დაიძახა მამა ამბაკომ, როცა, როგორც იყო, ყველამ დალია.

— ბატონო! — მიუგო გიორგიმ.

— ირაკლი, პავლე და ბართლომე ვადღენგრძელებთ, მაგრამ ისინი თავიანთ ოჯახში სტუმრები არიან, მაგათი ოჯახის დედაბოძი... დაპამშვენებელი, მათი მანდილოსნებია.

— კი, ბატონო!

— სამწუხაროდ, დღეს რაღაც მანდილოსნებმა არ ინებეს, თუ გარემოებამ ნება არ მისცა, ჩვენს სუფრასთან არ დასხდნენ, თორემ პირველად მათი სადღეგრძელო ჭუნდა დაგველია, ამიტომ მე ვსვამ ორივეს, ირაკლის და პავლეს. მანდილოსნების სადღეგრძელოს, სახელები კი არ ვიცი.

— ზესიხანი და ასპიროზი, — ვიუგო ბასილმა.

— ასპიროზი და ზესიხანი, ძლიერ კეთილი. მაგრამ, გიორგი, ხომ იცი, სადაც დედაზე ლაპარაკობენ, იქ შვილებზედაც უნდა ითქვას. ირაკლის, როგორც შევიტყვე, ორი შვილი ჰყოლია, ორივე ვაჟები. ღმერთმა დაუზარდოს, ხუმრობა საქმეა, ბაბა? მომავალში წმინდა აზნაურები ისინი იქნებიან. ტახტის აზნაურები. პავლესაც ერთი

ქალი ჰყოლია, ესეც სამი, და სულ ერთად ხუთი. ამნაირად. მე ახლა ვსვამ ხუთ ჭიქას.

— სამის მერე რა უნდა, ბატონო? — ჰკითხა გიორგიმ.

— ექვსი, — სიცილით მიუგო მამა ამბაკოძ.

— მამ, შეიძლება რათ გადადიხარ?

— ვო, გიორგი! — თავის ძირს დაკიდვით და ცალი თვალის დახუჭვით დაუძახა თამადამ.

— ბატონო!

— გასაშვები სისხლი, ბაბა... უნდა გავუშვათ. სანამდი ვამიზეზოთ, ვამიზეზოთ, რა გამოვა!

— ზომანე უნდა გავუშვათ. ბატონო, თორემ თუ ერთბაშად დიდი იარა გავქვებით, ბლომად წავა და ჩქარა დავცალიერდებით, და თუ ზომანე გავქვებით, შეიძლება კიდევ გვარგოს და მოგვარჩინოს.

მანდილოსნები თამადის წინ იდგნენ. მათი გამხდარი სახე და მორთულობა ამტკიცებდა, რომ უკიდურესი სიღარიბის მომთმენი იყვნენ. თავი მაინც ღირსეულად ეჭირათ.

— ქალბატონები რა ხანია გვიცდიან, ჩემო გიორგი, სირცხვილია! — თამადამ დალოცა, ხუთივე ჭიქა დასცალა და გიორგის გაუგზავნა.

— ნანა, ნანა, ჩემი ცოდვა, — კბილების კაწკაწით თქვა გიორგიმ, როცა ხუთივე ჭიქა ღვინით გაავსო და თეფშზე დაწყობილი ზელში დაიჭირა და თამადას მიუბრუნდა: — პა, პა! ვო, მამო, დაძახებო ვინდა ღღეს?

ახლა კიდევ უფრო მეტი ხმაური ატყდა. ყველა სუთ, სუთო, — იძახდა, ერთმანეთს აჩუმებდნენ და ამით ხმაურობას კიდევ უფრო ემატებოდა.

— სოსრანი არ მოკვდეს, იმის მეტი, რა შენი საკადრისია. მე თუ მოხუცა დავლიე, — ეუბნებოდა ბასა სოსრანს.

— ეს ოთხი კი დავლიე, შენ არ მომიკვდე!

— არა, სამი რომ დალიე, ქე ვხედავდი.

— მაშინ მოგიკვდეს ჩემი თავი! — თითქმის ყვიროდა ერთი გლეხი, რომელსაც პახვალას ეძახდნენ. — მე თუ რამე კაცის წყენა გულში მქონდეს.

— პახვალა, პახვალა, ეს სრულებით არ გეკადრება შენ, ბალანა ხომ არა ხარ.

— ვო... რიღო!.. დალიე და შე... გერ... გე... ბა! — დაიწყო ერთმა და მიაყოლეს სხვებმა.

სიმღერა კარგა ხანი გაგრძელდა.

— სუთ, სუთ, თამადას სათქმელი აქვს რაღაცა, დაჩუმდით ა...
ა... უჟი! — მიაყვირა გიორგიმ.

მართლაც ცოტა სიჩუმე ჩამოვარდა.

— გაიგონეთ, გაიგონეთ! — დაიძახა მამა ამბაკომ. — კამპანია —
კარგი, სასმელ-საქმელი — ჩინებული, მასპინძლის გული — მხიარუ-
ლი. ეს ყველაფერი კარგი, მაგრამ ერთს კი ნაღვლობს მასპინძელი.

ყველა გაოცდა და გაკვირვებით ერთმანეთს შეხედეს. „რა
ამბავია ნეტავი,“ — გაიფიქრეს სტუმრებმა.

— ნაღვლობს კი არა, ძლიერ ნაღვლობს, — გააგრძელა მამა
ამბაკომ. — საჩაყი საქმე დამართია, ორი ბალანა ყოლია, პატარა
ბაღნები, ვილაცას დაუმწყვდევია და ახლა კამპანია თხოვს იშუა-
მდგომლოს და გააშვებინოს. ასე არ არის, ბატონო ბასილ?

— დიახ, ჩემო ბატონო, — შეკავებული სიცილით მიუგო ბა-
სილმა.

ამან კიდევ უფრო გააკვირვა ყველა.

— მე, ჩემ მხრივ წინააღმდეგი ვარ, ნებას არ ვაძლევ, რომ
ბაღნები გამოუშვან. როცა გამოუშვებენ, ყურებში ხელს დავავლებ
და ისევ დავამწყვდევე, — ბეჯითად მიუგო გიორგიმ.

— დიდი ღვედივით გამოქნილი უნდა იყოს ეს გიორგი, — ჩუმად
უთხრა მამა ამბაკომ ბასილს.

— ო! არის რაღა, გამოჩარხული, მაგას რომ ცოტა ესწავლა,
ფა, ფა, ფა...

— რაც გინდა იყოს, ბავშვების დატყვევება შეუძლებელია, დიდი
ცოდვაცაა ამ სიცხეში, დატყვევებულად კი არა, უკაცრაო მოხსე-
ნებაა, ლაფაჩად ძლივს ვსუნთქავთ. მე, როგორც მღვდელი და მერე
როგორც ბლალოჩინის პომოშნიკი და კამპანიის უფროსი, საყვედუ-
რიც უნდა ვუთხრა ბატონ ბასილს ასეთი უდიერობისათვის. შენ
რას იტყვი, ხუცესო? — დაეკითხა ევთიმეს.

— დატყვევებული უნდა განთავისუფლდეს. — სიცილით მიუგო
მამა ევთიმემ.

სამარისებრივე სიჩუმე იყო.

— ნეტავ წინეთ მეთქვა, თუ ასე დაჩუმდებოდნენ.

— ვისი ბალანაა, სადაურია, იპოვა საღმე? მიძარებულია? —
ჩურჩულით დაუწყეს ერთმანეთს კითხვა მოწმებმა.

გიორგი ნელ-ნელა იღივებოდა და შეკითხვაზე პასუხს არ
აძლევდა.

— მოიყვანთ. თუ არ მოიყვანთ? — საქმიანი კილოთი თქვა

თამადამ და ღინჯი სახე მიიღო. — თუ არ გაანთავისუფლებთ, ახლავე ოქმს გიდგენ. სარდიონ, პორტოკოლი, ახლავე.

— წადი, ბიჭო, — უთხრა მოჯამაგირეს ბასილმა, — ხომ ხედავ, აგერ გაღირევა ე კაცი, პორტოკოლსაც ქე მიქადის. ხარდანაძის ქალს უთხარი: შეეხვეწოს იმ კაცს და ბაღნები გამოაშვებინოს. ხარდანაძის ქალი, კამპანია გთხოვს-თქვა, ბაღნები გამოაშვებინე.

რამდენიმე წაპის შემდეგ მოჯამაგირე დაბრუნდა და ერთი ხარხარით იქნა მიგებებული. ბიქს ხელში ორი მოზრდილი ყანწი ეჭირა.

— ბაღნები მეგონა, არ გამიკვირდა! — თქვა ერთმა.

— ვინ ყოლია ბაღანა, საიდან მოვიდა-მეთქი, რა არ ვიფიქრე, — თქვა მეორემ.

— სუთ, სუთ, რაც იფიქრეთ, ის იფიქრეთ და გათავდა. ახალ გამოშვებულ ბაღნებს პატივისცემა უნდა, — მოუჭრა სიტყვა ყველას თამადამ, — საწყლებს სწყუროდეთ იქნება, ბიჭო, კარგად გამორეცხე?

— კი, ბატონო.

მამა ამბაკომაც ცალ ხელში ყანწი დაიჭირა. მეორე ხელში ღვინით სავსე ბოთლი აიღო. მუცელში მრგვალად ხელი მოავლო, გადაწია და პირი ყანწში ჩაუყო: „ხო, ხო, ხო,“ თახთახებდა ღვინო და განზე წინწყლების სვრით ყანწში ჩახრიალებდა.

— აგაშენა ღმერთმა! — დაიძახა მამა ამბაკომ, — სრული ბოთლი ჩანავალა ამ ყანწში. ერთი თითი ძლივს დარჩა... ეს მიცვალებულის სახედამო იყოს. მეორეც ამის ზომაა ალბათ.

— ნაპეცი არ აკლია, არც მეტია, არც ნაკლებია, — თქვა ბასილმა.

— გიორგი! — დაიძახა თამადამ.

— ჰოო!

— ა... შე უზრდელო ყაზახო, განა ჰოო ვარ მე!

— უკაცრავად, ბატონო, თუმცა...

— აქ მოხედე... ამას ხომ ხედავ?

— შენ, თუ სავსე ყანწს, მამაო!

— ახ! შენ ფაფალა წვერს რა ვუთხრა! მე კი არა, ამ სავსე ყანწს ხედავ?

— მე ორივეს ვხედავ, ბატონო.

— მერე უფერულად მხედავ, განა?

— ჰაჰა! ვო, ჰაჰა! — თავის კანტურით მიუგო გიორგიმ. — ჰაჰა, მე რომ გრძელწვერას მიყურებ, გიორგი მქვიან, იცოდე! ხუთი ვეზ-ნაჩალიკი გამომიცვლია, ორი პირისთავი, მესაპისთვინაც უნდა

ამხალა ეპოლატები, მაგრამ ხომ იცი... მე, პაპა, თავი დამანებე, მოხუცებულ კაცს, მასთე ნუ ჩამეჭინები, თორემ.

— ამას ხომ ხედავ-მეთქი, — გაუმეორა ამბაკომ.

— კი, ვხედავ, ბატონო!

— შენ ეს მითხარი, პოლიტიკა-ჩოლიტიკაში რად გადადიხარ! კაცი კაციაო იტყვიან, მაგრამ კახაბერი სხვა კაციაო! საყვარელი კაცი საგანგებოდ პატივსაცემია... თქვენთან შეზრდილი, თქვენთან ჭირის და ლხინის შუაზე მყოფი, თქვენი მნათვლელი და მაზიარებელი, თქვენი მლოცველი და მწირველი, ღმერთმა აცოცხლოს მამა ევთიმე... ურა! — დაიძახა თამადამ და ერთხმად დააგრილა ყველამ.

— ეს კარგი, ყოჩად, კარგად მოუვიდა, — თქვეს ზოგიერთებმა.

— მადლობელი, მადლობელი, — თავს უკრავდა მამა ევთიმე.

თამადამ ყანწს ტუჩი დაადო და ერთი მეოთხედი დალია, — აბა! — დაიძახა მან და პირი ჰოარიდა. წვერ-ულვაშზე ხელი მოისვა და გიორგის შეხედა: — ვო, გიორგი!

— ჰოო, წაუღია შენი თავი, — თქვა ისევ მამა ამბაკომ. —

ეტყობა, ვერ დავლევ მაგასა... უფ! რა ვქა, ჰომეხმარე!

— ოხო, ხო, რა გითხრა, პაპა ხარ, პაპა პაპა რომ არ იყვე, ქე გეტყვი, მაგრამ...

— აფუ! — ისევ დაიძახა მამა ამბაკომ, ყანწი მოიყუდა და ერთბაშად დასცალა. ერთ წამს ყანწი ხელში ეჭირა და დაკვირვებით გიორგის შეჰყურებდა, მერე ყანწის პირი ცერის ფრჩხილზე დააკაუნა და ორი-სამი ჩარჩენილი წვეთი გადმოაქცია. — გიორგი, ამას ხომ ხედავ!

— კი, ბატონო, შეგარგოს ვიქამგარიომ!

— გიორგის გაუმარჯოს! — გაუწოდა ცარიელი ყანწი ამბაკომ.

— მოძღვარს ღმერთმა გაუმარჯოს, შენს წირვა-ლოცვაზე ღმერთმა დაგაბეროს.

— აბადელია, დელია, ვორე... — დაიწყო თამადამ.

— აა... აი, ჰეა... — ჩაბღავლა სარდიონმა.

გიორგიმ ყანწი დასცალა და სარდიონს დაულოცა, სარდიონმა შეორეს, შეორემ მესამეს.

უკანასკნელად პახვალამ დალია, ადგა, ცარიელი ყანწი ხელში დაიჭირა და თამადას მიმართა:

— ახლა, ბატონო, ამას გზა საით ვუჩვენო?

— აქეთ, — თვალით ანიშნა მამა ევთიმეზე.

— ბატონო მოძღვარო, შენი ჭირიმე, რამდენი დღეა მე შენთვის

ამ ყანწით ღვინო არ დამილოცნია, იმდენ წელიწადს ღმერთმა შენ ცოლ-შვილს... თავი არ ატკინოს.

— მადლობელი, ჩემო პახვალა, მაგრამ ყანწი ჩემთვის ერთობ დიდია.

— მამა! — დაიძახა პახვალამ, სუფრიდან გამოვიდა (სწორად ვერ მიდიოდა), როგორც იყო, მამა ევთიმესთან მივიდა, ცარიელი ყანწი ხელში მისცა და ხელზე ემთხვია.

მამა ევთიმემ პირზე აკოცა და ერთიჯ უკმაყოფილოდ თამადას შეხედა.

— რას მეზღვირები? — ნიშნის მოგებით მიუგო მამა ამბაკომ. — უნდა გამოგცადო დღეს, ხარ თუ არა ბედენიკის ღირსი.

— აი, შენ და შენი ბედენიკი. ათი წელიწადია, რაც მპირდებიან, მაგრამ ჭერაც ველარ ველირსე.

— ის, დალიე, ის, ბედენიკაზე მერე ვილაპარაკოთ. ეპისკოპოსის კანცელარიაში შემოდი ფოთში. მაგრამ შენებურად ზუმ-პასავით არ მოხვიდე, რაჟე საკენკიც ჩამოიტანე და... ხომ იცი, როგორც წესია...

ევთიმემ სავსე ყანწი მოიყუდა, ცოტა მოსვა, მერე ხორცის ნაჭერი დააყოლა, ისევ მოსვა, მერე იწაფა და დასცალა.

— ეს მესმის,—თქვა თამადამ. — ვარგებულხარ, როგორც კაცი. ბლალოჩინს ვეტყვი, რომ წრეულს შენ წარგადგინოს.

— ვაი, შენს ენას,—მიუგო მამა ევთიმემ. წვერ-ულვაშზე ხელი გადისვა, ყანწი თამადას გადასცა და პურის ნაჭერს წაეტანა.

შულამეს ბევრი არ უკლდა. ბასილ მძებრაძის დარბაზი ლამპით იყო განათებული. გაღმა სუფრა აელაგებინათ. უმთავრეს სუფრაზე არეულად ეყარა ცივი ღომი, ხბოს ხორცი, გაძიძგნული ძვლები, ყველი, პური, ცარიელი და ნახევრად სავსე ბოთლები და სხვადასხვა უმეტესობა ამდგარიყო. დარჩენილიყვენენ მხოლოდ მღვდლები, სარდიონი, გიორგი და ერთი-ორი გლეხი. ბასილი იქვე შორიახლო იჯდა, ბართლომე აივანზე სეირნობდა. ირაკლი და პავლე არ ჩანდნენ.

— ვო, გიორგი,—ულაზათოდ წარმოთქვა მამა ამბაკომ, თვალე-ბი დასიებოდა და ღვინის ორთქლისაგან შეხურებულ თავს ძლივ-ძლივობით აკანტურებდა.

— შენი თავი არ მომიკვდეს, იმის მეტი, მამა ამბაკო, ბატონო, შენ გენაცვალე, თუ ერთ წამს დამიჭერო.

ამბაკოს რალაც უნდოდა ეთქვა, მაგრამ გიორგი ადგა სავსე ყანწით ხელში.

— ეს, მამაო, იცოცხლეთ. იბედნიერეთ, ახლა ჩეჰია ტოლუმბა-შობა, მადლობელი ვართ პატივისცემისათვის, როგორც ეკადრებოდა შენს გვარისვილობას, ისე მოგვილხინე. მადლობელი ვართ. იცოცხლე, იარე, პური ჭამე, ჭიბაში ფული, ბელელში პური, გული მხიარული, ხელში ჭიანჭრი, მრავალჯამიერ იყოს შენი სიცოცხლე, — გიორგიმ ყანწი მოიყუდა. სხვეღმა კიქებით დალოცეს.

გიორგიმ ყანწი დასცალა და პირქვე დამხოზილი მამა ამბაკოს აჩვენა.

— ახლა, როგორ, მამაო.

ამბაკომ შეხედა. მამა ამბაკოს ის ბეჭითი გამომეტყველება აღარა ჰქონდა, რაც ყანწის მოტანის დროს.

— შენი ჭირიმე, როგორც გნებავდეს, — თითქო ბაღს არწევსო, მოეფერა გიორგიმ. — შენ როგორც გსურდეს. ნაკურთხ კაცთან მე, ჭიანჭველას, რა მინდა. თუ გნებავს, სულ ნუ დაღევ, თუ გნებავს, იმ პატარა კიქით მიირთვი.

ეს სიტყვები არ ეთქვა გიორგის, შეიძლება მამა ამბაკოს მართლა კიქით დაელია სამადლობელი და უსიამოვნებაც არა მომხდარიყო რა, მაგრამ გიორგი რა შეილი იყო, თუ ამისთანა შემთხვევას, თავის სასახელოდ, ხელიდან გაუშვებდა.

— ვითომ იმდენად სისუსტე შეჰატყვე, რომ მიბრალებ.— ცოტა ბრაზით მიუგო მამა ამბაკომ.

— შებრალება... ჯვარი დაგიწერე, — ისეთი კილოთი მიუგო გიორგიმ, თითქო ეუბნებო: მართალია, ამ წუთში შესაბრალისი ხარო.

— მა რას იღრიჯები, ყაზახო!

— ბატონი ხარ, სხვა ვინმე იყოს, ან სხვაგან, გიორგი არ მოგიკვდეს, იმის მეტი, მაგი არ გააბედვინოს. ყაზახი ვარ, ეს ცხადია, არაფერ დასამალავად არ მიმაჩნია და არც თქვენგან მიმიღია რამე წყალობა, ბატონო, რამდენად მახსოვს, — გულშეუწუხებლად მიუგო გიორგიმ.

ამბაკო გულდასავით გაიბერა. უფრო გიორგის სიღინჯე ხეთქავდა გულზე.

— მერე, მერე, ამდენს რას ლაპარაკობ! — ჰკვახედ უთხრა მამა ამბაკომ. — დამიღიე და ეს არის, გამომიგზავნე.

— ა... ბატონო, მიირთვი, — გიორგიმ ცარიელი ყანწი გაუწოდა.

მათ ხმაურზე ბასილი ცოტა შეფიქრიანდა. ბართლომემაც კარებში შემოიხედა.

ამბაკომ ყანწი გაივსო და ხელში დაიჭირა. სიბრაზისაგან ხელი უკანკალებდა. იწათა ყანწი. ღვინო სანახევროდ მის წვერებზე

წურწურით ჩამოდიოდა და სუფრაზე იღვრებოდა; მაინც, როგორც იყო, დასცალა.

— გიორგის გაუმარჯოს, — გვარიან თამამად და რიხიანად თქვა მამა ამბაკომ და ყანწი გაუწოდა.

— ახლა, თუ კაცი ხარ, საყოლაწმინდო და გაათავე, ის ყანწი კი დამალე, — ჩაულაპარაკა სარდიონმა, რომელსაც ძილი ერეოდა.

გიორგის ცარიელი ყანწი ხელში ეჭირა, უნდოდა რალაც ეთქვა, მაგრამ, ამ დროს მამა ამბაკო ადგა. მაგიდაზე დაბჯენით სუფრიდან გამოვიდა, ერთი ფეხიც წინ წარსდგა და ათრთოლებით ხელის გული პირზე მიიფარა. მაგრამ გვიანლა იყო; ღვინო შადრევეანივით სჩქეფდა პირიდან, პირზე მიფარებულ ხელის თითებშუა მოდიოდა. ზოგი ტანისამოსზე ნაკადულივით ჩამოსდიოდა და ზოგიც იატაკზე იღვრებოდა.

ბასილი უცბად მიიჭრა, ხელი მოკიდა და ფრთხილად გარეთ გაიყვანა.

მამა ევთიმე დაფაცურდა. მიშველება პოინდომა, მაგრამ, საუბედუროდ, თვითონაც არ აღმოჩნდა მაგრად, ხან აქეთ წაბარბაცდა, ხან იქით, და წინა კარის მაგივრად. ბასილის მოჯამაგირის შემწეობით, უკანა კარებში გავიდა.

ყველანი აიშალნენ. მწერალი თუმცა ბარბაცით, მაგრამ როგორც იყო, თვითონ გავიდა გარეთ. საჭიროც რომ ყოფილიყო, ვინ მოეხმარებოდა, ოთახში ფხიზელი არავინ იყო.

გიორგი ყოჩაღად გამოვიდა სუფრიდან, რა თქმა უნდა, ისიც არ შიდიოდა სწორად, მაგრამ სახლის უკანა კიბე მშვიდობით ჩაიარა და ამით გათამამებულმა. ფეხი მაგრა წინ წარსდგა, აქ ფეხებში უმტყუნეს და მდელიზე გაგორდა.

— ბართლომე, ბართლომე! ჩქარა სანთელი მოიტანე, ვილაცა დაეცა შინდორზე, — მოისმა პარიკას ხმა.

რკინიგზის სადგურზე

ქუთაისიდან მატარებლის მოსვლას ორი საათი უკლდა. ამიტომ დაბა №1 სადგური ჯერჯერობით მიჩუმებული იყო. მშვენიერი ღარი იდგა. მზე უკანასკნელ სხივებს ალპაცერად ისროდა და შუა ზღვისაკენ დასამალაეად ემზადებოდა. სადგურის უფროსი, დაბალ-დაბალი, ჩასუქებული კაცი, უძილობისა გამო თვალეზდასიებული, მოკლე, ღილებშეუზნეველი ტანისამოსით და წითელი ქუდით სადგურის წინ, ლიანდაგის გასწვრივ, ქვაფენილზე იდგა და დასავლეთისკენ ჩამამაეალ მზეს შეჰყურებდა. მას მზე იმდენად არ აინტერესებდა, რამდენად ნელი სიო, რომელიც დასავლეთიდან ქროდა და, მთელი დღის პაპანაქების შემდეგ, შაცოცხლებელ ნექტარად ეჩვენებოდა ყოველ სულდგმულს. სადგურის უფროსი სიამოვნებით უშვერდა სიოს მარტო პერანგიტ დაფარულ გულ-მკერდს, თან ქუდსაც მალ-მალ იხდიდა და მოკლედ შეკრეჰილ თმაზე ხელს გადი-გადმოისვამდა ხოლმე.

სადგურის მოსამსახურე, მოკლე კიბით მხარზე და ნავთით სავსე თუნუქის ჰურჰულით, ერთი ფარნიდან მეორეზე გადადიოდა. ფარანთან კიბეს მიადგამდა, საცა ნავთი ნაკლებად იყო, უმატებდა, ჰუჰყუიანი ხელსახოკით ფარანის შინას ვითომდა. ასუფთავებდა და თან ნელ-ნელა რალაც გაუგებარ სიმღერას ღიღინებდა.

სადგურას პირდაპირ, ბარგის პატარა საწყობის სახლის წინ. რომელსაც დაბელები „სკლადს“ ეძახდნენ, რამდენიმე საბარგო

ვაგონი იდგა და ეტყობოდა, რაღაც საქონლით იტვირთებოდა, რადგან მუშების ხმაური და ვაგონში შევარდნილი სავსე ტომრების და ყუთების ბრახუნის ისმოდა.

— დანიელ პეტრეს ძევ! — დაელაპარაკა სადგურის ერთი ოთახიდან სადგურის უფროსის თანაშემწე სადგურის უფროსს, — დღეს მეტიმეტად დაღლილი ვარ, თუ ცოტა არ მივიძინე, არ შემოიძლია, ფეხზე ველარ ვდგები.

უფროსს კი ახლა პირი აღმოსავლეთისკენ ებრუნებინა და ჩელები ზურგზე შემოეწყო.

— ა... — ბოხად მოსძახა უფროსმა.

— დასაძინებლად მივდივარ.

— გისურვებ კეთილ სიზმრებს.

— დანიელ პეტრეს ძევ, ასე რამ დაგაფიქრათ?

— დაფიქრება რომელია, კაცო. კინალამ სიცხით დავიწვი და ახლა ამ დალოცვილ სიოს მივენდევი. საღამოსადამოთი ეს რომ არა ჰქროდეს, ამ დამპალ ადგილებში კაცი წმიდად მოიხარება.

— დღეს მაინც როგორ? — ცოტა მორიდებით დაეკითხა თანაშემწე.

— არა და არა, არ მოდის, ძმაო, ბედი, — ნაღვლიანად მიუგო უფროსმა და მერე შეეცადა თამამად და რიზიანად გაეგრძელებინა: — ხუთი თუმანი ამაფიქვნა მაგ მავაძალმა. მერე ამ სიცხეში, შეკუმშულ ოთახში ჯდომა!

— რა ვუყოთ, მოსავალია, — ანუგეშა თანაშემწემ.

— რა მარჯვედ თამაშობს მაგ ვირიშვილი, ასე გგონია, ყურადღებას არც კი აქცევსო და იგებს და იგებს.

— შაშ, ნახვამდის, — ზრდილობიანად თავი დაუკრა თანაშემწემ და მარჯვნივ, თავის ბინისაკენ გაუხვია.

— ვასილ გრიგორის ძევ! — დაუძახა უფროსმა.

თანაშემწე მობრუნდა.

— ათ საათზე მზად იყავი, მანამდი, როგორც არის, გავაჩანჩალებ საქმეს, მაშინ შენ იცი, მომეშველე, თორემ ამდენი ხნის უძილობისაგან თუ ერთხელ გავგორდი, ცხრა პარავოზი ერთი ერთმანეთს რომ დაახალო, ვერაფერს გავიგებ.

— კარგი, — მიუგო თანაშემწემ და გაშორდა.

უფროსმა ქვაფენილზე სეირნობა დაიწყო.

— ხომ გითხარი, კაცო, ჯერ არავინ იქნება-მეთქი. საშველი არ მომეცი. ჯერ სადღაა მაშინა, ორ საათამდე ქე უკლია და შენ კი სული ცხვირში შეიჭინე, რა საინტერესო ამბავს გველაპარაკებოდა ის კაცი

სამიკიტნოში; რა ამბავი დამართია იმ ვილაცას: ცოლთან სხვა კაცზე მიუსწრია, — უკმაყოფილოდ უთხრა ერთმა მაღალ-მაღალმა კაცმა მეორეს, რომელსაც ვეებერთელა საესე ხურჩინი გადაედო მხარზე. — როცა საბარგო სახლს მოუარეს და სადგურს შეხედეს.

— ყოველ შემთხვევაში, დაგვიანებას აღრე მოსვლა ჯობია, — ვულშეუწუხებლად მიუგო ხურჩინიანმა.

— სადაური დაგვიანებაა! არა ხედავ, ერთი სულიც არავინ არის.

— ხომ არ გაგვიჩავრდებიან აღრე მოსვლისათვის, — ხმადაბლა მიუგო ხურჩინიანმა, იკვნეულად და ფრთხილად შეხედა წითელ ქუდიან უფროსს, რომელიც ამ დროს ცოტად შებინდებულ ცას შეჰყურებდა.

— გაჩავრდება! ღმერთი მაგას ააშენებს, — თამამად მიუგო მაღალ-მაღალმა. — ჩვენ რომ მოგეწყინდეს, იმიტომ ვამბობ, თორემ... არა უშავს რა, შევიდეთ, ალბათ ხალხიც ცოტ-ცოტად მოგროვდება...

— მოგროვდებიან, მა რას იზამენ, ოჰო! — მძიმედ დაიძანა ხურჩინიანმა, ცალი ფეხი ლიანდაგიდან ქვაფენილზე შედგა და ზედ მძიმედ ავიდა.

— არა, იმაზე არ არის საქმე... ვაჭრობა... ჩემო პეხუ, ლატარიაა. შე რომ ომიანობის გატავეების შექმდე მაშინათვე მაგას გავყროდი. სინილის გეფიცები... რომ... — ეუბნებოდა ერთი მოძველო მაულის ჩოხიანი შალის ჩოხიანს. ისინი იმავ საბარგო სახლის გვერდიდან გამოჩნდნენ, რადგან დაბიდან სადგურამდე ამ მხრივ მოდიოდა საცალ-ფეხო გზა: მაულის ჩოხიანს კრავის ქუდი ეხურა, ცოტად წელში მოკუზულიყო, ხელში პატარა კრიალოსანი ეჭირა და ეშმაკურად თვალებს აბრიალებდა.

მათ ერთი შემოიხედეს სადგურისაკენ და რაკი ორი კაცის მეტი ვერავინ ნახეს, პირი აღმოსავლეთისაკენ იბრუნეს. უფრო მაულის ჩოხიანი ლაპარაკობდა, კრიალოსანს ხელში ათამაშებდა და თავს ათასნაირად აკანტურებდა. ესენი ადგილობრივი წვრილი მოვაჭრეები იყვნენ.

— Ну вот, я тебе говорил, что пока никого не будет, — მოისმა ხმა ისევ საბარგო სახლის გვერდით და გამოჩნდა ორი ახალგაზრდა, ევროპიულად გამოწყობილი, კაქარდიანი ქუდებით და ლამაზი ჯოხებით ხელში.

— Ничего, соберутся.

— Ах, господи! Что за срам.

— До сих пор, ვერ წარმომიდგენია, კაცო, ну, положение человека!

— Не дай бог, ни вам, ни вам...

კარგა შებინდდა, ლამაზები ანთეს. სადგურის უფროსი თავის სამუშაო ოთახში შევიდა და საქმეს შეუდგა. ხალხიც ცოტ-ცოტად მოგროვდა და მატარებლის მოსვლის წინ თითქმის მთელი დაბის ინტელიგენცია აქ იყო შეკრებილი. უბრალო მოგზაური, მოვაჭრე და დაბალი ხალხი ხომ სალაპარაკო არაა.

აგერ, ადგილობრივი ბოქაული, მაზრის უფროსი, მისი თანა-შემწე, ხაზინადარი, მოსამართლე თავიანთი ცოლ-შვილებითურთ.

აი, წვრილი ჩინოვნიკობაც. სასამართლოს მწერლები, მწერლების მოადგილეები, სამაზრო სამმართველოს საქმის მწარმოებელნი და გადამწერნი. აი, ადგილობრივი მასწავლებლებიც, თავ-თავი ვაჭრები. ხელოსნები, მედუქნეები. აი, ადგილობრივი თავდაზნაურობაც, კობ-ტად გამოწყობილნი, და მათი ქალიშვილები, მანდილოსნები. ერთი სიტყვით, ერთგვარი, უფერული და წვრილმანი ცხოვრების ცოტა გამანიავებელი ეს კურთხეული სადგურია მატარებლის მოსვლის წინ.

— კნიაზ ვახტანგს ვახლავარ, — ეუბნება საქმის მწარმოებელი.

— იცოცხლე, — პასუხს უგებს თავადი ვახტანგი, თავით ფეხებამდე შეიარაღებული, თითქო ერთი წუთიც და მტერს ხმალდანხმალ უნდა დაერიოსო.

— გაიგეთ, კნიაზ?

— როგორ. არა?

— ღმერთო ჩემო, რა სირცხვილია.

— აბა, ქალები სანდო არაა.

— ნადვორნი სოვეტნიკობა წრეულს შიილო იმ კაცმა. რა კარგად ჰქონდა საქმე დაყენებულ.

— არა, სოლომონ ივანეს ძევ! თანახმა ვარ, ყველანი ადამიანები ვართ, — ეუბნება ერთი მოხელე მეორეს, — მაგრამ ადამიანი შეცტეს და მერე როგორ. ისეთი ქმარი გასცვალოს ვიდაც...

— მიუსწვრია, ა.... მართლა მიუსწვრია? სტეფანე ლაზარეს ძევ, ნუ შეუბნები.

— Честное слово, Егор Василич, как есть...

— ხა, ხა, ხა, ლამაზი ბიჭი კია, რა ვუყოთ, რომ ხუთმანეთიანი მწერალია, — თითქმის ყურში უჩურჩულებს სტეფანე ლაზარეს ძე იაგორ ვასილის ძეს.

— ფუ, თვალები დაუდგეს მაგისთანა სისაძაგლეს, — ეუბნება კნენა ელისაბედი მომრიგებელი მოსამართლის ცოლს.

— რას მეუბნები, გენაცვალე, მომკვდარიყო, ჯობდა.

— დარია პეტრეს ასულო! ქმარ-შვილი ნუ მოგიკვდება, მის მაგივრად მე მრცხვენია.

— ხომ უყურებ, კეკელა, როგორ წუწუნებენ სხვის შეცდომაზე, — ეუბნება ვაჟარ საბას ცოლი ვაჟარ კახაბერის ცოლს და ჩუმად უთითებს მოსამართლის ცოლზე.

— ხი, ხი, ხი, — იცინის კეკელა და საბას ცოლს წარბს უბზიკებს. — ბედნიერები, ასე ჩქარა დაავიწყდათ თავიანთი ე...

— Оскорбительно, господа, для целого человечества, каронная служба позорлена! Долой таких негодяев.. Ну да, я вам доложу, в двадцать четыре часа... пу да... — ფიცხობს მაზრის საქმართველოს მდივანი.

— დიდი ხანია, ძმაო, ყველამ ვიცოდით, მაგრამ დღემდი კრინტი არავის დაუძრავს. თითქო საბრალო გაგიშვილის ვეტი არავინ შემეცდარიყოს. შიტროფანე კუზმას ძის ცოლთან. ორმოცდაათი წლის კაცმა თექვსმეტი წლის გოგო შეირთო და მაშ რა იქნებოდა, — ჩუმად უპასუხებს ჩინოვნიკი მიხეილ ანდრიას ძე მდივანს.

— Ну что из этого, Михаил Андреевич, მეც, так сказать, и я тоже почти вдвое старше своей жены.. виноват, сейчас, Иосиф Титит, иду!

— ვაი, შე უბედურო, — ჩუმად მიაყოლა მიმავალ მდივანს მიხეილ ანდრიას ძემ, — არც კი იცი, შენ თავზე რა ამბავია: ჩქარა შეიძლება შენც დაიჭირო მიმინო.

მატარებლის მოსვლა თანდათან ახლოვდებოდა. ზოგი ბილეთის აღებას ჩქარობდა, ზოგი გასაგზავნი ბარგის ჩაბარებას.

— Берегись, ხაბარდა! — ყვიროდა რკინიგზის მუშა და სადგურის წინ კირდასხმულ სწორ იატაკზე ბარგით სავსე, ხელით სატარებელ მარხილს მიაგორებდა.

— ანტონია, ეს ხაბაკები. აი იქ, მესამე კლასის ზალაში შეიტანე და ეს ყუთი კი სასწორს ახლო მოუდევი, — ისმოდა ერთი მოუთმენელი ხმა.

— ადრე წავიდეთ-მეთქი, რამდენი გეხვეწე, — ცხარობდა მეორე, — არ დამიჯერე და ახლა საცაა მატარებელი მოვა და რომ ვერ მოვასწროთ.

სალაროს წინ ხალხი მიჯგუფულიყო და მოლარე გაჩქარებით ბილეთებს არიგებდა.

იქვე თამამად გამომყურე ჟანდარმი იდგა.

—ახ, ღმერთო ჩემო,—უკმაყოფილოდ წარმოთქვა ჟანდარმმა—
 აბა რას ჩქარობ. ვერ მოასწრებ, გგონია? — უთხრა ერთ გლეხს,
 რომელიც შეჭგუფულ ხალხს ლურსმანივით ერქობოდა, რომ
 ბილეთი ჩქარა აეღო.

ჟანდარმის ნათქვამი, რასაკვირველია, ვერ გაიგო და ისევ
 მოუსვენრად. დაიწყო აქეთ-იქით ტრიალი. ჟანდარმმა ხელი მოკიდა
 და ისევ გაუმეორა.

—კაცო, ნუ ჩქარობ, მოასწრობო, გეუბნება, — აუხსნა ერთმა
 მგზავრმა, რომელსაც ხელში ერთმანეთში არეული სპილენძის და
 ვერცხლის ფული ეჭირა და ბილეთის აღებას სრულებით არ ჩქა-
 რობდა.

—რა ეიცი, ბატონო, ხამი კაცი ვარ, რომ დამაგვიანდეს!

—რას ამბობ, — სიცილით მიუგო მგზავრმა.

—ოჰო, კაი დროზე მოვსულვართ, კინალამ დამგვიანებია.

—ჰა, ეს შენა, თეიმურაზ? — დაიძახა ერთმა ახალშემოსულმა.

—კონსტანტინე? — მიუგო მან.

—საით, თეიმურაზ?

—ფოთში.

—მაშ, ორი ბილეთი ჩემთვისაც აიღე, — უთხრა თეიმურაზს
 კონსტანტინემ.

ხმაურობა-ჩოჩქოლს უფრო და უფრო მოემატა. ზოგი იცინოდა,
 ზოგი ხუმრობდა, ზოგი ერთიმეორეს გულის დარდს უზიარებდა და
 ზოგიც იგინებოდა და ილანძღებოდა.

—აჰა, ეს ორი ბილეთი შენ! დიდი ჩხუბი და კიდაობა ქე უნდა
 ამ ოხერის აღებას. ყველა ხელმოკლეობს, ყველა ჩქარობს, ერთმა
 კაცმა სულ გვერდები დამიმტვრია, — დაილაპარაკა თეიმურაზმა და
 მესამე კლასის ორი ბილეთი კონსტანტინეს გადასცა.

—გმადლობ, ფული ალბათ არ გინდოდეს. იქნება, — გაეხუპრა
 კონსტანტინე და ჯიბეში ხელი ჩაიყო.

—ფულს შენ კიდევ როგორ გამოგართმევ, გაჭირვებულ
 კაცს, — სიცილით მიუგო თეიმურაზმა.

კონსტანტინემ უწნოდ ამოიღო ჯიბიდან მთელი მუქი თეთრი
 ფულებისა. და ჩქარ-ჩქარა დაუთვალა, რამდენიც ერგებოდა.

—ეს მეორე ბილეთი ვისთვის გინდა? — დაეკითხა თეიმურაზი.

—აი, — ტუჩებით უჩვენა კონსტანტინემ ფარნაზე, რომელიც
 ერთად მოგროვებულ სხვადასხვა ხაბაკთახ იდგა და გულმოდგი-
 ნედ დარაჯობდა.

—ახალი ბიჭი იშოვნე?

— ივანეს ძმა!

— ჰა, სახე კი კაოგი აქვს, თუ ივანესავით მარჯვე გამოვიდა.

— ორკლასიანი სკოლა დამთავრებული აქვს.

— შე დასაღუპავო, მერე ტურას ბედი ხომ არა გაქვს? მე რა-
ზანია ვეძებ და ერთი ბიჭი ვერ მიშოვნია. რა მალამო გაქვს ისეთი.

— არ იცი, რა მალამო უნდა მაგისთანა შემთხვევაში? — დამცი-
ნავი კილოთი უთხრა კონსტანტინემ.

— ამ მალამოს მეც ვაძლევ, განა მე მუქთად მიჭირავს ბიჭები?

— ჩხ, ჩხ, ჩხ, — დაქშინა ორთქლმავალმა და სადგურის წინ
დაიქუხა და გაჩერდა.

მატარებელი მოვიდა. ყველანი აირივნენ. ვინ ბარგს ეპატრონე-
ბოდა, ვინ ვაგონის საფეხურისაკენ მირბოდა, რომ ადგილი ადრე
დაეჭირა, ვინ ახალჩამოსულ ნაცნობს ხელს უჭერდა და ჰკოცნიდა.

ზოგნი ვაგონში ასასვლელ კიბესთან ერთმანეთს შეეტაკნენ.
ძირს ჩამოშვლეული ზევით ამსვლელს არ უშვებდა და მალა ამ-
სვლეული ძირს ჩამომსვლელს.

— ბატონებო, უნდა დააცალოთ ერთმანეთს, ან თქვენ უნდა
მისცეთ გზა, ან თქვენ, თორემ ეს როგორ შეიძლება, — გულმოსუ-
ლად შენიშნა კონდუქტორმა.

აქ, როგორც იყო, ერთმანეთს გაშორდნენ, მაგრამ მეორე ალაგს
სულ უბედურად ერთმანეთს შეეჩხენენ. ძირს ჩამომსვლელს
ორივე მხრივ საესე, დიდი ხურჯინი მოჰქონდა და ზევით ამსვლელს
მოზრდილი კალათი. კალათი და ხურჯინი დაატაკეს ერთმანეთს.
ერთი იქით სწევდა, მეორე აქეთ. ესეც არ გათავებულა უაყალ-
მაყალ-უჩხუბრად. ყველა თავს იმართლებდა. მტყუანი იყო მხოლოდ
საბრალო ვაგონი.

— ეს კაი ადგილი შემხვდა, — სიამოვნებით თქვა კონსტანტინემ
და ვაგონის ერთ კუთხეში სკამზე დაეშვა.

— მე ვიცი, ბატონო, როგორ ჯობია. მაშინათვე რომ სული აგე-
ტოტება კაცს, არ ვარგა, უნდა ცოტა მოითმინო. ხალხი მილაგდება-
მოლაგდება, მაშინ ადგილსაც ვოძებნი.

— ვოი, თეიმურაზ! დღეს რალაც ბედზე მოგვივიდა, თორემ, ამ
დასაქცევში დასაჯდომს კი არა, დასადგომ ადგილს ვერ იშოვნე, —
უთხრა კონსტანტინემ. — ხაბაკი ყველა არის, ფარნა?

— არის, — მიუგო ფარნამ და თაროებზე დაწყობილი ბარგი
დაათვალიერა.

— შენ აქ რაზე ამოხვედი დღეს? — ჰკითხა კონსტანტინემ თეი-
მურაზს.

— აქ დღეს კი არ ამოვსულვარ, სოფლიდან შოვდივარ..

— ჩარხავ, რაღა, საქმეს. ბევრი გყავს კომისიონრები?

— რათ გინდა, — ტუჩებგაბუტვით მიუგო თეიმურაზმა, — სიმინდის ყიდვას, ჩემო ბატონო, კონსტანტინე, ფული უნდა ბევრი, ფული. ისეთ ხალხთან გვქონდეს საქმე, რომ ადვილად შეიძლებოდეს გაატარო, მესმის, მაგრამ ჩვენში ყველა ვაჭარია. ნახევარი კაპეიკო მეტი თუ მისცა იმ კაცმა, მამაშენიც რომ იყოს, შენ არ მოგყიდის. ბევრფულიანი კაცი არ დაზოგავს; ერთ ალაგას კაპეიკიც იზარალო, მეორე ალაგას სამს ამოიგებ. ფულია საქმე და აი, თქვენ, მაგალითად, შიკვირს, ხელს რათ არ კიდებთ, ღვთის წყალობა თქვენცა გაქვთ, ნდობაც კარგი გაქვთ.

— ათას რამეს ვერ აუვა, ოხერი, კაცი, თეიმურაზ, თორემ კარგია, მოგეცა ღვთის წყალობა, — მიუგო კონსტანტინემ და ფანჯარაში გაიხედა.

მესამედ დარეკეს. ხალხი აირია, გაისმა რამდენიმე გამოსამშვიდობებელი კოცნა.

— ნიკოლოზ ილიას ძევ, არ დაგვივიწყოთ, — მოისმა ქალის ნაზი ხმა. — წერილი მოგვწერეთ.

— ვახთა, ვახთა, — ვაგონის ფანჯრიდან თავი გამოეყო და ტლანქად ყვიროდა ვილაცა, — ადრე გაეჩქარე, ადრე. დაშავებულ ცხენზე არავინ შეაჩინო.

— ПОБЕЛОН, ПОБЕЛОН ВСЕМ, — ეუბნებოდა ადგილობრივი ცნობილი მთარშიყე ერთ თავის ამხანაგს და ახალგაზრდა ქალებით გარშემორტყმული, ეშმაკური ღიმილით თავს უკანტურებდა ვაგონის დერეფანში მდგომ ყმაწვილს.

— კარგი, კარგი, ჩემს მოსვლამდი ესენი არ მოაწყინო, — მიუგო ამხანაგმა და სიამოვნებით უღვაში წაიგრიხა.

— ხა, ხა, ხა, — ჩაიციენეს ქალებმა.

— ფშვრ... იტ... — დაისტვინა უფროსმა კონდუქტორმა.

— ვო... ო... ი! — დაიყვირა ორთქლმავალმა.

— ფშვრ... ფშვრ... იტ! — განიმეორა ისევ კონდუქტორმა.

— ვო... ვო... ვო... ი! — დაიჭექა ორთქლმავალმა. ერთი წამიც და ბორბლებიც ნელა გადაბრუნდა, ვაგონების შემაერთებელი ჯაჭვები აწყარუნდა, ბორბლები თანდათან სიჩქარით გაგრიალდა რკინის ლიანდაგზე.

— ფრთ, ფრთ, ფრთ, — ქშინავდა ორთქლმავალი და მაღალ და ფართო მილიდან სქელ-სქელ კვამლს უშვებდა.

— ხრ, ხრ, ხრ, — ხრიხინებდა მატარებელი და თანდათან

სადგურს შორდებოდა. ერთი წუთიც, და თვალებიდან მიეფარა. ნასიამოვნები საზოგადოება კი დაიშალა.

მგონი ადვილი მისახვედრია, რომ ზემორე მოხსენებულ კონსტანტინე—კონსტანტინე ტომბაშვილი იყო და ახალგაზრდა ბიჭი— ფარნა თოხიტარია. თეიმურაზი ერთი მეორეხარისხოვანი ვაჭართაგანი იყო ფოთში, რომელიც, სხვათა შორის, სიმინდის ყიდვასაც მისდევდა.

— რა ათასი საქმე გინდა, შეე კაცო, — ხმამაღლა უთხრა თეიმურაზმა კონსტანტინეს, როცა სადგურს განშორდნენ. — მე შენ ვიყო, მაგ საყასპოს თავს დავანებებ და სიმინდს ხელს მოგვიდებ.

— სიმინდი სიმინდია, კაცო, მაგრამ რა ვიცი, ჩემო ძმაო, ხელახლა სასწავლი შეგვექნება. საყასპო, მართალია, ძველებურ მოგებას არ იძლევა, ომიანობის დროს რომ იყო, მაგრამ მაინც კაი მოგებაა. ჩემი ძმა იოსებიც კარგად დახელოვნებულია იმ საქმეში და ახლა მაგას თავი დავანებო და უტყნობ საქმეს... ლატარიაში თავი ჩავიგდო? — მიუგო კონსტანტინემ.

— აბა, რა გითხრა, კონსტანტინე, სულ კარგად, ე. ი. დაახლოებით არ მიცნობ, მაგრამ მაინც გაგებული გექნება სანდო კაცი ვართუ არა, მიშოვნე ერთი სამას თუმნამდის, ერთ ორასს მეც დავკონკავ და გამოვცადოთ ერთ წელიწადს მაინც. რაც იქნება, ის იქნება, დამერწმუნე... ახლა სიმინდს ისეთი ფასი და მოთხოვნილება აქვს, რომ ამაზე სახეირო საქმე ჩვენში არა არის რა.

— ვნახოთ, ვნახოთ, თეიმურაზ, — მიუგო კონსტანტინემ. — ეს სახუმარო საქმე არ არის. იოსებსაც მოველაპარაკები, ავწონ-დავწონავთ საქმეს.

— Господа, билеты! — შემოიძახა კონდუქტორმა.

კონსტანტინემ და თეიმურაზმა ბილეთები გაუწოდეს.

— შენ იყავი, არ მეგონა დღეს, თორემ ბილეთს არც კი ავიღებდი, — უთხრა თეიმურაზმა კონდუქტორს.

— სულ ერთია, — ცოტა მორცხვად მიუგო კონდუქტორმა. ბილეთები ვამოსკრა. ორი ბილეთი კონსტანტინეს დაუბრუნა და თან დასძინა: — საით ბრძანებულხართ, ბატონო?

— აქეთ ვიყავი, ჭყონონასაკენ.

— კეთილი... Билеты, билеты, господа! — განაგრძო კონდუქტორმა და მოჰყვა ბილეთების შემოწმებას.

ზოგან ბილეთებს სჭრიდა და უკან უბრუნებდა, ზოგან სჭრიდა და სულ ართმევდა, ვინც მახლობელ სადგურამდე მიდიოდა, ზოგან კი, უბილეთოებისაგან, ფულს ჯიბეში იჩხრიალებდა.

— ასეა, ჰო, პირველად მოდიხარ! — დაუყვირა ვაგონის მეორე კუთხეში ერთ მოხუც გლეხს. — სულ ოთხ აბაზნახევიარი ღირს ბილეთი და მე ცხრა შაური მერგება!

— ორი აბაზი და ერთი შაური? — გულმეწუხებულად, ხრინ-წიანი ხმით მიუგო მოხუცმა.

XXIX

მოსაშვადე

კონსტანტინე ტომბაშვილს ორი დუქანი ჰქონდა ქ. ფოთში. ერთი დიდი მალაზია, როგორც ეძახდნენ, და მეორე საყასბო. მალაზიაში ჩაი, შაქარი, დამზადებული ხორაგეულობა, თევზი, ერბო, მინის ჭურჭლეულობა და სხვადასხვა წვრილმანი იყიდებოდა. კონსტანტინეს დუქანი მეზობლებთან შედარებით ერთ საუკეთესო დუქანად ითვლებოდა მთელ ქალაქში.

კონსტანტინე მალაზიას განაგებდა, მისი ძმა იოსები კი — საყასბოს. გაყოფილი ჯერ არაფერი ჰქონდათ; ორივეს თანასწორი წილი ედო როგორც დუქნების მოგება-წაგებაში, ისე სოფელ ლეტაკარში ოჯახსა და მამულში.

ორთა შუა რიცხვით, ორივე ძმა წელიწადში ოცდაათი ათას მანეთს ატრიალებდა.

მეორე დილას, როცა კონსტანტინემ ფარნა შეიყვანა მალაზიაში, უკანასკნელი ცქერად გადაიქცა. კარგად გაწყობილი დუქანი ზუგდიდშიაც ენახა, მაგრამ ამდენად ზორბა დუქანსა და ამდენ ქრელსა და ბლომა საქონელს, ერთად თავმოყრილს, პირველად ხედავდა.

კონსტანტინემ ფარნა თავის უფროს ნოქარს ჩააბარა და თვითონ რალაც საქმეზე ტამოყნისკენ წავიდა.

პირველი წამიდან ფარნა გულმოდგინედ თვალყურის დევნება დაუწყო ვაჭრობას. რა და რა საქონელს როგორ აფასებდნენ, რამდენად აძლევდნენ, როგორ წონავდნენ, ახვევდნენ. მუშტრებს როგორ ეპატიებოდნენ და სხვ. განსაკუთრებით ყურადღებას აქცევდა საანგარიშო რგოლებს; რგოლებზე ანგარიშის ცოდნა დიდიხანია წყუროდა, სიამოვნებით უყურებდა, როცა ვაჭრები რგოლებს ჩქარ-ჩქარა ატკაცუნებდნენ, მაგრამ აქამდე შემთხვევა არ ჰქონია, რომ თვითონაც დაესწავლა. ახლა კი, რაკი უფროსი ნოქარისაგან რგოლების

უმთავრესი საიდუმლო გაიგო, მთელი თავისი არსებით მათ მიეცა; თავისუფალ დროს სულ ვარჯიშობაში იყო და ერთი თვის შემდეგ კარგადაც დაისწავლა.

ორი თვის შემდეგ ყოველივე სავაჭრო საქმეში უფროს ნოქარს თითქმის არაფრით ჩამოუვარდებოდა. კონსტანტინესა და უფროსი ნოქარის სიხარულს საზღვარი არა ჰქონდა. პირველს უხაროდა, რომ მის მალაზიას ერთი ნიქიერი და საიმედო კაცი შეეძინა და მეორეს ის, რომ ფარნას შემწეობით ცოტა დასვენებას ეღირსებოდა. სხვა ბიჭები, ცოტა არ იყოს, შურით უყურებდნენ ფარნას, რადგან ზოგი მათგანი აგერ რაპდენიმე წელიწადი იყო და იმან კი ერთ თვეზე მათ წინ გაუსწრო. მაგრამ ფარნა ისე თავმდაბლად და მეგობრულად ეპყრობოდა ყველას, რომ ძალაუნებურად ყველა პატივსა სცემდა.

— შენი ცოდვა მე არ მინდა, — უთხრა კონსტანტინემ საძი თვის შემდეგ ფარნას. — მამაშენისაგან პირობა ისე მაქვს, რომ ერთ წელიწადს უჯამაგიროდ უნდა იმსახურო, მაგრამ რაკი ასე ჩქარა გაიმართე ვაჭრობაში და საქმეს მუყაითად და ერთგულად ეკიდებ. ამ დღიდან, ამავე წელს თუმან-ნახევარი მიჩუქებია შენთვისო.

ფარნას თვალები სიხარულის ცრემლით ავესო.



ტომბაშვილების საყასბო რიონის პირად იდგა. ივანეს საქმე იყო იქ პირუტყვის კვლა, გატყავება და ასო-ასო აქნა. წონაში და გაყიდვაშიაც ხშირად ეხმარებოდა. თავის საქმეში ისეთი ხალისიანი და მარჯვე იყო, რომ მთელ ქალაქში თითქმის ბადალი არა ჰყავდა. სხვა ბიჭი რომ ერთ ძროხას დაჰკლავდა და გაატყავებდა, იმდენ ხანში ივანე ორს მორჩებოდა. ამიტომ სხვა ყასბებმა გადაბირება მოუნდომეს და ჯამაგირის მოპატებას შეპირდნენ. იოსებს შეეშინდა, კონსტანტინესთან მოითათბირა და გადაწყვიტეს წელიწადში თხუთმეტი თუმანი, ტანისამოსი და სასმელ-საჭმელი მიეცათ. ეს კი სოფლელი უსწავლელი გლეხისათვის კარგი ჯამაგირი იყო და როცა ჰყონონაში შეიტყვეს, არა ერთ ბიჭს გაურბინა თავში უღრიანმა აზრმა.

— ძალის ბედი ჰქონია მაგ ყურუმსალს. ქე მაინც სხვას რითიმე სჯობდეს, — ამბობდა ერთი.

— ეს ასეა. ძმაო, — ბრძანებდა მეორე. — კაცს რო ღმერთი შეიყვარებს, სულ ყურმა რომ იყოს. მაინც წაწვეს და წაწვეს წინ. აბა, ივანეზე უგლახესი დაიარებოდა ვინმე ჰყონონაში? უქალამნობით ცხრაფრათ დახეთქილი ჰქონდა ქუსლი. მიტყლის პერანგი თავის

დღეში არ მინახავს მის ტანზე, სულ ხამი ეცვა, ჩოხაზე ხომ თქმაც ზევრია.

— რის ჩოხაო, კაცო! ცივი ღომი არა ჰქონდა მამამისს საყოფი, — კბილს იღესავდა მესამე.

— მერე, სახლის გადაკეთებაც მოუწადინებია, — უმატებდა მეოთხე.

მართლაც, ნიკოია თოხიტარიაჰ, თავისი ძველებურად, გრძლად დადგმული სახლი დაარღვია და ახალ გეგმაზე გააკეთა. სახლს შუაში ერთი კედელი ჩაუშატა, გააგანეირა და ორი ოთახი გამოიყვანა და ერთი პატარა ფანჯარაც გამოჰკრა წინ, თუმცა ფანჯრისათვის ფიცრის გაჭრა კი ენაღვლებოდა. წინ, აივანზე ფიცრის იატაკი დააგო და ჰერიც ფიცრულივე გაუკეთა.

შიგ მორთულობითაც ნიკოიას სახლი ახლა დიდად განირჩეოდა წინანდელისგან. ქუჭყიანი საბნის მაგივრად ახლა აბრეშუმის საბნები ელაგა ტახტზე და ღურგლის გაკეთებული გალაქული კაკლის ხის ქახრაკის ფეხებიანი მაგიდა ამშვენებდა კუთხეს.

სამივე მამა-შვილი წინანდელზე უფრო გულმოდგინედ და მხნედ მუშაობდა. ხუთი ქცევა დაგირავებულ მიწას სამიცი იჯარით მიუმატეს წელს და ამრიგად. რვა ქცევა მიწა დაამუშავეს. მიწა იჯარით აიღეს ერთი მახლობელი სოფლის აზნაურისაგან, რომელსაც ამ საკირბოროტო აზნაურობის საქებრად მეტისმეტად ესაჯიროებოდა ფული, დასაგირავებლად არ შეეღია, თუმცა ნიკოიას დაგირავება კი სურდა, და სამი წლის ვადით იჯარით გასცა სამი ქცევა ჰალა ორ თუმნად წელიწადში. სულ უკანასკნელი ქცევა მიწა წელიწადში ორმოცდაათ ფუთ სიმინდს და ოთხას კონა ჩალას მისცემდა პატრონს. ნიკოია მაინც უზურში მოგებულ იყო.

მიწის პატრონმა კი ნიკოიასაგან მიღებული ექვსი თუმანი მეტრიკული მოწმობის გამოტანას დაახარჯა.

* * *

გაზაფხული თავდებოდა. ჰყონონაში ყველაფერი ძველებურად, უფერულად ჰიდოდა. იგივე ხვანა-თესვა, ქორწილ-ტირილი და წვრილმანი მტრობა-მოყვრობა. ჩვენი ნაცნობი წისქვილიც ძველებურად ბრუნავდა და მეწისქვილე მაძინიაც ისევ ძველებურად ხან პატარა კეცზე მჭადს აცხობდა, ხანაც პატარა კარდალით სიმინდის ღომს ხარშავდა.

სალამო უამი იყო. წისქვილის ქვემოთ, პატარა გუბის პირად, ორ

ვაქკაცს ტანი დაებანათ და ტანისამოსს იცვამდნენ. კისერზე გრძელ ბაწარმობმული ახალ-ტანდაბანილი ცხენი იქვე ბალახობდა.

ერთი მათგანი იყო ძუკუ, მეორე ბართლომე.

— სად დაიკარგა ის კაცი ნეტავი? — იკითხა ძუკუმ.

— ვინ? — მიუგო ბართლომემ და ახალუხის ღილების შებნევის შეუდგა.

— სოფრომიაზე ვამბობ, შე კაცო! ერთი კვირაა არა ჩანს.

— გალმა, საათხაზოში არ წავიდა? შეეჩვია მაგ მენცარი იქაურობას და...

— ვო, უბედურს, რავა ტყავს გააძრობენ. იმან არ იცის იქაური ადათი. გვარიანი გამოწყობილი ქე მიდის აქედან და შენ ნახავ, უკან პერანგის ამარა თუ არ დაბრუნდეს.

— ამას თქმა არ უნდა, მას თითოვით შიშველს ნახავ.

— ვაიმე! — წამოიძახა ძუკუმ, — ჩემი მასრები თუ აჩუქა ვისმე?

— შენი მასრები მიაქვს?

— ჩემი, მაშ! მერე რომელი, ახალი, საგანგებოდ რომ გავაკეთებინე! ნახევარი ირმის რქის და ნახევარი სპილოს ძვლისაგანაა. ოცდახუთი მანეთი ნაღდი ფული დამიჯდა. ვაიმე, თუ გამინალდა!

— ეს თუ გინდ ხელში გქონდეს. იმას იქ ისე მოულაქუცებენ, თავადიშვილები გვერდზე მოისვამენ, მის სადღენგრძელოს დაღვევენ, მოეფერებიან. მერე თხოვნას დაუწყებენ. ზოგი ქუდის გაცვლას შესთხოვს, ზოგი ხანჯლის, ზოგი შენი მასრებისას. სამაგიეროდ, აღუთქვამენ, რასაც მოინდომებს, თითქმის მთელ ოჩამჩირეს დაჰპირდებიან ბულაზიანად, და შენს სოფრომიას ტიტველს გამოგვიგზავნიან.

— ეხ, ქე შაინც ნუ მეუბნები, — გააწყვეტინა ძუკუმ. — შენ მანუგეშებდი. მეგონა და რას მეუბნები. მამაჩემმაც ჯერ არ იცის.

— ვო, — გაგრძელებით მიუგო ბართლომემ, ახალუხის ღილიკილოების შებნევა გაათავა და წელზე ხელი გადისვა.

— ჯერე არ შეუძინეგია, მაგრამ თუ გაიგო, ხომ იცი, რა ღრიკინა ზასიათისაა, ჩხუბს ავატეხინებს. მოყვება ერთ დაუსრულებელ ქადაგებას და, ერთი სიტყვით, გამოგაყრუებს. ბასილი ჭუბუტრაძე არ მიუვა, თუ ერთხელ დაიწყო. უცხო არ იქნება, იმ სოფრომიამ თუ დამიკარგა მასრები? მეც რო არ მოვიფიქრე, ეს ოხერი, აი ესენი შიმეცა, — ხელი გადისვა ძუკუმ თეთრი, უბრალო ძვლის მასრებზე. — ღმერთო, მომკალი, თუ დამიკარგა ის მასრები, მარჯვენა ხელს მირჩევნია.

— ჰეი, სოფრომია ხამია ჯერ, უბედური, თორემ მე რომ ვიყო, თუ ვისმე ვაჩუქე, ვთქვათ, მაგისტანა საქონელი, ხუთ მაგისტანად

ლირდეს ისეთ ცხენს ავაფუკენი სამაგიეროდ. მაგათი წესი ასეთია. რასაც ვთხოვს, უნდა აჩუქო, რასაც თხოვ, უნდა გაჩუქოს. ვთხოვს, ვაგალითად, მასრებს, ვთხოვ საუკეთესო ცხენს და ვამოვკურცხლავ აქეთ.

— ა, ბაბა, თავისუფალი კაცები, ლამაზად ტანი დაუბანიათ და გემოზე დროს ატარებენ!—მიაძახა ვილაცამ და მათ თავზე წამოადგა.

— აა... ჩემო კულა, შენა ხარ? ვო, ზეჩა, არც შენა ხარ, საუბედუროდ, ბარისოფი, იმანაა, რაც უდროოდ დამაბერა, მივიგნია. ბეჩა, ადგილზე, მივიგნია, — მიუგო ბართლომემ და უკვე გამოწყობილი, მდელოზე დაქდა.

— რათ ლანძლავ პატიოსან კაცს, -- დაცინვით შენიშნა ძუკუმ.— ეს ახლა კარგად მუშაობს. მისი ყანები, ღმერთმა ნუ მოაკლოს ისეთები მის ჩამომავალს, ფო, ფო, ფო, სხვები ახლა მარგლავენ და ამის სიძინდს პოპორი უსვრია. სიმალლით ერთ არშინს არ აღემატება, მაგრამ რა ვუყოთ, სიმინდი კი არა, თვითონ კულაც არ არის ძლიერ მაღალი, მაგრამ მე შენ გეტყვი, ბიჭი არ არის თუ? სავაგიეროდ მის სიმინდს ოქროსფერი გარდაჰკრავს, ოქროსი.

— ჰ, ვ... — რალაც გაუგებრად ჩაილაპარაკა კულამ.

— მოდი, მოდი, ერთი ახალი ამბით გაგვართე,—მოიპატიყა ბართლომემ, კულამ ბევრი არ იზოდინა და იმათთან მდელოზე ჩამოქდა.

— აბა იჩურჩუტე რამე, რამე გაგაჩერა,—გაეხზმრა ძუკუ, ორივე წულა ჩაიცვა და მდელოზე წამოწვა.

— მე თქვენთან მოვრბოდი, იქნება რამე იჩურჩუტონ-მეთქი და...

— ვაი, შენს კეფას, — მიუგო ბართლომემ და თავში ხელა ჩაათარა.

— ბიჭო, ეს ნაბდის ქული თავის დღეში არც დაიხევა და არც დაძველდება რეტავი? — თქვა ძუკუმ და კულას თავზე ხელი წაატანა.

კულამ თავი განზე გადაწია და ქულს ხელი მოჰკიდა.

— არა. ხომ არ წაგართმევ. კაცო! არა. ახლა შენც... — ეუბნებოდა ძუკუ და მისი ქულისაკენ ხელს იშვერდა.—მართლა გეუბნები, ბასილი ნუ მომიკვდება, მე რაც გავჩენილვარ და შენც გიცნობ. სულ ეს ქული გხურავს ზამთარ-ზაფხულ... არა. მაჩვენე, მაჩვენე, მე ნუ მოგიკვდება, ჰა, კარგი, ცოლ-შვილი ნუ მოგიკვდება, მინდა ისე.

კულამ ქული გადასცა. ძუკუმ ხელში დაიჭირა და თვალიერება დაუწყო.

— მართლა, რა მტკიცე ნაბადია. ეტყობა სვანური ხელობაა. სად გააკეთებინა ვაგ ყურუმსალმა. შეეტყობა სიძველე კი. აი, აგერ

კიდევ ქოჩორზე გამოხეულა. ვო, ბართლომე! — დაიძახა ძუკუმ. — აბა, თუ გამოიცნობ: რა მინდაო, — ამბობს ეს ქული?

ბართლომემ თვალეზი ზევით აღაპყრო, ერთიც გიჟივით დააბრიალა, მერე ხელები მიიფარა. ვითომდა ძლიერ დაფიქრდა და თითქო ვილაც ყურში ეჩურჩულებო, ნელ-ნელა გაგრძელებით წარმოთქვა:

— ის ქული რას ამბობს?

-- ჰო!

ბართლომემ თვალეზი გადმოატრიალა, სახე დაიგრძელა და სასაცილო გამომეტყველება მიიღო.

— ამბობს, რომ, — უცნაური ხმით დაიწყო მან. — მეც მინდა ცურაობა ვისწავლოვო, ოცი წელიწადი სიცხისაგან და წვიმისაგან ქე ვიფარავ კუდას ჭაგარიან ქეჩოსაო. ერთხელ მეც მინდა ვისიამოვნო, უნდა ამ სიცხეში ვიბანაო. გადამაგდეთ ამ მორევშიო! — ძუკუმ ქული გადასაგდებად მოიმარჯვა.

— სუ. სუ, თუ კაცი ხარ. არ გადააგდო, ბასილი ნუ მოგიკვდება, ძუკუ... ეს როგორ შეიძლება! -- აწუწუნდა კუდა და ხელი წაატანა.

ძუკუმ კუდა ცალი ხელით გააჩერა და ქულიანი ხელი განზე გასწია.

— მე რა მიზეზი მაქვს, ხომ უყურებ. ის კაცი ზეციდან იღებს ბრძანებას.

— კუდა ჩაჩუმდესო! -- ისევ დაიძახა ბართლომემ. — თუ არ ჩაჩუმდა. ტანისამოსი გახადეთ და ტიტველი გაუშვითო.

— მაშ, კაი მაგას, — წამოიძახა ძუკუმ, ქული იქვე გადააგდო და სანამ კუდა გაქცევას შოასწრებდა. ხელი სტაცა და მდელიზე პირალმა გააგორა. ბართლომეც მიეშველა და გატიტვლება დაუწყეს.

— ვო, ვო, სუთ, თუ ღმერთი გწამთ, ვა, ვა, ვა, — ზმუკუნებდა კუდა. რაც შეეძლო. იკუმშებოდა და თავს არ ანებებდა, მაგრამ ოთხ ღონიერ ხელს რა წინააღმდეგობას გაუწევდა. სანახევროდ გაატიტვლეს და, როგორც იყო, თავი მიანებეს.

— კარგი ახლა, კუდა, ხუმრობა გათავდა. ჩემო ძეგო. ახლა დინჯად. დარბაისლურად ვიმუშაიფოთ, ერთი გვიამბე, რამდენი ქალ-ვაჟი შეჰყარე წრეულს ერთმანეთს?

— თქვენი მსაფი ამოვარდა, თქვენი დუხი ამოწყდა, — იგინებოდა კუდა და ტანისამოსს ისწორებდა.

— რასაც გკითხავენ, შენ იმას პასუხი გაეცი, ვირიშვილო. თორემ ახლავე დედიშობილა გაგიშვებთ სახლში, — ვითომდა გულმოსულად უთხრა ძუკუმ.

— თქვენს ღდინსაც რა ვუთხრა, — გააგრძელა კუდამ, — ეს კიდეც საღ გაუხვევიათ, ამოსაწყვეტები!

— კარგი ახლა, კუდა, — მიუგო ბართლომემ, — ახალს გიყი-
დით!

კუდამ ეშმაკური თვალებით შეხედა ბართლომეს.

— არ გვეტყვი? ჰო, კარგი, ბევრი იმაშვალე წრეულს? — დაე-
კითხნენ ისევ.

— არც მაგდენი წრეულს, ბევრი არაფერი, — ამოოხვრით მიუგო
კუდამ.

— კუდა, ვო, კუდა, — დაეკითხა ძუკუ იმნაირი კილოთი,
თითქო ცხელებით არის ავადაო, — კუდა, კუდა, არ გეგულება საღ-
მე კაი ჩიტები და მტრედები?

— მტრედები და ჩიტები თქვენ ხელში არ არიან? — ბოროტად
გაიღიმა კუდამ.

— რა არის, ბაბა, ჩვენს ხელში? — მიუგო ბართლომემ, — ჩვენს
ხელში მხოლოდ ძველი დედლებია, ზოგი კვერცხსა სდებს, ზოგიც
კრუხია, ზოგი წიწილებს ზრდის, მათთან საქმის დაქერა ხათაბალა...
გასაწყვეტი მამლეზიც მუდამ დარაჯობენ.

— კუდა, ერთი კაი მტრედთან საქმეს თუ გამირიგებ, — უთხრა
ძუკუმ, — აი შეხედე ცხენსა, ეს ცხენი ფეშქაშ. შენი საჩუქარი იყოს.
კუდამ მართლა შეხედა დალდასმულ ცხენს და თვალები აენტო:

— ცხენი შენი ხომ არ არის! ბასილი?

— ბასილი კი არა, არ გინდა კიდეც მერაბი? ტურას ფეხი შენცა
და შენ ბასილსაც, — მიუგო ძუკუმ.

ბართლომემ გადაიხარხარა.

— ბასილმა სრულ საკუთრებად მაჩუქა მე ეს ცხენი, რასაც
მინდა, ივას ვუზამ.

— შენ ოლონდ კაი მტრედი მოსძებნე, — უთხრა ბართლომემ, —
და უსაჩუქროდ კი არ დარჩები, ნუ გეშინია... არა, მართლა, მართლა,
კუდა, — ხვეწნის კილოთი მიუბრუნდა ბართლომე. — ახლა ამ არე-
მარეში ვინ გეგულება ერთი კაი ახალი გვრიტი?

— თქვენ თვითონ არ იცით?

— ჩვენ ვიცით, მაგრამ ვნახოთ, აბა, შენც თვალი როგორ გიჭ-
რის.

— გვრიტები ბევრია, მაგრამ ახლა გაიანესთანა გვრიტი...

— რომელი გაიანე? — საჩქაროდ ჰკითხა ძუკუმ.

— ნიკოიას გაიანე ახალი ვარდია, რაღა, — თავის ქნევით თქვა
კუდამ.

— ეს კი მართალია!—წამოიძახეს გმირებმა.—არა, ამას თვალი უჭრის, ეტყობა გემოც ჰქონია, კბილები არ უჭრის, თორემ...

— ჯარგა ხანია თვალყურს ვადევნებ, — გააგრძელა კუდამ. — პატარაობისას მაინცდაჰაინც ბევრი არაფერი იყო, და ახლა...

— ეჰ, ძმაო კუდა, თუ იმასთან გამირიგებ საქმეს, იმის ტუჩებზე თუ დამაკონებ, აჰა, ძმაო, ცხენი კი არა, ამ სარტყელსაც დაგიმატებ, — ათრთოლებით მიუგო ძუკუშ.

— ნიგვზის მუხურში ნახევარი ქცევა ვიწა რომ მაქვს, ხომ იცი, — თვალების ბრიალით უთხრა ბართლომემ, — თუ ზურაბის შვილი ვარ, ხელწერილით ჩაგაბარებ.

კუდამ ორივეს იჭვნეულად შეხედა.

— რას გვიყურებ ასე, გატყუებთ გგონია, — მიუგო ორივემ. — ჩვენი მონატყუები აბა რომელი ნახე. შენ ოლონდ საქმე გაგვიწყვე... სიტყვა მიუტანე, პასუხი მოგვიტანე, სალაპარაკოდ გვიშოვნე... იმოსაშვალე, რაღა, და საჩუქარზე ნუ გეშინია, განა საეჭვოა, ან სალაპარაკო! წერა-კითხვა იცის იმ დასალუპავმა? — ჰკითხა ბართლომემ.

— არ ვიცი, არა მგონია.

— ისეთ ლექსებს მივწერდი, კითხვა რომ იცოდეს, რომა სულ ავათამაშებდი, — დაიკეხნა ბართლომემ.

— მეორე ბიქს რომ ასწავლიდა ის ლუგა ყაზახი, გოგოსთვის დაესწავლებინა, არ სჯობდა? ახლა ხომ გამოგვადგებოდა. გოგოს წერილს რომ მისწერ, უფრო გაღზარდებდა, უკეთესად მოაწყობ კაცი საქმეს, — იბრძენა ძუკუშ.

— აბა, ბორო ყაზახმა რა იცის თოხნის მეტი, როგორ ჯობია! მეთხეს წიგნი რათ უნდა, ისეთი ამპარტავანია მერე ის ბაყაყი, რომ იცოდე, — დაუმატა ბართლომემ.

უკვე შებინდდა. გლეხები ყანიდან შინ ბრუნდებოდნენ.

— სალამო მშვიდობისა, ბატონებო, — უთხრეს ზოგიერთებმა. მდელოზე წამოწოლილ აზნაურიშვილებს. გზა იმ ადგილის ახლო გადიოდა, საცა ისინი ისხდნენ.

— იცოცხლეთ, — მიუგეს მათ.

— ის თემო ხომ არ არის იქ, თქვენთან რომ ზის? — თამამად და, ცოტა არ იყოს, ცხარედ დაიძახა ერთმა გლეხმა. შეჩერდა და თოხის ტარზე დაებჯინა.

— ამოსაწყვეტებს ხუმრობის მეტი არაფერი ახსოვთ, — თავისთვის ჩაილაპარაკა გლეხმა და მერე ხმამაღლა წარმოთქვა: — დიდება შენდა, ღმერთო! — მიუბრუნდა კუდას, სხვა გლეხებიც შეჩერდ-

ნენ. — რაც მე შენ დღეს, ძმაო, გიძახე. ორჯერ შენს სახლშიაც ვიყავი, სად არ გექმებე! დღევანდელი დღე წმინდად გვაცდინე. კაცო, რას უყურებ, არ ვიცი? ორი საუენია შენი გასაღობავი, ძმაო, რისთვის არ გააკეთებ, შე საპატიო კაცო! სანამდი უყურებ. თავთავისი წილი ყველამ გააკეთა, შენი მარტო თავვის კუდივითაა დარჩენილი. სიმინდი ვმარგლოთ თუ ღორებს სისა, სისა ვუძახოთ.

— ჰეც შენისთანა მარტოხელი კაცი ვარ, ძმაო, — გამოეხმაურა მეორე გლეხი, — მაგრამ ექვსი საუენი ღობე დავღობე, შე დალოცვილო.

— თუ ხვალ არ გააკეთე, მამასახლისს უნდა მოეახსენოთ, ყველანი ხელს მოვაწერთ, ეს რასა ჰგავს, განა ახლა ღობეზე ჩივილის დროა. სიმინდის მარგვლა ნახევრად მოთავებულია და ღობე კიდევ სრულიად არა აქვს.

კულა, ცოტა არ იყოს, დარცხენილი იდგა, თავი ძირს დაეხარა და ტუჩებს ათასფრად აცმაცუნებდა.

— დღეს მინდოდა გამეკეთებინა მაგ ბალაგარი, მაგრამ არ შეცალა, — იმართლა თავი კულამ.

— რამდენჯერაა, მაგას რომ ამბობ, ცოლ-შვილი ნუ მოგიკვდება! — მოსძახეს გლეხებმა ერთად.

— არა, პოიცა, — გამოეხმაურა ერთი შეეწვერა და სიცხისაგან გაფუთქული გლეხი. — გული კი არ მოგივიდეს, და დღეს რალა საქმე გქონდა? არაფერი. ბაბა, მე მითქვამს, რომ სულ ჭაბუკობა არ არის, თავის დრო აქვს ყველაფერს. ბრმა და კოჭლი ჩვენც არ ვიყავით და ერთ დროს მათრახის ტყეჩაფის მეტი არაფერი მახსოვდა, მაგრამ ახლა შემოპხედე, რასა ვგევარ.

— უსათუოდ, უსათუოდ! — დაუძახა იმ გლეხმა, რომელიც პირველად გამოეხმაურა. — თორემ მეტი მოთმენა შეუძლებელია.

— სწორედ, სწორედ! — დაიძახეს სხვებმა და გზას გაუდგნენ. კულაჰაც წასვლა დააპირა.

— მოიცა, რა მიგაჩქარებს, ასე მალე შეგაშინა ყაზახებმა? ჩვენ არ გყავართ? — გული გაუთამამა ბართლომემ.

— ის კინტირია არ იყო? ისე რომ გტუქსავდა, დამაცადოს მაგან, მაგისაგან პატარაობისას კიდევ მახსოვს. ჩემი ხმალი, ხომ იცი, ბოლოზე ხელს მოავლებ, ტარამდი იღუნება. ხელს რომ გაუშვებ, შურგინს მოადენს, საკლავივით აკაფავ მაგ ჯანგარა ყაზახს, — დაიქაღანა ძუკუმ.

— ოხ, მართლა, ის კინტირია რა მეჯავრება, — კბილების კრეჭით თქვა ბართლომემ. — რა უსვინდისო კაცია. ერთხელ სამი მანეთი

ვთხოვე, მარტო სამი მანეთი, კაცო. საპი ღლის შიგნით მოგცემ-მეთქი, არ მათხოვა. ფული ჰქონდა, ყოველთვის აქვს, მამაძაღლს... მეორეჯერ ცხენი ვთხოვე, გამაცულდა. ახ, მაგის დედის... კაცო, ერთ-ორჯერ მივედი მის სახლში, ვეზობელია-მეთქი, ვიფიქრე. მესამეჯერ რომ მივედი, ასე მითხრა: თუ ძმა ხარ, ჩემ სახლში ნუ მოდიხარო. ახ, ასე პირდაპირ, პირში მომახალა, უზრდელი და გაუთლელი კაცია. ერთი სიტყვით, მხეცია, რაღა. თუ ძმა ხარო, ვაი, დედასა, დროებაჲ. კინტირია ძმას მეძახის.

— ამდენს რას ლაპარაკობ, — გააწყვეტინა ძუკუმ. — სქინჩო უნდა კისერში ჰაგისთანა ვირს და თავი გააგდებინო. ცოლი კი ლამაზი ჰყავს მაგ ყურუმსალს, კაი გათვითვინებული ქალია, ა... — გაიციანა ძუკუმ და ბართლომეს ილიაში ჩაუღიტინა.

— კიდეც იმის შეეშინდა, — ალტაცებით მიუგო ბართლომემ, — იმიტომ დამითხოვა მაგ შაემა ყაზახმა. ღვთის წინაშე, ცოტა ქე გევეარშიყე. ხა, ხა, ხა, ხა, — ჩუმად გადაიხარხარა ბართლომემ. — ცოტა რომ... თვალები დავუშტერე და შევეუწამწამე, წარბიც ავუბზიკე და ცხვირის ნესტოებიც შევეუთამაშე... ჩავაფრინდი, ჩავაფრინდი რაღა. საბრალო, აენთო, ძუძუები აუთანთალდა. აბა. მაგისთანა გაზანგულ-გაჭუქუყიანებულ მხეცთან მაგისთანა ქალი როგორ...

— ღამე მშვიდობისა, ბატონებო, — ამოიხვრით წარმოთქვა კუდამ და წასვლა დააპირა. კარგად იცოდა, რომ ბართლომეს და ძუკუს ნუგეში ბევრ არაფერს გამოადგებოდა და კინტირიას კისერიც ისე ადვილი გადასათლელი არ იყო, როგორც ძუკუ ამბობდა. სიტყვაზე, ეს ძუკუმაც კარგად იცოდა, მხოლოდ პირის გასამშვენებლად დაიკვებნა. კუდა კი ნათლად გრძნობდა, რომ თუ ხვალ თავის ხედრ ღობეს არ გააკეთებდა, უსიამოვნება შეემთხვეოდა. არც ერთი ღერი სარი არა ჰქონდა და ერთი წკირი წნელიც ჯერ არ მოეძეოდა.

— კუდა, შენ იცი, და მერე ჩვენ ვიცით შენი პატივისცემა, — უთხრეს კუდას ბართლომემ და ძუკუმ.

— ვეცდები, ვეცდები, რაც შემიძლია, — მიუგო კუდამ და გზას გაუდგა.

— დაღამდა, კაცო, შინ წავიდეთ, — თქვა ბართლომემ.

— მოიცა, რას ეჩქარები, რა ცოლ-შვილი გიტირის, რა კაი სიოა, ცხენმა ცოტა მოიბალახოს, ნეტავ სასროლი წამომეღო, თევზსაც დავიჭერდი, — მიუგო ძუკუმ.

— ნახავ, თუ კულამ საქმე არ გაარიგა. შენ არ იცი, ის რა მამაძაღლია, თუ ერთხელ შეუჩნდა, სიკვდილივით არ მოშორდება.

— იმ დასალუპავებმა, ცოტა არ იყოს, გული აუქვრიეს...

— ეს არაფერია, იმას ხვალ მიაღობავს და გათავდა. რამე საჩუქრები ქე უნდა, გული უნდა გაუთამამო, ხომ იცი, კაცის ზასიათი, ისე მუქთად როდი მოიწადინებს.

— რას მეუბნები, — მიუგო ძუკუმ, — თუ მართლა გაიანესთან გააწყო საქმე, ცხენი ახლა რად დავიკვებხნო, და საჩუქარს მართლა ქე ვივცემ რიგიანს, თუ ბიჭი ვარ.

— მე კი ვხუმრობ, გგონია? იმ ნახევარ ქცევა მიწას, ზურაბის სულს ვფიცავ, ვაჩუქებ, თუნდ შენ გაგიწყოს საქმე. მე ქალის ინტერესი იმდენი არა მაქვს, რამდენიც მაგ ქუსლმოქცეული ყაზახის, მაგ ნიკოიასი. საცაა, შეგვკამოს, რაც კარგი რამ გვებადა, სულ ხელში ჩაიგლო.

— ჰე, შენც ერთი, მაგის მამასთან რა მინდა, ნეტავ ის ახლა ზღვაში გადააგლო. მე გოგო მინდა, კაცო, გოგო. ის წითელი ლოყები მინდა დავუკოცნო, იმის ცხელ ძუძუებს მინდა დავეწაფო, — აღელვებულად თქვა ძუკუმ და მთელი ტანით გაიზმორა.

— ოხ, — ამოიოხრა ბართლომემ. — შენ ჯერ ბოვში ხარ, ქალეზის მეტი რა გახსოვს.

— ან რა ჯობია, ბიჭო, ლამაზ ქალებს. მაგათზე უკეთესი კიდევ იქნება რამე ქვეყანაზე? ერთი ლამაზი გოგო ერთ სოფლად ღირს.

— ეხ, ბევრი მიღამუცებია, ბევრი მიპროშტინია, მაგრამ ხეირი ბევრი აღარაფერი გამოვიდა, დასწყევლოს ჩემმა სალოცავებმა. ხიჯათის მეტს ისინი არაფერს შეგახვედრებენ. საცხოვრებელი მაგათ დავაპარკე, მასაფი ამოუვარდა მათ. მაინც, გული რომ ვერ პოგი-თმენს, ეგ ოხერი! რომ დაინახავ, ატოკლები მაინც. იცი, რომ მაცდურთან გაქვს საქმე, სულის და ხორცის დამლუპველთან, მაინც თავდავიწყებული იმათკენ მიისწრაფვი. საშინლად გიზიდავს ეგ ოხერი. აქ რაა, ბიჭო, თბილისში უნდა ნახო. კალმით ნახატიყო, იტყვი, ბიჭო. ან რა მსუქანი ქალებია. უფ, უფ!.. ან რა ტანისამოსიცვამენ. ზოგიერთს ნახევარი ხელი და ძუძუებზე ზევით ბროლივით ტიტველი ხორცი უჩანს, ხო, ხო, ხო, რა მორთულობაა, რა ჩაცმულობა. რომ შეგეყრება მაგისთანა ანგელოზი, ხომ გადაგრევეს კაცს.

— ოჰო, ხო! — გაიზმორა ძუკუმ.

— რომ ჩავიდოდით, ა... საქონლის საყიდლად იმ დასაქცევში... ჟაიტონ! დაიძახებ, მორბის ხუთი ერთად. ახედავ და დახედავ ძველი; დახეული ტყავი არ ჰქონდეს, ან ცხენები მქლე არ იყოს. გამოარჩევი

საუკეთესოს და გასწევ. — საით, ბატონო? გეკითხება. საკითხავად მიგაჩნია? Попли, красный плащ... ეპე. გულისა, გამქონდა რიხინ-რიხინი... გაიხედავ, მეორე დღეს ოცდახუთიანი ქე გაკლია. ფუი, მაგათი მასათი. შორიდან რომ უყურებ, მზათა ხარ მართლს სოფელი მისცე... და ახლო ერთი ფიცარიც დაგეზარება.

— მე კი, ძმაო, — თქვა ძუკუმ, პირალმა მიწაზე გაიშლართა, ფეხები გაჭიმა და მთელი ტანი აუთრთოლდა, — მე კი, რა გითხრა, ჩონას გავიხდი ჰაგისთანა ახალგაზრდაზე. ქმრიანები კი ბანძლია. ხომ გახსოვს, იმ ღამეს რომ გეუბნებოდი. აკი კინალამ დავიღუპე კაცი, ქე მოვიდა იმისი ქმარი. ღმერთო, ცეცხლი მოუკიდე. ტახტქვეშ გავათენე მთელი ღამე. სულ ერთიანად მტვერში ამოვისვარე. რწყილებმა ხომ შეჰკამეს. მოფხანაც ხომ რიგიანად არ შემეძლო... უხ! რა გადამწყდა, კაცო, კაცის ენა იმას ვერ გამოთქვამს. შუაღამეზე მეტი იყო, როგორც იქნა, წამოდგა ყაზახი და გარეთ გავიდა, ჩაღლებმა რაღაცაზე ყეფა ასტეხეს, რომუსკენ გადაიწია და კიყინი მორთო, ალბათ ქურდების ემინოდა, მე კი ვიდროვე და გავვარდი. ამოდენა დამაკლდა, — ფრჩხილის წვერი უჩვენა ძუკუმ. — ძლივს თავი დავაღწიე.

— მერე არ მისულხარ?

— ფუ! ეშმაკი მივიდა მაგასთან. სამჯერ მომატყუა. რომ არ შერცხვება ოჯახდაქცეულს. რა ჩემი ბრალიაო, — სიცილით მითხრა, მერე რომ ენახე, მოვიდოდა, არ მეგონაო.

კიდევ რამდენიმე ხანი ილაპარაკეს ჩვენმა გმირებმა, მერე ძუკუმ ცხენი დაიქირა. ბაწარი ავშარასავით აურთო და ზედ შეჭდა, ბართლომეც უკან მოიჯინა და შინისაკენ გაითოხარაკეს.

X X X

მუშები და გმირები, მათი გასაჭირები

ივნისის გასულს ნიკოია თოხიტარიას უბედურება ეწია. მისი საყვარელი ღედა, მისი ოჯახის ერთგული დარაჯი გარდაიცვალა. ავად დიდხანს არ ყოფილა, არც რამე თვალსაჩინო სატკივარი სჭირდა. თვითონ ყველაზე ნაკლებ ფიქრობდა სიკვდილზე. (წარმოიდგინეთ, მისი საყვარელი ფარნაც არ დაიბარა, რომ უკანასკნელ წამს შეეხედა და გამოთხოვებოდა), სიკვდილის წინ ერთი საათით მეზობლის ქალები სანახავად შემოვიდნენ. ჯერ, როგორც წესი

ითხოვს, სარეცელს მიუახლოვდნენ და დაეკითხნენ: როგორა ხარ, შენი ჰირიმე ქუჭა, როგორა ხარ?

— როგორ ვიქნები, თქვენი ჰირიმე, — მიღეული ხმით მიუგო მოხუცმა. ერთ დროს, როგორც იტყვიან, მართლა წამოსადეგი ქალი ახლა საბანქევო მუქის ტოლალა ჰოჩანდა. — როგორ ვიქნები, გენაცვალე, ცუდად კი ვიყავი, შემეშინდა, სათხილო მივიღე, მაგრამ ახლა გვარიანად ვარ, თითქმის მოვრჩი, მგონია. ერთი ხანია ასე კარგად არა ვყოფილვარ.

— ხველა იქნება, ხველა, საუბედურო, სურავანდი! ისეთი უბედური დაგორავს ის სანგარო, რომ კინალამ ბაღნები დამიხოცა, — თქვა ერთმა.

— ის კაცი, — (იგულისხმა თავის ქმარი მეორემ), — ძლივს დალოდავს, ტარიელი ნუ მომიკვდება, ღვინის ტიბუ გაუკეთე პილპოლიანი და იმან ცოტა მოუშუშა, თორემ ყურთასმენა აღარა ჰქონდა.

— აი, აი, ჰო! რა დროს ხველაა საუბედურო, ზაფხული და ხველა, წრეულს რაცხა ფარსაგი წელიწადი არაა, — თქვა მესამემ.

ქალები ლაპარაკში გაერთვნენ. სურავანდიდან დარზე გადავიდნენ, დარიდან მომავალ იარპუკაზე, იარმუკიდან აბრეშუმის მაზანდაზე, აბრეშუმიდან კაბებზე, კაბებიდან გასათხოვარ ქალებზე, სასიძოვებზე და გაჩაღდა მუსაიფი, ჰორი და მითქმა-მოთქმა.

ავადმყოფმა გაიანე მოიხმო და საკმელი მოითხოვა. გაიანემ მაშინვე ქათმის კამანაყარი მოარბენინა თეფშით. ცალ ხელში თეფში დაიჭირა, მეორეში კოვზი და მოხუცს კვება დაუწყო. ხანდახან მოხარული წიწილის ხორცსაც და ცივი ღომის ნატეხსაც შეატანდა ხოლმე.

ამასობაში ერთი მეზობელიც შემოვიდა. თვითონ ნიკოია და მისი შვილები იქვე, ეზოს ქვემოთ მუშაობდნენ. უცბად მოხუცი არაჩვეულებრივ შეინძრა, ნახევრად შეკმული წიწილის ბარკალი ისევ თეფშზე დააგდო და სანამ მიეშველებოდნენ, კიდეც სული განუტევა. არც კვნესა, არც შეწუხება. ერთი სიტყვით, სანთელივით ზოლომდე დაიწვა: პატრუქი და ქონი დაილია და გაქრა.

ნიკოია თოხიტარიას ოჯახი, ამას წინათ კმაყოფილი და მხიარული, უზომო მწუხარებას მიეცა. ქუჭა თუმცა მოხუცი იყო, მაგრამ ნიკოიას ოჯახის დედაბოძად ის მიაჩნდა. ქუჭასავით უანგაროდ ოჯახს ვინლა მიხედავდა. ყველა მძიმედ განიცდიდა მის დაკარგვას და გაორკეცებული მდულარე ცრემლი იღვრებოდა მიცვალებულის გვამზე.

რა თქმა უნდა, ნიკოიამ ჩვეულებრივი ტირილი დააპირა, შვილე-

ბი ფოთიდან დაიბარა. დროც ისეთი იყო, რომ საქმის გადადება შეუძლებელი იყო. ერთი რომ, გაცხელებული სამუშაო დღეები მეზობლებს დიდხანს ვერ მოაცლევინებდა და მეორე, სიცხეებისა გამო მიცვალებული წახდებოდა.

— დავიღუპე, რა ცუდ დროს გარდაიცვალა ცხონებული, — ამბობდა ერთი მეზობელი. — არ მივიღე, არ მოვეხმარო, არ შეიძლება, და ამ ორ დღეს თუ არ მივედი ჩემ სამარგლავში, მშვიდობით, ცხენს საბალახოდ თუ გავუშვებ, თორემ ერთ ტაროს ვერ ამოვტეხ.

— ცუდი დრო კია, მართალია, მაგრამ, — ამბობდა მეორე. — მაინც კარგია, ცოტა მოხალისდება კაცი. რა ხანია, ჩვენ სოფელში ტირილი არ ყოფილა. გამოვეყრუვდით, ერთი სიტყვით. კარგია, ღმერთმა აცხონოს, თეთრი პურით სოფელი გამოძლება.

— პა, პა, პა, — ეოხუნჯებოდა მესამე მამა ევთიმეს, — გვარიანი როკი წაექცა ნიკოიას.

— ნეტავ ის არ მომკვდარიყო, საწყალი, და მე გინდ...

— შენც ახლა, მამაო, თავის მოკატუნებას ნუ დაიწყებ, ქუქკას სულ არ მოკლავდი თუ? მის ხნობამდი მივიღე, ბაბა, და თუ არ მოვკვდე, ტუკი დაპარტყი და კლდეზე გადამაგდე.

მართალი რომ ვთქვათ, გულის სიღრმეში ევთიმეც ეთანხმებოდა თავის ერთ-ერთი მოწაფის პირველ აზრს.

„საორმოცოს როგორ არ მომცემს, — ფიქრობდა მამა ევთიმე, — თუ ნიკოიამ რაიმე არ გამოიღო, სხვა ხომ ზედაც არ შემოგხედავს. წესის ანაგები ერთი, სულის ფული, აქეთურ-იქითური, ზოგი ზორაგი, ზოგი სხვა რამ, ასე ორთა შუა რიცხვით სამ თუმნიდან ოთხ თუმნამდი ქე უნდა მერგოს. თითქო განგებამ მოაწყო ასე საქმე, — განა არ იცოდა, ჩემი ახლანდელი გაკირვება?“ გაკირვება კი მართლა დიდი ჰქონდა: მეოთხე შვილიც სასწავლებელში უნდა მიეცა და მეხუთეც აკვანში ფეხებს აფათურებდა.

ნიკოია თოხიტარია კი გულ-მკერდზე ხელის ცემით თვალაცრემლებული დადიოდა თავის ეზოში და „დავიღუპე, დავიღუპეს“ — იძახდა მწარედ.

იმავ დღესვე შეუდგნენ მზადებას; ღარათების წერას, ფანჩატურის კეთებას, სადაც მიცვალებული უნდა დაესვენებინათ. ადგილობრივ მელუქნეს ოცდაათი ფუთი თეთრი პური შეუკვეთეს. ღვინის ჭაშნიკების მოსატანად აქეთ-იქით კაცები გაგზავნეს. მაკარონი, ზეთი, კუბოს გასაწყობი ფარჩა და სხვა რამეები ფოთში წასულ კაცს დააბარეს და ამგვარად, ერთფეროვან ცხოვრებას მიჩვეულ ნიკოიას ოჯახში ქუქკას გარდაცვალების მეორე დღეს დიდი ფაცა-

ფუცი იყო. მეზობლის ქალები მოდიოდნენ და მოდიოდნენ მისახმარებლად. ზოგი ნაჯახით და ზოგიც წალდით შეიარაღებული. მამაკაცები სეფას აკეთებდნენ და სახლის გვერდით ორი ადგილობრივი ხურო წიფლის ფიცრებისაგან კუბოს კრავდა, ქალები შავებს ჰკერავდნენ.

მზადება სამ დღეს გაგრძელდა. მეოთხე დღეს ტირილი იყო. დარი კარგი დადგა. ქალი და კაცი ბლომად მოგროვდა. უსმელუქმელი არავინ დარჩა. მამა ევთიმეც არ დარჩა გულნატკენი, თუმცა, როგორც ხშირად ხდება ცხოვრებაში, ანგარიშით მოსალოდნელზე ნაკლები მიიღო, მაგრამ სულ არაარაობას მაინც ჯობდა.

მონუცი დასაფლავეს და ნიკოიას სახლში ცხოვრება ძველებურად გაგრძელდა. ივანე და ფარნა ფოთში დაბრუნდნენ. ნიკოია, პეტრე და ათანასე ყანაში მუშაობდნენ. შინ სადილის გამკეთებლად და ოჯახის თვალყურის მგდებლად მარტო გაიანე რჩებოდა.

— ასე არ ვარგა, შვილო, — უთხრა ერთხელ ნიკოიამ პეტრეს, როცა ნასადილევს ცოტა შეისვენეს ჩრდილში.

— რა არის, ბაბა? — მიუგო პეტრემ.

— ჩვენი ოჯახის საქმე, ბაბა. ჩვენ ნახევარ დროს შინ არა ვართ. მთელი ოჯახი ერთ გოგონება აკიდებული. ისიც სხვისია, შვილო. დღეს და ხვალ გზა უნდა უჩვენო, და რაც ადრე მოაწყობ მის საქმეს, მით უკეთესია. ახლა ჰგავს რალაცას, თორემ... სამი-ოთხი წლის შემდეგ... თუ მუდამდღე ცეცხლის პირად აჯარგაღე, წვინარას დაემგავსება და არავინ ზედაც არ შეხედავს. ქალიშვილი, ბაბა, ყვავილის მსგავსია. უცბად გაიფურჩქნება და უცბადვე, თუ დროზე შარა არ უჩვენე და არ გაათხოვე, დაჰკნება და მერე ვის უნდა შენი დამჰკნარი ყვავილი.

— ეს მართალია, ბაბა, მეც ბევრსა ვფიქრობ მაგაზე და რაც უნდა დაგვიჯდეს, როგორმე უნდა ადრე გავათხოვოთ.

— ჰო, ამაზე გეუბნები, მაგრამ გათხოვებაც ასე იმპუსავით არ შეიძლება. იმას, ვთქვათ, გაათხოვებ, მაგრამ ოჯახს რაღას უშვრები. უქალო ოჯახი როგორი იქნება. მე და შენ ღომი რომ ვხარშოთ, ეს ვინ მარგლოს?

პეტრე დაფიქრდა, მიხვდა მამა რასაც ეუბნებოდა და ერთიც ამოიოხრა.

— რას ხენეში, შვილო, მიხვდი განა ჩემს აზრსა? — სიცილით დაეკითხა ნიკოია.

— მიხვდი, ბაბა, და, ცოტა არ იყოს, შევშინდი.

— რაღა?

— არ შევზინებულვარ. ისე, რაღაც ტანზე სხენაირად გამირბინა. მოკოებით არ ვილაპარაკოთ, პირდაპირ ვთქვათ, საჭიროა, რომ ცოლი შევიერთო.

— საჭიროა სწორედ, მე ხომ არ შევიერთავ, შეილო, ჩემი დრო გადასულია, ღმერთმა მალე შენი ცოლი მაჩვენოს.

— ო... შენ კი გიხარია, ბაბა, მაგრამ მე კი ცოტა ცოდვად დარჩენილი ვარ. შენ თვითონ კარგად იცი, რომ ყველაზე ადრე მე მოგეშველე. შევილივით კი არა ძმასავით მოგესწარი... რაც ათი წლის შევიქენი, მას აქეთ ხომ ხელში მიჭირავს ეს კოპიტის ტარი.

— ნამღვილია, ბაბა.

— მას აქეთ, რაც შემიძლია, შენ და შენი ღმერთი, თუ რამეში ან ურჩობა, ან ორგულობა, ან ზარზაცობა გამომიჩენია.

— არა, არა, ბაბა, ღმერთმა მიცოცხლოს შენი თავი, — თითქმის თვალზე აწყალებულმა მიუგო ნიკოიამ.

— მე ახლა ბალანა არა ვარ, ბაბა, ოცდამეშვიდე წელში ვდგავარ, მგონია!

— ჰო, ასეა.

— იმ ორს, თუ ღმერთმა მშვიდობით ამყოფა, თავიანთი საქმე ჭერჭერობით კარგად მიჰყავთ. ცოდვას ვერ ვიტყვი, ივანემ ბევრი შემწეობა მოგვცა. ის იქითკენ არ წასულიყო, ჩვენ დღეს ასე, ცოტა წამოღონებულად, არ ვიქნებოდით. ეს ყველაფერი კარგი, მაგრამ სულ ხომ ერთნაირობა არ იქნება. ახლა ქვეყანაზე სხვა დროებაა მოსული. ძველად, შენს ბავშვობაში ოცი და ოცდახუთი სული ერთად ესხდებოდით ერთ ოჯახში სადილათაო, რომ ამბობ, ბაბა, ეს ამბათ, მოწყენის დროს გასართობად კარგია, თორემ ახლანდელ ცხოვრებას არ შეეფერება, ახლა ყოველ კაცს თავდაპირველად თავისთავი ახსოვს, თავისთავი უჭირს. დღეს ძმა ძმას, მოყვარულია, შემწეა. სულ ჰუდამ ასე ხომ არ იქნება! თავისი ნაშრომი თვითონვე უნდა. მე ახლა ცოლ-შვილში გავება, ხომ საუკუნოდ ხელ-ფეხი შეკრული მექნება. სიკვდილამდი ხომ ხელს ვერ მოვაშორებ ამ ოჩერ თოხის ტარს. სულ მუდამ უნდა ვთოხნო, ვთოხნო და ვთოხნო, სანამ სული არ ამომხდება და მაშინაც...

— ასე გული რამ შეგიშინა, შეილო, — გააწყვეტინა ნიკოიამ.

— არა, ბაბა, დამაცადე. დიდი ხანია, რაც შენთვის მინდოდა მეთქვა და ახლა რაკი შემთხვევა მომეცა, მოხარული ვარ. შიშით, ბევრიც მეშინოდეს, რა გამოვა. შიშზე არ ვამბობ. მეც მინდა სადმე გავიარო, ერთი-ორი გროში ვიშოვნო. ხელ-ფეხი მეც არ მაკლია. ერთ კაცს, ჩემსავით უსწავლელს, თუ რისამე გაკეთება შეუძლია მეც

შევიძლებ და სხვები თუ შოულობენ, მეც ვიშენი რასმე. აი ახლა, ზოგი სოჩისკენ მიდის და კარგა მოგებულები ბრუნდება. ზამთრობით შინც წავიდე, ისიც კარგია. ვიმუშავე, შევხვდები რასმე, ან კარგს, ან ავს, გავიარ-გამოვიარ. ოჯახს თუ მოვეყიდე, მერე საუკუნოდ ერთ ალაგს უღელში ვიქნები შებმული. ვინც გინდა იყოს, თუ გინდა ძმა, სხვისი შემწეობის იმედი, ოცნება და თავის მოტყუება იქნება და მაშინ საცოდავად რომ დავრჩე, ბაბა, მგონია, შენთვისაც სასიამოვნო არ იქნება.

— ვიცი, შვილო, შენ სად ავბობ, მაგრამ განა მე მაგრე მიყურებ?

— არა, შენზე კი არ ვამბობ.

— თუ გინდ ისინიც, ვიზედაც შენ ფიქრობ, ნიკოია არ მოგიკვდეს, იმის მეტი. სანამ ცოცხალი ვარ, რასაც ვიშოვნი. თანასწორად ყველასია. თანასწორად უნდა გაიყოს.

— მე, ბაბა, — გააწყვეტინა პეტრემ.

— არა, არა, მომითმინე, ჩვენ აქ სიცხეში ვიხრაკოთ და ივანემ და ფარნამ, ფარნა რაა ჯერ, თუ ღმერთმა ხელი მოუშარათ საბრალოს ჰო, თუ მათ საქმე იშოვნონ და ჯიბეში მარტო ჩაიხხრიალონ... აბა, როგორ არა! ეს კი ვერ მივართვი. ჩვენ აქ ვშრომობთ. ისინი იქ მოგება და ზარალი იქაური და აქაური საერთოა. შენ ამაზე არ შეგეშინდეს, შვილო, ისინიც უსვინდისო კაცები არ არიან.

— შენ სხვანაირად იფიქრე, ბაბა, მე სულ სხვა რამ მინდოდა...

— არა, შვილო, შენ არ მომიკვდე, იმის მეტი. მე ვიცი, შენ რა გინდოდა. შენ უფროსი შვილი ხარ, ყველაზე მეტი ჯაფა მიგიძღვის, დამერწმუნე, შენი ჯაფა დაფასებული იქნება. ისეთი სულმოკლე ძმები არა გყავს შენ, რომ შენი შრომა რიგიანად არ დააფასონ. ცოლი კი ახლა შენთვის მიუცილებელი საჭიროა, თუ ჩვენი ოჯახის წაქცევა არ გინდა და სანამ გოგოს გათხოვებაზე რასმე ვიტყოდეთ, ჯერ შენს ცოლზეა საფიქრებელი. ცოლს რომ შეირთავ, ერთი ორ წელიწადს გაიანეც მოეხმარება, ოჯახს შეაჩვევს. ერთად უფრო იოლად გამოვლენ. ამ ბოლო სამ წელიწადს უბედურ დედაჩემს რის ვაკეთებდა შექლო, თვალყურს ადევნებდა, თორემ სულ გაიანე არ ცხაბარობდა? ახლა კი საჭიროა, იმასაც შრომა ცოტად შევეშუსუბუქოთ. გარდა ამისა, შვილო, ორი ქალი ოჯახში ერთმანეთის დარაჯია. ახლა ხომ იცი, სოფელი რა გარყენილ-გაფუჭებულია. ჩვენ ნახევარ დროს შინ არა ვართ და მარტო ქალი საშიშია. განა ცოტა უსაქმო კაცი.

პეტრემ არა მიუგო რა.

— ღმერთმა კეთილი ღღის ნათქვამი გვიქნას, — ცოტა ხნის

სიჩუმის შექდევ თქვა ნიკოიამ, თოხის ტარს ხელი მოაელო და ზეზე წამოღგა. — ღმერთმა კეთილად შეგვისრულოს, ისე ტყვიასავით ხომ არ ვეცემი. ჭერ კარგად დავათვალიერებ, გულდამშვიდებით მოუყებნი: კაი ქალი იყოს, მზითვიანიც, რასაკვირველია, კაი ოჯახის შვილი. მაინცდამაინც თავი რათ დავიმდაბლოთ და ნამოჭალაღის ქალს ან აზნაურის ნაკაცარს რათ მივებათ, — ცოტა არ იყოს ამაყად დაუმატა ნიკოიამ.

* * *

ივლისის პაპანაქება იყო. რიყეში ერთხელ დამარგლულ სიმინდს ხელმეორედ მარგლავენ. დარი ხელს უწყობდა, ალივით მოდებოდნენ პირველი მარგვლის დროს დარჩენილ მავნე ბალახს და სიცოცხლეს უსპობდნენ, რომ სიმინდისათვის რიგიანი ტაროს გაკეთების საშუალება მიეცათ.

ციხის ფერღობზე, სათემო გზის გვერდით, მწვანეზე, ერთი ძველთაძველი ცაცხვი იდგა. მისი მსხვილი ტოტები აქეთ-იქით შორს იყო წასული და ხუჭუჭა ფოთლებით სქლად დაფარული, ვეებერთელა ქოლგასავით ფარავდა არემარეს. განსაკუთრებით ზაფხულში, სიცხის დროს, ვერც ერთი მოგზაური ვერ მოითმენდა, ცხენოსანი იყო თუ ქვეითი, გზიდან არ გადაეხვია და ცაცხვის ჩრდილში არ მოესვენა.

დღეს მის ჩრდილქვეშ მგზავრის შეკაზმული ცხენი არ ბალახობდა, არც ფეხით მოგზაურის დაკეცილი ნაბადი მოჩანდა.

მაშ, ესენი ვინღა არიან, ჩოხაგახდილნი, ახალუხის დილებგახსნილნი, თავფეხშიშველნი, ნება-ნებაზე რომ გორავენ ცაცხვის ჩრდილქვეშ?

ო, ესენი მგზავრები სრულებით არ გახლავთ, ბატონებო. ესენი ბრძანდებიან ჰყონონას ნუგეში და დიდება, ამპარტავენება და სიქადული ოდიშისა. ესენი გახლავთ ჩვენი გმირები: ძუკუ, ბართლომე და სოფრომია ბარია. დღეს ერთობ შეაწუხა ესენი შეჩვენებულმა სიცხემ და, როგორც იყო, უკანასკნელი ძალა მოიკრიბეს და აქ ამოვიდნენ.

— აქ რომ არ ამოვსულიყავით, — თქვა სოფრომიამ და განიერ მკერდზე ხელი გადაისვა, — აქ რომ სული არ მოგვეტანა, შენი მტერი. ხომ წმინდად მოვიხარებოდით. ჰაინც, ერთი ხანია, წრევეანდელისთანა სიცხე არ მახსოვს.

— ა... — მიუგეს ძუკუმ და ბართლომემ და გაგორდ-გამოგორდნენ გრილ მდელაოზე.

— ღმერთო, შენ ააშენე, ვინც ეს ცაცხვი აქ დარგო, — როგორც იყო, წარმოთქვა ბართლომემ. — ჩრდილი ჩრდილია, მაგრამ უნდა ნახო, რა გადასახედავია, სულ მასკური სისინებს და სისინებს. მართლა დალოცოს ღმერთმა, ვინც ეს ხე დარგო, ეტყობა, ნიჭიერი კაცი ყოფილბ.

— სამოთხეა, რაღა, — მიუგო ძუკუმ.

— აი, მესმის, აქ, — წარმოთქვა სოფრომიამ, ცალი ხელი მდებლობე დაეჭირა და ისე წამოწოლილი გულდადებით ლაპარაკობდა. — აქ, კაცმა, მესმის, გააშენე კაი სახლი, გვერდით რიგიანი ბანჩა მიეცი, ამ ცაცხვის ირგვლივ ლამაზი სკამები და მაგიდები გააყეთ. ზედ დააწყვე კაი ხაჭაპური, მსუქანი ბეჭი, წითელი ღვინო და მოილხინე და მოილხინე. ჰა, შენი ჭირიმე!

— მეტი არაფერი, შე უბედურო? — დაეკითხა ძუკუ.

— მეტი რა, ჩამოსძახე და ჩამოსძახე ხელხვაი და ხასან-ბეგურა.

— მეტი არაფერი! — სიცილით თქვა ბართლომემაც. — შავთვალწარბა?

— ოხ! — წამოიძახა სოფრომიამ. — თავი და თავი ქე დამვიწყებია!

— აი, მესმის, ბუყუყუიანი ხალიჩა დააგე ამ ჩრდილქვეშ და რომ რიგზე გამოიყუყუო და გამოიყლინთო, გაგორდი და გამოგორდი ხალიჩაზე! გაშალე მკლავი, ზედ დაიწვინე და გააგორე და გამოაგორე ხაბურზაკივით, — იბრძენა ძუკუმ.

— ეხ, სად არის, რჯულძალდი, ეს ფული. ბევრი ფული რომ მოგვცა ახლა, ბევრი-ბევრი ორ თვეზე მოვაწყობ ყველაფერს, — თქვა სოფრომიამ.

— რა თქმა უნდა, უფრო ადრეც, თუ გინდა, — მიუგო ბართლომემ.

— რომ მოგვცა ერთი ათი-ათასი მანეთი, — თქვა ძუკუმ.

— ათი კი არა, ოციც რომ მოგვცა, — მიუგო სოფრომიამ.

— ეხ, თუ ინატრებ, ქე მაინც უნდა ინატრო, ნატვრაც რომ არ იცით, — იწყინა ბართლომემ. — თითქო გეშინიათ მეტი არ მოგვივიდესო. გროშ კაპეიკს გახვრეტილს ვინ გაძლევს და რადგან ნატვრაზეა საქმე, თუ ინატრებ, სიტყვას მაინც უნო უნდა მისცე, მესმის ერთი ხუთი მილიონი ჰანეთი.

— ყო, წიე — დაიძახა ორივემ.

— ჰო, ჰო, შენი გულისა, ბიჭო, მაშინ რას ვიზამ, რას ვიზამ, წყ, წყ! თავდაპირველად ტატაჩი აბანჩბაიას შავ ცხენს ვიყიდი და

რომ გავიარ ამალლებას ნობადენში, ა... ჩამოდექით თავადიშვილებო, — აღტაცებით თქვა ძუკუმ.

— ერთი ცხენი, რაღა, ერთს კი არა, ჯოგს მოვრეკავ; ყარაჩიდან, კავკავიდან, ყარაბალიდან, ქვესკნელიდან, ჭანაბიდან, — ჩამოთვალა სოფრომიამ. — კვირაში შვიდი დღე რომ არის, შვიდ გამორჩეულ სხვადასხვა ფერის ცხენს ცალკე დაევაბამ, ცალკე თავლას გავუყეთებ და ცალკე მეჭინბებს მივცემ და ყოველდღე თითო-თითოზე შეეკვდები მორიგეობით: მაგალითად დღეს, ვთქვათ კვირაა, დღეს თეთრ ცხენზე, ხვალ ორშაბათია, ოქროსფერ ცხენზე, ზეგ წითელზე, და სულ ისე...

— მე კი, ძმაო, — აუჩქარებლად გააწყვეტინა ბართლომემ. — ისევ ვაჭრობას დავიწყებდი. გავმართავდი მალაზიებს თბილისში, ქუთაისში, ბათუმში, ფოთში, ოზურგეთში, ე. ი. ჩვენი ქვეყნის ყველა ქალაქში. ზუგდიდში კი, რა სათქმელია. მთელ ქუჩას დავიჭერდი და ათ-თხუთმეტ დუქანს ერთად ავიღებდი. ა... წიე, ყა! ღმერთმა გვაშოროს! — მიაძახა ისევ ბართლომემ, თითქოს თავის სისულელისათვის თვითონ შერცხვავო. — არა, ძმაო, ჩვენ ისედაც გადარეული ვართ, და იმდენი ფულები რომ გვქონდეს, ქვეყნის ცოდვას მოვიკიდებთ, ერთ სოფელს მაინც წმინდად გავანადგურებთ.

— რა გადამრევს, კაცო, — ხმამალა თქვა სოფრომიამ.

— გადავირევი კი არა, უფრო მაშინ დავკვიანდები. მამაჩემი რომ მუდამ ყმუის. მივცემ ერთ ოცს, თუ გინდ ოცდახუთ ათას მანეთს. აზნაურობას კი არა, თავადობას დავიმტკიცებ. ფულებით რას არ ვიზამ. ხელმწიფიდან მოყოლებული ყველა მიცნობდეს იქნება.

— ეხ, ხუთი შაური მაინც მომცა, ეს ოხერი, თუთუნს ვიყილდი, — ნადვლიანად თქვა სოფრომიამ. სამივემ გაიცინა.

— ეხ, ფული ფულია, ოხრად დარჩა, — გადუხვია სოფრომიამ, — ფული კი არა, გაღმა რომ ერთი ქალბატონი ვნახე, კაცის თვალი...

— ოი, შენ გაგისკდეს შენი სივრძე მიწა, კიდევ რომ იხსენებ გაღმელ ამბავს, — ვოუჭრა ძუკუმ.

— ხომ გეუბნებოდი, შენს მასრებს გაგინადლებს-მეთქი, — სიცილით მიუგო ბართლომემ.

— აი, ისე გაანადლოს ღმერთმა ამისი კეფა.

სოფრომიამ შორცხვად ჩაიცინა.

— ჯერ კიდევ არ იცის ზასილმა, დედაჩემს ქე ვუთხარი.

— შენ, შე უბედურო, ხელი დაგიკლია, თორემ მე რომ შენს

ადგილზე ვყოფილიყავი, ხელცარიელი არ წამოვიდოდი იქიდან, — თანაგრძნობით უთხრა ბართლომემ.

— რა ხელცარიელობა გინდა, კაცო, — თავი იმართლა სოფრომამ. — რომელი გინდა, აირჩიეო, მითხრა იმ კაცმა, ეს ცხენი გინდა, თუ მთაში რომ მყავს სალარიაო. ასე მითხრა მთელ შეკრებილობაში. მე მაშინ რომ მაჩვენა, იმ ცხენს სალარია ისე ჯობია, როგორც შე კნიაში ვეგრელციკი. იფიცა ყველაფერი, როცა მთიდან ჩამოვა, უსათუოდ გამოგიგზავნიო.

— ბიჭო, ანღაზა მაინც დაგავიწყდა! დღევანდელი კვერცხი მირჩევნია ხვალინდელ ქათამსაო.

— ჰე, ერთი მაინც, რომ დაიწყებ, — უკმაყოფილოდ მიუგო სოფრომამ. ხომ გითხარით, კაცო, საქმე როგორ იყო, ქელეხი იყო. მთელი აბჟუა იქ იყო შეკრებილი. იმდენ ქალ და კაცთან, იმდენ დიდებულებთან თავადიშვილმა მასრები მთხოვა, უარი როგორ მეთქვა, კაცო, ოდიშისთვის სახელი როგორ გამეტეხა, ცოცხლად ყელი როგორ გამომეჭრა: პააიტ, მარჯა! აგრუა, უბედური, ვაჭარიო, მეტყოდნენ. სამაგიეროდ, კაცო. აქეთ მითხრა თავის პირით, ეს ცხენი ვინდა თუ სალარიაო. შენი წყალობა სულ ერთია-მეთქი. ჰო, ეს ქე ვუთხარი, ეს შენ ხუმრობად მიგაჩნია? შენ ვერც მაგას ეტყოდი. როცა მთიდან ჩამოვა, გამოგიგზავნიო, პატიოსანი სიტყვა მომცა.

— გაანებე თავი, — გააწყვეტინა ძუკუმ. — იმაზე სულში ხომ არ ვიჩივლებ, რა ვუყოთ.

— მიჩივლე თუ გინდა, რას წაიღებ, — სიცილით მიუგო სოფრომამ.

— კოჩა თავისი სახლის სიახლოვეს არ გაგატარებს, ოცდაათი ისპოლნიტელნი ლისთი რომ მიუტანო. მე რას ამიწერ, თუკი არ... ნო, ხო, ხო, არა, მოითმინე, — გააგრძელა სოფრომამ, — სოფრო მოგიკვდეს, თუ აფხაზეთში ზარალი იმერეთს არ აზღვევინოს. ახლა რომ წავალ, ხონში კი ფეხს არ შევდგამ. აპა, პა, სულ ხონი, ხონი, შემოგველია ეს შენი ხონიც... არა, იქით წავალ, ზესტაფონისკენ, საჩხერესკენ. ჭიათურისკენ... მაგრამ როგორ წავალ, გამოვეწყობი გლახაკად, პირს არ დავიბან ერთი კვირა, ჩავეიცვამ ფარატინებს, ისე გამოვეწყობი, რომ შემხვდეს ვინმე, შემოხედვაც დაეზაროს. ა... რომ იქით-აქეთ ავათვალთვალე-ჩავათვალთვალე. მოგიკვდეს სოფრომია, ხუთი იმისთანა მასრების საღირალი არ მოიტანოს და არ მოიყვანოს.

— მასრებს ნუ ახსენებ, — გააწყვეტინა ძუკუმ. — ნეტავი იმ ბუხაზებს პერანგი არ გაეხადათ შენთვის და...

— ხა, ხა, ხა, — გადაიხარხარა ბართლომემ. — სოფრო, დამწვარო, პერანგიც გთხოვეს?

— ჰაი, დაწყველოს ღმერთმა, აბა, შე კაცო!

— ბიჭო, შერე რა ჩაიცვი?

— ნუ გამახსენებ, თუ ძმა ხარ. ჩაიცვი რაღაც კინკი, რაც მომხვდა.

— აუ, უ, უი, — დაიკიჟინა ბართლომემ.

— ტყავი მშვიდობით რომ მოყვა, არ გიკვირს? ა... უუ... ო! — მიაყოლა რაც შეეძლო ძუკუმაც.

— აუ... უ... უი, — არ ჩამორჩა სოფრომაც და სამთავემ უშველებელი კიჟინი გააბეს. მათი კიჟინი ფერდობს ეფინებოდა და ძირს ხრამში იკარგებოდა.

კიდევ დიდხანს იგორავეს ცაცხვის ძირას ჩვენმა გმირებმა, ბევრი იოხუნჯეს. ბოლოს მზეც გადაიხარა და ჩვენს გმირებსაც მოსწყინდათ ეს ცუდაობა.

— აბა, ახლა საით წავილეთ, — თქვა ბართლომემ, წულებს ხელი მიატანა და ჩაცმას შეუღდა.

— მე იქითკენ წავალ, — თქვა ძუკუმ და ჩოხის ჩაცმას შეუღდა.

— საით? — ჰკითხა სოფრომამ.

— კუდას გავუარ, ერთი რა ამზავს მეტყვის.

— მართლა, მეც დაბლა ზვინისაკენ ერთი გვრიტი აღმოვაჩინე, მარა, ა... სულ დამავიწყდა, ახლავე უნდა წავიდე.

— ძლიერ კარგია, ა?

— გაიანეს სჯობია?

— ახლა როგორ გითხრა, ვის როგორ მოსწონს. გაიანე ლამაზი გოგოა, თქმა არ უნდა, მაგრამ ორივე ერთად რომ დააყენო, მე ძმაო, მაგას გამოვარჩევდი.

— დაბლა ზვინში ვინ ყოფილა ისეთი, ვისი შვილია! მითხარი, ვინ არი? — დაეკითხა ძუკუ.

— ჯერ არ გეტყვი და თუ გავარიგე საქმე, მერეც შეიტყო.

— ჯერ არ გაგირიგებია?

— ლუკმა ღომი ხომ არ არის, მოტეხო და პირში ჩაიდვა. შენ, აგერ, კაციც ქე გყავს შეჩენილი, რა ხანია, აგერ ყურის ძირშიც არის, მაგრამ ჯერჯერობით ვერა გააწყვე რა.

— მე... რა ვუყოთ, გარს უბედურება ახვევია.

— იმას რომ ახვევია, ის უნდა იკითხო და... მაგრამ მაშ რის

სოფრომია ვარ, კოჩა ნუ ჰომიკვდება (კოჩას ხუმრობით ფიცულობდა), თუ მე მათ საღერღელი არ ავუშაღე და საბუღარი არ ავუჩეჩე. ჯერ ისე, რაღა, ვითომ აქ არაფერია, მელა-კუღასავით შორს, შორს მოვუტრიაღებ. ხა, ხა, ხა, ხა, არ მოგიკვდეს იმის მეტი სოფრომია, მაგისტანებში თუ ერთმა ბიჭმა აჯობოს. მერე ისე, ცოტ-ცოტად, შორიანლო, და მერე და მერე...

— სახელი მაინც მითხარი რა ჰქვია?

— დამაცაღე. ჯერ არც სახელს გეტყვი. მომიმთინე, ჯერ გზა გავკაფო და მერე თუ გინდა შენც გავატარებ!

— ეხ, თქვე ბავშვებო, უსუსურებო, — დარბაისღად წარმოთქვა ბართლომემ და წუღაჩაცმული ზეზე წამოღგა. — თქვენ მართო გოგოები განსოვთ და მე კი, ვაიმე, ვაიმე, — ჩქარ-ჩქარა ჩაიღაპარაკა მან, ძირს დაიხარა და წუღა ერთ აღაგას თითით გასინჯა. — ავა, ვა, ვაია, ერთი დღეც, და გაიხვევა უსათუღდ. უნდა წავიდე ახღავე ქუთარი კარბაძის სასახღეში, იქ ერთი სტუმარი მეგუღება, კი აქვს ცოტა ჯიბაში, მგონია, თუ ამ წუღის ფასი არ ავაფცქვენი ნარღში ან ბანქოში, ცუღათაა საქმე. ეხ, თქვენ მართო გოგოებზე ზრუნავთ, და მე თუ მშვიდობა შემექმნა და პაპიშენის სალოცავებმა ხელი მომიმართეს, — შეხეღა სოფრომიას, — ერთ ქაღბატონთან მინდა საქმე გავარიგო... ხო... ხო... კუქისა... აბა!.. მართღა რომ კუქისა, ზურაბის სუღს ვფიცავ!... ეჰ, ბიჭო, მაშინ ნახე და, ნახე და იხიღე... მიქელი დიაკონი ნუ მომიკვდება, ნა, ნა, ნა, ხომ აღმა დაბრუნღა ჩემი დაღმა დატრიაღებული საქმე.

— აღბათ, დეღიბი * ვინმე იქნება, — გააწყვეტინა ძუკუმ:

— აღუ, შენისთანა ყმაწვიღებს არ მოეწონება. სუღ ახაღგაზრღა არ არის, მაგრამ ჯერ ისეთი ეშხიანია ჰამაძაღლი, რომ სუღ ცეცხღს აფრქვეღს თვაღებიღან. ამას წინეთ, — აქ ბექები შეათაჰაშა ბართლომემ, — შემხვღა ერთ აღგიღას. ბანქოს თამაში დავიწყეთ. ჩემთან ერგო ამხანაგობა, პირდაპირ დამიჯღა, რაღა. რომ ჰოვიგეთ და რომ მოვიგეთ, შევეუთამაშე თვაღები და ჩუმაღფეხიც ისე, რაღა, ჯერ ვითომ უცაბეღად წუღის წვერი მის ფეხსაცმელს მოვახვეღრე. რასაკვირვეღია, მაშინათვე ზრდიღობიანად მოვაშორე. დამე იყო, დროც ხელს მიწყობღა. მერე ისევე ფეხი. ბაბა, ფეხი, — გაგრძეღებით თქვა ბართლომემ. — ზურაბის სუღიმე, ერთ მიღიონად ღირს მაგისტანა შემთხვევაში ფეხი, თვაღს

* დეღიბი — დეღაბერი.

შენც თავი დაანებე, ენაც ვერ იზამს იმას, რასაც ფეხი. ისევ მოვაშორე, რა თქმა უნდა. ოხ! რა გახურებულნი ფეხი აქვს, კაცო. მიკარება და ალივით მომეკიდა, მერე ისევ ისე და ცოტა-ცოტად და შეიძლებოდა დამეწყო რიგზე საქმე, მაგრამ მასპინძელმა, კარგამოკეტილმა, ვახშამი, ვახშამიო, და ქე გაგვაწყვეტინეს. თუ მოვაწყვე საქმე, ჰეი გიდი, რა ფულები აქვს და რა მდიდარია.

— უი, ჩემო ძმაო, არც თქვენ გქონიათ დაკვანწული საქმე, მეც, მოგიკვდეს ძუკუ, თუ არ გამოვაწყვე საქმე, რაც გინდა დამიჭედეს, გათავებული ანგარიშია. მე მივიღივარ ახლა.

— ჩვენც მივიღივართ, — მიუგეს ორივემ და სამივენი სირბილით, კიყინით და უმსგავსო სიმღერით სერიდან ჰალაში დაეშენენ. სოფროშია დაბლა ზვინისაკენ გაეშურა, ბართლომე შინ წავიდა და ძუკუ კუდას სახლისკენ.

XXXI

ერთი პატარა სერის ძირას მიკრუნჩხულიყო თემა ბოქოკიას ეზო. ეზოს ოდესღაც წყნელის ღობე და ალაგ-ალაგ მუხის ჯებირი ჰქონდა შემოვლებული. დღეს კი წყნელის ღობე ბევრგან წაქცეულ-დამტვრეულიყო და ჯებირი დარღვეულ-დაბნეული. ეზო შორიდან, და თითქმის ახლოდანაც, ტყედ მოეჩვენებოდა კაცს, რადგან თხმელის ხეებით იყო დაბურული, მხოლოდ დაურღვეველი ღობე და ერთ ალაგას ოდესმე ჭიშკრისაგან დარჩენილი ორი დიდი ბოძი ამტკიცებდა — აქ ვილაცის ნამოსახლარი იყო, ან ვილაცა ესახლა.

სახლი კი შორიდან არა ჩანდა, ან რა გამოაჩენდა? ის იყო პატარა, ჯარგვალი, წვრილ-წვრილი, თხელი და უხეიროდ ტყავ-მოცილებული ხეებისაგან აგებული. სახურავი ისლისა ჰქონდა, მაგრამ სიძველისა და პატრონის დაუდევრობისა გამო ქარს ბევრგან გაეფხრიწა და ბევრგან ისლიც და ზედ დაჰამაგრებელი დაგრებილი წყნელიც უშნოდ გამოიჩინებულებოდა. რასაკვირველია, ასეთი სახურავი წვიმას ვეღარ დაიმავრებდა და მართლაც, წვიმის დროს თემას სახლშიც ისე მოდიოდა ღვარი, როგორც გარეთ.

სახლის გვერდით პატარა სასიმიინდე იდგა, მუხის მაღალ ბოძებზე, დროთა ვითარებისა გამო განზე გადაწეული. სასიმიინდე სიმიინდის ჩალით იყო დახურული. სახურავი ახლა ალაგ-ალაგ ჩაცვნილიყო. სასიმიინდეს კარი — წყნელისაგან დაწნული ჩელტი, თავის ალაგას არ ეკიდა, არამედ სასიმიინდეს ქვეშ ეგდო, ან რა

საჭირო იყო მისი ჩამოკიდება, როცა სასიმიინდეში ამჟამად (ივლისში) ერთი მარცვალი სიმიინდი არ მოიძებნებოდა. ივლისამდე რალა გააძლებინებდა თემა ბოჭოკიას ნამუშევარს, როცა წელიწადში რიგიანად ათ-თხუთმეტ დღესაც არ ანდომებდა მუშაობას.

თემა ბოჭოკია მომეტებულ დროს ცუდაობასა და ლაზღანდარობაში ატარებდა. როგორც ვიცით, ხშირად მაშვლობდა და თუ გაარიგებდა საქმეს, მაშინაც, როგორც საზოგადოდ მაშვლები, ან სულ არაფერს მიიღებდა, ან მარტო ძროხის, ან თხის თავსა და ტყავს.

სანამ ყოფნიდა წლის სარჩო, ხომ ყოფნიდა, და როცა უკანასკნელი მარცვალიც გამოელეოდა, რაც დეკემბერს არ გადასცილდებოდა, თემა დაიწყებდა სესხს ხან ერთთან, ხან მეორესთან, უფრო კი, როგორც თვითონ ამბობდა, იპარავდა. სიმიინდის გარდა გვერდს არ აუხვევდა, თუ მოხერხებულად წააწყდებოდა, გოჭს, ქათამს, იხვს, საბუღარიდან კვერცხსაც არ დაიწუნებდა, და ერთი-ორჯერ, სხვისი შთაგონებით, რადგან თვითონ ვერ გაასაღებდა, მეზობლის ხბოც მოიპარა, ერთხელ ცხენიც და გასამრჯელოდ რამდენიმე აბაზი მიიღო.

სოფელმა მშვენივრად იცოდა რა კაციც იყო თემა ბოჭოკია, მაგრამ ზევრ ყურადღებას არ აქცევდა, რადგან მისი ხელმრულობისაგან სოფელს მაინცდამაინც თვალსაჩინო ზარალი არ მოსდიოდა. ის თითქმის იმდენს აკლებდა, რამდენსაც მელაკუდა, და ამიტომ ხალხმაც მტესახელად კუდა დაარქვა, მორჩა და გათავდა, უკეთესი სახელის მოძებნა შეუძლებელი იყო.

საუბედუროდ, ცოლიც ისეთი დაუდევარი შეხვდა, როგორც თვითონ იყო. მის სახლში ბუზის, ქიანჭველის და ორი მჭლე ლეკვის გარდა არავითარი სულდგმული არ მოიძებნებოდა, არც ძროხა, არც ხარი, არც თხა, არც ქათამი. შვილებზე კი, საუბედუროდ, ქესატად არ იყვნენ. ათი წლის განმავლობაში ხუთი შვილი მიეცათ და ხუთივე ცოცხლები იყვნენ. უფროსი გოგო რვა წლისა იყო; დანარჩენი ვაჟები ერთიერთმანეთზე მონეოლნი.

ძუკუ თავის სიცოცხლეში პირველად შედიოდა თემა ბოჭოკიას ეზოში. საჭიშკრე ადგილიდან ოცდახუთი ნაბიჯის გადადგმის შემდეგ, ხშირ, ახალგაზრდა თხმელარში ძუკუს თვალწინ წარმოუდგა კუდას ჭარგვალი. ერთადერთი წინა კარი ღია იყო. შუაში ცეცხლი ენთო და რაც შიგ ხდებოდა, შორიდანაც ადვილი გასარჩევი იყო.

კერის პირად, ერთი მხრივ, თემას ცოლი — ერთი მუჭა, ღონე

მიღეული ქალი, — ჯორჯოზე იჯდა, ტანზე ათასფრად დაკონკილი, კუჭყუიანი კაბა ეცვა. წინ, პატარა გობით მოხარშული მწვანე ლობიო ედგა და დანაყილი სუნელით აზავებდა. იქვე მისი გოგო. პირდაუბანელი, თმადაუფარცხნელი, რაღაც საარაკო ძონძებში გამოხვეული ცივ ღომს ნაღვერდალზე ხალავდა. კერის მეორე მხრივ თემა იჯდა, მისი განუშორებელი წვეტიანი ნაბდის ქუდით. დანარჩენი თემას შვილები, ყველანი ტიტლიკანები, მთელი თვეებით დაუბანელ-დაუფარცხნელნი, ვარაუდად ეყარნენ, ვინ საცა მოხვდებოდა. მხოლოდ ყველაზე უმცროსი, რომელსაც ჯერ სიარული არ შეეძლო, დედის ახლო, მიწაზე იჯდა, ხელში ფიჩხის ნაქერი ეჭირა, ხან ფიჩხის ერთ ბოლოს ჩაიდებდა პირში, ხან ორივე ხელით ფათურობდა.

ერთი თვალის შემოვლებით გაარჩია ყოველივე ეს ძუკუმ და რაღაც შეწუხება იგრძნო, მთელი ტანი დაუძძიმდა, მაგრამ ჩქარა გამოერკვა და ხმამაღლა დაახველა.

ლეკვები გარეთ იწვნენ. უცხო კაცის დახველებაზე ზარმაცად თავი ასწიეს და ისევ ძირს დაუშვეს, ეტყობოდათ, ყუფის გუნებაზე არ იყვნენ.

— ვიღაც მოვიდა, — შეშინებულად ჩაილაპარაკა თემას ცოლმა. დასამალავად უკან გაწევა დააპირა და კაბის გასწორება დაიწყო. სამწუხაროდ, ვერც ერთი ვერ შეასრულა, რადგან დასაწევი არსად იყო. ზღვრით თითქმის კედელს ეყრდნო. კაბას ცალი ხელით ეზიდებოდა, მაგრამ რაც იყო, მასზე უკეთესად ვერაფერი გაასწორა, მხოლოდ დაცვენილმა და ძალზე დაძველებულმა ჩითმა მეტი გაწევა ვერ აიტანა და ერთი ფარატინიც მიემატა.

— ეინა ხარ? — უკვიტად დაიძახა კუდამ და კარებში აიტუზა.

— მე ვარ, თემა შინ არი? — მიუგო ძუკუმ, თუმცა თემას ხმაც ესმოდა და კიდევაც ხედავდა.

თემამ, რასაკვირველია, იცნო.

— დია, ბატონო. ძუკუ, აქ მობრძანდით, — შეიპატიჟა კუდამ.

— იქით არა, აქ მოდი ცოტა ხანს.

თემა მაშინვე გაექანა. მის უკან ჯარგვალის კარი ნელა აწკრიალდა და ნელავე მიიხზრა.

— რა ამბავია, თემა? — ჰკითხა ძუკუმ და მისდა გასაოცრად, ცოტა არ იყოს მორცხვად; თვითონაც ვერ გაეგო, რად ან ვისი რცხვენოდა.

— ახლა, მგონია, უკეთ არის საქმე, — მხიარულად უთხრა თემამ, — მაგრამ. ბატონო, შინ მობრძანდით!

— არა, არა, — მიუგო ძუკუმ და ერთი-ორი ნაბიჯით უკან დაიწია, — უკეთ როგორ?

— უკეთ იმიტომ, ბატონო, რომ სანამ მაგ სულკიკილიანი, ბებერი ცოცხალი გახლდა, საქმის გაწყობა ხომ შეუძლებელი იყო. ოხ, რა იყო..... ის... ორ-სამჯერ კი მივედი ისე, ვითომ რაღაც მოვიმიზეზე, მაგრამ, სულმითარსულმა, მაშინათვე შემატყო, ის ხომ მენცარი იყო. დამიჯინა, რა გნებავთ, რა გნებავთო, მამაკაცები შინ არ არიანო. გოგო ჩემ დასალაპარაკებლად არ გამოუშვა. ახლარაკი ღმერთმა მისი სული მიიღო და სახლში მარტო გაიანე რჩება, ახლა კი..... ასე..... საფიქრებელი ახლაც არის, ცოტა რამე ეკვი თუ აიღეს მისმა ძმებმა, სახუმარო არაა. მე რაღაც ეკვის თვალთ შიყურებენ. მამა კი, ცოდვას არ ვიტყვი, ბონჩო ყაზახია. ერთხელ ქე მითხრა: მოდი, თემა, ერთი პეტრესთვის ცოლი გამირიგეო. მეც, რასაკვირველია, პირი მოვუქონე, ჯერ ვაქე: ასეთი ხარ, ისეთი ხარ-მეთქი, და მერე დავუმატე — რძალს კი არა, სიძესაც გაგირიგებ-მეთქი. მაინც. როგორც იყო, ვიდროვე და ერთი ორჯერ გავიარე მისი ეზო, ვითომ ისე მომგზაურად და ცოტა სიტყვაც გადავუგდე, მაგრამ ჯერ ძლიერ შორს. პირდაპირ თქმა არ შეიძლება, დაფრთხება, შეიძლება ძმებსაც უთხრას. ჯერ უნდა დავუწყყო მთიდან. ზღვიდან, და მერე თანდათან.

— აბა, შენ იცი, ჩემო თემა, და მეც უმადურად არ დაგირჩები. ახლა კი, ეს ხელში დაიჭირე, — უთხრა ძუკუმ, ხელი გაუწოდა და სამმანეთიანი ქალაღი ხელში შეაჩეჩა.

— ეს არა, ბატონო, საჭირო არაა, — მიუგო თემამ, ფულს ხელი მოუჭირა და სიხარულისაგან კინაღამ ცრემლი წამოუვიდა.

— არა, არა, ეს გქონდეს, — ჩაულაპარაკა ძუკუმ, მობრუნდა და შინისაკენ წავიდა.

თემა ბოჰოკია თვალგაბრწყინებული შევიდა თავის ჯარგვალში. ქალაღის ფული შემუქული ეჭირა და თითებსაც მაგრა უჭერდა. თითქო ეშინია, ვინმემ არ წაართვასო.

ცოლმა მაშინვე შეამჩნია რაღაც მხიარულება და აჩქარებით დაეკითხა:

— რაო, თოლიგე, რაზე მოვიდა ძუკუ?

— ისე, — იცრუა კუდამ, — ხვალ ნადი გყავს და მოგვეხმარეო.

— ტყუის, — დაცინვით მიუგო ცოლმა და თემამაც თავი ვერ იმართლა, რადგან ერთი რომ, ბასილს სამარგლავი სიმიინდი არ ჰქონდა, რადგან მის მიწებს სხვები ამუშაებდნენ და ხათრისთვის

რამდენიმე ქცევას თუ თვითონ ამუშავებდა, იმას მოჭამაგირეც მოერეოდა; და მეორე, რომ თემას ცოლმაც კარგად იცოდა, რა ყანა-ბოსტნის გულშემატკივარი კაცი იყო ძუკუ მჭებრადე.

— მაინც მითხარი, რაზე მოვიდა? — სულწასულად დაეკითხა ცოლი.

— თო, რას ჩამაცივდი, ისე მოვიდა, სხვასთან გამგზავნა.

— ჰე კი ვიცი, რაზე მოვიდა, — ეშმაკურად ჩაიციხა ქალმა. — უი, შენ ერთ ღლეს ამბობდი კიდეც, ვიცი, ვიცი!

— თუკი იცი, რაღას მეკითხები! ჩქარა ვახშამი. დაღლილი გარ, — თემას ხელისგულში დაქმუქნული ქალაღდი თითქო ინძრეოდა. თემასაც გულით უნდოდა ცალი თვალით მაინც შეეხედნა ამ თილისმური ქალაღდისათვის. ცოლს იჭვიანად დაუწყო ყურება. აქეთ-იქითაც იჭვიანად მიიხედ-მოიხედა. ხელი მუხლებში ჩამალა, მუჭი ოღნავ გახსნა და ქალაღდს აღმაცერად გადახედა.

ამით, რასაცვირველია, სრულიად გასცა თავის თავი. ცოლი ჩააცივდა, რაღაც ხელში გიკირავს და მიმალავო. კუღამაც მეტი ვერ მოითმინა და ფული გამოაჩინა.

პირველ წამს კინაღამ თავბრუ დაესხა. ის მანეთზე ზევით აღარა ფიქრობდა და ახლა ჰოი, ბედო და იღბალო! ერთად სამი მანეთი!

— ეს ფული იმან მოგცა? — ჰკითხა თან გაკვირვებულმა და თან განხარებულმა ცოლმა. ახლად შეზავებული ლობიო ერთიც იგეჰა და ხის ჯამში გადაალაგა.

— იმან მომცა, მაში! — ამაყად მიუგო კუღამ. — შენ რა იცი, მე რა კაცი ვარ, აზნაურებს სულ ხელისგულზე ვყავარ.

— შენ რაც კაცი ბრძანდები, ის ღიღი ხანია ვიცი. — ცოტა შხამიანად მიუგო ცოლმა. — მაგრამ მე რომ ეს ნოკაბია აგერ-აგერ შემომხევეა, ესეც სარკესავით ცხადია.

— ჰო, შენ სულ შენი კაბა, — გააწყვეტინა კუღამ.

— იმისი ჳირი არ შემეყაროს, რომ აბრეშუმის კაბები მაქქს გამოსარჩევი.

— მეც არ მაცვია მაუღის ჩოხა, მაგრამ ქე დავღივარ.

— შენ, შენ, შენ, — ბრაზიანად მიუგო ცოლმა. — შენ ქე მაინც რაღაცა ქე გაცვია და ჰე... აი, ბაღნებსაც შეხედე! ყველანი ტიტვლები ვართ. მეფართლე რომ გამოიარს, ამ ფულით უსათუოდ ჩითი-ნარმა უნდა ვიყიდოთ და ტანი როგორმე დავიფართოთ, თორემ...

— ფოსტას რაღა ვუყო, ბორჩიკი ყოველღლე რომ მოღის? მე

ეს ფულები ფოსტისთვის მიმანია, მიეუგლებ და ცოტა ხანს მაინც ვოვისვენებ.

— ნეტავ ფოსტიანად ინგურში გადაგადო. ფოსტა კი არა. შემომხედე, რასა ვგეგვარ! მეზობლებში ვერ გავსულვარ სირცხვილით. კირი ჩემთვის არ არსებობს და წირვა-ლოცვა. ხუთი წელიწადი გავიდა, რაც სატირალში ნათხოვარი კაბებით დავდივარ, ისეთი მეზობელი არაა, ხუთჯერ მაინც არ მეთხოვოს და მეტს არ მათხოვებენ. არა, ფოსტა შარშანაც არ მიგიცია, მაგრამ არ გადუუსახლებივართ.

კულა დაფიქრდა. ფოსტის გადაუხდელობა კი აწუხებდა, რადგან მბოქველები საცა კი შეხვდებოდნენ, საშველს არ აძლევდნენ. მაგრამ ცოლის ნათქვამიც სიმართლე იყო. მან დაათვალიერა თავისი შვილები და გული აუჩვილდა.

— კარგი მერე, რალას კაპასობ, — რაც შეეძლო ლმობიერად უთხრა თემამ. — კარგი, ფართალი იყიდე ამ ფულით, — უთხრა და. რომ უფრო დაემშვიდებინა ცოლი, სამმანეთიანი გაუწოდა.

ქალმა სველი ხელები ჭუჭყიან კაბას ვიახოცა და საჩქაროვ ქმარს ფული გამოართვა.

მეორე დღეს კულა ნიკოიას სახლისკენ გაემგზავრა.

* * *

ნიკოია თოხიტარიას ეზო წარმოდგენდა ფერდობს, ჩრდილოეთიდან სამხრეთისაკენ დაქანებულს. ჩრდილოეთისკენ მის მეზობლად მისი მოურიგებელი მტრები, მისი ბიძაშვილები სიკოია და გიტინია ესახლნენ. ამ მხრივ ეზოს გასწვრივ ნიკოიას თხრილი ჰქონდა შექოვლებული და ზედ სხვადასხვა ხე დარგული. გიტინია და სიკოიამაც თავიანთ მხრივაც ჭიბრზე თხრილი შემოავლეს და ხეები დარგეს. ამნაირად, მათი ეზოს შუა ერთი ადლის სიგანე ვიწრო ორღობე იყო დატოვებული, რომელზედაც არავინ გარეშეთაგანი არ დადიოდა, რადგან გასასვლელი სათემო გზასთან არა ჰქონდა. ამნაირად, ეს მხარე გარეშე თვალისაგან უხრუნველი იყო. დასავლეთისაკენ იყო მეორე ფერდობი, სადაც ესახლა ერთი გლეხი. ნიკოიასთან გვარიანად განწყობილი. მისი სახლი პირდაპირ დაჰყურებდა ნიკოიას სახლს და ირგვლივაც მინდორი ჰქონდა, მაგრამ ბედზე იმდენად შორს იყო, რომ იქიდან კაცი ვერ გააჩევედა შევიდოდა ვინმე ამ მხრიდან ნიკოიას სახლში თუ არა, ეს მხარეც უცხო თვალისაგან საშიში არ იყო, სამხრეთისაკენ კიდევ ესახლნენ მეზობლები, მაგრამ, როგორც ვთქვით, ეს მხარე დაქანებული იყო

და ნიკოიას სახლიდან მეზობლის სახლები არც კი ჩანდა. ეს მხარეც გარეშე თვალებისაგან უშიშარი იყო. აღმოსავლეთის მხარე კი საშიში იყო. ამ მხრივ ახლო ესახლა ძლიერ კარგად განწყობილი მეზობელი, რომელსაც ნიკოიას სახლში ხშირი მიმოსვლა ჰქონდა. გარდა ამისა ეს მხარე უფრო გაშლილი იყო და ჭიშკარიც აქეთკენ ეკიდა.

კულა ნელ-ნელა პოდიოდა ნიკოიას სახლისაკენ. დარწმუნებული იყო, რომ არც ნიკოია და არც მისი შვილები შინ არ დაუბედებოდნენ, არც ვისმე ნაცნობის შეხვედრისა ეშინოდა, რადგან თითქმის მთელი სოფელი ყანაში მუშაობდა. შინ საჭლომად ან სასეირნოდ ვის ეცალა, გამწარებული დროება იყო.

„მაგრამ ვინიცობაა, ეშმაკს თვალები დაუდგება, — გაიფიქრა კულამ, — რომ მივიდე და შინ დამხვდნენ, მაშინ რას იზამ კულა! რა პატივსადები მიზეზი მოვიგონო? ცხენი ვთხოვო, ერთი რომ არ მათხოვებს, რომ მათხოვოს, რა ვუყო, საით წავიდე? სად მიდიხარო, რომ მკითხოს? — სიღებრი სულთმობრძავია-მეთქი ვეტყვი, ერთი ბედი, შორებელია და არავინ გაიგებს ტყუილია თუ მართალი. მოციქულად გავგზავნი ვინმესთან? — არავისთან, მრულე ჩხირას საფასე დავა არა მაქვს. სიძეს ან რძალს ვაგირიგებ-მეთქი ვუთხრა, — რიგიანი არავინ მეგულება. მაინც სულ ერთია, ვეტყვი ისე ლიტონად: სასიძო ასეთია, ისეთია, მდიდარია... სასძლო კალმით ნახატია, მზითვეი უანგარიშო, უნაგარი, ცხენი, ფული, მამული, დედული... მაგრამ აჰ უდროო დროს რატომ მოვიდაო, ეჭვი რომ აიღოს? აიღოს და აიღოს, ხომ არ შემქამს?“ — ხმამაღლა დაილაპარაკა კულამ და მარჯვედ გასწია წინ.

მაგრამ რამდენადაც უახლოვდებოდა ნიკოიას სახლს, იმდენად ფერიც ეცვლებოდა და გულიც საშინლად უცემდა. გზაზე ვილაც ცხენოსანი შეეფეთა. თუმცა აჰ კაცს პირველად ხედავდა, მაგრამ მის დანახვაზე კულა მაინც შეკრთა, აი ეს არის, მეტყვის, — კულავ, ვიცი საით მიდიხარო, გაიფიქრა მან.

— თუ კაცი ხარ, ლესიკინის გზა საით არის? — ზრდილობიანად დაეკითხა მგზავრი მისალმების შემდეგ.

— ა... ბატონო, პირდაპირ დაყვი ამ გზას. ოჩხამურს რო გაიარ, ორი გზა დაგიხვდება, მარჯვნივ გზა ახალსენაკისაკენ მიდის და მარცხნივ ლესიკინისაკენ.

— მადლობელი, — მიუგო მგზავრმა, ერთი მათრახიც დაარტყა ცხენს და გზა გააგრძელა. იმ კაცს ქვეყანაზე თუ რამე ნაკლებ აინტერესებდა, ეს იყო ნიკოია თოხიტარია და მისი ასული გაიანე.

მათი სახელი ჯერ არც გაუგონია და შეიძლება თავის სიცოცხლე-
შიაც არც კი გაიგონოს.

კულა მიუახლოვდა ბასას სახლს; ასე ეძახდნენ ნიკოიას აღმო-
სავლეთით მოსახლე გლეხს. ეზოში არავინ ჩანდა. სასტუმრო სახლი
დაკეტილი იყო. სამზადი სახლის გამურული ისლის სახურავიდან
ბოლი გუნდ-გუნდად ამოდიოდა. შიგნიდან ბასას ცოლის რუსულა-
ნას სიტყვები მკაფიოდ მოისმოდა:

— გაათავე, გაათავე, ჯიმა, მორჩა, მორჩა, დანაყე, დანაყე. აგერ
თითქმის შუადღეა.

კულა მიუახლოვდა ნიკოიას ქიშკარს. არსაიდან ჩამიჩუმი არ
ისმოდა. ნიკოიას სასტუმრო სახლის ორივე წინა კარი დაკეტილი
იყო. გარეთ, კედელზე, თეთრი, მასრებიანი ახალი ჩოხა ეკიდა. „ა,
პეტრეს ჩოხა“, — გაიფიქრა კულამ. ქათმები უთავბოლოდ დარ-
ბოდნენ ეზოში. კრუხ, კრუხ კრუხ, — იძახდა კრუხი, წიუ, წიუ,
წიუ, — წიოდნენ წიწილები და შრიალ-შრიალით დედას მისდევდნენ.
სახლის წინ, ეზოში, მწვანეზე, ერთი ლამაზი წითელი ხბო ბალახს
შეექცეოდა. მეორე ჭრელი კი ჩრდილში იწვა და იცოხნიდა.

კულა შეფეთიანებულად აქეთ-იქით იცქირებოდა, თითქმის
ხეებისაც კი ერიდებოდა. სასტუმრო სახლს გვერდით ჩაუარა და
სამზადისს შეხედა. კარი ღია იყო. ისლის სახურავიდან ცოტ-ცოტა
ბოლი ამოდიოდა.

სახლს საჩქაროდ უკანიდან მოუარა. აქ კი სამშვიდობო იყო.
მისი აზრით მავნე თვალი აქ აღარ შეამჩნევდა.

— უხ, — მიახველა კულამ.

— ვინ ხარ, — მოისმა გაიანეს. ხმა და კარებში გამოჩნდა.

კულას დანახვაზე ერთიც შეკრთა და საჩქაროდ კაბაზე დაიხედა-
მაგრამ ჩქარა დამშვიდდა, კაბა თუმცა საშინაო ეცვა, მაგრამ მთელი
და სუფთა.

— დილა მშვიდობისა, — მიესალმა კულა. — ნიკოი? შინ არ
არის?

— ღმერთმა გაცოცხლოს, ბატონო, არ გახლავს.

— არც ბიჭებია?

— ყანაში არიან, რა გნებავდათ?

— მინდოდა, ისე, — გულგრილად ჩაილაპარაკა კულამ და
ზევით აიხედა.

— აქ მობრძანდით... ცეცხლთან გათბით, — შეიპატიჟა ქალმა.

— გათბობა კი არა, შუაგული ივლისია. ქვეყანას ცეცხლი ეკიდება.

გოგო გაწითლდა და გაეცინა.

— სადილს ამზადებდე იქნება? — ჰკითხა კულამ.

— დიახ, ბატონო!

— რა შენი საქმეა სადილის კეთება, შეირთოს პეტრემ ცოლი და აკეთებინოს ღომი და ლობიო. შენ კი ახლა გაქვს დრო, უნდა იმზიარულო, დრო ატარო.

— ვეუბნები, მაგრამ არ მოყავს ჯერე და რა ვუყო, — სიცილით მიუგო ქალმა.

— არ მოყავს რა ლექსია. შენ რომ მოსამსახურედ ეგულები, იმიტომ არ მოყავს. აბა ერთ-ორჯერ უსადილოდ დაარჩინე. ნახავ, მოიყვანს თუ არა. შენ კი ამ ცეცხლის ახლო ფუსფუსით ხელები გაგიტლანქდება. სახე დაგეწვება, ჩაჩანის ქალს დაემსგავსები.

— იქით დაიკარგე, შე დამწვარო, — სიცილით მიუგო გაიანემ და ეშხით სავსე თვალეზიდან ნაკვერცხლები გადმოაფრქვია.

— იქით რა, ტყუილს გეუბნები თუ?

— სუ-მეთქი, თორემ დაგწყევლი.

— წყევლით ნუ დამწყევლო, და ერთი წყალი კი დამალევინე.

— ახლავე, — მიუგო ქალმა, საჩქაროდ შინ შებრუნდა და რამდენიმე ხნის შემდეგ ლამბაქზე დადგმული ჭიქით წყალი გამოუტანა.

თემას სრულებით არ სწყუროდა, მაგრამ ერთი საჩაიე ჭიქა წყალი უკანასკნელ წვეთამდი დალია.

— თქვენი წყალი კი მომწონს სწორედ, — სჯლის მოთქმით თქვა კულამ. ულვაში შეიხვრიბა და ჭიქა ისევ ლამბაქზე დადგა.

გაიანემ წყლის ქებაზე რალაც სიცილით ჩაიღუღუნა და ჭიქა ისევ შეინახა.

— მშვიდობით ბრძანდებოდე, გაიანე, ჩემი ნათქვამი გახსოვდეს, ნიკოია და პეტრესთვის ღომის ხარშვას თავი დაანებე. ისეთ ყმაწვილს გაგირიგებ, რომ ო... ფო, ფო, ფო. მაგისტანა ბიჭი დუნიაში არ იყოს.

— იქით დაიკარგე შენი ყმაწვილიანად, მე ჯერ ყმაწვილისთვის არა მცალია, — ვითომდა მორცხვად უპასუხა ქალმა.

— მე ვიცი, გცალიან თუ არა, თემა ისე ადვილად ვერ მოტყუვდება, მშვიდობით, — გაიმეორა მან, ერთი-ორი ნაბიჯი წინ

წადგა და ისე კი, რომ სახლის კედელს არ მოშორებია, რათა მეზობლის სახლიდან არ შეემჩნიათ.

— ღმერთმა გაგიმარჯოს, — მიუგო გაიანემ. — რა გნებავდათ ბაბასთან.

— ჰო, — მიუგო კუდამ, — ბაბასთან კი არა, შენთანაც მაქვს საქმე, კინალამ დამავიწყდა. ერთმა ყმაწვილმა, კაი ყმაწვილმა, მოკითხვა შემოგითვალა. ისეთი მოკითხვა, რომ ათი ურემი ადგილიდან ვერ დასძრავდა.

— შენ კი მარტო შენი ქუდით წამოილე? — მოუკრა ქალმა.

— ჰო, ესეც გამიჩნდა ერთი, ძუკუ მძებრადისავეთ რა უნდათ ამ ჩემ ქუდთან, არ ვიცი? ქუდია და ქუდი. — კუდამ ქუდი მოიხადა და ერთიც დაათვალიერა. — მოკითხვა სრულად მეც არ მომიტანია ცოტა, ერთი ბოხჩის ოდენა წამოვიძღვანიე. ჯერ მინდა შევიტყო, მიიღებ თუ არა, და მერე ურმითაც მოგიტან.

— კარგი, გეყოფა ხუმრობა.

— თავს ლაფი დამესხას. თუ ვხუმრობდე.

— სუ-მეტქი. შენ ორ-სამჯერ კიდევე მითხარი მაგისტანები, — ანთებული თვალებით თქვა გოგომ.

— მესამეჯერაც გეუბნები, მეოთხეჯერაც და მეხუთეჯერაც გეტყვი და, ცოლ-შვილს გეფიცები, მართალს გეუბნები, და თუ არ გაჯავრდები, კარგადაც გეტყვი.

— მერე რას უყურებ. რად არ მეუბნები! — დაინტერესდა ქალი.

— ასე თქმა როგორ შეიძლება, რომ გვნახოს ვინმემ?

— ვინ გვნახავს. მერე თუ გინდ გვნახოს.

— შენიანები რომ მოვიდნენ!

— ჩემიანები არ მოვლენ, სადილი იქით უნდა მივუტანო.

— მაინც ამ მინდორში!

— აბა ცაზე ხომ არ აფერინდები მე ცეცხლმოკიდებული? — სიცილით მიუგო გაიანემ.

— ნეტავ ახლა აგაფრინა, ქალებს მაინც ცოტა გაკლიათ აფრენამდი, მაგრამ...

— თუ მეტყვი, მითხარი რაც გინდა. თუ არა და მე არა მცალია, მკადი უნდა ავილო კეციდან.

— ახლა მეც არ მცალია. ხვალ შემოვალ. ასე, ნაშუადღევს. მინ ხომ არ იქნებიან?

ქალმა თავი გააქნია.

— ნიკოიას კი ნუ ეტყვი, მე რომ დღეს აქ ვიყავი, — ამ სიტყვებით კულა გზას გაუდგა.

გაიანე მუხლზე ხელდაბჯენილი კერასთან იჯდა და დაფიქრებული რამდენიმე ხანს მიმავალ კულას უცქეროდა.

თემა კი უფრო დაშინებული ბრუნდებოდა უკან.

ქიშკრის გარდასვლამდი ტურასავით აქეთ-იქით იცქირებოდა. — ხომ არაეინ მხედავსო.

ბედზე არაეინ ჩანდა. ბასას სახლისკენ სიჩუმე იყო, მხოლოდ სასიმინდეს ძირში, რომელიც ნიკოიას ქიშკრის ახლო იყო, ბასას ერთი ხუთისა და მეორე სამი წლის გოგო-ბიჭი თამაშობდნენ. მათ მიმავალი თემა ბოჭოკია შკამჩნიეს.

— კულა, კულა, — დაუძახა ბიჭმა; ორივე ხელი პირზე მიიფარა, გაიქცა და სასიმინდეს ერთ ბოძს მიეფარა.

— კულა, კულა! — გაიმეორა მეორემაც და ძმის მაგალითს მიბაძა.

ეტყობოდა, ბავშვებს შეენიშნათ დიდების ლაპარაკი თემა ბოჭოკიაზე და მის ზედმეტ სახელზე და ახლა დასცინოდნენ. კულამ სისხლით სავსე თვალები შორიდან გამოუბრიალა. ამ წუთში მზად იყო, ხელში რომ ჩაეარდნოდა ეს ბალები, კბილებით დაეფხრიწა. მას თავის შეურაცხყოფა იმდენად არ აწუხებდა, რამდენადაც ის, რომ შეიძლება ბავშვების ხმა სახლში გაიგონონ, გამოიხედონ და რამე ექვი აილონო.

ამ დროს კი ოფელში გაწურული ბასას ცოლი ცხელ ღომს მუხის ფოთლებით ამოფენილ კალათაში ალაგებდა ქმარ-შვილისათვის ყანაში გასაგზავნად.

— ორი ოკოგაფილი ჩავალაგე, არ ეყოფათ, ვითომ, სალომე? — დაეკითხა ცოლი ქალიშვილს და ჩაიხედა კალათაში, საიდანაც ცხელი ღომისაგან ორთქლი ბლომად ამოდიოდა.

— ეყოფათ, მგონია.

— აჰა, ერთი ცაფაც მიმიმატებია, — თქვა ქალმა. ტაბაკაზე დაგებულ ერთ ჩოგან ღომს ხელი მოავლო და კალათაში ჩაუმატა.

კულა ამ დროს სათემო გზაზე გამოდიოდა. აქ კი გული დაუმშვიდდა. დღევანდელი ნამოქმედარის გარკვევას შეუდგა, „მგონი კი გვარიანი თესლი ჩავუგდე გულში. დღეს მეტი ხომ არ ვუთხარი! ერთბაშად არ ვარგა პირში მიძალება. ცოტ-ცოტად მივაჩვიო უკეთესია. თუ გავარიგებდე საქმეს და შემეწოდეს ჩემი სალოცავები, ხუმრობა საქმეა, მაგისტანა სამმანეთიანს ორ-სამს კიდევ ავაგლეჯ, რა მხეხარჯება, არ ვიცი? საზამთროდ შეიძლება კაი ნაბადიც

გადავისკვინჩო მხარზე. — აქ თემამ სიამოვნებით მხრები ასწია. თითქო ნაბადს ისწორებსო. — კარგს ქე იზამს, ოჯახდაქცეული რაიმე საჩუქარსაც გაუგზავნიდეს. ქალების ანკესი საჩუქრებია.“

თემამ მეორე და მესამე დღესაც შემოიარა, მაგრამ ახლაც შორი-შორს ელაპარაკა და ნამდვილად რაში იყო საქმე, არ გააგებინა. იმდენი იმეცადინა, რომ სალაპარაკო ადგილად სიკოია და გიტინიას ეზოსკენ ორლობე აირჩია და მისასვლელად ეზოს უკანიდან საცალფეხო ბილიკი. მართლაც, ეს ძლიერ მყუდრო და საიდუმლო ალაგი იყო, მით უფრო ზაფხულში, როცა ხეები, მალალი გვიმრა, ბალახი და სიმინდი ერთმანეთს ეხმარებოდა, რომ გარეშე მაყურებლისაგან ეს ადგილი დაეფარა. ამ ორლობემდელი მისასვლელი ბილიკიც საიდუმლო აირჩია. ამ ბილიკით ძვირად თუ ვინმე გამოივლიდა და კუდას შეხვდებოდა, მაგრამ თუკი შეხვდებოდა ვინმე, შენი მტერი! კუდაზე მაშინვე ექვს აიღებდნენ. როგორც ქურდზე, და საქმე ბოქაულამდისაც მიაღწევდა. ეს კარგად იცოდა კუდამ და რაც შეიძლებოდა თავი ფრთხილად ექირა..

მესამეჯერ მოახერხა ორლობეში გაიანეს შეხვედრა. თვითონაც, როგორც იფიქრა, ზელცარიელი არ მოსულა. თან მოიტანა პატარა ლამაზი ყუთი, რომელშიაც ეწყო რამდენიმე ნაჭერი კეთილსურნელოვანი საპონი, ერთი მოზრდილი შუშა მშვენიერი ღუხი და სხვადასხვა წვრილმანი, ქალის ზიზილიპილ-მოსატყუებელი ანკესი, როგორც თვითონ ეძახდა. ეს ფეშქაშიც მიართვა და რაშიაც იყო საქმე გააგებინა.

ძუკუს სახელის გაგონებაზე გაიანე შეკრთა და პატარა ყუთი. რომელიც კუდამ ხელში შეაჩეჩა, გაუვარდა.

— რამ შეგაშინა? — სიცილით უთხრა კუდამ.

— რას ნეუბნები, შე დამწვარო. ჩემი დაღუპვა გინდა! — ძლივს მიუგო გაიანემ.

— დაილოცა შენი სამართალი! — გაიკვირვა კუდამ და პირჯვარი გაღიწვრა. — ახლანდელ დაღუპულ დროში სიკეთეც რომ არ უნდა ამ ხალხს. ბედსაც რომ არ ნდომობენ. გლუპავ კი არა, გაკეთებ, მგონია, შე კარგამოკეტისის შვილო.

— რას მეუბნები, თემა, ნუ გამაგიჟებ!

— ნეტავ ახლა გაგაგიჟა, რა ძვირად მიღირს.

— შენ გაგაგიჟა. თუ კარგია. — ნიშნის მოგებით მიუგო გაიანემ.

— აბა როგორ ვქნა! კარგს გეუბნები და შენ კი მადლობის მადგევრად. მწყევლი.

— თემა, მე ის, როგორც დადიას შვილი, ცოლად არ შემირთავს.

— რატომ ვითომ?! — გაიოცა თემამ.

— როგორ თუ რატომ, თემა? — უპასუხა გაიანემ. — ის ბასილი მძებრაძის შვილია და მე...

— გაიანე, იცი, რა გითხრა? მე შენ უფრო ჰკვიანი იყავი. მეგონა, — გააწყვეტინა კულამ. — რა ეუყოთ მერე, რომ ბასილის შვილია? ნეტავ ბასილის ქალიშვილზე ახლავე გვირგვინი დამედგას მე, თემა-კუდას, რომ სრულიად იმისთვის გული არ შევიწუხო, ან ჩემი გოგო გასათხოვარი იყოს და იმაზე ძუკუს ჯვარი გადაწეროს, იმაზე მე შავები არ ჩავიცვა. ბასილმა თუ გინდა სულ ბუქნა ითამაშოს.

— დიდოუ, იქით! — თითქმის მიაყვირა გაიანემ და მერე დაფეთიანებულად აქეთ-იქით მიიხედა, ვინმემ ხომ არ გაიგონაო.

— იქით უნდა წაყვე, პო, მა როგორ, — გააჯავრა კულამ.

— თემა, ნუ გამაგიჟებ, — ათრთოლებულად მიუგო გოგომ.

სახეზე აღმური მოედო, თვალებიდან ნაპერწკლებს აფრქვევდა.

— გაიანე, — დინჯად, აუჩქარებლად დაიწყო თემამ, — შენთვის ღმერთს სილამაზე გვარიანი მოუტია, მაგრამ ხერხი და გამოცდილება ნაკლები. იმ კაცს შენ შეუყვარდი. შენთვის თავს იკლავს. შენი ჯავრით დამე არა სძინავს და შენც ხელი უნდა გამოიღო. ხომ გაგიგონია, ბეჟაია ნამოურავმა რომ იცოდა: სანამ თონე ცხელია, ბაბა, პური გამოაცხევო, განელდება, ველარ გამოაცხობო. ახლაა თონე ცხელი და შენ ხელიდან დრო არ უნდა გაუშვა. მაგაზე უკეთეს ბიქს, ბედაური აზნაურიშვილია ი კაცი, საღ იშოვნი!

გაიანეს მთელი ტანი აუცახცახდა, სახე ციებაშეყრილივით აებურძგნა. ხან მორცხვად თემას შეხედავდა, ხან პატარა ყუთს დააჩერდებოდა, ხან აქეთ-იქით მიიხედავდა, მაგრამ სულის სიმშვიდე მაინც ვერ მოიპოვა. რასაც შეხედავდა, ყველაფერი ორად ან სამად ეჩვენებოდა. თავის ღღეში ასეთი გრძნობა არ გამოუცდია.

სალამოზე თემა ძუკუს მოელაპარაკა და შინ დაბრუნდა. ჯიბეში მეორე სამმანეთიანი ეღო.

„უცხო არ იქნება, ის გოგო ძლიერ გაძალიანდეს და მართლა ჭმრობა მოსთხოვოს. უიმისოდ არ დათანხმდეს. — ფიქრობდა

გზადაგზა კუდა. — მაშინ ნახე სეირი. ვაი იმის მეტი... ძუკუ მაგას ისე მოალორებს, რომ... განა მაგეთ გოგოებს ატყუებენ, მარა ესეც არის, მოტყუილებსათვის კანონი სასტიკად იქცევაო. ბეჟანიკამ რომ ილაპარაკა: ერთ აზნაურიშვილს გლეხის გოგო ძალად შეართვეინესო. უიმისოდ ღირსებას ახდიდნენო. თო, მაშინ ნახე, თუ დაორსულდა და ცოლად წასაყვანი თუ შეექნა. ნიკოია თოხიტარიას და მის შვილებს მერე ახლოდაც ვერ მგჟკარები... მაგრამ არა მგონია. სანამ ბასილი ცოცხალია, საცხოვრებელს დააგირავენს და ამ ზომამდი საქმეს არ მიიყვანს. მარიკა! ფო, ფო, ფო: თუ შემატყო, რომ მე ვლესავ ამ საქმეს, ვაი ჩემი ცოდვა, როგორ ამიქრელებენ ზურგს, იმასაც არ დამაჯერებენ... არა, რატომ? არ მოგიკვდეს იმის მეტი თემა, თითსაც ვერ ჩამოაზმანებენ... რა საბუთი აქეთ, რომელი სტატიის ძალით! მაშინათვე კანონს მივმართავ, სულ ბღაველ-ბღაველით წავალ სულის სადგომისაკენ. ეხ, ნეტავ ერთ სამიანს კიდევ მომცემდეს, თუ უნდა ის შეირთოს და თუ უნდა ძუქნა. კისერიც მოუტეხია იმასაც და იმასაც. როგორც უნდა, ისე მოიქცეს. თემას აქ რა ეხარჯება, არ ვიცი?" ეს ბოლო სიტყვები კიდევ წაილაპარაკა მან და სამმანეთიანი ხელით გასინჯა.

XXXII

გამოცხადებული საიდუმლო. ანგარიში.

გათენდა. ქყონონა ინეთი სქელი ნისლით იყო დაბურული. რომ ხუთი საყენის სიშორეზე კაცი ძროხას კამეჩისაგან ვერ ვაარჩევდა. ბალახი და ხის ფოთოლი ხშირი ნამით იყო დატვირთული. დღე პაპანაქებას იქადდა.

გიტინია თოხიტარია ეს არის ლოგინიდან ადგა და თვალების ფშენეტით ნაჯახი მოსძებნა, დაკვირვებით პირი გაუსინჯა და ცოტა ხმამაღლა დაიძახა:

— ელისაბედ!

— ბატონო, — მოისმა ქალის ხმა.

— ერთი, დოქით წყალი გამომიტანე, ნაჯახი უნდა გავლესო.

სახლის გვერდით მუხის ტლანქად გათლილ როკში ერთი მოზრდილი სალესი სიპი ქვა იყო ჩამაგრებული. გიტინია მივიდა და ნაჯახით ხელში ამ ქვას მოუქდა.

გიტინია იყო სამოცდახუთი-სამოცდაშვიდი წლის, საშუალო ტანის, მოკლე ხუჭუქა წვერა მოხუცი. თავზე კრავის ძველი ქუდი ეხურა და ტანზე შინმოქსოვილი შალის მოკლე. სამუშაო ჩობა ეცემა.

ელისაბედმა, მისმა რძალმა, უფროსი ვაჟის ცოლმა, დოქით წყალი მოუტანა. ელისაბედი იყო მალალ-მალალი, გამხდარი. თვალეზიაცვიფნული, სახეზე ყვითელი ფერი გადაჰკრავდა. ერთ დროს ეტყობოდა გვარიანი ლამაზი უნდა ყოფილიყო, მაგრამ შვილების ზრდას, ციებას და კიდევ სხვა მიზეზებს ისე დაეჰკნო და მოეშალა, რომ კაცს ჭლეჭიანი ეგონებოდა.

— მახზიამ არ გაიღვიძა კიდევ? — ჰკითხა მამამთილმა რძალს.

— არა, ბაბა.

— იაკობა და ანდრიასაც სძიხავთ?

— დიახ, ბაბა.

— ახლა, რაკი მარგვლა გავათავეთ და ცოტა მოგვეშვა. მოდგებიან და მთელი დღე იძინებენ. მარგვლა მარგვლაა, შვილო, მაგრამ, — ხმამალლა ჩაილაპარაკა გიტინიამ, — თუ შეშაც დროზე არ მოიმზადე, შენი სიძინდი რათ გინდა. ზამთარში საკმელს რა გემო აქვს, თუ ცეცხლს გულ-მკერდი არ მიუფიჩინე.

— გავაღვიძებ, ბაბა, თუ გინდა.

— არა, — მიუგო მოხუცმა, ნაჯახის პირი ქვაზე დაადო, ზედ წყალი დაასხა, ერთი ხელი ნაჯახის ტარს მოკიდა, მეორე ხელის თითები ნაჯახს სიფართოზე დააპირა და ქვაზე წაუსვ-წამოუსვა.

ხიკი, ხიკი, ხიკი, ხიკი, — გაჰქონდა რკინის ქვაზე და მოხუციც ყოველ წასმა-წამოსმაზე თავს აკანტურებდა.

— ბაბა, რალაც მინდოდა შენთვის მეთქვა და თავისუფალი დრო ვერ ვიშოვნე, — ნელა უთხრა ელისაბედმა. რომელიც მამამთილის ახლო იდგა.

— რა ყოფილა, შვილო?! — გაოცებით ჰკითხა გიტინიამ. ქვაზე წყალი დაასხა და ნაჯახი მეორე მხარეს მიაბრუნა.

— ცუდი არაფერი, ბაბა, ჩვენთვის, — ბოროტი სიცილით მიუგო რძალმა. სახე გაუბრწყინდა, მიმქრალი თვალები უღვარებდა და სახეზე ერთმანეთში არეული ჭავრი და სიხარული ეხატებოდა. — ჩვიროვის არაფერია საწყენი და იმათთვის კი, — ანიშნა ნიკოიას სახლისაკენ და მორიდებით აქეთ-იქით მიიხედა, ყურს არავინ გვიგდებდესო.

— რა ყოფილა, ბაბა? — ჩურჩულთ დაეკითხა მამამთილი. ორივე ხელი ნაჯახს დააჭირა და ტანგადახრილი გაჩერდა.

— ჯერ მახაზიასათვისაც არ მითქვამს, ვოი, შური საყვარელი, — გულზე ნუჭის მიბრაზუნებით გააგრძელა ელისაბედმა. — ცოტა რაჲმ რომ შეიძინეს, ახლავე თავი მოიჩიკინეს ქაცილაშვით * გაიბერნენ, მაგრამ... — უკანასკნელ სიტყვას კბილები დააჭირა ელისაბედმა. — ღმერთო, შენით, გვარიანი დალი მიეკვრებათ, მგონია.

— რა არის, ბაბა, რა, ჩქარა მითხარი. — სულმოკლედ დაეკითხა მამამთილი.

— სასთაული ვნახე, ბაბა, სასთაული. — სიამოვნებით ამოიხვნეშა ელისაბედმა და განაგრძო: — სუსა ხაბარდაიას ქალს ნერჩის ლოცვა რომ ჰქონდა, ხუთშაბათი არ იყო?

მამამთილმა არა მიუგო რა, ის მხოლოდ დაკვირვებით და მოუთმენლად უგდებდა ყურს.

— კაი ნერჩის ლოცვა ჰქონდა სუსას, მოვედი იქიდან თუ არა. ინდაურები ვერა ვნახე, აქეთ ვეცი, იქით ვეცი — ვერსად ვერ ვიპოვე. მაშინ საისლესკენ გავიარე. ხორო ატმის ძირს ცოტა ხანს გავჩერდი. ერთი-ორი ატამიც გავთაღე და ყური დავუგდე, შეიძლება ინდაურის ხმა გავიგონო-მეთქი. ამ დროს რაღაც ტკაცუნის მომესმა. მივიხედე და საისლეს ქვემოთ ერთი კაცი ლობეზე ფრთხილად გადადიოდა. მე მაშინათვე ქველონში დავიშალე და იქიდან თვალყურის დევნა დავუწყე. რომ მომიახლოვდა, ვიცანი, თემა ბოჭოკია იყო, ხელში რაღაც გახვეული ეჭირა.

— თემა ბოჭოკია?! საიდან ამოვიდა?! ავაგაია, დავლუბულგართ, ინდაურებს კი არა, არაფერს არ შეგვარჩენს. მაშინათვე რათ არ მითხარი, მამასახლისთან გავიქცეოდი. წერალს შევეხვეწებოდი. — დამფრთხალად გააწყვეტინა გიტინიამ.

— დამაცადე, ბაბა, აქ სხვა საქმეა. ვადევნე თვალი. ეს შენი თემოია კუდა გადაჩოჩდა მეორე ლობეზე და ჩვენ და ნიკოიას შუა ორლობეს შეყვა. მე მაშინათვე, ილარიონი ნუ მომიკვდებო, მაშინათვე მივხვდი, თუ რაში იყო საქმე და ფეხაკრეფით ავყევი. ჩავედი ოფურჩემლი ** და იქ მივიშალე. არ მოგტყუვდი, დედიჩემის სულს ვფიცავ. ვნახოთ, ქე არ გამოიპრანწა თავის სახლიდან ის კანდიორი, ის ამაყი. თეთრი კაბა ჩაეცვა, თეთრი ცახორცი ხელეზით თავზე გაეშალა ქოლგასავით, ქარი უბერავდა და აფრიალებდა.

* ქაცილაში — პატარა გულა.

** ოფურჩე — საბძელი.

წამოვიდა, წამოვიდა და თემასთან არ მოვიდა! ორივენი ორღობეში ჩამოჯდნენ, მართლა ისეთი ადგილი აირჩიეს, რომ უცაბედად არ მენახა, ძნელი შესამჩნევი იყო. ეტყობოდა, ძლიერ ფრთხილად იქცეოდნენ, მაგრამ მე რის ელისაბედი ვარ, თუ მაგისთანა გოგომ მომატყუილა. მე სულ ოფურჩეს მივეყუდე. რალაც ილაპარაკეს, მერე თემამ ბოხჩა გახსნა, ლამაზი ყუთი ამოიღო, ყუთიც გახსნა და რალაცეები ამოალაგა. ერთი შუშა რომ იყო, ვიცი. ყუთი და რალაც ხაბაკები გაიანემ კარგად დაათვალიერა. მერე ხაბაკები ისევ შიგ ჩაალაგეს, კიდევ ერთ ხანს ილაპარაკეს და თემა, თითქოს აქ არაფერიო, ისევ იმავე გზით გაბრუნდა. გაიანემ კი ყუთიკაბის ქვეშ დამალა და სახლისკენ გაიქცა. მე ამის მნახველს, რა სალაპარაკოა, იმ დღეს არაფერი მიჭამია, არც იმ დამეს დამიძინია. მეორე დღესაც ამ მიდამოს არ მოვშორებულვარ, თითო წუთ-წუთში ვათვალიერებდი. თქვენთან სადილი გავგზავნე და ერთხელ კიდევ დავათვალიერე. დიდოუუ, დიდოუ! რა ვნახე, რა ვნახე! ორღობეში კიდევ მუსიაფობდა გაიანე. მაგრამ იცი, ვისთან? დიდოუ, დიდოუ! ძუკუ მძებრაძესთან.

ეს ბოლო სიტყვები თითქმის ყურში ჩასჩურჩულა ელისაბედმა გიტინიას.

— ვიშო! — გაიკვირვა გიტინიამ. — ძუკუ მძებრაძესთან?! საით მიეთესა კარგამოკეტილი!

— ვერ გაიგე, ბაბა? მე მაშინათვე მივხვდი, მაშინათვე, ილარიონის დღეგრძელობამ. მე, ქალმა ქალის ამბავი არ ვიციოდე? აქ, ბაბა, თემა კუდაა, საქმეს რომ არიგებს. ჯერ მოითმინე, ნურავისთან ნუ იტყვი ამ ამბავს. ჯერ მოითმინე, ჯერ დააორსულოს, დააორსულოს და მერე ვიფხანოთ და ვიფხანოთ გული, — მართლა ბრაზით გული მოიფხანა ელისაბედმა და მუქიც გულზე მიიბრაზუნა.

— ასეთი ბედნიერი ჩვენ განა ვიქნებით, შვილო? — ნაღვლიანად მიუგო გიტინიამ და ბოროტად დააბრიალა თვალები. — აი ღმერთო, მიქამგარიო, — თვალები ზეცისკენ აღაპყრო მოხუცმა. — აი ღმერთო, ერთი მაგათი თავლაფის დასხმას თუ მომასწრებ, მერე მეორე დღესვე მოვკვდე, ცხონებული ვიქნები, შვილო, ცხონებული...

— აი, ბაბა, ასეა საქმე და თუ გვინდა აღდგომა გავვითენდეს, ჯერ არავინ შეიტყოს, თორემ პეტრეს და ათანასეს ყურამდი თუ მივიდა... იცი, ბაბა, ათანასესთანა კვარჩხი * არც ერთი არ ურევია

* კვარჩხი — უკულმართი.

ნიკოიას შვილებში, ძუკუს კი არა, ღმერთს არ მოუთმენს და საქმეს ჩაშლის, გოგოსაც კარგა მობეგეავენ და ქვეყნის თვალშიაც თავის მართლებას შეუღდებინან. ჭორს კი ჩვენ ვადაგვაბრალებენ. საჭიროა ჯერ არავინ შეიტყოს. ჯერ დააორსულოს, დააორსულოს და მერე რამდენიც უნდათ, აფარონ ხელი, — უკანასკნელი სიტყვები თითქმის ხტუნვით წარმოთქვა ელისაბედმა და ქათმების გასაშვებად გაეშურა.

მოხუცმა მხიარულად განაგრძო ნაჯახის ლესვა და თანაც ლილინი წამოიწყო.

მზე ამოვიდა. ქარმაც დაჰბერა და ნისლიც ცოტ-ცოტად გაიფანტა. მზემ ღიმილით დახედა დანამულ ბალახს და აღმასივით ააელვარა; ქანისწყლის გაყოლება ჭალაში ჩაგუბებული იყო სქელი ნისლი და შორიდან საუცხოო სურათს წარმოადგენდა. გიტინია თოხიტარია და მისი შვილები მხრებზე ნაჯახგადებული მიეჩქარებოდნენ ერთი აზნაურის სახლისაკენ, რომელსაც სანახევროდ შეშას გაურიგდნენ, ე. ი. ტყე აზნაურის იყო. თოხიტარიებს უნდა მოეჭრათ, დაეჭრათ და საყენებად დაეწყოთ. მერე შუაში გაიყოფდნენ. თავის წილში სამ საყენამდი მოელოდა გიტინია, ამიტომ ჩქარობდა, რომ შემოდგომის მუშაობის დაწყებამდე როგორმე გაეთავებინა. დღეს ძლიერ მხიარული მოდიოდა. ერთი ხანია ასეთი მხიარული არა ყოფილა და შვილებიც გაოცებით შეჰყურებდნენ. ..პერტეიას შეიღმა როგორ უნდა მაჯობოს, — ფიქრობდა გზა-გზა გიტინია. — ამას სიკვდილი არა სჯობია. პერტეია რომ ადრე არ მომკვდარიყო, სასმელ წყალს არ მადირსებდა. სულ ქეჩოზე დამაჯდებოდა. მაგრამ ინება ღმერთმა და ის ხომ გაემგზავრა... ნიკოია ქვეშ მოვიყოლიე მეგონა. მართლაც ერთ დროს მათხოვარისაგან ბევრი არაფრით განირჩეოდა, მაგრამ უცბად, რაღაც ეშმაკის ძალით, ქეშმარიტად, ეშმაკის ძალით. ალბათ ეშმაკს მიანდო თავი, ვაი, დიდება შენთვის... კაცი შიმშილით კვდებოდა და გავიხედე. სიმინდს ქე ყიდის; გავიხედე, მიწას ქე იგირავენ; გავიხედე, წისქვილის წილში შემოვიდა; დიდოუ! გავიხედე, ორი შვილი ვაჭარი ქე ეავს; გავიხედე, სახლი გამოაკეთა; გავიხედე, კაი ცხენ-უნაგირი. ტანისამოსი... შეიძლება ჩქარა ყავრით დახურული და ბუხრიანი ოდა დაიდგას, ალბათ ღმერთი ხელს არ მოუმართავს, თორემ. ახლა მოდი და ნუ გასკდები ჯავრით. მაგრამ უპრიანია ღმერთს და ისეთი ეშმაკი შეჩენია, რომ მისი ლოყააპრიწული გოგო თუ დააორსულა. თუ მუცელი გაუმსხვილა და თუ ყელი გამოსჭრა, საქვეყნოდ

ნამუსი ახადა, საანდაზოდ და სალექსოდ საქმე თუ გაუხადა არიქა, ბიკო, შე საბრალო, ეცადე, ჰო!“

ეს უკანასკნელი სიტყვები ვერ მოითმინა და ხმამალლა, კბილების დაქვერით წარმოთქვა.

შვილები გაოცდნენ.

— ვისაა, ბაბა, რომ ეუბნები? — გაკვირვებით დაეკითხნენ შვილები.

გიტინია გამოერკვა და ენას კბილი დააჭირა. მაგრამ გვიან იყო

— არავის შეილო, — არეულად მიუგო გიტინიამ. — იმ საბრალოზე, იმაზე.

— რომელი საბრალოა? — არ ცხრებოდნენ შვილები.

— ის საბრალო, ცუცუნას შვილი.

— რომელი ცუცუნასი?

— ჭკრივის შვილი, ტოჩაილა, თუ რა ჰქვიან, სამი თუმანი ჭე მოუტანია შინ, ნახავთ, თუ ობლობას თავი არ დააღწია, — ეს კარგად გაიფიქრა და ბოლო სიტყვებსაც შესაფერი რიხი მისცა. მაგრამ სიყალბე მაინც ეტყობოდა და შვილები მაინც ველარ დააჭერა. „რალაც უნდა იყოს, — ფიქრობდნენ შვილები. — ასე გიჟივით ვის იყო რომ აქეზებდა, აქ რალაც ამბავია!“ — ორკოფობდნენ ისინი.

ბევრი ეცადა გიტინიამ, რომ რძლის ნაამბობი დაემალა. მაგრამ ველარ შესძლო. მოსვენება დაეკარგა, ნასადილევს ვერ დაიძინა. ნაჯახს შეშას უქნევდა და ფიქრით სულ ის ეხატებოდა. თუ ყელი როგორ გამოექრებოდა ნიკოიას და მის ოჯახს. „რა თქმა უნდა, ძუკუ გაიანეს დააორსულებს და მერე ახლოც არ მიეკარება. ცოლად რომ ძუკუმ ნიკოიას შვილი შეირთოს, ამის ფიქრიც შეუძლებელია. — თოი, შური, საყვარელი, იმ დღეს მოვესწრებოდე!“ — წამოიძახებდა გულში გიტინია და თან რაც ძალი და ღონე ჰქონდა, ცულსაც ხელს დაარტყამდა ხოლმე. ერთ-ორჯერ ისე გაერთო ამ ფიქრებში, რომ კინაღამ შუათანა შეიღს ფეხი გააგდებინა.

შვილებს უკვირდით მამის ამგვარი არაჩვეულებრივი ქცევა და შენიშნეს კიდევ. იმანაც მეტი ველარ მოითმინა და თუმცა დიდად საიდუმლოდ, მაგრამ მაინც უამბო შვილებს რძლის ნაამბობი და მერე, თითქო საესე გულა გასკდაო, ერთობ გადმოაყარა ნიკოიას და მის ოჯახს საყვედურები. უფროსი და უმცროსი შვილი დიდი აღტაცებით მიეგებნენ ამ ახალ ამბავს და მამასთან ერთად მომავალი სიხარულის ოცნებაში გაერთნენ. მხოლოდ შუათანა

შვილმა, რომელსაც იაკობას ეძახდნენ და რომელიც პეტრეს კბილა იყო, გულგრილად მოისმინა ყოველივე და როცა მამა-შვილებმა ლაპარაკით და ამ საქმის აწონ-დაწონით გული იჭერეს, დინჯალ შენიშნა:

— ამდენ სასიხარულოს მე აქ ვერაფერს ვხედავ, ბაბა, ჩვენ ამითი ბევრს ვერაფერს მოვიგებთ. გალანძღვით კი, მგონია, ჩვენც გავილანძღებით. ვიშ, რა სასიამოვნო საქმე მოუვიდა გიტინია-თოხიტარიას ნიკოიას შვილის გალანძღვითო, ამას, მგონი, არავინ იტყვის, და მძებრაძემ თოხიტარიას ქალი დააორსულა და ზედ მიაფურთხაო, ამას კი იტყვიან და ეს ჩვენი ლანძღვაც იქნება, რადგან ჩვენც თოხიტარიები ვართ გვარად. ან და შენ გგონია, ნიკოიას ბიჭები ასე კამეჩივით კისერს მოიდრეკენ და ძუკუს ოჯახის გალანძღავს შეარჩენენ! ვაიმე, ვაიმე. როგორ ქექეთ * უყურებთ თქვენ მაგათ. ახლანდელ დროში შენს მძებრაძეს ვინ მისცა ქვეყანა თავის ქეიფზე სათელად. ახლა ცოტ-ცოტად ყველას ყურები გაეხვრიტა. კანონი კანონია და აღმასივით ბიჭები შენ ძუკუს ხუთჯერ მიუმტვრევენ ყბას. მოერიდებიან გგონიათ, თუ! ძუკუს წყალობა მათ რაღა აქვთ, რომ მოერიდონ. მოგიკვდეს, ნიკოიამაც, თუ გაჭირდა, თავისი სისხლი იმათგან თუ არ დაღვაროს,—იაკობა თანდათან გაცხარდა.—მე რას დავეძებ, თქვენ რომ რაღაც ერთ მტკაველა მიწაზე ერთმანთს ემდურით. ჯგობოია ყანდარიაც მთელ სიკოცხლეში მიწის ტირილში იყო, სულ საზღვრებს ასწორებდა და აქებებთან. სულ მიწაზე ღრიჭინობდა, მოკვდა და დასასაფლავებელი მიწა ვერ უშოვნეს. დამიჯინე უსათუოდ: მიწა, მიწა. ჭანისწყლის ჭალა არც შენია და არც ნიკოიასი, არც ბასილისაა, თუ მკითხავ, ღმერთმა გააჩინა და კაცები სარგებლობენ, დღეს მე, ხვალ შენ, ზეგ ის, და ისე სულ... ამაზე ამ ზომამდი ჩხუბი და სიძულვილი არ ღირდა ჩვენს შორის. მაგრამ რაკი თქვენ იმის სახლში, ის ჩვენ სახლში არ შოდის, სიკვდილ-სიკოცხლეში ერთმანეთისაგან გაყოფილი ვართ, მეც თქვენთან ვარ და თქვენ კვალზე მივდივარ, მაგრამ როცა მძებრაძე თოხიტარიას გოგოს, ჩემს ბიძაშვილს, ნამუსს ახდის და სოფელიც გაღექსავს და ქალის ძმები პატიოსნების დასაცველად ხმას აიმაღლებენ, იცოდე, იაკობა მათ გვერდით იდგება. ჩემ სახლში მოვიდეს პეტრე, შეიძლება თოფიც ვესროლო, მაგრამ მინდორში თუ მას მძებრაძემ ჩხუბი აუტეხა, მე უკანასკნელ წვეთამდი ჩემს რჯულს მხარი უნდა დავუჭირო.

* ქექეთ — მსუბუქად, მჩატედ.

იაკობამ ლაპარაკი ნელა დაიწყო, მაგრამ თანდათან შეხურდა და ბოლო სიტყვებს იმდენად ცხარედ ამბობდა, რომ ტუჩებზე ქაფი გამოაჩნდა.

— შენ სულ მასთე ხარ, შვილო, — ვითომ და ტკბილად, მაგრამ ცხადი სიბრაზით მიუგო გიტინიამ. — ჩვენ სისხლისმსმელს ყოველთვის ფრთა გადააფარე. იანვარში კაცი ფეხშიშველი დადიოდა, ახლა საცაა ჩექმას ჩაიცვამს და შენ სიამოვნებით შეჰყურე. მე ვაქარი ვარო, აზნაური ვარო, გეტყვის და შენ კი თავი დაუქარი. შენ, ეი, ჩემი ძმა კი არაა, ჩემი ნაყმევი ხარო, — გეტყვის და შენ კი მოწიწებით სალამი მიეცი.

— მერე იმან როდის დაგიშალა, შენც ნუ იქნები ვაქარიო! — გაცხარებითვე მიუგო იაკობამ. — ივანე გვატი აფშირხავას მელორეთ ჰყავდა, ფარნა თხას მიყობოდა, ორივე კაცები გამოვიდნენ. შენც ვინ დაგიშალა, ისე მოქცეულიყავი. რამდენი გეხვეწე, რამე ხელობაში მიმეცი-მეთქი, წიგნს და სასწავლებელს ვინ გაგიბედავდა... მე ვითომ სხვაზე ნაკლები ხელები მქონდა თუ! — თქვა იაკობამ და თავის მსხვილ-მსხვილ მუშტებზე დაიხედა.

— ახლა ამბობ ამას, თორემ ხელობაში რომ მიმეცე, მეორედღეს აქეთ გამოიქცეოდი. ბასილ მძებრაძეს კი ნუ ეხუმრები, მაგისი მამა-პაპა...

— ვაი, თქვე უბედურებო, — გააწყვეტინა იაკობამ, — სულ მაგათ ქებაში უნდა დალიოთ სული. მაგათი მამა-პაპა კი არაა, ფოთს რომ პარახოდები მოდის, სულ მათი მამა-პაპის მოგონილია და სენაკს მაშინა რომ მობრიგინებს, მათი ბების მზითვად გამოყოლილია! რა იყო მაგათი მამა-პაპა? უღრობა დროებაში აწიოკებდა საწყალ გლეხს, ნებით თუ არ მისცემდა რასმე, ძალით წაართმევდა, კანონი არ იყო და სამართალი. თვითონ ნახევრად მოუხარშავ ხორცს ძიძგნიდა მგელივით, აი, რა იყო მაგის მამა-პაპა... ნიკოიას ამბავი ახლა რომ გშურს, შე კაი კაცო, ფარქანიძის სახლში ძღვნად ხარი რომ მიგყავდა, ის გაგეყო და ჩემთვის ორი ანაბანა დაგესწავლებინა, ახლა სამწილად მეტ მოგებას მოგცემდი და გამოსადეგი შეგექმნებოდი. ფარქანიძემ რა გაგიკეთა, შენს სახლში რომ მოვა ბატონია, იმის სახლში რომ მიხვალ, წყალს ეზიდები... ხარი ტყუილად დაიკარგა...

— ახლანდელი დროება საოცარია, — გააწყვეტინა გიტინიამ. — უფროს-უმცროსობა დაიკარგა, პატივი და მორიდება აღარ არის. წიე! მძებრაძეებს და ფარქანიძეებს ისე ადვილად ვერ ახსენებდნენ შენისთანა ბიჭები ძველად, მაგრამ ახლა...

— მაგრამ ახლა, მაგრამ ახლა! — გააჯავრა იაკობამ. — მეც იმას ვამბობ, რომ ახლა აღარ არის მაგათი დროება-მეთქი. შარშან რომ ქალადიდში შენის საპრელად ვიყავი, იქ ერთმა კაცმა ისეთები მითხრა, რომ კინალამ გადამრია. თურმე ჩვენ უსინათლოდ ვცხოვრობთ და ვლექავთ გავიწივებულ ლუკმას. განა ჩვენც კაცები არა ვართ, ჩვენც თავები არ გვადგია? აჲ, აჲ რალაც მიჰიჭინებს, — ხელი გაისვა იაკობამ შუბლზე. — მაგრამ რათ გინდა, ყრუ ვარ, უნო ვარ, ორი კაკალი ანაბანა რომ...

— აჲ, აჲ, მოდი, მოდი, ეს ხე როგორმე საღამომდი ავკათოთ, ზღაპრებს თავი დავანებოთ, თუ ღმერთი გწამთ, — გააწყვეტინა უფროსმა ძმამ, მალხაზმა, რომელსაც გიტინიასი და იაკობის ლაპარაკის დროს კინალამ თვლემა დააწყებინა.

— აბა, აბა, შვილებო, — დაფაცურდა გიტინიაც, ნაჯახს ხელი მარჯვედ მოავლო და მიუხედავად სამოცზე მეტი წელისა, მხნედ დაარტყა წაქეუულ თხმელას, შვილებიც მიეშველნენ და ოთხი ცულის კაფაკუფი გაისმა პატარა ტყეში.

* * *

სიბინდები მეორედაც გაიმარგლა, გაიმარგლა და გრძელ-გრძელი ტარობით დაიტვირთა. ყანებში მუშაობა ჯერჯერობით მიწყდა. გლენმა იდროვა თავისუფალი დროით, ზოგი აქეთ-იქით გაიფანტა, სადმე დღიურ სამუშაოდ, მომეტებულად, რასაკვირველია, მახლობელ ქალაქ-დაბებისაკენ. ზოგი ზამთრისათვის შეშის მოგროვებას შეუდგა, ზოგი, და მათ შორის ჩვენი ნაცნობი თემა ბოჭოკია, სამუშაოდ არსად არ მიდიოდა და შინაც არაფერს აკეთებდა. მის ყანაში სიბინდი და ღვარძლი ერთ სიმაღლეზე იყო.

ნიკოია თოხიტარიამაც მუშაობა გაათავა. პეტრემ ისარგებლა თავისუფალი დროით და ფოთისაკენ წავიდა, რადგან ძმები რალაც სამუშაოს შოვნას დაჰპირდნენ. ნიკოია და ათანასე კი ურმით შეშას ეზიდებოდნენ.

* * *

ერთ საღამოს ბასილ მძებრადე, ჩვეულებრივ, სახლის აივანზე გადამქდარიყო. ძუკუ და ბართლომე იქვე ისხდნენ.

— მაშ, კარგად შეიტყვე ყოველივე საქმე, ბართლომე? — სიამოვნებით დაეკითხა ბასილი.

— ზურაბის სულს გეფიცები, ბავშვი ხომ არა ვარ, — მიუგო ბართლომემ. — ყველა ქალაქი ჩემი თვალით ვნახე.

— მაშ, გაგზავნეს, ა, ჩვენი ქაღალდები, — მხიარულად წარმოთქვა ბასილმა და სიხარულისაგან თვალები აუწყლიანდა.

— გაგზავნეს, როგორ არა, მორჩა, გათავდა, — მიუგო ბართლომემ.

— მადლობა ღმერთს, მადლობა ღმერთს. ხარჯი უანგარიშო წავიდა, მაგრამ ჩქარა კი მოვიყვანეთ სისრულეში. რას ამბობ, კაცო! — აღტაცებით წარმოთქვა ბასილმა. — თავად ოტია ფარქანიძემ რა ხანია დაიწყო. გუშინწინ ვხედავდი. ჯერ კანტორიდან მოწმობა არ გამოუტანია. ორი კვირა თბილისში გავატარეო, ათი თუმანი მართო ხარჯად წამივიდაო, მაგრამ მაინც ვერა ეშველა რაო, ღმერთს მართალი უყვარს, იმ მოწმობების გამოტანა მეც კი გამიჭირდა, მაგრამ რაკი გავიგე რაში იყო საქმე, — თითქმის ჩურჩულით თქვა ბასილმა, — სად იყო გახვრეტილი და სად წვეთავდა... მაშინათვე ამოვგლისე... რომ ვნახე, სად იყო კულის წვერი, წავევლე ხელი. მოგიკვდეს ბასილ მძებრაძე, წყალს მიადგეს და ფონი ვერ იპოვნოს.

— ტრაბახობით კი არ მიმიღო, ბიძი, და შენ არ მომიკვდე და მეც ამ უქანასკნელ დროს ქუთაისში გვარიანად მოვცაცე საქმე. ზოგიერთების საქმე ერთი წელიწადია გამოწყობილი გდია, მაგრამ არავეინ აგზავნის, საბუთიც რიგიანი აქვს, მოწმობაც, ოცდახუთი ჩინოვნიკის ხელმოწერილიც, მაგრამ არავეინ გზავნის, იქაც, ბიძი, როგორც შენ ამბობ, კუდია საძებნელი, მეც მოვძებნე და გწყალობდეს თაარანგელოზი... მაგრამ საქმეც იმაშია, რომ სადაც სხვები თუმანს ანდომებენ, მე იქ ერთი მანეთით გამოვდივარ და ზოგან მაგ დალოცვილმა ბანქომაც მიშველა. ხერხიანად არ მოვქცეულიყავი, ბიძი, შენ ნუ მომიკვდები, იმ შენი მოცემული ფულით ჯერაც ვერ გაიგზავნებოდა ჩვენი საქმე.

— კარგი, კარგი, შვილო, — მხიარულად მიუგო ბასილმა. — მძებრაძე ნიჭით და ხერხით ყოველთვის განთქმული იყო და მაგნაირები რომ მოვახერხოთ, რას გამოიკვირდება... ხარჯი კი, ჩემო ბართლომე, შენი მტერი, ჩავდექით. რაღა, რემიზში. მაინც ეს ოხერი და ეს ნავარი, ჩემი ანგარიში ერთხელაც რომ არ ეყო. ჩემი ანგარიშით, მაგალითად, რომელიმე წვრილმანში ხუთი მანეთი უნდა, ნამდვილად კი თხუთმეტი არა ყოფნის. ოხ, ოხ, სულწაწყმენდილმა დრიმინტიამ გამზაკვა, გამზაკვა სწორედ! იმას რომ ორი მუჟა მანეთები ჩავუჩხრიალე, ის სიკვდილის დღეს არ დამავიწყდება... მოიცა, მოიცა, ერთი ბართლომე, მოდი ვიანგარიშოთ, აბა, რამდენი დაგვიჯდა სულ ეს საბუთობიას საქმე.

— რას დავეძებ, კარგი, ვიანგარიშოთ, — მიუგო ბართლომემ.

— ა, კარგი, კარგი, — კმაყოფილად მიუგო ბასილმა და შვილს მიუბრუნდა.

— ძუკუ. ბაბა, ერთი დედაშენს დაუძახე.

ძუკუ გავიდა და რამდენიმე ხნის შემდეგ, ქამარ-ხანჯალ მორტყმული და მხარზე თოფგადაკიდებული დაბრუნდა.

— ახლავე მოვალო, თქვა დედამ.

— შენ სად მიემგზავრები?

— ცხენთან.

— ჰო, გაეჩქარე, გაეჩქარე, შვილო. ბაწარში არ გაიხლართოს, ფართო ჩქონთან დაატოულე, წყალშიაც ჩაიყვანე.

— რა ვიცი, ზოგი არ მირჩევს წყალში ჩაყენებას, — შეწუხებულად თქვა ძუკუმ და ორივეს შეხედა.

— პირველი საქმეა წყალში, — დაბეჯითებით თქვა ბასილმა.

— კოჭლობს კიდევ? — იკითხა ბართლომემ.

— რაჟდენიმედ კიდევ უხურდება უკანა ფეხები, მუცელიც ებერება, — მიუგო ძუკუმ.

— მაშ, ჩააყენე, ჩააყენე წყალში, მუცელს მოუხდება, — ურჩია ბართლომემ.

მარიკას მძიმე ფეხის ხმა შორიდან მოისმა. ჯერ კიდევ ზალაში არ შემოსულიყო, რომ აივნის იატაკის ღირემ ჭრიჭინი მოილო.

— რა გინდა, ძუკუს მამა? — მხიარულად ჰკითხა მარიკამ. აზნაურობის საბუთის გეროლდიაში გაგზავნამ მარიკაც გაამხიარულა. რალა თქმა უნდა, ის თავის თავს სხვანაირად გრძნობდა იმ აზნაურების ცოლებთან შედარებით, რომელთაც ჯერე გეროლდიაში გაგზავნა კი არა, მეტრიკული მოწმობაც კი არა ჰქონდათ გამოტანილი.

— ხარდანადის ქალო, — მხიარულადვე უთხრა ბასილმა. — ერთი პატარა ყუთი მოგვიძებნე, გვინდა ვიანგარიშოთ, აბა, რამდენი დაგვეხარჯა... ღვთით, ეს ერთი საქმე გვარიანი მსხვილი გადავიგორეთ თავიდან. ახლა კი ცოტა ხანს დაგწვები მარჯვენაზე. როგორმე ამ ორ ბლანას გზას ვუჩვენებდე, თორემ...

მარიკამ ყუთი მოიტანა, ბართლომემ ოთახიდან საანგარიშო რგოლები მოატანინა, ვაჭრობისაგან ესლა დარჩენოდა. დაიწყეს ანგარიში:

— ჯერ ბართლომე, ორასი მანეთი ჩააგდე, ღრმინტია მაზაკვალს რომ მივეცი. აჰა, ჰუ! — ამოიოხრა ბასილმა.

— კარგი, ეს ორასი.

— ორასი? კარგი შენი ჭირიმე, — დაფიქრებით თქვა ბასილმა და სხვადასხვა ზომის დაკეცილ ქალაღლებში ჩხრეკა დაიწყო.

— ორასი? კარგი, ახლა, გენაცვალე, მანეთ-ნახევარი ჩადი, თხოვნა რომ დავაწერინე.

„ტკაც“, გაიტკაცუნა რგოლმა.

— მანეთ-ნახევარი, — გაიმეორა ბასილმა. — ექვსი მანეთი და ხუთი შაური, მეორე თხოვნა. მე აქ, ბართლომე, ყოველნაირ ხარჯს ვანგარიშობ.

— ყოველნაირი უნდა იანგარიშო, მამ. ოლონდ ხარჯი გავიდეს და რაშიც არ გასულა, სულ ერთია.

— ჰო, მეც იმას ვამბობ, ახლა, მაგალითად; თხოვნა დავაწერინე ხუთ მანეთად, მაგრამ მანეთი და ხუთი შაური ისე დამეხარჯა, ზოგი საუზმე, ზოგი იქითური, ზოგი აქეთური. მაინც იმ საქმეზე დამეხარჯა, თორემ ის საქმე არ ყოფილიყო, არ დამეხარჯებოდა.

— ცხადზე უცხადესია, — დამოწმა ბართლომე. — შენ, ბიძი, ნამდვილად სავაჭრო კაცი ხარ, ზურაბის სულს ვფიცავ. მოდი, ერთი გახსენი ქისა და გავალოთ ღუქანი, დავუხუჭოთ ეშმაკებს თვალი. პატროსან სიტყვას გაძლევ, ცუდაობას თავი დავანებო და რიგიან გზაზე გამოვიდე. მეც კაცი გავხდები და შენც, მერწმუნე, ბიძი, არ იზარალებ.

— ხა, ხა, ხა, — ჩაიციხა ბასილმა. — ის კი არა, ვალებში ვარ ჩავარდნილი. აი შენით ნახავ, იანგარიშე ქვევით. ეს ხომ ჩააგდე?

— კი, როგორ არა.

— ოცდათორმეტი მანეთი და სამი აბაზი რომ შევიტანეთ პრისუსტიანში.

ისევ გაიტკაცუნა რგოლმა.

— კარგი, შენი ჭირიმე, ჯერ ეს, მაგრამ სულ ერთია, ოცდაათი მანეთი და რვა კაპეიკი, ერთი სადილი რომ გავუმართეთ სამი მანეთი, კიდევ იმ დღის წერილმანი ხარჯი. შვიდი თუმანი ამბაკო პაპას რომ შივევით გამოძიებისათვის.

— სულ შვიდი გამოგართვა?! — გაიოცა ბართლომე.

— ორივე შვილებს გეფიცები — ლაპარაკიც არ მაცალა. ეს გადაწყვეტილიაო, მერე რა სადილი გავუმართეთ ყოფაგაქუცულს. თუმცა იმ დამეს ქე გვაზარალა, ხა, ხა, ხა, ხა, — გაღიხარხარა ბასილმა. — მაგრამ, სამაგიეროდ, მეორე ღლეს რიგიანად შეექცა.

— ო... ბიძი, ის ჩინებული მსმელია, იმ ღამ მოუვიდა რაცხა ასე, ალბათ აწყინა რამემ, თორემ გიორგისთანა სმაში მაგას ვერ

დაენადლაგება. მე მაგას ბევრგან შევხვედრივარ, კარგად სვამს. კარგი მომლხენი კაციცაა.

— სმით გიორგიც კარგად სვამს, მაგრამ იმ ღამეს ხომ ერთობ ყველას მეტი მოუვიდა. იცოდე, ჩემმა ყანწებმა, შენიშნული მაქვს, არ შეიძლება ხელი გაიკუდონ. ვინც მათ მიეთამამება, არაა სათქმელი, წავა და წავა ხელიდან.

— ოხ, სმას ახლახან რომ შევხვდი საქყონდილოში, ის იყო. ბიძი, თორემ. — წარმოთქვა ბართლომემ. — კამპანიას როგორ არ შევხვედრივარ და ისეთი გემოზე, ერთი ხანია, რომ...

— იქითკენ კი იციან, — დაემოწმა ბასილი. — საქყონდილო პურ-ღვინით ყოველთვის განთქმული იყო.

— ან რა ქალები, ან რა გიტარა, ან რა სიმღერა, ან რა სმა და ქამა. გავწყდით კი გავწყდით, — ამოოხვრით დაუმატა ბართლომემ.

— კარგი, კარგი, მაგას ახლა თავი დავანებოთ. შვიდი თუმანი ჩახვედი?

— ო, ახლავე, შვიდი? კი, ჩავედი.

— შვიდი აბაზი ერთი.

— შვიდი აბაზი.

— ორი მანეთი მეორე. თხუთმეტი მანეთი თბილისში რომ გავგზავნე მოწმობაზე და რომ მოვტყუვდი. დედა, რა ბრიყვი ვყოფილვარ თურმე! ასე მეგონა, თხუთმეტი მანეთს თუ გავგზავნიდი, მეორე დღეს მოწმობას აქ მომიბრძანებდნენ.

— თხუთმეტი მანეთი, — თქვა ბართლომემ და რგოლი გაატკაცუნა.

— ახლა ჩემი ხარჯი თბილისში: ორმოცდასამი მანეთი და ოცდაჩვიდმეტი კაპეიკი გზის ფულიანად.

— კარგი, მერე?

— მდივანს ქრთამი რომ მივეცი, ოთხ თუმან-ნახევარი. ნაკლებ არც კი შემომხედა. როცა მელაპარაკებოდა, განზე იყურებოდა. ქრისტემ აკურთხოს, ერთი ვილაც არხმაიტმა მიშველა, თორემ დღესაც არ მექნებოდა გამოტანილი.

— ოთხ თუმან-ნახევარი, — ნელა ჩაილაპარაკა ბართლომემ და ხელი გააქნია საანგარიშო რგოლებზე.

— თექვსმეტი მანეთი და შვიდი შაური იქ, ზოგი მწერლებს, ზოგი კიდევ ვის.

— კარგი, ბატონო... მერე?

— ქუთაისში ჩემი წასვლა ერთხელ, თორმეტი მანეთი, მეორე-
ჯერ, ცხრა მანეთი. ჩახვედი?

— კი, ბატონო.

— შენ წინეთ გაგატანე ქუთაისში ხუთი მანეთი.

— ნამდვილია.

— მანუჩარს მივეცი სამი მანეთი გზის ფული, მარშალთან
რომ საქმე იყო რაღაცა. ახლა შენ ხომ გაგატანე ხუთი თუმანი? აბა
ახლა რამდენი გამოვიდა სულ?

— სულ, ჩემო ბატონო, — გაგრძელებით თქვა ბართლომემ, —
ხუთას ოცდათვრამეტი მანეთი და სამოცდაცხრამეტი კაპეიკი.

— აგაშენა ღმერთმა, რამდენი მანეთი იქ გამოტოვებულა.
იმდენი წელიწადი, შენ არ გწყველი, და მე, — მკერდზე ხელის
მიღებით მიუგო ბასილმა.

— ყველანი კი მეუბნებიან, ბიძი, თქვენსავით იაფად და ჩქარა
საქმე ჯერ არავის გაუთავებიაო.

— საბუთმა გაგვიჭირა საქმე, ოხერმა, თორემ... დედა, ღმერ-
თო! — წამოიძახა ბასილმა. — საბუთის ძებნაში რომ ხარჯი მოგვი-
ვიდა, — ორივე ხელი წინ გაიშვირა ბასილმა და თვალეზგაფართოე-
ბული ბართლომეს შეაჩერდა.

— ჰო, ისიც ამ ანგარღში უნდა შევიდეს.

— შენს მტერს ღმერთი გაუწყრა. ამ საქმეში დაიხარჯა, მა სადა?
მარტო არხივარიუსები მიზის თორმეტ-ცამეტი თუმანი.

— სულ მაშინდელი ხარჯი რამდენი იქნება, ბიძი?

— ოცდახუთი თუმანი, ეს სულ უკანასკნელი რომ ვიანგარი-
შოთ. სულ არ მახსოვდა, — სალოკი თითი შუბლზე მიიტკაცუნა
ბასილმა, დაფიქრებული ისევ აივანზე მიდგმულ ფიცარზე ჩამოჯდა
და ჩიბუხს ხელი მოავლო.

— ესეც! — დაიძახა ბართლომემ და საანგარიშო რგოლები
გაატკაცუნა-გამოატკაცუნა. — შვიდას ოთხმოცდა რვა მანეთი და
სამოცდაცხრამეტი კაპეიკი.

— ღმერთმა გაცოცხლოს, ახლა არ იტყვი: მისვლა, მოსვლა.
ცხენი, უნაგირი, სიცივე, სიცხე, წყალი, მთა და ბარი... ორჯერ
ხობი წყალში კინალამ დავიხრჩვი. ერთი სიტყვით, ამდენი რა გინდა,
მრგვალად რომ ვიანგარიშოთ, ათასი მანეთი წასულა ხელიდან.

— სალაპარაკო არაა. მერე ამდენი ფულით რა საქმეს არ დაი-
წყებდა კაცი. თამამად ვაჭრობას ააბრუნებდა.

— ეჰ, — თავის მალლა აწვევით გაიკვირვა ბართლომემ. — მომეცი
ახლა ხელში ასი თუმანი და ისეთ საფართლეს გამოვჭიმავ, რომ...

— მაგრამ ეს კი არის, ბართლომე, ახლა ჩვენ რომ გლესხ გვეძახდნენ, იმას მეორე ამდენი დაახარჯო, სჯობია.

— ეს მართალია, ბიძი, მაგრამ რათ გავგინდა ასე ძვირად საყიდელი ის, რაც მამა-პაპისაგან გვეკუთვნოდა. ეს ჩვენ მოგვივიდა ამდენი ხარჯი და ახლა სხვა ნახე... ყველა ერთად რომ იანგარიშო, სად მიდის, — ხელი მალლა ასწია ბართლომემ.

— მარტო სხვადასხვა დაწესებულებაში ქრთამად, მარტო ქრთამად ნახევარ მილიონამდე დაიხარჯა, მერაბის სული თუ მწამს ჩაზინას გროში არა რგებია ისე, — მიუგო ბასილმა.

— რა საეჭვოა!

ცოტა ხანს სიჩუმე ჩამოვარდა, ბასილი ყალიონს ცეცხლს უკიდებდა.

— ახლა ხომ გჯერა, რომ კაპეიკი ფული არ დამრჩენია და ვალუბიც კი მექნება, — თან თქვა ბასილმა და თან პირიდან სქელ-სქელი კვამლი გამოუშვა.

ბართლომემ საორჭოფოდ თავი გააქნია.

— აბა შეხედე, კიდეც არა სჯერა.

— მჯერა, რატომ არ უნდა მჯეროდეს.

— არა, შენ მაინც იჭვენეულობ. ნუ კი გეწყინება და ამ ხარჯში, რაც ახლა ვიანგარიშეთ, ორ მესამედზე კიდეც მეტი ხომ საკუთარი ჩემი ჯიბის ფულია?

— მართალია, აქ საწყენი რა არის.

— კარგი და პატიოსანი. აბა ახლა მესამედი მოაკელი საერთო ჯამს, — ბართლომე ისევ ანგარიშს შეუდგა. რგოლებს დაფიქრებულ-ლი იქით-აქით აგდებდა.

— რამდენი გამოდის? — დაეკითხა ბასილი.

— ახლავე... ორასი, — თავისთვის ბუტბუტებდა ბართლომე, — სამოცი... კარგი, შენი ჭირიმე... ორი, არა, არა ხუთი იქით გაუშვი, სამი ჩააგდე... სამოცდაცხრამეტი. დიახ, დიახ.

— რამდენია?

— ორი მესამედი გამოდის ხუთას ოცდახუთი მანეთი და ოთხი აბაზი და ერთი შაურა.

— ექვსასს რა უჭირს, თუ გინდ ხუთასიც იყოს. ხუთას მანეთ ნაღდ ფულზე მეტი მე სად მექნებოდა. თუ გინდ მქონოდა, გასულა და ეს არის. ახლა ოჯახის გაჭირვება ხომ მაინც თავის რიგზე მიდიოდა: მტერი, მოყვარე, ქორწილი, ტირილი, ღღესასწაული, ცოლ-შვილი. გოგოს სწავლა რამდენი დამიჯდა. ახლა სწავლა რომ გაათავა — ტანისამოსი რამდენი ვუყიდე. მადლობელი კი ვარ,

მაგისი ქირი შემეყაროს, კი ისწავლა კარგად. ეხ, ნეტავ ის ვაჟი
ამსვლოდა, — ამოიოხრა ბასილმა. — ჩემ სახელს არ დააგდებ-
და, მაგრამ, მაღლობა ღმერთს...

— ძუკუზე უარესი იქნებოდა, ხა, ხა, ხა, — გააწყვეტინა
ბართლომემ. — დამერწმუნე, ბიძი, ძუკუზე უარესი, ვაჟი რომ
ყოფილიყო. ახლავე ისეთ თვალებს აბრიალებს, რომ პა, პა, პა,
ჩვენ, მძებრაძეებს, არ გვიწერია, ბიძი, სწავლა.

— ეხ, რაც არის, ის არის, ქალად ღმერთი აცოცხლებდეს,
თორემ. ერთი, ჩემ სიცოცხლეში, მე რომ შემეფერება, ისეთ კაცს
მივცემდე, მეტი არა მინდა რა. ქალიშვილია, ბაბა, ცოდვა, თორემ
ვაჟიშვილმა რაც უნდა, ის ქნას. ყოველნაირად გამოვცადე, მაგრამ
არა გამივიდა რა. ახლაც რომ აიკვიატებს ერთ რასმე, რომ ვერ
მოაშლევინებ.

— ეს ვისზე ამბობ, ბიძი?

— ძუკუზე გეუბნები, კაცო. დაიჩემა ეს ცხენი, ამოსაწყვეტ
ნარიქის უშოვნია სალაცა, ის ხომ ცხენის გაცვლა-გამოცვლის მეტს
ალარეფარს აკეთებს. ასი რგვალი მანეთი ჩავუნაგარიშე ხელში.
ცხენი, ერთი სიტყვით, გვარიანი კაი ლაფშა იყო, სწორედ გვარიანი
კაი ცხენი იყო. შემოჯდა ზედ და, შენ ხარ ჩემი ბატონი, აი აქეთ,
აი იქით და ორი თვეც არ არის, ცხენმა უკანა ფეხებზე კოჭლობა
დაიწყო. თუ კვერცხი, ან თუ ძვალი. შენი მტერი, პირდაპირ წყალში
გადაცვინდა ასი მანეთი. ეს ერთი და რამდენი მაგისთანას მიახარჯა
თუმნობით და მანეთობით. ახლა, წარმოიდგინე, სად მექნება ფული.
ოცდაათი წელიწადია, აქეთ ფული არ მისესხნია. და ასი სახარების
მაღლს. ასი მანეთი ქე ვისესხე ამას წინეთ; მგონია, კიდეც შემე-
ქნება სასესხი, თუ სიმინდის ფასმა არ აიწია.

— ახლა კი გვარიანი ფასი აქვს, ბიძი.

— მაინც, მაინც, თუ ღმერთი გწამს? — მოუთმენლად დაე-
კითხა ბასილი. — რე გორ შეიტყვე, როგორი მაზანდაა ფოთში და
სენაკში.

— ფოთში სამ აბაზ-ნახევარი უნდა იყოს და სენაკში ასე თერთ-
მეტი შაური, ათი შაური.

— ეპ, აქ სოფლად მაშ, ათ შაურსაც არ მისცემენ ჯერ, — მოწყე-
ნით თავი დააქნია ბასილმა.

— ჰო! — წამოიძახა ბართლომემ. — იმ სიმინდმა გამახსენა,
ზოგიერთი კაცის ბედი როგორ მიფრინავს? სასწაულია, სწორედ
სასწაული! მაშინაში შევხვდით ერთმანეთს, ისიც ქუთაისიდან
მოდიოდა.

— ვინ?

— ჰმ, — ჩაიციხა ბართლომემ, — სამაგალითოა, ვინ, ბიძი, და სიკოია თოხიტარიას შვილი, ფარნა, ბაჟაყი რომ იყო. ახლახან ფეხშიშველი რომ თხებს მიყვებოდა. ისეა გამოწყობილი, თავადი-შვილი რა სახსენებელია მასთან, ვინმე პრინცის შვილი გეგონება, ან ასე ჩქარა ასე რამ გაზარდა, ერთი მტკაველით კი არის ჩემზე უფრო მაღალი. იმ ვირიშვილს, ჟიჟილს მიუგავს სახე და მერე, ჯერ სულ ბაღანაა, ტომბაშვილს ახლავე უფროს პრიკაშჩიკად დაუყენებია და სიმინდის ყიდვაც მიუნდვია. შეიძლება შინისაკენაც წავიდე სიმინდის საყიდლადაო, — მითხრა.

— ვაჟო, მეტი ხანი არ არის ჯერ, ის რაც ფოთში წაიყვანეს! შენ მეორეზე არ ამბობდე? — გაიოცა ბასილმა.

— არა, კაცო, შენ ივანეზე ამბობ? იმას არ ვიცნობ? ის საყას-ბოშია. ისიც კაი ბიჭია, ჰო, ერთი ორჯერ ისეთი სუკის მწვადები მაჭამა. იმას სიმინდის ყიდვის თავი არა აქვს... ის არა, ის, პატარა, მეც ის არ მაკვირვებს. სხვები თხუთმეტ-ათს წელიწადს მაინც ცოდვილობენ და იმან კი მისვლა და...

— რომ ვთქვათ, ზუგდიდში კი გაათავა კლასი, — დინჯად გააწყვეტინა ბასილმა. — სწავლას ახლა დიდი მნიშვნელობა აქვს.

— რა სწავლა! მაგის სწავლა კიდეც, — კბილების ღრეჭით მიუგო ბართლომემ. — მაგის სწავლას, ჩიტი გაფრინდაო და მელა-კულამ მგელი მოიტაცაო, ვაჭრობასთან რა კავშირი აქვს.

— არა, რატომ, — თავი გამოიღო ბასილმა. — სწავლას ყოველ საქმესთან აქვს კავშირი... მაინც ის დაქვეული ტომბაშვილები; წავიდნენ და წავიდნენ წინ... ვო, უბედური როსთომი, — გაიხსენა ბასილმა.

— ა, — ამოიოხრა ბართლომემ. — ისინი არიან და არიან. მაგათ ახლა ჩვენი კაცი არა მგონია შეეღაროს. იმ კონსტანტინეს კარგად ვიცნობ. ღვედია, რალა, ღვედი, გამოჩარხულია. პატარაობაშიაც ვიცნობდი, ბიჭად რომ იყო დუქანში. ერთი კაპეიკისათვის თვალებს დაითხრინდა. ძუნწი იყო, ძუნწი. ნანა, ნანა, ისეთი რომი..

— ახლა კი გზაზე გამოიყვანა თავისი საქმე, ძმაო, — ცოტა არ იყოს შურიანად თქვა ბასილმა და ამოღეულ ყალიონს ერთიც ულაზათოდ ჩაუფუშენიტა და რიკულის თავზე დააბერტყა. — იმასაც ნახავ, თუ თოხიტარიაც კაცად არ გამოიყვანოს. გამდიდრდება ი კაცი; მოვა და გამოკიმავეს კაი ოდას, მე შენ გეტყვი, მოურავი წაართმევს თუ! ჩაიცვამს შენზე უკეთესს. შეჯდება ბედაურზე.

დაიწყებს იმერული და კახური ღვინის სმას, გააღებს ღუქნებს და შენ შეპყურე და საბუთები და მოწმობები აგროვე. მერაბის სული თუ მწამს, ხანდიხან გული ათასნაირად შემეცვლება. კაცო, ამოდენა ფული დაეხარჯეთ აზნაურობაზე, ვიყიდეთ, რაღა, ქრისტეს მადლმა! ათას მანეთად ლევან დადიანი ხუთ სოფელს მოგცემდა ქალიან-კაციანად, ტყიანად, ქვიანად და წყლიანად. რას ამბობ, რაღა დადიანი გინდა, ერთი ხარი რომ მოგეყვანა სახუცესისათვის და ადგილი გეთხოვა, კი არ დაგიზომავდა; სად იყო მიწის ზომვა, ვინ გაიგონა. ზომვა რომ დაგეწყო, სიცილს დაგიწყებდნენ, ისე ხელით მიგიითებდა: ამ გორიდან იმ გორამდეო და შიგ ორასი ქვევა ქე იქნებოდა... აბა, წარმოიდგინე. ჩვენ რა ფულები რას დაეხარჯეთ. იმას, რაც ჩვენი იყო, რაც ერთადერთი დაგვრჩა მამა-პაპისაგან, ღმერთო, მომკალი, ღმერთო, მომკალი! კიდეც ვერ წარმოგვიდგენია, რას ნიშნავს ესა. აბა მითხარი, რა მოვიგეთ!

— მოგება კი არა, ბიძი, — მწარე ღიმილით მიუგო ბართლომემ, — შენ კიდეც, ბიძი, ღვთის და შენი ქკუის წყალობა, კიდეც შეგრჩა ქონი, მამული მაინც გაქვს და ჩვენ კი, შენი მტერი, სიცოცხლიდან წმინდად გამოვედით. მე თუ გინდა, რა დასამალავია, არც სულს ვარგივარ და არც ხორცს, ასე გამიჯანჯალებია ჩემი ცხოვრება, ქე მაინც, საბედნიეროდ, მე მარტო ვარ. მაგრამ ჩემი ძმები? არ ვიცი, ვერ მომიუიქრებია, იმათ რაღა ეშველებათ. არც მუშაობა შეუძლიათ. არც არაფერი აბადრათ, ცოლ-შვილი კიდეც ჰყავთ. თუ რამე ხელწამოსავლები გვებადა, ნიკოია თოხიტარიას აქვს ხელში... და შენ უყურე.

— მე აბა რას გეუბნები! — დინჯად და მოწყენით მიუგო ბასილმა. ეტყობოდა მოხუცს გულის სიღრმემდი შეჰხებოდა ეს მწვავე საკითხი. — მეც იმას ვამბობ, მე ვითომ რა მამული მაქვს, ახლა თუ რამე გამიქირდა, სხვა გზა არა მაქვს, მეც მამულს უნდა დაეავლო ხელი და რა ბევრი გგონია... არა, შვილო, ჩვენ თუ რამე-ნაირად ხელი არ გამოვიღეთ და რამე ახალი საშუალება არ მოგძებნეთ, ჩვენი საქმე წაგებულა, — აქ ბასილი წამოდგა, თვალები ალივით აენტო და აკანკალებული ხელები წინ გაიშვირა. — გაბატონდა გლეხი, ჩემო ძმაო, გაბატონდა. წავიდა და წავიდა წინ, მომავალი მისია.

— არც იმდენად უნდა გაიტეხო, ბიძი, გული, ჰაიტი! — თამამად უთხრა ბართლომემ და ისიც ზეზე წამოდგა. — ნუ გეშინია! რაც გინდა იყოს, ყაზახზე უკეთესი მაინც ვიქნებით. ყაზახი, რაც

გინდა გამდიდრდეს, მაინც ყაზახია. — თითქმის გაბრაზებით და კბილების კრაკუნით დაუმატა ბართლომემ. •

ბასილიც არ იყო ნაკლებ გაბრაზებული და ორივენი ერთ ხანს ერთმანეთს შეჰყურებდნენ. ეს გაბრაზება და გულის მოსვლა ცხადად ამტკიცებდა, რომ ბართლომეს ბოლო სიტყვები ყალბი იყო და მხოლოდ გულის მოსაფხანად იყო წარმოთქმული.

XXXIII

ღ ა ხ ღ ი ღ ა რ ი

წისქვილის ქვემოთ, რამდენიმე ასი საყენის მანძილზე, ჭანის წყალს ლამაზი კუნძული გაეკეთებინა. კუნძულს სიგრძე ასი საყენი ექნებოდა და სიგანე ორმოცი. ზედ მშვენიერი მაღალი ბალახი ხარობდა და ძუკუმაც, როგორც ურჩიეს, ჯერ კარგახანს ცხენი წყალში ჩააყენა და მერე უკანა ფეხებზე გრძელი ბაწარი მოაბა და ამ კუნძულზე საბალახოდ გაუშვა. თვითონ კი მდინარის პირად ციცაბოზე სუფთა ადგილი აირჩია, ჩოხა ძირს დააგო და გაგორდა. ჯერ პირაღმა იწვა და კარგა ხანი ლურჯ ცას ათვალიერებდა. მზე გადახრილი იყო, ნახევარი საათიცა და ციხის ნანგრევის ბორცვს მიეფარებოდა; ამიტომ ცის კამარის დათვალიერებას მზის სხივები არ უშლიდა. ძუკუ დაამტერდა ცის კამარას, მაგრამ თვალეხს სულ ერთფერობა ეხატებოდა: მხოლოდ ლურჯი ფერი და ლურჯი ფერი. ერთი ბეწო ღრუბელი არსად მოჩანდა. ძუკუ მარცხენა გვერდზე გადაბრუნდა: თვალწინ ჯერ მაღალი ბალახი გადაეშალა, მერე ჭანისწყლის ტოტი, რომელშიაც წყალზე ხუთჯერ მეტი სიბი ქვა ეყარა და მის გაღმა დატაროებული მაღალი სიმიინდი ჭალის სიგრძე-სიგანეზე გაშლილიყო. მარჯვნივ ბასილის ეზოს მაღალ-მაღალი არყის ხეები და ოდის სახურავი მოჩანდა და მარცხნივ ხშირი სიმიინდებიდან ოდნავ გამოსჰკრეტდა წისქვილის ისლის სახურავის წვერი. ეს სანახაობაც არ მოეწონა ძუკუს და მარჯვენა მხარეზე გადაბრუნდა. მის თვალწინ ჭანისწყალი ნელა მიიზღაზნებოდა. ამ ადგილას წყალი შეგუბებულიყო, ღრმა კალაპოტი ჰქონდა და ამიტომ ნელა მიდიოდა, ქვემოთ, რამდენიმე საყენზე კი, ფონი იყო და იქით დაღმართი, რომელზედაც წყალი ჩქარ-ჩქარა მიჩუხჩუხებდა. მეორე ფონი ზემოთ იყო, ასი საყენის სიშორეზე, იქ სათემო გზა გადიოდა და ეს გზა წისქვილს გვერდით უვლიდა.

ძუკუ წყალს დააჩერდა. სარკესავით სწორი ზედაპირი ნელ-ნელა ირწეოდა. ალაგ-ალაგ მრგვალად ტრიალებდა, ტრიალ-ტრიალით ქვევით ჩაექანებოდა და იკარგებოდა. პატარა თევზები ცელქად დაცურავდნენ წყალში და ხანდახან ფრთხილად თავსაც ამო-ცოფდნენ წყლიდან და ისევ საჩქაროდ ჩაყურყუმელავდებოდნენ. ერთმა კარგა მოზრდილმა წვერედამაც გაისეირნა ერთი ადლის სიღრმეში, რაც ძუკუს, როგორც თევზის ქერაში გამოცდილს, არ გამოეპარა. „ახ, ერთი სასროლი წამომელო. — გაიფიქრა მან. — ამ უღვაშას დავაკრავდი ამაღამ გახურებულ კეცზე“. და ერთი წყალში ჩააფურთხა, წყალი მრგვალად გაიპო და ეს რგოლი თანდა-თან გაფართოვდა და ტალღებს შეუერთდა. ძუკუმ მეორეჯერაც გადააფურთხა, მესამეჯერაც, მეოთხეჯერაც... ყოველ ჩაფურთხებას-თან წყალზე აღმოჩენილი რგოლები ძუკუს ძლიერ ართობდა. ცალი ხელით პატარა კენჭი აიღო და მდინარეში გადაისროლა. „ტყუპ!“ მოაღინა კენჭმა და წყალზე ლამაზი რკალი გააკეთა. რკალი თანდა-თან გადიდდა და ვეებერთელა რგოლად ტალღებს შეუერთდა.

— ოჰ, ამ სიფართე ურმის ბორბალი, — წაიბუტბუტა ძუკუმ. — მერე ამისთანა ბორბალს რამ სიდიდე ზე დასკირდება. ხუთსაუენიანი თელა სულ მთლად მოუნდება, რამ სიმალღე უნდა იყოს კამეჩები, რომ ასეთ ურემს შეაბა. — ძუკუმ ცალი ხელით მუჯის სიმსხო ქვა მოსძებნა და შუა მდინარისაკენ გადაისროლა. ახლა რკალმა თითქმის მთელი მდინარე დაფარა. — ჰა, წიე! დაიძახა ძუკუმ. — ამას ხომ...

— არ ამოწყვიტო თევზები, ახლა ქვით დაიწყე ნადირობა? — მოესმა უკანიდან. საჩქაროდ მიიხედა. მის წინ თემა ბოჭოკია იდგა.

— ამდენ ხანს სადა ხარ, შეე კაცო, არც კი მოგელოდი.

თემა მდელივით ჩამოჯდა.

— არ მომელოდი... თაფლა ლელვის საკრეფად ხომ არ ვიყავი წასული, — ცოტა არ იყოს ტლანქად მიუგო თემამ.

— ჰო, ახლა შენც ნუ გაჭიმავ, რა ამბავია?

— ცოტა-ცოტად, ისე, რალა, მიღის საქმე.

— ხომ გადაეცი!

— გადაცემით კი გადაეცი, მაგრამ მეტი ვერა მოვახერხე რა.

— ვერაფერი უთხარი?

— ცხვირსახოცის გადაცემა როგორ მოვასწარი უხიფათოდ, ეს არ გიკვირს? ახლა ივლისი როდია. ყანაში სამუშაო გათავებუ-ლია და ყაზახი ხშირად შინ არის. თუ სადმე გაიარა, ისევ ჩქარა-ბრუნდება. მამა თუგინდ სადმე წასულა, შეილი შინ არის. ერთ

ზედი, პეტრე შინ არ არის და ნიკოია და ათანასე შეშის მოსატანად წასულიყვნენ. ერთი ბეწო გადავრჩი, კინალამ მნახეს.

— ხომ არ გნახეს ნეტა? — შეშინებულად ჰკითხა ძუკუმ.

— რის კულდა ვარ, თუ ასე ადვილად კაცს თავი დაევანახვე, ისე ოსტატურად გამოვუძვერი, რომ ნამდვილ მელაკულდას შეშურდებოდა.

— ყოჩაღ, ჩემო თემა. ეს კი დაგიმადლე. სირცხვილია, ოხერი; რომ გამომყლავნდეს. უსიამოვნება მოყვება და სალაპარაკო ავტეხო, არ მინდა, თორემ არ მოგიკვდეს ძუკუ, გლეხის გოგოს არშიყობისათვის ის კყონონიდან ვერავინ გადაასახლოს. ცუდი დრო კი არი. მართლა, ეს აგვისტო, სულ შინ არიან, მაგრამ დამაცა, სიმინდის აღება რომ მოვა, მაშინ იქნება კარგი დრო.

— შენ შენითაც უნდა აკეთო საქმე, ძუკუ, თორემ მე რა, ჩემი მოციქულობით ბევრი ვერაფერი კეთდება. შენი პირით რომ ეტყვი, სულ სხვაა.

— კაცო, დრო ვერ ვიშოვნე მეც მოხერხებული. ერთი ორჯერ, როცა ვიშოვნე, ერთი ორი წუთი, და ერთი-ორ წუთში რა გაკეთდება! დიდი თვალთმაქცი ქალი უნდა იყოს. თვალებით ისე შემოგხედავს, თითქო ეს არის. შეკმა უნდა შენიო, და ხელს კი არ მოგაკიდინებს. მაგრამ მომითმინე, თუ ჩავიგდე ხელში...

— ხა, ხა, ხა, — გადაიხარხარა კულამ.

— ახლა შენ გასამრჯელო გინდა, არა? — დაეკითხა ძუკუ და კულდას მასხრულად შეხედა.

— თუ მიბოძებ რასმე, შენ წყალობას, კოვზის ზიარება იქნება, და კულდაც ხომ მუდამ შენი ერთგული მელაა.

ძუკუმ ახალუხის ჯიბეში ხელი ჩაიყო, ერთი მანეთიანი ქალაღლის ფული ამოიღო და იქვე მდელიოზე დააგდო.

თემამ მაშინვე ხელი სტაცა.

— რამ აგაჩქარა, მოცემა რომ არ მდომოდა, არც კი ამოვიღებდი, — ბრძანების კილოთი შეუბღვირა ძუკუმ.

— რა ქექე ჰკუთისა ხართ ეს აზნაურები, — მიუგო კულამ. — შე დალოცვილო, ქარმა დაუბეროს და წყალში ჩააგდოს, მერე, ირიკავე კულა.

— კარგი, კარგი, ახლა ეს იქმარე, — მიუგო ძუკუმ, — ამ დღეებში ახალი ჩოხა უნდა შევიკერო და ძველს შენ გაჩუქებ.

— შენი წყალობა ღმერთმა ნუ მომაკლოს, ბატონო, გაიანეს წითელი ლოყები ლამაზად გადაგეკოცნოს და სხვა ათასი.

— ეს კი მესმის, ამაზე უარს არ ვიტყვი.

— ეს ვინ უნდა იყოს, ბატონო, — გააწყვეტინა კუდამ და ზემო ფონისკენ თითი გაიშვირა.

ძუკუმ მიიხედა.

ფონში ვილაც ცხენოსანი გადიოდა. სიშორისა გამო სახე გარკვევით არა ჩანდა, მაგრამ ჩაცმულობა და გარეგანი სიკოხტავე უმტკიცებდა, რომ უბრალო ვინმე არ უნდა ყოფილიყო.

— ვინ უნდა იყოს! — საორკოფოდ გაიმეორა ძუკუმაც. — არჩილ დადიანს ჰგავს ცოტად, მაგრამ ის მარტო თავის დღეში არ დადის და წვერიც უფრო მეტი აქვს... შეიძლება ვილაცაა, ჩვენს სახლში ძიდის სტუმრად.

— მეც ასე მგონია. — მიუგო კუდამ.

— აბა, თემა, თუ გაიქცევი ყანა-ყანა, შარაგზაზე თუ გამოხვალ და თუ შეიტყობ, აბა, ვინ არის ის ცხენოსანი. ბიჭი იქნები.

— ახლავე, ბატონო, — მიუგო თემამ და გავარდა.

ამასობაში მგზავრი ფონს გავიდა და სიმინდებში მიიმალა. ძუკუმ ჩოხა ჩაიცვა და ცხენს გახედა. ცხენი მადიანად ბალახობდა კუნძულის ბოლოს, წყლის პირად. ძუკუ ცხენისკენ გაეშურა, ბაწარს ხელი მოავლო, წამოიყვანა და წყლის პირად ძეწნის ტოტზე მიაბა.

რამდენიმე ხნის შემდეგ კუდაც გამოჩნდა. მას წყლის ტოტი გამოეგლო და ფეხებს ზარმაცად მოათრევდა.

— ვინ ყოფილა, თემა? — მოუთმენლად დაეკითხა ძუკუ.

— არავინ, — ზანტად მიუგო კუდამ.

— როგორ არავინ, ხომ არ მოგვლანდებია.

— მოლანდებით არ მოგვლანდებია, მაგრამ ფარსაგი ვინმე თუ იყო, არ შეგონა.

— ვინ იყო?

— ჰმ, ფარნა თოხიტარია, ნიკოიას შვილი. — ამასობაში თემა ძუკუს მიუახლოვდა. სახეზე უკმაყოფილობა და შურიანობა ეხატებოდა.

— რას მეუბნები, თემა, — გაიკვირვა ძუკუმ. — ფარნა თოხიტარია და ასე გამოწყობილი, ან ასე რამ გააზორბა ვირიშვილი, — ცოტა არ იყოს, შურიანად დაუმატა ძუკუმაც. — შეხედე, ყურუმსალი, ბატონიშვილს არ დავამგვანე!

— მეც და სხვებიც ქე გაგვაკვირვა, მაგრამ რას იზამ. ამ ზოვიერთებს ბედი ციდან რომ მზად ჩამოუვარდებათ ხოლმე, ერთხელ

წინ რომ წაწევს, მერე წავა და წავა. ათი წლის წინათ ნიკოია თოხიტარია ჩემისთანა იყო.

— იმას არ გეკითხები, ნიკოიაზე არ გეუბნები, — გააწყვეტინა ძუკუმ. — ფარნაზე მითხარი.

— რა გითხრა, გითხარი და ეს არის. გამოკვირებულია ყაზახი. იმას რომ ჩოხა აცვია, მაგისტანა ფართალი, მართალი გითხრა, ჯერ თვალთაც არ მინახავს. ქუდი ახურავს, მარა როგორი! სარტყელი არტყავს როგორი! ისეთი ჩექმები აცვია, რომ სარკესავით სახეს დაგანახებებს. კისერზე საათის ძეწკვი, რასაკვირველია. წისკვილის პირას მაძინია შეხვდა და ხომ იცი მისი ამბავი, გაუხუმრა. იმან კი თავმომწონედ თავი გადაწია და ამაყად ცხენს მათარახი გაუტყლაშუნა.

— შენ არაფერი გითხრა?

— პააა, თემას გაუმარჯოს, როგორა ხარ, თემაო.

— სხვა რალა გინდა!

— ვაი ბაბუამისს, როგორა ხარო, მკითხა და სახეზე შევატყვე, გულში სულ სხვას ფიქრობდა. ფო, საწყალი, სულ გახუნებულა ეს ცოდვის შვილიო.

ძუკუმ არა მიუგო რა. ჩუმად ცხენთან მივიდა, გავაზე ხელი გადაუს-გადმოუსვა, თოკი ხელში მოიგროვა და ზედ შეჯდა.

ისინი ერთმანეთს განშორდნენ.

* * *

ფარნა თოხიტარიამ საუცხოო ნიჭი და ერთგულება გამოიჩინა ტომბაშვილთან. კონსტანტინე სიხარულით ფეხზე აღარ იდგა, რომ საიმედო კაცი ყავდა მალაზიაში და მომავალში მას ბევრ იმედს სდებდა.

გავიდა ორი წელიწადი და ერთი ღირსშესანიშნავი საქმე მოხდა ტომბაშვილის მალაზიაში. უფროსმა ნოქარმა, რომელიც, სიტყვაზე, შორეული ნათესავიც იყო ტომბაშვილისა, ასი თუმანი ფული იხარალა და ერთ მშვენიერ დღეს თავიც გაანება. ნოქარი სხვა ვაჭრის ნოქარს დაუამხანავდა და ორივემ, იქვე, კონსტანტინეს გვერდით, კაი ლამაზი დუქანი გამოკიმეს, იმგვარივე საქონლით, როგორითაც კონსტანტინე ვაჭრობდა. ახლა კი ნოქრის მოქმედება ცხადი იყო, მაგრამ ვინ რას უზამდა! კონსტანტინე ნოქარს სრულიად ენდობოდა და ამიტომ შემოსავალ-გასავალს წელიწადში მხოლოდ ერთხელ ანგარიშობდა. ხშირად კი არა სინჯავდა. სწორედ ამ ნდობით ისარგებლა ნოქარმა და ასი თუმანი ნაღდი ააქრა და

მერე ისე ხერხიანად, რომ ვერავითარი მართლმსაჯულება თითსაც ვერ მიაკარებდა. ერთი გზა იყო: კონსტანტინე ბედს უნდა დამორჩილებოდა და დამორჩილდა კიდეც. ახლა კონსტანტინეს ძალაუფლებურად ფარნასათვის უნდა ჩაებარებინა დახლი, რადგან მაგაზე დაახლოებული არავინა ჰყავდა და ფარნამაც დაუმტკიცა, რომ არჩევანში არ შემცდარა.

პირველ თვეს მეტოქე მელქენეებს ჩინებული ვაქრობა ჰქონდათ, რადგან მუშტრები დიდი ხნობით იცნობდნენ და შეჩვეულნიც იყვნენ, ამიტომ კონსტანტინეს მუშტრების უმეტესობა იმათთან გადავიდა. მაგრამ მეორე და მესამე, და განსაკუთრებით მეოთხე თვეს, საქმე სხვანაირად შეიცვალა. ფარნამ ისე სუფთად მოაწყო მალაზია, ისე ლამაზად და მომხიბლავად გამოფინა საქონელი, ისე რიგზე ჩააყენა ბიჭები აქა-იქ საქონელ შუა და, რაც უმთავრესია, ისე ტკბილი და სანდომიანი სიტყვებით მიმართავდა მყიდველებს, რომ კონსტანტინეს მალაზიისადმი ნდობა და პატივი თანდათან აღადგინა. გარდა ამისა, კონსტანტინეს ურჩია ზოგი საქონლისათვის ფასი დაეკლო, თუნდ საზარალოც ყოფილიყო, რამდენიმე ხნობით. კონსტანტინე დათანხმდა და ამ ხერხმაც სასურველი შედეგი არ დააყოვნა. ექვსი თვის შემდეგ კაპიტალმა თავისი გაიტანა. ახალმა მტერ-მეზობლებმა მეტოქეობა ვერ გაუწიეს და იძულებული გახდნენ დარჩენილი საქონელი მიეყიდ-მოეყიდათ და ბედის საძებრად ბათუმში გადასულიყვნენ.

ამ გარემოებამ ფარნა კონსტანტინეს თვალში უფრო აღამაღლა და მან ცხრამეტი წლის ფარნას ოცდახუთი თუმანი ჯამაგირი დაუნიშნა წელიწადში და ხელწერილით პირველი ნოქრობა ჩააბარა.

კონსტანტინემ ჩვენ ნაცნობ თეიმურაზთან სიმინდის ვაჭრობასაც მიჰყო ხელი, მაგრამ მათ შორის, საუბედუროდ. ჩქარა უთანხმოება ჩამოვარდა. კონსტანტინე თეიმურაზს აბრალებდა, ოცი თუმანი ფული ყალბად მიანგარიშა, ერთი სიტყვით, მომტაცაო, და თეიმურაზი კონსტანტინეს აბრალებდა: პირობა გვეკონდა. რასაკვირველია, სიტყვიერი, მოგება შუაში უნდა გაგვეყო და იმან კი, როცა სახეიროდ საქმე დაინახა, მესამედის მეტი არ მომცაო. ასე იყო თუ ისე, მათი ამხანაგობა ჩაიშალა. ეს კიდეც ბევრი არაფერი, მაგრამ მაგარი ის იყო, რომ კონსტანტინე გაურიგდა ერთ ბერძენ ვაჭარს, ორმოცი ათასი ფუთი სიმინდი უნდა ჩაებარებინა ნახევარი წლის განმავლობაში. ფასს ბერძენი რიგიანს იძლეოდა, მხოლოდ თუ ვადაზე გადააცილებდა, ბერძნის სასარგებლოდ ასი თუმანი ჯარიმა უნდა გადაეხადა. პირობა კონსტანტინეს სახელზე იყო და-

წერილი და მისგანვე ხელმოწერილი. თხუთმეტი ათასი ფუთი იყიდა თეიმურაზმა, და კიდევაც ერთმანეთს აეშალნენ. კიდევ სამი თვე გავიდა. ვადა ახლოვდებოდა და სიმიინდი სანახევროდ არ ჰქონდით ჩაბარებული. საიმედო კაცსაც აღარსაიდან ხედავდა, რომ საშველად მოეწვია. აქაც სამსახურის გაწევას ახალგაზრდა ფარნა შეპირდა.

— რას ამბობ! — გაიკვირვა კონსტანტინემ. — შენთვის ეს სულ ახალი საქმეა და ამაში რას შესძლებ?

— ყელი გამოძეკერი, თუ საქმე რიგიანად და სასარგებლოდ არ დაეაბოლაყო, — მიუგო ფარნამ. — მხოლოდ ერთი პირობით.

— რა პირობაა?

— სხვები რომ ყიდულობენ, იმ ფასს ნახევარი კაპეიკი უნდა მოვუმატოთ ფუთზე.

— დიდი სიამოვნებით, — მიუგო კონსტანტინემ. — მაინც თითქმის ოთხ კაპეიკ წმინდა მოგებას ვხედავ ფუთზე.

— ეს კიდევ უკეთესი.

— ბიჭო, გავბედო და მოგანდო? — ორჭოფობდა კონსტანტინე.

— როგორც შენი ნება იყოს. ერთი ოც დღეს მაინც გამოსცადე.

კონსტანტინე თუმცა იჭვნეულობდა, მაგრამ სხვა გზაც არა ჰქონდა, ფარნა გამოაწყო, საჭირო ფული და ტომრები მისცა და ვაგზავენა სოფლებისაკენ.

ფარნა ორი კვირის შემდეგ დაბრუნდა და ხუთი ათასი ფუთი სიმიინდი ჩამოიტანა.

კონსტანტინე ახალგაზრდა ნოქარს გაშტერებული შეჰყურებდა.

— ბევრს არ გეტყვი, ჩემო ძმაო, — უთხრა კონსტანტინემ, — თუ ამ საქმეს ბოლომდე რიგიანად მიიყვან, მოგების მესამედი ღმერთმა კეთილად მოგახმაროს და ამ ხნის განმავლობაში შენი ჯამაგირიც თავის ძალაში რჩება. აქ კი შენს მაგივრობას მე გავწევ. ვაი, თუ შენც იოსებივით (პირველი ნოქარი) მიღალატო, — ნაღვლიანად დაამატა კონსტანტინემ.

— მაშინ მოგიკვდეს ჩემი თავი, მხოლოდ ივანე, ჩემი ძმა, უნდა გამატანო, რადგან დრო ცოტა დარჩა და მე მართო ვერ აუვალ მისვლა-მოსვლას.

კონსტანტინე სიხარულით დასთანხმდა და ყასაბიც, კონსტანტინეს ძმა, წინააღმდეგი არ გაუხდა. საერთო საინტერესო საქმე იყო, და სამი დღის შემდეგ ფარნა ნაქირავეები ცხენით ჰყონონისაკენ გაემგზავრა.

* * *

შვილების მოსვლა ნიკოია თოხტიტარიასათვის დიახ რომ დღესასწაული იყო. ასეთი სიხარული, რაც მან ივანესა და ფარნას დანახვანზე იგრძნო, თავის სიცოცხლეში არ გამოუცდია. გარეგანი შეხედულებით ორივენი კაი სანახავები იყვნენ. ორივე მაღალ-მაღალი, მხარბეკა, ლამაზი სახისა. მიუმატეთ ამას მათი მშვენიერი ჩაცმულობა და ქალაქში ცხოვრებისა გამო იქაური შეთვისებული ზრდილობიანი სიტყვა-პასუხი და მიხრა-მოხრა.

კვირა დღეს ნიკოია შვილებითურთ წირვაზე წავიდა. ექვი არა გვაქვს, ნიკოია ღვთის მორწმუნე კაცი იყო. წირვა-ლოცვაზე სიარული უყვარდა, მაგრამ დღეს ლოცვა-ვედრება იმდენად არ აინტერესებდა, რამდენად თავისი სასიქადულო შვილების გამოფენა საზოგადოებაში. თვითონაც კარგად გამოეწყო. შვილებისაგან მიტანილი ახალი, მაღალყელიანი ჩექმები ჩაიცვა. გაიანემაც ძმებისაგან მოტანილი შლიაპა დაიხურა და ყველანი ეკლესიისაკენ გაემგზავრნენ.

ეკლესიაში ხალხი ბლომად მოგროვილიყო. წირვის ჟამნი დაეწყოთ. ზოგნი სიტხისა გამო ეკლესიის დერეფანში იდგა და წირვას ისმენდა. ხალხმა ნიკოიას და მის შვილებს შორიდანვე ყურადღება მიაქცია, შეიქნა ერთი ჩუმი ჩოჩქოლი და მათკენ ცქერა დაიწყეს. მიქელა დიაკონიც ჩაიყოლია საზოგადო ხმაურმა და მოძრაობამ. ის კარებთან იდგა, წინ პატარა კათედრა ედგა და ჟამნს კითხულობდა. სხვებთან ერთად იმანაც მიიხედა ქიშკრისაკენ, საიდანაც ეკლესიის ეზოში მწკრივად შემოდრიოდნენ ნიკოია და მისი შვილები: პეტრე, ივანე, ათანასე, ფარნა და გაიანე.

დიაკონმა თვალები დააშტერა ახალ შემოსულებს და თან ამბობდა ალილუია, ალილუია, ალილუიაო, და სამჯერ თქმის მაგივრად ბარე ექვსჯერ გაიმეორა. შეიძლება სულ ალილუია ეთქვა, მამა ევთიმეს საკურთხეველიდან ხმა რომ არ გაეცა. მიქელა გამოერკვა და საჩქაროდ მიაყოლა: დიდება შენდა, ღმერთო, უფალო შეგვიწყალებ, უფალო შეგვიწყალებო. ქიშკარს თვალი მოაჩინა და ისევ ჟამნში ჩაიხედა.

ნიკოია და მისი შვილები ეკლესიაში შევიდნენ და პირჯვარი დაიწერეს, ე. ი. მარჯვენა ხელის თითები გულ-მკერდზე აათამაშეს, თითქო ჩონგურის სიმებს უკრავდნენ.

ფარნამ მოიხმო მნათე და ერთი აბაზი გადასცა. ივანემაც აბაზი გაუწოდა, ნიკოიამ ორი შაური და პეტრემ ერთი შაური. ამ ფულებით საკმაო ბევრი. სანთელი აანთეს. ნიკოია თავმომწონედ შე-

სცქეროდა სანთლების ალს და ჩუმად ღმერთს მადლობას სწირავდა. ზოგი მლოცველთაგანი მათ დაკვირვებით ათვალიერებდა. ზოგი შურიანი თვალთ უყურებდა, ზოგს უხაროდა და ზოგიც ქვეშ-ქვეშ იცინოდა.

ნაწირვეს ხალხი ჩვეულებრივ გაეშურა ცაცხვისაკენ, რომლის ფართო ჩრდილში წირვის შემდეგ საზოგადოება ტკბილ მუსიკაში რამდენიმე წუთს ატარებდა.

ცაცხვის ხესთან მიღგმული იყო ერთი ფიცარი, რომელიც საპატიო პირების საჯდომად იყო დანიშნული. ეს საპატიო პირები იყვნენ ჯერ თვით მღვდელი და მერე აზნაურიშვილები და მათ შორის განსაკუთრებით ბასილ მძებრაძე.

გამოჩენილ აზნაურთაგან დღეს ბასილის გარდა არავინ იყო და ამიტომ ამ ფიცარზე მარტო ბასილი იჯდა. ირაკლი მძებრაძეც კი იყო, მაგრამ ისეთი დაფლეთილი ჩოხა-ახალუხი ეცვა, რომ საპატიო ალაგას ჯდომა კი არა, სულ უკან-უკან იმალებოდა და ცდილობდა არავის შეემჩნია.

ქალები ცალკე იკრიბებოდნენ მეორე პატარა ცაცხვის ძირას. აქ კი ფიცრის მაგივრად, ძველი ნანგრევებისაგან თლილი ქვა იყო დაწყობილი და საპატიო ქალები ამაზე ჯდებოდნენ. აქაც, რა თქმა უნდა, მარიკა პირველობდა და დღესაც ნაწირვეს თამამად ჩამოჯდა უფრო მსხვილ ქვაზე, ტასიაც თან ჰყავდა.

ივანესა და ფარნას მეზობლები და ნათესაეები სიხარულით მიემშვიდობნენ და ალერსიანად გადააკონეს.

— რავა დავაჟაკებულხარ, ბიჭო, — მოეალერსა ბასილი ფარნას, როცა ცაცხვთან გავიდნენ. — აბა, მოდი, დაბრძანდი, — შესთავაზა ფიცარი.

— გმადლობთ, — ზრდილობიანად მიუგო ფარნამ, გაიცინა. და სკამის ახლო მდებარე ფეხმოკეციტ წამოჯდა. — ფიცარზე მარტო ბასილი იჯდა, თავისი განუყრელი ჩიბუხით პირში და ხალხს პირდაპირ შეჰყურებდა.

— არა, არა, მერაბის სულს ვფიცავ, არ მიკვირს, რავა დავაჟაკებულა ეს ბიჭი, — გააგრძელა ბასილმა. — აბა, ჩემო ბაბაია, ნიკოია, კაი შვილები მოგესწრო, სწორედ კაი ბიჭები გამოვიდნენ.

— მე კი არა, ღმერთსა ჰყავს, ბატონო, — თავმდაბლად მიუგო ნიკოიამ და კმაყოფილი თვალებით შვილებს გადახედა. ნიკოია ცდილობდა რაც შეიძლებოდა, მორიდებულად ელაპარაკნა, მაგრამ ამ მორიდებულ ლაპარაკში ნათლად გამოსჭვიოდა მისი გულის.

სიმსუბუქეც. „მყავს, მაშა, მე გახლავარ ნიკოია“. — ამბობდნენ შისი თვალები.

— ერთი რამე გვიამბეთ ახალმოსულმა ვაჟრებმა, ჰო, რა ამბავია ჯეყყანაზე, რას ამბობენ ჩხუბზე, ვაჟრობა როგორია, სხვა რალათ გვინდა თქვენი თავი! — ხმამალლა და ცოტა ტლანქად დაიძახა ჭგუფად დამსხდარი ხალხის შუაგულიდან ჩვენმა ნაცნობმა ნამამასახლისარმა გიორგიმ.

— მაგათი თავი როგორ არ გვინდა, შე კაცო, ნეტავ მაგათთანა ერთი ოცდაათი გაურია ჩვენს სოფელს, — მიუგო მეორე გლეხმა.

— ეს მეც ვიცი, შე კაცო, ვიხუმრე თორემ, — გაასწორა გიორგიმ.

— ჩხუბზე რა მოგახსენო, — ნელი ღიმილით წარმოთქვა ფარნამ. — რადგან დაწვრილებით ჩხუბის ამბები არ ვიცი და გაზეთებიდან ჩანს, რომ თვალსაჩინო ჩხუბი ახლა არსად არ უნდა იყოს. ჩვენი ხელმწიფე კი არავისთან არ ჩხუბობს.

— არა, ის გოჭი, მე რომ მოგეცი, სულ სხვაა. ის ჭრელი ღორის გოჭი არ არის. ჭრელი ღორის გოჭსაც გიშოვნი, ამ ერთ თვეში მოიგებს, მგონია, — წვრილი ხმით ეუბნებოდა ერთი შეეწვერა, ოღნავ ჭადარაშერეული გლეხი მეორეს, ქერა წვერიანს, რომელიც პატარა და წვრილტარაიან ყალიონზე ახლად ცეცხლმოკიდებულ აბედს ადებდა.

— სუთ, სუთ, თქვე კაცებო, — ჩასჩურჩულა მას მესამემ. — რა ღორზე და გოჭზე მოგინდათ ახლა ლაპარაკი. ყური დაუგდეთ, აგერ ან ავს გაიგონებს კაცი, ან კარგს.

— ვაჟრობას რაც შეეხება, — განაგრძო ფარნამ. — ახლა ვაჟრობის საქმე სიმინდზეა დამყარებული, ფასიც კარგი აქვს.

— ჰო, მართლა, ერთი ნამდვილი გვითხარი, თუ კაცი ხარ! — მოსძახეს აქეთ-იქით.

— ფოთში სამი აბაზია, სწორედ, არც მეტი, არც ნაკლები... და აქ სოფელში ცხრა შაური და ორი კაპეიკის ზევით არ მიეცემა.

— არა, მართალი თქვი, — სიცილით ჩაილაპარაკა ბასილმა.

— პატიოსანი სიტყვა, დედის სულს...

— ფოთში სამი აბაზ-ნახევარიაო, ჩემი სიძე მოვიდა გუშინ-წინ! — ხმამალლა დაიძახა ერთმა გლეხმა.

— სამი აბაზი და ერთი შაური სენაკში არისო, სასამართლოში ამბობდნენ გუშინ! — დაიძახა მეორემ.

— როგორ თქვას კაცმა, თორემ მეც გავიგონე. — ცოტა მორცხვად წარმოთქვა მესამემ. — ანაკლიაში ოთხი აბაზი არისო.

— სად გაიგონე, ბასა, სად? — დაეკითხა ბასილი.

— როგორ ვთქვა, საარაკოდ რომ იტყვიან, ისე მომდის, — უფრო მორცხვად მიუგო ბასამ. — წისქვილში გავიგონე ამ დილას.

— ხა, ხა, ხა, — გაიციინეს ზოგიერთებმა.

— სიმინდის ფასზე, ჩემო ბატონებო, — აუჩქარებლად დაიწყო ფარნამ, როცა სხვადასხვა აზრი მოისმინა, — სხვას არ დავიქადი და სიმინდის ფასი და მაზანდა კარგად ვიცი, რადგან ამ დროებით ამ საქმეს ვადგივარ. სენაკის მაზრაშიაც ვიყავი, ამ ჩვენს არემარეში რაც ფასებია, ყველა ვიცი, მაგრამ თქვენ რომ ამბობთ, მაგდენი, დამერწმუნეთ, არაა.

ამ დროს მამა ევთიმე მოვიდა. გლეხები წამოდგნენ, ბასილიც წამოდგა.

— ნუ შეწუხდებით, ნუ შეწუხდებით, დილა მშვიდობისა, — საზოგადოდ მიესალმა შეყრილებს ევთიმე და ბასილს ხელი ჩამოართვა. ყველანი ისევ დასხდნენ. ევთიმეს წინ ფარნა იდგა.

— ჰაა! — დაიძახა მამა ევთიმემ და ზეზე წამოვარდა. ფარნა ხელის სამთხვევად დაეწაფა. ევთიმემ პირზე აკოცა. — ჩემო ფარნა, ჩემო ფარნა, — ალტაცებით ამბობდა მამა ევთიმე და თავიდან ფეხამდე ათვალიერებდა. — დიდება შენდა. ღმერთო. რავე დავაქაცუებულა, აა... ხომ გახსოვს, აღსარების მთქმელთა სიას რომ მიწერდი?

— ჰ, შენი ჭირიმე, ბატონო! — მომღიმარი თვალებით შემოხედა ევთიმეს ფარნამ. — ბატონი სევერიანე სად ბრძანდება?

— სევერიანემ, შვილო, არ მიკადრა, — ხუმრობით მიუგო მამა ევთიმემ, — სწავლა გაათავა და იქითკენ იშოვნა ადგილი.

— მღვდელია, ბატონო?

— არა, ჯერ მღვდელი არ არის, მასწავლებელია, მგონი სულ არ აპირობს მღვდლობას, რა ვუყო, არ ვიცი.

— ოხ, ერთი მაჩვენა, მეტი არაფერი მინდა, — გულწრფელად თქვა ფარნამ.

— აი, სავაქროდ არ მიდიხარ ქალაქისკენ, იქითკენ არის.

— უსათუოდ უნდა ვნახო, საგანგებოდაც რომ წავიდე. სხვა. როგორ მშვიდობით ბრძანდებით, ბატონო?

— გახლავართ ასე.

— ცოლით, შვილებით.

— სული გვიდგა, ღვთის იმედით. შენი ამბავი სევერიანეს მივწერე და თურმე ისე გახარებოდა. რომ... ერთობ, ერთობ...

— მადლობელი, ბატონო, მე რა, ჯერ რა ვარ, მაგრამ თუ ვიცოცხლე, სევერიანეს პატივისცემას ვინ გადაიხდის, მაგრამ მაინც-

— იცოცხლეთ, შვილებო, იცოცხლეთ და მოესწრებით ერთმანეთის პატივისცემას.

— ალექსანდრე და დიმიტრი დიდები იქნებიან, ბატონო!

— ალექსანდრე, შვილო, წრეულს გაათავებს სასულიერო სასწავლებელს და დიმიტრი მომავალ წელს. ალექსანდრე ცოტა ზანტი და ზარმაცი შემექნა და დიმიტრი კი, იცოცხლე, კაი ბიჭი ის იყოს. მუშაა, მუშა. ოჰ, ისეთი, შინ რომ მოვა, ერთი წამი უქმად მისი გაჩერება არ შეიძლება. ბოსტანი გინდა, ყანა გინდა, ცხენი, ჯორი, ერთი სიტყვით... მაგრამ რაღათ გინდა, შვილო, წინ გამძლოლი უნდა, წინ გამძლოლი. ორი კიდევ მყავს შინ, ღარიბმა კაცმა რა უნდა ქნას...

— ჰო, პაპა, შენ სულ მასე იცნავე და იწუწუნე, რამ გაგალარია! — რიხიანად გააწყვეტინა ბასილმა.

— თოლი, ესეც რომ ღარიბი ვარო, იბახის, სხვამ რაღა უნდა ქნას, — ნახევარი ხმით ჩაილაპარაკა ვილაცამ.

— შენი საქმე წინ არის, ბაბა, და ღმერთმაც ხელი მოგიმართოს, — გააგრძელა ბასილმა. — ვის რა გვეთქმის, რაც არ გემატება, არ გაკლდება, მაგრამ ჩვენ კი, რა ვიცი, ღმერთმა კერძოდ ჩვენთვის თუ რამე სასწაული არ მოაგლინა, ცუდადაა ჩვენი საქმე.

— რას ამბობ, ბატონო ბასილ, შენ, მე რაც გინდა ვიყო, მაინც მჯობიხარ.

— მეტი არ იხარა ჩემმა მტერმა. აბა მითხარი რით? ერთ დროს რაღაც ქე ყოფილა ჩემი ძველი, მაგრამ დღეს მე რა ვარ? რა მოხელე ნაჩალიკი ვარ? ერთ დროს მეც ვფართხალობდი და ახლა დაიჯერებ თუ არა, ჩემისთანა გაჭირვებული კაცი მეორე არ მოიძებნება. შენ, მამაო, შენი ღირსება გაქვს და გაქვს ბედნიერ დღეს ნაშოვნი, მე კი რომ არა მქონია ჩემი ღირსებაც, რომ არა ვყოფილვარ აზნაური. — ბასილი ლაპარაკის დროს ხმას თანდათან უმაღლებდა და ცხარდებოდა. — შენს დღევანდელ წირვა-ლოცვას ვფიცავ, ათასი მანეთი ნაღდი ფული დაგვიჯდა საბუთი თუ შეტანა, მეტრიკა, შენ უკეთ არ იცი? და ათასი სხვადასხვა დავიდარაბა.

— უჰ, — მწარედ ამოიოხრა ირაკლიმ, რომელიც გლეხებში იჭდა მოწყენილი და დარცხვენილი.

— ჯერ კიდევ რა ვიცი, — გააგრძელა ბასილმა. — გავგზავნეთ კი როგორც არის. მაგრამ, სანამ არ გადაწყდება, ძილის წინ სიზმარი ვის გაუგონია.

ქალები შინ წასასვლელად აშლილიყენენ და ჭიშკრისაკენ მიდიოდნენ. მათ დიდი ცაცხვის წინ უნდა გაევლოთ. წინ მარცხა მიდიოდა.

— ეს კაცები დღეს რას აპირობენ, არ ვიცი? სადილი აღარ გახსოვთ? — მხიარულად დაილაპარაკა მარიკამ. — ახლანდელი ბიჭები ხომ არ კადრულობენ ძველ მეგობრებს, — ხუმრობით მიესაყვედურა ფარნას და გაუცინა.

ფარნა კარხალივით გაწითლებული, საჩქაროდ მიიჭრა და მოწიწებით ხელი ჩამოართვა დედა-შვილს და ორივეს წინაშე ბოდიში მოიხადა, რომ ნაწირვეს მათთან პირველი არ მივიდა, მაგრამ ყველაფერი უზრდელობას გადააბრალა, თუმცა ეს ისე ზრდილობიანად და ქალაქური გაშალაშინებული სიტყვებით წარმოთქვა, ისე მარილიანად, რომ მარიკამ იჭვიანი თვალები გადაუბრიალა. ტასია აენტო და ყმაწვილ კაცს თვალს არ აშორებდა.

— კი, კი, დროა წავიდეთ, — თქვა ბასილმა და ზეზე წამოდგა. ყველანი აიშალნენ.

— ბატონებო, შვილებო, რამდენჯერ უნდა გითხრათ. სირცხვილია, გუშინწინ თვით პრისთავი მიბრძანდებოდა ამ გზით; უკან ბარე ოთხი ყაზახ რუსი მიჰყვებოდა და ძლიერ მისაყვედურა გალავნის უქონლობის თაობაზე, — რაც შეიძლებოდა, ღმობიერად დაიწყოვეთიმემ. — შვილებო, ქვეყნის ღორი და სხვა პირუტყვი ამ ჩვენს ეკლესიის ეზოში თარეშობს. თითოეულ ჩვენთაგანს. უკანასკნელი რომ ვთქვათ, ორასი საყენი ღობე მაინც გვექნება ჩვენ ჩვენ სახლში გაღობილი და აქ კი, ამოდენა საზოგადოებამ ერთი ქცევა მიწავერ შემოვზღუდეთ, სირცხვილია.

ამის გაგონებაზე ყველანი ახმაურდნენ.

— ნეტავ, შენი სიმართელით, ჩემი ხვედრი სულ არ გამეკეთებია. სხვამ არ გააკეთა და ის ტყუილ-უბრალოდ ლპება, — ამბობდა ერთი.

— იჯარით გადავცეთ, ინჯარაში გადავცეთ! — ყვიროდა მეორე.

— შემოდგომამდი მაგას ვერაფერს ვუზამთ! — იძახდა მესამე.

— თუ გასაკეთებლად მიგვაჩნია, ძმაო. ამაზე უკეთესი დრო შეუძლებელია, — ამტკიცებდა მეოთხე.

— თუ გაკეთება გვინდა, პირგოვორია საჭირო, პირგოვორი. — ტლანქად ხუმრობდა მეხუთე.

— მე ერთილა დამრჩენია: ვეზნაჩალიკს მოვახსენო. მეტი მოთმენა არ შემიძლია. — მიაყვირა თავის მხრივ მამა ევთიმემაც, რადგან ნელა წარმოთქმულს ვერ გაიგონებდნენ.

— კი, კი, უნდა გავაკეთოთ, უნდა გავაკეთოთ, — თანხმდებოდნენ ყველანი და ამნაირი ხმაურით ეკლესიის ეზოდან გავიდნენ.

ევთიმე გამოემშვიდობა ყველას და შინისკენ წავიდა.

ეკლესიის გალავანი მართლა სასაცილო სურათს წარმოადგენდა.

აქა-იქ თითო საყენის სიგრძეზე მესერის ღობე იყო გაკეთებული, სხვაგან ისევ ღია ან ძველი დამტვრეული ზღუდე წაქცევას ღამობდა. ამიტომ პირუტყვები არხეინად შემოდდიოდნენ ეკლესიის გალავანში. ძროხები ამასაც არ ჯერდებოდნენ. შუა ღლის პაპანაქებაში ეკლესიის აივანი ჰქონდათ ამორჩეული, და ეკლესიის აივანზე მათი იქ ყოფნის კვალი მართლა ბევრი აჩნდა.

ეს გამოცხადება პირველი შემთხვევა არ იყო. ორი წლის მანძილზე აცხადებდა მამა ევთიმე, ყოველ ნაწირვევს, გალავნის შეკეთებას. მაშინ ყველა გაკეთებას ღამობდა, ყველა ჰოს ღაპარაკობდა, მაგრამ რაკი გალავანს გასცდებოდნენ, საუბედუროდ, ყველას და მათ შორის მამა ევთიმესაც, ავიწყდებოდა მეორე კვირამდის. მაშ. რას ჰქვინა: „ზრუნვანი ამა სოფლისანი“?

— მაშ ასე, სიმინდის საყიდლად მოხვედი, ა...? — დაეკითხა ბასილი ფარნას, როცა გალავნიდან გამოვიდნენ.

— დიახ, ბატონო!

— მეც კი მაქვს ცოტაოდენი, მაგრამ შენ მეიაფე იქნები და... — ზუმრობით უთხრა ბასილმა, — შენ არ მოგყიდი.

— მეიაფე რატომ, ღმერთი გამიწყარეს, ჩემს სოფელში თუ ერთი კაპეიკი ყოველთვის მეტი არ მივცე და თქვენთვის, ბატონო, ზომ განსაკუთრებით, — პირი მიუფერა ფარნამ.

— კაი დაგემართოს, თუ ასე ჰქენი, — თქვეს ზოგიერთებმა. — მარა, ბაბა, ვაჭრებმა სულ მასე იცით პირმოფერება.

ფარნას გაეცინა.

— მაშ, მოგყიდო, ბიჭო? — ისევ უთხრა ბასილმა.

— როგორც გენებოთ, ბატონო, რამდენი გექნებათ?

— ორასამდე კი მექნება, მგონია.

— კეთილი, ბატონო.

— ფასი?

— ფასი, რაც მაზანდაა, თუ მეტი არაა, ნაკლებს ხომ არ მოგცემ, — ღიმილით მიუგო ფარნამ, — ჩქარა კი მინდა. თუ გაიმეტებთ ზვალვე უნდა შევეუდგეთ დაფშვნას.

— ძლიერ კარგი.

— გინდათ, ბე მოგართვათ.

— თანახმა ვარ, — კმაყოფილებით მიუგო ბასილმა.

ფარნამ ჯიბიდან ღიდი, ყვითელი ტყავის საყეცი ჰქისა ამოიღო. სქლად ჩაწყობილი ქაღალდის ფულები გაღმოიანგარიშა, ერთი ოცდახუთიანი ამოიღო და ბასილს გაუწოდა.

ამ დროს მისი თვალები ტასიას თვალებს მოხვდა. ფარნა შეწითლდა, ქისა ისევ ჭიბისკენ წაიღო და ტასიამ კი ნელა გაუღიმა.

სხვებიც ბევრი შეპირდა სიმინდის გაყიდვას. ფარნამ მეორე ჭიბიდან უბის წიგნაკი ამოიღო და მათი სახელ-გვარები ჩაიწერა, ფულები იქვე დაურჩია ყველას, ვის ხუთი, ვის ათი, ვის ოცი, და ისიც წიგნში დაინიშნა.

მათ უკან, ასე ორმოც, ორმოცდაათი საყენის სიშორეზე, მოდიოდა ორი კაცი. ერთი იყო მალხაზია თოხიტარია, გიტინიას შვილი, და მეორე — მისი ცოლისძმა, ამავე სოფლის მცხოვრები პავლე აბჯანდია.

გიტინია თოხიტარიას ოჯახისათვის ნიკოიას შვილების ასე რიხით მოსვლა ხომ წითელი პარასკევის გათენება იყო, და მართლაც, თვალებიდან სიხარბის ნაკვერცხალს აფრქვევდნენ.

— როგორც გინდა, ისე თქვი, ძმაო, — უთხრა პავლე აბჯანდიამ მახაზიას, — კაი ბიჭებია ეს ივანე და ფარნა. არა, არა ერი-მორი, და ზრდილობაც რომ აქვთ.

— დიახ, კარგები არიან, — ცივად მიუგო მახაზიამ. მას უიმი-სოდაც შურით გულში ცეცხლის ალი უგუგუნებდა და ახლა პავლემ წყლის მაგივრად ზედ ნავთივ გადაასხა.

— ის დაც რა კარგად გამოუწყვიათ. ნახავ, თუ რიგიან კაცს არ მიათხოვეს. ნაბოლარა გოგოა, მაგრამ ისიც ზრდილობიანია.

ეს კი მეტისმეტი იყო. გაიანეს სახელის გაგონებაზე მახაზიამ ველარ მოითმინა და უანგიანი კილოთი მიუგო:

— გამოწყობილი კარგი დაჰყავთ, რა სათქმელია, მამ ცუდი გამოწყობილი ვიწრო ორლობეში რაღას ივარგებს.

— იქით, რას ამბობ?! — გაიკვირვა პავლემ.

— ტყუილს ვამბობ, ჰო. — ისევ იმ კილოთი თქვა მახაზიამ. ბრაზი და შურიანობა იმდენად მოებჯინა ყელში, რომ თავს ძლივს იმაგრებდა. — დიახ, არა ერთხელ წოლილა გვიმრალეებში და ჩვენს და მათ ეზოს შუა ორლობეში.

— რას მეუბნები. — დაინტერესდა პავლე.

მახაზიამ საიდუმლო ვერ შეინახა და რაც იცოდა, ყველაფერი უამბო და თანაც ტყუილიც ბევრი დაუმატა.

— ყვეი, დიდება შენ, რა მესმის! — გაიკვირვა პავლემ.

— მამ. არ იცოდი? — მხიარულად მიუგო მახაზიამ, მან რაკი ერთხელ გამოთქვა, რაც გულში უჭირდა, კიდევ დამშვიდდა.

ახლა კი გაახსენდა მამის და ცოლის დარიგება; პავლეს ნაამბობის საიდუმლოდ შენახვა სთხოვა და იმანაც, რასაკვირველია,

აღუთქვა. ჩქარა ისინი ერთმანეთს გაშორდნენ. მახაზიამ ბევრი პატიუა ცოლისძმა სადილად, მაგრამ იგი არ დასთანხმდა, რადგან შინისკენ ეჩქარებოდა.

მოვიდა თუ არა შინ, მახაზიასაგან ნაამბობი საიდუმლო ცოლს ახალ ამბად უამბო და როცა უამბო, მერე გაახსენდა, რომ მახაზიამ საიდუმლოდ უთხრა. ცოტა კი ეწყინა, მაგრამ გული იმით დაიჭერა. რომ ცოლს სასტიკად აუკრძალა ამ ამბის ვინმესთან გამჟღავნება. ცოლი დაპირდა არავის ვეტყვიო, მხოლოდ სალამო ჟამს მეზობლის ცოლმა რომ შემოუარა და ატმით სავსე კალათს დანებით მოუსხდნენ, გულმა ვერ მოუთმინა და საიდუმლოდვე მეზობელს გაანდო. რასაკვირველია, საიდუმლო ჩინებულად დაიფარა...

XXXIV

მეორე დღეს, გათენებისას, ბასილ მძებრადემ გამოიღვიძა თუ არა, ორ-სამ მეზობელ გლეხთან საჩქაროდ მოკამაგირე გაგზავნა და სთხოვა, რომ დღეს სიმინდის ფშენაში მოხმარებოდნენ.

ერთი საათის შემდეგ მართლაც ბასილის ყავრით გადახურულ სასიმინდეში ხელკეტების ჩქარ-ჩქარი დაგადუგი იყო და სიმინდის მარცვალი სრისინ-სრისინით ჰერტიდან ძირს ცვიოდა. ბასილიც მალ-მალ ნახულობდა მუშებს. კიბით ავიდოდა. სასიმინდეს ვიწრო კარში შეიხედავდა და მუშებს გამოემუსაიფებოდა.

ცხრა საათი იქნებოდა, როცა ბასილის სასიმინდეს ფარნა თოხიტარია ცხენით მოადგა. ბასილი ამ დროს სასიმინდეს კარებთან იდგა. თავი შიგ შეეყო და ახალდასვენებულ მუშებს მუსაიფით ართობდა. მათრახის ხმაზე საჩქაროდ მოიხედა და რაკი ფარნა დაინახა, მხიარულად მიესალმა.

— ჰა, ფარნას გამარჯობა. დღეს არ მოსულიყავი, სწორედ მეწყინებოდა. ეს კი დაგიმადლე. — გულშეწუხებულად ამბობდა ბასილი და თან კიბიდან ნელ-ნელა ჩამოდიოდა.

— გამარჯობა, ბატონო, ნუ შეწუხდებით, მე ერთი წუთით შემოვირბინე, რომ მენახა მუშაობდნენ თუ არა, ხომ მოგესხენებათ ჩვენი ხელობა. შენი ჰირიმე, ნუ შეწუხდები.

— შეწუხება რას ჰქვიან, შე საპატიო კაცო, — აუჩქარებლად მიუგო ბასილმა. — ვახთაია, ვახთაია! — დაუძახა მან ერთ მუშათაგანს, — ფარნას ცხენი გამოართვი.

— შენი თავი ნუ მომიკვდება, ბატონო ბასილ, — მიუგო ფარნამ და ცხენიდან გადმოხტა. — ძლიერ საჩქარო საქმიეები მაქვს. ამ ერთ თვეში ხუთი ათასი ფუთი უნდა მოვაგროვო. წინააღმდეგ შემთხვე-

ვაში ჩემმა აღამ ასი თუმანი ჯარიმა უნდა გადაიხადოს. ამიტომ ახლა ვჩქარობ, ბევრი უნდა დავარიგო და სიმინდის ფშენას დავუჩქარო. ახლავე უნდა წავიდე.

— რას მეუბნები, სადილი ვკამოთ, — არ უშვებდა ბასილი.

— დიდად გმადლობთ. მეც დიდად მესიამოვნება, მაგრამ ხომ მოგახსენეთ, რა საჭირო საქმე...

— საქმე, საქმე, დამიჯინე კიდეც, საქმე რომ გაქვს, მეც ვიცი, მაგრამ რაც გინდა საქმე გქონდეს, სადილი ხომ მაინც მიუცილებელი საჭიროა, სადმე მაინც უნდა შექამო. შიმშილის მოთმენა ხომ შეუძლებელია.

— ჯერ, ბატონო, რალა დროის სადილია, სადილობამდი ნახევარ სოფელს შემოვივლი, — მიუგო ფარნამ და ვერცხლის გრძელი ქეწკვებაბმული საათი ამოიღო და დახედა.

— მერე ვინ გიშლის, წადი, შემოიარე და სადილად ჩემთან მოდი. ძლიერ გამეხარდება, მა მიჩემის სული თუ მწამს, — გულწრფელად დაუმატა ბასილმა.

— გმადლობთ, ბატონო!

— რა მადლობაა საჭირო. სადილად მოგელი და ეს არის.

— შეგაწუხებთ, ბატონო, — სიცილით მიუგო ფარნამ.

— წიე, შე ყურუმსალის შვილო, შენ კიდეც რავე შემაწუხებ. — გაეხუმრა ბასილი.

ფარნამ ჩაიცინა.

— მაშ, გაეჩქარე, გაეჩქარე, შვილო. სადილად გიციდი, იცოდე.

— კარგი, ბატონო, გმადლობთ, — ზრდილობიანად მიუგო ფარნამ და ცხენს მოახტა.

— რანაირი ხასიათის კაცი ხარ ხანდისხან, ძუკუს მამა, — უსაყვედურა მარიკამ, როცა მუშებმა ისევ დაგადუგი ასტეხეს და ბასილი ახალუხის დილებგახსნილი, თავშიშველი და ქუსლშეკეცილი ქალამნით და განუშორებელი ყალიონით ხელში ღიღინით ოდის აივანზე აღიოდა.

— რა ყოფილა, ხარდანადის ქალო! — გაიკვირვა ბასილმა.

— რავე რა ყოფილა, რალა დროის სხვისი სადილად დაპატიჟება.

— რატომ? — მიუგო ბასილმა. აიენის საფეხურზე შედგა და მარიკას შეაკეკრა.

— როგორ რატომ! — უკმაყოფილოდ მიუგო მარიკამ. — მე დღეს შაურ-კარში ვაპირებ წასვლას. დედა-შვილს კაბა არ გვაცვია. ახლახან სატირალში შემწვარ კიბოსავით ვწითლდებოდით. ეფროსი-

ნეს ეცვა ახალი მოდის შალის კაბა, მის ქმარს ქუთაისიდან მოუტანია და მე აქ ღუქანში ვერ მიყილია.

— მერე, რას ფიცხობ, შე კაი ქალო, — დინჯად მიუგო ბასილმა. — ჯერ ერთი, ვინ გითხრა სადილად დავატიყე კაცი თუ არა..

— აკი ეძახდი თოხიტარიას: უსათუოდ სადილად გიცდიო.

— კარგი, ბატონო, ძლიერ კარგი და პატიოსანი. სადილად დავვატიყე ფარნა თოხიტარია, კნიაზ მენგრელსკი ხომ არ დამიპატიენია. შენი შაურ-კარში წასვლის გულისათვის მეც და ჩემი მუშებიც უსადილოდ თუ გინდა დაგვარჩინო, ამაზე მადლობა მომიხსენებია, — ხუმრობით დაუმატა ბასილმა და თავი ძირს დახარა.

— უსადილოდ კი არა, — თავმოძწონედ მიუგო მარიკამ. — მაგისთანა ყაზახების გასაძლომი ჩემ ოჯახში ნასადილევის ნასადილევისაც კი იშოვება, მაგრამ კაცს რომ დაპატიყებ და შენ განზე გახვალ, რა პატიოსნებაა. მაგისთანა კაცი კეთილშობილზე უფრო მოსახმარია.

— კარგი და პატიოსანი, ჩემო ბატონო, — ისევ მშვიდად მიუგო ბასილმა. — აქ მე საწყენს და გულმოსასვლელს ვერაფერს ვხედავ. მერაბის სულს ვფიცავ. ფარნა ეპისკოპოსი არაა, რომ ძროხა დავუკლა კრებულისათვის, არც პრისთავია, ცხვარი ან თხა დავკლა... ყვერული ხომ მაინც გვექნება დღეს, ჩემო ბატონო, და ის გვეყოფა. ყველიცა გვაქვს და მაწონიც. მაშ რაღა გინდა. ჩვენც გავძლებით, ფარნასაც გავაძლებთ. თქვენ კი მიბრძანდით, ბატონო, შაურ-კარში, მაგრამ ეს მითხარი, ვინ მიგყავს?

— ძუკუ მიმყავს, ცხენების მოსაყვანად წავიდა. თუ ცხენი ვიშოვნე, ტასიაც მინდა წავიყვანო.

— არა, დედა, — გამოეხმაურა წინა კარებიდან ტასია. — გუშინ ვხედავდი სვიმონა ვაქარს და მითხრა, ახალგაზრდა ქალების საკაბე რივიანი არა მაქვსო. მე იარმუკამდე მოვიციდი, მაშინ კარგს ავარჩევ.

— ფულიც არა გვაქვს ახლა ამდენი, ხარდანაძის ქალო. — შენიშნა ბასილმა. — ალბათ ძუკუც რასმე ქე იყიდის.

— სატინის ახალუხი და ყარამანდულის შარვალი თუ არ ვუყიდე, ჩამომახრჩობს.

— ავაშენოთ ღმერთმა და მე ოცდახუთი მანეთი რომ მომცა ამ კაცმა ბეთ, იმის იმედით ვარ, არც იქითა ვარ, არც აქეთ. მარტო თქვენი ფართალი მიჭირდეს, რა გაეწყობა.

— აკი სიმინდს ვფშენით, განა ფულს სრულებით არ მოგცემს?

— რომ მოგვცემს, ხარდანაძის ქალო, გადაირიე! — გაკვირვებით შენიშნა ბასილმა. — ვალი, ვალი. დაგავიწყდა?

მარიკა ცოტა შეწითლდა და ოთახში შევიდა. ბასილმა ჩიბუხი ხელახლა გატენა და, ჩვეულებრივ, ფიცარზე ჩამოჯდა.

ტასია მხიარულად დატრიალდა და რაც შეიძლებოდა, ერთი ხელის მოსმით, ირინეს შემწეობით, რიგიანი სადილი დაამზადა. ირინე დანიშნული იყო. ქორწილიც ამ შემოდგომაზე უნდა გადაეხდათ და რამე საქმის გაკეთებაში, ცოტა არ იყოს, ნაზობდა. ბასილს კი აგერ ათი წლის სამსახურისათვის მზითვევი უნდა მიეცა და ამ ქესატობის დროს ესეც არა სახუმარო სევდად აწვა.

ნაშუადღევის ორ საათზე ფარნაც მოვიდა და სადილობაც დაიწყო. მუშებს ადრე მიართვეს სადილი და ახლა ისინი ჩრდილქვეშ ისვენებდნენ.

— ახლა რომ არ მოსულიყავი, ტყუილი არ არის, ვიწყებდი, რაღა, სადილობას. დაგავიწყდი მეგონა, რაღა დროის სოფლის სადილობაა, ახლა გოროდებში სადილობენ, — გაეხუმრა ბასილი, როცა ხელები დაიბანეს და სასადილო მაგიდას მოუსხდნენ.

— დიდი ბანძლი კი არის ეს ოხერი, — უქმაცოფილოდ წარმოთქვა ფარნამ. — ამ ჩვენ კაცს მაინც ვერ დააჯერებ, რომ მართალს ეუბნები. განსაკუთრებით, თუ ვაქარი ხარ; მამაშენიც რომ იყოს, არ გენდობა. სულ ყოველთვის ატყუებ ჰგონია. ერთხელ სათქმელი ათჯერ უნდა უთხრა.

— ეჰე, გუშა, ახალგაზრდა ვაქარო! — ცქვიტად გადასძახა ბასილმა. — ბაბაია ნანაიას ტყუილად არ ჰკოცნისო, ნათქვამია. ვაქარებმა სულ მასე იცით, შეილო, თავის მართლება. ხალხი თუ ექვობს, ალბათ საფუძველიცა აქვს. შენ თუ ისინი ან წონაში, ან ფასში არ მოატყუილე, არა, ბაბაია, არა, მაგ ტყვარჩი ასიგნაციებს ისე ვერ ატარებ მაშინ, უანგარიშოდ რომ გაქვს ჯიბაში. სიმართლე და ვაქრობა ვინ გაიგონა ერთად!

ფარნას გაეცინა და ტასიას შეხედა. იმანაც გაუღიმა და თავისი ლამაზი, შავი თვალები მხიარულად შეანათა.

ფარნა აენთო, ტანში გააყრჩოლა და გულმა საშინელი ცემა დაუწყო.

— აბა, ჩემო ძმაო, — აქეზებდა ბასილი და თვითონ დომის მსხვილ ლუქმას ნიგეზიან-პილპილიან მოხარშულ ქათმის წვენიში აწობდა და მადიანად ილუქმებოდა. — უკაცრავოდ კი ვართ, მაგრამ რაც გექონდესთ, დიასახლისი შინ არ ბრძანდება, მაგრამ მის მაგივრობას ტასიაც გაგვიწევს, ეს ხომ შენი ნამზანააგარია, — სიცილით დაუმატა ბასილმა. — შენ არ ვიცი და ეს კი ხშირად გიხსენებს. ვინძლო იქით ფოთისკენ კაი საქმრო აურჩიო, ნასწავლი კაცი უნდა.

ფარნას კინალამ პირიდან ლუკმა გაუფარდა, ტასიამ რალაც მოიმიზეზა და გარეთ გავიდა.

— მართლა, მარიკა სად ბრძანდება? — უხერხულობის დასაფარავად მოიშველია ფარნამ.

— აქეთ, შაურ-კარის ღუქნებისაკენ გაემგზავრა, ხომ იცი, ქალის ხასიათი. ოცი კაბა რომ აქონდეს, სანამ ოცდამეერთეს არ შეიკერავს, თვალში ძილი არ მოუვა... აბა, ჰე, ასწი, რალა, — მიუთითა ღვინით სავსე ჭიქაზე, ერთი თვითონ აიღო ხელში, ჩამოილოცა და დალია. — ტასია! — დაიძახა ბასილმა.

— ბატონო.

— მოდი, ბაბა, სადღილი შენც არ გინდა? კარგად გაუმასპინძლდი შენს ნაამხანაგარს. არ გახსოვს, ძალღის კბილებს რომ გადაგარჩინა. ყოჩაღ, ჩემო ფარნა! შენ პატარაობითვე გეტყობოდა, რომ გონიერი კაციშვილი იქნებოდი. მერაბის სული თუ მწამს, მიხარია. ეცადე, ეცადე, ბაბა, ქვეყანა ვინც შრომობს იმისია, — დაბეჯითებით უთხრა ბასილმა და ერთიცი მძიმედ ამოიოხრა.

ფარნას მთელი თავისი ბავშვობა გაახსენდა და გამხიარულდა.

ტასიაც სუფრას მოუჯდა და ყველანი მადიანად შეექცნენ. ბევრი ილაპარაკეს, ბევრი იოხუნჯეს: ვაქრობაზე, მომავალზე, მოგება-წაგებაზე, მართებლობაზე, ქალებზე და სხვა და სხვა.

ნასადილევს ბასილი მძებრადე, ჩვეულებრივ, აივანზე მიდგმულ ფიცარზე წამოწვა დასაძინებლად. ფარნამ კი ეზოში ალუჩის ძირში ჩრდილი აირჩია. მუთაქა და ქილობი იქ მიართვეს, თუმცა უარობდა. ირინემაც უკანა ოთახში ჩქარა ხვრინვა ამოუშვა.

ფარნა წამოწვა ჩრდილქვეშ ქილობზე. მაგრამ ძილი არ ეკარებოდა. რალაცა ამძიმებდა და აწუნებდა. მალ-მალ ოღისკენ მიიხედავდა და გულის ფანცქალით იქიდან ვიღაცის გამოსვლას ელოდა. სიმპატიური გრძნობა ტასიასადმი, რომელიც მას პატარაობისას ჩაესახა, თანდათან გაიზარდა და ახლა თითქმის საშიშ ზომამდე იყო მისული. ფარნამ ტასიასაც თვალეში შეატყო, რომ ისიც გულგრილად არ უყურებდა, მაგრამ ნამდვილი არაფერი იცოდა და ეს ეჭვი უფრო ადარდებდა. რომ ცოტათი გული გადაეყოლებინა, სიმინდის ყიდვის ფიქრებში გაერთო. დაიწყო ზეპირად მოგონება: ვის რამდენი ბეთ მისცა ღღეს, რამდენი ფუთი იყიდა, მერე წმინდა მოგება რამდენი რჩებოდა ღღევანდელი ნაყიდისაგან, იქიდან მას რამდენი ერგებოდა. ხელის თითები რამოდენიმეჯერ ჩამოთვალა და კმაყოფილებით გაგორდა ქილობზე. მაინც ტასიას სახე წინ ედგა და განუსაზღვრელად იზიდავდა. ფარნა დაფიქრდა და უცბად თოფ-

ნაკრავივით ზეზე წამოვარდა. გაახსენდა ცხენი. მართალია, მისი ცხენი ეზოს გვერდით ფალაგეზე საბალახოდ გრძელი ბაწრით პალოს მიაბეს, მაგრამ დღეს მეტისმეტად გაილახა: რამდენიმე საათში თითქმის მთელი სოფელი შემოირბინა ამ აგვისტოს სიციხეში, სალამო ჟამს კიდევ უნდა ეტარებინა და ახლა განსაკუთრებული მოვლა ეჭირებოდა.

ფარნამ ჩოხის საყელოს ხელი დაავლო, ჩოხა მხარზე გადაიგდო, სარტყელი, რომელზედაც ხანჯალი და რევოლვერი ეკიდა, კისერზე დაიკიდა, ქული დაიხურა და ცხენისკენ გაეჩქარა.

მისვლა მართლა საჭირო ყოფილიყო. მშვიერი ცხენი ხარბად დაწაფებოდა მაღალ ბალახს და პალოს გარშემო ადგილი ხელისგულივით გაეტყავებინა, თვითონაც თოკში გახლართულიყო და ახლა ერთ ალაგას თავდაკიდვით იდგა და გრძელი კუდით ნელა ბუზებს იგერიებდა.

ფარნას დანახვაზე ცხენმა შორიდანვე დაიხვიხვინა, თითქო უსაყვედურა: დალოცვილებო, თქვენ რომ გამოიჩუყუეთ და ძილს თავი მიეცით, მეც ცოცხალი არსება ვარ, თქვენი ზურგით დამტარებელი. საკმაო ჰამა-მოსვენება მეც მჭირიაო.

ფარნამ ბაწარი საჩქაროდ გახსნა, პალო ამოაძრო და სხვაგან უკეთეს საბალახოსკენ გადიტანა. თვითონ კი, ცხენი რომ ხელახლა არ დაბმულიყო, იქვე ძეწნის ქვეშ. ჩრდილში წამოწვა და ცხენის მადიან ბალახის ხრამუნს სიამოვნებით შესცქეროდა.

ბასილ მძებრაძე გემრიელად ხვრინავდა აივანზე, არა ნაკლებ ტკბილად ეძინა ირინეს უკანა ოთახში. ტასიამ კი ნასადილეგს რალაც საკერავი აიღო ხელში. ორ-სამჯერ ნემსი გაუყარა და ძაფიც დაეხლართა. საკერავი გადაავდო, მაკრატელი აიღო და ქალალდისაგან რალაც თარგის გამოჭრას შეუდგა. არც ეს მოეწონა და ესეც გადაავდო. მაგიდიდან რალაც წიგნი აიღო, გახსნა და ვითომ კითხვა დაიწყო, რამდენიმე წუთის შემდეგ წიგნს დააკვირდა და მიხვდა, რომ წიგნი უკუღმა სჭეროდა. რასაკვირველია, შიგ მხოლოდ იხედებოდა და აზრით სულ სხვაგან იყო. წიგნიც გადაავდო. აქეთიქით მიიხედ-მოიხედა. მუთაქა აიღო და კარებამდ მივიდა, ერთი გარეთ გაიხედა. მუთაქა ისევ ტახტზე დაავდო და თვითონაც წამოწვა, მაგრამ ისევ ჩქარა წამოდგა. ისიც ფარნაზე არა ნაკლებ ცუდ მდგომარეობაში იყო. გული საშინლად უცემდა და მთელ ტანზე რალაც ყრუანტელი უვლიდა. წინა ოთახიდან უკანა ოთახში გავიდა. აქ ირინე პირალმა იწვა; კაბის ზევითა ნაწილი გაეხადა, ცალი ხელი თავქვეშ ამოედო, მეორე გულზე, პირი ოდნავ გაედო და ტკბი-

ლად ხვრინავდა. ერთი ბუზი ცხვირზე აჯდა, ორი კი ტუჩზე დატრიალებდა, ხან დააჭლებოდა, ხან აფრინდებოდა. ტასიამ ხელი დაუქნია და ბუზები დააფრთხო, ერთიც მიახველა, მაგრამ ირინე არც კი შენძრეულა. ერთი კიდევ გაიხედ-გამოიხედა და უკანა აივნიდან ეზოში გამოვიდა. გული საშინლად უცემდა, სახე გაფითრებული ჰქონდა. ვისმე რომ ენახა ამ წუთში, ციებაშეყრილი ეგონებოდა.

რღას გვერდით მოუარა და იმ ჩრდილში შეიხედა, საცა ფარნა იწვა: ჩრდილში ქილობი და მუთაქა ეგდო, ფარნა კი არსად ჩანდა.

ქალმა საშინელი მოწყენა იგრძნო, პირზე ორივე ხელი რამდენჯერმე წაისვ-წამოისვა, რომ ცოტაოდნად მაინც მოსულიერებულიყო. იქით-აქეთ ყური დაუგდო, სასიმიინდედან მუშების ხმაური ისმოდა. ტასია დაფიქრდა და თითქო რაღაც გაახსენდაო, სამზადი სახლს უკანიდან მოუარა და ბახჩას გაყუა. სამზადი სახლის უკან ხეხილის ბახჩა იყო და იმის იქით, უბრალო მაღალი ბუჩქნარი ეზოს ბოლომდის, სადაც არეულად იდგა. თხმელა, რცხილა, ბეოლა, კობიტი, თელა და გვიმრა-ეკალიც საკმაო იყო. ტასია ამ ბახჩაში შევიდა და შიგ ხეტიალი დაიწყო. კანისწყლის ჩუხჩუხი ოდნავ ისმოდა. უცბად მის ყურს ცხენის ფრუტუნი შემოესმა და ტასიაც საჩქაროდ იქითკენ გაექანა.

ბასილ მძებრადეს რაც შეიძლებოდა კარგად ჰყავდა აღზრდილი ტასია და ძლიერაც უყვარდა. რაკი ძუკუ სწავლაში არ გამოდგა და ტასიამ გაიმარჯვა, ერთიორად უფრო შეიყვარა. შეიძლება სადმე უფრო მაღალ სასწავლებელშიაც წაეყვანა, ვისმე რომ ერჩია და ჩაეგონებინა, მაგრამ თავისით ბასილმა ეს ვერ მოისაზრა და, გარდა ამისა, ამ საჭირბოროტო აზნაურობის ძებნამ, ამ უკანასკნელი რვა წლის განმავლობაში, მისი ფულიცა და მოცალეობაც სულ ერთიანად შთანთქა.

რამდენადაც ბასილ მძებრადე გულკეთილი, მოხერხებული თადარიგის კაცი იყო, იმდენად: მისი მეუღლე მაროკა ამპარტავანი და ზარმაცი იყო, საოჯახო საქმეებს კი აკეთებდა გვარიანად, მაგრამ ყოველ ფეხის გადადგმაზე ჩიოდა და საყვედურობდა. მაგალითებად მოჰყავდა ცნობილი აზნაურების და თავადების ცოლები, რომლებიც მრუდე ჩხირსაც არ აბრუნებდნენ და ღროს ნებივრად ატარებდნენ.

ძუკუ ხომ სათქმელი არაა, რაც იყო; საქმეს აფუქებდა, თორემ რისამე გაკეთებას მისგან ვინ ითხოვდა.

ტასიას პატარაობიდანვე შეეტყო სიფაქიზე და შრომის სიყვარული. ჯერ კიდევ ხუთი წლისა იყო, მოწიწებით ჰკეცავდა თავის

პატარა კაბას, ასუფთავებდა და კედელზე მიჭედო ლურსმანზე ჰკიდებდა. რაც რამ ნივთები ეშოვნა, თავის ნაწერი რვეულებითურთ, უკლებლად ყუთში რიგზე ელაგა. სანამ სწავლობდა, ხომ სწავლობდა, და როცა სწავლა გაათავა და შინ დაბრუნდა, წუთს არ ისვენებდა. ხან ქსოვდა, ხან კერავდა, ხან კითხულობდა, ხან სარეცხს რეცხავდა, ხანაც ქარგავდა. მაგიდებს, სავარძლებს, ყოველ ხის ავეჯს, სახლის ყოველ კედელს მისი სუფთა და შრომისმოყვარე ხელი დაეტყო. აქ მისი ნაქსოვი მაგიდის საფარი ხვედებოდა კაცს თვალში, იქ არშია, აბრეშუმის ნაირნაირ ძაფებისაგან ხელოვნურად გაკეთებული თაიგული, აქ ფერადი ქაღალდებისაგან გაკეთებული ფარდები და სხვადასხვა სახეები. რაც შეეძლო შრომობდა და ფუსფუსებდა ტასია, და მართალი რომ ვთქვათ, ამით დედამას დიდადაც ახარებდა და მათ სამართლიანად მოსწონდათ თავი.

საუბედუროდ, თვითონ ტასია დედამამის სახლში ცხოვრებით სულიერად არ იყო კმაყოფილი და ხშირად მოწყენას გრძნობდა. თავი და თავი მიზეზი ის იყო, რომ ამხანაგი, მეგობარი არავინა ჰყავდა. ბასილი მის მეგობრად არ გამოდგებოდა. დედის ხასიათი პატარაობიდანვე არ მოსწონდა და მათ შორის უფრო ფორმალური კავშირი იყო, ვინემ წრფელ გრძნობაზე დამყარებული. რაც დღე გადიოდა, უფრო და უფრო თვალსაჩინო ხდებოდა, რომ რაც ტასიას მოსწონდა, ის დედას ეჯავრებოდა. ეს უფრო შესამჩნევი შეიქნა ამ ბოლო დროს, როცა ტასია წამოიზარდა და გრძელი კაბა ჩაიცვა.

ძუკუსთან ხომ პატარაობითვე აიშალა და როგორც ერთადერთი ძმა, რასაკვირველია, უყვარდა, მაგრამ პატივს არ სცემდა და მათ შორის მეგობრობა არათუ არსებობდა, შეუძლებელიც იყო. -

ერთადერთი მისი მეგობარი იყო რამდენიმე წიგნი, რომელიც ზოგი იყიდა და ზოგიც ნაცნობებმა აჩუქა. მეგობრობდა აგრეთვე მის ყოფილ მასწავლებელ ქალთან, რომელთანაც ხშირი მიწერ-მოწერა ჰქონდა. როცა ზუგდიდში წავიდოდა, უსათუოდ მასწავლებელ ქალთან შეივლიდა, რამე საკითხავ წიგნს გამოართმევდა და მასთან მუსაიფით დამტკბარი შინ ბრუნდებოდა. ერთი ორჯერ ტასიას თხოვნით ბასილმა მასწავლებელი ქალი ჰყონონაში დაპატიჟა და კარგადაც გაუმასპინძლდა. მისი ყოფნა ჰყონონაში ტასიასთვის დღესასწაული იყო. ვინ იცის, რამდენი არ იმუსაიფეს, რამდენი არ ისეირნეს. თუ სადმე ლამაზი ადგილი იყო, ყველა ინახულეს. ციხის ნანგრევი რამდენჯერმე დაათვალიერეს. მასწავლებელმა ქალმა ამ ბოლო დროს ისეთი რამეები ჩაუწყვეთა ყურში, რომელმაც ტასიას

მეტისმეტი ცნობისმოყვარეობა აღუძრა და აზრით და მიმართულებით დედ-მამას სულ ერთიანად დააშორა.

მარიკა ხშირად მოყვებოდა თავისი წინაპრების, ხარდანაძეების ქებას: თუ რამდენი ყმა ჰყავდათ, გლეხებს მათ ოჯახში ბეგარად როგორ შემოჰქონდათ მხარზე გადადებული ვეებერთელა მსუქანი გატრუსული ღორები, თუ როგორ არბევდნენ ტარიელივით ბიჭები — ხარდანაძეები გლეხებს, თუ როგორ გააროზგვინა მამამისმა ერთხელ ათი გლეხი ერთად და სხვა და სხვა.

ბუკუ მოყვებოდა ჯარიანობის ამბავს: ამალღება-დღეს ნაბოდენში ვინ როგორ ცხენზე იჯდა. როგორი ხმალ-ხანჯალი ეკიდა. ბაგრატი-თავადმა რისთვის აუტეხა ჩხუბი პეტრე აზნაურს. ჯერ მათრახი როგორ მოუქნიეს ერთმანეთს, როგორ დაარტყეს. მერე, როგორც ჩვენებური წესია, ხმალ-ხანჯალ-რევოლვერზე რომ მიდგა საქმე, როგორ დასჭრეს ერთმანეთი... ვინ ვის ეხმარებოდა. თვითონ როგორ ლომივით გაერია მოჩხუბრებში, რომელმა აზნაურმა დაუჭირა მხარი პეტრეს და სითამამით და სიმარჯვით ყველა გააკვირვა...

ამნაირ ვადაში გამოსულ, თითქმის ერთსა და იგივე ამბებს უგდებდა საბრალო ტასია მთელი დღეობით, თვეობით და თითქმის წლობით ყურს, ვერ მოითმენდა და ხანდახან გამოეპასუხებოდა ან დედას, ან ძმას, რაც ყოველთვის უკმაყოფილობით გათავდებოდა. დედა ესაყვედურებოდა, კაი გოგო ხარ, მაგრამ საუბედუროდ, რაღაც გლეხური ხასიათი გაქვსო, და ძმა ეუბნებოდა: მასწავლებლის ნათქვამ და წიგნში ამოკითხულ სულელურ აზრებს ბოდავო.

განსაკუთრებით აბრაზებდა ყველას, თითქმის მამასაც, მისი მსჯელობა აზნაურობაზე და საბუთობიაზე. ტასია ამტკიცებდა, რომ ახლანდელ დროში აზნაურობის ძებნა და ამაზე უფლების ხარჯვა უჭკუობაზე უჭკუობა არისო. იმ ფულებით სხვა რამე, დროის შესაფერი საქმის გაკეთება სჯობდა და თვით ახლანდელი აზნაურობა ხმარებიდან გამოსული ქაღალდის ფულის მსგავსი არისო. ადამიანი. როგორც დანარჩენი სულიერი და უსულო საგანი, ამ ქვეყანაზე პირადი ღირსებით უნდა ფასობდესო. პირველ აზრს ცოტად ბასილიც თანაუგრძნობდა, მაგრამ მეორე, რომ აზნაური და გლეხი შეთანასწორებულიყვნენ, ამაზე ფიქრიც საშიშრად და სათაკილოდ მიაჩნდა. მარიკას კი ამის გაგონებაზე ბრაზი მოსდიოდა და ბასილს ტუჩების აბუტვით ეუბნებოდა:

— რა მისი საქმე იყო კლასი და სწავლა, მე არ მისწავლია სკოლაში, მაგრამ, აბა, საწყალი, ხარდანაძის ქალი, მარიკა არა ვარ, თუ!

— აკი შენ აიკვიატე, უსათუოდ წაიყვანე, წაიყვანეო.

— კარგი იყო მეგონა. რომ მცოდნოდა ასეთ სულელურ აზრებს დაისწავლიდა, ღმერთი როგორ გამიწყრებოდა და როგორ გავგზავნიდი. წართი. ეფროსიმეს გოგომაც დაამთავრა იქ სკოლა, მაგრამ ის ასე გადარეულად ხომ არ ირჩება.

ტასია ამოიოხრებდა და მოშორდებოდა ხოლმე მშობლებს. მარიკა მაინც თავს ინუგეშებდა: მადლობა ღმერთს, ძუკუმ არ ისწავლა, თორემ იმასაც რომ ასეთი სიჩურობით დაეწყო, ხომ დავიღუპებოდიო. ეს კი ქალია, დღეს ჩემთან არის და ხვალ თავისი კუთხე უნდა ნახოს და იქ რაც უნდა ის თქვას, მე ამით ბევრ ზარალს არ ვნახავო.

XXXV

ფარნა წამოწოლილიყო ტირიფის ქვეშ მდებარე, კრავის ქუდი განზე გადაეხურა და ცხენის მადიან ხრამუნს სიამოვნებით შეჰყურებდა.

ტასია გაჩქარებით მიდიოდა იქით, საითაც ცხენის ფრუტუნი შემოესმა. ერთ ალაგას გაჩერდა და ყური დაუგდო, სამარისებური სიჩუმე სუფევდა ირგვლივ, მხოლოდ სასიმიინდედან ზარმაცად მოქნეული კაკუტების ხმა მოისმოდა.

„სად მიდიხარ!“ — ჩასჩურჩულა ყურში რაღაც იდუმალმა ხმამ. ახალგაზრდა ქალი შეკრთა, თავი ძირს დასარა და გაფითრებულმა მიწას უაზროდ თვალები დაამტერა. მაღალი მდებარე, მინდვრის ყვავილები, გამხმარი ფიჩხები და ნახევრად დამქვანარი, ალბათ ახლად ჩამონათალი თხმელის შტოები ერთმანეთში არეულიყო, მაგრამ ტასია ვერაფეს ამჩნევდა.

ფრთხილი ხელიკი გამოძვრა თავის სოროდან და ვახშმის საძებრად წასვლას აპირებდა. აქეთ-იქით გაიხედ-გამოიხედა, სახიფათო ხომ არა მომელის რაო. მაგრამ საშიში არა იყო რა. თავისი ჰკვიანი თვალებით ერთივ მალა აიხედა, შეიძლება იქიდან მომელის რამე უბედურებო. მისი თვალები ტასიას ანთებულ თვალებს შეხვდა. აი ეს არის დავიღუპეო, გაიფიქრა საბრალომ და რაც ძალი და ღონე ჰქონდა გასრიალდა, ტასიას წინ გაირბინა, უშველებელი ტკაცუნის და შრიალი მოადინა გამხმარ ფიჩხფუჩხებში და იქვე, მახლობელ ხშირ ეკლნარში, გულგახეთქილმა თავი შეაფარა.

— ა... ნა-ნა, ნანა! — დაიწვილა შეშინებულმა ტასიამ და მახლობელ ლობისაკენ გაექანა.

ფარნა ზეზე წამოვარდა და საჩქაროდ მასთან მიიჭრა. მათ მხოლოდ ღობე ყოფიდათ.

— აი, აქ ჩამოვსხდეთ, ამ ძეწნის ქვეშ. ჩრდილიც კარგი აქვს და სხვა ადგილთან შედარებით სუფთაცაა, — თქვა ფარნამ და დასაჯდომად მოემზადა.

ტასია თითქო უარობდა, აქეთ-იქით ფრთხილად იხედებოდა და ფარნასაკენ სანდომიან თვალებს ისროდა.

— ოი... დედა, ღმერთო... ბასილი ნუ მომიკვდება, მაგრამ, — უაზროდ დაიწყო ლაპარაკი ტასიამ და თითქო ძალაუნებურად ძირს დაიწია. — ამოსაწყვეტი ბატები სადღაც გაგვექცენენ, იმათ ვეძებდი, შენ სახლის გვერდით ჩრდილში გეძინა, მეგონა... იმ წყეულმა გველმა ისე შემაშინა.

ტასიას ტყუილის ლაპარაკი ხმაში შეეტყო და კიდევ უფრო გაწითლდა. ფარნაც აღელვებული იყო, მაგრამ შეეცადა, რაც შეეძლო, გამოერკვია და გაეთამამებინა ქალიშვილი.

— რა იცი, რომ გველი იყო? — დინჯად შენიშნა ფარნამ.

— როგორ არ ვიცი!

— ნახე?

— არ მინახავს, მაგრამ ისე ჩქარა გაიბრინა, რომ...

— ღმერთი შენს მტერს გაუწყრა, როგორ ბავშვივით ლაპარაკობ. განა გველი გაიბრენს? ფეხები რომ არა აქვს. გველი გასრილდება და შენ, როგორც ამბობ, თუ გაიბრინა, მაშ ხელიკი ყოფილა.

— შეიძლება, — ჩუმად მიუგო ტასიამ.

— ნამდვილად, ნამდვილად, ხელიკი ყოფილა... უი, იმას შეუშინებინარ, — სიცილით მიუგო ფარნამ და რამდენჯერმე ტაში შეშოჰკრა.

ტასიამ ფრთხილად მიიხედა სახლისკენ.

— რა იყო? — ჰკითხა ფარნამ.

— ხმამაღლა ნუ ლაპარაკობ და ხელებსაც ნუ ატაკატუნებ.

ფარნა ტასიას მიეახლა. გული გამალებით უცემდა.

— გეშინია, შინ არ გაიგონონ ჩემი ხმა? — ტუჩების კანკალით ჩუმად მიუგო ფარნამ.

— არ გეშინია, ჰო... შეიძლება გაიგონ, თუმცა ბაბას ძინავს და ირინესაც.

ფარნა შეეცადა თავი თამამად დაეჭირა, სახეზე ხელი მოისვა.

— მაშ ახლა ხმადახლა ვილაპარაკოთ, — გვარიან თამამად მიუგო ფარნამ და დააჩერდა ტასიას მარჯვენა ხელს, რომელიც ქალს მუხლზე ედო.

— ხელი ხომ არა გტკივა? — ჰკითხა ფარნამ, თუმცა თვითონ არ იცოდა, რისთვის ჰკითხა ეს.

— ხელი? — გაკვირვებით შეხედა ტასიამ. — არა, რომელი ხელი?!

— აი, ეს, — მიუგო ფარნამ და ქალის ნეკს ხელი შეახო.

— ეს ხომ არა მტკივა? — ძლივს წარმოთქვა ქალმა, გულ-მკერდი უთრთოდა.

— მე დასივებულად მომეჩვენა, — არეულად თქვა ფარნამ და ტასიას ხელი ხელში დაიჭირა.

— არა, ის შარშან მტკიოდა, როცა ზღმარტლის კრეფის დროს ეკალი შემერტო.

— ჰოო... — გაგრძელებით მიუგო ფარნამ და ქალის თითებს ხელი წელა მოუჭირა.

ტასიამ თავი ძირს დახარა, ფარნას უცნაურად შემოხედა და მერე მდუღოს დააჩერდა.

— ხომ არ გეწყინა რამე ჩემგან? — ათრთოლებული ხმით ჰკითხა ფარნამ. ოთხივე თითი ხელში მოიმარჯვა და უფრო მაგრა მოუჭირა.

— არა, — გაფანტულად მიუგო ტასიამ და ისევ უცნაურად შემოხედა.

— მაშ, არა, მაშ, არა? — ტუჩების თრთოლვით ამბობდა ფარნა და ხელს თანდათან უჭერდა.

— ხელი არ მომამტკრიო, მეტკინა, — გულგრილად შენიშნა ქალმა.

ფარნა აენტო.

— მეტკინა? ღმერთო, მომკალი, გინდა ახლავე გავუშვა?

— გაუშვი-მეთქი კი არ მითქვამს, მეტკინა-მეთქი, — ისევ გულგრილად მიუგო ტასიამ.

ფარნას მოთმინება ეკარგებოდა ტასიას გულგრილობისაგან. თითქმის გიჟდებოდა.

— ტასია! — ჩუმად ჩაილაპარაკა მან.

— რა იყო? — ჰკითხა ქალმა და ისეთნაირად შემოხედა, თითქო უკანასკნელად უნდა გამოსცადოსო.

ფარნამ ვერა მიუგო რა. ათასნაირი სათქმელი პირზე ეკერა და ენა აღარ ემორჩილებოდა. თავი უბრუოდა. მის გარშემო რა ხდებოდა, ვეღარაფერს ხედავდა და ერთი გამოურკვეველი რაღაც ბზრიანლის მეტი აღარაფერი ესმოდა. უცებ ქალის სახე თავის სახეზე მიიკრა. ქალი არ ეწინააღმდეგა და ორივე ერთმანეთს ჩაეკონა.

— შე... ნი... კი... რი... მე... ჩე... მო... სიცოც... ხლე... — ჩურჩულებდა ქალი და ათრთოლებული კოცნით უფარავდა ტუჩებს, თვალებს, ლოყებს და ახლად ამწვანებულ ნიკაპს.

ყმაწვილი იმითვე სცემდა პასუხს, მან მაგრა მიიკრა ქალი მკერდზე და, ცოტა არ იყოს, ტლანქად შეახო მის სხეულს ხელი. ქალს პირველმა გრძნობათა ღელვამ გადაუარა. ცოტა გამოერკვა და ყმაწვილი კაცის ხელებიდან გასათავისუფლებლად ხელის ფათური დაიწყო.

ფარნა არ უშვებდა, ხელებს უკერდა, წელზე ხელს ხვევდა და თავისკენ იზიდავდა.

— გამიშვი, გამიშვი, ფარნა... ასე ხელს ნუ მიკერ, ნუ ჩქარობ, ასე როგორ შეიძლება, — ჩურჩულებდა ქალი და უფრო მხნედ ითავისუფლებდა თავს. ცოტ-ცოტად ფარნასაც გაუარა აღელვებამ და ხელების ძალა შეასუსტა. ქალმა თმა გაისწორა, თავსაფრის ხელახლად შემოხვევა დაიწყო, სანდომიანი თვალებით ფარნას შეხედა.

— ჩემთვის ეს ჯერ არავის გაუბედნია, ფარნა!

ფარნა გაწითლდა და ვერა მიუგო რა.

— ჩემთვის ეს ჯერ არავის გაუბედნია და ვერც გამიბედავს, — გაიმეორა ქალმა. — მაგრამ შენი ბრალი არ არის. მე მეტისმეტად ავჩქარდი, ვერ მოვითმინე. ჩემი ქალური სისუსტე სავსებით გამოვამუღავე. მაგრამ რა ვქნა; ღვთისა და კაცის წინაშე გამიმკლავებია, რომ სუსტი ქალი ვარ. ვერ შევიძელი დამეფარა ჩემი გრძნობა. ბევრი ვებრძოლე ჩემ თავს, მაგრამ ვერაფერი შევიძელი. მე შენ მიყვარხარ, ფარნა.

ფარნა კიდევ უფრო გაწითლდა და ცრემლით სავსე თვალებით შეაჩერდა ახალგაზრდა ქალს. ქალმაც აღელვებით შემოხედა. ვერ მოითმინა და ისევ კოცნით დაუფარა ტუჩები.

— მეც მიყვარხარ, ტასია, განუზომლად მიყვარხარ, მაგრამ ასეთ ბედნიერებაზე ფიქრიც მეშინოდა, — როგორც იყო მიუგო ფარნამ. როცა კოცნით გული იჯერეს და ცოტა დამშვიდდნენ. — რა ნახე ისეთი ჩემში, გლეხის შეილში?

— სუ, ეს მეორეჯერ არ მითხრა, — სალოკი თითის ზევით აწევით მიუგო ტასიამ. — შენ ქალაქ ადგილას ცხოვრობ, ჩემზე უფრო მეტს ხედავ, განათლებულ კაცსაც ხშირად შეხედები, წიგნებსაც მეტს იშოვნის, მაგრამ გეტყობა, ჯერ ანაბანა არ შეგითვისებია. მე პირდაპირ გეუბნები, ნუ კი გეწყინება.

— შენგან?! — გაოცებით მიუგო ფარნამ.

— ჰო, ჩემგან, — გააჭავრა ქალმა. — ვითომ ძლიერ გიყვარვარ...

მოითმინე, ასე ადვილად მე შენ ვერ მომატყუებ. ცოტა ვიცნობ, გამიგონია ძაინც, რაც შეილები ბრძანდებით მამაკაცები. თავს ისე მოაჩვენებთ, თითქო რაღაც მაღალი გრძნობით ხართ გამსჭვალული და ნამდვილად კი ერთი წუთის უინის მოკვლა გსურთ და მერე საღ არის თქვენი წმიდა გრძნობა!

ფარნას აღელებე დაულაგდა და წამოთამამდა კიდეც.

— არ ვიცი, რა დაგიფიცო. შენთან რა სახსენებელია, მაგრამ დედიჩემის ძვლებს გეფიცები... დარწმუნდი, რომ მე ჯერ, მაღაზიაში თუ შემოვა საყილად და ორ-სამ სიტყვას თუ მეტყვის, თორემ მე ჯერ ქალს არც კი დავლაპარაკებოვარ. მეტი დროც ხომ არა მქონია. მერწმუნე, მე უმანკო კაცი ვარ, მერწმუნე, პატარაობიდანვე შენი სახის გახსენება გულს მიტოკავდა... მაგრამ მე მაინც ვძლევდი ჩემ თავს, რადგან მე, ნიკოიას შვილი...

— კიდეც დაიწყო თავისებური, — გააწყვეტინა ტასიამ. — ნეტავ ჩემი მასწავლებელი ქალი დააჩინა ახლა აქ, გაყურებინებს სეირს.

— ღმერთმა დაგვიფაროს ახლა აქ შენი მასწავლებელი ქალი! — სიცილით მიუგო ფარნამ.

ტასია გამოერკვა, ეს რა ვთქვიო და ფართო თვალებით ფარნას შეხედა, თვითონაც გაიციინა და თოვლივით კრიალა კბილები გამოაჩინა.

— მე სხვანაირად მინდოდა მეთქვა. ჩემმა მასწავლებელმა ქალმა რომ გაიგოს შენი მსჯელობა, სიცილს დაგიწყებს. ნუთუ კიდეც არა ხარ დარწმუნებული, ჩემო ფარნა, რომ ძველ, ჩვენს წოდებრივ წყობილებას საძირკველი გამოეთხარა და მერე რა ჩქარა. ჰყონონაში დღესაც არის ასამდის, თუ მეტი არა, კაცი, რომელთაც თავიანთი თვალთ უნახავთ ბატონყმობის ყოველნაირი უსამართლობა. უნახავთ კი არა, თავიანთი ზურავით და ყბა-კბილებით უტვირთიათ მებატონისაგან ყოველნაირი უდიერება და ახლა, ძლივს ოცდაათი წლის თავისუფლად ამოსუნთქვის შემდეგ, შეხედე, როგორ გამოიცივალა ხალხი სულიერად და ხორციელად და როგორ იცვლება ყოველდღე. ამის დანახვას, მგონია, არავითარი სწავლა არ უნდა, ვინც ბუნებით ბრმა არ არის, ან ძალით თვალს არ იბრმავებს, ყველა ცხადად დაინახავს, რადგან ეს აშკარაა. ჩვენი აზნაურობა კი წესაგებული მიცვალებულია. ხომ იცი, მიცვალებულს რომ შენდობის ფურცელს ატანენ. აი, სწორედ იმ შენდობის ფურცელს ჰგავს ახლანდელი საბუთობია. რას მიყურებ, ფარნა, ასე გაკვირვებულად? გიკვირს ჩემი სიტყვები? მოგიკვდეს ტასია, თუ ვისმეზე ნაკლები ყოფილიყო, გზა რომ მიეცათ მისთვის. — ქალი ცოტა შეჩერდა. ორი-

სამი მელიკუდა მოგლიჯა, წვეტიანი ბოლო კბილებში მიიბიძგე და ისევ გააგრძელა: — შენ კახალებ აზნაურობის წინაშე და იცი, ჩემო ფარნა, რა გვიყო ჩვენ იმ აზნაურობამ? მამჩემისთანა შემძლებელი აქ, ამ სიახლოვეს არავინ იყო, განა თვითონ არ გახსოვს? ახლა ვალებში ვართ სულ იმ აზნაურობის ძებნის გამო. რომ წარმოვიდგენ, გამეცინება. თუ ერთი-ორი სულელია, ყველა ერთად რამ გაასულელა? რასაა, რომ ეძებენ, რაშია, რომ ამოდენა ფულებს ხარჯავენ... მთელი სიცოცხლის ნამოენი თუ რამე გააჩნდა, საბუთის შოვნას და მის გაგზავნას მოახმარა. კაცი მოხუცებულობაში შესულია. ძველებურად არც შრომა, არც მოხერხება შეუძლია. თუ გინდა მოსვლია აზნაურობის დამტკიცება. რა უნდა შეგვმატოს იმან? ასე გონია ჯიბეში ჩაიდებ და ადიდებულ ხობისწყალს რომ მიადგები და მენავეს უჩვენებ, მაშინათვე დიდი პატრით ნავში ჩაგსვამს და გაღმა გაგიყვანს. როგორ არა, ხვალ დილით, — ნიშნისმოგებით თქვა ტასიამ. — ორი კაპეიკი რომ არ მისცე, შენი აზნაურობის ათი მოწმობაც რომ მიუტანო, ზედაც არ შემოგხედავს. თუ ხობისწყლის გასვლაში არ გიშველის, სხვა მის ღირსება-ფასზე რაღა უნდა ვილაპარაკოთ? მამ, ხომ ახლანდელი დროისათვის გამოუსადეგარი ყოფილა შენი აზნაურობა. ბევრი ხანია, რაც ექვი შემეპარა მის ახლანდელი დროისათვის უმნიშვნელობაზე, მაგრამ ამ ბოლო დროს ნათლად დავრწმუნდი, რომ როგორც ძველი ჩალანდარი წინ ველარ დაუდგება ახლანდელ რკინიგზას, ვერც ძველებური აზნაურობა დაუდგება წინ თანამედროვე ცხოვრებიდან წარმოშობილ აზნაურობას. გიკვირს? აზნაურობა ახლაც არის და ყოველთვის იქნება, მაგრამ არა დადიანის საბუთით მინიჭებული, არამედ შეძენილი ცოდნით, სწავლით, შრომით და გამოცდილებით და ახლა კი თავისებურ საბუთს აძლევენ ახალი დროის აზნაურებს, ისეთ საბუთს, რომლის წინაშე ახლანდელ დროში ყოველი მოკვდავი ქედს იხრის და თავს იმდაბლებს. ამ საბუთზე მამჩემმაც და შენც ბევრი ილაპარაკეთ დღეს სადილად. ეს საბუთი შენ აი, იქ, ჯიბეშიც კარგა ბლომად გიძევს, ეს გახლავს ფული, ფული, ფული... იცოდე, ახალი აზნაურობის საბუთი ოოლია. წარმოიდგინე ბუნებაც მამჩემს თურმე ხელს უწყობდა. ძველებური აზნაურობის საბუთი არა ჰქონდა, სამაგიეროდ ახალი აზნაურობის საბუთი სხვა მეზობლებთან შედარებით გვარიანად ჰქონდა. ადგა, ახალი საბუთი ძველ საბუთზე გასცვალა და ზედ სართივ დაუმატა. ისევე მოუვიდა, როგორც ახლა ეს შენი რევოლვერი აიღო და ირაკლის ძველი ჩახმახიანი დამბაჩა რომ აქვს, იმაზე გასცვალო და სარტყელიც ზედ დაუთავო. საბრალო

ბაბა, არ იცი შენ, ის რა კაი გულის კაცია. ნამდვილი ნიჭიერი კაცია და იმიტომ მებრალება, რომ ამ მოხუცებულობის დროს ასეთ პირობებში შეხვდა ცხოვრება. მით უფრო საცოდავია, რომ შვილი წადმართი არა ჰყავს. ჩემი ძმა, ძუკუ, უკუღმართია, ნამდვილი უკუღმართი. შეძენილს ფლანგავს, მეტი არავითარ სასიკეთოს ის არ მისდევს. ყოველგვარი სიბინძურე და სისაძაგლე იმის ხელშია. ჰაი, — ამოიოხრა ქალმა. — მაგრამ ჰო, მამაჩემი, როგორც არის, კიდევ გააჩანჩალებს თავის დროს, ავად იქნება თუ კარგად, ადგილ-მამული ჯერ კიდევ გვარიანად შერჩა, მაგრამ მირი! ჩემი ძმა ზოგიერთ ჩვენ მოგვარებებზე უარესად იქნება. იცი, ჩვენები რა მდგომარეობაში არიან? ენით ვერ გამოითქმება, განა არ იცი? მათი გაქირვება აუწერელია. ტანზე პერანგი არ აცვიათ, ცივი ღომი ენატრებათ, ერთი სიტყვით, უკიდურეს მდგომარეობაში არიან, მაგრამ მიუხედავად ამისა, ჯანს მაინც არ იტყვენ და აზნაურობას მაინც ეძებენ. შენ უკეთ არ იცი, ირაკლიმ და მისმა ძმებმა რა ქნეს... თავსაც დააწინდრებენ. ოღონდ კი აზნაურობა გამოუგზავნონ. ეს ასეა ხომ, ჩემო ფარნა, მაგრამ ამდენი რა თ ვიყბედე, მიხვდი? იმიტომ ვიყბედე, რომ შე ახლა პატარა არა ვარ, დროა ჩემ თავზედაც ვიზრუნო. საზოგადოდ, ადამიანს როგორც უცხოვრია, მეც ასე მინდა ვიცხოვრო, მაგრამ მათხოვრად დარჩენა სრულებით არა მსურს... ვუშვებ ძველ აზნაურობას, მინდა ახალი აზნაურობა და მეგობრად ხელს გიწვდი.

ფარნა პირდაღებული შეჰყურებდა თვალებანთებულ და თურათ-შაული ვამლივით ლოყაგაწითლებულ ახალგაზრდა ქალს. ის ამ წუთში რაღაც უშველებელ არსებად ელანდებოდა და თავის თავი კი ერთ ბეწო რამედ, მტკრად მის წინაშე. მოინდომა რაღაცის თქმა, მაგრამ ენა დაება.

— კიდევ გაკვირვებით მიყურებ? — დაიწყო ისევ ტასიამ. — შენ გგონია, რომ სოფელში გაზრდილი გოგო ვერაფერს მიხვდება და ახალს ვერაფერს შეითვისებს?

— მე ენით ვერ გამოვთქვამ. — როგორც იყო, წარმოთქვა ფარნამ, — მე ენით ვერ გამოვთქვამ, რა დაგარქვა, რა სახელი გიწოდო, ვის შეგადარო, როგორ შევიძლო შენი პატივისცემა, რით გავამართლო ამდენი შენი ჩემდამი ნდობა და ვიქნე შენი უმორჩილესი მონა-მოსამსახურე, — ამ სიტყვებით ათრთოლებული ხელი დაავლო ვაჟმა ქალის ხელს და ზარბად დაუწყო კოცნა.

— კიდევ მონა-მოსამსახურეზე გადავიდა, — დინჯად მიუგო ქალმა, თითქო ვაჟის ცეცხლივით ცხელ კოცნას ყურადღებას აღარ აქცევსო. — გეტყვი, მაგრამ არ მინდა გული გატყინო. აზნაურულ

სიამპარტავნეს დამწამებ. გაიგონე, რომ მოსამსახურედ კი არა, ამხანაგად და მეგობრად მინდისხარ. არ ვიცი, რამ ქმნა, ცოდვამ თუ მადლმა, ბედმა თუ უბედობამ, რა საათმა და წამმა, როგორც ჩვენში იტყვიან, მე შენ მიყვარხარ. მე შენი ვარ, მაგრამ იცოდე, უახროდ არ მიყვარხარ, მე კარგად ვიცი შენი თავგადასავალი, ნათლად თვალწინ მიდგას ის წამი, როცა პირველად შემოიხედე სასენაკოში და მერე, რა თავგანწირულებით და მეცადინეობით ეკიდებოდი საქმეს. მე მწამს შენი ნიჭი და რაც უნდა დამემართოს, უშენოდ ცხოვრება არ შემიძლია, შენ რას იტყვი?

— მე რა მეთქმის, — გვარიან თამამად მიუგო ფარნამ. — ჩემი სახე უნდა გაძლევდეს პასუხს.

— თანახმა ვარ, ამ წუთში, გეთანხმები, გიყვარვარ, მაგრამ იცოდე, მე ქალი ვარ, შედარებით შენთან მაინც სუსტი არსება ვარ. ცოტა კი გამიგია თქვენი ხასიათი, მამაკაცებს რამდენი ქარი შემოგებერავთ, იმდენად გული შეგეცვლებათ, და მე იმდენად გატაცებული ვარ, მთელი ჩემი არსება მადლობელია შენი. რომ იცოდე...

— მაშინ მოგიკვდეს ჩემი თავი...

— კარგი, ნუ ფიცულობ. ვიხუმრე. მაგრამ ეს ოხერი, გულია... გული სუსტია, იკვიანია... მაგრამ კარგი, დროება გვაჩვენებს ყველაფერს. საქმით დავუმტყიცოთ ერთმანეთს. ამაზე ახლა კმარა. შენ ეს მითხარი: ფოთში როდის წახვალ?

— როცა სიმინდის ყიდვას მოვრჩები, ალბათ, ორი კვირა დაგრჩები.

— მერე როდის ჩამოხვალ?

— თუ ხეირი გამოვიდა, ისევ ჩქარა მოვბრუნდები, მაგრამ ნაშობებამდი ახლა სიმინდის ყიდვის დრო არ არის.

— კარგი, წერილის მოწერას ვერ მოვახერხებ შენთან?

— როგორ არა, სულ ადვილია, პირდაპირ მომივა. მე ვერ მოგწერ?

— საშიშია. მასწავლებელი ქალის გარდა მე არავინ მწერს წერილს. ისიც ფოსტით არ მომდის, რომ შეიტყონ, ჭერ... საშიშია.

— მაშ რა ვქნათ?

— მოიცა, მოვიფიქროთ.

ტასია ცოტა ხანს გაჩუმდა, მერე თითქო სხვა რაღაცა უნდა თქვას და ვერ გაუბხსენებიაო, ნელა წარმოთქვა: — ჰო, რაღაც მინდოდა შენთვის მეთქვა, მეთქვა კი არა, მეკითხნა... დღეს კი არა, ხვალ...

ამ დროს ბასილის ეზოში ქათმებმა საშინელი კრიახი ასტეხეს და ირინეს წვრილი ხმაც მოისმა:

— ჰაუ, ჰა, ჰა, ჰა, ჰა, ჰა! ჰოუ, ჰოუ, ჰოუ!

— ოხ, გაუღვიძიათ, შეიძლება დედაც დაბრუნდა, — უცბად წამოიძახა ტასიამ; ერთი საჩქაროდ ფარნას აკოცა, ლობეზე მარდად გადახტა და ბუჩქნარში მიიმალა.

ფარნა სიხარულისაგან თავბრუდასნმული იჯდა ერთ ალაგას და თვალს არ აშორებდა ლობეს, რომელზეც ეს-ესაა ტასია შველივით გადახტა. მისი განშორებით საშინელი მოწყენა იგრძნო. სიზმარში ხომ არა ვარო, გაიფიქრა ახალგაზრდა კაცმა და თვალეზე ხელი მოისვა და ჩაფიქრდა. ძნელი სათქმელია, რას ფიქრობდა. შეიძლება ითქვას, რომ არაფერს არ ფიქრობდა. საფიქრად სად ეცალა, მთელი მისი არსება ამჟამად გრძნობად იყო გადაქცეული. რაღაც მეტისმეტად ახარებდა და თანაც სწყინდა.

ცხენმა დაიფრუტუნა და ფარნაც გამოარკვია. ზეზე წამოდგა და მზეს შეხედა. მზე კარგა გადასულიყო. საჩქაროდ ჩოხა ჩაიცვა, სარტყელი შემოირტყა. მერე ცხენთან მივიდა, ფეხზე მობმული ბაწარი კისერზე გადაუგდო და ძერწოს მოაბა, თვითონ სიმიანდებში შევიდა.

ამ ფალაგიდან სამოცი საყენის მანძილზე წისქვილის წყალი მოდიოდა. გაღმა-გამოღმა უშველებელი სიმიანდებით იყო დაბურული. წისქვილის წყლის ერთი ნაპირი დაქანებული იყო და მეორე ამალლებული, და რაღაც ხევის მსგავსს წარმოადგენდა. და რადგან ამისთანა ალაგას წყალი ნაპირიდან გადასვლის დროს მეტ შლამს სტოვებდა, აქ სიმიანდიც საუცხოო მოდიოდა და ერთი შეხედვით კაცს უდაბურ ტყეს მოაგონებდა. სიმაღლით ექვს ადლზე მეტ, მსხვილ და მკვიდრ ღეროებიან ზორბა ტაროებით დატვირთულ ხშირ სიმიანდებში თითქმის ბნელოდა, რადგან მზის სხივები სუსტად ატანდა. ფარნა ამ სიმიანდებში შევიდა და ვეებერთელა ტაროების დანახვაზე სიამოვნებით გაიღიმა. ამაყად აჭიმული ღეროები თითქო გრძნობდნენ თავიანთ ღირსებასო და ფოთლების ოდნე კეცვით სალამს აძლევდნენ ასე უდროოდ მათთან მოსულ სტუმარს. ფარნამ მიდამო დაათვალიერა, წისქვილის წყალს მიუახლოვდა და პირის ბანას შეუდგა.

— სად გაიპარე, შე საპატიო კაცო! — ხუმრობით გასძახა ბასილმა, როცა ფარნამ კისერზე ბაწარმობმული ცხენი ისევ ეზოში შემოიყვანა. — პატივი გეცი, მგონია, ჩრდილში მოგართვი მუთაქა, ქილობი და შენ კი ტყეში გაიპარე.

— გმადლობთ, ბატონო, ამ ცხენის დარღმა არ დამაძინა.

— ჰოო... ეს კი დაგიმადლე, რომ პირუტყვების პატივისცემა

გვყარებია. რამდენ შენ პატივისცემ, ხუთ იმდენს აქეთ გცემს პატივს, შვილო, ცხენი. ეს კარგი, სწორედ მოგვიწონე. ქალაქში მცხოვრებმა კაცებმა ძლიერ ნაკლებ იციან ცხენის პატივისცემა. თოხარიკი ცხენის სიარული მოსწონთ, მოახტებიან ზედ და პა... ტირკონი, ტირკონი, მაგრამ ცხენსაც რომ ჩვენსავით მოშივდებდა, მოსწყურდებდა ან დაიღლებდა, ამაზე დალოცვილნი თავს სრულებით არ იტყენენ. აღმართში ისე მიყავთ, როგორც დაღმართში. წყალში გასვლის დროს ტუჩი რომ ჩაპყოს, გაჯაყრებით ლაგამს ამოკრავენ, რალა დროის წყლის სმა არისო. ეჰ, ერთი ბოქაული იყო ჩვენში, რამდენჯერ მივლია მასთან, რაც ვინდა ბედაური მიგეცათ, ორ-სამ საათში გააბათილებდა.

— კარგად რომ არ მოუარო, ბატონო, ჩემი ძმა მეორეჯერ არ მათხოვებს და საქირავებელი გამიხდება, — სიცილით მიუგო ფარნამ.

— შენი ძმა უარს კი არ გეტყვის, მაგრამ... ბალახი ამ ეზოშიც კი იყო, გაუშვებდი და მოისვენებდი.

— არა, ბატონო, ეზოს გააფუჭებდა.

— ეზო ბევრი არაფერი, მაისი არ არის, რომ კონინდარი გათელოს, მაგრამ ჰო, კარგად გიქნია, იქ, ფალაგეშიაც მშვენიერი ბალახია.

ფარნამ ამ დროს ცხენი სახლის გვერდით ალუჩის ხეზე მიაბა.

— აქ შემოდი, შე კაცო, პირი დაიბანე, — შემოიპატიჟა ბასილმა.

— პირი უკვე დავიბანე.

— სად?

— წისქვილის წყალში.

— იქ, ყანებში შეიარე? როგორ მოგეწონა ნამუშევარი?

— მშვენიერებაა, განსაკუთრებით ერთ ადგილას, ცოტა დაწეული რომ არის, ოხ! რა ჩინებული სიმინდია. ან რა ტაროებითაა დაჯორგელი. ის ვისია, ბატონო?

— ჩემია, — ღირსებით მიუგო ბასილმა. — ერთი წვერი ბოლო-საკენ ლავრენტი ტკვარჩელიასაა, სხვა კი ჩემია.

მათი ლაპარაკის დროს ტასია, თითქო აქ არაფერი იყო. წინა ოთახიდან გამოვიდა და აივანზე ერთ სვეტს მიეყუდა. გარეშე მაყურებელი ხუთჯერ დაიფიცებდა, რომ თუ ის ვისმეზე ფიქრობდა ამ დროს, ყველაზე ნაკლებ ფარნა თოხიტარიანზე, იმდენად გულგრილად იყურებოდა.

ფარნამ ცხენს გავაზე ხელი ვადრუსვ-გადმოუსვა და უნაგირის მოსატანად ოდისკენ გაემართა.

— ბიქს დაუძახებ და მოვატანიწებ, შე კაცო,—უთხრა ბასილმა.

— ბიჭებმა, ბატონო, თავის საქმეს დაუჩქარონ. ხვალ შუადღეზე როგორმე ურმები უნდა გავგზავნო, ოცამდე კი მყავს მოპირიანებული, უნაგირს კი ჩემი ხელით გამოვიტან, მეტი რა მოხელე ვარ ყაზახი, — ამ სიტყვებით ფარნა აივანის კიბეზე აღიოდა, ტასიასკენ მიიხედა და ოდნავ გაიღიმა. ტასიამაც ოდნავ გაუღიმა და ისევ ჩვეულებრივი გულგრილი სახე მიიღო.

ახალგაზრდა კაცს გული დაეწვა, უნაგირს ხელი დაავლო, უნაგირი რალაც მძიმედ მოეჩვენა. „რა მიზეზია, ნუთუ?!“ ფიქრობდა გულში.

— ხვალ სადილობის დროისთვის რა მოგახსენო, — მიუგო ბასილმა. — გუშინ რათ არ მითხარი, თუ ასე გეჩქარებოდა, სამ კაცს მოვიწვევდი, მეოთხე ჩემი მიემატებოდა და მაშინ მართლა გაათავებდნენ.

— მე კი მოგახსენეთ, ბატონო, — სიცილით მიუგო ფარნამ და ცხენის კაზმვას შეუდგა.

— მაშ, მოიცა, ერთი დავათვალიერო, აბა რამდენი უკლიათ კიდევ, თუ ბევრი უკლიათ, ხვალ დილით კაცებს დავაყრი და მოვუსწრობ, ამაზე არ შეგაწუხებ, ნუ გეშინია, — ამ სიტყვებით ბასილი სასიმიინდესკენ წავიდა.

ფარნამ წინა მოსართავი მოუჭირა ცხენს და ბალიშს სწორება დაუწყო, რომ ჩუმად წარმოთქმული თავისი სახელი მოესმა. აიხედა, ტასია სანდომიანი თვალებით მოაჯირიდან დაჰყურებდა. ახალგაზრდა ქალმა ხელი წინ გაიშვირა და დაკეცილი პატარა ქალაღის ნახევი მდელოზე დააგდო. ფარნამ ერთი აქეთ-იქით მიიხედა, საჩქაროდ დააფრინდა, აიღო და ახალუხის ჯიბეში მოწიწებით შეინახა. ტასიამ ერთიც შემოხედა, მოწყენით გაუღიმა და ოთახში შევიდა.

— ფიქრი ნუ გაქვს, — შემოილაპარაკა ბასილმა. — დღეს გვარიანად უმუშავნიათ, ხვალ წვრილ სადილობამდის ბდღვირს აადენენ, ნუ გეშინია. შენ მხოლოდ ფული მომიმზადე.

— ფული, უეჭველია, ნეტავი ხუთი იმდენი მოგცა, რომ სულ წითელ-წითელი ბილეთები ჩაგიშრილო ხელში, — ცოტა ამაყად დასძინა ფარნამ.

ბასილმა არა მიუგო რა. ერთი დაფიქრებით ძირს დაიხედა, ერთიც ფარნას შეხედა, ერთი თავის ღილებგახსნილ, ცოტა არ იყოს, მოძველო ჩითის ახალუხს დახედა და ყალიონის ტარი პირში ჩაიღო.

ფარნა მორიდებით გამოემშვიდობა ბასილს, დიდი მადლობა მოახსენა პატივისცემისათვის.

— რას იბოდიშები, შე კაცო! დღეს ასე და შემდეგში, თუ ვიცოცხლე... — პირი დაიმშვენა ბასილმა.

— გმადლობთ, ბატონო, გმადლობთ, — მიუგო ფარნამ და ცხენი გაათხზარია. ჭიშკართან დუქნიდან დაბრუნებულ მარიკას და ძუკუს შეეფეთა.

— თქვენი მოსვლა და ჩვენი წასვლა, ჩვენი მოსვლა და თქვენი წასვლა, — გაეხუმრა მარიკა.

— აა... ბატონო, ბედნიერად ბრძანდებოდეთ.

— ფარნას გამარჯობა, — მიესალმა ძუკუ!

— იცოცხლე, ჩემო ბატონო!

— ახლახან გხედავდი, მგონია, რა პატარა იყავი, შე ოჯახქორო და რავე გაშთიქინებულხარ, ვაჟრობაც დაგიწყია.

— ნოტიო ალაგას ვცხოვრობ, ბატონო, და ხომ იცი, ისეთ ადგილს ჩქარა იზრდება ყველაფერი, — მიუგო ფარნამ.

— მაგას თავი დავანებოთ, ჩემი მოსვლა ხომ არ გეწინა, ყმაწვილო, რომ მიდიხარ... დღეს უკაცრავოდ კი ვარ, მაგრამ... — ნაზად მოიბოდიშა მარიკამ.

-- არა, ბატონო, რას ბრძანებთ!..

ისინი ერთმანეთს განშორდნენ.

XXXVI

მეორე დილას ათი საათი იქნებოდა, რომ ფარნა თავისი ძმით ივანეთურთ და ოთხი კამეჩის ურმით მიადგა ბასილის სასიმიინდეს. სიმიინდის ფშვნას ათავებდნენ.

— ძლივს, ძლივს მოვასწარი, — მისალმებისთანავე გამოელაპარაკა ბასილი.

— დიდად გმადლობთ, ბატონო, ეს ძლიერ კარგად გიქნია.

— მიქნია რა შუაშია, შე კაცო. რაც შენ წახვედი გუშინ, მას შემდეგ ვერაფერი ბევრი, მაგრამ დღეს დავაყარე სამი ისეთი ბიჭი. რომ ნაცარ-ტულტა ადინეს... უქირაოდ, ხომ იცი? — ჩუმად, საიდუმლოსავით უთხრა ბასილმა და ტუჩები და წარბები აიბზიკა, — ახლანდელ დროში უფულოდ არა კეთდება რა, უფულოდ ახლანდელი კაცი ერთ ნაბიჯს არ გადადგამს შენთვის.

— მართალია, ბატონო, ქვეყანა ახლა... — დაემოწმა ფარნა და სიმიინდის ზომვას შეუდგა.

— ქილა* კი გქონია რიგიანი, — სიცილით მიუბრუნდა ბასილი.

— შენი თავი ნუ მომიკვდება, იმის მეტი, — ღინჯად მიუგო ფარნამ, — დღეს რაც ეკლესია გააღონ, იმის მაღლმა, ნამდვილი ცამეტი ოყაა, არც მეტი და არც ნაკლები.

— ჰო, კარგი, გემოწმები, მაგრამ ერთს კი ვეტყვი, რატომაა, რომ ამ სოფლებში მესიმიინდები სიმიინდს არა სწონავთ?

— სოფელია, ბატონო, — ხვეწნის კილოთი მიუგო ფარნამ. — სასწორი მძიმეა. აქ მისი მოტანა ძნელია, გზაზე დაიმტვრევა, ძვირი ღირს. ორი-სამი დღისთვის იმის მოთრევას აზრი არ აქვს. სადაც მუდმივად ყიდულობს კაცი, იქ, მესმის.

სიმიინდი დაზომეს, ოთხივე ურეში დატვირთეს.

მეურმეები გზას გაუდგნენ. ბასილი და ფარნა კი ოდისკენ წავიდნენ. ფარნას ხელში სამგზავრო დავთარი და წერილი ფანქარი ექირა. ოდის აივანზე მარკა და ტასია ისხდნენ. ფარნა მათ ზრდილობიანად მიესალმა და ტასიას მრავალმნიშვნელოვნად შეხედა, მაგრამ მან წამწამიც არ შეიარხია და ეზოში მოკუნტრუშე ხბოს მზერა დაუწყო. ხბოს ყოველ ახტომ-დახტომაზე ილიმოდა, თითქო მეტისმეტად საინტერესოდ მიაჩნიაო. გამოცდილი თვალი შეამჩნევდა. ხანდახან ფარნასაგან გადმოსროლილ ნაპერწკლებს. მაგრამ მარკას და ბასილს ახლა ამის შესამჩნევად არ ეცალათ. ისინი გატაცებული იყვნენ იმ ანგარიშით, რომელიც უნდა მიეღოთ ფარნასაგან სიმიინდის ფასში.

— ას ოთხმოცდარვა ქილა ნახევარი, ხომ, ბატონო ბასილ!

— სწორია, — დაუდასტურა ბასილმა.

— ათი სახარების მაღლმა, ათ შაურზე ზევით ჯერ არავისთვის მიმიცია.

— რას ფიციულობ, შე კაცო!

— ორ-ორ კაპეიკს ქილაზე ვერა გკადრებ, მაგრამ თქვენი ხათრით იყო.

— როგორც გენებოს, — მხიარულად მიუგო ბასილმა. — თუ არ მიუმატებ, მე შენ იმისთვის დაგემდურო, იმდენი დამემდურა მიქამგარიო.

— მიქამგარიოც შეგეწიოს და წმინდა გიორგიც. სულ გერგებათ, ბატონო... ოთხმოცდაცამეტი მანეთი, სამი აბაზი და თექვსმეტი კაპიკი. აბა თქვენც დათვალეთ, ბატონო.

* ქილა — საწყაული, ერთი ფუთი.

ბასილმა თითებზე თვლა დაიწყო, ჩუმ-ჩუმად რაღაცას ზუტუტუტებდა: — ასეა, სწორია, აბა რა თვლა-ანგარიში უნდა, სწორია.

ფარნამ ჯიბიდან სქელი ტყავის ქისა ამოიღო და იქიდან მთელი ქალაქის ფულების წყება ამოალაგა.

— ამდენი ფულით ჯიბაში არ გეშინია, შე კაცო? — გაიკვირვა ბასილმა.

— თქვენისთანა კეთილების იმედი საცა მაქვს, ვისი შემეშინდება, ბატონო, — მიუგო ფარნამ.

— მართალია, ჩვენ სოფელში ვინ რას გაგებდავს. ვინმემ რომ თითი გახლოს, უბედურს!... მაგრამ სხვა სოფელში კი...

— ოცდახუთი ხომ მიიღეთ, ბატონო!

— კი, ბატონო, — მიუგო ბასილმა.

მარიკამ ქმარს ცოტა ალმაცერად შეხედა.

— ახლა გერგებათ, ბატონო, სამოცდარვა მანეთი, სამი აბაზი და თექვსმეტი კაპეიკი, მაგრამ უკაცრავად, წვრილი ფულის მოცემას მე თქვენ არ შეგკადრებთ და აი სამოცდაცხრა მანეთი იყოს.

— არა, რატომ, ანგარიშით მომეცი.

— გადავიანგარიშე ესაა, — ღიმილით უთხრა ფარნამ და რამდენიმე სხვადასხვა ფერადი ქალაქის ფული ბასილს გაუწოდა.

ბასილმა ფული შესანახად მარიკას გადასცა და სადილზე მოიბოდიშა.

— ახლავე მზად იქნება, — მიუგო მარიკამ.

— თქვენი თავი ნუ მომიკვდება, იმის მეტი — წამოიძახა ფარნამ და წასვლა დააპირა.

— რას ამბობ! დადე, დადე ის მათრახი, სადილი რა, ფოთში სამიკიტნოში ხომ არა ვართ. ღომი და ღობიო, დღეს მარხვაა, სხვა რაღა დამრჩა. მე შენ გეტყვი, იმის ჭირი არ შემეყაროს, ძველებურად ბატკანი და ბურვაკი. რომ მაქვს ყოველდღე.

— ვინ ღირსობს, ბატონო, — თავმდაბლა მოახსენა ფარნამ. — თქვენს პარტივისცემას, დიდად გმადლობთ, მაგრამ ჯერ ერთი, რომ ურმები უნდა გავაცილო, თექვსმეტი დატვირთული ურემი. ირმის ნახეთქის ბოლოს მყავს მოპირიანებული. იქ ესენიც მიემატებიან და ყველა ერთად გზაზე უნდა დავაყენო, კაქუიას ნაყანევთან ფონის გადაღმა ასავალი მეტისმეტად უხერხულია და სანამ იქ ყველას ჩემი თვალით არ გავატარებ, გული არ დამიმშვიდდება. მათ ივანეც თან უნდა გავაყოლო, სენაკში რკინიგზაში ჩააბარებს და ისეც აქეთ მობრუნდება. იმათ მობრუნებისას ახალი ტვირთი უნდა დავახვედ-

რო და მგონია, სადილის ქამა აღარც კი მექნება ამ დღეებში. — სიცილით დაუმატა ფარნამ.

— მაინც რამდენი იყიდე ამ დღეებში?

— ოთხი ათას ფუთამდე კი მაქვს დაბევებული, მაგრამ რათ გინდათ, ურმებმა გამიჭირეს საქმე, საქმაო ურმები ვერ ვიშოვნე.

— კიდევ ბევრი უნდა იყიდო?

— ჯერ სადა ვარ, აბა ნახვამდის, ბატონებო.

— მოიცა, კაცო, ერთი საათის შიგნით სადილი მზად იქნება.

— დიდად გმადლობთ, — ერთხელ კიდევ უთხრა ფარნამ და აღვირით ხეზე მიბმულ ცხენისაკენ გაიქცა.

— კაი შვილი არ მოესწრო ამ ნიკოია ქუსლმოქცეულს, ძუკუს მამა? — ცოტა შურიანი კილოთი მიუბრუნდა მარიკა ბასილს.

— ბიჭი კარგია, თქმა არ უნდა, — დაემოწმა ბასილი.

— მაგრამ ყაზახობა მაინც ეტყობა.

— რაში მაგალითად? — გაფანტულად ჰკითხა ბასილმა.

— ყველაფერში, ისე, რაღაც ტლანქი მიხრა-მოხრა აქვს.

— მე კი მიხრა-მოხრა უთაკილო აქვს მგონია. ჩემი აზრით გლეხობა სიტყვა-პასუხში ეტყობა, რაღაც შეშინებულად: ლაპარაკობს.

— შენ ესეც შეგიმჩნევია, — მხიარულად მიუგო მარიკამ. — რაც გინდა ჩააცვა და დაახურო ყაზახს, მაინც მაშინათვე გამოიცნობს კაცი. ეტყობა, კარგად არ დაკვირვებინარ, თორემ შენიშნავდი, მეტრისმეტი ტლანქი და მოუხეშავი მიხრა-მოხრა აქვს. მაღალი წოდების სისხლის კაცი რო არ არის, მაშინათვე შეეტყობა. ისე კი ლამაზი და წარმოსადეგი ბიჭი კია.

ტასია მეტად გააბრაზა დედის სიტყვებმა, მაგრამ საოცარი გულგრილობით ითმენდა. მაინც, საუბედუროდ, ბოლომდე თავი ვერ შეიმავრა და, რაც შეიძლებოდა, გაბედულად წარმოთქვა:

— მიხაია მძებრადეს კი საუცხოო მიხრა-მოხრა და ზრდილობიანი სიტყვა-პასუხი აქვს, სამი სიტყვა რომ წამოროშოს, ყურებში ხუთჯერ თითი უნდა დაიცვა.

— აა... ვეჭილმა დაიწყო ლაპარაკი. — აპილპილდა მარიკა. — ეტყობა, მოწონებია თოხიტარია, ქუქას შვილიშვილი.

— მიკვირს, დედა, საიდან გამოგყავს აგეთი უცნაური აზრი! — ბრაზით მიუგო ტასიამ და სახეზე აღმური აედო. — მე თოხიტარიას რას დავეძებ, უმართლოდ კაცის კილეა პატიოსნება არაა.

— შენ, ჩემო ბატონო, იმ გრძელ ენას. ცოტა რომ დაიმოკლებ-

დღე, უკეთესს იზამ. რაც დრო გადის, უფრო და უფრო ენის ტარტალს ეჩვევი. პატარა კი ნუ გგონია შენი თავი.

— ხარდანაძის ქალო, — მორიგების კილოთი თქვა ბასილმა. — ასეთი უბრალო საქმისთვის არ ღირს აყალ-მაყალი ვილაც ყაზახისათვის.

— პატარა რომ არა ვარ, იმიტომ მგონია, ნებაც უნდა მქონდეს ჩემი საკუთარი აზრი მეც ვიქონიო, — გულაჩეილებულად თქვა ტასიამ და ლამაზი, მსხვილი თვალები ცრემლით ავესო.

— სწორედ მოსწონებია თოხიტარია. ის სქელი ფულები რომ ამოახრიალა, იმას მოუხიბლავს, ღმერთო მომკალი, ხა, ხა, ხა, ხა, — შხამიანად ჩაიციხა მარიკამ. — ის მისი კი არ გეგონოს, ტომბაშვილის ფულებია. თოხიტარიას მაგდენი მთელ სიცოცხლეში არ ექნება. არიქა, ბეჩა, ეცადე, — დაცივებით უთხრა შვილს, — გახუ წვერადის ქალიშვილმა რომ ქნა ისე, გაყევი ყაზახის შვილს, თოხიტარიას, რა გიჭირს, შალის ქსოვა დაიწყეთ. კვირა დილას ნაქსოვი ბოხჩაში გაახვიეთ, თავზე დაიდევით. ტუფლები მხარზე გადაიკიდეთ და ფეხშიშველი გაუდექით ზუგდიდისკენ გზას სავაქროდ; ვაი შური საყვარელი! რა კარგი იქნება.

ტასიამ საშინელი ქვითინი მორთო და ოთახისკენ გაეშურა.

— ეპ, ხარდანაძის ქალო, რათ აატირე ახლა? ხანდახან...

— რა ხანდახან გინდა, ძუკუს მამა, — ბრაზით გააწყვეტინა მარიკამ. — სულ მაგრე იცის. მაგრამ ეს სულ ჩვენი ბრალია, იმ კლასში გააფუქა და იმ განათლებულმა ქალმა. უჩიტელიცაა თუ რაცხა ეშმაკია. მეტად მაგას არ დავპატიებ ჩემს სახლში. ვის დაემსგავსა ასეთი ნეტავი! არაფერი კეთილშობილური და აზნაურული მას არ აცხია. ახლა რაა, ერთ დღეს ჯავრით გამხეთქა. ერთი ქვეყანა არისო, სადღაც ჯანდაბაში, აზნაური ვარ რომ თქვაო, სიცილს დაგიწყებენო.

— ილაპარაკოს მერე, რას დაეძებ, — ზანტად მიუგო ბასილმა და თავის საყვარელ ყალიონს მიმართა.

— ილაპარაკოს, ილაპარაკოს! სულ შენ გააფუქე მაგი, ძუკუს მამა, შენ არ მომიკვდე. საქმის ასე აბუჩად აგდებაც არ ვარგა. სტუმრებთანაც ასე იტყვის, ან თავად მელიტონ ფარქანიძესთან. ან თავად აეთანდილ ბეჭითალიძესთან, ან თართაყანი კვარნახანთან და ქვეყანაზე ყბადასალები გავხდებით. აი მათი ნასტავლი შვილიო, იტყვიან. სახით, მაინც, ერთი ურიგო იყოს ეს ცეცხლმოკიდებული. თამარ დედოფალსა ჰგავს, — ცოტა მშვიდად დაამთავრა მარიკამ.

— ე, სტუმართან როგორ იტყვის, — მიუგო ბასილმა და ყალიონში თამბაქო ხელით მოასწორა.

— იტყვის, დამიჯერე, იტყვის, შენც უნდა დაამინო და უნდა დაარიგო, ძუკუს მამა, თორემ...

— ეხ, მაგი არაფერია, — კბილებ შუა დაილაპარაკა ბასილმა; რადგან ყალიონის ტარი პირში ედო, — მერაბის სულს ვფიცავ, ხარდანაძის ქალო, ეს გოგოც ზოგს ტყუილს არ ლაპარაკობს. მე მაგ აზნაურობამ ქვესკნელში ჩამიყვანა... მაგის... და ფუი! — მწყურალად დაილაპარაკა ბასილმა, ერთი უშვერი სიტყვაც დაუმატა და აივნოდან ეზოში ჩამოვიდა.

როცა წინა ღლით ფარნა ბასილის ეზოდან გავიდა, მოუთმენლად მოელოდა იმ წამს, როცა შეძლება მიეცემოდა და ტასიასაგან გადმოგდებულ უსტარს წაიკითხავდა. ცალი ხელი ჯიბეში ედო და ქალაქს ხელიდან არ უშვებდა, თითქო ეშინია, ქარმა ჯიბიდან არ ამომაცალოსო. როცა ბასილის სახლს კარგა მოშორდა და ერთ პატარა ტყეში შევიდა, აქეთ-იქით გაიხედა და როცა დარწმუნდა, რომ არავინ მოდიოდა, გულის ფანცქალით ქალაქი ჯიბიდან ამოიღო და გახსნა. შიგ ნაჩქარევი ხელით რამდენიმე სიტყვა ეწერა: „შაბათს, შუა ღლისას, იქ მოგელი, მამა შინ არ იქნება“. ფარნამ რამდენჯერმე წაიკითხა და თვალეგაბრწყინებული ქალაქის ნახევს დასჩერებოდა და სიამოვნებით თვალს არ ამორებდა. ამ წუთში ეს ქალაქის ნახევი ერთ სოფლად უღირდა.

— კაი მაგას, ამას ექნება ახლა ფულები, კაი მაგას. კაი ადგილსაც შემხვდა, ჰაი გიდი, სად არის მოპაჩირობა, ერთი რომ მაგას... — ჭიკყინა ხმით, ხმამალლა დასკვივლა ფარნას ვილაცამ უკანიდან, თითქმის ყურისძირში.

ფარნას ერთ წამს ელდა ეცა და გაფითრებულმა უკან მიიხედა. მეტი ხანი არ არის, არავინ არსაიდან ჩანდა და ახლა მიწიდან ხომ არ ამომძვრალაო, — გაიფიქრა მან, ქალაქი საჩქაროდ ჯიბეში შეინახა.

რამდენიმე საუენის მანძილზე იმავე სოფლის მცხოვრები გახუქებრაძე მოდიოდა თავის მკლე ჭაკი ცხენით. უნაგირის ძველი, დაჩეული ბალიშიდან ცალკე მატყლი და ცალკე ბამბა მოჩანდა. ოც ალაგას გაკერილი დამპალი ღვედის მოსართავეები უშნოდ ერტყა ერთი მუჟა, ღონემიხილი ჭაკი ცხენის მუცელზე. თვითონ მხედარს ყველაფერში, ძველი, გაქონილი და გაჭუჭყიანებული ყაბალახიდან მოყოლებული ცხრა ადგილას გაკერილ წულამდე, სიკოტრე და სიქსატე ეტყობოდა.

— ნეტავ იქით არ გაგცარცვამდე თორემ. — ხუმრობით მიუგო ფარნამ.

გახუ, როგორც ვიცით, რუსუდან მონაზვნის გერი იყო და ნიკოია თოხტიარის ცოტათი მეგობრობდა. მათ ხელი ჩამოართვეს და ერთმანეთი ცხენდაცხენ გადაკოცნეს.

— შენი ჭირიმე, — კბილების ღრეკით უთხრა გახუმ. — ძლიერ გამიხარდა შენი ნახვა, მაგრამ ცოტა ქე გემღური, ამდენი ხანი აქა ხარ და ერთხელაც არა გვენახე.

— უკაცრავად კი ვარ, მაგრამ, — მოიბოდიშა ფარნამ. — მოგეხსენებათ, ისეთი საჩქარო საქმეები მაქვს, რომ დღე და ღამე...

— ვიცი, ვიცი, ვაჰარ კაცებმა სულ მასე იცი, მაგრამ ერთი სიტყვით, — თვალების გაპრაწვით და ღირსებით წამოთქვა გახუმ, და თანაც ფეხები აბეანდებს ძალზე ჩამოუჭირა. საბრალო ცხენი სიმძიმისგან რკალივით გაიღუნა. საუბედუროდ, ცალი აბეანდის ღვედიც მკვიდრი არ აღმოჩნდა, სიმძიმისა გამო გაწყდა და გახუც კინალამ ცხენიდან ჩამოვარდა. — შე ბალაგარო და ოხრად დასარჩენო! — უკმაყოფილოდ წამოიძახა გახუმ და სხვა რა გზა იყო, ცხენიდან ჩამოვიდა. ბედი, რომ თანამის ნაქერი და სადგისი ჭიბეში ჰქონდა.

გახუ ცოტა შეწითლდა და შურიანი თვალებით შეხედა ფარნას მსუქან ცხენს, კოხტა შაგრენის ბალიშთან და მოვერცხლილ უზანგებიან უნაგირს და გამწყდარი ღვედის მიკერებას შეუდგა, თან თავისი თავიც შეაქო ასეთი კარგი ჩვეულებისათვის. რომ თანმასადგისს მულამ ჭიბით ატარებდა, თან დაწყებული ლაპარაკი გააგრძელა:

— ერთი სიტყვით, დიდად სასიამოვნოდ მიმაჩნია, ჩემ შვილებს გეფიცები, რომ კარგი კაცი გამოხვედი.

— კარგობა სად არის, ბატონო, — ცოტა მორცხვად მიუგო ფარნამ.

გახუმ, როგორც იყო, უზანგის ღვედი მიამაგრა, ისევ ცხენზე შექდა და გზა განაგრძეს. აზნაური მაინც ამაყად იჯდა ცხენზე. ხან მარჯვნივ გადაჭდებოდა გაცვეთილ ჭალიშზე და ხან მარცხნივ. აბეანდებზე კი ფეხს ახლა ძლიერ ფრთხილად აქერდა.

— აა, ბევრი ფული მიგაქვს ჭიბით? რა გასაცარცვავეი კაცი ხარ, შაპაჯირობა რომ იყოს, — ისევ გაეხუმრა გახუ.

— შენ ის თქვი, იქით არ გაგცარცვო, — ხუმრობით მიუგო ფარნამ.

— მე? — მწარე ღმილით მიუგო გახუმ. — მე რა უნდა წამარ-

თვა? ერთი ვახვრეტილი კაპეიკი ჯიბაში არა მაქვს. ჩემ ცხენს და უნაგირს ხომ ხედავ, რაც არის. ეს ხანჯალი? — ერთი ხელი ვახუშ ხანჯლის ტარზე დაადო და მეორე ბოლოს მოჰკიდა. — ეს ხანჯალი: ომიანობა წელს ვიყიდე, ბათუმი რომ ავიღეთ, იმ წელს, მილიციამი ვიყავი, ვერცხლი არ ასხია და ოქრო. კერძოების ტყავით ჰქონდა ქარქაში შეხვეული და ახლა ესეც შემოელა. როგორც შენ არ ამოგიღია, არც მე, აგერ ათი წელიწადზე მეტი იქნება და არც გამისინჯავს, პირი ქარქაშიდან ამოვა თუ არა. არც ახლა მინდა გავსინჯო. ვფიქრობ, ჩაყანგული უნდა იყოს. სხვა რა, შვილო, ვინ რა უნდა წამართვას? შენ კი სხვა საქმე გაქვს, ახალი ხილი ხარ... მაგრამ ჯერ ეს მითხარი, რა ქაღალდს იყო, რომ ისე გულმოდგინეთ კითხულობდი? თამასუქი იქნებოდა, ან შეიძლება ქალმა ბედდამწვარმა მოგწერა ბარათი.

ფარნა კარხალივით გაწითლდა და ინსტინქტურად ხელი ჯიბისკენ წაიღო.

— ოპო, მივხვდი, ნუ გეშინია, არ წაგართმევ... აბა მე რას არ მივხვდები! სადა ხარ. დროებავ, სადა ხარ, სიყმაწვილევ, მოგიკვდეს გახუ, ვახუ მოგიკვდეს, თუ ყოველთვის ასე ვახუნებული ვყოფილიყავი. მე შენ გეტყვი, ბიჭი არ ვიყავი, აი! ომიანობის დროს სულ სირმით მქონდა გულ-მკერდი აქრელებული. ბედაურზე ვიჯედი, მერე ჭვავლუხ მარლანის მივყიდე თხუთმეტ თუმან ნაღდ ფულად, სხვა რა გინდა? ქალებში ხომ პირველი კაცი მე ვახლდი. ჯიბაც არ მქონდა ღეთის წყალობა ცარიელი და ქალები? როგორც ფუტკრები: სარაქს, ისე მეხვეოდენ. მწუწნეს და მწუწნეს, სანამ ქონება გამაჩნდა. მეც ვწუწნე, რა დაგიმალო. მაგრამ როცა ცოტა მოვხუციდი, თავლი გამომელია, ფიჭა დავრჩი... ჰეჰეი, გუშა, როგორც გველი წურწუფას* გაურბის, ისე დაიქსაქსნენ ის ოხრები... აა... ა... მაგათ... ახლა, შენც სახელი რომ გავივარდა, ალბათ აქეთ-იქით მოგიფრინდებოდნენ გასაწყვეტი მტრედები... იცოდე, ფრთხილად იყავი, არ გაგიტყუონ, თორემ ასე ვაგბთიან, როგორც აი... — აქ ვახუშ მარჯვენა ხელის სალოკი თითი პირში იშვლიჭა, ისევე გამოიტანა და ფარნას უჩვენა, თან ისეთი სასაცილო სახე მიიღო, რომ ფარნამ ვერ მოითმინა და გადაიხარხარა.

— ოსეყმის სულს გეფიცები, — დინჯად უთხრა ვახუშ, — ქალებმა ამოკვდეს, ძმაო, ქვეყანა.

ისინი მიუახლოვდნენ ისეთ ადგილს, სადაც გზა ორად იყოფო-

* წურწუფა — გოგირდი.

და. გახუ გამოემშვიდობა და ქალისკენ წავიდა, ფარნა კი სერების-
კენ აღმავალ გზას აყვა.

ფარნა იმ ღამეს შინ ცოტა გვიან დაბრუნდა. ვახშამი შესთავა-
ზეს, მაგრამ უარი თქვა. არ შიოდა. თუმცა აღრე დაწვა, მაგრამ ძი-
ლი დიდხანს არ მიჰკარებია. რალაც გამოურკვეველ მდგომარეობაში
იყო. ხანდახან თითქო ნახევრად ეძინა, ნახევრად მღვიძარე იყო.
მთელი მისი არსება ტასიას გარშემო ტრიალებდა. ათასნაირი სა-
ხით ელანდებოდა, ხან მოწყენილად, ხან მხიარულად, ხან მომავა-
ლი მისი საიდუმლო შეხვედრა ეხატებოდა, ხან ფიქრობდა, ვითომ
შეუტყვეს და ერთი ალიაქოთი ასტეხეს მძებრაძეებმა. ცდილობდა
უკუეგდო ასეთი საზარელი ფიქრი. მაგრამ თითქო მოსყიდულიაო.
გონებიდანაც არ შორდებოდა. ხან წარმოიდგენდა თავის თავს
ტასიაზე ჭვარდაწერილს, თუმცა ასეთი მეტისმეტი სამხიარულო
ოცნებაც ვერ გაებედა. თითქმის გათენებისას, როგორც იყო, ჩაეძინა.

— აბა, აბა, ფარნა, ეს რომ არ იცოდი, რა ამბავია, ავად ხომ
არა ხარ? — აღვიძებდა მეორე დილას ივანე. — დღეს ხომ სადილო-
ბამდი გზას უნდა დავადგეთ, ბასილის სიმინდიც დასაზომავია.

— აა... ბასილმა რა თქვაო! — შეშლილივით წამოიძახა ფარნამ
და გამოიღვიძა.

— მე რა ვიცი. ბასილი რა და რას არ ამბობს, — სტამბოლიდან მო-
ყოლებული საჩერქეზამდე. რაც ამბავი მომხთარა, ყველას ლაპარა-
კობს, მაგას მე რას დავეძებ. ადე, კაცო, დიდი ხანია, რაც გძინავს, არ
დაგვაგვიანდეს, — გულმეწუხებულად მიუგო ივანემ.

X X X V I I

უხერხული მდგომარეობა

თეძა ბოქოკიამ ჩვეულებრივ ივანშმა. ცერის სისხო ყველის ნა-
ჭერი და დახალვის გამო ნაცრით შეგლესილი ღომის ნატეხი, და
ისიც არასაკმარი, მუცლისკენ გაგზავნა და სახლის გარეთ მისგანვე
ხელდახელ შეკონკილ ტახტზე ძველი ქუქკიანი ლეიბი დაიგო და
ზედ გაგორდა.

ძილი არ ეკარებოდა. ან რა დააძინებდა. ცალკე შიმშილი აწუ-
ხებდა: ერთი კვირა გადიოდა. რაც რიგიანად არ გამძღარიყო; ცალკე
ის აშინებდა, რომ წლევანდელი მისი მოსავალი ვერაფერ ბევრ სა-
ნუგეშოს წარმოადგენდა მისი წვრილ ცოლ-შვილისათვის. ზამთარი
კარზე მომდგარიყო და. ერთი ღერი შეშაც არ ჰქონდა მომზადებუ-
ლი. მოტანის თადარიგშიაც არ იყო, კიდევაც რომ ყოფილიყო, ბევრს

ვერაფერს გააწყობდა, რადგან არც ერთი მეზობელი არც ურემს და არც ხარებს არ ათხოვებდა. ამ საღამოს რაღაც განსაკუთრებით ნათლად წარმოუდგა თავისი უნუგეშო მდგომარეობა და გულის სიღრმეში დაუდევრობა-ზარმაცობისათვის თავის თავსაც გამტყუნება დაუწყო. გაასენდა ის დღე მარტის პირველ რიცხვებში, როცა დათბა და ჰაერშიც გაზაფხულის სუნი დატრიალდა. მისი მეზობლები ზოგი სიმინდის ღეროების მოსაწმენდად და მინდვრის სახნავად მოსამზადებლად წავიდა, ზოგიც ღობეებისთვის წცნელის საკრელად გაეშურა, თვითონ კი იმ დღეს შინ უსაქმოდ იჯდა.

„უსაქმობა რათ იყო, — მოეშველა ვეწილივით დამცველი აზრი. — იმ დღეს კაცი შეპირებული გყავდა, დარუია კოკლს რომ არიგებდი. კიდევაც იმ დღეს გადაწყდა მისი საქმე და კაი ხარის და თხის ტყავები იკრა შენმა კულამაო“. „ეს, თუ გინდ, ვთქვათ კარგი, — არ ცხრებოდა ბრალმდებელი აზრი, — ეს რატომ იყო, რომ სხვები გიშერივით შავ სიმინდს მარგლავდნენ და შენ ძლივსძლიობისას ხნავდი მაშინ? სხვები მეორედ მარგლავდნენ და შენ პირველადაც არა გქონდა გათავებული და ეშმაკიც ვერ გაარჩევდა სიმინდს ღვარძლისაგან. ამის შედეგი კიდევაც ისაა, რომ შენი სიმინდი სიმაღლით კაცს ვერ დაფარავს, ოცი ღეროდან ხუთს ტარო არა აქვს და ამისთანა ყანის პატრონი რას უნდა მოელოდეს, რით უნდა ირჩინოს თავი, კარზე მიმდგარ ზამთარში?“ დამცველი აზრი ისევ მოეშველა: „რა უნდა მექნა, რა უნდა მექნა, მარტოხელი კაცი ვარ. ხარები არა მყავდა, სახნისი არა მქონდა, სანამ თავისი არ გაათავეს, არავინ მათხოვა და დავვიანებული ნამუშევარი სუსტი და მჩატე გამოდგა...“ „არა, არა, არა, მოითმინე, მაგისტანებით თავს ვერ გაიმართლებ, — ვადაუქრა გამამტყუნებელმა ფიქრმა და ისეთ სასტიკ გამტყუნებას უქაღდა. რომ კულა წინდაწინვე შიშისაგან ათრთოლდა და დახეულ ლეიბზე ძალზე გაგორ-გამოგორდა. წვრილ პალოზე დაბჯენილი ტახტი საცოდავად აქრიჭინდა და წასაქცეველადც ერთ მხრივ გადაიხარა. ამ დროს ძაღლმა ულაზათოდ დაიყეფა და სახლის წინ კაცმაც დაახველა. თემა გამოერკვა, სულის შემხუთავი დარდები დროებით გადაავიწყდა და ზეზე წამოვარდა. ხმით იცნო ვინ იყო ახალმოსული.

— აქეთ მობრძანდით, ბატონო, — მიიპატიეთა კულამ.

— არა, აქ მოდი, — მიუგო მოსულმა. სტუმარი ძუკუ მძებრადი იყო.

ორივენი სახლიდან ათიოდ საეენის სიშორეზე ჩამოსხდნენ. ბნელი ღამე იყო. ცა ვარსკვლავებით მოქედილი. მახლობელ ტყეში ბუწრიპინებდა. მინდვრის ბაყაყის ყიყინიც მოისმოდა.

— ასე გვიან რამ შეგაწუხხათ, ბატონო, — მოიბოდიშა კულამ.

— მებოდიშები, განა?

— რაზე ამბობთ მაგას, ბატონო!

— მე შენ შემომაკვდები, შე უბედურო!

— რატომ, ბატონო? — მშვიდად მიუგო თემამ და გაიცინა.

ძუკუსაც გაეცინა. ჩქარა ისევ დინჯი კილოთი უთხრა:

— კიდევ გეცინება? კაცი მეტი არა ვარ, ლამის გავეგუყდე. ან რად დაიწყე საქმე. ან რად არ ათავებ?

— რა ვქნა, ღმერთმა ამოაგდოს...

— რა ვქნა კი არ გიშველის... ან უნდა...

— მომითმინე, ძუკუ, შენ ძლიერ ჩქარობ, მათქმევინე, — საქმისანი კილოთი მიუგო კულამ.

ძუკუ ჩაჩუმდა, ყურს უგდებდა.

— ღმერთმა ამოაგდოს, ახლა ისიც საეშმაკოდ გამოჩნდა. ქუჭა საიჭიოს გავგზავნე მეგონა და ქუჭა კი არა, მეორე ისეთი გამოჩნდა, რომ სულ ავევრიხა დავთარი. ის ფარნაა, თუ ვილაც ქაკი ცხენია, მოერთრია... გუშინწინ თხებს მიყობოდა. თავის დღეში ის კაცი თუ გამოვიდოდა. არ მეგონა და ახლა გადმობრუნებულა ყაზახი, ბატონო. მაგრამ რაეა! თავადიშვილი რა შუაშია! რაც ის მოვიდა, მას აქეთ მათი სახლი სასამართლოზე უფრო ხალხიანია. დღეში უკანასკნელი ორმოცი კაცი მივიდეს. თუ გინდა ორი იყოს. მერე რა დროა, ღმერთო, მომკალი. ეს ხალხის მოსვლაც რომ არ თავდება. ზოგი წინიდან მოდის. ზოგი უკანიდან, გზას კი არ დაგიძებენ. ზოგს ბეი უნდა, ზოგი ანგარიშს უსწორებს, ზოგს კამეჩ-ურეში ჰყავს და სიმინდის წაღებას ურიგდება. ერთი სიტყვით, მისი სახლი ნამდვილი კანცელარიაა, იმ ქოფაკმა, იმ ნიკოიამ შემქმამა. ერთხელ მივედი. მივედი, რაღა, პატიოსნად, წინა კარებიდან. დილა მშვიდობისა-მეთქი. სიმინდი ზომ არა გაქვს, თემა, გასაყიდო. — მაშინათვე მომახალა და უღვაშებში კი იცინოდა, მაგ ქუსლშებრუნებული, მაგი, ფარნამ კი, ღმერთს მართალი უყვარს, ღმერთმა გაგიმარჯოსო, ზრდილობიანად მითხრა. მეტი არაფერი.

— შენ რა უთხარი მერე? — დაეკითხა ძუკუ.

— რას ვეტყვოდი, არა-მეთქი. — მაშ რა გინდაო, დამიძინა. მოვახერხე როგორც იყო, რაღაც მიღებ-მოღებული. ვინცხას ვეძებ-მეთქი, მაგრამ რომ არ გამოდიოდა ლამაზი, მეც ქე ვხედავდი. მაშინ, რა თქმა უნდა, ვერაფერი გავაწყემერე, შვილებს გეფიცები, ოთხჯერ მაინც მივედი. სად არ ვუღარაჯე.

ერთხელ კინალამ მამასახლისი შემეფეთა. შუაღლე იყო, მაგრამ ისეთ საიდუმლო ალაგას ვიყავი, რომ ვენახე, უსათუოდ დამიქერდა. გურამის მოპარულ ხარს ეძებდნენ. ძლივს გადავრჩი... მხოლოდ გუშინწინ ერთი წუთით შევხვდი, წყლის მოსატანად მიდიოდა. ჩქარა, თორემ უკანიდან მოდიანო, მაშინათვე ეს მომახალა. მეც. რა თქმა უნდა, ასე-ისე-მეთქი... რა ვქნა, ხომ ხედავ. ხალხი როგორ ირევა, თავისუფალი დრო ვერ მომიძებნიაო. შაბათს მგონი იქნება თავისუფალი დრო. ფარნა ამბობს, რომ იმ დღეს ისეთი საჩქარო საქმეები მაქვს, მთელი დღე შინ არ ვიქნებიო. სალამომდი ბაბაც და ბიჭებიც შინ არ იქნებიანო. მეტი ვერაფერი მოვახერხე, მაშინათვე გაიქცა და მოგეცა სიმრთელე და გახარება, მეც საჩქაროდ ვსტიციე თავი ხშირ გვიმრავში, თორემ რომ ვენახეთ, მამასახლისი კი არა, მირონპოსტონიკზე უარეს დღეს დამაყენებდნენ.

— ვინ მოსდევდნენ მაგას?

— ვინ იქნებოდნენ! მისივე ძმები და ერთი ვილაც უცნობი, ალბათ, ფარნას ამხანაგი იქნებოდა ვინმე. ისეთი ხარხარით და კისკისით მირობოდნენ წყაროსაკენ, რომ...

— მაგათი კისრის მოტეხა, მაგათი კისრის მოტეხა, მაგათ კისკისი. და მე გულზე ალი მედება, კაცო. ერთხელ მაინც დავეკონო მაგის მსუქანი ლოყები. ერთი ჩავიმტვრიო ხელში მაგისი ბეჭები და მერე თუ გინდ დაიქცეს ქვეყანა. მაგის გულისათვის სხვა ქალები მომემდურნენ. მისაყვედურებენ, რა მიზეზია, ჩვენზე გული აიცრუეო.

— ეს ასე, ძუკუ, მაგრამ ერთი უნდა გითხრა: მე იმდენს ვერაფერს გავაწყობ ამისთანა საქმეში, რამდენსაც შენ. შენ უნდა ეცადო, შენ უნდა გამოელაპარაკო, შენ უნდა დააჯერო, თორემ ჩემთან კიდეც რცხვენია ოჯახდაქცეულს, კიდეც... ცოტად, ჰო. შენ ისე არ მითხარი? თუ საჭიროდ ნახო, აღუთქვი, ცოლად შეგირთავსო. ამით პირს ვუფერებ, თორემ ისე უცხო არ არის. ახლა როგორც გინდა თქვი, ძნელია... მისი ძმა სიმინდის ფურჩასავით ასიანებს აფაჩუნებს და ტყუილი არ არის, რომ...

— შენც ერთი!.. — უკმაყოფილოდ მიუგო ძუკუმ. — უთხარი მერე, თამამად უთხარი, რას ებოდინებ. უსათუოდ ცოლად შეგირთავს-თქვა. შენს გარდა ცოლი არ უნდა-თქვა. რა გენადღელება, არ ვიცი? თუ ასეთი უბრალო რამე შემოაგდებს ბაღეში უთხარი, უთხარი, დაარწმუნე. ერთი ჩამივარდეს ხელში, მერე მე ვიცი, როგორ უნდა შერთვა. ცოლად შერთვა კი არა ამან; ამანს ვაძახებ; რამდენი მაგისთანა გოგოებს გაუთამაშებს ძუკუ, ყველა თუ ცოლად შეირთო, ბასილი მძებრადის ქონება კი არა, კნიაზ მინგრელსკის არ აუვა.

— ასეა, ჩემო ბატონო, იცი, რომ ამაზე უკეთესი დრო არ იქნება. შაბათი ხომ ზეგ არის?

— ეს მესმის, კარგი ამბავი მოგიტანია. ასე, შუაღლისას მივიღე?

— დიახს!

— ეს კარგი, კარგი, — მიუგო ძუკუმ. შენს გარჯას, ნუ გეშინია, დავაფასებ, ახლა კი აი, მეტზე ნუ დამემდურები, — და ხელი გაუწოდა ძუკუმ და რაღაც დაკმუჭნული ქალაღი მისცა.

კუღამ სუნით იცნო რა ქალაღი იყო და სიხარულით კინაღამ ხელზე აკოცა.

ძუკუ შინ წავიდა. კუღა ისევ დასაძინებლად გაეშურა. „რამდენია. ნეტავ ვიციოდე“, ამბობდა გულში კუღა. სიბნელისა გამო ქალაღის სახეს ვერ არჩევდა. სიფართო კი მანეთიანისა ჰქონდა, მაგრამ კუღას ფანტაზია უფრო მეტად სახავდა. ბევრი ატრიალა ქალაღი, რამდენჯერმე უსუნა, მაგრამ სუნით, აბა, რაღას შეატყობდა. ქალაღის ფულს ყველას ერთნაირი სუნი აქვს. სხვა გზა არ იყო, ცეცხლი უნდა აენთო და განეხილა. „სამმანეთიანი მაინც თუ არის“, ფიქრობდა თემა და წარმოიდგინა რაში და რაში გამოადგებოდა. საუბედუროდ, საჭიროებამ გადააპარბა სამ მანეთს. „ხუთიანი თუ არის“, გაუელვა აზრმა, და ისიც შეუდარა საჭიროებას. აქაც საჭიროება მეტი გამოვიდა. ვთქვათ, ეს ქვეყანაც რომ დაიქცეს, მაინც არ იქნება, მაგრამ მაინც ისე. ტყუილად, ვთქვათ თუმნიანია. საჭიროებამ თუმანსაც გადააპარბა, მაგრამ თუმნად ბევრ მიუცილებელ უსიამოვნებას გადაიდგებდა თავიდან. ეე...ხს ეს ფული თუ ახლა თუმანი გამოდგება, წმიდა გიორგი ხორციელი! — შეევედრა კუღა. — ერთ ბატკანს, ქვეყანაც რომ ყირამალა გადატრიალდეს, მაინც ვაახლებ შენ კაი თავს,“ — ამ ფიქრით კუღა ჯარგვალში შევიდა, კერაზე ნალვერდალი გაჩხრიკა, ნაკვერცხლებს ჩაუბერა, ფიჩხიც მიუმატა და ცოტა ალი გააჩინა. გულოს ფანცქალით მიიტანა ალთან ქალაღი, თითებს მაგრა უქერდა, ერთიც დახედა და დაღონებულმა ნალვერდალს ისევ ნაცარი შემოაყარა. ქალაღი ერთი მანეთიანი იყო. „რა დაგკარგვია და რას ეძებ“, ჩასჩურჩულა რაღაც ხმამ ყურში, — ორ ღღეს დილიდან საღამომდი შრომობენ და ამდენს ძლივს შოულობენ და შენ თითქმის მუქთად იშოვნე. მანეთად ათი არშინი მიტკალი იყიდება“. ამასთანავე თავისი თითქმის ტიტველი ბავშვები გაახსენდა. წარმოიდგინა, როგორ შემოსავდა ეს ქალაღი მათ პერანგით მაინც. — „ესეც კარგია,“ — სიამოვნებით დაუმატა და ისევ დასაძინებლად მიწვა.

* * *

მესამე დღეს, შაბათს. შუადღისას ძუკუ მძებრადე მელატურასავით ეპარებოდა ნიკოია თოხიტარის ეზოს უკანიდან. ფოთლის ყოველ შრიალს ან ჩიტის ტოტიდან ტოტზე გადაფრენას ყურადღებას აქცევდა და ტანში აყრყოლებდა. სამზად სახლს მიუახლოვდა და შეჩერდა. აქამდე ზოგან მაღალი სიმინდი იყო, ზოგან ტყე, და ვერავინ შეამჩნევდა, აქედან კი, როგორც სამზადი სახლის, ისე სასტუმრო სახლის წინაპირი და გზის დანარჩენი ნაწილი წარმოადგენდა მწვანე მინდორს, სადაც აქა-იქა, მეჩხერად, სხვადასხვა ხეხილი იდგა და კაცის კი არა, ქათმის გარჩევაც შეიძლებოდა.

ძუკუმ ფრთხილად დაათვალიერა კარ-მიდამო. გარეთ კაცთაგანი არავინ იყო და სახლშიაც არავითარი ხმაური ისმოდა.

პირველად ქათმებმა შეიტყეს მისი მოსვლა; იქვე, სამზადის გვერდით, სიმინდებში ჭიებს ეძებდნენ და ძუკუს დანახვაზე უკმაყოფილო კაკანი ასტეხეს. მეტისმეტად ცხარობდა ერთი დედალი. ამას რას ვხედავ. ამას რას ვხედავო. „სწორედ, სწორედ“ — უდასტურებდა მამალი და ამაყად ათვალიერებდა ახალმოსულს.

— ჰოუ, ჰა, ჰა, ა, ა! — მოისმა ქალის ნაზი ხმა სასტუმრო სახლის წინა აივნიდან.

ძუკუ მიხვდა, რომ გაიანე შინ იყო. ორი-სამი ნაბიჯი უკან დაიწია, სიმინდიანში შევიდა და სულგანაბულმა და ცოტად წელში მოხრილმა მოლოდინი დაიწყო. პირდაპირ მისვლა ვერ გაბედა. შეიძლება ვინმე სტუმარი ან ვინიცობაა ერთ-ერთი შინაურთაგანიც შინ იყოსო.

ქათმების ხმაზე სახლის გვერდით მწოლარე ძაღლიც გამოერკვა, თავი მაღლა აიღო და ძუკუსკენ უგულოდ ყეფა დაიწყო. ფო, ფო, ფო! — ძახლა გიშერა და თავს ოდნავ აკანტურებდა, ტანი კი არ შეუნძრევია, რკალივით იწვა.

ძუკუ რამდენიმე წუთი ელოდა, მაგრამ სახლიდან არავინ გამოვიდა, ისეც სიჩუმე ჩამოვარდა. ცოტა ხანი კიდევ მოითმინა, ერთი აქეთ-იქით მიიხედა. დაავლო ფხვიერ მიწას ხელი, აიღო და ქათმებისკენ ისროლა. ქათმებმა საშინელი ტკრციალი გააბეს და ფრთაგამრლით იქით-აქეთ გაიფანტნენ.

— ჰოუ, ჰა, ჰა, ჰა, ჰა! — ახმაურდა გაიანე და ქათმებისკენ გამოიქცა. ეტყობოდა, რაღაც არშიას ქსოვდა, რადგან ცალ ხელში თეთრი ძაფის გორგალი და ახლად დაწყებული ქსოვილი ეჭირა, მეორე ხელში კი თეთრტარიანი ყაისნალი. ტანზე, ქვევით ჩითის კაბა ეცვა, და ზევით პერანგზე, მიტკლის თეთრი კოფთი ღილებზეუბნევი ფარ-

ფაშობდა. გულ-მკერდი თითქმის უჩანდა. თავი შიშველი ჰქონდა და ფეხებზე სამოგვის ქალამნები ეცვა.

გაიანემ ჰოუ. ჰოუს ძახილით სასტუმრო სახლის გვერდით გაირბინა და შეშინებულ ქათმებს თვალღებება დაუწყაო.

„კრუხ, კრუხ, კრუხ,“ კრუხუნებდა სამზარეულოს გვერდით მაღალ ბალახში მიმალული კრუხი. ათიოდე პაწაწინა წიწილა ფრთებქვეშ შეეფარებინა, ორიც შესვლას აპირებდა, მაგრამ ადგილი აღარ იყო. ერთი კი დედას ზურგზე ეჯდა და ერთი ბეწო ნისკარტით ბუმბულზე უცაცუნებდა.

— ჰოუ! — დაიძახა გაიანემ და უეცრად გაჩუმდა. ძაფი და ყაისნალი ცალ ხელში დაიჭირა. მეორე ხელით კი ღილების შებნევას შეუდგა, თან შემკრთალი უკან-უკან იწევდა.

— გაიანე, გაიანე! — დაუძახა ძუკუმ.

— აქ მოდი, აქ, — ნახევარი ხმით მიუგო გაიანემ, ღილები შეიბნია. ხელი ტანისამოსზე წაისვ-წამოისვა და სახლის კედელთან შეჩერდა.

— შინ ხომ არავინ არის! — გვარიან თამამად დაუძახა ძუკუმ.

— არავინაა. შემოდი.

— წინიდან ვერ შემოვალ. შეიძლება მეზობლის სახლიდან დამინახოს ვინმემ.

— ვინ დაგინახავს, მოდი.

— არა, წინიდან ვერ მოვალ.

— მაშ, ამ კარებიდან შემოდი, — უკანა კარებზე მიუთითა გაიანემ და თან კარებიც შეაღო.

რამდენიმე ხნის შემდეგ ორივენი ოთახში ისხდნენ. ძუკუ ტახტზე იჯდა, შუა ალაგას, გაიანე კი წინა კარებთან ახლო. ძუკუ გვარიან ყოჩაღად გამოიყურებოდა, თუმცა აღელვებული იყო; სახე გაწითლებოდა, თვალებიდან ცეცხლს აფრქვევდა. ვნებათა ღელვად იყო გადაქცეული.

გაიანეს ფერი ცოტა შემკრთალი ჰქონდა, თან რცხვენოდა, და თან ცდილობდა თავი თამამად და ღირსეულად დაეჭირა.

— რამ მოგაწყინა, გაიანე! ჩემი მოსვლა თუ გეწყინა, ახლავე წავალ, — კარგა რიხიანად უთხრა ძუკუმ.

— რომ არა ვარ მოწყენილი, — მიუგო გაიანემ და ეშმაკურად გაუღიმა.

ძუკუ კიდევ უფრო აენთო. თავს ძლივს იმაგრებდა. სახე აებურძგნა და ცოტად კიდევ აძაგძაგდა.

— მაშ შენ იყავი, ქათმები რომ შეაშინე? რატომ წინა კარებიდან არ შემოდი?

— მომერიდა, ეშმაკს თვალი დაუდგეს, ხომ არ ელით ვისმე? — ცოტა არ იყოს შეშინებულად დაუმატა ძუკუმ.

— ვის უნდა ველოდე, ფარნა საღამომდი არ მოვა, ბიჭები და ბაბაც, ალბათ, საღამომდი არ მოვლენ, ჭვავს თესავენ ღობერაში.

— როგორ თუ ალბათ! რომ მოვიდნენ?!

— არა, არ მოვლენ, — სიცილით მიუგო გაიანემ.

— მაშ, ჩვენ ახლა მარტონი ვართ?

— მარტონი, — თავის ქნევით და ისევ ეშმაკური ღიმილით მიუგო გოგომ.

— აქ ჩემთან დაჯექი, გაიანე, — უთხრა ძუკუმ.

— აქ ვიყო, რა მიჭირს, აქედანაც ხომ კარგად გხედავ. — ყოველ სიტყვას გაიანე ისეთნაირ სიცილს და ბვალებს აყოლებდა, რომ ყმაწვილ კაცს ისარივით გულში ხვდებოდა.

— შორიდან რომ გხედავდე, რაღათ მინდა, ახლო მოდი, — თხოვნით უთხრა ძუკუმ და ქალს მიუახლოვდა.

ქალი თავდალუნული იდგა.

— რა არის, რომ ქალებს წვალება გიყვართ, გაიანე? — აღერსიანად უთხრა ძუკუმ. — შე უღმერთო, არა ხედავ, მეტი არა ვარ, არა ხედავ, როგორ გავხდი...

გაიანემ ახედა. ძუკუს გამხდარს არაფერი მიუგავდა. გაინჯღილებული ვაჟკაცი თითქმის კანში არ ეტეოდა. გაიანე ცოტა ხანს შეაჩერდა და ისევ საორკოფოდ გაულიმა.

— გაიანე. — ჩასჩურჩულა ძუკუმ.

— რა არის? — ჩუმადვე მიუგო ქალმა.

— არ გებრალები, შე ცეცხლმოკიდებულო!

ქალი ხმას არ იღებდა. ვაჟმა მარჯვენა მკლავის ნიდაყვთან ხელი წაატანა. ქალი არ უარობდა. ძუკუმ მეორე ხელიც მოჰკიდა. ქალი არ ეწინააღმდეგა. ვაჟმა ხელი წელზე შემოხვია და თავისკენ მიიზიდა.

— უუ... მეტკინა, მეტკინა, გამიშვი, გამიშვი, ძუკუ, — წაიჩურჩულა გაიანემ, თავი გაითავისუფლა, მეორე მხარეს გადავიდა და კუთხეში მიდგმულ ზედ ქურკლეულობა დაწყობილ მაგიდასთან გაჩერდა.

— რა არის, გაიანე, შენ გენაცვალე. გეწყინა რამე ჩემგან? — ნალვლიანად და თან საყვედურით უთხრა ძუკუმ.

— არა, არაფერი არ მეწყინა, მაგრამ...

— მაგრამ, რა მაგრამ, ხომ არა გჰამ, შე ქალო. რომ გამექეცი, — კიდევ უფრო უსაყვედურა ძუკუმ.

ქალმა არა მიუგო რა.

ცოტა ხანს სიჩუმე ჩამოვარდა.

„კვიტ, კვიტ, კვიტ“, ისმოდა ერთი ჩიტის ელურტული მახლობელი ხიდან. „ბეე“ საღლაც შორს მიაბღაველა ძროხამ.

— გაიანე! — დაუძახა ძუკუმ.

— რა იყო?

— ამას შენგან არ მოველოდი.

გაიანემ პასუხი არ გასცა.

ძუკუ ისევ თანდათან მიუახლოვდა, თან სააღერსო სიტყვებს ბლომად ეუბნებოდა, თან ნელ-ნელა ხელი წელზე შემოაველო, უცბად ლოყაზე დაეკონა და ხარბად დაუწყო კოცნა.

— უ!.. — ისევ დაიძახა გაიანემ, ცალი ხელი პირზე მიიფარა და მეორეთი მაგიდას ჩაეჭიდა, ასე რომ, თეფშებმა და კურკელმა წკარუნი მოადინა.

— გამიშვი. გამიშვი, ძუკუ, — ჩურჩულებდა გოგო და იმ იმედით, რომ კურკლების გატეხას მოერიდება და ხელს გამიშვებსო, მაგიდას არ შორდებოდა. მაგრამ ძუკუს კურკლების დარდი სრულე-ბით არ აწუხებდა. მას კურკლის წკარუნი არც კი ესმოდა, რაც ძალი და ღონე ჰქონდა. გოგოს თავისკენ იზიდავდა და კოცნიდა.

— გამიშვი. გამიშვი, ძუკუ, გეყოფა, დამაცა. რაღაც გითხრა, — ეუბნებოდა ქალი, რაკი ნახა, რომ ძუკუ არ ეშვებოდა, შესაძლებელი იყო მაგიდა წაქცეულიყო და კურკლეულობა დაღეწილიყო, ამიტომ მაგიდას ხელი გაუშვა.

ახლა ქალი უფრო თამამად ეწინააღმდეგა ძუკუს და ორივენი ზეზეურად წაიკიდნენ.

— კარგი რა, ნე ძალით ხომ არ მოესულვარ შენთან? შენ თანახმა იყავი, მეგონა, — მკვახედ თქვა ძუკუმ და ხელი გაუშვა.

გაიანემ ნაწნავები გაისწორა რომელიც, ცოტა არ იყოს, აებურძგნა და ისეთი დამცინავი სახით შეხედა ძუკუს, თითქო ეუბნებ-ბა — შე დალოცვილო, რაღა დროის ჩემი მოტყუება არისო.

— გაიანე, — უთხრა ძუკუმ.

ქალმა არა მიუგო რა.

— გაიანე, — უთხრა ძუკუმ ისევ, — ან შენი ხელით ყელი გამო-მჭერი, ან იცოდე, მეტი არა ვარ.

— ყელის გამოჭრა ღმერთმა გამოროს, — გულგრილად შენიშნა ქალმა.

— დედა ნუ მომიკვდება, აქ, შენ წინ, ჩემი ხელით თავს მოვიკ-ლავ, — გაბრაზებით წარმოთქვა ძუკუმ და ხანჯალზე ხელი დაიდო.

იმდენად ალტაცებული და გაცხარებული იყო, რომ გაიანეს, ცოტა არ იყოს, შეეშინდა და ლმობიერად უთხრა:

— ამ ზომამდი რათ ფიცხდები, ძუკუ. პატარა არც შენა ხარ და არც მე.

— პატარასავით კი ირჯები და რა ვიცი, — ცივად მიუგო ძუკუმ.

— პატარასავით რომ გავრჯილიყავი, შენ ახლა კმაყოფილი იქნებოდი.

— ქე მაინც რა გალაპარაკებს ასეთ შხამიან სიტყვებს... შეცეცხლმოკიდებულო.

— შხამიანს სრულებით არ ვლაპარაკობ, ძუკუ... გოგობა კარგა ხანია გავათავე. ნამდვილი სრულწლოვანი ვარ ახლა. მე რომ ახლა ბრიყვულად შევეცთე და თავი დავიღუპო, დიდი სირცხვილი იქნება ჩემთვის.

— შეცთიო, ვინ გეუბნება?..

— მომითმინე, ძუკუ... შენ ვაჟკაცი ხარ, კაი მამის შვილი, კაი აზნაურისშვილი ვაჟი ხარ შენ, შენ რა გიჭირს. მე კი ცალი ფეხი სამარეში მიდგია. მე რომ ახლა ნამუსი ავიხადო, მთელი ქვეყნის თითით საჩვენებელი გავხდები. შენ კი არხეინად შენს სასახლეში დაბრძანდები, შავი თვალები გაქვსო არავინ გეტყვის.

— მერე ვინ გლუპავს?

— დალუპული არ ვიქნები?

— რატომ?

— როგორ რატომ, კისერმოჭრილს დამტოვებ და...

— ეს ვინ გითხრა?

— რა თქმა უნდა, როგორც მეფის შვილი მე ცოლად არ შემირთავს, ისე არც შენ შემირთავ და რა გითხრა... — აქ თავი ძირს დალუნა ქალმა.

— რა იქნება ვითომ, რომ შეგირთო. ქვეყანა დაიქცევა?

ქალმა ათრთოლებული თვალებით შემოხედა.

— რაო, ვითომ, რაო, — გამოცოცხლდა ძუკუ, — ვითომ შენ რომელი აზნაურის ქალი გჯობია, ან შენ ძმებს რომელი აზნაურები სჯობიან. მაშინ მოკვდეს ძუკუ, შენ თუ რომელიმე აზნაურზე გაგცვალოს. ღმერთი თავდებად მომიცია. რაც დაგინახე და ჩემდა საუბედუროდ გულში ჩამივარდი, მას აქეთ დღე და ღამე სულ თვალწინ მელანდები, ღმერთი არ იცი? ლამის გადავირიო კაცი... შენ კი, სისხლის მაგივრად, ჩირქი გდგმევია ძარღვებში. განა არ ხედავ ჩემს ტანჯვას, ჩემო თვალის სინათლეც, ჩემო გვრიტო, — რაც შეიძლება, ლმობიერად მოუაღერსა ძუკუმ.

— რომ მომატყუილო, ძუკუ? — ნელა უთხრა ქალმა.

— მე? — მრავალმნიშვნელოვნად მიუგო ძუკუმ.

— ძნელი სანდოა...

— ჩემს სისხლს, ჩემს ღირსებას თავის დღეში არ შევკადრებ. რომ პატიოსანი სიტყვა ვთქვა და მერე გარდავთქვა.

ქალი ორქოფობდა.

— მაშ, შენ ასეთი მჩატე აზრისა ყოფილხარ ჩემზე, — ვითომდა ძლიერ იწყინა ძუკუმ. — მაღლობელი ვარ.

— არა, მე ისე, გულმოსასვლელად როდი ვამბობ, თუკი გულწრფელად გიყვარვარ, რას ჩქარობ, საქმე გავათავოთ კანონიერად და მერე შენი არ ვიქნები? — თავდალუნულად მიუგო ქალმა.

— შენ, წლოვანი ვარო ამბობდი, და გეტყობა, ჭერ არ ყოფილხარ, — დარიგების კილოთი მიუგო ძუკუმ. არ იცი, განა, მამაჩემის, ძველი ხახურაზის ამბავი? გინდა ალიაქოთი აატეხინო. ეს საქმე ნელა უნდა შევაპაროთ, თორემ ასე ტუყურად ხომ არ შეიძლება. შენ ნუ ჩქარობ მაგას, მე დამაცალე და თუ გავაფუჭე საქმე, რაც გინდა, ის მიქენი, ღმერთი თავდებად მომიცია. — აბა, რას მეტყვი, მეტი არა ვარ.

ქალი ღუძღდა.

— ამდენი რა გინდა, ჩემო თვალის სინათლე! შენ ჩემი ხარ და მე შენი, — ესეც თქვა ძუკუმ, გაეჭანა და ქალი გულში ჩაიკრა.

— ოხ... ოჰ! შე კაცო, ოხ, — არც მაინცდამაინც დიდი მოწინააღმდეგის კილოთი დაიკრუსუნა ქალმა და თვალეზი მიბნინდა.

— შენ გენაცვალე, შენი ჭირიმე, — ლულულუღებდა ძუკუ და სახეს, ლოყებს და ყელს კოცნით უდაღავდა.

ქალიც ნელ-ნელა მინებდა, ვაჟს კისერზე ხელი შემოხვია. ჭერ ფრთხილად აკოცა ტუჩებზე, მერე უფრო მაგრა და მაგრა ჩაეკონა.

ძუკუ საშინლად აღელდა, ერთი წინა კარებისკენ გაიხედა და ქალს მეორე ოთახის კარებისკენ წევა დაუწყო.

— რომ მოვიდეს ვინმე, ძუკუ? — ძლივძლივობით თქვა სულშეხუთულმა გოგომ.

— გხნა ვინ მოვა, შენ არა თქვი, არავინ მოვაო.

— არავის არ მოველი, მაგრამ.

ისინი უკანა ოთახში შევიდნენ...

— ყხ, — მოისმა ხველა წინა აივნიდან.

ქალ-ვაჟი გაშეშდა.

— ყხ,—ისეც მიახველა უცნობმა. — ჰეი, მასპინძელო, — ხმაზე ეტყობოდა, რომ ვიღაც მოხუცი უნდა ყოფილიყო.

— ვინ დასალუპავია, ღმერთო, ახლა მომკალი, — ჩუმაღ თქვა ძუკუმ. ამ დროს მზად იყო ამ უცნობისათვის ხანჯალი ტარამდის გულში ჩაერქო.

— არ ვიცი, ვინ არის? — ჩუმაღვე თქვა გაიანემ.

— ღმერთო, მომკალი, ახლა როგორ?..

— შენ აქ იყავი, მე ერთ წუთს გავალ, ვნახავ, ვინ არი, — მიუგო გაიანემ. პირზე ორივე ხელი რამოდენიმეჯერ მოისვა და კაბაზე დაიხედა.

— ჰეი. მაინძელო! — გულშეწუხებულად იძახდა სტუმარი.

— ვაი შენ და ზურნა, — ჩაილაპარაკა ძუკუმ და მის სახელზე ლაზათიანად ჩააფურთხა.

— მობრძანდი, ბატონო! — გასძახა გაიანემ და მიეგება.

— ოო... ბაბაია, არავინ იყო მეგონა, — თქვა ახალმოსულმა. — აი სიკვდილს თვალი დაუდგება. ქალია, ბაბაია, ოჯახის დამამშვენებელი, — მოისამძიმრა სტუმარმა, ალბათ გაიანეს დედაზე და ღიღეღაზე ნაღვლობდა.

გაიანე აივანზე გამოვიდა.

აივნის წინ იდგა ერთი მოხუცი, რომელიც რამდენჯერმე კი ენახა, მაგრამ არც სახელი და არც გვარი მისი გაიანემ არ იცოდა. მოხუცი ერთი მუჟა კაცი იყო. თოვლივით თეთრი, მოკლე წვერ-ულვაში ჰქონდა. თავი მოძველო ყაბალახით ჰქონდა შემოხვეული, დაგლეჯილი და მოკლე ნაბადი განზე ეხურა და ხელში ჯოხი ეკირა.

— მობრძანდი, ბატონო, — მიეხმაურა გაიანე.

— კი, ბატონო, — აუჩქარებლად თქვა მოხუცმა და ნელ-ნელა აივნის კიბის საფეხურებზე ამოვიდა.

გაიანემ სკამი გამოუტანა და მოხუციც ჩამოჯდა, ზურგით კედელს მიეყრდნო.

— ნიკოია არ არის, ბაბაია! — ალერსიანად ჰკითხა მოხუცმა.

— არ გახლავს, ბატონო.

— არც ბიჭებია?

— არ გახლავან?

— სად არიან?

— ბაბა, პეტრე და ათანასე ჰევას თესავენ დობერაში, ივანე და ფარნა სიმინდის საყიდლად დადიან.

— ჰოო, ბაბაია, მეც ის სიმინდის მყიდველები მინდოდა... შენ, ბაბაია, ნიკოიას შვილი ხარ?

— დიას, ბატონო!

— კაი დაგემართოს, ბაბაია, კაი ცირა დარჩენილხარ დედას. შენ

ქე არ მიცნობდე იქნება, ბაბაია, მე თუთაშხია მოწებაია ვარ, აქ, ვალმა ვსახლობ. შენი ბაბა კი კარგად მიცნობს. ცხონებულ დედა-შენსაც ვიცნობდი... ქე მქონდა, ბაბაია, ერთი-ორი კაკალი. ღვთის წყალობა, სიმინდი. შენი ძმა მიქეს, კაი ფასს აძლევსო, თორემ სიმინდის მყიდველი... თმის სიხშირე დაფაფუნობს... და მეც წამოვიჩანჩაღე... მაგრამ. — ბუზღუნით წარმოთქვა მოხუცმა, — დავბერებულვარ, სულ დავბერებულვარ. ბაბაია... მე მამაშენზე დიდად უფროსი ვიქნები. ის პატარა თიკნებს რომ მწყემსავდა, მე მაშინ ყირიმის თოფი მეკიდა. ერთად კი ვთამაშობდით... — მოხუცი ყოველ სიტყვაზე ჩერდებოდა, ამოქნარებდა და ნელ-ნელა აგრძელებდა: — მეტი არ ვყოფილვარ, ბაბა, მეტი არ ვყოფილვარ. უფრო თამამად წამოვიდრდი, მეგონა, მაგრამ, ჰო, არა, ღონეს უღალატნია. ეს მუხლები მაშინათვე ჩამეკეცება, როცა ცოტა მეტს გავიარ. ამ აღმართზე სულ ვერ დავატანე ძალა, სულ ვერ გავდგი ფეხი. მოხუცმა ფრთხილად წაიგლო ხელი ქამარზე და ერთი მოკლე ტარიანი უშნო ჩიბუხი ამოიღო და არა ნაკლებ გამურულ ქისაში თავი ჩაუყო.

— შენ კი, ბაბაია, ერთი ცეცხლი მომიტანე, ეს სათუმო რომ არ მოვწიო. არ მარგია, ეს ოხერი, ეე...ნანაია, შური, ატა, ტა, ტა, ტა, ტა, — აკვნესდა მოხუცი, მუხლებზე ხელები დაიჭირა, კბილებს აღრეკვით ადგა, ერთიც გადააფურთხა და ისევ სკამზე ჩამოჯდა.

გაიანემ ასანთის კოლოფი მოიტანა.

— აა... ბაბაია, სიფიჩქა მომიტანე? მუგუზალი მოგეტანა, თორემ ამას ხეირიანად ვერც კი მოუყიდებ. საკვესი დამეკარგა. ვაი, ახავაი, ისეთი საკვესი მქონდა, კაჭალია აბაზად ღირდა. ორი წელიწადი ქე მემსახურა. სად დავკარგე, არ ვიცი. — თან ლაპარაკობდა მოხუცი, თან ერთი ღერი ასანთი აიღო და გაუბედავად კოლოფზე წასმულ წამალს წაუხახუნა.

— მაგრა ჩამოკარით, ბატონო, — შენიშნა გაიანემ, რომელიც ფეხზე იდგა და მოხუცს ცოტა დაცინვით შეჰყურებდა.

მოხუცი შეეცადა მაგრა ჩამოეკრა, კიდევ ჩამოკრა, მაგრამ ასანთის ჩხირი შუაში გადატყდა.

— მომითმინეთ, მე მოვეყიდებ, ბატონო, — უთხრა გაიანემ და მოხუცისაკენ მიიწია. ასანთის კოლოფი გამოართვა. ერთი ჩხირი აიღო, მოუყიდა და თუთუნით გატენილ ყალიონზე დაადო.

— აა... აა... დაგლოცა ღმერთმა, ბაბაია, ჰამ, ჰამ, ჰამ, — სიამოვნებით უჰაპუნებდა ჩიბუხის ტარს და სქელ-სქელ ბოლს პირიდან უშვებდა. — კარგი. კარგი... ბაბაია. კარგად დასახლებულა ნიკოია, კარ-

გი... კარგი. ღმერთი შეეწიოს, ბევრი ხანია თქვენ სახლში არა ვყოფილვარ. მაშინ ეს სახლი არ გედგათ.

— სახლი ეს იქნებოდა მაშინაც, ბატონო, მერე გამოვაკეთეთ...

— ა... განზე მოგიბრუნებიათ... ჰო... ვიცი, ვიცი, ახლა ვიცოკაი ისე დაგემართოს. თვალებს მომაკლდა, ბაბაია, რიგიანად ვერ ვარჩევ. ოჰო, ჰო, — გაგრძელებით წარმოთქვა მოხუცმა და სახლის თვალიერება დაიწყო. — აი, აი, ერთი ახალი არყილი ჩაუმატებიათ და განზე მოუბრუნებიათ, აი, აი, კარგი, კარგი, აივანიც ლამაზი აქვს, კარგი, კარგი... ახლა, ბაბაია, — მიუბრუნდა გაიანეს. — ისევ შინ წავიდე, მერე რა ამომიყვანს. რადგან მოვედი, ქე მაინც ვნახავ შენს ძმას და ახლა, რაკი აქამდე მოვედი, სუმონიკას სახლშიაც შევიარ. ხორცი და სისხლია, რა ხანია არ მინახავს, ვინ სიცოცხლე, ვინ სიკვდილი, ბაბაია. ერთს თვალს იმათაც მოვკრავ და მერე ისევ ამოვალ.

ესეც თქვა მოხუცმა, ნელა წამოდგა და გზას გაუდგა. ცალი ხელით ჯოხს მაგრა აბიჯებდა, მეორეთი პირში ჩადებული ყალიონის ტარი ეჭირა და მოკუზულად მიჩანჩალებდა.

— იბედური! გაიზარდე, გაიზარდე, — მიეალერსა პატარა ხბოს, რომელიც თუთის ხის ძირში იწვა და მოხუცის გავლის დროს უცბად წამოხტა და გაკვირვებული თვალებით შეაჩერდა.

* * *

— ვინ სახლ-კარგამოკეტილი იყო, ვინ ოჯახდაქცეული! — ცხარობდა ძუკუ.

— თუთაშხია მოწებია ვარო.

— თუთაშხა * კი არა, უაშხაც ** ნუ გაუთენოს წმიდა გიორგმა. რამ მოიყვანა ახლა... გარეთ გავიხედე, მაგრამ არავინ რომ არ შემომჩნევია, ხომ არ გვნახა, ნეტავი.

— არა, — ცალი თვალის დახუჭვით მიუგო გაიანემ, — მაგას მაგისთანების თავი არა სტკივა.

— კიდევ როგორ ვქნა, თორემ დავეწევი მაგას და სულ ნაკუწ-ნაკუწად დავჭრი, — გაბრაზებით თქვა ძუკუმ.

— გადაირიე, რას ამბობ, — მიუგო გაიანემ. — მაგ საწყალს რა ბრალი აქვს, თავის საქმეზე მოვიდა.

— საქმიანად ამოაგდოს ჩემმა გამჩენმა. აბა, ახლა, გაიანე, — დაუმატა ძუკუმ.

* თუთაშხა — ორშაბათი

** უაშხა — კვირა.

— ახლა, შენი ჰირიმე, ძუკუ, ახლა არ შეიძლება. იქნება კიდეც ვინმე მოვიდეს, ქვეყანაზე თავი მოგვეჭრება.

— შენი ხელით მომკალი და ეს არის.

— რომ მომკლა, არ შემიძლია, ხომ ხედავ?

— მე ცოცხალი არ წავალ აქედან, იცოდე, — დინჯად თქვა ძუკუმ.

— რა ექნა, რა გიყო, შე დამწვარო, — სიცილით მიუგო ქალმა.

— კიდეც გეცინება, ოხ, ღმერთი ამოაგდებს თქვენს კვალს, ეშმაკებად ხართ გაჩენილი.

— თუ ეშმაკი ვარ, თავს რად მატებს, — სიცილით მიუგო ქალმა.

— რა ვუთხრა მაგ შენს ენას. — ნელა თქვა ძუკუმ, ქალს მიუახლოვდა, რამდენჯერმე მაგრა აკოცა, ხელი დაავლო, რომ ისევ უკანა თათახისკენ გაეწია.

— აბა, წარმოიდგინე, ძუკუ, შესაძლებელია თუ არა, თვითონ ხომ ხედავდი, კინალამ რა დაგვემართა.

— რა დაგვემართა! შენი ბრალია. ხმას არ გაეცემდი, მაგ ხინძირ ბაღიდს, კიდეც ერთი-ორჯერ დაიძახებდა და უკანაც წაეთრეოდა.

— აბა რა ვიცოდი, ვინ იყო... მერე ხომ მოვიდოდა საღამოს... აღრეც ვიყავი, ვიძახე, ვიყურე, მაგრამ ხმა არავინ გამცაო, იტყოდა და ხომ იცი, ეჭვს მაშინვე აიღებდნენ. ახლაც მეშინია, ის კი არა, ბაბა ხანდახან ისეთ დარიგებას მეტყვის ხოლმე, ვაითუ ვინმემ ყური დაუხვრიტა, — თვალების ფართოდ გაღებით დაუმატა გაიანემ.

— მაშ, აბა როგორ. მაშ, აბა, როგორ, — მწუხარედ ამბობდა ძუკუ.

— რა გიყო, მეც არ ვიცი, მზეც გადახრილია, იქნება ვინმე მოვიდეს და რომელიმე ბიჭი აღრე დაბრუნდეს. მართლა, დღეს შაბათი არ არის?.. აღრე მოვლენ, — ქალი დაფიქრდა, — მომითმინე, მომითმინე, დამაცა. იცი, რა გითხრა, — უთხრა გაიანემ, — პოდი, ერთი, ჩვენს ხულაში შედი და იქ იყავი, შიმშილით მოკვდები, ლიდ ხანს მოგიწევს ლოდინი, მაგრამ არაფერია, საკმეღსაც მოგიტან და როცა ყველანი დაიძინებენ, მე მოვალ. ჩვენები აღრე იძინებენ, — ეშხით სავესე თვალების ბრიალით თქვა გაიანემ.

ძუკუ ეცა და ისევ კოცნით დაუფარა ლოყები, პირი, თვალები და ისე მაგრა მიიჭრა მკერდზე, რომ ძვლები აუტკაცუნა.

— არ დამახრჩო, — ძლივს წარმოთქვა ქალმა.

— რატომ აღრე არ მითხარი ეს, — სიხარულით თქვა ძუკუმ, როცა კოცნით გული იჭერა და ცოტათი დალაგდა. — მაგრამ იქ რომ ვინმე შემოვიდეს?

— ვინ შემოვა. ჩემს გარდა იქ თითქმის არავინ შედის. თუ შევა ვინმე, ათასში ერთხელ.

— მაშ კარგი, — სიხარულით თქვა ძუკუმ. უკანა კარებიდან ნელა გავიდა და ხულისაკენ გაემართა. ხულას პირი სიმინდებისაკენ ჰქონდა მიქცეული, ერთი მხრით სახლი ფარავდა, მეორე მხრით ხეები, და იქ შემავალ კაცს, ეზოს გარედან თუ არ ვინმე საგანგებოდ მოდარაჟე, ვერავინ დაინახავდა. ყოველ შემთხვევაში, ძუკუ გაიქცა და სირბილ-სირბილით ხულაში შევიარდა.

რამდენიმე ხნის შემდეგ გაიანე მივიდა და კარში შეიხედა.

— შენი გულისა, რა კაი ხარი მყავს დამწყვედეულიო, — ხუმრობით ჩაილაპარაკა ქალმა.

— ვაი შენი ჯავრი მეტი, — მკერდზე მუჭის ცემით მიუგო ძუკუმ.

— კარი დავკეტო გირჩევნია, თუ ასე ღია იყოს?

— ცოცხალი გინდა მომხარშო? ქე მაინც წყალი ააღუღე და ისე მომხარშე.

— მაშ კარგი, ღია იყოს. აი მაგ სიმინდის ტაროებზე წამოწექი.. ცოტა უხერხულად კი იქნები, მაგრამ რას იზამ, უნდა მოითმინო. — სიცილით მიუგო გაიანემ. — რომ შებინდდება, საკმელსაც მოგიტან, — დაუმბატა ქალმა და გაშორდა.

ხულა მაგარი ფიცრებისაგან გაკეთებული ერთ მკვიდრ ოთახს წარმოადგენდა. სიგრძე ოთხი არშინი ექნებოდა, სიგანე და სიმაღლე სამი. ქერ-იატაკიც მაგარი ფიცრებისაგან ჰქონდა. არც კედლიდან, არც ქერ-იატაკიდან, როგორც ჩვენში იტყვიან, სიმსი არ გამოკრთოდა, ისე მაგრა იყო ფიცრები ერთმანეთთან მიდგმული. ერთი პატარა კარი ჰქონდა, სიგრძე-სიგანით სამი ჩარეკი, რომლის ქვედა კიდე-იატაკიდან ერთ არშინზე იყო მოშორებული, ასე რომ. შემსვლელი შიგ ერთბაშად ვერ შევიდოდა: ჯერ თავი უნდა შეეყო, მერე ტანი და მერე ზედ გადაეჩოჩა. ხულა პატარა, სიმაღლით არშინიანი კედლით ორად იყოფოდა. ერთ მოდიდო ნაწილს ეჭირა მთელი ოთახის ორი მესამედი, მასში ზოგი გაფშვნილი ზოგი გაუფშვნილი სიმინდი ეყარა. მეორე პატარა განყოფილებაში ღომის გაუცეხავი თავთავი ეყარა. იქვე იდგა ერთი დიდი კოკა, ორი პატარა გატეხილი ლახუტი, რამდენიმე ძველი დერგი და გატეხილი ქოთნები. ერთი ლახუტის თავზე რაღაც თიხის, ტაშტის მსგავსი ქურჭელი იდგა მასალით საესე. სხვა ბევრი რამ წვრილმანი, ზოგი სულ გამოუსადეგარი. კედელზე ერთი გატეხილი კეხიც და დაკეცილი ღვედის ნაჭერიც ეკიდა.

ხულას სისუფთავეზე პატრონი, ეტყობოდა, არ ზრუნავდა.

* ლახუტი — ქვევრი.

ყოველ ნივთს ხულაში აუარებელი მტვერი ეყარა. რადგან კარის გარდა, ჰაერი არსაიდან შემოდის და კარიც სწორად დაკეტილი იყო, ხულაში საძაგელი მყარალი და ნოტიო სუნი ტრიალებდა. თობასაც არ დაეკლო ხელი, კერი და კუთხეები ლამაზ-ლამაზ ქსოვალე-ბით მოეფინა.

ამისთანა საპყრობილეში იყო დამწყვედელი საბრალო ვნებათა-ლელვით შეპყრობილი ძუკუ მძებრადე.

— მომიცადე მე შენ, თუ ხელში ჩაგვიდგე, — მკერდზე მუქის ჩაკვრით დაიქადა ძუკუმ და სიმინდის ტაროებზე წამოწვა. ერთ ხანს სიმინდზე წოლა კიდევ ესიამოვნა. მაგრამ რაც დრო გადიოდა. იმდენად უფრო და უფრო გრძნობდა ტკივილს კუნთებში. გარდა ამისა, ყოველ მის განძრევა-გამონძრევაზე სიმინდის ტაროები ირეოდა, ერთმანეთს ეხახუნებოდა. ეს საშინელ უსიამოვნებას გვრიდა ნერვებაშლილ ახალგაზრდა კაცს.

ყველაზე მომეტებულად აწუხებდა ლოდინი. ერთი წამი ერთ საათად ეჩვენებოდა. ძუკუ ვერ ატყობდა რამდენი ხანი გავიდა მისა: ხულაში შესვლის შემდეგ, მხოლოდ სიბნელით შეატყო, რომ საღამო უამი უნდა ყოფილიყო. ხულაში კი ისეთი სიბნელე დამყარდა, რომ თვალში თითს ვერ იკრავდაო, რომ იტყვიან. ძუკუს ყურამდი მამაკაცის ხმამაც მოაწია.

— ჩქარა გაარბენინე, ბიჭო, ჩქარა გაარბენინე გუჯუსთან თოხები, ხვალ დილას, როცა ჩვენ გავიართ, შუათ დაგვახვედროს. ჩემი თოხი ერთ მხრივ ცოტა სქელია, ცოტა დაათხელე-თქვა, უთხარი, გესმის! მოითმინე. აქეთობას, წისქვილშიაც გამოიარე, მაძინიას უთხარი, ხვალ საღამომდის უსათუოდ სამი ქილა დაამზადოს. დასაღერდავად მიუშვას, ღერდილი მჭირდება, — აბარებდა ნიკოია ათანასეს.

— ჰა, ჰა, ჰა, არიქა, შე კინჩხმოსატეხო ძაბო, სადა ხარ!

უფრო ნათლად და ხულიდან უფრო ახლო მოესმა ძუკუს ისევ ნიკოიას ხმა: — არ გაუშვა, არ გაუშვა ესენი. თუ თავისით აგვარაში შესვლას არ დააჩვიე, სულ ასე მათ დასაქერად ვინ ირბენს! რძე ხომ კარგად მოწველე. ეს აფანი ხბო აჭირებს საქმეს, — ბუზღუნებდა ნიკოია.

ცხადი იყო, რომ ხბორებს დასაქერად და დასაბინაველად დასდევდნენ. ხმა ხან გარკვევით ესმოდა ძუკუს. ხან ძლივს მოვარდებოდა გაურკვეველი ხმაური.

— აი, ეწერულმა მგელმა მოგაგრიხა კისერი! — წყევლით მიაცხა ნიკოიამ თითქმის ხულის გვერდით. ძუკუმ სული განაბა და კედლის ფიცარს ლავაშივით მიეკრა. თითქმის სუნთქვაც შეწყვიტა.

— ხულის კარიც ღია დაუტოვებია მაგ რინტუ * გოგოს, მაგას, აგერ ბერდება და მიხვედრილობა კიდევ არა აქვს, ხშირად ვხედავ მაგ კარს ღიას და ჩვენი საცხოვრებელი კი შიგა ყრია. მობრძანდა ეგება ი კაცი და სახლშიაც წააბრძანოს, გამარჯვებასაც არ გეტყვის, — ესეც თქვა ნიკოიამ და ხულის კარი მაგრა მიატყაცუნა და გარედან რკინის რაზა გაუყარა.

— ოჰო, ემაგრე, ყურში დაავლე ხელი მაგ ბალაგარს, კისერზე ნუ მოუჭერ, ცოდვას, გაიანესაც უთხარი, ხულას ბოლქომი დაადვას ახლა სიმინდი ძლიერ მოსაფრთხილებელია. ნახევარი სოფელი შიმშილით კვდება. აბა, ჰა, პეტრე, შენ იცი, რა კარგად გატრუსავ მაგ გოქსა, — ამბობდა ნიკოია და ხულას თანდათან შორდებოდა.

ძუკუს მდგომარეობა აუწერელი იყო. ბრაზიც მოსდიოდა და კიდევაც ეცინებოდა, სწუხდა, თავის თავს სწყევლიდა. ირგვლივ ჭოჭოხეთური სიბნელე ეხვია. ერთ წუთს ხანჯალზე ხელი დაიდო და კედლის გამოჭრა მოინდომა, მაგრამ ამ სულელურ აზრზე ისევე ჩქარა აიღო ხელი. რა უნდა ექნა, ბედს უნდა დამორჩილებოდა.

როგორც იყო, მოისმა ფეხის ხმა და ხულის კარი ფრთხილად გაიღო. — შე ცეცხლმოკიდებულო, წადი, თავს უშველე, ვერ მოვახერხე, ამაღამ სტუმარი მოგვივიდა, არა მცალია, ვახშამი უნდა ვამზადო, ექვს აიღებენ, მერე, მერე, — ძლივს გასაგონად საჩქაროდ ჩაულაპარაკა გაიანემ და ხულას ისევე გაშორდა.

— აი თქვენი, — წაიდუღუნა ძუკუმ რაღაც. ენით გამოუთქმელ ლანძღვა-გინებას უგზავნიდა ნიკოიასაც, მის შვილებსაც, სტუმარსაც და თითქმის მთელ კაცობრიობას, როგორც იყო, ფრთხილად გადმოხტა ხულის კარიდან და საჩქაროდ სიმინდებში შეეარდა. გიშერა, რომელიც დღისით მოკაცული იწვა და ოდნავ თავს აკანტურებდა, ახლა საშინელი სიფიცხით აედევნა, რაკი სიმინდებში შრიალი მოესმა.

ძუკუ უგზო-უკვლოდ მირბოდა სიმინდებში და გიშერაც უშველებელი ვაი-უით უკან მისდევდა.

— ა ა...უ...უა...უა — დაიკიჟინა პეტრემ, რაკი ძაღლის მწარე ყეფა გაიგონა.

— მიდი, ჰო, მიდი, ჰო, — წააქეზა ნიკოიამაც. — ტურაა ნამდვილად, სულმოთხუპნილი, აქეთ, რომუსაკენ აქვს სორო, იქით კვირია ვხედავდი, სულ ახალი გამოთხრილია. საღორეს კარები ხომ კარგად დაკეტე, შვილო, — მიუბრუნდა პეტრეს. — გოჭები არ და-

* რინტუ — შტერი.

გვიკამოს მაგ მსუნაგმა. ღმერთო, შენით, ერთი, თუ მოვიცალეთ, დადარაჯება უნდა, ან სორო დავთხაროთ, თორემ ქათმებსაც გაგვიწყალებს.

— უი, თქვენი რჯული და თქვენი სალაეთი, — მყრალ სიტყვებს ისროდა ძუკუ და მირბოდა სიმინდიანში. ერთ ადგილას ღობეს მიაღდა, რა თქმა უნდა, საცა მოხვდა, ვარაუდოდ გადახტა. ღობეს იქით ბუჩქნარი, ეკლნარი აღმოჩნდა. ეკალი წამდაუწუმ ჩოხა-ახალუხის კალთებს ედებოდა, მის ცხვირ-პირსაც არ ერიდებოდა, ერთი კინალამ თვალეში მოხვდა და ამნაირად გაფხპქნილი და გაბურძვნილი, როგორც იყო, სამშვიდობოს გავიდა.

— უი, შენი — პირაქაფებული უკურთხებდა ძუკუ ნიკოია თოხიტარიას და შინისკენ მირბოდა. — მოვკვდე, არ მიჩვენია ამასა? ეს ჯერ არ დამმართნია. მარა, დამაცა, მე ბასილის შვილი არ ვყოფილვარ, თუ ერთი ათად არ ამოვიღე, — გულს იკეთებდა გაწბილებული ყმაწვილი კაცი.

XXXVIII

ფარნა თოხიტარიამ შაბათ დილას ადრე გამოიღვიძა და დაუყოვნებლივ თავის საქმისკენ გაეშურა. შუადღე იქნებოდა, როცა ის ზოგან ტკბილი და ზოგან გულმოსული ყბედობით დაღლილი, წისქვილის ახლო, სათემო გზაზე ცხენით მოდიოდა.

ცხენიც დაღლილი და მშვიერი იყო, თუმცა ფარნას კუქიცი სიმაძღრეს ვერ დაიკვებნიდა. „ახლა როგორ ვქნა, ან ამ ცხენს რა ვუყო, ან შეიძლება დამაგვიანდა კიდევ“, — გაიფიქრა გულში და აქობამდის ბედისწერაზე მიშვებულ აღვირი ისევ დაამოკლა და ცხენს აუჩქარა. დაღლილმა ცხენმა თავი ააკანტურა და ჩოთირ-ჩოთირით გაითოხაროდა.

წისქვილის წინ, მაღლობზე, მაძინია მეწისქვილე იდგა დაფიქრებული და სიმინდით დაბურულ მიდამოებს ათვალეირებდა. ფარნას რაღაც აზრმა გაურბინა და როცა მაძინიას დაუპირდაპირდა, ალერსიანად გამარჯვება უთხრა.

— ღმერთმა გაცოცხლოს, ჩემო ბატონო, — ტკბილად მიუგო მაძინიამ, თავზე შემოხვეულ ყაბალახთან ხელი მიიტანა და ოდნავ ასწია. ფარნამ ცხენი ცოტად შეაჩერა.

— რამ დაგაფიქრა, ჩემო მაძინია? — რაც შეიძლებოდა ტკბილად ჰკითხა ისევ ფარნამ.

— დასაფიქრებელი არ არის? — დინჯად მიუგო მაძინიამ. — აგვი-

სტო ილევა. სექტემბერი კარზე მომდგარია. აი ამდენ ყანებში საცაა სიმინდი მოსაგროვებელი იქნება და მე ერთი მუშახელი არა მყავს. ერთი უღელი ხარ-კამეჩი არ გამაჩნია. ნეტავ, შენი სიმართლით, სულ არ დამეთესა ამ სიფართე ადგილი. საბალახოდ გამეშვა, ისა სჯობდა. ფარნას გაეცინა და ცხენი სულ შეაჩერა.

— მეორეჯერ ასეთი შეცთომა არ მოგივიდეს, — დინჯადვე მიუგო ფარნამ, თუმცა სიცილს ძლივს იკავებდა.—ახლა რომ საბალახო ყოფილიყო ეს მინდვრები, კარგი არ იქნებოდა? ამ მშვიერ ცხენს გავაძღობდი, მეც ტანს დავიბანდი და ამდენი ლაპარაკით და დავიდარაბით დაღლილი ცოტას მოვისვენებდი.

— რა ვქნა, წრეულს ეს არის, — ამოოხვრით თქვა მაძინიამ. — მომივიდა შეცთომა, მაგრამ მომავალ წლისათვის, პატიოსან სიტყვას გაძღვე, ცხონებული მაძინიამის სულს გეფიცები, ერთი მტკაველი მიწა არ დავამუშაო, თოხი ხელში არ ავიღო. ჩემს ექვსივე შვილს ჩემი ხელით ყელს გამოვჭკრი და ის იქნება, თუ მოგატყუილე. თუმცა წრეულს მთელი ჭალა საბალახოდ არ გავუშვი, მაგრამ შენი ცხენის სამყოფი ბალახი როგორ არ მოიძებნება, რა ვიცი, ამ ჩემს დიდებულ მამულში. არა, ხუმრობა შორს იყოს,—სხვა კილოთ დაუშმატა მაძინიამ,—შენ იცოცხლე და ამ ჭალას, როცა იქნება, მინდვრად ნახავ.

— თებერვალში და მარტში! — მოუსწრო ფარნამ.

— კვირკობისთვეში და აგვისტოშიც, ისე იხარა მაძინიამ.

ფარნამ ორჭოფად შეხედა.

— არა გჯერა? დამირწმუნებიხარ. ტყუილუბრალოდ ვიყავი გგონია დაფიქრებული? აგერ ოცი წელიწადი ქე იქნება, ამ მიდამოს არ მოვშორებივარ. მაგრამ უკაცრავად. ფარნა, ხუმრობა იქით იყოს, ჩამობრძანდით, თუ გნებავთ, ცხენს ვაბალახებ, ისეთ ადგილას დავაბამ, რომ სულ ალაზონი იყოს.

— დიდად მადლობელი ვიქნები, სადილი ქე ვჭამე და შინ ასვლაც მეზარება, ერთი ცივ წყალშიაც მინდა ცოტა შევიგრილო და მერე ისევ საქმეს უნდა გავუდგე. ძლიერ საჩქარო საქმეები მაქვს. შენ კი თქვი, რას ამბობდი.

— რა თქმა გინდა, შე კაცო, ჩამობრძანდი, — პატივისცემით მიუგო მაძინიამ და ფარნასაკენ გაეჩქარა, რომ ცხენიდან ჩამოსვლას მიშველებოდა.

სანამ მაძინია ფეხს გადადგამდა, ფარნა ცხენიდან ჩამოხტა.

— საბრალო ცხენი, როგორ გაგიოფლიანებია. ქალაქში ნაცხოვრებმა კაცებმა სულ არ იცით ცხენის მოხმარება. ამას ახლავე უნა-

გირი უნდა მოხადო, თორემ დაშავდება და თუ ერთხელ დაშავდა, მისი მორჩენა ტყუილია. მორჩება გგონია! დაადგამ უნაგირს, ისევ დაშავდება, — ამ სიტყვებით მაძინია უნაგირს მოებლაუქა მოსახსნელად. ფარნამ თვითონ მოინდომა მოეხსნა და ორივენი ერთმანეთს შეეცილნენ.

— თუ ჩემი სტუმარი ხარ, მე უნდა დამანებო უნაგირიც და ცხენიც. ჰაი. ღროებავ! მაძინია საწისქვილე კაცი არ იყო, — ამოოხვრით თქვა მან. — მაგრამ მაღლობა ღმერთს, ზოგი ასე და ზოგიც ისე... ვისაც ჩემი ახალგაზრდობა არ უნახავს, ჩემი სიბერეც ღმერთმა ნუ აჩვენოს. შენ გეცოდინება. ფარნა, კორსანტელი ტომბაშვილს პირველად მე მივასწავლე შენ სახლში. იმათ ოჯახში მე ჰალა-ჰალა კაცი არ ვიყავი. აა? ცხოვრებული აფხაიძის ქალს კიდევ უდგია სული!

— ოხ, კაცო, შენზე იქ რომ ლაპარაკობენ, მართლა, როგორ შეიცილება კაცის საქმე. შენ მაგათი სული და გული ყოფილხარ თურმე. აფხაიძის ქალი კი ცოცხალია, მაგრამ ვაი იმისთანა სიცოცხლეს, მაგოდენა მოხუცებულის ცხოვრება ცოდვას სწორედ.

— ჰაი, ჰაი — მიუგო მაძინიამ და უნაგირი შესანახავად წისქვილში შეიტანა. ცოტა ხნის შემდეგ მაძინია ისევ დაბრუნდა. — ნუ გეშინია, უნაგირი მალა ჩამოვიკიდე. ზოგიერთებივით უბრალოდ ძირს არ დამიგდია. მაგისტანები მაძინიამ ქე იცის, თუმცა ახლა მეწისქვილეა... საწყალს რავა აქაფებია გავა. — თანაგრძნობით თქვა მან და ცხენს გავაზე ხელი წაუსვ-წამოუსვა. — ესეც დაბანე ბარელამ.

— ეს გუშინწინ დავბანე, ისე. გავა გადავუბანოთ და ეყოფა, მაგრამ შენ ეს მითხარი, სადა გაქვს საბალახო ადგილი? წისქვილის წინ, ჩემო ძმაო, ბალახი კი არა. ისეა მოტრუსული, ენა რომ მოავლო, მტვერი არ აგყვება.

— ის მაძინიამ იცის, აქვს თუ არა საბალახო.

— ბაწარი გაქვს?

— სიღედრი რომ მომიკვდეს, აბა თავი რით უნდა ჩამოვიხრჩო! — იხუმრა მაძინიამ და გვარიან მარჯვედ ცხენს მოახტა. — ჰე, გუშა! შემპარავია სიბერე, — ნალელიანად დაიძახა მან და აღვირს მალა ასწია.

ცხენი კიშმიშზე შედგა.

— თო, თო! — გაიკვირვა ფარნამ.— ჩემთან რომ სამი მათრახი დაარტყა, ფეხს არ შეანძრევს და შენთან კი რას შობა ეს წყეული, ეს სამგლე.

— ეს მაძინიამ იცის... — კმაყოფილებით მიუგო მეწისქვილემ.

— მაშ ახლა მე შემიძლია საბანაოდ წავიდე?

— შეგიძლია, ბანაობა ღმერთმა გაამოს და ჩიტებიც დაგაქერი-
ნოს.

— რომელი ჩიტები?! — გაიკვირვა ფარნამ.

— რომელი ჩიტები იქნება. ჩიტები სულ ორფეხიანებია. წაქ-
ცეული კაკლის ქვემოთ ბანაობენ.

— ო... — მიუგო ფარნამ, გაწითლდა და ჩაიცინა.

— მაძინიას მაგისტანებიც არ გამოეპარებოდა, შენხელა რომ
იყო, მაგრამ ახლა ჩიტები კი არა, ძერებიც სიახლოვეს არ მექარებიან,
ამოუყარდებათ მასაფი. — თან ლაპარაკობდა და თან ცხენსაც ქუს-
ლავდა.

ფარნაც საჩქაროდ სიმინდებში შევიდა და დანიშნულ ადგილი-
საკენ გაეჩქარა. ქუჩუმელა ძეწნის ხეს გულის ფანცქალით უახლოვ-
დებოდა. სიმინდებს შუა ფრთხილად გადიოდა. თუმცა ხანდახან გა-
ფხვიერებულ ნიადაგზე ძალაუნებურად ფეხს წამოკრავდა, წაჩო-
თირდებოდა და სიმინდის ღეროს დაეტაკებოდა, ის კი თავის მხრივ
შრიალს მოადენდა. სიმინდიანი მშვიდობით გაიარა, არავინ შეხვე-
დრია და არც შორიდან შეუძჩნევია. ქუჩუმელა ძეწნასთან მივიდა,
მაგრამ იქ არავინ დახვდა. ბასილის სახლისაკენ მიიხედა, ჯერ ცოტა
მორიდებულად, მერე უფრო და უფრო თამამად და ერთი-ორი ნაბი-
ჯიც წინ წარსდგა.

— კა, კა, კა, კა, კა, კა, კა, — იძახდა ერთი კრუხი ბასილის ეზო-
ში. — კვიტ: კვიტ, კვიტ, კვიტ, — დაიკვიკვიკა რალაც ჩიტმა მახლო-
ბელი ხიდან და ისევ სიჩუმე ჩამოვარდა.

ფარნა ძეწნის ძირში ჩამოჯდა, სწორედ იმ ალაგას, საცა იმ
ღირსსახსოვარ დღეს წამოწოლილიყო. მისი ცხენის ნაბალახევი და
ფეხის კვალი არემარეს ჯერ ნათლად აჩნდა. ფარნამ ლოდინი და-
იწყო, მალ-მალ იხედებოდა ბასილის ეზოსაკენ და იქიდან ყოველ
ხმაურობა-ტკაცუნს ყურს უგდებდა. ამრიალდა ხის ფოთოლი. ფარ-
ნას გააჟრჟოლა და საჩქაროდ მიიხედა: ბელურები თხმელის ტოტები-
დან გადმოფრინდნენ და ჰაერში შეინავარდნენ. ერთი წინ მიქრო-
ლავდა და გზას ათასფრად აბრუნებდა, დანარჩენები კვალდაკვალ
მისდევდნენ. ჰივ, ჰივ, ჰივ! ცქვიტად ქუიოდა მოწინავე ბელურა, ცის
ლაყვარდში ხან აღმა, ხან დაღმა და ხან განზე ოსტატურად ცურაობ-
და. ჰივ, ჰივ! კიდევ მოისმა და დაიმალა.

„ამ ერთი ბეწო არსებათაც აქვთ, ალბათ, ერთმანეთთან შური
და მტრობა, სიხარული და სიმწუხარე, სიძულვილი და სიყვარული, —
გაიფიქრა ფარნამ და ისევ ღობისაკენ მიიხედა. მაგრამ არავინ ჩან-

და. — სწორედ დაშიგვიანდა ალბათ. მოვიდოდა, და რაკი არა მნახავდა, წავიდოდა. ღმერთო, მომკალი, ცუდად მომივიდა ძლიერ. ამ ფიქრით გული საშინლად დაეწვა და სხეული მთლად დაუძძიმდა. — ადრე წამოვსულიყავი, ეგ ოხერი... კიდევაც მოვიდოდი, ის ოჯახ-დაქცეული ბიჭი არ შემხვედროდა. იმან დამაგვიანა სწორედ. მაგრამ იმას რა ბრალი აქვს. ჩემთვის სახეირო საქმისთვის დამარჩინა. მალ-ლობელიც უნდა ვიყო. ორასი ფუთი ბიჭიასია, ასოცი მისი ძმის, ორ-მოცდაათი მისი სიძის. ესეც სამას სამოცდაათი... სამას სამოცდაათი? კარგი. ახლა მათი მეზობლის—ასი ფუთი. ესეც ოთხას სამოცდაათი თითქმის. ხუთას ფუთამდე... აგაშენა ღმერთმა! საათ-ნახევარი დრო დავკარგე მათთან ლაპარაკში. ნაღდი ოცდახუთი მანეთი უკვე ჯიბეშია. მეტი რაღა გინდა საათ-ნახევარში! ღმერთმა თუ მშვიდობა ქნა, ამ ერთ წელშიმეც...“ — ამ ფიქრთან სასიამოვნო ჟრუანტელმა გაუურბინა სხეულში და ამ სასიამოვნო აზრის გავლენით ჯიბეზე ხელი წაივლო. იქიდან პატარა უბის წიგნაკი ამოიღო, წიგნი სულ ანგარიშებით იყო გადაჭრელებული. „ავვისტოს ოცდარვა დღესა“, წაიკითხა ფარნამ. — დედა, ღმერთო! ხუთი დღელა დამრჩენია და ჯერ საღა-ვარ? მოიცა, მოიცა, — გადაფურცლა წიგნაკი, — ПИЧЕРО, თო, თო, კარგად მიყიღია: „თექვსმეტი ათას ექვსასოცდაორი ფუთი“. არა უშავს რა, მოვასწრებ. ამ გადაზიდვამ გამიჭირა საქმე. როგორ გაუ-ხარდება კონსტანტინეს! ფულიც შემომგელია, მგონია. — ფარნამ მე-ორე ჯიბეზე წაივლო ხელი და ტყავის ფართო ქისა ამოიღო. შიგ ჩაი-ხედა და სალოკი თითით შიგ დაეკვიღა ქაღალდებს გადი-გადმოწია. — ხუთი და ექვსი, სახლშიაც შვიდი, ივანეს ორი. კი მეყოფა. როგორ-ცაა. რაც მიაკლდება, არა უშავს რა. გუშინწინ რა კარგად მოვჩარხე საქმე. აბა მაინც დაწვრილებით ვიანგარიშო... ფო, ფო ფო, შენი ჭირჩმე, ორი ათას...

— ჭიტა, — მოესმა ამ დროს ქალის მზიარული ხმა. ფარნა შეეკრ-თა, გაცეებით ზევით აიხედა. მის წინ ტასია იდგა.

— უკაცრავად, მოულოდნელად თავს დაგეცი, ვაჟარი კაცი ანგა-რიშებში იყავი გართული, — ვითომდა მოიბოდიშა ტასიამ და ხელების მხარზე დადებით მიწაზე დაამაგრა ასადგომად მომზადებული ყმა-წვილი კაცი.

— არა, ანგარიში, რა ანგარიში. ეს ისე ამოვიდე... მე... რომ... რაღაცები, — არეულად მიუგო ფარნამ, ტასიას მოულოდნელად მოსვ-ლით გულაძგერებულმა წიგნი და ფანქარი საჩქაროდ შეინახა.

— ბევრი ხანია მიცდი? — თანაგრძნობით ჰკითხა ქალმა და მის გვერდით მდებლობზე ჩამოჯდა.

— არც მაინცდამაინც.

— მე კი მესამედ მოვედი ახლა. პირველად კარგა ხანი გიყურებ-
მაგრამ შენ არ გამოჩნდი.

— მერე სახლში არ გითხრეს, სად მიდიხარო?

— ვინ მკითხავდა.

— როგორ ვინ?

— სულიერი ადამიანი ჩემ გარდა შინ არავინაა დღეს. დედა და
ბაბა სატირალში წავიდნენ გაღმა, სალამომლი არ მოვლენ, ძუკუ, ხომ
იცი, წუხელ მგონია შუალამეზე მოვიდა, მე არც კი შემიტყვია მისი
მოსვლა. დღეს დილით ისაუზმა კარგად და მერე გაიქცა სალაცა,
დღეს ხომ შაბათია, შეიძლება სრულებითაც არ დაბრუნდეს. ირინე
კი შინ იყო. მაგრამ ძიძასთან წასვლა დააპირა. მეც, რა თქმა უნდა,
გავუშვი. დავუბარე კი, აღრე დაბრუნდი-მეთქი, — აქ ცალი თვალი
დახუჭა ტასიამ და ღიმილით ცალი წარბიც აიბზიკა. — უსათუოდ
მოვალ, მოვალო. ვიცი კი ნამდვილად, ისიც სალამომლი არ დაბრუნ-
დება.

— მოჯამაგირე ბიჭი? — ჰკითხა ფარნამ.

— ჩვენი მოჯამაგირე, ივაკია? ვაი, მისი ცოდვა, ვაი, მის დაბადე-
ბის დღეს! მის დაბადების დღეს ალბათ იხარებდნენ, ვაჟიშვილი დაი-
ბადაო და თოფს გაისროდნენ. სახარებელი კი არა, სატირალი ყო-
ფილა მისი დაბადების დღე. ივაკია აქეთ, ივაკია იქით. ბაბა ყანაშო
გზავნის, ძუკუ ცხენს აბარებს და თანაც სცემს ხოლმე: ცხვირს მოგა-
მტვრევ, თუ მაძლარი არ დავინახეო. დედა კი წისქვილში, ღუქანში
და შეშაზე წასვლას ერთსა და იმავე დროს უკვეთავს. ივაკია კი.
გინდ გზომე, გინდ გაქერი, ერთია და ერთი. დარბის საწყალი, და-
ჩანჩალებს, ხან აქეთ ეცემა, ხან იქით, მაგრამ ვერც ერთი ვერ მოი-
მადლიერა, ყველა მისი უქმაცოფილოა.

— კარგი. ახლა ეს მითხარი, — მორიდებით გააწყვეტინა ფარ-
ნამ, — უკაცრავად კი ვარ, სამჯერ ყოფილხარ... ვერ მოვიცალე სა-
ჩქარო საქმეების გამო. დრო ცოტა დამრჩა და თუ დროზე ვერ გავა-
თავე, ხაზეინსაც ჯარიმა გადახდება, მეც ნდობა დამეკარგება და
თანაც დიდი ზარალი მომივა, სამნაირად საჩქარო საქმე მაქვს და...

— დაგვიანება არათერია, — დაამშვიდა ტასიამ. — მე ისე:
თორემ, ნამდვილი დრო ახლათ. ცხენით არ იყავი, რა უყავი?

— მაძინიას მივაბარე.

— მაძინიას?! — უქმაცოფილოდ გაიკვირა ქალმა.

— ჰო, მაძინიას, ვითომ რაა?

— ზერე სად მივდივარო უთხარი?

— ფიქრი ნუ გაქვს. იმას ცხენი საბალახოდ მივაბარე და მე ტანის საბანად მივდივარ-მეთქი ვუთხარი.

— ექვი არ აიღოს რამე, — შიშით თქვა ტასიამ და ვაჟს და-
აქვერდა.

— არა, ფიქრი ნუ გაქვს, — მიუგო ფარნამ. ქალის ყუყუნა თვა-
ლების ისარივით გამგმირავი ცქერა გულგრილად ვერ გადაიტანა,
ჩუმად მისი ხელი ხელში დაიჭირა. ჯერ ნელ-ნელა და მერე უფრო და
უფრო მაგრა ხელი ხელს მოუჭირა.

ქალმა პასუხი გასცა და თანაც დასძინა: ხელი არ მომამტკრიო,
ტლანქად ნუ იქცევით.

— უკაცრავად, — გონს მოვიდა ფარნა, უტბად ხელი გაუშვა და
თითქმის მტირალი სახე მიიღო. ტასიამაც მეტისმეტად სანდომიანად
შემოხედა.

— ხელი არ მახლო-მეთქი, კი არ მითქვამს, — ჩუმად მიუგო.

ფარნამ ისევ ნელა წაავლო ხელი. ტასიას მარჯვენა ხელისგული
მოწინებით თავის მარცხენა ხელისგულზე დაიდო და მარჯვენა ხელი
ზედ ნაზად წაუსვ-წამოუსვა.

— ახლა ხომ არა გწყენია ჩემგან რამე? — არეულად დაეკითხა
ვაჟი, მეტად აღელვებისა გამო რიგიანად ვერ ლაპარაკობდა და ცოტ-
ცოტად ძიგძიგობდა კიდევ.

— მეწყინა-მეთქი, როდის გითხარი, — მარტივად და თითქო
გულგრილად მიუგო ქალმა, მაგრამ ლაპარაკის კილო და სახის გამო-
მეტყველება იმასაც ცხადად ამტკიცებდა, რომ ისიც კარგა ჟრჟო-
ლებულიყო.

— მაშ კარგი, მაშ კარგი, — არეულად თქვა ფარნამ, თავი ძირს
დასწია და ფუნთუშა ხელი კოცნით დაუფარა.

ქალი კისერზე დაეკონა, ფარნამ ხელი მხრებზე მოხვია...

— აჰ, მე...ა... — თრთოლვით ლულულელებდნენ ორივენი და ტუ-
ჩებს მაგრა აკრავდნენ ერთმანეთს.

ვაჟკაცს ვნებათა დელვამ დასძლია და უწინდელურად თავის
კარგა ღონიერ ხელებს ტლანქად შეხების ნება მისცა.

ქალი მოიკაცვა და ვაჟის ხელებისგან ნელ-ნელა თავის განთა-
ვისუფლება დაიწყო, თან ჩუმად ეუბნებოდა: — მომითმინე, მოიცა,
ფარნა! თავს მეტის ნებას ნუ აძლევ. ჰა, ეს როგორ შეიძლება... აი, აი,
სუ, მეტკინა, სუ-მეთქი, ნუ ჩქარობ... შენ უფრო დალაგებული კაცი
იყავი, მეგონა, აი, სუ-მეთქი, თორემ შინ გავიქცევი!

მაგრამ ერთხელ აცეცხლებული ყმაწვილი კაცის დამშვიდება
ასე ღდვილი როდი იყო. ის მაინც თვალვებგაცეცხლებული, შთელ

სხეულზე აღმოდებულ გოგოს ხელს უფათურებდა, საცა მოხვდებოდა, თუმცა გოგოც ოსტატურად იგერიებდა.

ბოლოს, როგორც იყო, ფარნაც დალაგდა და შერცხვა კიდეც.

— თუ კიდეც ასე მოიქცევი, საიღუმლოდ არ დაგენახვები, — სალოკი თითის დაჯავრებით უთხრა ტასიამ. — მე შენთან ლაპარაკი მინდოდა. ბევრი რამეების კითხვა მინდოდა და შენ კი... ეს როგორ შეიძლება!

— მომიტევე, — მოიბოდიშა ფარნამ. — ეს ოხერი კაცის ბუნება ასეთია. თვალს სინათლე დაეკარგება. რაც გინდა, ის დამარქვი. როგორ შევძლო გულგრილად გიყურო, ჩემო თვალის სინათლევ, ჩემო სულის ჩამდგმელო, ჩემო...—ანთებული თვალეები დაუშტერა ვაჟმა, ერთი ხელი ქალს კეფაზე დაადო, მეორე ნიკაპ ქვეშ ამოუდო, თავისაკენ მიიზიდა და გაშმაგებულად ზედიზედ ტუჩებში აკოცა.

ქალმა ჯერ თავი გაიქნია და მერე თვითონაც მწვავე კოცნით პასუხი გასცა და თან ხვეწნით უთხრა:

— კარგი, ფარნა, ახლა დამშვიდდი.

— იცი ტასია, — უთხრა ახლა გვარიანად დამშვიდებულმა ფარნამ, — ეს ორი დღეა, რაც მე სულ სხვა კაცი შევიქენი, რაღაც წინეთ გამოუცდელი ხასიათი შემეთვისა. ველაპარაკები ვისმე, ვევაკრები, ფულს ვაძლევ... რაღაც სხვანაირი ზნე მეტყობა.

— მერე რა მიზეზია? — ეშმაკურად ჰკითხა ტასიამ.

ფარნამ გაკვირვებით შეხედა.

— როგორ მიყურებ? — სიცილით ჰკითხა ტასიამ. — მე შენ გეკითხები.

ფარნამ საყვედურით შეხედა.

— ვითომ იმდენად გიყვარვარ? ა!

— საეჭვოდ მიგაჩნია? — თავდაკიდებით მიუგო ფარნამ და თვალს არ აშორებდა.

— ვნახოთ.

— ვნახოთ, — დაბეჭითებით თქვა ფარნამ.

— ჩემს მასწავლებელ ქალს კი ვაქცაყების სიყვარული არა სჯერა. მაგათი სიყვარული მხოლოდ უინის დაკმაყოფილებააო, ამბობს.

— ეს ვინ ახირებული მასწავლებელი ქალი ყოფილა, ალბათ თვითონ... ჰო, იმას ხომ ვიცნობ, ის...

— სუ-მეთქი, მეტი არაფერი თქვა მაგაზე, უკაცრაული რამე არ ამოგცდეს, თორემ გაგლახავ, — სიცილით და თითის ქნევით გააწყვეტინა ტასიამ. — ის ძლიერ გამოცდილი ქალია.

— მეც მაგაზე ვამბობ და მაგ გამოცდილებაზე, უბედურ სიყვა-

რულში გამოცდილებას რომ მიიღებენ ქალები და რიგიანად ღუშაში არ მოუვათ, მამაკაცების ქინს გადააბრალებენ და ის კი ავიწყლებათ დალოცვილებს, რომ ამ ქინის გამომწვევი თვითონ არიან. ქალის ტანადობა, მისი მსხვილი გულ-მკერდი და წვრილი წელი, განიერი თეძოები და ყუყუნა თვალები, ფუნთუშა ლოყები და ალისფერი ტუჩები, ბროლის კისერი და, ერთი სიტყვით... წინ დაგიდგება რალაც ისეთი არსება, რომ ვინ იქნება კაცი, ხორციელი, დედით შობილი, თუ გინდა უდაბნოს ბერიც, რომ გული არ შეუფარდეს? ეს ბუნების კანონია, ღმერთს ისე გაუჩენია, კაცს რა ბრალი და ან რა მიზეზი აქვს!

— მაშ, შენი ფიქრით, მხოლოდ ქალს აქვს მიზეზი და ეს არის? ქალიც ხომ ღვთის გაჩენილია, იმნაირად, როგორც არის. გარეგანი სილამაზე ღმერთს ასეთი მიუცია, მისი რა ბრალია.

— ქალის ბრალია-მეთქი ხომ არ ვამბობ.

— როგორ არ ამბობ, მამაკაცის ქინის გამომწვევი ქალის გარეგნობააო. ქალმა რა ქნას, თავს ხომ არ მოიკლავს.

— ვაჟმა რა ქნას, ისიც თავს ხომ არ მოიკლავს.

— ვაჟმა ვნებათა დელვას საზღვარი უნდა დაუდვას, თავისი ზნე და ხასიათი გააკეთილშობილოს მეფე-მთავრების საბუთით კი არა, რიგიან და ზომიერ შრომას მიაჩვიოს, — დარიგების კილოთი უთხრა ტასიამ.

— ქალმაც უნდა ვაჟკაცი მახეში არ გააბას, საორჭოფოდ არ გაუცინოს, — დარიგების კილოთივე მიუგო ფარნამაც.

ტასიამ გულმოსულივით თვალები გადაუბღვირა, ტუჩებით კი უცინოდა და საქოქოლედ ხელი მოიშარათა. ვაჟმა ხელი დაუჭირა და რამდენჯერმე აკოცა.

— კარგი ახლა. გეყოფა, კიდევე გეტყვი: ნაკლებ ვილაპარაკოთ და საქმით დავემტკიცოთ ერთმანეთს, ვინ ვის უფრო უყვარს. მე არაფერს არ დავიქადებ, არაფერს არ გეტყვი. მომავალი გვაჩვენებს. ერთს კი გეტყვი, რომ მეტისმეტი სიფრთხილე გემართებს, თორემ! თუ ან მამაჰ, ან დედამ შეიტყო, ვაიმე; ვაიმე! ჭინისწყალს აღმა დენას დააწყებინებენ. განსაკუთრებით დედა, მეტისმეტი თაყვანისცემელია წოდებრივი უპირატესობისა. მისი უტყუარი რწმენით, აზნაური და გლეხი. ისეთივე მოწინააღმდეგე სიტყვებია, როგორც თეთრი და შავი.

— ჩემი მხრივ დარწმუნებული იყავი, — მტკიცედ თქვა ფარნამ. — კისრამღი კირში ჩამაწვინონ, არავის გაუუმხელ... და შენ კი...

— ჩემზე ფიქრი ნუ გაქვს. ეს ახლა კარგი. სხვა? ახლა შენ ანგარიშებზე მითხარი, როგორ მიდის? — ჰკითხა ტასიამ.

— ღვთით, კარგად, თუ ღმერთმა მშვიდობა ქნა, მგონი ამ მოკლე დროში ცოტა რამე მეც დავაფუძნო, კონსტანტინე ამ მოგების მესამედს მპირდება, ჩემი ჯამაგირი კი თავის ძალაში რჩება. ერთად თავს მოვუყრი და ჩემისთანა ახალ კაცს ხელს არ დასწვავს, მგონია, თუ მშვიდობით გავათავე ეს საქმე და კონსტანტინეს ჯარიმა ავაცდინე.

— მოასწრობ. გგონია?

— ვფიქრობ.

— იქნებ მე გაცდენ?

— არა, — თითქმის გულაჩვილებულად მიუგო ფარნამ, — მაცდენ კი არა, სიცოცხლეს მმატებ. დღეის იქით სულ სხვაგვარ მუყაითად და მომჭირნედ მოვეკიდები საქმეს. ახლა კი ვიცი, როგორ მოვიქცევი, და თუფარნა ვარ, სასაცილოდ თავს არ გავიხდი მგონია. თუმცა გლეხის შვილი ვარ, მაგრამ ცოტაოდენი სირცხვილ-სახელი მეც მაქვს, დამირწმუნებიხარ ამაში.

— მეორეჯერ არ წამოგცდეს ეგ სიტყვები, თორემ ახლო არ მოგეკარები, — უკმაყოფილოდ მიუგო ტასიამ. — მე პირველი წინააღმდეგი ვარ წოდებრივი განსხვავებისა. ვიცი, ბევრი დამცინებს, ბევრს ეწყინება, ბევრი დამწყევლის, ბევრი სულელად ჩამთვლის. დეე, რაც გინდა, მიყონ, ჩემს რწმენას თავის დღეში არ ვუღალატებ, მით უფრო, რომ ჩემი რწმენა. სიმართლეა, ნათელია, როგორც დღევანდელი დღე. წოდებრივი განსხვავება თანამედროვე ცხოვრებას არ შეეფერება. რაც წასულია, ხელიდან წასულია: საუკუნოდ იყოს ხსენება მისი! ახლა, ჩემო ფარნა, დღეა ხომ ხედავ, დღეა, მზე რა კარგად ანათებს, ღამეაო, რომ დავიჯინოთ, რაღა გამოვა. დედ-მამასთან რამდენჯერ მომდის მაგაზე ჩხუბი, მაგრამ მაგათ ზეციდან ანგელოზიც რომ ჩამოვუყვანო, ვერ დააჯერებ, რა ვქნა.

თავდაღუნული და გაოცებული ფარნა ტასიას თვალს არ აშორებდა.

— რა დაკვირვებულად მიყურებ, მე ადამიანი არა ვარ, გგონია! თეთრს შავიდან მე ვერ გავარჩევ, გგონია! მაშინ მოგიკვდეს ჩემი თავი. შენ მე ყური დამიგდე, რა გთხოვო: მე წერილს მოგწერ და რაც მოგწერო, ის წიგნები გამომიგზავნე ზუგდიდში, მასწავლებელი ქალის სახელზე. მასწავლებელი ქალი მე გადმომცემს. შენც ხომ კითხულობ, ფარნა, წიგნებს!

— ჰაი, ტასია, რა ადვილად ამბობ, დრო სადა მაქვს. ერთი წუთი თავისუფალი დრო დილიდან საღამომდი ვინ მომაშავა. შეიძლება ერთი ორი წლის შემდეგ ცოტად მომეშვეს, და მაშინ ხომ, რა თქმა უნდა... მე კი კერ მოგწერ წერილს?

— მომითმინე, — დაფიქრებით თქვა ტასიამ. — სანამ მე არ მოგწერო, შენ ნუ მომწერ. საჭიროა ჯერ მასწავლებელ ქალს მოველაპარაკო და გავანდო ყველაფერი, მერე შეიძლება.

— მასწავლებელი ქალი? — იკვნეულად და შიშით თქვა ფარნამ.

— გეშინია მასწავლებელი ქალისა! არა, ის პატიოსანი და შრომისმოყვარე ადამიანია. მეც სულ გოგონა არა ვარ, ისეთ საქმეს არ ჩავიდნე. რომლის მნიშვნელობა და სიავკარგე არ მესმოდეს. ბავშვი კი არა ვარ, ჩქარა ცხრამეტი წელიწადი შემისრულდება.

— მე კი ოცი, ვაი ჩემი ცოდვა. მომავალ წელს სალდათად უნდა დავდგე.

— მართლა? — გაკვირვებით თქვა ტასიამ და მოიწყინა.

— მაგრამ კონსტანტინე ან თავს მოიკლავს, ან რასმე მომიხერხებს, თორემ, თუ მე წამიყვანეს, მისი საქმეც დაღუპულია. თავის ქებით არ ვიტყვი და უჩემოდ ცუდად წავა მისი საქმე. ის ახლა ვაჭრობის წვრილმანებს გადაჩვეულია, შორიდან ადევნებს თვალს, თორემ დახლში დაბეჯითებით ვერ ჩადგება და საიმედო კაცის შოვნა ახლანდელ დროში ძნელია.

— ოჰ, მე მაინც ეს შენი სალდათობა ლოდივით გულზე მაწევა. ვაითუ იმან ვერ გიშველოს, მაშინ?

— ჰა, შენი ჭირიმე, ტასია, შენ ნუ სწუხარ. ცა და დედამიწა რომ დაიქცეს, მაინც, როგორც იქნება, თავს დავაღწევე, ნუ გეშინია. შენ კი, თუ ჩემი სიკვდილი არა გასურს...

— კარგი, კარგი, — ნაძალადევი ღიმილით მიუგო ქალმა, — ახლა გითხრა კიდევ, მამაჩემს...

ამ დროს სიმინდიანში ვილაცამ, რაც ძალი და ღონე ჰქონდა, დაიკიჟინა:

— ვოდიტია, ვუი, ვუი!

ორივენი გაფითრდნენ. ტასიამ ერთი მრავალმნიშვნელოვნად შეხედა ფარნას და საჩქაროდ ღობისკენ გაიქცა. ფარნა კი სიმინდებში შევიდა. ისევ ხელმეორედ მოისმა კიჟინი. ძლივძლიობით გასაგონი პასუხიც გასცა ვილაცამ, როგორც ხმაში ეტყობოდა, ასე რვა-ცხრა წლის ბავშვმა.

— ნახე თუ არა, ნახე თუ არა! — დაიკიჟინა ისევ პირველმა.

ბავშვმა რალაც უპასუხა, მაგრამ ფარნამ ვერ გაიგონა. იგი ფრთხილად მიდიოდა სიმინდიანში. წისქვილის წყალს რომ მიუახლოვდა, ქუდი მოიხადა, პირი დაიბანა და თმაც დაისველა, რომ ტანდაბანილს დამგვანებოდა და ნელ-ნელა სათემო გზაზე გამოვიდა.

აქ ფალაგეზე ერთი იმავე სოფლელი გლეხი ივა ბურთია შეამჩნია. ივას ხარის რქებზე მობმული თოკი ხელში ეჭირა და აბალახებდა.

— თეი, დიდობა, შენდა! — გაიკვირვა ივამ. — ეს აქეთ სად ყოფილა. გოგო ხომ არ გყავდა, შე დამწვარო, მოპრიანებული. არ დამლუპო, კაცო, ჩემი ყანა არ გამიუპატიურო, თორემ შეიძლება წვიმა მოვიდეს და მთელი სოფელი გავსწორდეთ. მაშინ ათასობით კი არა, ათობითაც ვერ იყიდი სიმინდს.

ფარნა შემწვარი კიბოსავით გაწითლდა. ერთი ბედი, რომ ივა ჭერ გვარიან შორს იყო.

— ვოი, იმის მეტი, სადა გყავს, ჩემო ძმაო, ასე ოხრად გოგონები სიმინდებში კი არა, სახლებშიაც სანთლით ვერ მოსძებნი.

— ჰეჰე გიდი, სადაა აღლაკი, რჯულ ძაღლი, თორემ, — გააწყვეტინა ივამ და მოკლე წვერ-ულვაშზე ხელი გადისვა. — არ არის კი არა, ფურჩასავით ყრია, ჩემო ძმაო. კარგები, მართალია, ცოტაა, იშვიათია. მაგრამ, — ივამ კრავის დაგლეჯილი ქუდი მოიხადა და ისევ დაიხურა. ტანზე მტვრისაგან გაგლესილი პერანგი ეცვა, ფეხები კი შიშველი ჰქონდა. — ეჰ, — გააგრძელა ივამ, — ისეთი ჩიტუნებია ზოგიერთები, რომ... აქაც სიახლოვეს, — ხელი გაიშვირა ბასილის სახლისაკენ, — ისეთი მტრედია, რომ ანგელოზია, რაღა, ანგელოზი. მაგას ხელი წააგლე, ძმაო, და მერე, თუ გინდ: ოხრად ლარჩეს შენი ყანაც და შენი ბოსტანიც. მარა ჩვენთვის კი არ არის, ძმაო... შენ კი ჰო, ცოტა სხვა სუნი მიგეცხო და კიდევ ასე.

„დაილოცა, ღმერთო, შენი სახელი. — ფიქრობდა ფარნა. — ამ კაცმა ხომ არ დაგვინახა ნეტავ ერთად“. — ბრაზი მოუფიქრა, მზად იყო სცემოდა ამ კაცს ყელში, მაგრამ თავი შეიმაგრა.

ივა კი უდანაშაულო იყო. ის მხოლოდ ლაპარაკობდა, როგორც კაცი, ფარნა და ტასიას დამოკიდებულებაზე არც კი ფიქრობდა. ივას სახის გამომეტყველებამ ფარნა სრულიად დაამშვიდა.

ისინი ერთმანეთს მიუახლოვდნენ და მიესალმენ. ხარმა უცხო კაცის დანახვაზე თავი მალა აიღო და ფარნას დაკვირვებით შეაჩერდა.

— აა... — ტანის საბანაოდ ყოფილხარ? — ჰკითხა ივამ.

— კაცო, ხელში რათ გიჭირავს ეს ხარი? — თავის მხრივ დაეკითხა ფარნა.

— მაშ, რა ვუყო!

— გაუშვი.

— სად!

— მინდორში.

— რომელ მინდორში?

— რომელი მინდორია... ყველა მინდორში, სადაც...— ფარნამ ხელი გაიშვირა სერებისაკენ.

— მერე იქ რა უნდა ჰკამოს, გვიმრა? ეჰ, ჩვენი ცხოვრება ასეთ ტანჯვაში უნდა დაილიოს. ერთი ეს და მეორე ამისთანა მოზვერო ახლა ვიყიდე. თუ მულამ ასე ხელში არ დაიჭირე, შინშილით მოკვდება და დღეს და ხვალ კი ურემში უნდა შეაბა. თუ არ მოალონიერე, ცარიელ ურემსაც ვერ გასწევს. რას ვუზამ, მულამ ასე ხელში უნდა დაიჭირო. ერთი წუთით გავუშვი ამას წინეთ, ყანაში შევიბრინე უფარგისი სიმინდების გამოსაპრელად, კიდეც მაგათთვის მინდოდა. ერთი მაშინათვე გაქცეულიყო.

— შენ იყავი, ვო, დატიო, რომ დაიკიჟინე?

— დიახ, მე ვიყავი, ბავშვი, ხომ იცი, უბრალო რამეში გაერთობა.

— მე მაშინ ტანზე ვიცვამდი, — ცოტა ფრთხილად თქვა ფარნამ და ოდნავ შეწითლდა.

ივას კი თავისი დარდი აწუხებდა.

— აი, აი, საბალახო ძლიერ ნაკლებად გვაქვს. ჩვენისთანა შევიწროებული, ამ მხრივ, მეორე სოფელი არ მოიძებნება. საცა მოსახერხებელია, ხომ სულ სიმინდებია და სიმინდები, და რაც დარჩენილი ადგილებია, ან ტყეა და ან მარტო გვიმრით მოფენილია; გვიმრას კი პირუტყვს რა აკმევს.

— მოსავალი კდ რიგიანია წრეულს, თუ ღმერთმა მშვიდობა ქნა, — თქვა ფარნამ, რომელსაც საძოვრის სივიწროვე ამ წუთში სრულიად არ აინტერესებდა.

— თუ ღმერთმა არ მოგვიძულა და ერთი-ორი კვირა დარები დაიჭირა, მოგეცა სიმრთელე! ნახე აქ ჩემი ყანა? — ცოტა არ იყოს ამაყად და თვალემაწითლებულად მიუგო ივამ. — ფო, ფო, ფო, რა სიმინდია!

— შენი ყანა რომელია?

— აი, წისქვილის წყლის გაღმა, გამხმარი კოპიტის პირდაპირ.

— ის მაღალი სიმინდია?

— ჰო, ჰო, ტარობით რომ არის დაჯორგილი.

— ის განა შენია?

— ჩემია.

— მიწაც შენია?

— ფოი... შე ბედიანო! ის მიწა ჩემი საკუთარი იყოს, მაშინ შეიძლება ეს პერანგიც გამოვიცვალო. იქ მე ვინ მომაშავა მიწა. მიწა იმისია. — გაიშვირა ხელი ბასილის სახლისაკენ.

— პო, ქე მეუბნებოდა ბასილი, — გაახსენდა ფარნას.

— ფარნა თოხიტარია, — ლმობიერად წარმოთქვა ივამ, — სამი მოწვევა ამ მიწაზე მე ვდგავარ და თუ კარგად დაათვალიერე, დედა ნუ წაგიწყდება, მართალი თქვი, კარგად არ არის დამუშავებული? ერთი პატარა ბალახბულახი საზიარებლად იშოვება სადმე? არა, როგორც კაცი, მაგრამ რაღათ გინდა, ჩემი კაცობა და ჯან-ლონე მაგას შევალე. წინეთ თონდორიკას ჰქონდა. თონდორიკა ნაბადია, განა არ იცი, რა მუშაა? ერთი კუდა და მეორე ის ჰყონონაში. მეორეჯერ მაგას თოხი თავის დღეში აღარ უქნია. ასე, აა, სიმინდი და ჰყორჰყოტი, — აქ ხელის თითები ჯგუფად ზევით ასწია ივამ.

— კარგად გიმუშავნია, ავაშენა ღმერთმა, — დაასწრო ფარნამ, გამოემშვიდობა და გზას გაუდგა.

— ვმუშაობ, ბატონო, მაგრამ ბასილი არაფერი, და ძუკუ, მგონია, ქე ფიქრობს სხვანაირად და მე და მაგას, არ ვიცი, როგორ მოგვივა! თუ გაუსინდისდნენ და წამართვეს, ღმერთი არ იციან, ადგილი ჩინებულად დამუშავებულია, ნახევარ ღალას ჩალა-სიმინდისას ქე ვაძლევ სულ ნაღდად, მეტი რაღა უნდათ კიდევ... აიტ, შე მამალი ენწერული მგლის დასაფხრეწო! — დაიძახა ივამ.

ფარნამ საჩქაროდ მოიხედა. ფალაგის მეორე კიდეზე ათი წლის ბიჭს ბაწრით მოზვერი მოჰყავდა. მოზვერი თითქოს თავის დანაშაულს გრძნობსო, თავდალუნული უნებურად მიდიოდა, თუმცა ბავშვიც ჩქარ-ჩქარა ზურგზე სახრეს სთავაზობდა. ხან მოზვერი თავს გულმოსულად დააკანტურებდა, ბალახს ხარბად მოგლეჯდა, კუდსაც გაიქნევ-გამოიქნევდა ხოლმე.

— ოოიტ, შე! — დაუყვირა ისევ ივამ. — მომითმინე, მე შენ მოგიღუნავ კისერს, თუ არ მოგიკვდი. სად დაეწიე, შაბა? — მიეაღერსა შვილს.

— ჭანისწყალი გასულიყო და, ეს- ეს იყო, ბეჩუს ყანაში შედიოდა.

— ო... მაგას ვუჩვენებ, როგორ უნდა სხვის სიმინდებში თარეში. აბა, ბაბა, კარგად უყურე: სიმინდებში არ შეუშვა და მე ბევრ სიმინდს გამოვჭრი, — ამ სიტყვებით ივა საჩქაროდ ხშირ სიმინდში შევიდა და ფარნამაც თავისი გზა განაგრძო.

* * *

— ჩემო მამინია, მაგიერი პატივი როგორ უნდა გადაგიხადო, — ეუბნებოდა ფარნა მამინიას რამდენიმე ხნის შემდეგ. — კაცო, ეს რა მშვენიერი საბალახო გქონია, ვისია ეს ადგილი?

— ვისია? ვისი იქნება, ტურა-მგლის, მთელი ქვეყნის, მაგრამ დღესდღეობით კი ჩემს განკარგულებაშია.

წისქვილის უკან ერთ ქცევამდი ადგილი, სადაც თავის დღეში არაფერი ითვისებოდა, წისქვილში გარეშე სოფლიდან საფქვეავის მომტანთა ცხენისა და ხარების საძოვრად იყო მიჩნეული, მიწა საერთო იყო მძებრაძეებისა, მაგრამ მაძინია თავის ნებაზე განაგებდა და უფე-შკაშოდ, თუნდ მეხუთე სოფლიდან ყოფილიყო, არავის შეუშვებდა. და თუ შეუშვებდა, ისიც მოკლე ვადით. ამიტომ აქ საბალახო, მარჯ-ლაც, ჩინებული იყო. აი ამ საბალახოში გაუმასპინძლდა მაძინია ფარ-ნას ცხენს და კარგადაც გაუმასპინძლდა. მშიერი ცხენი ხარბად დას-წაფებოდა ნოყიერ, მაღალ ბალახს და მუცელი ისე გაბეროდა, რომ კაცს მაკე ეგონებოდა.

— ჰო, მითხარი, შე კაცო, რით გადაგიხადო ჰგეთი პატივისცემა.

— რა პატივისცემაა, — მიუგო მაძინიამ და ერთიც მწუხარედ ამოიოხრა. — ჩემ პატივისცემად ის მიმაჩნია, როცა გხედავ, რიგიანად და წესიერად იქცევი, სამერძისო საქმეს ადგიხარ. პირველად მე მოვას-წავლე ტომბაშვილს შენი სახლი და მისი გაცნობის შემდეგ თქვენს ოჯახს წაღმართობა დაეტყო. თქვენც რომ რიგიანი ბიჭები გამოხვე-დით, სწორედ დიდად მოხარული ვარ. ახლანდელ ცხოვრებას რომ ეუქვირდები, სულ სხვა დროებაა მოსული? მოგიკვდეს მაძინია, თუ მას თვალი, ყური ან ხელი სხვაზე უარესად ერჩოდეს. მაგრამ უკუ-ღმართ დღეს გაჩენილი კაცის საქმეს. რა გამოაკეთებს. ჩემზე ბევ-რი რაიმე გექნება გაგონილი. ტყუილსაც ბევრს ლაპარაკობენ ჩემზე, მაგრამ ბევრიც მართალია... *

უნაგირზე ნიდაყვდაყრდნობილ ფარნას მეორე ხელი ცხენის კისერზე ედო და ფაფარს ხელს უსევამდა. მაძინია მის პირდაპირ, მო-მალლო ადგილზე იდგა.

წისქვილიდან ვილაც წვერაბურძვენილი, შავ-შავი კაცი გამო-ვიდა და მაძინიას მიუბრუნდა:

— დიდ დოლაბზე საფქვეავი ჩამოილია, ახლა მე დამაყრევი, წმიდა გიორგის მადლი თუ გაქვს.

— კარგი, კარგი, დააყარე. — მიუგო მაძინიამ და ისევ ფარნას მიუბ-რუნდა: — ამას იმიტომ გეუბნები, ჩემო ფარნა, რომ შენ ჯერ ბავშვი ხარ, მაგრამ ამთავიდანვე სწორ და რიგიან გზას ადგიხარ. მე აქ იაქესავით ვდგავარ. არათუ ჩვენ სოფელში, მთელ გრუბენიაში რაც ხთება, რაც ახალი ამბავი იქნება. იმას ჩემზე წინ არავინ შეიტ-

* აქ ხელნაწერი დაზიანებულია, არ იკითხება. — ს. ც.

ყოფს. ვინ გინდა, თითო-თითოდ აიღე. საზოგადოება ვის როგორ უყურებს, ვინ რა კაცად მიაჩნია, ანი და ბანივით ხელზე მაწერია. აი. თუგინდ შენზე, ერთი კვირაა, რომ ვთქვათ, მეტი ხანი არაა, შე კაცო, რაც ჩამოხვედი და ისეთი კაი სახელი გაითქვი და ისე გიმადლის სოფელი, რომ მეტი არა შეიძლება. მე, ჩემი მხრივ, დიდად მოხარული ვარ და ეცადე შემდეგშიაც სახელი არ გაიტეხო. ამასთანავე ფრთხილად და მაგრად იყავი საქმეში, თორემ სოფელი საღესავე ბორბალივით ერთნაირად ტრიალებს აღმა და დაღმა. რამდენსაც ახლა გაქებს, უფრო მეტს, დიდად მეტს გაგინებს, თუ ერთი კინი რამე შეგამჩნია. საწყალი და გაკირვებული კაცი მუდამ გებრალუბოდეს, შენი მოგების გულისათვის ყელში ხელი არავის წაუჭირო და ღმერთიც მაგიერ ბარაქას მოგცემს. გაგიკვირდება ეს ჩემგან, მართალია. გასაკვირველიც არის, მაგრამ მე ამას ამ საათში, ამ წუთში გულწრფელად გეუბნები. თუმცა არა ერთი ქვრივი და თბოლი ამიტრებიან ჩემი მხეცობის და უფიცობის მეოხებით. დღეს შენ რომ მეუბნებოდი, რამ დაგაფიქრაო, და მე გაგებუმრე. ღმერთი მოწმეა. გულში სრულიად არ ვფიქრობდი. ჩემი საქმე, ბაბა, შვილო, ხომ გარდაწყვეტილია მოაბრუნე ლობიოო, მიაბრუნე ლობიოო, დანაყე ლობიოო. ისე არ იყოს, ათასნაირად მატრიალო, მე მხოლოდ მაძინია მეწისქვილე ვარ და გათავდა. აწი უვარესობას კი, და უკეთესობას არაფერს მოველი ცხოვრებიდან. ერთ მშვენიერ დღეს სადმე ალბათ დოლაბის გვერდით მივიღევი და ღვთის გულისათვის ეკლესიის გაღავნის განაბირად მიწას მიმაბარებენ. ჰა. უბედური მაძინიაო, სახუმაროდ მაინც იტყვიან. შეიძლება, ერთ წელიწადს, სანამ საფლავის მიწას მდელი არ მოერევა, კიდე გამიხსენონ აქა-იქ და მერე, ფჰთი-იქ. ეს ცხადია ისე, თუ გინდა ახლა ჩემი თვალით ვხედავდე, მაგრამ სანამ კიდე დავდივარ, მეც ადამიანი ვარ, მეც მიხარია სასიხარულო და მწყინს საწყენი. აი ჩვენ წინ ჭალას ვხედავთ. ამაზე უკეთესი მიწა, ნიადაგი, ბევრი ადგილი მივლია, კახეთის აქეთ ყველგან ვყოფილვარ ჩვენს ქვეყანაში და ამაზე უკეთესი მიწა, იცოდე, ძვირია. მე რომ სხვაგან მინახავს შრომა, იმდენი აქ რომ იშრომო, სიმინდს კი არა, ეს მიწა პირდაპირ ოქროს გამოისხამს. მაგრამ სადღაა რიგიანი შრომა! რიგიანი მუშა მთელ სოფელში ხუთი არ ურევია. შრომობენ, გგონია, მაგრამ იმას შრომა არ ჰქვია. თოხნიან იმიტომ, რომ შიმშილისა ეშინიანთ, თორემ ვინმემ რომ გამოუცხადოს დღეში თითო სულს ორ-ორ ჩოგან ღომს დაგირიგებო, ნახევარზე მეტი თოხს დააგდებს და ჩრდილქვეშ წამოწვება. ამას თუგინდ თავი დაავანებოთ; ორი-სამი კაცი ურევია სოფელში, ორ-ორი საყენი გასადლო-

ბავი მიუჩინეს, კვირკობისთვის დამლევს შესრულებული არ ჰქონდათ ლმერთს გეფიცები, სიმინდს ტარო ამოჰქონდა და ღობე კი სრულებით არ იყო შემოვლებული. ეს დაუდევრობა არ არის? თორემ ორი-სამი არამზადა როგორ მოერევა ას და ორას კაცს! ისე მოეუგრებ კისერს. რომ სულ ამან, ამანს იძახოდეს. არ არის და არ არის ჩვენში ერთმანეთის მოყოლა და ერთი პირობა რამე სასარგებლო და საკეთილდღეო საქმისათვის. სამარცხვინო და საეშმაკო რამეზე თუ გინდა მთელ სოფელს ფეხზე დააყენებ. თვითონ არ გამომიცდია? ისეთი კაცები გამომყოლია საქურდლად... ერთხელ მღვდელიც წამყვა. — ყურში ჩასჩურჩულა მაძინიამ, — ხა, ხ, ხა, ხ. მაშა! — ორი გამოქნილი კაცი აბრუნებს სოფლის საქმეს თავის ნებაზე. თვითონ კანში არ ეტევა; ორი-სამი კიდეც არამზადა, თვითონაც დაფსებული, სხვასაც საქმეს უფუჭებს...

მაძინია გაიჟმდა. ერთი გაიხედ-გამოიხედა. ფარნა გაკვირვებული შეჰყურებდა ამ სიმინდის ფქვილის ხრილით წვერ-ულვამ და საკინძე გადაყვითლებულ კაცს და თავის ყურს და თვალებს არ უჭერებდა, რომ ამას მაძინია რულაია ეუბნებოდა. მაძინია მეწისქვილე. რომლისაგან ხუმრობა-გინებისა და ლაზღანდარობის მეტი კაცს არავითარი სასიკეთო რამ არ გაუგონია. ფარნამაც გაიხედ-გამოიხედა, თითქო თვალთ ეძებს, ვინ ჩაუწვეთა ამ კაცს ასეთი აზრებით. პირდაპირ აიხედა, წისქვილის მკვარტლისაგან გამურული სახურავის კუნჭული მოხვდა თვალში. მარჯვნივ — წიფლის გამხმარი როკი, მარცხნივ კი ძველი, ცხრა ადგილას გაქედილი ურემი შეამჩნია.

„არა, ასეთი აზრების მასწავლებელი აქ არავინ უნდა იყოს“. — გაუელვა ფარნას, მაძინიას შეხედა და თავის დაქნევით. დაუდასტურა: „მართალს ამბობ, მართალს, ჩემო მაძინია...“ — რაღაც კიდეც უნდოდა ეთქვა, მაგრამ მაძინიამ დაასწრო:

— უკაცრაოდ, ფარნა, მგონია გაგაცდინე ტყუილ-უბრალო ყბელობით, ვაჭარი კაცი ხარ, შენთვის დროს დაკარგვა...

— ცოტა კი მეჩქარება, მაგრამ არა უშავს რა. ერთს კი გეტყვი, მაძინია, და არ გამაწბილო, არ გეწყინოს, თუ ლმერთი გწამს, — ამ სიტყვებით ფარნამ ჭიბეში ხელი ჩაიყო.

— რა ყოფილა, მიბრძანე.

— ეს ჩემ სახსოვრად გქონდეს, შენმა ნათქვამმა ისე გამოაცა, რომ...

— შენი თავი ნუ მომიკვდება, იმის მეტი, — მიუგო მაძინიამ და უკან დაიხია.

— მომითმინე, ცხენის ბალახობისათვის საჩუქარ ფულს კი არ გაძლე, შე კაცო. ეს თათრული მეჭითიაა, მე სხვამ მაჩუქა და შენთვის სახსოვრად მიჩუქებია, თორემ ქირას როგორ გაგიბედავ, — და მაძინიას ხელი გაუწოდა.

— შენი ნახელავი მრავალ წელს. — მიუგო მაძინიამ, ფული გამოართვა და ჯიბეში ჩაიღო.

ფარნა ცხენზე შეჯდა და მხოლოდ მაშინ გაახსენდა, რომ ჯერ უსადილო იყო.

— ხომ არ დაგეკარგა რამე? — ჰკითხა მაძინიამ.

— არა, — მიუგო ფარნამ, გაუცინა და ცხენს მათრახი მოუქნია. დასვენებულმა და მაძლარმა ცხენმა ამტვერებულ შარავზაზე კორიანტელი ააყენა.

X X X I X

შუალამე იქნებოდა. კონსტანტინე ტომბაშვილი თავისი მაღაზიის უკანა ოთახში მაგიდასთან იჯდა და რაღაც დავთარს ათვალევებდა. მის პირდაპირ ფარნა იჯდა და ხელში თავისი უბის წიგნი ეკირა. ანგარიშებით აკრელებულ მაგიდაზე არეულად ეყარა სხვადასხვა ზომის ქაღალდები. კონსტანტინეს წინ დიდი საანგარიშე ჩოთქი იდგა. ოთახის კარი და ფანჯარა დაკეტილი იყო. ოთახს ლამპა ანათებდა.

— კარგი, ახლა დავიწყოთ, — დაარღვია სიჩუმე კონსტანტინემ და საანგარიშეს ხელი დაადო.

— სულ თავიდან? — ნელა ჰკითხა ფარნამ, უბის წიგნს თვალი მორიდდა და კონსტანტინეს შეხედა.

— მაშ როგორ, სულ თავიდან დავიწყოთ, ე. ი. რაც შენ გიყიდი. ჯერ რამდენი ვიყიდეთ და რამდენად ვიყიდეთ, მერე რამდენად გავყიდეთ და მერე შევეუღაროთ ერთმანეთს, მოგება რამდენი დარჩა.

— ნება შენია.

— ასე სჯობია, მგონია, სხვაფრივ როგორ?

— არა. ამაზე უკეთ როგორ იქნება, მხოლოდ, წინათ რომ ხუთი ათასი ვიყიდე, მაგი ცალკე ვიანგარიშოთ. მაშინ ხამი ვიყავი და ზოგან ავრიე, მაგრამ ზარალი იქაც არ მინახავს მგონია.

— ნება შენია, ბერძენს რომ მიუწონეთ, დავთარში ხომ ცალკე აღნიშნე?

— უბის წიგნაკშიაც და დავთარშიაც.

— აბა. დაიწყე.

ფარნამ გაშლილი დავთარი წინ დაიდო და უბის წიგნი მოიმარჯვა. უბის წიგნს ერთი დაკვირვებით დახედა, მერე დავთარს და დაიწყო:

— ოთხი ათას ცხრაას ოთხმოცდასამი ფუთი ვიყიდე; ორი ათასში მივეცი ორ-ორი აბაზი, სულ რვაასი მანეთი.

— რვაასი!—დაიძახა კონსტანტინემ და რგოლები გაატკაცუნა.

— ათას ორას სამოცდარვა ფუთში მივეცი, თითოში ათ-ათი შაური, სულ ექვსას ოცდაათოთხმეტი მანეთი.

— კარგი, ესეც სულ ათას ოთხმოცდათორმეტი.

— რვაას ფუთში მივეცი თერთმეტ-თერთმეტი შაური. ჰაი, დედამისს, ჯიბრზე იყო საქმე და... ერთი ვილაკ კულა კაცი გამომიჩნდა მოქიშპე, ვილაკ აბაშელი, მაგრამ გაქვს ღვთის წყალობა, ჩქარა გავაკოტრე, თორემ ცუდად იყო საქმე. ფული იზამს ყველაფერს, ეგ ოხერი... ესეც ახლა ოთხას ორმოცი მანეთი.

— კარგი, ესეც მივუმატეთ, ჩემო ბატონო, — თქვა კონსტანტინემ და საანგარიშე რგოლები გაატკაც-გამოატკაცუნა. — ახლა გამოდის ათას რვაას სამოცდაათოთხმეტი მანეთი.

— ექვსას ფუთში მივეცი ისევ ორ-ორი აბაზი. ესეც ორას ორმოცი მანეთი.

— ოჰო, ორი ათას ას თოთხმეტი მანეთი.

— და სამას თხუთმეტი ფუთი ვიყიდე ცხრა-ცხრა შაურად. ესეც ას ოცდათვრამეტი მანეთი და თხუთმეტი შაური.

— ესეც გამოდის სულ!—დაიძახა კონსტანტინემ.— ოთხი ათას ორას ორმოცდათორმეტი მანეთი და თხუთმეტი შაური.

— სწორია! — დაიძახა ფარნამაც.

— ნუ გეშინია, ანგარიშში იაღლიში ძვირად მომივა.

— მე ესენი სულ თითო-თითოდ მაქვს გამოანგარიშებულნი. ღმერთმა აცოცხლოს, ვინც მე ეს მასწავლა. ახლა გადმოტანა მაგისი დაგვიჯდა მუშის ფულიანად. ხუთას ორმოცდარვა მანეთი და სამი შაური...

— კარგი, ესეც რომ მივუმატოთ, გამოდის: ორი ათას რვაასი მანეთი და ოთხმოცდარვა კაპეიკი. ასეა?

— სწორია, — ენაზე კბილების დაჭერით მიუგო ფარნამ.

— ახლა, რავე გაიყიდა!

— მოიცა, ჯერ აქ რამდენი გამოვიდა, აქაურ სასწორში.

— ჰო, მართლა, — ჩაიციხა კონსტანტინემ.

— ბევრი არაფერი მოუმატნია, — უკმაყოფილოდ თქვა ფარნამ, საჭყონდიდლო ჩვენებური სოფლები კი არ არის, ქილით რომ დაუზომო? სასწორი ყველამ იცის და ქილას არც კი შეგატანინებს.

თავის სახლში. მაგრამ, ღმერთო, შენ შემინდე! ზოგან ცოტ-ცოტად იქაც გადაუქნიე. პო, აქ კი გამოვიდა ხუთი ათას ასი ფუთი, ე. ი. ას ჩვიდმეტი ფუთი იმატა წმინდად.

— ესეც კარგია.

— ესეც როგორ იმატა, საკვირველია, მე ერთი ხამი კაცი. ისინი კი ისე გამოქნილი ხალხი და კიდევ იმდენი მყიდველები.

— რას მეუბნები, საკვირველებაა. ჩინებულად მოეწყო საქმე. მე ერთი გაქირვებული კაცი ვიყავი. ღმერთგამწყრალმა შუაალაგას გამიწყვიტა ბაწარი და არ ვიცოდი, რა მექნა. სხვა გზა არ იყო, თორემ პირში გეტყვი: ძლიერ კი მეშინოდა შენი. ფულებს რომ გაძლევდი. გული მიკანკალებდა. ყველანი, — გამოუცდელი ბავშვიაო, — ამბობდნენ შენზე. ზოგი, ხომ იცი, ის „მოკეთებები“ უღვაშში იცინოდნენ: მადლობა ღმერთს, ეს არის, გაკოტრდა ტომბაშვილიო.

— მოითმინონ, ჯერ ნუ ჩქარობენ, — შხამიანად მიუგო ფარნამ, — ჰე, აბა, ახლა რამდენად გაცვიდეთ?

— გაცვიდეთ სამ აბაზად და ერთ შაურად, როგორც პირობაში გვეწერა. სულ ავიღეთ: სამი ათას სამას თხუთმეტი მანეთი. — მოითმინე, ეს დაენიშნო, — მიუგო კონსტანტინემ და ორი ათას რუაასი მანეთი და ოთხმოცდარვა კაპეიკი ქაღალდზე დანიშნა. — სამი ათას სამას თხუთმეტი მანეთს გამოვაკლოთ ორი ათას რუაასი მანეთი და ოთხმოცდარვა კაპეიკი, დარჩება ხუთას თოთხმეტი მანეთი და ოთხმოცდარვა კაპეიკი. ხუთას თოთხმეტი მანეთი და ოთხმოცდარვა კაპეიკით, თო! — კმაყოფილებით თქვა კონსტანტინემ. — არა უშავს რა.

— პირველ ხელზე გვარიანია, — სიცილით მიუგო ფარნამ.

— რას ამბობი მთელი წლის განმავლობაში ვერ მოიგებს ზოგა წვრილი მესიმინდე ამდენს.

— ახლა ქყონონაში ნავაპრი იანგარიშე, — გულმხიარულად უთხრა ფარნამ.

— ისიც ხომ ასე დაწვრილებით გიწერია?

— დავთარიშიაც და უბის წიგნაკშიაც.

— მაშ, მითხარი და ის იქნება. დავთარი კი მაქვს დათვალეერებულს, ყველაფერი სწორადაა.

— მაინც გასინჯე ხელახლა.

— არაა საჭირო.

— მე მირჩევნია.

— გენდობი, შე კაცო, არ დაიჯერებ! გენდობი, ძმაო, რა ანგა-ჩიში უნდა. ვხედავ და ეს არის. მითხარი, სულ რამდენია ქყონონაში ნაყიდი?

— კარგი, ნება შენია. სულ ბატონო, ვიყიდე ცხრამეტი ათას-სამასი ფუთი...

— კარგი, ახლა ეს მითხარი: რანდენი ფული გავიდა ყიდვაში?

— ახლავე, ბატონო... ერთი მეორესთან... ათ შაურზე ზევით არ მიმიცია. იმდენი წავეუსვ-წამოვეუსვი... სიმინდზე მოცემულია... ჩე...
წო...ბა...ტონო: ცხრა ათას ექვსას ორმოცდათექვსმეტი მანეთი. არც მეტი და არც ნაკლები. გადმოტანა კი დაგვიჯდა: ათას ცხრაას ოცდაათი მანეთი.

— კარგი, შენი ჭირიმე, — მიუგო კონსტანტინემ. — სულ გამო-ღის თერთმეტი ათას ხუთას ოთხმოცი მანეთი.

— სწორია, — თქვა ფარნამ. — აქ კი გამოვიდა ოცი ათას ოცი ფუთი; ქილამ ქნა და! — ამაყად დაიძახა ფარნამ. — წონაზე რომ ყოფილიყო საქმე, შენი მტერი, მარა ქილა... ქილა, სადაღიო ქილა... ეურთხეული.

— გავყიდეთ კი სამოცდაშვიდად, მაზანდა გვეწერა პირობაში.

— ნამდვილია, სულ გავყიდეთ: ცამეტი ათას ოთხას ცამეტ მანეთად და ორ აბაზად.

— კარგი, ახლა გამოვაკლოთ... რჩება, ჩემო ბატონო. წმინდა მოგება: ათას რვაას ოცდაცამეტი მანეთი და ოცდაცამეტი კაპეიკი. ავაშენა ღმერთმა. წინანდელიანად სულ: ორი ათას სამას ორმოცდაშვიდი მანეთი და ცხრა შაური.

— ნამდვილია. ერთი ღრამი არც აკლია. არც მეტია. ახლა, როგორც გენებოს, — თავმდაბლად მიუგო ფარნამ და წამოდგა.

— ნუ გეშინია. კონსტანტინე თავის პატიოსან სიტყვას და სისხლს თავის დღეში არ უღალატებს.

ფარნა გაჩუმებული და გულხელდაკრეფილი უყურებდა. კონსტანტინემ ერთი საანგარიშე რგოლებს დახედა, ერთიც დაეთარს, ხელი შუბლზე მიიღო და რამდენიმე ხანს დაფიქრებული იყო.

— ჩემო ფარნა, — დაიწყო კონსტანტინემ, — მეც გამომიცლია შეგირდობა. შენ, ღვთით, მესამე წელიწადია, რაც დუქანში ხარ, ათი ათასიან საქმეს ატრიალდა და მე რვა წელიწადი დახლშიაც არ შევსულვარ. სულ ბიჭად ვიყავი, სიცივით ვკანკალებდი გარეთ, და მობრძანდით, მობრძანდის ძახილით მუშტრებს ვეპატიებოდი. შენ შენი ხვედრი გერგება, რა თქმა უნდა, და კიდევ მიიღებ, მაგრამ შენი უფროსი ძმა, შენთან რომ შრომას სწევდა, თუმცა მაგაზე არავითარი ლაპარაკი არა გექონია, მაგრამ ისიც კაცია, და ერთგული და მშრომელი კაცი. ღმერთმა რაკი მოგება მოიტანა, ის სულ ისე დავაგლოთ და დავივიწყოთ, ცოდვაა.

— შენი ჰირი შემეყაროს! — მხიარულად წამოიძახა ფარნამ და კონსტანტინეს მკერდზე დაეკონა.

— ა, წიე? არ დამახრჩო, — გადაიხარხარა კონსტანტინემ. — არა, მე, დედის სულს გეფიცები, გულწრფელად ვამბობ: ორასი მანეთი მისთვის მიჩუქებია.

— დიდად ვმადლობ, — თავი დაუკრა ფარნამ. — მართალი უნდა თქვას კაცმა, ხუთი ჩემოდენა იშრომა საწყალმა. მაგან რაც ურმებით რკინიგზის სადგურამდე სიმინდის გადმოტანაში შრომა ნახა, ათასი კაცი ისე დაიღვევა, მაგის მეხუთედ შრომას არ გასწევს.

— კარგი, ეს ორასი ჩემს ივას ჰქონდეს. დანარჩენი ორი ათას ას ორმოცდაშვიდი მანეთი და ცხრა შაური, როგორც გვეთქვამს... მე და შენ, — ტუჩების მალლა აწვევით და მოლიმარი სახით დაათავა კონსტანტინემ.

მეორე დღეს კონსტანტინე ტომბაშვილი, მისი ძმა იოსები, ფარნა და ივანე თოხტიტარიები ნოტარიუსთან იყვნენ. ფარნამ ასი თუმნის თანხა ტომბაშვილს შეუტანა მალაზიაში და ივანემ ოცდახუთი თუმანი საყახბოში, და ორივენი, თანხის დაგვარად, მოგების მონაწილე გახდნენ. მათი ჯამაგირი, როგორც ნოქრებისა, ძალაშივე დარჩა.

...საუბედუროდ, სწორედ იმავე დღეს, რა დღესაც თოხტიტარიებმა ასეთი სამოგებო ნაბიჯი წარსდგეს წინ, სოფელ ჭყონონაში მოხდა ცოტა არ იყოს, უსიამოვნო ამბავი, რომელსაც თოხტიტარიას ოჯახთან მკიდრო კავშირი და საგრძნობელი შედეგიც ჰქონდა.

ხუმრობით დაიწყო და ბოლო სამწუხარო მიეცა.

ძუკუ მძებრადის და კუდას ჩუმ-ჩუმად შემოსვლა ნიკოია თოხტიტარიას სახლში და გაიანესა და ძუკუს შეხვედრა გიტინია თოხტიტარიასა და მისი რძლის მეოხებით აქა-იქ დაითესა და, რა თქმა უნდა, მაძინია მეწისქვილემაც შეიტყო. ფარნასთვისაც კი უნდოდა ეთქვა. მაგრამ სხვადასხვა მოსაზრებით არ უთხრა.

შუაღლე იყო. მაძინია წისქვილის წინ უშნოდ დაყრილ რიყის ქვებზე იჯდა. მასთან ორი გარეშე სოფლელებიც იჯდა. ყველანი თუთუნს შეექცეოდნენ და მუსაიფობით ერთმანეთს ართობდნენ. წისქვილის სამივე ბორბალს ბრიალი გაჰქონდა.

ერთიც ვნახოთ, ზედ წამოადგა მათ ჩვენი თემა ბოქოკია თავისი ნაბდის ქუდით და დაფხრეწილი ჩოხით.

მაძინია დღეს რაღაც განსაკუთრებით მხიარულ გუნებაზე იყო, და ცოდვა გამოცხადებული სჯობია, ამ გარეშე სოფლელების მოტანილი წითელი წვენიც საკმაოდ ეხვრიბა. კუდას ნახვა ძლიერ გაუხარდა შექეიფიანებულ მაძინიას და მაშინვე ოხუნჯობით მიეგება:

— თემას ვახლავარ, თემას, ჩემს თემას ოცდაათი ცხენოსანი კაცი-
ტით და ამ ჩემი სტუმრებით. შენც და შენი ქუდიც დამიპატიეებია
ღღეს, ისეთ ქაიანურს გასმევ, რომ...

კუდამ გარეშე სოფლელებს დინჯი თვალთ შეხედა და მაძინიას
უკმაყოფილოდ გადმოხედა. თითქო გულმა უგრძნო, რომ მაძინია სა-
ბერიოს არ ეტყოდა, და წისქვილშიაც შეიხედა.

— იქით ვის უყურებ, ჩვენზე უკეთესს იქ ვის ნახავ? მოხუცებუ-
ლები წუთ-წუთს თვლიან, აბა როდის ჩამოვა წისქვილიო, და სხვა იქ
დოლაბები და ტომრების მეტი არავინაა. ლამაზ ქალებს და განსაკუთ-
რებით ახალგაზრდებს იქ აღგილი არა აქვს, — მხიარულად დაილა-
პარაკა მაძინიამ.

კუდა შეწითლდა, გულში დაინანა: აქ ახლა რისთვის მოვედიო.
და უკმაყოფილო თვალებით მაძინიას გადმოხედა.

— რას მებღვირები, არ მოდიან ოჯახდაქეულები ჩემთან, მე რა
ბრალი მაქვს. ა, თემაია, სული ნუ წაგიწყდება, ის როგორ იყო, გვი-
მრონ-გვიმრონით, ღობე-ღობე მოფარებით რომ ეპარებოდი ნიკოიას
სახლს?

— დაიკარგე იქით, — გააწყვეტინა კუდამ და გაფითრდა.

— ჰო, ახლა გაიოცე, რაღა! რას მალავ, შვილო. ქვეყანამ იცის,
შუბი პარკში არ დაიმალებათ, ხომ გაგიგონია და მაგისთანა საქმე,
ხომ იცი, ისე, თავისით დაიძახებს... ა... სული ნუ წაგიწყდება, მოაკვა-
რაჰინე საქმე, ა... თუკი გერგო, ბეჩა, გემრიელი ლუკმა. ჩვენი ხე-
ლი კაცის საქმე, ხომ იცი, ნაბოლარაა, სუკები თუ არ გერგო, კან-
ქებს მაინც მოებლაუქე, ხი, ხი, ხი, ხი, ხა, ხა, ხა, ხა, — გულიანად
გადიხარხარა მაძინიამ.

— რეებს ამბობ, მაძინია! ამბავი რომ არ იცის, იმისთანა კაცებს
მართალი ეგონებათ, — დინჯად მიუგო თემამ და შეეცადა მტკიცე და
შეუპოვარი გამომეტყველება მიეღო.

— ჰაი, ჩემო თემა, რას მეუბნები. წისქვილში კაცი შევიდეს და
ამბავი არ იცოდეს, ვის გაუგონია! ძუკუს ამბავი ვინ არ იცის?

— მძებრაძეზე არ ამბობ, ბასილის შვილზე? — გაერია ერთი
სოფლელი, — მართალია, ვილაც თონიტარიას ქალს ირთავსო?

— აა... აი... შენდაო და ბატონო და თომა ბერაია! — ხელების
ტკაცუნით მიაძახა მაძინიამ. — შენ კი კვირობდი და აგერ ამ კაცს
ქე სცოდნია. ეს რა დასამალავია. იწერს თუ არა ჯვარს, რა მოგახსენ-
ნო, ჩემო ბატონო, — მიუბრუნდა მაძინია გარეშე სოფლელს. — ძუ-
კუ სულ სტამბოლისკენ იწერს პირჯვარს, და ეს ბატონი კი, — მიუთი-
თა კუდაზე, — გახლავთ თემა ბოჭოკია, დახელოვნებული მაშვალი.

ვინიცობაა, რძალი გინდა მოიყვანო, ან შეიძლება თანამეცხედრემ-
 ლმერთმა სასუფეველი დაუმკვიდროს, ადრე მიგატოვოთ და საიქიოს-
 გეახლოთ, — რა ვქნათ, ყველანი ხომ ადამიანები ვართ, — აქ მობრ-
 ძანდით, ბატონებო, და აი, აგერ გახლავთ თემა ბოჭოკია, „ღლამის“
 მაშვალი. ძუკუს თოხიტარიას ქალთან ეს უწყობდა საქმეს. მაღალ-
 მაღალი კაცი არაა, თქვენი ბედნიერი თვალითაც ხომ ხედავთ და გვი-
 მრა-ბაზნარში არ უნდა გამოჩენილიყო, მაგრამ, ხომ იცით, ეწერი,
 კეტეხი მიწა გვიმრასაც ვერა ზრდის რიგიანად და ჩვენს თემასაც
 თავი გამოუჩნდა, თოხიტარიას სახლს რომ ეპარებოდა, მერე კუდიც
 გამოჩნდა, თუ რისთვის ეპარებოდა ნიკოიას სახლს, და მერე ხომ
 იგი ცოდვილი ქვეყნის ამბავს დაახვევს და დაახვევს. ფირფიტაზე,
 აბრეშუმის ძაფივით და გააბამს აქეთ-იქით. აი თქვენც შეგიტყვიათ,
 ჩემო ბატონებო. ა, თემაია, თუ დააძეხი, ქე მაინც რიგიანად, ძუკუ
 გვარიანი უხვია.

— ფუი, რანაირებს ბედავ შენ ღღეს, ვერ გამიგია, — წყენით
 თქვა კუდამ, ერთიც დააფურთხა და მათ გაშორდა.

— მაგისთანა თარნაკი ყაზახი ამ სოფელში არ ურევია, — უთხ-
 რა მაძინიამ გარეშე სოფლელებს, როცა თემა მათ მოშორდა. —
 ამასთან მეტისმეტი ზარმაცი. და წვრილმანი ქურდია.

— რაც არის ის გოგო, კაი კაციზა ქე მიუთრიგებია, — შენიშნა
 ერთმა.

მაძინიამ გაკვირვებით შეხედა, თითქო ეუბნება: ნუთუ მაგეთი
 თხელი ჭკუის კაცი ხარო, და მერე უპასუხა:

— ისე გაურიგდა მაგას თავისი სალოცავი, იმან რომ ის რიგია-
 ნად გაარიგოს. ტყუილ-უბრალოდ საბრალო გოგოს, მერე როგორ
 გოგოს, ყაზახის პირობაზე, დედოფლად ვარგა, იმისთანა გოგოს სა-
 ხელს გაუტეხს და ნიკოიასაც ოჯახს აურევს. მერე როდის, როცა
 გამოკეთდა ყაზახი, შვილები დაეზარდა. ერთი შვილი ისეთი ჰყავს,
 თავადიშვილს სჯობია, ყოველმხრივ ჩინებული ყმაწვილია.

— ის, ამას წინეთ რომ სიმინდს ყიდულობდა? ვიცი, — შენიშნა
 ერთმა.

— ჰო, ის, და, აჰა, შეუჩნდა მაგის ოჯახს ამისთანა ქვეყნის მო-
 ძულებული კაცი და ერია-მორიას აყენებს მის სახლში. ჯერ არაა-
 სოფელს რიგიანად მოდებული ქორი, თორემ როცა ძმები შეიტყო-
 ბენ, იმ უბედურს ჩოგანზე ჩამოაცვამენ. მაგრამ ეს დიდი მამაძაღლია,
 თავს მოიკატუნებს და გამოძვრება. ბასილი კი, ვიცი, გაილანძლება.

— ეს თუგინდ ასეა, მაგრამ... — თქვა ერთმა უცხო სოფელელმა,

რომელიც სულ ჩუმად იჯდა, — ეს ქალებიც რათ ენდობიან ასეთ კაცებს, რათ თანხმდებიან.

— ეხ, ისე ლაპარაკობ, თითქო ორი წლიდან საერმეს მონასტერში იყო გაზრდილი და ქალები თავის დღეში არ გენახოს, — დამცინავი კილოთი გააწყვეტინა მაძინიამ. — ადამიანის ბუნება არ იცი? ავს და კარგს ვინ არ არჩევს, მაგრამ რამდენი ჩადის უბედურ საქმეებს. რამდენი მე ჩამიდენია. იმიტომ კი არა, რომ ავს კარგისაგან არ ვარჩევდი... ქალის ჭკუა ხომ იცი. რასაც ეტყვი, დაიჭერებს. დარწმუნებულიც რომ იყოს, ატყუებ, მაინც სუსტია, გეთანხმება. ის, მე ვიცი, როგორ იქნებოდა: ეს ეშმაკი შეუძვრებოდა. ასე-ისეაო, ეტყოდა. რას ამბობ, მძებრადეს უყვარხარო, ცოლად შეგირთავსო. შენი გულისათვის თავს იკლავსო. ძუკუ გაუმეორებდა და დაარწმუნებდა. რას დაეძებს, რა ზარალში შევა. გულს მოიჭერებს და მიატოვებს, თითქო აქ არაფერიაო. განა მაგისთანებს ცოტას ჩადიან? ახლანდელ მოარშიყეს ვაშლის ხორცი უნდა. გარშემო გაკმინჩავს და გულს ტალახისავენ ისვრის. მაძინიას მაგეთები არ გამოეპარება, ჰაი გიდი!

— ვო, გოძია, როგორ ვიყურებით, არ ვიცი. წაჭიდეთ, ხარებს რამე ბალახი მოვუჭრათ ფალაგეში, თორემ ცოდვაა, დღეს სულ დაბმულები არიან, — დამთქნარებით უთხრა ერთმა გლეხმა მეორეს.

— აჰა, ჰაია! — მიაძახა მეორემ და გაიზმორა, — წავიდეთ, წავიდეთ, კი, კი, კისერიც მოტეხია, მაგათი არშიყოზა კი არა. რამდენი მიჭირს, ჩემი ცოდვა, ერთი მტევანი რა არის, ჯერ არ მომიკრეფია, კალათები მთელი არა მაქვს. სიმინდიც კარზე მომდგარია და ბიჭებიც უქეიფოდ მყავს, ვოვა, ჩემი ცოდვა: თუ ავად გამიხთა, — დაღონებულად ამბობდა გლეხი და ფალაგესაკენ ხარების საძოვრის საშოვნად მიჩანჩალებდა.

• • •

მაძინიას მოურიდებელმა, პირდაპირმა სიტყვებმა კუდას დავთარი დაუბნიეს. ამ ჭორს სხვაგანაც მოჰკრა ყური, მაგრამ ასე მოურიდებლად, როგორც მაძინიამ პირში მიახალა, რასაკვირველია, არავის გაუბედნია. „შეხედეთ? გარეშე სოფლელებსაც გაუგიათ. ბასილმა ან ნიკოიამ რომ შეიტყოს, ერთი ალიაქოთი დატრიალდება“, გაიფიქრა კუდამ. სული ყელში მოებჯინა, მზად იყო, მაძინიას ხორცი შეეწვა და შეეჭამა, მაგრამ თვითონ ვერაფერს გაუბედავდა. „ეს ტრიკი, ეს ბუში, ეს ღორის გაგდებული, ესა, ამასაა, რაც ქვეყანაზე გაუვრცელებია, ამ ენაწავარდნილს, ამასა“, — იგინებოდა კუდა და გაჩქარებული მიდიოდა ძუკუ მძებრადის საძებნელად.

ძუკუ მძებრადე ღუქნებისაკენ ეგულეზოდა და მართლაც იქ დაუხვდა. ხუთიოდ სხვა მოცილილ კაცთან ღუქნის აივანზე იჯდა და ლაზღანდარობდა. თუ ვინმე ქალი ახლო გაივლიდა, ან ღუქანში რასმე საყილად შემოვიდოდა, ხომ ყველანი შეცვივდებოდნენ და რაგორმე გამოელაპარაკებოდნენ. კარგი ღირსების საქონლის არჩევანზე თავიანთი სამსახურის გაწევას შეჰპირდებოდნენ, შინაურების ამბავს ჰკითხავდნენ, ან სხვა რასმე მოიმიზებდნენ და თან თვალით და ტუჩებით ათასნაირად ეარშიყებოდნენ. როცა კი წავიდოდა ღუქნიდან, მის სახელზე ხომ ხუმრობასა და უწმაწურ სიტყვებს ანგარიში არა ჰქონდა.

თემამ რაკი ძუკუ სხვებთან ნახა, ღუქანში არ შევიდა, მხოლოდ საერთოდ ყველას გამარჯობა უთხრა, ძუკუს მხოლოდ შეხვდა და ამ შეხედვით გააგებინა, რომ უკან გამოჰყოლოდა. ძუკუ მიხვდა, მაგრამ მაშინვე არ გაყვა, რომ რამე ეჭვი არ აეღოთ, თუმცა დანარჩენებს ეს შეხედვა არ გამოეპარათ და ერთმანეთს სიცილით გადახედეს.

რამდენიმე ხნის შემდეგ ძუკუ წამოდგა და, ვითომ ჩქონისკენ ცხენის სანახავად მიმავალმა, თემა რომ წავიდა მის მოპირდაპირე მხრისკენ გაემართა. ღუქნის წინ ფართო ყანას მოუარა და შეეფეთა თემას, რომელიც ყანის ბოლოს უცდიდა. თემას აღელვებულ სახეზე ძუკუ მაშინვე მიხვდა, რომ რალაც უსიამოვნება უნდა მომხდარიყო, მაგრამ მაინც მივალერსა:

— რამ მოგაწყინა, თემა, ცუდი ხომ არა არის რა?

— ამას, მოგკვდე, რავა არ მირჩევნია, მაგ გაგდებულნი, მაგ ნაბუშელა, მაგ განაყიდი, — ბრაზით მიუგო კუღამ.

— რომელი? ვინ?! — გაოცებით ჰკითხა ძუკუმ.

— კაცო, ვინმემ მომკლას, ყელი გამომჭრას, როგორ არ მირჩევნია რა კარგად მიმყავდა საქმე... და რაც კორები დაითესა, სულ მაძინია მაზაკვალის საქმე ყოფილა. მაგასაა, ჩვენთვის რომ ხის დანით ყელი გამოუჭრია, მაგ ღობის კიდზე მიგდებულს, მაგასა. გარეშე სოფლელებთან მომადგა დღეს და ქვეყანაში გამოგრეცხა შენც და მე ხომ, რა სათქმელია: გარეგე მძებრადე და თოხიტარია თუ არაო. არიქა, ეცადე კარგად დააძეხიო. გარეშენი და უცნობი კაცები რომ არ ყოფილიყვნენ... მაგრამ, რა მექნა, — კბილების კაწკაწით დაუმატა ბრაზმორეულმა თემამ.

ძუკუ გაფითრდა და უღვაშების გრეხა დაიწყო.

— მაშ, იმასაა ჩემთვის საქვეყნოდ რომ ყელი გამოუჭრია! — რიჩიანად დაიძახა ძუკუმ და სახეზე აღმური აედინა. — მე მართლა მის ტოლი ვყოფილვარ, მაგ ვირის გაგდებულის, თუ მაგას კბილები

არ ჩავამტვრიე. მაგას ჩემს საქმეს ვინ ეკითხებოდა! ჩემს მედიატორედ ვინ დააყენა! დამაცადოს, და ვასწავლი, თუ ძუკუ ვარ, როგორ უნდა მიჰქორ-მოჰქორვა. — უღვაში ისევ ძალზე ჩაივარჩხა, ხანჯლის პირი ქარქაშიდან რამდენჯერმე ამოსწია და ისევ ჩაატაკუნა.

— შენ წადი ერთი, — მიუბრუნდა თემას, — ჩქონში ცხენი დამითვალეირე. ბაწრით დატოვლებულია. ნახე, ხომ არ დახლართულა, საბალახოც გამოუცვალე და მე გაყურებიანებ მაგ ყურუმსალის სეირს. ვაჩვენებ მაგას, როგორ უნდა მოჰქორვა, — ღირსებით დაუმატა ძუკუმ და წისქვილისაკენ გაემართა.

საღამო ჟამი იყო. გარეშე სოფლელებმა ბახვიამ და გოძიამ ხარებს ბალახი მოუტანეს და წისქვილის უკან დაუყარეს. თვითონ მაძინიასთან ერთად. წისქვილის გვერდით, წყლის პირად, ამაღლებულ ადგილზე ჩამოსხდნენ და ჩიბუხს ეწეოდნენ, ტბილად მუსაიფობდნენ. მათი სიმინდი იფქვებოდა და საცაა ჩამოილეოდა.

ძუკუ მძებრაძემ ბევრი არ დააყოვნა. ცალი ხელი ხანჯალზე დაედო და ჩუმი სიმღერით მოდილინებდა. ისე მოდიოდა, თითქოს წისქვილისკენ არც კი უნდა შეიხედოს, ჩქარა უნდა გაიაროს ეს ადგილიო. მათ რომ დაუპირდაპირდა, ერთი შეჩერდა, თითქო არ იცის, როგორ მოიქცესო, გამობრუნდა და მათკენ გაემართა. მაძინიამაც და დანარჩენებმაც ზეზე აღგომა ვერ მოასწრეს, რომ ძუკუ მათ წინ იდგა. გამარჯობა თქვენიო! — როგორც იყო უშნოდ მიადახა მათ და მაძინიას წინ გაჩერდა. სახეზე სიბრაზე ეტყობოდა, მაგრამ ცდილობდა თავი ჩვეულებრივ გულგრილად მოეჩვენებინა.

— შენ ხარ, მაძინია, ჩემზე რომ უწმაწურ კორებს ავრცელებ სოფლებში? — მწარე ღიმილით დაეკითხა ძუკუ და თვალი დაუბრიალა. მაძინია მაშინვე მიხვდა, რაშიც იყო საქმე და გაფითრდა, მაგრამ სულის სიძლიერე მანაც არ დაჰკარგა და რაც შეიძლებოდა ღმობიერად მიუგო:

— ვინ მოგახსენა, ძუკუ, მაგეთები, შენზე მე რო...

ამ დროს ერთი იმავე სოფლელი გლეხი, ზურგზე ტომარააკიდებული წისქვილში შედიოდა, მათ აყალმაყალზე შეჩერდა და ყურება დაუწყო.

— კიდევ თავს იმართლებს, ეს ტრიკი, ესა, — დაიკყვილა ძუკუმ. ერთი ხანჯლის ტარზე ხელი წაივლო, მაგრამ ისევ საჩქაროდ გაუშვა და რაც ძალი და ღონე ჰქონდა. ჰკრა ქუსლი მაძინიას კანკებში.

მაძინია წაბორძიკდა, საუბედუროდ, წისქვილის თხრილის ციკაპოზე იდგა. წინ გადაიხარა, მაგრამ ჭეელი ყმაწვილის ღონიერმა შე-

მოკრულმა წიხლმა უკან დასძრა, ხელის მოსავლებელი, ჰაერის გარდა, სიახლოვეს არაფერი იყო, თავი ველარ შეიმაგრა და წისკვილის წყალში შვლება მოადინა.

ძუკუს ეტყობოდა, მაშინვე ეწყინა. ეს მეტი მომივიდა, — გაუელვა თავში, — ხომ არ მოვკალი ოჯახდაქცეულიო, და ერთი წყალში ჩაიხედა და რაკი დაინახა, რომ მაძინია, წყალში ამოწუმპული, შიგ სასაცილოდ ფორთოხობდა და ამოსასვლელად თხრილის კიდეგ ებლაუჭებოდა, შებრუნდა და ნელ-ნელა გზას გაუდგა.

ეს ისე ჩქარა მოხდა, რომ გარეშე სოფლებზეა ჰაიტის თქმაც ვერ მოასწრეს. თვით მაძინიაც არ მოელოდა ძუკუსაგან ამნაირ ქცევას და თავის მხრივ არავითარი თავის დასაფარავი ზომები არ მიუღია. ტომრიანმა ტომარა იქვე დააგდო და საჩქაროდ მიიპრა, მაგრამ გვიანი იყო, სამნივე მიეშველენ და მაძინია წყლიდან ამოიყვანეს. ცხვირიდან სისხლი მოსდიოდა, შუბლიც ერთ ალაგას ქვას გაეფხაპუნა და იქიდან მომდინარე სისხლი ცხვირის სისხლს უფრთედებოდა და წყალშერეული წვერიდან ახალუხზე მოწკანწკარებდა.

მაძინიამ, როგორც შეეძლო, საჩქაროდ, ზოგი ხელით, ზოგიც სახელოთი სისხლი მოიხოცა, სახეზე ხელი მოისვა, წისკვილში შევარდა და თოფი გამოარბენინა. ესღა შერჩენოდა ძველი დროებიდან, წისკვილშიაც ყოფილიყო ერთი-ორი კაცი. ყველანი მიცვივდნენ, თოფი წაართვეს და დაიჭირეს. ძუკუმ კი სიმინდებში შეიბრინა.

— ეს მქონდეს მე, მოგიკვდეს მაძინია. თუ მაგიერი ტაბაკი წინ არ დაგიდგას, შე მესოფლიე ძაღლო, შენა, შე გაფუჭებულო! — ბრაზით ამბობდა მაძინია. — ვიცი, მე ეს ვინ მიქნა... ჰაი, შე დამშეულო, კუდავ, შენა, — ბევრი რამის თქმით იჭერა გული საბრალო მაძინიამ, მაგრამ რას გააწყობდა, მომხდარ საქმეს უკან ვერ მოაბრუნებდა.

ნავახშმევი იქნებოდა, როცა სიმინდის ფქვილით დატვირთული ურემი ნელ-ნელა მიჭრიკინებდა ჰყონონის ბოლოს, სათემო გზაზე. ერთი გლეხი წინ მიუძლოდა, მეორე გვერდით მისდევდა.

— აა... ბახვაია, რა თვალის სერიი ვნახეთ დღეს, — სიცილით თქვა ურემის გვერდით მიმავალმა და კვესი ტალს მაგრად ჩამოჰკრა. კბილებით ყალიონის ტარი ეჭირა და ამიტომ კაწკაწით ლაპარაკობდა.

— არ უნდა იყო, გოძია, კაცი მეტიჩარა, — დარიგების კილოთი მიუგო წინ მიმავალმა. — რას გრჯის სხვისი საქმე, არშიყობს, არიგებს, თუ რაცხას შობა... ეს, ნეტავ ბიჭი ავად არ გამიხდებოდეს და...

— არა, ბახვა, სიტყვის თქმისათვის თუ ასე მოექცნენ კაცს, ქვეყანაზე არ დაიდგომილება. კორი რაა... ქვეყანა ამბობდა. ჩვენ,

გარეშე სოფლებმაც კი ვიცოდით. მეწისქვილეს რა ბრალი ჰქონდა. — გოძიამ კვესი ისევ ჩამოკრა, აბელს მოუყიდა და ჩიბუხს დაადლო.

— არ შევიდა ი კაცი ამდენ სჯაში, — ნიშნისმოგებით მიუგო ბახვამ. — ეს მძებრაძეები მაინც გასაწყვეტი ხალხია... არიქა, გოძია, კოფოზე ხელი მაგრა მოკიდე, აქ, მგონია, გზა გაფუჭებულია, ურემი არ გადაგვიბრუნდეს, ხიი...ლომა...აი, თავს როგორ აკანტურებ... შე მგლის თავო, — შეუტია ხარს, — მაინც რა ბნელი ღამეა, ეს დასაჭეკვი!

გზა მართლა დაღმართი იყო და ერთ მხარეს მოგვეჩრდო. გოძია ურემის კოფოს მოებლაუჭა, რომ ურემი არ გადაბრუნებულიყო. ხარები დაღმართში გაიქცნენ, გოძიაც მიბრბოდა და ძაგდაგით ამბობდა.

— ეს... საქმე... მე მითქვამს, ასე არ გათავდება... ყველაფერი ბანძლი რომ მაგ ქალებს აყვება ხოლმე.

— დაიქცეს მაგათი ოჯახი, ერთმანეთისათვის თავპირი ჩაემტერიათ, მე ძვირად დამიჭდება, წრეულსაც თუ შარშანდელივით აიღო ნადელი ნაბატონარის ვეკილმა, შენი მტერი, ცოლ-შვილი შიმშილით დამეხოცება, — დარდობდა გოძია.

გზა ისევ გასწორდა. ხარები ნელა მიდიოდნენ. ურემი ჭრიკინებდა და გლეხებიც ტკბილად მუსაიფობდნენ. უანგარიშო ვარსკვლავები მათ ზევიდან დაჰყურებდა, გარშემო უქუნი სიბნელე იყო.

XL

ძუკუ მძებრაძისაგან მაძინიას გალახვის ამბავი ქარივით მოეფინა არემარეს. დიდი თუ პატარა ამაზე ბჭობდა და თათბირობდა. თავი მიზეზი, რაც იყო, ყველამ იცოდა. ძუკუ და გაიანეს ამბავი ახლა აშკარა იყო.

მაძინიამ, რაკი ცოტად გული მოუგრილდა, საჩქაროდ შეადგინა სამოქმედო გეგმა, ძუკუსთვის სამაგიერო როგორ გადაეხადა, მაგრამ ის, როგორც გამოცდილი კაცი, არ ჩქარობდა. თავის თავს აღთქმა მისცა, რომ სანამ ცოცხალი იქნება, პირდაპირ იქნება თუ აღმაცერად, სულ მუდამ ძუკუ მძებრაძის დაბრკოლებას ეცდება. ამ გეგმაში საპატიო ადგილი ეჭირა ნიკოიას და ბასილის ოჯახების ერთმანეთში გადაკიდებას, რაც არსებულ პირობათა მეოხებით ადვილი საქმე იყო.

„ქორი თუ გინდა, ახლა მიყურე, შე არამზადა, შენა,“ — ამბობდა გულში მაძინია და მართლაც, ისე ოსტატურად, ახალშემატებული გლეხის, თოხიტარიას თავმოყვარეობის შემლახველად იმდენად დახლართა საქმე, რომ სულ მოკლე დროში მძებრაძე და თოხიტარია მოსისხლე მტრებად გადაიქცნენ. შორსმჭვრეტელმა მაძინიამ კი

თვითონ არათუ რამე მტრობა დაიჭირა ბასილთან, პირიქით, მაშინვე შეუერიგდა.

მართალი უნდა ვთქვათ, ბასილიც კეთილშობილურად და პატიოსნად მოიქცა მაძინიასთან. მან ერთი საათის შემდეგ შეიტყო ეს ამბავი და მეტად გაჭავრდა. მაშინვე ძუკუ მოიკითხა, მაგრამ ის შინ აღარ აღმოჩნდა.

— ამას სიკვდილი როგორ არ მიჩვენებია! — ყვიროდა ბასილი. — პატარაობიდან ჩვენ სახლში შევიღვივით გაზრდილი, ყველას პატივისმცემელი და მოყვარული კაცი, ხანში შესული, გუშინდელმა ბაყაყმა ასე უნდა შეუტაცხოს? ქვეყანა გაიგებს, საზოგადოებაში ყელი გამოგვეჭრება. რატომ არ დაიქცა ის დღე, როცა ის დამებადა.

— შენი დაბადების დღე რატომ არ დაიქცა, იმას რა ბრალი აქვს. — მიუგო თავის მხრივ გაბრაზებულადვე მარიკამ.

— ესეც რომ ხმას იღებს, ესეც რომ ლაპარაკობს! — შეუტია ბასილმა. — ეს უსირცხვილო, ესა.

— უსირცხვილოც ხარ და უსინდისოც! — გაცხარდა მარიკა.

— ეჰ, უფალო, რომ გასწირავ კაცს, სულ გასწირავ. რა ჭრელ გველთან, რა ვეშაბთან მარგუნე ცხოვრება და მერე რა ქაჯი გამიჩინე, ნეტავ რა შეგცოდნე? — გულხელდაკრეფით, თავის ოდნავ დაბლა დაწევით წარმოთქვა ბასილმა.

— გველი შენ მოგეხვია და ქაჯიც, — აკაპასდა მარიკა. — ვილაც ბუში და მამაძალი ერთადერთ შვილზე სოფელში საძაგელ ჭორებს გივრცელებს: ბასილის შვილი ნიკოია თოხიტარიას შვილს ირთავსო, ღმერთო, მომკალი. ყური ყველაფერს გაიგონებს, დიდოუ, დიდოუ, დიდოუ, ჯვარი აქაურობას, — დაიწუწუნა მარიკამ, — რატომ შენი სიგრძე სამარე არ გაგისკდება, რატომ ცოცხლად არ დაიმარხები, რომ შენ შვილზე ასეთ ჭორებს გივრცელებს ვილაც ოხერი, საწყალმა ბიჭმა, კეთილშობილის სისხლიდან, ცოტა ჭკუა რომ დაასწავლა ენაწაგდებულ ყაზახს, ეს კი გამომდგარა და მაგას სწყყევლის.

— აი, მე აქ, — დამშვიდებით მიუგო ბასილმა და მარცხენა ულვაში ნელა გადაიგრიხა და ერთიც სწორედ უხერხული სიტყვაც დაუმატა, — თუ თოხიტარიამაც მისცა მაგას ქალი, იმასაც გაიგებ, მე ეს მომპარსე, იმან თუ თავის ლოგინზე სული დალიოს.

— შენი, შენი, შენი სული დალიოს, — ნიშნისმოგებით მიუგო მარიკამ.

ბასილს მოთმინება დაეკარგა. ერთთავად იგრიალა და თვალბანთებული ცოლისკენ გაეჭანა.

ამ დროს ტასია, რომელიც დაფიქრებული და მოწყენილი მათ

შეჰყურებდა, გამოექანა და ბაბა, ბაბას ძახილით. მამას კისერზე ჩამოეკიდა. მარიკამაც ამჯობინა ხმა ჩაეკმინდა და სამზარეულო სახლისაკენ წავიდა.

რამდენიმე ხნის შემდეგ ბასილ მძებრაძე, გრძელი ჯოხით ხელში, წისქვილისაკენ მიდიოდა.

დამშვიდებული მაძინია ახლა. კერასთან მოწყვეტილი იჯდა. შუბლზე სისხლის კვალი ეტყობოდა, ტანისამოსიც ჯერ სველი ჰქონდა. წისქვილში ერთი მოხუცებული და ერთიც ასე რვა-ცხრა წლის უმაწვილიც იყო.

კერაზე ფიჩხი ეფარა, თანაც გვარიანად ანათებდა და მაძინიასაც ახალუხის სველ კალთებს უშრობდა. ბასილ მძებრაძე მათ მოულოდნელად თავს წამოადგა.

— შვილო, მაძინია, შენ ჩემი საკუთარი შვილის მსგავსი ხარ. ჩემს ოჯახში გაზრდილი. ჩემი შვილი ძუკუ გიყია, ბაბა, მე შვილი არა მყავს. უფესვოდ ვარ გადავარდნილი. რას გერჩოდა მაგ ვადარეული, მაგი სათოკე, თავის სიჩურჩუტეს შენ გაბრალებდა? — ალერსით შემოილაპარაკა ბასილმა. მაძინია თავდალუნული წამოდგა, ერთიც ბასილს შეხედა და დაპალუბით ცრემლი წამოუვიდა.

— მე... — ჭვითინით თქვა მაძინიამ, — თქვენი ოჯახიდან ღირსი არ ვიყავი, მეგონა, ასეთი პატივისცემისა, მაგრამ, მადლობა ღმერთს... შენი ოჯახიდან რატომ დამემართა, თორემ სხვისგან იმდენი საწყენად არ დამირჩებოდა.

— მეც მაგას ვწუხვარ, შვილო, მეც იმასაა, რომ ვნადვლობ. თავსლაფი მაგას დავასხი, აკი გეუბნები, უშვილოდ ვარ ამოვარდნილი-მეთქი, — ბასილს ხმა უკანკალებდა.

— ეხ, ბატონო, ერთგულ ძალს ყოველთვის მოხვედრია ტუკი და მეც ისე დამემართა, რა ვუყოთ. ეს ძუკუს არ უქნია ჩემთვის. ვინც მიქნა, იმას თუ გავეცი როდისმე პასუხი, მე ვიქნები, და თუ არა, ოხრად და ნავრად დარჩა ჩემი საქმე, როგორც დარჩენილიცაა. — გვარიან რიხიანად ჩაილაპარაკა მაძინიამ და სოველი ახალუხის კალთა ცეცხლს მიუშვირა.

— შვილო. მაძინია, დარწმუნებული უნდა გქონდეს გული, რომ მე შენთვის ტუკის დარტყმა თავის დღეში გულში არ გამივლია. აბა, ბაბაია, — ბასილმა წვერზე ხელი მოისვა, — მეც და შენც, ორივენი დაებერდით და თუ ღმერთი გწამს, აბა, ერთხელ მაინც, აბა, გაიხსენე. დარტყმა იქით იყოს, შენთვის ცუდი სიტყვა თუ როდისმე მითქვამს?

— ბასილი არ მომიკვდეს, იმის მეტი, მეც არ მიქნია შენთვის და შენი ოჯახისათვის ცუდი. ჩემი თქმა რათ გინდა, თვითონც ხომ

კარგად იცი, ძალ-ლონე შემწევდა, თქვენს სამსახურში დამიღვი-
ვია. გატრუებული და გაფუჭებული მეკვერცხე კუდა დაცუღლუტობ-
და. მთელმა სოფელმა შეიტყო. აქ მიღეთის ხალხი მოდის და ყვე-
ლანი ამბობდნენ და რასაც საჯაროდ ყველანი ამბობდნენ, მეც ვა-
ვიგონე. რა ჩემი ბრალი იყო.

— ყარე, ბაბაგეე. — ლმობიერად წარმოთქვა ბასილმა, — შენა
გული დაწმენებული უნდა იყოს, რამდენად მწყენია მე ეს ანბავი
და კუდას რაც შეეებება, მაგისთანა დაღუბულ კაცზე ლაპარაკი ღირს.
ვანა? ვაი, ჩემი ბრალი, იმ დღესაც მოვესწარი, რომ ჩემი წვილი თემა
ბოტოკიას რჩევით დადის!

ცოტ-ცოტად ორივენი დამშვიდდნენ, ბასილი ცოტა ხანს ჩანოჯდა
და მესაფი გააბეს დღიურ ვარამზე, მოსავალზე, წისკვილზე და სრუ-
ლიად მორიგებულნი ერთმანეთს განშორდნენ.

— ეს ჩინებულად ვქენი, — ფიქრობდა გზა-გზა ბასილი. — ახ-
ლაც რომ წყალი დავასხი საქმეს, თორემ ასე გასალახავად ვინ მოგ-
ცა, ჩემო ბატონო. ახლანდელ დროებაში ქვეყანა. სასურვესობა ნუკი
ვეთნა. კალონის ძალით, სულის წესით თუ მოგექცენენ, სამ თვეს
ნალბახში ამოგაყოფინებენ თავს. ცალკე სირცხვილი და ცალკე ხარ-
კი რა დავიღარაბა ამ ქესატ დროში სახუმაროა?

— ვა... აჰა, ჰაა, — ნაღვლიანად ამოიოხრა მაძინიამ, როცა თითქ-
მის წაშლანვეს ჯერ კიდევ კარგად გაუმშრალი ახალუხი გაიხადა
და დასაძინებლად მოემზადა. — აჰა-ჰაია, ამოსაწყვეტია თქვენი გვა-
რი, მაგრამ, ღვთის იმედით, ქე აღგია ამოსაწყვეტ გზას. პირში ელა-
ქუცებით კაცს და საქმით ხორცსა სჭამთ. დამაცა. თუ ვიცოცხლე,
ერთი-ორი წელიწადი, თქვენს საწყენს როგორ ვერ მოვაგვარებ რას-
მე, რა ვიცი. ოჰო, შე წუწკო, შენა, — ბრახით წარმოთქვა მაძინიამ
და კუდას სახელზე მყრალი გინება დაუმატა.

მეორე დღეს, ნასადილევს, ასე დაუქმება დროზე, მაძინია თვი-
თონ მივიდა ბასილის სასახლეში. ბასილს მისი მისვლა ძლიერ გაეხარ-
და. თითქმის მარკასაც სასიამოვნოდ დაურჩა, რადგან ცოტა ეშინო-
და კიდევ ვაითუ უჩივლოს, ან ძველი დრო გაიხსენოს, სადმე დაუდა-
რავოს, თოფი ესროლოსო და შვილი რამე უბედურობაში გამიხვიო-
სო. მარკა კარგად იცნობდა მაძინიას. გულში მარკა გუშინდელი მო-
ქმედებისათვის ქმრის ძლიერ მადლობელი იყო.

— რა იყო, შვილო? — ვითომდა გულნატყენად მიაძახა მარი-
კამ. — ღმერთო, მომკალი, სირცხვილი არ არის? ჩემს შვილს და შენ
ერთმანეთთან აყალმაყალი მოგდიოდეთ? ღმერთო, მომკალი. სირ-
ცხვილია, იქით, ჯვარი აქაურობას, წართი! ისე მიცოცხლა-ჩემი ორივე

შვილები, პირველად რომ გავიგონე, გულში ზაფრასავით მეცა. მაშინათვე მივხვდი, რომ ეს, ალბათ, ვილაცას ჩანალაპარაკეცა, თორემ? ძუკუ? ისე მიცოცხლა მისი თავი და ისე მისი წითელი გვირგვინი დედამისს ენახოს, რომ ათასჯერ უთქვამს ჩემთვის: ნანა, მაძინიას რამე გაუგზავნე, ცოდვას, ჩვენს ოჯახში გაზრდილიაო.

ეს ბოლო სიტყვები მარიკამ შეეცადა, რაც შეიძლებოდა, ბუნებრივი ხმით ეთქვა... *

— რაც იმან შენზე მითხრა, ტყუილი რა საქირა, მოთმინებიდან გამოვედი და იქ რომ წისქვილის გარეთ არ დამენახე, შიგ არ შემოვიდოდი და ერთი საათის შემდეგ კიდეც დამავიწყდებოდა, მაგრამ იმ გარეშე სოფლელებთან რომ დაგინახე, ისე მომეჩვენა, თითქო იმათაც ჩემს ამბავს ეუბნებოდი და სიფიცხემ წამძლია, — თავს იმართლებდა ძუკუ. — მერე მეც მეწყინა, მაგრამ რალა დროის იყოო.

მაძინია ნელ-ნელა აყვავდა, ყველაფერი დაწვრილებით გამოკითხა: ძუკუმაც გული აიხანდა, ახალი შერიგების გავლენის ქვეშ, და დედამისს ჩუმად, ყველაფერი უამბო, და ისიც, თუ როგორ მოემწყვდა ხულაში შაბათ ღამეს.

იმ ღამეს მაძინია უვახშმოდ არ გაუშვეს. კარგად გამოუუქვს ღვინით და ერთი სავსე დოქი იქითაც გაატანეს.

— აჰა-ჰაი? — იძახდა ძილის წინ მაძინია და ახალუხს იხდიდა. ახალუხი ახლა მშრალი იყო, სამაგიეროდ, ხახა კარგად ჰქონდა ჩასველებული. — აჰა-აჰაი, — დაიკრუსუნა და დაგლეჯილ საბანში გაგორდ-გამოგორდა: — მოგიკვდეს მაძინია, თუ იმან ვინმე თავის ზურგზე ათამაშოს. მოიცა, მძებრაძე, რა ჩვილი გული გქონია. მოიცა, ხარდანაძის ქალო. მაძინიას, შენ რომ ფიქრობ, ისე ვერ მოუბან პირს. შენ როცა სწავლობდი, მაძინია. ნასწავლი. უკან ბრუნდებოდა.

— როგორ არა, როგორ არა, — ხახუნობდა წისქვილის ქვა.

მაძინიამ მართლაც ცოტ-ცოტად შეუყვითა ფიჩხი მძებრაძესა და თოხიტარიას შუა გაჩენილ ალს, კორების ამკარად გამომყლავნების შემდეგ, და მოკლე დროში უშველებელი გრივალი გააჩინა. ისე ოსტატურად კი, რომ თვითონ წყალწმინდად რჩებოდა. საქმე იმ ზომამდი აიწეწა, რომ უბრალო რამ მიზეზი კმაროდა, ნიკოიას შვილებს რომ ძუკუ მძებრაძესთვის ჩხუბი აეტეხათ და ამიტომ ყოველ შეკრებულებაში, პეტრე, ათანასე და მათი მომხრეები, ზოგი მოგვარე და ზოგიც მონათესავე, იარაღით და ჭოხებით მარაგად იყვნენ.

ძუკუ მძებრაძესაც არ ეძინა. თვითონაც ყოველგან და ყოველ-

* აქ ერთი გვერდი აკლია ხელნაწერს. — ს. ც.

თვის მომზადებული დადიოდა და ძმა-ბიჭებიც ყველგან მზადა ჰყავდა, ვინიცობაა, თოხიტარია ჩხუბს აუტეხდა.

ღვთის წინაშე, ბასილმა ქე მოინდომა ნიკოიასთან შერიგება, რომ ვთქვათ, არც კი წაჩხუბებულან, ე. ი. მოინდომა ვითომდა ჭორის უსაფუძვლობის გამოარკვევა და შეიძლება კიდევაც რამე მოხერხებულყო. მაგრამ მაძინიამ სათავეშივე ოსტატურად ჩაშალა და კიდევ უფრო ააფეთქა საქმე.

გიტინია თოხიტარიას და მის ოჯახობას. საქმის ასეთი მიმართულება არ მოსწონდათ და ამბის გამომჟღავნებას ერთმანეთს აბრალებდნენ.

— ქალზე რასაც იტყვიან, ყველაფერი მართალია, — ბრძანებდა გიტინია და თავის რძალს, ელისაბედს ესაყვედურებოდა. — მე რა ბრალი მაქვს, ბაბა, ქვეყანამ შეიტყო, ქვეყანას მე ხომ პირზე ხელს ვერ ავაფარებდი.

— მეც იმას ვწუხვარ, რომ ქვეყანამ შეიტყო, გამომჟღავნდა და ყველანი ფრთხილად და მარაგად არიან. მე მინდოდა, რომ... თუ შეიტყო ვინმემ, კიდევ ჩვენი ოჯახიდან შეიტყობდა.

— უსათუოდ ჩვენი ოჯახიდან, რატომ, ბაბა. მე არავისთვის არ მითქვამს. მხოლოდ ნათლიედღას გავანდე საიდუმლოდ და მახზსაც ჩემი ძმისთვის ეთქვა საიდუმლოდ.

— ესე იგი, თემშარაზე დამდგარიყავი და გამვლელ-გამომვლელისათვის გეამბნა, უკეთესი იყო, საიდუმლო ერთი პირიდან მეორეში თუ გადავიდა, ის მერე რაღა საიდუმლოა.

ელისაბედი გაჩუმდა.

— აქ ელისაბედს იმდენი ბრალი არა აქვს, — ჩუმად შენიშნა იაკობამ, — ელისაბედმა შენ გაგანდო, ბაბა, და შენც რომ ვერ შეინახე საიდუმლო, — სიცილით დაუმატა მან.

— მე როგორ ვერ შევინახე, — იწყინა გიტინიამ.

— როგორ და ორივე ხელით. აკი იმავე დღეს. ჩვენ გვითხარი, შეშას რომ ვჭრიდით!

— მერე... თქვენ გითხარით, — აირია გიტინია.

— ო... იცოცხლე, ჩვენ. მერე სამ კაცს გვითხარი, თუკი სამმა და ხუთმა იცის, იქ საიდუმლო ვინ გაიგონა.

— აი. მისი რაჯულიც... — არეულად წაიდუღუნა გიტინიამ და ცოტა ხანს დარცხვინილი დაფიქრდა. მერე შუბლზე ხელი მიიღო და თქვა: — გაუწყრა ღმერთი, ესეც ეყოფა. ქვეყანაზე თავი მოექრა. მთელი ჰყონონა დარწმუნებულია, რომ ძუკუ მძებრადე გაიანეს ყვარობდა. ოპო, პო. პო, ამოხდეს სული ნიკოიას. ახლა ვერცხლით მო-

ქედლი ლაბაშა დაიქიროს, მაღალყელიანი და ქუსლებიანი ჩექმა ჩაიცვას, წირვაზე ამობრძანდეს, თანაც თავისი კახა გოგო წამოიყვანოს, სირცხვილი ახლა მაგისი! ერთ-ორ თვეს თვალს მაინც ვერ გააღებს საზოგადოებაში. მარა ეს რაღაა, — ხმადამწვებით გააგრძელა გიტინიამ, — ეს რას კმარა, მე უფრო მეტი მინდოდა. მე მინდოდა, რომ დაორსულებულიყო, ბუში მოენელებინა, სულ ყელი გამოქროდა ყოველ თემ-ჯარში, სულ თავლაფი დასხმოდა.

— ნუ გეშინია, არც ახლა და არც მაშინ აპელატებს შენ არავინ გამოგიგზავნიდა მაგის გულისათვის, — წყენით მიუგო იაკობამ.

XLI

შობა დღე გათენდა. როგორც ხშირად ჩვენს ქვეყანაში, ამ წელსაც ზამთარი სუსხიანი არ იყო, თითქმის თბილოდა. ამიტომ წირვაზე ქვეითმა და ცხენოსანმაც ბლომად მოიყარა თავი. ნაწირვევს. რადგან დარი ხელს უწყობდა, ცხენოსნები რამდენიმე ხნით ეკლესიის გვერდით მინდორზე სათამაშოდ გავიდნენ, რომ ცხენებისათვის, როგორც იტყვიან, მკერდი გაესინჯათ. პეტრე თოხიტარია, კარგად გამოწყობილი ახალ უნაგირიან მსუქან ცხენზე, ცოტა არ იყოს, ამაყად იჯდა და სხვებთან ერთად თამაშობაში მონაწილეობას იღებდა.

ქვეითი ქალი თუ კაცი ეკლესიის გაღვანში იყვნენ მოგროვილნი და იქიდან თვალის სეირს უყუთრებდნენ.

ძუკუ მძებრადე ახალ ნაყიდ ნახშირით შავ და მაღალ-მაღალ ცხენზე იჯდა, და განსაკუთრებული ხალისით ვისაც არ გინდა, მკერდით ებრძოდა.

თოხიტარიასთან აშკარა წალაპარაკება ჯერ არ მოსვლია, მაგრამ ერთმანეთთან უკმაყოფილო რომ იყვნენ, მთელმა სოფელმა იცოდა და სოფელიც გულის ფანცქალით მოელოდა: დღეს თუ ხვალ უსათუოდ ერთმანეთს გაუსწორებენ ანგარიშსაო. ძუკუ ყოველ შემთხვევაში მარაგად იყო. შობის წინა დღეს მის სახლში მოვიდა თავადი მიხა ფარქანიძე, ჯერ სულ ახალგაზრდა ყმაწვილი (წვერ-ულვაში ძლივს ამოდიოდა), რაც სრულებით არ უშლიდა ჩხუბისა და აყალმაყალის ატეხაში ბადალი არა ჰყოლოდა. ახლა რომ ასეთია, ღმერთი არ დააცლის, თორემ ერთი ათი-თორმეტი წელიწადი თუ დასცალდა, მთელი მაზრა იძულებული იქნება სხვაგან გადასახლდესო, ამბობდა ხალხი არამზადა თავადიშვილზე. მიხა ფარქანიძე ჰყონონიდან კარგა მოშორებით ცხოვრობდა, მაგრამ ძუკუს კარგი მეგობარი იყო და მისი მოსვლა ძუკუს მეტისმეტად გაუხარდა, მით უფრო, რომ ცოტად ყური გაეხვრიტა: თოხიტარია რაღაცას აპირებს და მზად იყავიო.

სამაგიეროდ, ბასილს სტუმრის მოსვლა ბევრი არ გახარებია, ეწყინა კიდეც. „ამის იმედით გათამამებული ძუკუ ალბათ ჩხუბს ასტეხს და ერთ ალიაქოთს დაატრიალებს“, — გაიფიქრა გამოცდილმა მოხუცმა. მაგრამ რას იზამდა. სტუმარს მაინც თეთრი კბილი უჩვენა და მხიარულად მიიპატიჟა. მიხა ფარქანიძე შობა დღეს ძუკუსთან ერთად წირვაზე წავიდა, თავით ფეხებამდე დაიარაღებული, ზარბაზნის გარდა არაფერი აკლდა.

თოხიტარიებიც არ იყვენ ცოტაოდენ მზადებაში, ვინიცობაა, შემთხვევა ხელს შეუწყობდა, ძუკუსთვის ჩხუბი აეტეხათ. პეტრეს ჰყავდა შეპირებული ამხანაგები და ქვეითებში ხომ სალაპარაკო არაა, მისი ძმა ათანასედან დაწყებული მაგარი ჯოხებით შეიარაღებულნი გულის ფანცქალით მოელოდნენ ჩხუბის ატეხას.

— აბა, თარჩია, თარჩია, ყმაწვილებო, რა ამბავია, ერთად რომ შეჯგუფებულხართ! — ხმამალა დაიყვირა ერთმა ცხენოსანმა, თეთრი ცხვირსახოცი ამოიღო, ხელში ააფრიალა და ცხენი გააჰენა. — აბა, გამოდით, აბა, გამოდით, თარჩია, თარჩია!

მართლაც აედევნენ რამდენიმენი და მათ შორის პეტრე თოხიტარიაც. მეთარჩიემ მიაბრუნა ცხენი და აქეთ-იქით მინდორზე ნავარდობა დაიწყო. პეტრეს ცხენი თავდაპირველად ცოტა მძიმედ მირბოდა, მაგრამ თანდათან შეხურდა, დანარჩენ მდევნელებს გაუსწრო და მეოთხე შემობრუნებაზე მეთარჩიეს ძლიერ დაუახლოვდა. მეთარჩიემ ხერხს მიმართა, მოულოდნელად უკან შემობრუნება განიზრახა, რომ პეტრე განზე გაქცეულიყო, და აღვირს განზე გასწია, საუბედუროდ, ცხენი შემობრუნების მაგიერ ცოტად შეჩერდა და პეტრემაც ჩოხის კალთაში ხელი წაავლო.

— ყაბული არა მაქვს, ყაბული, წმიდა გიორგის მადლმა, ეს როგორ იქნება, ცხენი შეჩერდა, ეს ყაბული არ არის. — ამბობდა მეთარჩიე. ცხენი მოაბრუნა, უნაგირზე წინ გადაიწია და თარჩიას პეტრეს არ ანებებდა.

— მერე რა ჩემი ბრალია, რომ შეჩერდი. სრულებით ხომ არ გაჩერებულა. მოგეწიე და ეს არის. თარჩია ახლა ჩემია, — ეუბნებოდა პეტრე და ჩოხის კალთას ხელს არ უშვებდა. ამნაირად, ისინი ჯგუფად მდგომ ცხენოსნებს მოუახლოვდნენ.

— მოეწია, მეტი რა გინდა, — ამბობდა ერთი.

— მოწევა რას ჰქვია, ცხენი შეჩერდა, — ამბობდა მეორე.

— მოწევა იმას ჰქვია, როცა ცხენი გამწარებულად მირბის და მეთარჩიეს ხელს წაავლებ.

— რა გაქანებულობა გინდა, მაინც ხომ მირბოდა, მაგას ფანდი

უნდოდა ექნა, მაგრამ ვერ მოახერხა და ახლა რომ დაეწიენ, საწყენად ურჩება და თარხიას არ ანებებს, — ბჭობდა მესამე და ამნაირად ზოგი პეტრეს ამართლებდა და ზოგიც მეთარხიეს. როცა ცხენოსნებთან მოვიდნენ, პეტრემ ჩოხის კალთას ხელი გაუშვა.

— რა თარხია გაგიჩნდათ, შე კაცო, აპრილი ხომ არ არის, თბილი და მზიანი დარი, თვალი ხომ არ აგერიათ! ოცდახუთი ქრისტიანობის თვეა, ჯერ თარხია რაღა დროისაა, თარხია კი არა, ერთი მკერდი გავუსინჯოთ ცხენებს და ჩვენ-ჩვენს სახლში დავიშალოთ, ღორის ხორცი მაინც არ გაგახსენდათ?!—ხმამაღლა გადასძახა ცხენოსნებს ლავრენტი ტკვარჩელიამ და პირველი მაგალითიც თვითონ მისცა: შეაჯახა ცხენი ერთს, ორს. სამს, ვისაც მოხვდა.

მის მაგალითს სხვებმაც მიბაძეს და რამდენიმე ხნის შემდეგ მათრახების ტკაცატკუცი და ცხენების მკერდის უშველებელი ბაგაბუგი ისმოდა.

ზოგიერთი ცხენი მართლა ჩინებულად იბრძოდა და მათ შორის თავად მიხა ფარქანიძის ცხენს ბადალი არ აღმოუჩნდა. მან რამდენჯერმე გაარღვია მთელი ჯგუფი ცხენებისა და წრეს გავიდა. საეშმაკოდ, როცა მისი ცხენი მკერდით ეცემოდა ხან ერთს, ხან მეორეს, ყველას უკან ჰხევდა და გზას იკვლევდა, ერთმა გლეხმა ცხენს კისერი განზე მოუგრიხა და ცხენის აქაფებული ტუჩი თავადს გვერდებში მოხვდა. ტკივილი ბევრი არ უგრძვნია, მხოლოდ ცხენის ქაფი ახალ ჩოხას კარგა მოეცხო.

— ეს რა უზრდელობაა, საით აბრუნებ ცხენს, ეს როგორ შეიძლება. განით რომ მხვდები, პირდაპირ დაუყენე, თუ ბიჭი ხარ, — მკვანხედ უთხრა თავადმა. — ყაზახებმა ჯერ დაისწავლეთ ცხენზე ჯდომა და მერე გამოდით შეკრებულობაში, — ამ სიტყვებთან ერთი მათრახიც ცხენს ცხვირში გაარტყა.

მოპირდაპირე, ცოტა არ იყოს, თავმომწონე ბიჭი იყო და ეს იუკადრისა.

— ყაზახობა, უკაცრავად, მამიშენის ტაბლიდან ვიზრდები, აი. შენ მაშინ დაიქადნე, ქანისწყალი რომ გახვიდე, — მოუქრა საჩქაროდ თავადს.

— ასე ჩქარა რამ გაგაამაყა, — მიუგო თავადმა. — დაგავიწყდა, გუშინწინ ღომს რომ ხარშავდი! — მათრახი მოუღერა და გამხეცებული თვალებით შეაჩერა. — შენისთანა ერთი კი არა, ასიც გამაძლარა მარტო ნამცეცებით, შე ძაღლის გავარდნილო, შენა! — დაიქეჭა მიხამ.

— ცხვირიდან სულ ძმარი უნდა აღინო ამ ძაღლის სულს, ამა-

სა, — მიაძახა ძუკუმაც და მიხას გვერდით ამოუდგა, — დაეგდებინა ცხენზე და ცხენოსნობა კი არ იციან, ამ მეკამბეჩეებმა!

ცხენოსანს, რომელსაც ამას ეუბნებოდნენ, გიგო ერქვა, პეტრე თოხიტარიას კაი მეგობარი იყო. მართლა ურემ-კამეჩი ჰყავდა გაწყობილი, კაი მუშა ბიჭიც იყო და შეძლებაც გვარიანი ჰქონდა.

— ამდენს რას უქადი, აბა ახლა აღინე ძმარი ცხვირიდან. თუ დედის შვილი ბრძანდები, — თავდავიწყებულად მიუგო პეტრემ და გიგოს გვერდით ამოუდგა.

— კამეჩის თავი და ფეხი დედაშენს, — მიუგო არა ნაკლებ გაცეცხლებულმა გიგომ და მათრახი ზევით ასწია.

ეს საკმარისი იყო. ხელახლა გაჩნდა მათრახების ტკაცუნი, მაგრამ ცხენების ფერდების მაგივრად ვაჟკაცების ზურგზე და ცხვირპირზე.

ცხენოსნებს ქვეითებიც მიემატნენ ტუქებით და გაჩნდა ერთი ალიაქოთი.

ჩქარა ხმალ-ხანჯალმაც იელვა და ზედიზედ ორჯერ დამბაჩაც გავარდა.

დამბაჩა მიხამ ისროლა და დაბეჯითებით ესროლა პეტრე თოხიტარიას და მოარტყა კიდევ, რადგან პეტრემ სამი-ოთხი მათრახი, რაც ძალი და ღონე ჰქონდა, ძუკუს ზურგზე უტყუნა.

მიხა ფარქანიძემ რაკი დამბაჩა გაისროლა, განზე გავარდა. ცხენიდან გადმოხტა, ცალ ხელში შიშველი ხმალი და მეორეში ფეხზე შეყენებული მსწრაფ მსროლელი დამბაჩა დაიჭირა და ცხენს ამოეფარა. მას ეგონა ახლა ყველა მე გამომედევნებო, მაგრამ შეცდა; მოწინააღმდეგე გუნდი დაჭრილ პეტრეს დაეხვია და მიხა ფარქანიძე მთელი წუთ-ნახევარი არავის გახსენებია.

ამ არეულობით ისარგებლეს მძებრაძეებმა, ფარქანიძე, როგორც იყო, საჩქაროდ ცხენზე შესვეს და თვალის დახამხამებაში გაილაღნენ.

ჩინებულათაც მოიქცნენ, რადგან მოწინააღმდეგე პარტია რიცხვით ოთხჯერ მეტი იყო და უკეთესადაც შეიარაღებული. მარტო ტუქებიანები. არც ერთს ცოცხალს არ გაუშვებდნენ.

როცა პეტრეს მომხრეები გონს მოვიდნენ, მძებრაძეები მაშინ კარგა მოშორებით იყვნენ და გამოდევნება უაზრობა იყო.

— მოგვდით და ეს არის, ის ლუქმა-ლუქმა უნდა აგვეჩიხა! — ყვიროდა ერთი.

— დრო რომ ვერ მოვიხელე, ერთი წამი რომ დამცლოდა, პირდაპირ თავზე დაეუმბიზნე ეს ხმალი! — ყვიროდა მეორე, — მაგრამ

ცხენიდან გადახტა. ვაი დედამისს, ვაი მამამისს! — გულ-მკერდზე ხელის ცემით უმატებდა მესამე.

პეტრეს ჭრილობა გაუსინჯეს. ტყვია თეძოზე მოხვედროდა, ძვალი გადაეტეხა და მეორე მხარეს გასულიყო. მეორე ტყვია ცხენს მოხვედროდა მუცელში და სასიკვდილოდ დაჭრილი უდანაშაულო პირუტყვი, მიწაზე გაშლართული, საცოდავად ისროდა ტორებს.

დაჭრილი შინ წაიყვანეს და ცოტ-ცოტად ყველანი დაიშალნენ. დანაშაული ძუკუ მძებრადემ თავის თავზე მიიღო.

— მე საკუთარი ხელით ვესროლე დამბაჩა, — განუცხადა მამა-სახლისს, — თავადი მიხა ფარქანიძე მხოლოდ მეხმარებოდა.

ასე იყო თუ ისე, საქმე დაიხლართა და თუ სამართლის ხელში გადავიდოდა, ბევრს სიკეთეს არ იქადდა. ამიტომ ბასილ მძებრადემ საუკეთესოდ სცნო, რადაც უნდა დაჭდომოდა, საქმე გამომძიებლის ხელში მისვლამდე ადრევე, შინაურულად მოერიგებინა. ეს მით უფრო შესაძლებელი იყო, რომ პეტრეს ჭრილობა სასიკვდილო არ აღმოჩნდა. თავისი ხერხი და გამოცდილება ბასილმა ამ საქმეს მოახმარა, თუ ვინმე საიმედო ან ნათესავი, ან ნაცნობი ჰყავდა, ამას დაასია. ეცადა, ეწამა და როგორც იყო, თოხიტარია მორიგებაში დაიყოლია. მოკლული ცხენი შეიღ თუმნად დააფასეს. დაჭრილის აქიმობა სამ თუმნად და ისე, ჯარიმასავით, საჩუქარი კიდევ ათი თუმანი. ეს ფული თოხიტარიას ჩააბარეს და მორიგდნენ.

ამნაირად, შუამავალი კაცების პატივისცემისა და გამასპინძლების გარდა, ეს ჩხუბი ბასილს ორას მანეთ ნაღდ ფულად დაუქდა. ბევრ ყვერულს, ინდაურსა და გოჭს შეეღება წითლად ყელი. სოფლის დიპლომატებმა თავიანთი ხახის სასარგებლოდ საუკეთესოდ გამოიყენეს ეს შემთხვევა.

— შენი სულისა, ბარემ ხუთჯერ ჩინებულად ვისადილე, — ამბობდა ერთი შუამავალი.

— ესაა, ოხერი, რომ ჩქარა გათავდა, მაგ ვირიშვილს, თოხიტარიას, ჭკუა არ ჰქონია, ეთქვა სამასი მანეთი, დაეჩინა, და მოლაპარაკება ერთი კვირა კიდევ გაჯანჯლდებოდა, — სწუხდა მეორე.

— ნეტავ კიდევ ვინმე ისეთი ქონიანი ატეხდეს ჩხუბს ამ ნადღესასწაულებებს, ა... მსუქანი ყვერულები. — ნატრობდა მესამე.

— ოპო, პო, პო, პო, — ოხრავდა გულზე გამსკდარი ბასილი. — ღმერთი რომ მოიძულებს კაცს, მოიძულებს. დაილოცა მისი სამართალი და ხანდისხან, როგორ ეთქვა მე უბედურმა, თორემ, პა, არა და არა. პაი, სასწაულის რა ცოდო მიმიძლოდა ისეთი, რომ შობა ძალს კარებზე დაჭერილი ეშმაკი მომიყენა, დიდება შენდა, უფა-

ლო! ტანში გამატანტალა, ეზოში რომ შემოსული დავინახე. იმას წინეთ მარჯვენა საშინლად მომეფხანა. სიკეთე რომ არ შემოჰქონდა, მაშინათვე ვიგრძენი. ან ჩემი დაქცევა ან დაღუპვა იმით უნდა გაეგო კაცს, რომ ჩემი შვილი, აა... ბასილი მძებრადის შვილი, ა? დიდება შენდა, ღმერთო! ნიკოია თოხიტარიას ქალიშვილს პირობას აძლევდა თურმე, ცოლად შევირთავო და იმასთან ცულლუტობდა. ღმერთო, მომკალი. ჩემი ცოდვა, ეს რა დღეს მოვესწარი!

— ასე ჯობია, ბაბამე, ასე, — ეუბნებოდა ნიკოია თოხიტარია ლოგინში მწოლარე პეტრეს. — საქმე სულში რომ გადავა, დაუსრულებელი დავიდარაბაა. აბლაკაცს კარგს დაიყენებს. ცრუ მოწმეებს ბევრს იზოვნის და საუკუნოდაც მთელი მისი მოყვარეები გადაგმტრება. თუგინდ მოგიგია, კანონი გაატყავებს, გგონია მაგასა? მე ყოველისფერი ვიკითხე. შენ რომ ძუკუსთვის მათრახები გავირტყამს, ოცი კაცი იტყვის მაგასაო. ამას დიდ ყურადღებას მიაქცევს კანონიო. დიდი, დიდი, მაგას ღირსება ჩამოართვან და რამდენიმე თვე ნალბახჩში ჩააჯიხონო. ეს ჩვენ რას გვიკეთებს, ბაბა! ძუკუს თუგინდ ქონდეს ღირსება და თუგინდ არა, ბასილის სიკვდილის შემდეგ მაგას არავითარი ღირსება არ ექნება. თუ რამე დარჩება ბასილს, დააგირავებს, მიყიდ-მოყიდის და დარჩება გაშვითებული, როგორც სალოკი თითი. ორას მანეთს ქე გვაძლევს, მოკურიგდეთ ჯობია. ფული, ფული გვექნება, შვილო. დამაცადე, მისივე ფულით ღმერთმა თუ ხელი შეგვიწყო, მისივე ჭალას ხელში ჩავიგდებთ.

ერთი თვის შემდეგ პეტრე სრულებით მორჩა. ფარნას მაშინვე არ შეუტყვია ეს ამბავი და როცა შეიტყო, საქმე მორიგებით გაათავესო, ძლიერ გაუხარდა და მამას მადლობა შემოუთვალა.

გარეგნობით ამით უნდა გათავებულყო საქმე. ორივე მხარე დამშვიდდა და დაკმაყოფილდა. მაგრამ სოფელი განა საქმის ასე გათავებას დასჯერდებოდა? სოფელს პოეზია უნდა, მღელვარე გრძნობა უნდა, სალაპარაკო და დარდის გადასაყოლებელი.

არ გასულა ერთი თვე, რაც მძებრადე და თოხიტარია შერიგდნენ, რომ ბავშვებმა წამოიწყეს ერთი ახალი სიმღერა, სადაც გვარიან მოგებულად იყო დახატული ძუკუს არმყოფა გაიანესთან. საიდუმლოს გამჟღავნება, თოხიტარიას შურისძიება, პეტრეს კრილობა და სხვა. ლექსის შინაარსიდან გამოდინოდა, რომ თოხიტარიამ ქალიშვილის ნამუსი და შვილის კრილობა ოც თუმნად გაჰყიდაო. ვინ იყო ამ ლექსის მთხზველი, არავინ იცოდა, ან ვინ დაიწყო პირველად სიმღერა? მხოლოდ ლექსი გაჩნდა, სიმღერაში გერია და ერთი კვირის შემდეგ მთელმა სოფელმა, დიდმა თუ პატარამ, ზეპირად იცოდა.

ლექსი უფრო შესახები და სასირცხვილო იყო თონიტარიასთვის, რადგან ის სულმდაბალი და ვერცხლისმოყვარე კაცად იყო გამოყვანილი, მძებრადე კი გმირად და რაინდად. ამ ლექსის გაჩენამ ნიკოია თონიტარიას ოჯახი პეტრეს ჭრილობაზე უფრო დააღონა. მაგრამ სამწუხარო კიდევ ის იყო, რომ ზოგიერთი ცრუპენტელა სოფლის ბიჭი ამ ლექსს ნიკოიას და მისთანების გასაგონად განზრახ ხმამაღლა მღეროდა.

მძებრადეს კი ამ ლექსის გაჩენაში არავითარი წილი არ ედო. გულწრფელად სწყინდა კიდევცა და ძუკუმაც ამის სიმღერისათვის არა ერთ ბავშვს უთავაზა სილა ყურის ძირში.

თებერვლის პირველ რიცხვებში ფარნა ჭყონონაში ამოვიდა ორი დღით და ისიც ძლიერ გააჯავრა ამ ამბავმა.

— რას გეტყვი, იცი, მამაჩემო! — უთხრა მან ნიკოიას, როცა გაიანეს გარდა, ყველანი მოგროვდნენ. გაიანე კი საბრალო, ისე გახდა ამ ალიაქოთში, რომ ვერც იცნობდით. შინაურების ყვედრებისაგან ხომ საშველი არა ჰქონდა.

— იცი, რა გითხრა, მამაჩემო!

— რას მეტყვი, შვილო, — მიუგო ნიკოიამ.

— რას გეტყვი და, ჩვენი მიცვალებული ჩვენვე უნდა დავმარხოთ, სხვა როდი დავგიმარხავს.

— მერე?

— მერე და მერე. ვაჩვენოთ როგორმე გოგოს გზა და გათავდება. ყოველგვარი ჭორი და ლანძღვა მოისპობა. ისიც ადამიანია, შეხედე, მკვდარს დავმსგავსა.

— მე მაშინათვე ეს ვიყვირე, — თქვა პეტრემ.

— უკეთესი არაფერი იქნება, — კვერი დაუკრა ათანასემ.

— ახლა ისეთი დროა, — განაგრძო ფარნამ. — რომ ერთ საათს დუქანში ერთ თუმნად ვლირვარ, ეს სათქმელი არაა, მაგრამ ამ საქმისათვის წამოვედი. მე კიდევ არ წამოვიდოდი, მაგრამ ივანემ არ დამაყენა. თუ ივანე ამოვიდა აქ, შენი მტერი, ისეთი გაბრაზებულია, იცოდე, ვისმე მოკლავს და აიწეწება საქმე.

— წიე: ამის უარზე ვინ დგას, ამაზე უკეთესი რაღა იქნება, მარა კობა მსხალი ხომ არ არის, კოლოკი ესროლო და ჩამოაგდო, — გააწყვეტინა ნიკოიამ, — ღმერთი რომ გაუწყრა და თავსლაფი რომ დაესხა, იმიტომ... მაინც ჩვენია. იმის მეტი ჩვენ არაფერი გვაბადია ტარიელივით ვაჟკაცებს. ღმერთს ფიცულობს ცეცხლის დასაწვავი, დედის ძელებს თავის კბილით ხრავს, თუ მე ნამუსახდელი ვიყო. მე

ყველაფერი გულასდით მითხრა... და შეიძლება მართალიც იყოს გაჭირვებულნი. და თუ თქვენ არ გეკადრებათ, იმისთანა ვისმეს ხელში ჩაუვადოთ, თუ თქვენ არ შეგრცხვებათ, მე რას დავეძებ.

— გადავავლოთ და დავკარგოთ-მეთქი, იმას არც მე ვამბობ, ბაბა, — ნიუგო ფარნამ. — ხარჯი რაც გინდა მოვიდეს, ბატონო, მხოლოდ გავათავოთ საქმე. პრინციის შვილი თავის დღეშიც არ შეირთავდა მაგას. გვარიან კაი კაცს, ფუჩხა რომ უზრუნველი ჰქონდეს, იმისთანას მივცეთ.

— მიეცით, ბატონო, — მიუგო ნიკოიამ.

— უნდა მიეცეთ, — თქვა პეტრემ. — ეს აუცილებელია.

— უნდა მიეცეთ, უნდა მიეცეთ. წიე, რომ ლაპარაკობ, თქმა აღვილია. მაგრამ ასე ტყუტყუბირად... ჰა... აიღე და მიეცი. კვერცხი ხომ არ არის? ერთი კაპეიკი ხელთ არა გვაქვს, საეშმაკოდ კიდეც მიწები დავიგირავეთ. დაურწყებამდი მეტი დროც არ არის.

— გადადებული საქმე თავის დღეში არ გათავდებო, იტყვიან, ბაბა, — ცოტა ფიცხად თქვა ფარნამ. — ფულზე შენ რასა სწუხ, მამაჩემო, აი ეს ოხერი, აი ეს ოხერი, — კბილების დაკვრით თქვა მან, ახალუხის ჯიბეში ხელი ჩაიყო. ორი ბრიგინა ფართო ქაღალდი ამოიღო და იატაკზე დაავდო. — აი ეს ერთი ჩემ მხრივ და მეორე ივანეს მხრივ. თავსლაფდასხმული ვიყოთ ან მე და ან ივანე, ეს ფულები რამე ანგარიშში თუ შევიტანეთ, ოღონდ მოგვეხმარეთ და ეს საქმე ჩქარა გაგვათავებინეთ. გინდათ, კაციც მე მყავს არჩეული, ხასიათი ვიცი. ქონებაც ვიცი, ვყოფილვარ კიდეც მის სახლში, ძალიან მეგობარიცაა ჩემი. კაი შეიძლებული და გამრჯელი კაცია. მხოლოდ მე ვერ ვეტყვი: აჰა, ჩემი და შეირთე-მეთქი. მე გეტყვით ვინაა, სად სახლობს, მხოლოდ თქვენ რიგიანი შუამავალი იშოვნეთ.

ყველანი დაფაცურდნენ. დაფაცურდა ჩვენი ნიკოიაც. მაშვალის რიგიანი მოძებნეს და აღებალამეს გაიანე ჰყონონიდან გააპარეს და ჰყონონიდან ორმოცი ვერსტის მოშორებით მცხოვრებზე ჯვარი გადაწერეს. ოცდაათი თუმანი ნაღდი მისცეს და მზითვესაც დაპირდნენ. ამდენი ფული გლეხის ცხოვრებაში ამ არემარეში იშვიათი მოვლენა იყო. სასიძო მართლა სახეირო კაცი გახლდათ. ჰყონონაში მომხდარ კორებზე. მან არაფერი იცოდა.

ამ ამბავმა მართლა ჩააჩუმა ყველა და ლექსების სიმღერასაც აღაღი დაეკარგა.

— რა ჩუმად მოაწყო, ძმაო, იმ კაცმა საქმე! — კვირობდა ერთი.

— ახ, რა ფულები ჩაუჩხრიალეს იმ კაცსა! — უკვირდა მეორეს.

— ასე ჩქარა? კაი ოჯახის კაცს ამბობენ.

— ოჰო, ჰო, ქონება რას არ იზამს, — ამოთხვრით ამბობდა მე-
სამე.

XLII

შ ე უ ტ ყ ვ ე ს

გაიანეს გათხოვების შემდეგ ნიკოია თოხიტარიაშ პეტრესაც ცოლი შერთო და გლეხის პირობაზე კაი მზითევიც აიღო. გარდა ამისა, ნიკოიამ ამჟამად მშვენიერი ოთხთვალა ოდა აიშენა. ყავრით გადახურა, კარ-ფანჯარები შეადებინა და ახალ მოდაზე, ლამაზჩუქურთმიანი ბუხარი მიადგმევინა. უკეთესი სახლი ქყონონაში კი არა, მეორე სოფელშიაც არ იდგა. თვითონ ნიკოია ყველას ქვიან და გამოცდილ კაცად მიაჩნდა. თხუთმეტი წლის წინათ მისი ქუა-გამოცდილება არავის სწყუროდა და რამე საზოგადო საქმის გარჩევის დროს ახლოსაც არავინ იკარებდა. ახლა კი მობრძანდი, ნიკოია! — პატივობდნენ. მის ნათქვამს დიდი ყურადღებით ისმენდნენ და მნიშვნელობას აქლევდნენ. თვითონაც თავი მორცხვად არ ექირა, ღირსეულად მიაბიჯებდა და ვერცხლით მოქედელ ჯოხს ნება-ნებაზე უბაქუნებდა დედაძიწას.

• • •

ამ დროებით ჩვენი ნაცნობი სევერიანე წყალაძეც მღვდლად ეკურთბა. როგორც ვიცით, ახალგაზრდობაში მღვდლობა ეთაკილებოდა და როცა სწავლა გაათავა სემინარიაში, რაღაც სხვადასხვა წვრილმან სამსახურს წაეტანა. რამდენიმე წელიწადი სცადა, მაგრამ არა გამოუვიდა რა და ისევ მღვდლობას მიმართა. დედ-მამის არჩევის თანახმად ცოლი შეერთო და ქყონონიდან ერთ მახლობელ სოფელში მღვდლის ადგილი დაიკირა.

როცა პირველად მივიდა თავის სამრევლოში ახალგაზრდა მღვდელი, მედავითნესთან ჩამოხტა. მედავითნე ადგილობრივი მცხოვრებელი იყო, მაღალ-მაღალი, ასე ორმოცდახუთი წლის კაცი, და ძლიერ მოყვარულად დაუხვდა.

— ოხ, ბატონო მამაო, — უთხრა სევერიანეს მედავითნემ. — ცხონებულ მამა პართენას კბილით ექირა სამრევლო, მეორე ამისთანა გააბრაგებულ ხალხს მთელ ოდიშში ვერ ნახავ. ჩემისთანა მარ-

თალს, ტყუილია, არავინ გეტყვის, ოცდახუთი წელიწადი გავიდა, რაც ამ ეკლესიაში მედავითნედა ვარ და აქაური ამბები ანი და ბანივით ხელზე მაწერია. ცხონებული პართენა... აა... საწყალი, მგელი იყო, მგელი. მაგას ვერაფერს გაუბედავდნენ, თორემ აქაური ხალხი...

— შენ ეს მითხარი, — გააწყვეტინა სევერიანემ. — ხალხი დიდს თუ არა ეკლესიაში?

— ჰმ! — გაიკვირვა მედავითნემ. — წირვაზე ჯობით ვერ მორეკავ აქაურ კაცს, შობა-აღდგომისა და დიდი ღღესასწაულების გარდა. გეუბნები, რაც არის, ბატონო, მხეცი ხალხია, რაც მათ ღრიკინი უნდა ღრამის ფულის გარდასახადზე, ღმერთმა დაგიფაროს. ამიტომ, მამაო, წინდაწინვე უნდა გაგაფრთხილო: ცხონებულს ამ მხრივ კარგად ჰქონდა საქმე დაყენებული. მაგასთან ასე-ისეო, ვერავინ გაბედავდა. ღარიბი-მარიბი, აჰა, ჰა! როგორ შეიძლებოდა სულ ერთი იყო. ჩვენ წერალთან ჰქონდა საქმე დაჭერილი და, რასაკვირველია, როცა წერალსაც და მამასახლისსაც... ისე, რაღა... მაგრამ ღრამის ფულს უკლებლად ამოიღებდა.

— შენ ეს მითხარი, წირვა-ლოცვას კი უკლებლად ასრულებდით?

— რასაკვირველია, ვასრულებდით. როგორ არა... რა თქმა უნდა, მაგრამ რა ექნა, ხალხი არ დადიოდა და... აკი შოგახსენეთ, ჯიუტი ხალხია. თქვენ, მამაო, რასაკვირველია, სწავლული და განათლებული კაცი ბრძანდებით, მაგრამ უნდა მოგახსენოთ, რომ ერთხელ დაყენებული საქმე... ცხონებულს ჩინებულად ჰქონდა დაყენებული საქმე და ახლა რომ... რასაკვირველია, ახლა რომ გადაასხვაფეროთ, თქვენთვისაც საზარალოა, ცოლ-შვილის პატრონი ბრძანდებით... გვირგვინზე ცხონებული ორი თუმნიდან დაიწყებდა, ხომ იცით, ჩვენი ხალხის ხასიათი, ვაჰარი ხალხია, სულ უნდა ივაჭროს. ორი შაურიც რომ უთხრა, არა, ბატონოო, დაგელრიჯება, — ორი შაური რავა იქნება, შვიდი კაპეიკიო, — ბუზლუნს დაიწყებს. აქ ისეთი გაიძვერა ხალხია, თუ მოუპატიოსნე, მთლად წახდება. ერთი-ორჯერ კინალამ ხანჯლით აჩეხეს განსვენებული შიგ ეკლესიაში, მაგრამ ხასიათის სიმტკიცე მაინც შეიარჩინა და რვა მანეთ ქვევით. არავის დაწერდა ჯვარს.

— ამდენი თუ არ ჰქონდა? — ჰკითხა სევერიანემ.

— აა... ბატონო მამაო, ასე თუ შეიბრალებ სოფელი, მშვიერი დავიხოცებით. ქვეყანა ვის გაუსწორებია, ბატონო. აი ასე დაიწყო ლაპარაკი გაღმა ფერდობზე ერთმა ახალგაზრდა მღვდელმა. ყოვლად სამღვდელოსაც რომ შეცთომა მოსვლია, მწყალობდეს მისი მარჯვე-

ნა, და ძუძუმწოვარა უკუთხებიან. რაც იმან ჩვენ ზარალი მოგვაყენა, ჩვენ ერთობ საზოგადოდ დაგვღუპა, დაგვღუპა. კაცი არაა, თორემ მოსაკლავია სწორედ. ჯვარს ხუთ მანეთად სწერს გლახს. მიცვალე-ბულს სულის ფულს არ ართმევს. თუ გამოართვა, უსათუოდ უნდა უწიროს. დაადგება ორშაბათს და, შენ ხარ ჩემი ბატონი, და ხაკი, ხაკი მის სამრევლოში... მიყვება და მიყვება. ამაზე უნდა მოგახსენო, მამაო, რა თქმა უნდა, თქვენ სწავლული კაცი ხართ, მაგრამ მე გამოცდილებით, ეს რათ გეწყინებათ, ოცდახუთი წელიწადი პრიჩეტნიკათა ვარ... ცხონებულმა კარგად იცოდა, თუმცის ნაკლებს არ აიღებდა სულის ფულს.

— მერე არ უწირავდა? — გაფანტულად შენიშნა სევერიანემ.

— დედა, ბატონო, აკი ახლა მოგახსენეთ! დაყენებული ასეა აქ საქმე და რისთვის გამოცვლით? მოსაგები რამე რომ იყოს, პო, მე-სმის... ხალხი წინააღმდეგი არაა, მიეჩვია უკვე. რამდენი ყაზახი მოკვდება, ყველას თუ მოდექი და უწირე, ერთი საათი ამოსასუნთქავი ღრო არ დაგვირჩება. ამაზე იყო, რომ მოგახსენეთ. იმ ახალ მღვდელზე. მოდგება და სწირავს და სწირავს, მისი პრიჩეტნიკი მელაპარაკებოდა, სული ამომხდა, მეტი არა ვარო, მწუხრ ცისკარს ვლოცულობდით ჩვენთვის შინა, უსათუოდ ეკლესიაშიო, დაიყინა თურმე, დაინით ლოცვა გააწესაო, უფალო ღალადყავსა ზედა და სტიქარონსა ზედა დასდებლები. სადღესასწაულოდან და პარაკლიტონიდან მომთხოვაო, და სხვა და სხვა, ერთი სიტყვით, ერიამორია შემოიტანა ჩვენ მყუდრო ცხოვრებაში და იმიტომ მოგახსენეთ, სოფელი უბედური არაა? გაიგეს და ახლა, მგონია, აქაც ბუნტს აპირებენ: სულის ფულს თუ აიღებთ, ქე მაინც გეწირეთო, მაგრამ სანამ განსვენებული პართენა ცოცხალი იყო, მაგისტანა ბუნტოჩიკობას ვერავინ გაბედავდა და თქვენც, მამაო, თუ გამაგრდებით, იმედია, ვერას დაგაკლებენ.

სევერიანე დაფიქრდა. მის თვალწინ ერთ წუთს გაირბინა მთელმა მისმა სიცოცხლემ, პატარაობიდან დაწყებული მდგომარე ეამამდეთან გაწითლდა, ერთიე მწარედ ამოიოხრა და მედავითნეს უთხრა:

— აბა, ერთი, მეტრიკის წიგნი მაჩვენე.

პრიჩეტნიკმა საჩქაროდ მიართვა.

სევერიანემ წიგნი გადაშალა. „ნაწილი პირველი, დაბადებულთათვის.“ ამას ბევრი არ დახედა.

— ნათლობაში ბევრ არაფერს მოგცემენ, — შენიშნა მედავითნემ.

„ნაწილი მეორე, ქორწინებით შეუღვლილთათვის“. ჯამს დახედა,

ცამეტი ქორწინება მომხდარიყო. „ცამეტი თუმანი“, — გაუელვა თავში ახალგაზრდა მღვდელს.

„ნაწილი მესამე, გარდაცვალებულთათვის“. თორმეტი შენთხვევა ყოფილიყო.

„თუ ორთა შუა რიცხვით... აქაც... თითო თუმანი?“ — ძალაუნებურად მოსდიოდა ფიქრი.

— სამრევლოს არა უშავს, ბატონო, რა დასათვალთვინებელია, სამრევლო კარგია. კარგადაც დაყენებულია. თუკი არ მოუშინატეს საქმეს. განსვენებულს ჩინებულად ჰქონდა დაყენებული...

— ქადაგება-მოძღვრება უყვარდა? — დაეკითხა სევერიანე და მეტრიკის წიგნი დაკეცა.

— რომ უქადაგო, შეასმენ. გგონია რასმეს აქაურ კაცს! ქადაგების რა გაეგება. მგელს სახარება უკითხო, რა გამოვა! განსვენებულმა იცოდა აქაური ხალხის ხასიათი, აქაური დაბადებული და აღზრდილი არ იყო? ხან ისე მიუბრუნებდა, ხან ასე და თვითონ თავის დღეში არ იზარალებდა. თუ გასარიგებელი იყო ვინმე, ჩაერეოდა და ორივე მხრივ ააკრავდა რასმე. კაცი, ერთი სიტყვით, იყო, რაღა, განსვენებული! ერთში კი, აცხონოს ღმერთმა, ჰქონდა ნაკლი, მე ძლიერ მცირე შემოსავალს მაძლევდა. ერთად ვიანგარიშებო და გაგისწორდებო, მეტყოდა, და ამნაირად ათის წლის წინანდელი კიდევ არ ჰქონდა გასწორებული და ისე სიკვდილმაც მოუხსწრო და ახლა მისი ქვრივი, ძველს შენ თავი დაანებე, ახალს არ წაგართმევდეს. თორემ.

სევერიანეს გაეცინა, ერთი მედავითნეს შეხედა, მერე თავი ძირს დაჰკიდა და დაფიქრდა. მღვდლობას სწავლობ, მღვდელი უნდა გამოხვიდეთ, გაახსენდა მამის ნათქვამი. „ნუთუ? ნუთუ? ასე“ — ეკითხებოდა თავის თავს *Homo sum, humani nihil a me alienum puto*, — ჩასჩურჩულა რალაცამ ყურში. საღლაც გაგონილი ანდაზა.

XLIII

ისევ ჩვეულებრივ გაგრძელდა ქყონონაში ცხოვრება. ჭანისწყალი ზვირთს ზვირთზე აგორებდა. წისქვილი ფქვავდა და მაძინია დარაჯობდა.

ერთ დღეს, ბასილი მძებრადის მოჯამაგირემ, ასე ჩვიდმეტ-თვრამეტი წლის ბიჭმა ივიაიმ წისქვილში სიმინდით სავსე ტომარა შემოიტანა. წისქვილში გარეშე არავინ იყო. მაძინია ცოტა მოწყენილი, ხმელ ფიცარზე გორავდა და თუთუნის ბოლში გახვეული ოცნე-

ბობდა. ახალ შემოსულს ზანტად შეხედა და ზანტადვე უპასუხა გამარჯვებაზე.

— ადე, ადე, რას წამოწოლილხარ, ჩქარა დააყარე! — ბრძანების კილოთი გაეხუმრა ივანია.

— დააყარე, მერე ვინ გიშლის, — გულშეწუხებულად მიუვო მაძინიამ.

— სად დავაყარო?

→ აი, ღარის თავთან მიიტანე. თავი გაუხსენი და შიგ ჩაყარე. ერთი თვალის დახამხამებაში დაიფქევა და საღამოთი ბატონებს ღომი მოუხარაშე.

— ხუმრობას თავი დაანებე, მაძინია, ჩქარა დააყარე. თუ კაცი ხარ, თორემ უიმისოდაც საცაა ღამის გაღაიროს ხარღანადის ქალი და ბასილი, და ესეც დროზე თუ არ მიუვტანე...

— რამ გაღარიათ? — დაეკითხა მაძინია.

— ხარღანადის ქალის კაპასობა აქ არ მოგესმა? ჰო, მართლა, დღეს ჩემს გარდა, სადილი მათ ოჯახში არავის არ უქამია და მე კი გეახელი.

— დაპირებული ხომ არ ჰქონდათ სადილის უქმელობა! რა მოხდა, ბიჭო? — დაინტერესდა მაძინია.

— სასთაულს გადავხედე, კაცო, სასთაულს! საბრალო გოგო კინალამ შამფურზე წამოაცვეს, რაც იმან დღეს იტერა, თუ მაგას გული არ გაუსკდა, რა ვიცი სწორედ.

— რომელი გოგო, ახლა რომ აიყვანეს მოსამსახურედ, ისა?

— ის კი არა, ტასია, კაცო, ბასილის შვილი ტასია, მიხვდი? ვაჟის მონაწერი ქალაღდი უნახეს.

მაძინია კითხვის ნიშნად გადაიქცა და გაშტერებული ივას შეწყურებდა.

— მითხარი, შე კაცო, მითხარი, რომელი წერილი?

— რა ვიცი, ამოაგდოს ღმერთმა, მე ხომ არ მიაბობდნენ. ყური ისე მოვკარი. ზუგდიდში რომ არის, აღმასხანის დიდი სახლის ცოტა იქით რომ არის, გოგოებს რომ ასწავლის, დაბალ-დაბალი ქალი რომ არის.

— მერე, მერე?

— მერე, იმ ქალთან ტასია ხშირად ქალაღდებს გზავნის. როცა მე გამგზავნიან ზუგდიდში, უსათუოდ გამატანს, ისიც აქეთ წიგნებს გამოუგზავნის. ალბათ, ერთმანეთს მოკითხვას უთვლიან. დღეს ერთი მოკითხვის ქალაღდი უნახეს, თურმე ვაჟის მონაწერი ყოფილა

და გადაირია ორივე ცოლ-ქმარი. კინალამ სახლს თავიანთი ხელით ცეცხლი წაუქიდეს.

— ვისი მოწერილი ყოფილა, არ იცი?

— მე აქაურებს ჯერ ბევრს არავის ვიცნობ, მეტი ხანი არაა, აქ დავდექი, შენც ქე იცი, ვილაც ფარნა თოხიტარია...

მაძინიამ ხელები დაატკაცუნა. აიტ, აიტ, აიტო! — იძახდა გიჟივით და წარამარა ტრიალებდა.

— მერე, მერე, მითხარი, აი დიდება შენდა, ღმერთო!

— მერე, ჩქარა დააყარე და კარგად დაფქვი, თორემ ერთი ყენტი ფქვილი არ მოგვეძევა და უიმისოდაც გულმოსულები გვერდებს აუჭრელებენ შენ ივას. ახლა ხარების საძებრად უნდა გავეჩქარო, ერთი წუთი მოსვენება არა მაქვს. ნეტავ ჩქარა გავიდოდეს ვადა, მერე არ მინდა აქ დგომა, ბიძაშვილი მყავს სოჭაში და იქ წავალ. აბა, შენ იცი, აქეთობისას დამახვედრე, — მიუგო ივამ და ნელი დიღინით წისკვილიდან გავიდა.

მაძინია, ერთ ხანს დაფიქრებული, ძირს იყურებოდა.

— აიტ! — დაიძახა მერე და რამდენჯერმე ტაში შემოკრა. — აა... ა... მოგიკვდეს მაძინია, თუ აქ საქმე არ გაჩარხოს... რათ არ გამიხვრიტა ცოტათი მაინც ყური ამდენ ხანს ფარნამ! — გაიკვირვა მაძინიამ. — ყოჩაღ, ბიჭო! — დაიძახა ხმამაღლა. — ახლა თუ ივარგა, ვარგოდეს იქნება და ის იქნება. აა, ძუკუ მძებრადე? მოგიკვდეს მაძინია, თუ... ჯერ სადა ხარ!

ამ დროს კაცის ჩრდილი მოელანდა კარებიდან და მაძინიამ ლაპარაკი შეწყვიტა.

— მაძინიას გომორძგუა, — შემოილაპარაკა ერთმა გლეხმა, ტომრით მხარზე.

— გაგიმარჯოს ღმერთმა, — ალერსიანად მიუგო მაძინიამ.

— მადლობა ღმერთს, საფქვავე ბევრი არა ყოფილა, ვახშობამდ ვერ გამათავისუფლებ ვითომ? ძლიერ მიჭირს, — შეეხვეწა ახალმოსული.

— შენ სულ გიჭირს და მაძინიას კი არ უჭირს?

— ვიცი, ვიცი, სად სცემს შენი სიტყვები, მარა...

— მარა, ფარას გვერდია! რა მარა გინდა, შეშას მაინც მომიტან?

— ხო, ამ სადამოსთვის აქ ახლომახლო მოვაგროვებ, შე კაცო, გავიხედავ, მოვიხედავ.

— კარგი, ახლა კი შენ აქ დარჩი, მე სხვაგან მინდა წასვლა ერთ წუთს. ეს წინანდელი დოლაბი რომ ჩამოვიდეს, შენი დააყარე. მაგრამ იმ დრომდე მოვალ, მგონია.

— რომც არ მოხვიდე, შე კაცო, და რა იქნება? ამას მე თვითონ რავე ვერ მოვუვლი? — კმაყოფილებით მიუგო ახალმოსულმა და მერე ხვეწნით დაუმატა: — მაძინია, შეიძლება რამე მუცლის ტკივილის წამალი იცოდე!

— ვის სტკივა მუცელი?

— შე კაცო, კირში ვარ მოსული, სამი ღამე თვალი არ დამიხუჭავს, ერთ უბედურს ქე ვარ გადაკიდებული, არაფერი გამოვიდა, რანაირი, რა ნაცარში გაწურული წყალი არ ვიხმარე.

— შენ ცოლსა სტკივა?

— დიახ! შე კაცო.

— მერე წამალი შენ თვითონ არ იცი? — ეშმაკურად გაუღიმა მაძინიამ.

— ოი, შე კარგამოსაკეტო! მე მართლა გეუბნები და შენი

— მეც მართლა გეუბნები. მეორეჯერ არ დაგეშართოს. ქალს თუ მუცელი ატკივდა, არავის არ უნდა უთხრა, თორემ ბრიყვად ჩაგაგდევენ. ალბათ, წაგჩხუბებია. ქალებმა ისე იციან, ცოლი არა მყოლია, მაგრამ მაინც ქე ვიცი, ქმარს რო წაეჩხუბებია, მუცელიც მაშინათვე ატკივდებათ.

მაძინიამ ერთხელ კიდევ მისცა დარიგება, წისქვილიდან გამოვიდა და ბასილის სახლისაკენ გასწია.

ბასილ მძებრაძე აივანზე იჯდა მოწყენილი, მაძინიას ნახვა ძლიერ გაუხარდა.

— აბა, ჩემო მაძინია! — შორიდანვე მიაძახა ბასილმა. — ჯერ არ გაგიგია ჩემი გაბედნიერება, მომილოცე, რალა, მომილოცე.

— ბედნიერება ღმერთმა ნუ მოგაკლოს, ბატონო, — მიუგო ვითომდა ბასილის კილოთი გაკვირვებულმა მაძინიამ.

— უკეთესი ბედნიერება რავე იქნება. ჩემს სიბერეში სხვა ბედნიერებასთან ესლა მაკლდა და ესეც ეს არის შემისრულდა. აბა, ჰაია, — ამოიოხრა ბასილმა.

რამდენიმე ხნის შემდეგ ბასილი დალაგებულად ემუხაფებოდა მაძინიას.

— სხვისთვის რაც დამიციანია. ის რომ მეპართება, ამანაა ხნის დანით ყელი გამომჭრა, თორემ სხვა რამე მჭირდეს, მადლობა ღმერთს, რა გაეწყობა. დედა, ღმერთო, თვალი როგორ დამიბრმავდა, რომ ამდენ ხანს ვერაფერი შევამჩნიე? რას მოვიფიქრებდი, მა-მაჩემის, მერაბის მოსვლას მოველოდი და ამას როგორ მოვიაზრებდი? დედა, ღმერთო, შენ მოიაზრებდი? არა, თუ ღმერთი გწამს, წითხარი, მოიაზრებდი?

— ჰეი, — მიუგო მაძინიამ, ვითომდა დიდად გაკვირვებულ-შეწუხებულმა.

— ის მაზაკვალი ბიჭი კი... მაგრამ, ჰო, რაც მოგივა დავითაო, ყველა შენი თავითაო, ხომ გაგიგონია! შენი უჭკუობით და მჩატე ხასიათით. ბატონად რომ გაიხდი კაცს, აბა, სხვა რა დაგეშართება! რაც მჭირს, ყველაფერი ჩემი შვილის, ჩემი ვაჟბატონის წყალობაა. ის, ის მენცარი ბიჭი... ამას წინეთ რომ შევერიგდით... ვაი დედამისს, ორასი ცინცხალი მანათი ხელში ჩაეუჩხრიალე. ხენწიფე არ მახდევინებს ხარჯს და ნიკოიას მოხარკედ ჩემი ნებით თავი გავიხადე-მოვიდა, ბატონო, ის წყეული და ისეთი სიტყვებით მომილაგაშა, ისე დამიმეგობრდა. ერთხელ კიდევ მოვარდნილიყო, მე შინ არ დაუვხვდი, ვაი, დედაჩემს, — მკერდზე ორ-სამჯერ მჯილის მიბრაზუნებით წარმოთქვა ბასილმა, — ვაი დედაჩემს, ახლა კი ვახელ თვალებს, მაგრამ რაღა დროისაა... ერთხელ ხუმრობაში გავურჩე: ტომბაშვილი გამირიგე სიძეთ-მეთქი. ვეცდები, კი, კიო, დაფანტულად მონიგო და თან მკვდრის ფერი დაედო, ლილასავით გალურჯდა და კინადამ გულს შემოეყარა. დასაქცევს ქვეყანაში ციება დამაწყებინა და ხანდისხანაც თავბრუს მასხამსო. აბა რას მოვიფიქრებდი! ეცადე, წამლები იხმარე, თავი ფრთხილად დაიჭირე-მეთქი, დარიგებას ვაძლევდი. აბა, რას მოვიფიქრებდი...

— ამდენს რათ სწუხართ, ბატონო, ჯერ ამოდენა გულზე მისაღები ხომ არაფერია. — ლმობიერად შენიშნა მაძინიამ.

— აბა, შენს მტერს ღმერთი გაუწყრა. აბა, ნახე, რასა სწერს ჩემს ქალიშვილს ნიკოია თოხიტარიას შვილი: ჩემო, გონებიდან განუშორებელო, საფლავამდი განუყოფელო. ის სწერს ასე, კაცო, სწერს! — თითქმის მიაყვირა ბასილმა, — და ჩემი ქალიშვილი კიდევ, — აქ უმწეოდ თავი ძირს დაჰკიდა ბასილმა და საბრალოდ კბილები დააკრაქუნა, — ჩემი ქალიშვილი კი სწორედ ასე. სწორედ ასე იმეორებს. მე სრულწლოვანი ვარ, ვინც მიყვარს. იმას წაყვევბიო. რათ არ დაიქცა ის დღე, მაგას რომ ანა-ბანა ვასწავლე. თურმე ახლამდი არ გამიგია, მართალი ყოფილა ის კაცები, რომ ამბობდნენ: ქალს სწავლა რაღათ უნდაო. ისინი მე მხეცებად მიმაჩნდა. გაიგე, თურმე ვინ ყოფილა მხეცი! ბასილი მძებრაძე ყოფილა მხეცი, რომ მაგის სწავლისათვის ფულებს ვხარჯავდი. ცხენსა და კაცს რომ ვკლავდი ზუგდიდს და ჭყონონას ვზაზე. თოხიტარიასათვის თუ უნდოდა თავი, სწავლა რათ ეჭირებოდა. განა, უსწავლელ ჩემ შვილს არ იკადრებდა, მამაძაღლისშვილი.

— ბატონო, დამშვიდდით, თოხიტარიას რა უნდა თქვენ შვილ-
თან?

— რა უნდა? ზოგი ჩემი თვალის სინათლე ქალიშვილს ჰკითხვ
და ის გეტყვის, უნდა რამე, თუ არა. რომ გენახა ღღეს მისი მშო-
ბელი დედა, თათარ და ურიას გულს დაწვავდა მისი ცრემლები. მა-
რიკას იმან თავისი უსირცხო პირით ასე მიუგო: მე ის მიყვარსო.
მაშინ ხელში შეეყენებული დამბაჩა რომ მქონოდა, ოხ, ძაღლმა...
ჩემ სულს, იქვე თუ არ მომეკლა, მერაბის სულს ვფიცავარ. წესქერ,
მის საქმეს. ჩემს სიცოცხლეს მაინც ლაზათი არა აქვს. აწნაურობა
მე გამიხდა საძიებელი. ფარქანიძემ კაცი დასჭრა, ჩემი საწლავი გახ-
და, მძებრადეების გასააზნაურებელი, ყველაფერი მე გადამხდა... ეხ.
მოვცილდებოდი ყოველივე დავიდარაბას და ის იქნებოდა.

— ღმერთმა გაშოროს, ბატონო, ღმერთი შენს მტერს გაუწყრავ
ახალგაზდა გოგოა, განა უკეთ არ იცით ქალის ჰკუის ამბავი, რამ-
დენჯერ თქვენგან გამიგონია, ბატონო.

— ეხ, მაძინია, შენ რა... ჩვენი ოჯახის გაზრდილი ხარ, ჩვენი ავი
და კარგი ხომ იცი! ხომ შენი თვალთ გინახავს ჩვენი ცხოვრება, რა
ვიყავით და ახლა რაღა ვართ! განა ამას მოიაზრებდა კაცი ოცდაათი-
ორმოცი წლის წინეთ? ფიქრადაც ვისმე მოუვიდოდა? ყაზახმა ორი
გროში მოაგროვა, — აქ ხმას აუწია ბასილმა. — და შეხედეთ. მამა-
ძაღლს, ვის ეპოტინება! მაგრამ დამაცა, მე ჯერ კიდევ ბასილი მქვია,
დავებრდი, მაგრამ არ მოგიკვდეს იმის მეტი ჩემი თავი... შავისთანა,
ჯერ ცხვირმოუშრობელ ბიჭებს თუ არ დავასწავლე ჰკუა! თუ მაგას
ნალბახთის მსხვილი ტილები არ გამოვაცდევინე. რა ბასილი ვყო-
ფილვარ მაშინ! ამ ჩემს მანათობელს კი, მოგეცა სიკეთე, დავასწავ-
ლი ჰკუას, როგორ უნდა მიწერ-მოწერა.

— არაფერია, ბატონო, — დამშვიდებით მიუგო მაძინიამ. — კაი
დროს კი შეგიტყვიათ, მადლობა ღმერთს. ეს არაფერია, გული და-
იმშვიდეთ და საქმე ისევ კეთილად მოგვარდება. მადლობა ღმერთს,
დროზე შეგიტყვიათ.

— აბა, კაცო, — ცოტა დამშვიდდა ბასილი, — დიდება შენდა,
ღმერთო! კაცო, უცაბედად არ შევეხეჩე! ძუკუ და ბათლომე. რო-
გორც ვითხარი, ზუგდიდში მიდიოდნენ და რაღაც საყიდლები და-
ვაბარეთი გვინდოდა ცოტაოდენი პიჭი-პაჭუ ეყიდათ. ძუკუმ ზები-
რად არ გამახსენდებო და ქალალში დამიწერეთო. ქალალს სულ
ის გასაქვავებელი. ებლაუქება.

— გაქვავება ღმერთმა აშოროს, — შენიშნა მაძინიამ.

— ერთი თარნაკი რომ არის ზუგდიდში, — გაავრძელა ბასილ-

მა, — უჩიტელიცას რომ ეძახიან, იმას, იმას ამოუთხრია თურმე ჩემთვის თვალები. თუ ღმერთი გწამს, რას ვიფიქრებდი! სულ წერდნენ ერთმანეთს ბარათებს, მაგრამ რამე ეკვს როგორ ავიღებდი! თურმე აქ სხვა საქმე ყოფილა. შევიდა ბიჭი, შენ ხარ ჩემი ბატონი, ოთახში, და წიგნებში ქალაღის ძებნა დავიწყე. ერთი ლამაზი წიგნი რომ გავხსენი, შიგ წერილი ეგდო. ერთი თაბახი დაწერილი იყო და მეორე დაუწერელი. რალაც ისე დავინტერესდი და ორივე გამოვიტანე და ბიჭმა რომ წაიკითხა, მომეკიდა ცეცხლი, გავახილე თვალები, მაგრამ რათ გინდა?

— არა, ბატონო, შენი ჰირიმე, თქვენ ამ ზომამდი ნუ გააღვიარებთ საქმეს. მე რა სიკეთეს მოველი ცხოვრებიდან, მაგრამ ღმერთმა იმდენი სიკეთე მიყოს, რაც თქვენთვის და თქვენი ოჯახისთვის მე მინდა. ამაში, ბატონო, დარწმუნებული ქე ხართ, მგონია, საქმეს ნუ აშლით, ნუ გააღვიარებთ, გოგოს მოუარეთ, გულს ნუ წაუხდენთ, კეთილი გულით მოელაპარაკეთ და იმასაც გული სხვანაირად შეექნება. რა ვუყოთ, ყველანი ადამიანის შვილები ვართ, თითო შეცთომა ვის...

მაძინიამ სიტყვა ვერ დაამთავრა, მარიკა მძიმედ გამოვიდა აივანზე, სადაც ისინი მუსაიფობდნენ. მაძინია წამოდგა. ბასილი კი აივანზე მიდგმულ ფიცარზე იჯდა და ორივე ფეხი რიკულის თავზე ჰქონდა გადადებული.

მარიკას დანახვაზე მაძინიამ ლაპარაკი შეწყვიტა და მძიმედ თავი დაუკრა. მარიკამ ჩუმად პასუხი გასცა და ერთიც მწარედ ამოიოხრა. სახე მეტისმეტად შეწუხებული ჰქონდა, თვალები ტირილისაგან დასიებოდა.

— ძუკუს მამა, — ჩუმად უთხრა მარიკამ. — სულ ასეც არ ვარგა. უთხარი რამე ტბილი სიტყვა, მიუფერე მაგ კისერმოსატეხს, დღეს წყალიც არ დაუღევია, ზის ოთახში თვალებზე ხელაფარებული და ზის, ტირის და ტირის. თავის დღეში თუ შემეცოდებოდა, არ მეგონა. ამ დილას ისეთი გულმოსული ვიყავი, მაგრამ ახლა გული დამწვა ცეცხლმოკიდებულმა, — გულაჩვილებულად თქვა მარიკამ. — მე მივუფერე, ვუთხარი რალაცეები, მაგრამ ხმაც არ გამცა, ეგება შენ გაგიგონოს.

— აი, შენი ჰირი შემეყაროს. ასე უნდა, ბატონო, — შენიშნა მაძინიამ.

— ნიკოია თოხიტარიას უთხარი, — ისაა მისი ბაბა. იმის დარიგებას უკეთესად დაიჯერებს, მე რად ვუნდივარ, — შხამიანად მიუგო ბასილმა.

— ის დღე თოხიტარიას არ მოესწრება, მამუჩარ ხარდანაძის შვილიშვილი პერტიეას შვილიშვილს მიჰყავდეს, — ამაყად მიუგო მარიკამ.

— ჰეი. ხარდანაძის ქალო, — მწარედ ამოიოხრა ბასილმა, — არ გეგონოს ძველი დროება. შენი მამუჩარები ახლანდელ დროებას ფეხებზე ჰკიდია. შენს ქალიშვილსაც ბევრ საამაყოდ არ მიაჩნია მამუჩარის შვილიშვილობა. არ გახსოვს, რა გითხრა ერთხელ! ამ საბუთის ძებნაში ფულს რათ ხარჯავთ, ახლა ძველებური აზნაურობა ხმარებიდან გამოსული ქალაღდის ფულიაო. მაშინ უნდა გაგვეხილა კარგად თვალი, გაგვეწყვიტა ყოველნაირი კავშირი მაგ განათლებულ ქალთან. მისგან მოწერილი ბარათები ყოველთვის უნდა გაგვესინჯა. თოხიტარია ხომ გაღლეტილი მამაძალია, გუშინ შევიდა დუქანში და დღეს ტომბაშვილის მონახევრე გახდა. მაგისთანა აბრავ კაცებს შენ ჯერ არ იცნობ, ერთი თვალით აქეთ იყურება გგონია, მაშინ იქით რა ამბავია, იმასაც ხედავს. ალბათ ის იმ მასწავლებელს მოისყიდია...

— ძუკუს მამა, აკი ორივენი პატარაობიდან ერთად სწავლობდნენ და კაი მეგობრებიც იყვნენ. მართლა რომ ვთქვათ, ეს გულის საქმეა...

— ახირებულს შენც რომ იტყვი, — გაჯავრდა ბასილი. — მაგისთანების რა იციან ბავშვებმა. მაგისთანებს გაბედავდა კი არა, უკაცრავად მოხსენებაა, ნიფხავი არ ეცვა, ფეხშიშველი წვივგადატყავებული თხებს მიყვებოდა. ეს ჩემი კი. იმ წიგნებმა და იმ ამკეჭა ქალმა დამიღუპა.

ბასილი ცოტა ხანს შეჩერდა. წვერ-ულვაშზე ხელი მოისვა. ერთიც ყალიონს ჩაუფშვიტინა და ამოოხვრით გააგრძელა:

— ჰაი, ჰაი, ჩემი ცოდვა, რა ცუდ ვარსკვლავზე დაბადებული კაცი ვყოფილვარ. ქვეყანას შურდა ჩემი მდგომარეობა და ეს უკანასკნელი ათი წელიწადია, სულ უკან-უკან წავიდა. რაც ეს საუბედურო აზნაურობა შემეძენა საძიებელი, მას აქეთ ხომ ერთიანად ავიხლართ-დავიხლართე. სიღარიბე წამომეწია, სიბერეში შევედი, ხელფეხს მომაკლდა და აი... დიდება შენდა, ღმერთო! თოხიტარია ქალიშვილის, ერთადერთი ქალიშვილის გადაბირავენას მიპირებს. განა ეს სიკეთეს რასმე მოასწავებს? მაგრამ სანამ ცოცხალი ვარ, სანამ კიდევ ბასილს მეძახიან, იმ ზომამდი თავს არ დავიმციკრებ, მგონია. ეებს! ვიყბედო, რაღა დროისაა, ასე აჩქარებულად არ მინდოდა საქმე, მაგრამ ვინ სიკვდილი და ვინ სიცოცხლე, რაც უნდა დამემართოს, იმ გოგოს ამ მოკლე დროში მაინც უნდა ადგილი მიუჭინო,

თორემ თოხიტარია კი არა, მგონია, ჩემი ნამოჯალაბი ლუჯაია ბარე-
იაც თავს გამოყოფს.

— რამდენი ხანია, ძუკუს მამა. ამას მეც გეუბნები. ქალი წლო-
ვანია, კასთაია პარულაძე გვეძლეოდა, არა უჭირდა რა, ხნიერი ქე
იყო ცოტა, მაგრამ კაი მემამულე კაცია, ქალს უზრუნველად დაარ-
ჩენდა. ჩინებული აზნაურიშვილია. შენც არ იყავი სულ ყმაწვილი,
მაგრამ... — გაეხუმრა მარიკა.

— დედაშენს აქვს ცხონება, ყმაწვილი არ ვიყავი. შენ მასწავლი,
რაც ვიყავი? ოცდაათი წლის ვიყავი, მერაბის სულს ვფიცავ, ცოტა
ქალარა რომ მერია, რა ვუყოთ მერე! ოცი წლის კაციც ქე მინახავს
ქალარა. თმას რა ჰკუა აქვს? მერე კასთაიაზე მე უარი სრულებით
არ მითქვამს, თუ მკითხავ, მე გულით მინდოდა, მაგრამ თვით შენ
რალაც იკოპმანე, თარნაკმაც, აი, აი, არ მინდა, თავს მოვიკლავო,
ჯერ ქმარი არ მინდაო, გველით რომ გული სავსე ჰქონია, აბა, რას
იტყოდა!

— რაც წასული საქმეა, წასული საქმეა, ძუკუს მამა, და ახლა
მაინც თავი გადავდოთ და როგორმე საქმე გავათავოთ... თორემ,
ეშმაკს თვალი არ აუხელია, საუკუნოდ დაუტირალი საქმე დაგვე-
მართება.

— მეც იმას ვამბობ და... მოფიქრებით და არჩევით მინდოდა
საქმე. მაგრამ თუ არ დაგაცლის მაცდური, რას იზამ, უნდა აჩქარდე.

* * *

„ნუ ჩქარობ, ბასილ მძებრაძე! ჰეი გილი, მარტო შენ რომ გგო-
ნია, ისეც არაა საქმე. ძმა ძმისთვისაო, შავი დღისთვისაო, ნათქვამია.
თოხიტარიას ისე დაბლა ნუ უყურებ. მაგასაც გამოუჩნდება ვინმე
მშველელი. სულ მდივანბეგობა ნუკი გგონია, თუ ერთხელ გაგიფ-
რინდა ხელიდან, სახუცესს ვერ მიმართავ,“— ფიქრობდა გზა-გზა მა-
ძინია და წისქვილისკენ მოდიოდა. ერთი ციხის ნანგრევისკენ აიხე-
და. მთვარიან ღამეში ციხის კოშკები ნათლად მოჩანდა. მწვანე სუ-
როთი დაბურული ციხის გალავანი მთვარის შუქზე ელვარებდა. მი-
იხედა მაძინიამ იქითკენ და გაახსენდა ის დრო, როცა ამ ციხის გა-
ლავანში მდივანბეგები და სახლთუხუცესები ბატონობდნენ და გარ-
შემო მცხოვრებთ ბედ-იღბალს ამ ახლა ბევრგან ჩამონგრეული ქვის
გალავანს შიგნით სწყევტდნენ. მთვარე მაშინაც ასე დაკაშკაშებდა
ციხის მიღამოს. ახლა რა ამბავია, ღმერთო ჩემო, გაუელვა თავში.
ორმოცი წლის წინეთ რა მინახავს, და ახლა რას ეხედავ! ამ ხნის

განმავლობაში როგორ შეიცვალა ჩვენი ქვეყანა! აფერუმ, ფარნა, თუ ვარგინარ! მე რათ არ გამანდო მაგ ყურუმსაღმა, უკეთ ზოგუწყობდი საქმეს“, — დაილაპარაკა ხმამაღლა და ერთიჯ ფრთხილად სიმინდიანში შეიხედა: ხომ ვინმე ყურს არ მიგდებსო.

XLIV

შესაფერი სასიძო

დღე და ღამე იყრებოდა, როცა მაძინია წისქვილიდან გამოვიდა, წისქვილს ზემოდან მოუარა და სიმინდებში შევიდა. ტანზე საგარეო ჩოხა ეცვა, პირი დაებანა და თავისი ერთი ბეწო წვერ-ულვაშიც დაევარცხნა, რასაც იშვიათად მიმართავდა ხოლმე. თავზე ახალი ყაბაღაბი ჰქონდა შემოხვეული. ასე გამოწყობა არაჩვეულებრივი მოვლენა იყო მაძინიას ცხოვრების ბოლო ხანებში. წისქვილი კი ერთ ახლო მცხოვრებ გლეხს, თავის ნათლიმამას, ჩააბარა და დაუბარა, რომ ერთ კაცთან ცოტა ანგარიში მაქვს და შეიძლება შუალამემდის დამაგვიანდესო. წისქვილში მისი ნათლიმამის გარდა, რომელსაც ბეჩუნა ცალაიას ეძახდნენ, ორი სხვა გარეშე სოფლელი გლეხიც იყო.

კარგა ხანი იარა მაძინიამ ტაროებით დატვირთულ სიმინდებში და ყანის გვერდით მიადგა ერთ ფლაგეს, სადაც ხშირი და მაღალი წალამი ამოსულიყო. წალამს ფრთხილად გასწი-გამოსწია და ერთი წუთის შემდეგ ერთი ახალი უნაგირი გამოიტანა, თოქალთო მკლავზე დაიდო და ერთიჯ უნაგირს გახედ-გამოხედა.

— გვარიანი კაი უნაგირი ჰქონია. — თავისთვის ჩაილაპარაკა მაძინიამ. — კომპულეები და კეხის წინა პირზე კერმუხტი ჰქონია გადაკრული, ბალიში შიგრიანის არ არის, მაგრამ, კაი კაზანია, — ერთიჯ ბალიში ხელით გასინჯა. — თო, თო, მგონია, შეელის ბეწვიც ევეს შიგა, ისეთი რბილია. ასეთი უნაგირიც მეტია მაგისტანა ზირტიკი ყაზანისათვის. ისეთი მტვერი აძვეს ბალიშზე, რომ ეტყობა, რაც ცოლის მზითევში გამოატანეს, მას აქეთ ორჯერ არც კი შემჯდარა ზედ. დარწმუნებული ვარ, კვირაში ერთხელ არ დაათვალიერებს, აბა, ჰკიდია კედელზე თუ არაო. სანამ არ დასჭირდება, არც კი გაახსენდება და თავის დღეში სხვასაც არ ათხოვებს. — ამასობაში მაძინიას ნათლად წარმოუდგა, თუ როგორ მოპარა ეს უნაგირი ერთ მახლობელ ახალ ცოლშერთულ გლეხს, როგორ აუტეხეს ძაღლებმა ყეფა, როგორ ადგა სახლის პატრონი, გარეთ გამოვიდა და რამდენჯერმე დაიკიჟინა, ძაღლები გაათამამა: არიქათ, ქურდი არ გაუშვა-

თო, და თვითონ კი აივანზე იდგა მარტო თეთრეულით. და ზანტად თეძოს იფხანდა. მაძინია მაშინ იყო სახლის უკანა ოთახში, სადაც უნაგირი ეკიდა და კინალამ გაეცინა. როცა ისევ ყველაფერი მიჩუმდა, უნაგირი გამოიტანა, წამოიღო და აქ ფალაგეში შეინახა.

სიმიინდ-სიმიინდიანით მაძინია ქანისწყლის პირად ერთ ხშირ ფალაგეს მიადგა; ეს ისეთი საიდუმლო ადგილი იყო, რომ თუ არ განგებ, თავის დღეში კაცი აქ არ გამოვიღოდა. თუ ოდესმე მოვიდოდა აქ, მხოლოდ მახლობელი სიმიინდის პატრონი, მაგრამ ჯერ სიმიინდი გამხმარი არ იყო და აქ კაცთაგანი არავინ მოდიოდა.

ლაფანის და თხმელის ხშირ ბუჩქნარში, წყლის პირად, დაბმული იყო მშვენიერი, დალდასხმული მალალი ცხენი, მაძინიას ამის აქ მოყვანა ძლიერ გაუჭირდა, მაგრამ, როგორც იყო, სძლია ყოველნაირ დაბრკოლებას, და გუშინ შუადღისას აქ ფრთხილად მოიყვანა. ეს ცხენი იყო ჩვენი ნაცნობი ლავრენტი ტკვარჩელიასი, მძებრადებებზე ჩამოსიძებული აზნაურის. ლავრენტი ცხენს თვალის ჩინივით ინახავდა და თავის გარდა, სხვას არავის შეაჯენდა, თვითონაც იშვიათად ჯდებოდა. ცხენი ჩინებული მოსიარულე იყო.

არ გასულა ორი საათი, რაც ცხენი აქ მოიყვანა, რომ ატყდა კიენია: არიქათ, ლავრენტი ტკვარჩელიას საღარია მოიპარესო. თვით ლავრენტიმ, ოფლში გაწურულმა და მკვდარივით ფერდაკარგულმა, წისქვილის წინ რამდენჯერმე გაირბინა. ფეხზე დააყენეს მამასახლისი, ხევისთავეები, აცნობეს ბოქაულს. შეიქნა ერთი ჩოჩქოლი, ეცნენ აქეთ-იქით, მაგრამ ვერას გახდნენ, ვერავითარ კვალს ვერ მიაგნეს; ბოლოს მოპარულად დაამტკიცეს და ციმბირიდან გამოქცეულ აბრაგს დარისმან ქუჩაიას დააბრალებს.

წისქვილში, რა თქმა უნდა, დილიდან საღამომდი დღეს უმთავრესი სალაპარაკო საგანი ეს იყო და მაძინიაც ყველას უდასტურებდა: რასაკვირველია, თუ არ დარისმანი, სხვა, აბა, ვინ გაბედავს ამ დამშვიდებულ დროებაში, ასეთი კაი ნაჩალიკის მეოხებით, რამე მოიპაროს, და ისიც. ლავრენტის ცხენიო.

ფრთხილად მივიდა მაძინია ცხენთან, ალვირი ამოუღო და შეკაზმა. დადამებული იყო, ბელზე ძლიერაც ბნელოდა. მაძინია ცხენზე შეჯდა, — დიდება შენდა, ღმერთო! — ჩაილაპარაკა და წყლის ნაპირ-ნაპირ გასწია.

— დამვიწყებია ცხენზე ჯდომა, ვაი, ჩემი ცოდვა, აი, სადა ხარ, ახალგაზრდობავ, სრული ათი წელიწადია, ცხენზე არ შეგეჭდარვარ, ოხ, ოხ, ოხ! როგორ მეჩოთირება, — ამბობდა მაძინია გზა და გზა.

სანამ კყონონას ბოლომდი არ მივიდოდა, სულ წყალ-წყალ უნდა

ევლო, გზას ამრუდებდა, რადგან მდინარე დაკლავნილი იყო, თან საძნელო და უსიამოვნო სასიარულო. ორ-სამ ალაგას რამოდენიმე საუენი ცურვითაც უნდა გაეევლო, მაგრამ სამაგიეროდ გზა უშიშარი იყო. წყლის სიხლოვეს არავინ ესახლა, იქით-აქეთ გაღმა-გამოღმა მხოლოდ სიმინდები იყო, ამიტომ გზაზე აქ არავინ შეხედებოდა.

როგორც იყო, სამშვიდობოს გამოვიდა. წყალს თავი დაანება, სათემო გზას დაადგა და რაც შეეძლო, მოკურცხლა. ცხენსაც ესიამოვნა, რაკი გადარჩა რიყის ქვებზე ხაბუქხუბუქს და წყალში დაუსრულებელ ტოპვას, და ჩიტივით გაფრინდა.

ერთი საათის შემდეგ მაძინია მესამე სოფელს გადიოდა.

მაგრამ რამ გადარჩა ამაღამ მაძინია? სად მიდიოდა? ის მიდიოდა ფოთში ფარნა თოხიტარიას სანახავად.

• • •

იმ დიდ სახსოვარ დღიდან, როცა ტასიას ფარნა თოხიტარიასაგან მონაწერი ბარათი უნახეს და ბასილმა და მარიკამ ერთი აურზაური ატეხეს, მაძინია შეეცადა გამოლაპარაკებოდა ტასიას. თავისუფალი დროც იხელთა. გამოელაპარაკა და დაუმეგობრდა კიდევ. პატიოსანი სიტყვა მისცა, რომ ამ საქმეში, რაც შეიძლებოდა, დახმარებას აღმოუჩინდა.

რჩევა მისცა, საქმის გაუმჯობესებისათვის და დედ-მამის თვალების ასახვევად, გაბუტვით და გულმოსულად თავი არ დაეჭირა. დედ-მამის წინ ვითომდა ბოდში მოეხადა და ყველაფერი შეცდომა ბავშვური გამოუცდლობისათვის დაებრალბინა. ტასია მართლაც ასე მოიქცა. ბასილი და მარიკა სიხარულით ცას ეწიენ.

ერთხელ ბასილმა წისქვილის ახლო გაიარა. თვალები გაბრწყინებოდა, თავი მალა ეჭირა და გრძელ, ბოლო რკინის შუბიან ლაბაშას მიწაზე მაგრა აბიჯებდა. მაძინია წისქვილის კარებთან დაუხვდა.

მისალმებისთანავე ბასილი ლმობიერად გამოელაპარაკა: — შენ აგაშენა ღმერთმა, ჩემო მაძინია, შენმა ქადაგებამ, მგონი, ქე გაქრა, (მაძინია, ბასილისა და მარიკას მოსატყუებლად, მათ გასაგონად თოხიტარიას აძაგებდა და ტასიას ურჩევდა, ასეთი სისულელე დაევიწყებინა. რასაკვირველია, ტასიასთან წინდაწინ იყო მოლაპარაკებული). გოგო, მგონია, ჭკუაზე მოდის. დღეს დედამისთან ბოდში მოიხადა: ეშმაკმა ტვინი ამირია. თორემ სად თოხიტარია და სად მეო, მაპატიეთ, ყველაფერი უქკურობით მომივიდაო.

— არა, მართლა, მართლა, შენი ჭირიმე, ბასილი! — კბილების ღრეკვით დაეკითხა ვითომდა ამ ამბით გახარებული მაძინია. — მად-

ლობა ღმერთს, მადლობა ღმერთს, ხომ გეუბნებოდით, ბატონო.

— აბა, შე კაცო!—აღტაცებით მიუგო ბასილმა.—აბა, რა ძლიერ გამახარე. მე ვიცი, ბატონო, ჩემი ბაღანას ამბავი, მა რის გამო ვარ მშობელი. ჩემი შვილის ხასიათი რავე არ ვიცი? ჩემ შვილს რავე არ ვიცნობ? განა მე ის ისე ავღზარდე? თვალისჩინზე არ დამივარდებოდა, ისე მიყვარდა და მიყვარს კიდევცა. ის, ბატონო, თავისით, არასოდეს იმ ზომამდე თავს არ დაიმდაბლებდა, მარა არ იცი! ოხ, ღმერთო, მაგ მასწავლებელმა დამიხუჭა თვალეები, მაგრამ მე შერაბის შვილი არა ვყოფილვარ, თუ ის იქიდან არ გავაძევებინე.

— მადლობა ღმერთს, მადლობა ღმერთს, — ამბობდა მაძინია.

— ყოჩაღად კი დავხვდი, რა სათქმელია, — ცოტა ამაყად გააგრძელა ბასილმა. — ისე ცეცხლივით რომ არ მოვკიდებოდი, შენი მტერი. აბა, პა. ქალის ჭკუა ხომ იცი, ქალს ერთი გიდელი* ჭკუა ჰქონდა და ისიც კოჩას თხამ შეუქამა და დარჩა ცარიელიო, ძუკუ რომ მღეროდა, ხომ გაგიგონია, ბავშვობაში. მარა არ მომიკვდეს შენი თავი, რომ გავცეცხლდი და რომ ალივით მოვეკიდე, ჭკუაზე მოვიყვანე. ხარდანაძის ქალმაც, რომ თქვას კაცმა, გვარიან კარგა იმარჯვა, მაგიც ცოტად აჩვილდა, როგორც ქალი, და მე კი სალ კლდესავით გავუმაგრდი.

— ოოოხ, შენი ჰირიმე, სალი კლდე არა ხარ, განა?—პირმოეფერა მაძინია.

— ოჰ, მაძინია, სადაა სიყმაწვილე! ე... მე დავბერდი, და შვილი კი არ მივარგა. — ცოტა მოწყენით თქვა ბასილმა. — ჭკუა სრულეებით არა აქვს, ტუკურად შობა საქმეს და ზარალის მეტი მისგან ჯერ არარა მინახავს რა სასიკეთო. ახლაც კინალამ ხათაბალას გადამიკიდა. იმ მასწავლებელს ახირებია, ცოტა დაჰკლებია, თორემ კინალამ დაუჰკერიათ. ბატონო, ასე ვირულად როდი უნდა საქმე, შენ ფეხით გასათელად ქვეყანა ვინ მოგცა. მართალია, ამ აბრაზოვანმა ქალმა კინალამ კისერი გამომპკრა, მაგრამ ამას საქმესთან ხომ ვერ იტყვი, ამას კალონის სტატია რომ არ უხდება? აქ სხვა ხერხით უნდა მოიქცე. აგერ, ე... მეორე მხრივ უნდა მოუარო და იქიდან უნდა მოავლო კუდს ხელი და ყრონტი დაუჭირო, თორემ... იმას, მოიცა, მოვასწრებ, ღმერთო, შენით, მხოლოდ ახლა, ახლა, როგორმე ამ გოგოს გზას რომ მივუჩინდე.

— მაგაზე ადვილი რაღაა, აღმასივით გოგოა, შენ შვილს თუ გაუჭირდა საქმრო, სხვას, აბა, ვის ეშოვება?

* გიდელი—ყურძნის ჩასაყრელი კალათი.

— ეხ, ბაბა, შვილო, განა არ იცი, როცა გიჭირს კაცს? ამას წინათ თავს მატენდნენ, აზნაურები კი არა, გაქვს წყალობა, თავადებიც კარზე ბუზს არ მიყენებდნენ. სესი ფარქანიძემ, ოთხი სახარების მადლმა, ოთხჯერ გამომიგზავნა მაშვალი თავისი უფროსი შვილისათვის, გიორგი ქოჩიკაძემ, ვახთა გოკილაძემ, მელიტონ უკოკაძემ, რა ვიცი. რა კაი კაცები აქეთ მეხვეწებოდნენ და ახლა, როცა მე სულით და გულით ჩქარა მინდა, არავინ ხმას არ იღებს, ალბათ, ამ ქორმა, ჭორი ხომ მაშინათვე გავარდება, ეს ოხერი, ალბათ ამან დამიფრთხო სასიძოები.

— რა თქვენი საკადრისია, ბატონო!

— როგორ არა, შვილო, თონიტარიიზე შეყვარებულაო, რომ გაიგონებენ, მერე ვახთა გოკილაძე ახლოს მოგეკარება? ვახთას პაპას ლევან დადიანის ღვიძლი ბიძაშვილი ჰყავდა და ამისთანა კაცი ასეთ სამარცხვინო ამბავს რომ გაიგებს...

— ეს მართალია, ბატონო, მაგრამ, — გაბედა მაძინიამ შენიშვნა, — გოკილაძე, რომ ვთქვათ, ბევრი სახეიროც არაა. დადიანის ნათესაობა, კეთილი, მაგრამ მის ოჯახში ახლა, ნახევარ დროს, სიმინდის ფქვილი წამლად არ მოიძებნება, მისი ქონება ზოგი ცხენზე და დამბაჩებზე დაიყიდა და ზოგიც დააგირავა. მეჭაგრედ რომ დადიოდა შარშანწინ წითელი ყაზახი, ზოსიას რომ ეძახდნენ. ათი ქცევა ჰქალა ისეთი აქვს იმას იმისი დაგირავებული, რომ ბაბუშერას აქეთ ქვით მაგისტანა მიწა.

— კი, მარა, — ცოტა დარცხვენილად მიუგო ბასილმა. — ქონება-მიწა-მამული მაგათ ალბათ სხვებზე მეტი კიდეც დარჩებოდათ. დიდ ხეს დიდი ნაფოტი დასცვივაო, ხომ გაგიგონია. მთებში აქეთ მაგათ ძვირფასი მამულები, სადავო კი არის, მაგრამ მოიგებენ, ექვი არაა... ამოაგდოს ღმერთმა, სად არის ახლა, ხმასაც არ იღებს.

— რას სწუხართ, ბატონო, თქვენი შვილი არ გათხოვდება. იმი-სი გეშინია?

— ჩქარა მინდა... აბა, რა დაგიმალო, ერთი კაცი კი მეძლევა, მაგრამ.

— გინ არის, ბატონო? — გახარებულად დაეკითხა მაძინია.

ბასილი ცოტა ხანს შეჩერდა. ცოტა ხანს ყოყმანობდა.

— სალაპარაკოდ არ მოგცემ, ჯერე მეც რა ვიცი, გადაწყვეტილი არაფერი მაქვს... თენგიზი შქერავა მეძლევა, — უთხრა ბოლოს ბასილმა.

— ყვე! — გაიკვირვა მაძინიამ.

— ჰო, ცოტა ხნიერივით ქე არის, ასე ოცდათხუთმეტი წლის...

— ორმოციც ქე იქნება, რა დასამალავია.

— ვითომ? ეს მაინცდამაინც არაფერია! საქმე ისაა ნაფარი, რომ, მგონია, სისხლის სამართალშია გახვეული, ხომ იცი, ყმაწვილობისას ცოტ-ცოტა ქურდობა ვის არ გამოუცდია.

— ამაზე მე მკითხე, ბატონო, თენგიზი მაგ საქმეებში ჩემი ნაშაგირდალი არაა. ახ, ცხონებული როსთომი!.. რა და რა გამახსენდება, წართი... ორმოცი წლის, საეჭვო არაა, ერთივით იქნება, თუ მეტის არა. სამ წელიწადს ჩემთან დადიოდა. მაშინ, უკანასკნელი, ოცი წლისა მაინც ქე იქნებოდა და მას შემდეგ აგერ ოც წელზე მეტია. გვარიშვილობა და მამულიც, გემოწმები, კარგი აქვს. მხოლოდ მამულს დამუშავება უნდა, ბატონო.

— ეს არის, მეც რომ მაყოყმანებს. მამული აქვს, მაგრამ ცოტა ზარმაცი კაცია, ოჯახქორი. თუმცა თუ ჩემს ხელში მოვიდა, გამოვაფხიზლებ მგონია.

— კეთილი, კეთილი, — ეუბნებოდა ვითომ აღტაცებული მაძინია.

— ა... ვითომ, შენი ფიქრით, არა უშავს რა? — გულის ფანქვალით ეკითხებოდა ბასილი.

— ჭირებით რა უჭირს, ბატონო, კაი სასიძოა, გოგო რას ამბობს?

— რიგიან საქმროს თუ ამომირჩევთ, წავყვებით და რა რიგიანი გინდა მეტი, კაცო, ოქროს კაცს ხომ ვერ გავჰყვავ. შესახედავად კაი კაცია, გვარიანი მოსახლეა, მამული რიგიანი აქვს, აზნაურიშვილია, საბუთი იმისთანა აქვს შეტანილი, რომ ქვას ტეხს.

ცოტა ხანს კიდევ ილაპარაკეს და მერე ბასილი შინ წავიდა, მაძინია კიდევ დიდხანს იჯდა დაფიქრებული და თავს ათასნაირად აქნევდა.

გავიდა ხუთიოდ დღე ამის შემდეგ. სექტემბრის პირველი რიცხვების შუა დღე იყო. მაძინიამ ისადილა და ჩიბუხით პირში ხმელ ფიცარზე წამოწვა.

— გარა! — ესროლა ვიღაცამ წისქვილის უკანა კედელს გამხმარი ბელტი.

— ოხ, ალბათ კისერმოსატეხი კუდას ბალღები იქნებიან. ხომ არ მოგასვენებენ ეგ ამოსაწყვეტები, სიკვდილსაც არ დაგაცლიან, შემკამა მაგ მართლა კუდამ, მარა როგორ მოვკლა, აბრაგობის დროს კაცის მოკვლით ხელი არ გამისვრია და ახლა გლახაკი რავა მოვკლა, — წაიბუზღუნა მაძინიამ და საჩქაროდ წისქვილს მოუარა, რომ ბელტის მსროლელს გამოდევნებოდა. გაიხედა და სახტად დარჩა. სიმინდიანში ვიღაც ქალი იდგა, მაგრამ არც ისე ახლო, რომ კარგად

დაენახა და გამოეცნო, და არც ძლიერ შორს, რომ სულ არ დაენახა. მის დანახვაზე ქალმა ხელი დაუქნია. მაძინია მიუახლოვდა. ტასია მძებრაძე იყო. ისინი ხშირ სიმინდებში შევიდნენ და ერთ ფალაგესთან ჩამოსხდნენ.

— მერე როგორ, ახლა, როგორ, ახლა? — ამბობდა დაფიქრებული მაძინია.

— რა ვიცი, როგორ, მეც იმიტომ მოვედი შენთან, რომ მითხრა, როგორ მოვიქცე! რამე გზაზე უნდა დამაყენო; თავი მოვიწამლო, ჯობია, თუ წყალში დავიხრჩო, — აპილბილებულად უთხრა ტასიამ.

— მე ვფიქრობ, რომ წყალში გადავარდნა უნდა სჯობდეს, — დინჯად მიუგო მაძინიამ. — ერთი რომ, თუმცა სექტემბერია, მაინც ძლიერ ცხელა და წყალი სასიამოვნოა, კაცს მოუგრილებს, განსაკუთრებით სიკვდილის წინ, მეორე ის, რომ ამ სახით უფრო უეჭველია სიკვდილი. მოწამლულთან აქიმს მოიყვანენ, წყალს დააღვინებენ, შეიძლება ისედაც არ აწყინოს ადამიანს, და მდინარეში გადავარდნა, რასაკვირველია, თუ კაცი არ გიყურებს, უეჭველი სიკვდილია დალოცვილი.

— მე სრულიად არ მეხუმრება, — თითქმის წყენით თქვა ტასიამ და გაწითლდა.

— სახუმარო მეც არაფერი მაქვს, — მიუგო მაძინიამ. — შენ მკითხე და შეძლებისდა გვარად ჩემი აზრი მოგახსენე და როგორც მოიქცევი, ეს სრულებით შენგანაა დამოკიდებული. მხოლოდ ხელახლა გავბედავ დავუმატო, რომ წყალში უფრო იაფიცაა, არავითარი ზარჯი არ უნდა.

ტასიამ ქვითინი ამოუშვა და თვალებიდან ლაპალუპით ცრემლები წამოუვიდა.

— აჰა, ჰა, გამოტეხილად გეტყვი, ამიტომაა, რომ ქალების არაფერი მწამს. მე, საბრალო მაძინიას. უბრალო ხუმრობაზე მაშინათვე ფშუკუნს ამოუშვებთ, თქვე დალოცვილებო, გული ობობას ქსელისაგან ხომ არა გაქვთ მოქსოვილი.

— აბა, რას მემასხრები, ხუმრობა კი არა, გულზე ალი მეკიდება, — წარმოთქვა ტასიამ და მწარედ აქვითინდა.

— ტირილით, დამირწმუნებიხარ, რასაც არ გააფუჭებ, საქმეს ვერაფერს უშველი.

— მაშ, მითხარი, როგორ მოვიქცე. მომეხმარე რამე, იმიტომ მოვედი შენთან, — ტირილით თქვა ტასიამ და თან ცრემლი შეიმშრალა.

— ვეცადოთ, ბატონო, მოვიაზროთ. ქვეყანა ხომ არ დაქცეულა!

— ქვეყანა არ დაქცეულა და არც დაიქცევა, მაგრამ ჩემი საქმე კი გაფუჭდა. ხომ გითხარი ჩემი ამბავი. დედ-მამაც მიყვარს, მაგრამ ამ საქმეში მათი დაჯერება შეუძლებელია. ყვირილი დავიწყო და უარი განვუცხადო, ხომ მოვუშხამე მაგათ სიცოცხლე, მაგათ კიდევ არაფერი, მე მომიშხამავენ სიცოცხლეს. ისე, თვალის ასახვევად და დროს სათამაშოდ უარი არ ვუთხრა, მაგრამ ისინი ჩქარობენ. ის კაცი, თუ გინდა, ზეგვე მოვა. დროს გასაჯანჯლებელს რასმე მოვიფიქრებდეთ ქე მაინც?

მაძინია დაფიქრდა.

— მოდი ერთი, — თქვა ტასიამ, — ერთ რამე წამალს დავლევ, და თავს ავით გავიხდი, ან მარხვა მომასწრებს, ან სხვა რამე.

— ოჰ, რას ამბობ, — მიუგო მაძინიამ და ისევ ფიქრი განაგრძო. შუბლზე ხელს ისევამდა, ტუჩებს ნელ-ნელა აცმაკუნებდა.

— გაჩვენეს ის კაცი? — ჰკითხა ბოლოს მაძინიამ.

— მაჩვენეს, როგორ არა!

— არ მოგეწონა?

ტასიამ მწყრალად შეხედა.

— შენ ხომ იცნობ მაგას, — უკმაყოფილოდ მიუგო მან. — შენი ძველი მეგობარი ყოფილა. ვთქვამთ, მე თანახმა რომ ვიყო, შენ მირჩევდი მაგის გაყოლას?

— რა ვიცი!

— არა, მითხარი, თავი ნუ მოგიკვდება, ძველ დროებაში აკი შენი ამხანაგი ყოფილა.

— ამხანაგი რას ჰქვია, — მიუგო მაძინიამ. — შეგირდი იყო ჩემი. ერთხელ მოგვშივდა, ქათამი ვერ მოიპარა დასალუპავმა, შეუტყვეს და ცოტა დააკლდა, თორემ კინაღამ დაიჭირეს. მაგის ნაგულისარი, მეორე ღამეს მივედი იმ ქათმის პატრონის სახლში და ისეთი ბაჩა გამოვიყვანე ქათმის მაგივრად, ათი თუმანი ათი კაპეიკი იყო მაგისი ფასი. საფლავში არ დამაყენებს მისი ცოდვა.

— შენც ხომ ამბობ, წარმოიდგინე, ქურდობაშიაც რომ არ ვარგებულა.

— მაინც საიდან გამოვარდა ახლა ის დასაქცევი, — შეწუხებით თქვა მაძინიამ, — დასწყევლოს ღმერთმა. ძლიერ ჩქარობენ, ერთი თვე მაინც მომცა... მოიცა, რა გითხრა, — დინჯად უთხრა მაძინიამ.

— რა არის!

— ახლა ყოველივე ხუმრობა შორს იყოს. შენ ის კაცი ნამდვილად გიყვარს?

— ფარნა?

— დიახ.

— ნამდვილად მიყვარს. ათი წელიწადი იქნება, რაც მიყვარს. მიყვარს ნამდვილი სიყვარულით. ბრმა სიყვარულით კი არა, აწონდაწონილა სიყვარულით. წინა წლებში, რა თქმა უნდა, სიყვარული გაურკვეველი იყო და ახლა კი გარკვეულია. მე მიყვარს ახალი დროება, ნე ახალი დროების შვილი ვარ და ისიც ახალი დროების შვილია. გესმის ესა?

მაძინიამ დაუდასტურა.

— ის ცოცხალი დროების წარმომადგენელია. ჩემს დედ-მამას სიცოცხლე არა სწამთ. ისინი წარსულ, მკვდარ დროებაში ეძებენ ბედნიერებას. არა სჯერათ, რომ, ცხოვრება გადაბრუნდა, სულ სხვას თხოულობს დროება. ჩემი მშობლები ბედნიერებას ახალი ცხოვრების მოთხოვნილების დაკმაყოფილებაში კი არ ეძებენ, არამედ დადიანის მოცემულ ძველ, ჭუჭყიან ქალაქის ნახევარში... თენგიზი შქერაფა ერთი რომ მამად გამომადგება, მეორე, ხომ ცუდი ხასიათის კაცია. ვიცო, ზარმაცია, მტკნარი უვიცია. ამას ისინი ყურადღებას არ აქცევენ... დედაჩემს დაუჩემებია: ხახუს შვილიშვილია, ხახუსიო. აი ისინი რას ხედავენ და როგორ აფასებენ კაცს. თოხიტარია მაგათი აზრით სულ არ არის ნამდვილი კაცების ანგარიშში. ჩემი აზრით კი ფარნა თოხიტარია შქერაფასთანას ხუთს ჯობია.

— კარგი, ვთქვათ ასეა, მაგრამ ერთს კიდევ გეტყვი, შენც მაგრე უყვარხარ იმ კაცსა?

— ვუყვარვარ მგონია, მაქვს საბუთები ვთქვა, რომ ვუყვარვარ.

— მაშ, ბევრს არ გავაგრძელებ. შენ მე მენდობი? ჭვარი დაგიწერე, მაგრამ სიტყვაზე ვთქვათ, როგორც მამას?

— არაფერი ბოდიში არაა საჭირო, გენდობი.

— რასაც მე გეტყვი, ყველაფერს აასრულებ?

— რა ვიცო, შენ რას მეტყვი, — გაკვირვებით ჩაიცინა ტასიამ.

— აი ამ საქმის სასურველად გათავებისათვის!

— ავასრულებ!

— მაშ, შენ... მიკვირს, იმ ფარნამ ცოტა მაინც ყური რათ არ გამიხვრიტა! აღრე რომ მცოდნოდა, სხვანაირად ვიზამდი. მაშინ... ფარნა ძლიერ კარგი მეგობარია ჩემი. უკანასკნელად რომ იყო, კარგა ხანს ვმუსაიფობდით, მაგრამ ერთი სიტყვაც რა არის, არ წამოსცდენია.

— აბა, როგორ გეტყოდა! ჭერ მაგასაც საქმე აწეწილი აქვს. სალდათობა წინ უძევს. მეტი ხანი არაა, რაც მოგების გზას დაადგა. სამი წელიწადი უნდა მოგვეთმინა, პირობა ისე მივეციით ერთმანეთს.

მანამდის ის თავის და თავისი ძმების საქმეს მოაწესრიგებდა. ეს ამბავი ახლა, უბედურს, თავზარს დასცემს.

— მაშ, შენ, — ცოტა ფიქრის შემდეგ მიუგო მაძინიამ, — როდნდ იცოდე კი, ხერხიანად იყავი. ერთი ბეწო არ გადაუხვიო, ისე შეასრულე. ბასილს თენგიზის შერთვაზე თანხმობა გამოუცხადე. ისე, დარდიმანდად მოექექცი! უხეშად ნუ ეტყუვი: პა, კარგი, გამათხოვე-თო! ჭერ ცოტა უარზე დადექი და რომ ფეხს მოგიდგამენ, ნელ-ნელა დაყუვი და ბოლოს თანხმობა გამოუცხადე. იმდენი ეცადე, ორ კვირაზე აღრე არაფერი საქმე არ გადააწყვეტინო, და რაც თავი და ბოლოა, აქაურ ჭვარისწერაზე არ დასთანხმდე. ვითომ გამოტყუებულად! წაგიყვანონ აქედან, როგორც ახლა მოდაშია.

— მამაჩემი აქაურ ჭვარისწერას იქით წაყვანას არჩევს, ხომ იცი, ჭორები! მაგრამ ეს რას გვიშლის?

— მეც ეს მინდა, თუ არჩევს, ღმერთმა აცოცხლოს! რას უშველის, ის მაძინიამ უკეთ იცის. საკინძე ფქვილით გადაფენილი აქვს, მაგრამ მოგიკვდეს, თუ ზოგ სირმიანებს არ აჯობოს. შენ ხომ მითხარი, რასაც მეტყუვი ავასრულებო, რაც მე გითხრა და როგორც გითხრა, მტკიცედ ასრულე და საქმე ტორში იქნება. ერთი ბედი ისაა, რომ მე მენდობა ბასილი და თითქმის არაფერს მიმაღავს. თენგიზზე, ყველაზე უწინ, იქით კვირას მე მითხრა. ჩემი მოსვლა თქვენსას სათაჟილო არაა. მხოლოდ აქ ერთი საქმე მიჭირს: დაუყოვნებლივ ფოთში უნდა წავიდე და ფარნა ვნახო, ეს აუცილებლად საჭიროა, როგორც წყალი თევზისათვის. ამას არაფერი არ შველის. სხვისი გაგზავნა არ შეიძლება, ან ვის გაგზავნი? ბარათი და მაგისტანები დროს დაკარგავა. მე უნდა წავიდე უსათუოდ.

— ეჰ, ეს ერთობ ძნელია, რომ შეგიტყონ, — ნაღვლიანად წარმოთქვა ტასიამ და თავი ძირს დაჰკიდა.

— ნუ გეშინია, მოვასწრებ, ერთხელ კიდევ გავიხსენებ ყმაწვილობას. ახლა კი შინ წადი. რამე ექვი არ აიღონ, ფრთხილად იყავი.

ტასია შინ წავიდა. მაძინიამ კი იმავე დღეს ლავრენტის ცხენი და სადამოს ერთი მეზობლის უნაგირი მოიპარა და, როგორც ვიცით. ფოთისაკენ გაემგზავრა.

XLV

მოუღოღნეღი სტუმარი

კონსტანტინე ტომბაშვილი დახლის ახლო, სკამზე იჯდა, ცალი ხელი დახლზე ედო და თითებს ათამაშებდა. მას ჭერ ჭალარა არ ერია, სახეც ნორჩი და მხიარული ჰქონდა, თუმცა ორმოც წელს

გადასული იყო. ფარნა თოხიტარია დახლში იქდა. წინ პატარა ლამ-
პა ედგა. მის წინ ვიწროდ და გრძლად ვაკეცილი ფანქრით დაწერი-
ლი ქალაღდები ეყარა და მათ ათვალიერებდა. სამი-ოთხი ბიჭი ზოგი
ათის, ზოგი თხუთმეტ-თექვსმეტის წლისა, საქონლით სავსე მალაზი-
ის სხვადასხვა კუთხეში იდგა და მუშტარს ელოდებოდა.

— ეს ღღევანდელია, ფარნა? — დაეკითხა კონსტანტინე.

— არა, გუშინდელია. გუშინ ტამოქნაში ღიღხანს დამაგვიანდა
და ვერ მოვუსწარი.

— კარგი. ოღონდ იქ კარგად გაათავე საქმე და ეს არაფერია,
როცა გინდა, მაშინ ჩასწერ თეთრ დავთარში.

— ასეც შეიძლება, მაგრამ ამის მოგროვებაც არ ვარგა. ან აი-
რევა, ან დაიკარგება. ღვთით, გვარიან კარგად მიღის საქმე და ჩა-
საწერიც ბევრია.

— თუ ღმერთმა მშვიდობა ქმნა, ივანეც კი ამბებს მოიტანს და
საქონელიც უზიანოდ მოვა...

— დრო კარგია, რა უნდა გაუჭირდეს. მერე, ხორცს ახლა კი
ფასი აქვს და აფხაზეთის საქონელი ამ შემოდგომაზე მსუქანი იქ-
ნება.

— თუ გზაზე სიარულმა არ გალახა, ნეღლი საქონელი საეჭვოა,
ოხერი. ჰაი, ღედასა, — ცოტა ფიქრის შემდეგ დაუმატა კონსტან-
ტინემ, — ცოტა ხანს კიდეც არ დაეკლო, ოხერი, სიმინდის ფასს, კა-
ცი წელს გაიმართავდა.

— ჰაი, — ნაღვლიანად მიუგო ფარნამ, — ეს ჩემ ჯიბრზე მოხდა.
მე რომ სიმინდის ყიდვა არ დამეწყუო, ფასი არ დაეცემოდა.

— მერე როგორ დაეცა! ფართხუნია აფშირხავას ვხედავდი ღღეს
ჭოფელში, აბაზ-ხუთ შაურზე მეტი თუ მიეცი ქილაში, ფუთში კი
არა, ქილაში ზარალს ნახავო. რას იზამ კაცი, თორემ მაშინაც საზა-
რალაო.

— ნწ, ნწ, ნწ, — გაიქნია თავი ფარნამ, — აბა, კონსტანტინე, ახ-
ლა რომ ასეთი ვაჭრობა არის, ვთქვათ რომ სოფელში ათი შაური
მაინც იყოს, ორი აბაზი მაინც იყოს ფუთი სიმინდი, მაშინ რალა იქ-
ნება...

— ოხო, ხო, შენი გულისა, — მხიარულად მიუგო კონსტანტი-
ნემ. — მაშინ მგონი ხუთი ბიჭი კიდეც დაგვჭირდება.

— სალაპარაკო არაა ახლაც, მადლობა უფალს, ძლივძლივობით
აუღდივართ. საბრალო ბიჭები, ღღეს მაინც ძლიერ დაიღალნენ. სა-
დილიც რიგიანად არ უქამიათ. მაგრამ სამაგიეროდ ვახშმად შევეუ-
სებ, რაც სადილად დააკლდათ. ერთი ბოთლი ღვინო მაგათი ფეშ-

ქაში იყოს ამაღამ. აა, შენ როგორ იტყვი, ვასილ, — მიუბრუნდა ფარნა ერთს, ასე თხუთმეტ-თექვსმეტი წლის ყმაწვილს.

ბიჭმა მორცხვად ჩაიციხა თავდალუნულად და მის ახლო დაწყობილ ქაშანურ კურკლეულობას ხელით ფხაქუნი დაუწყა.

— მართლა, რომელი საათია? — იკითხა კონსტანტინემ. — ივანშმონ მაგათა და მერე ჩვენც.

ფარნამ საათს დახედა.

— სრული ცხრა საათია, ერთი წუთი კიდევ გადაცილებულია.

— დრო ყოფილა, იოსებიც ჩქარა მოვა ალბათ. ენა მოიტანე-მეთქი, დავაბარე, მე ძლიერ მიყვარს ენის მწვადი, — მადიანად თქვა კონსტანტინემ.

— მწვადზე უარს არც მე ვიტყვი, — მადიანადვე მიუგო ფარნამ, — აბა, მაშ, — დაუქნია ხელი ბიჭებს, — ივანშმეთ. ერთი ბოთლი ღვინოც გადაისხით. ვასილ, შენ გადაასხი, გუშინ რომ მილი მივადგიო, იმ ბოჭკიდან.

ბიჭებმა ივანშმეს.

ჩქარა იოსებიც მოვიდა და ენაც მოიტანა. მერე სამივენი უკანა ოთახში შევიდნენ, მწვადი შეაწვევინეს და მადიანად შეექცნენ.

კონსტანტინე ტომბაშვილს ფოთში საკუთარი ერთი პატარა სახლიც ელგა. ორივე ძმები ღამე იქ იძინებდნენ, ფარნა კი მალაზიის უკანა ოთახში იძინებდა. თორმეტის ნახევარი იყო, როცა კონსტანტინე და იოსები დასაძინებლად წავიდნენ. ბიჭებმა კარები დაკეტეს, ფანჯრების დარაბებს რკინის ურდოები გაუყარეს და თვითონაც მოსვენებას მიეცნენ.

ფარნა ფეხთ გახდილი და ახალუხ ღილებგახსნილი ოთახში პატარა მაგიდასთან იღვა და დავთარს ათვალიერებდა. კარგი ხანი ათვალიერა, საანგარიშე რგოლიც რამდენჯერმე შეატკაცუნა და ის იყო ახალუხი უნდა გაეხადა, რომ მალაზიის კარებზე კაკუნი მოესმა.

— ვინ არის! — დაიძახა ფარნამ.

კაკუნი უფრო მაგრა მოესმა.

— ვინ სახლკარდაქცეულია ამაღამ, სამიკიტნო ხომ არ არის, შუალამე რომ მიკაკუნებს, — უკმაყოფილოდ ჩაილაპარაკა მან, კალოშები შიშველ ფეხებზე ჩაიცვა და ახალუხის ღილების ბნევით კარებისაკენ გაეშურა.

— ვინ ხარ, რომ ბრახუნობ?

— მე ვარ, მე, — მოესმა მეზობელ სამიკიტნოს ნოქრის ნაცნობი ხმა.

— ფილიპე ხარ?

— მე გიბრძანებ!

— შენს გაბერილ აღას უბრძანე! რამ ავიშალა ამაღამ საღერღელი. მე ძილს ვაპირებ, ღვინო ხომ არ შემოგაკლდათ?

— მამაშენსაც შიგ ჩავახრჩობ, თუ გინდა, ორი რუმბი საესე მაქვს. აგერ, ვილაცა გეძახის.

— ვინაა? — გაიოცა ფარნამ.

— რა ვიცი, სოფლიდანაა ვილაცა, ალბათ თვითონ გეტყვის.

თქმა საჭირო არაა, ვინც ეძახდა ფარნას.

მაძინიამ, რაც შეიძლებოდა, გაქუსლა ცხენი და შუალამეს ფოთში მოადინა შვლექა.

ფარნას შინ რამე უბედურობა მოხდაო. ეგონა და შიშისაგან აკანკალდა.

მაძინიამ დაამშვიდა.

— უბედურობა არაფერი არ მომხდარა, შენ სახლში ყველანი კარგად არიან. მხოლოდ შენთან ძლიერ საჭირო საქმე მაქვს და ერთ წამს გამოდი, მინდა მოგელაპარაკო, — უთხრა მაძინიამ.

— აქ შემოდი, კაცო, — მოიპატიჟა სტუმარი ფარნამ და კარი გაუღო.

— ცხენი აქ, ამ შუალამეში ვის დავეუტოვო?

— სვეტზე მივაბათ.

— ო... ღმერთმა გაცოცხლოს, მე ამ ცხენიდან ვერ ჩამოვალ, ამას, ტყუილია, ვერ მოვშორდები. ჩაიცივი, ჩაიცივი ჩქარა და გამოდი.

— კაცო, რას მეუბნები, ბიჭს გავადვიძებ და ცხენს უკანიდან შემოვაყვანინებ...

— ბატონო, მე წუთებს ვითვლი, ამაღამ ისევ ჭყონონაში უნდა მივიღე, — ჩუმად და ბეჯითად მიუგო მაძინიამ. — საპოლიტიკოდ და ქვეყნის გასადვიარებლად არა მცალია.

სხვა გზა არ იყო. ფარნა ისევ ოთახში შებრუნდა, საჩქაროდ წაღები ჩაიცივა, ყაბალახი დაიხურა, ნაბადი გადაიგდო და გარეთ გამოვიდა. ორივენი რიონის პირისაკენ გავიდნენ.

მაძინია მოუყვა და მოკლედ, მაგრამ დალაგებით უამბო. თუ რაში იყო საქმე და რისთვის მოვიდა მასთან. ანთებული სანთელი რომ მიეტანა კაცს ფარნას სახესთან, შეეშინდებოდა, იმდენად აღშფოთებული იყო. რამდენიმე ხანს ვერაფრის თქმა ვერ მოახერხა და ბოლოს მწარედ ამოიოხრა.

— რას ხენეში, რას შეგეშინდა, მე აგერ არა ვარ? ჰაიტ, შე ძაბუნო! — გაათამამა მაძინიამ. — დარწმუნებული ხარ თუ არა, მე

ამალამ რომ მოვახერხე, იმას თავის ქებად ნუ ჩამითვლი და ყოველი კაცი ვერ მოახერხებდა. ჯერ კიდევ რა მიჭირავს ხელში, მაგრამ თუ ღმერთმა იპრიანა და აქედან როგორმე მშვიდობით გავედი... და თუ ეს მოვახერხე, იცოდე, სხვა უფრო საძნელოსაც მოახერხებს მაძინია, ნუ გეშინია!

ფარნამ ისევ მწუხარედ ამოიოხრა.

— ეეჰ, ბანძლი თუ გინდა, ამწეწია საქმე, მარა როგორ. ის ოხერი ბარათი იმ უბედურმა ვერ დასწვა, ან საიდუმლო ალაგას ვერ შეინახა! — როგორც იყო, წარმოთქვა ფარნამ.

— ახლა ამისთანების ლაპარაკი უსაფუძვლოა. გაჭირვების დროს კიდევ ვაჟკაცობა გასჭირის რასმე, თორემ ნაღვლით და მწუხარებით ვერაფერი გაკეთდება.

— ვიცი, ვიცი, მაგრამ, — გაგრძელებით მიუგო ფარნამ. — შენ ეს მითხარი, შენ რით გადაგიხალო ასეთი დავალება...

— ახლა, თუ შეიძლებოდეს, მაგისთანებს თავი დაანებე. მე თუ მათქმევინებ, ერთი წუთი ას მანეთად მიღირს. ვინმე ნაცნობმა თუ მნახა ამალამ აქ, ამ ცხენით, დედა, დედა, რა დატრიალდება! მაშინ ნახავ საქმის აკორიანტელებას, თორემ ახლა რაა. შენ კი ერთს გეტყვი: თუ ვარგინარ და თუკი ვაჟკაცის სისხლი გიდულს, ახლა გამოგაჩნდება. ჩემი კი სრული იმედი გქონდეს. მართალია, მეწისქვილე ვარ, მაგრამ შეიძლება ერთ-ორს კიდევ ავუხვიო თვალი.

— მე ამალამ არაფრის თქმა არ შემეძლია, მაძინია, მაგრამ თუ ვიცოცხლე, იცოდე, შენ შრომას.

— ფუი, დედა! ეს რა კაცი ყოფილა! — წყენით მიაძახა მაძინიამ და ცხენი მიაბრუნა. — მშვიდობით, მშვიდობით, რაც გითხარი ესაა, აბა შენ იცი.

— მოიცა, მაძინია, დამაცა ერთ წამს, — აჩქარებულად წამოიძახა ფარნამ, მიიბრინა ცხენთან და ალვირს ხელი მოკიდა.

— რა გინდა?

— მომითმინე ერთი წუთი, — სულმეწუხებულად უთხრა ფარნამ.

— რა გინდა-მეთქი?

— ერთი წუთი, მხოლოდ ერთი წუთი, შენი ჭირიმე, მაძინია, — შეეხვეწა ფარნა და ღუქნისაკენ სირბილ-სირბილით გასწია.

ხუთი წუთის შემდეგ დაბრუნდა, მაძინიას მიუახლოვდა და კარგა მოზრდილი ბოხჩა გადასცა.

— აჰა, ეს დაიჭირე ხელში და აბა, შენ იცი, მეტს მე არ გაგაჩე-

რებ, — საჩქაროდვე უთხრა ფარნამ. — მე ყოველნაირ ზომას მივიღებ. მეც თვითონ ჩუმაღ ამოვალ.

მაძინიამ ბოხჩას ხელი მოავლო: ბოთლები, პურის ნაჭერი და კიდევ რაღაც-რაღაცეები მოუვარდა თითებში.

— ო, ეს კჳუიანად გიქნია, ნიჭიერი ხარ, ამიტომ მიყვარხარ.

— ესეც ჭიბაში ჩაიდევი, — გააწყვეტინა ფარნამ და ერთი ქალღლიც ხელში მისცა.

— ესეც საჭიროა თავის ალაგას და მიუცილებელი საჭიროც, — კმაყოფილებით მიუგო მაძინიამ და ქალღლიც ჭიბეში შეინახა. — გესმის, — უთხრა მან. — თუ ამოხვიდე ჭყონონაში, ისე მოახერხე, რომ ღამე შემოხვიდე. ჩემთანაც ღამე მოდი. წისქვილს უკანიდან მოუარე და ბელტი ესროლე, მე გამოვალ, ოცი კაციც რომ იჯდეს წისქვილში, ვერავინ ვერაფერს გაიგებს. ჭინკა ეგონებათ და შიშით კანკალს დაიწყებენ. მეც, არიჭა, ჭინკაა-მეთქი, და გამოვედევნები ჭინკას. გულადი კაცის სახელსაც გავიგდებ სოფელში, — გადაიხარხარა მაძინიამ და ცხენი გაათოხარიკა.

მამლებმა ყივილს მოუმატეს, როცა მაძინია ჭყონონაში შემოვიდა იმ გზით, რა გზითაც გავიდა. ცხენი მეტისმეტად დაღლილი იყო. ტანი სქელი ქაფით ჰქონდა დაფარული. დიდ ფალაგესთან მივიდა, უნაგირი მოხსნა, ცხენს გაეა ცივი წყლით გადაუბანა და წყლის პირად კარგა ხანი ატარა ნელ-ნელა.

— ეხ, ცხენის მოვლა მაგ აზნაურებმაც არ იციან. ცხენი ხატ ხომ არ არის, პირჯვარი მიაწერო? — უკმაყოფილოდ თქვა მაძინიამ. — ცხენს აკმევენ, აკმევენ, აკმევენ, ზედ კი ნაკლებად ჯღებიან. რიგიანი დახედნილი რომ ყოფილიყო, ამდენს არ შეწუხდებოდა. ბევრი, ბევრი ასი ვერსტი გაიარა. სამი-ოთხი თვე კაცი ზედ არა მჯდარა.

უნაგირი ფალაგეში შეინახა. ცხენი ისევ გამოიყვანა. პირველ შეხვედრილ ორლობეში შერეკა, ალვირი მოხსნა და ორივე ხელს დაუქნია. ცხენი ცოტად დაფრთხა. სხვა დროს მაგისტანა ხელის დაქნევაზე კიშმიშზე შედგებოდა და უკანა ფეხებით ღამაზად შეიკუნტრუშებდა, მაგრამ ახლა, ორი-სამი ნაბიჯი წინ ზანტად წააძუნძულა, ერთიც მთელი ტანი გააკანკალა და ღობეს გაყოლებდა, მტვრიან, დაბალ მდელოს დაუწყო ძიძგნა.

მაძინია წისქვილისკენ წამოვიდა. წისქვილში მოვიდა და კარს ნელა შეაღო. თითქმის თენდებოდა. სამივე დოლაბს ბრიალი გაჰქონდა. მისი ნათლიმამა პირაღმა იწვა მის ლოგინზე და პირდაღებული ხერინავდა. ორ გარეშე სოფელსაც ტომრებზე ეძინათ. საჩ-

ქაროდ თვითონაც გაიხადა, ერთი ტომრის გვერდით დაეგდო და მაშინვე მიეძინა.

— რა მკვლარივით ძინავს მაგ ოჯახდაქცეულს, აგერ შუადღე ქე იქნება, — მოესმა მაძინიას და თვალი ოდნავ გაახილა. თავში სიმძიმეს და ტკივილს გრძნობდა, წვივიც და კანკებიც საშინლად ტკიოდა.

— არ გაიღვიძო, არა, ჯერე, თუ კაცი ხარ, ერთი ტომარა კიდეც მაქვს დასაყრელი! — მოესმა ხმა.

მაძინიამ ძილი ცოტ-ცოტად დასძლია და მძიმედ და ზანტად წამოდგა. მთელი სხეული უწყკრიალებდა. წისქვილში მხოლოდ ერთი გარეშე სოფლელი, ანტონია ჰოლია იყო.

— ბეჩუნა სად არის? — ზანტად და თვალების ფშვნეტით იკითხა მაძინიამ.

— ბეჩუნა რა ხანია წავიდა, — სიცილით მიუგო ანტონიამ.

— დიდი ხანია წავიდა? — უაზროდ გაიმეორა მაძინიამ და ერთი ც ლაზათიანად დაამთქნარა.

— ცოტა ხანი ნუკი გგონია, რაც შენ გძინავს. შენი მოსვლა, ღართალი გითხრა, არ გაგვიგია, თუმცა კარგა ხანი ვილაპარაკეთ წუხელ მე და ბეჩუნამ. დღეს დილით რომ გამოგვეღვიძა, შენ გეძინა. ცოტა ხანი გიცადეთ. მერე გიჯიკავეთ, გიჯიკავეთ, მაგრამ არ იქნა და არა შენი საშველი, ვერას გზით ვერ გამოგაღვიძეთ. ბეჩუნას, საბრალოს, აქ რა დაარჩენდა, ბაღნებით სავსე კაცს, მაშინათვე გაიქცა.

მაძინია ხშირ-ხშირად ამთქნარებდა და თან ერკვეოდა.

— კარგა ხანი დაგავიანდა. ალბათ. სადმე სანადიროდ იქნებოდი, ა... შე ქოსავ. შენა, — გაეხუმრა ანტონია. — კიდეც არ დაანებე თავი მაგისტანებს... ა... შე წუწყო, შენა!

— აი იმდენი აგაშენებს ღმერთი. შინ არ დამიხვდა მაგ ოჯახდაქცეული. შუაღამემდი ვუცადე, მერე ძლივლა მოეთრა.

— ჭე მაინც თუ ამოიღე რამე? — თანაგრძნობით დაეკითხა ანტონია.

— იმდენი აშენება მის ოჯახს. განა არ გაგიგონია. ვალი იქით მიციინისო და აქეთ მოიტირისო. აგერ, ზამთარი მომღვარია, ნაბადო არა მაქვს, ერთი, და მეორე, ხშირად მის სახლში ამ სიშორეზე, და ისიც ფეხით, ხანში შესულ კაცს რა მატარებს ან სადა მცალია. წუხელ კინალამ ხუთ ალაგას ფეხი მოვიმტვრიე. წისქვილიც ისე მივაგლიძო.

— წისქვილს რა უქირდა, ჩვენ ფხიზლად გიყავით.

— კი გეტყობოდათ სიფხიზლე, — დაცინვით მიუგო მაძინიამ.

— თავის დღეში არ დავიჯერებ, — შემოილაპარაკა ამ დროს ერთმა გლეხმა და წისქვილში შემოვიდა.

— ნამდვილად ასეა, — მიუგო მეორემ. — და თუ არ დაიჯერებ, შენი ნებაა.

— რა ამბავია? — შეეკითხა მაძინია.

— ხომ ნახეს ლავრენტის ცხენი, — მხიარულად თქვა პირველმა გლეხმა.

— სუ, თუ ღმერთი გწამს! — გაიოცა მაძინიამ. ის ამ წუთებში დახელოვნებულ მსახიობს გააფუჭებდა.

— მართლა, დამავიწყდა შენთვის მეტქვა, — გაერია ანტონია. — ეს კიდეც, დილით, შენ რომ გეძინა, ერთი კაცი შემოვიდა და იმან გვითხრა.

— მე ვამბობ, რომ ის ცხენი არ იყო მოპარული, — დაიწყო ისევ პირველმა, — სოსო კი არ მიჯერებს, — გადახედა მეორეს.

— მოპარული რაღა არაა! — წამოიძახა სოსომ, — ჩემი თვალით ვნახე, ცხენი ძლივს დგას ფეხზე.

— რომ მოეპარა, ისევ აქ არ გაუშვებდა, იმას ი კაცი ან წებელს შიაგდებდა, ან საჩხერეს აჩვენებდა.

— მაშ, იმ ცხენზე კაცი არ მჯდარა, შენი ფიქრით? — დაიჭინა სოსომ.

— რა ვუყოთ მერე, რომ მჯდარა. ეს კიდეც არაა მოპარვა. მოპარვა ისაა, როცა ის კაცი სულ წაიყვანს.

— ძლიერ დახედნილია ცხენი? — გაერია მაძინია.

— მეტიმეტი, — მიუგო სოსომ, — რავარც გინდა, ისე თქვი, ეს საქმე დარისმან ქუჩაიას არ აკლია. მოიპარა, ერთი დღე და ღამე კარგა გახედნა, და როცა ძლიერ საწყენი შეიქნა ყველასათვის და ბევრ უმართლო პირს წაატანეს ხელი. შეებრალა. აბრაგი რო არი, იმიტომ ისიც კაცი არაა თუ... და მერე ქე გაუშვა, — გაგრძელებით ჩაილაპარაკა სოსომ.

— მაშ, სხვა ახლა ამისთანა საქმეს ვინ გაბედავდა, — კვერი დაუკრა მაძინიამაც ისე დინჯად, თითქო აქ არაფერიყო.

— ისაა, ბატონო, ის, იმან დააქცია ჩვენი ქვეყანა, — დაემოწმა ანტონიაც.

— დარისმან ქუჩაიას ის ცხენი ჩავარდნოდა და მერე ის იმას გამოუშვებდა? თქვენც გინახათ გულჩვილი კაცი? ასეთი ცირია რომ იყოს, აბრაგი არც იქნებოდა. დიახ, ზევრი არ ეინტერესება ციბდირიდან გამოქცეულ კაცს, საწყენი შეიქნა თუ არა ტყვარჩელიას ცხე-

ნის მოპარვა. ის, ბატონო, ვილაც აქაური წერილმან ცქუცქუტის საქმეა, სადღაც წასასვლელი ჰქონდა საჩქაროდ. რომ ეთხოვა, ლავრენტი, მამამისი რომ ადგეს, იმას არ ათხოვებს. შეჯდა ის კაცი, თავისი გზა მოისტუმრა და მერე ქე გაუშვა, — მაინც არა სცხრებოდა პირველად შემოსული.

მაძინიამ მას აღმაცერად შეხედა, პირი მოარიდა და შუა დოლაბს თვალიერება დაუწყო.

— ყა, ყა, ამას ჩვენ სოფელში არავენ გაბედავდა, — მაინც გაიძახოდა სოსო.

— არა, არა, არა, არა, — ხახუნობდა წისქვილის ქვაც.

იმავე ღამეს მაძინიამ უნაგირი საიდანაც გამოიტანა, იქვე ჩამოკიდა. პატრონს არც ერთი შეუტყვია და არც მეორე.

XLVI

ა ს ი ა ნ ი

კონსტანტინე ტომბაშვილი ძლიერ დაფიქრებული და მოწყენილი იჯდა უკანა ოთახში და მტერისაგან კარგა გაჭუჭყიანებულ ფანჯარას გასცქეროდა. ფარნაც, არანაკლებ დაფიქრებული, მორცხვად იქვე კუთხეში იჯდა და ძირს იყურებოდა.

— რას მეუბნები, კაცო, რას მეუბნები! — წამოიძახა კონსტანტინემ და ფარნას შეხედა, — ნამდვილად გადაწყვიტე გუნებაში ეს საქმე?

— გადაწყვეტილი მაქვს სწორედ, — ჩუმად მიუგო ფარნამ. — რა ვქნა, ასე ჩქარა არ მინდოდა, მაგრამ დროებამ ასე მომიტანა.

— რას ამბობ, კაცო, რას ამბობ! მე ჯერ კიდევ სიზმარში ვარ, მგონია, — გაკვირვებით გაიმეორა კონსტანტინემ და ერთიც მწარედ გაიცინა. — დიდება შენდა, ბასილი მძებრადე ქე გამიგონია. ვიცნობ კიდევცა, კაი აზნაურიშვილია, როსთომის რა არის, ნეტავ?

— რომ მოჰკლეს? აბრაგი რომ იყო, იმისი?

— ჰო.

— ბიძაშვილია, მგონია, კარგად არ ვიცო, ღმერთმა ამოაგდოს...

— მართლა ამოაგდოს ღმერთმა, — მოუსწრო კონსტანტინემ, — კაცო, შენ კარგად წარმოდგენილი გაქვს თუ არა, რაც მე მითხარი? ასეთი გატაცებული ხართ, შეილო, ახალგაზრდა ბიჭები. თქვენი ფიქრით, ქვეყანა სათამაშო ბურთია. ბიჭო, შენ ჯერ ცოლი კი არა, ტურნებზე რძე არ შეგშრობია. ორი შენზე უფროსი ძმა კიდევ არის

უცოლო. იმათ თუგინდ თავი დავანებოთ, სალდათობა წინ გიძევს. ხუმრობა საქმე ნუკი გგონია. ორი შენი ძმა ძლივსძლივობით გადავარჩინე. სულ ერთი და იგივე „კეთილი“ კაცები არა სხედან ამ პრისუსტიაში, რა იცი, როგორ დატრიალდება საქმე.

— რაც უნდა დამიჯდეს, ეს გადაწყვეტილია. თუ ეს ახლა ვერ მოვაგვარე, თავიც ცოცხალი არ მინდა. მაინც არავისათვის გამოსადეგი არ ვიქნები, არც ჯარისკაცად ვივარგებ და არც ნოქრად, — თავის ძირს დახრით და განზე ყურებით გააწყვეტინა ფარნამ.

— დიდება შენდა, ღმერთო! რა სასოწარკვეთილი ხალხია ეს ახალგაზრდობა, — პირჯერის წერით წარმოთქვა კონსტანტინემ. — ბიჭო, შენ ნუკი გეწყინება და შენი დაბადების დღეს, ალბათ, გვარიანი ბიჭი ვიქნებოდე. შენ სახლში პირველად რომ მოვედი, შენ მაშინ პატარა, ძლივს მოტიკტიკე ბავშვი იყავი. გახსოვს, აბაზიანი რომ გაჩუქე?

ფარნამ ნელ-ნელა ჩაიციხა და ახალ წვერ-ულვაშზე ხელი გადასვა.

— მაშინ მე, რომ მხედავ, — გააგრძელა კონსტანტინემ. — გვარიანი სახელი მქონდა გავარდნილი. ასეთივე გაწყობილი იყო თითქმის მაშინაც ჩემი მალაზია. შენ რათ გეწყინება, და მე, მამაპაპეულიც ორასჯე ქცევა მიწა ხელუხლებელი მაქვს ლეტაკარში, ას ქცევამდე დარჩენილი ტყუა. სახლ-კარი როგორი მოწყობილი მაქვს იქ, შენც ქე იცი, აქ რაც მაქვს, სულ შენ ხელში არ არის? მაგრამ ხომ ხედავ, მეც, იოსებიც ჭერჭერობით ისევ უცოლშვილონი ვართ. ბევრი კი გვემდურის, გვესაყვედურება, მაგრამ ხუმრობა როდია, ჩემო ძმაო, ცოლ-შვილი დიდზე დიდი ტვირთია. თუ რიგიანად გაუძეხი, დიდი მოვალეობაა.

— ეს ყველაფერი ცოტად მეც მესმის, მაგრამ ხომ გიამბე, საქმე რაშია.

— თოლი, ღმერთი ამოაგდებს ყველა მძებრადეს, ის გოგოც ჩემ საჭირბოროტოდ რამ გააჩინა, წართი წიე, მეც ისაა, ცეცხლს რომ მიკიდებს. ეს არეულობაა, რომ ხის დანით ყელსა მჭრის. შენ ნუ გეწყინება, და მძებრადეები, ბაბა, როგორც საზოგადოდ ყველა ჩვენი აზნაურები, თავალებული ხალხია, უჟაცრავა მოხსენებაა: არ აცვიათ, მაგრამ მაინც იპრანჭებიან, იბღინძებიან. ჩვენი ქვეყანა, ძმაო, ჭერ კიდევ ძველ აზრებზეა. მე პირადად თუ მკითხავ, კისერიც მოუტეხია მძებრადესაც და გაძებრადესაც, მძებრადის კი არა, ნეტავი დადიანის ქალი შეგერთოს, გამიხარდება, თორემ რად მეწყინება... შენ მე ჩემი ოჯახიდან არა გყოფ, მაგრამ სადარდელი ისაა, რომ აქ საქ-

მე ნებაყოფლობაზე და მშვიდობიანობაზე არაა. შენ დაგიყინია, ქალს ვუყვარვარო. ჰაი, ეს სიყვარულიც. შენ ჯერ არ იცი, რას ჰქვია ქალის სიყვარული. მეთარე რომ უკრავდა ახლახან, ხომ გაიგონე: გაზაფხულის პეპელაა, ვერ დაიჭერ, წაგივარო, არც ხორცი ხორცად ივარგებს, არც ტყავი ფასად გაგივარო... ქალის სიყვარული და კაცი-საც, რა დასამალია, ძლიერ მჩატეა და ჩქარა წარმავალი. ასეთ გადა-მეტებულ, მეტისმეტ გადაწეწილ სიყვარულს მოწყენა და სიძულვილი მოსდევს. ამასაც თუნდ თავი დაეანებოთ, ატყდება მამა, დედა, ნათესავები, მტერ-მოყვარე, ერთი, მეორე, გაიმართება აყალ-მაყალი, დაითესება მტრობა, ჩხუბი, შეიძლება საქმე სისხლის ღვრამდე მივიდეს, ან, ქარბორიას, შეიძლება ვინმე უმართლო პირი დაიჭრას ან მოკვდეს კიდევაც. მოყვება სისხლის სამართალი, პროკურორი, გამომძიებელი და დავიდარება. შენ კი, ჩემო ძმარო, რიგიან გზაზე დგახარ. მამაშენსაც და შენ ძმებსაც კარგად გაქვთ საქმე დაწყებული, მაგრამ ჯერ მაინც, ასე ვთქვათ, ახალშეძენილი კაცები ხართ. ახალი დარგული ხე უნდა გაამაგრო, გაამტკიცო და ერთხელ ფესვებს ღრმად მიწაში რომ ჩაუშვებს, მერე არა უჭირს რა, ტოტები რომც შემოაპრა შემთხვევის დროს, ძირი, ღერი და ფესვები მაგარი თუ ექნება, ტოტებს ხელახლა ამოიყრის და გაზრდის. ახლა კი ჯერ თქვენი მდგომარეობა ნორჩ ხესა ჰგავს, ამ თავითვე კი ეტყობა, ოდესმე ჩინებული ხე იქნება, მაგრამ ფესვები გამაგრებული არა აქვს, ღერო დამსხვილებული არ არის. ახლავე ტოტები რომ შემოაპრა, შეიძლება სულ გახმეს, ან რიგიანად ვერ გაიზარდოს. საჩხუბარი, სადავიდარაბო საქმეა. ახლა ფულები რამდენი წავა, დრო რამდენი დაიკარგება, მერე რა დრო! მერე თვითონ ხომ ხედავ, ერთ წუთს ერთ მანეთად ღირს კაცი... თუ დამიჯერებ და ხელს განზე გაუქნევ, კარგი იქნება. დამერწმუნე, ერთი ხუთი წლის შემდეგ კი დამიმადლებ: შენი ჰირი შემეყაროს, კონსტანტინე, მაშინ რომ მიმახვედრეო, ჭე მეტყვი, ეს უეჭველად ვიცი. კისერიც ჭე მოუტეხია ყველა მძებრადეს ერთად. დამიცადე ცოტა, ჯერ ეს სალდათობა ავაშორო, რაც უნდა დამიჯდეს. ხუმრობა საქმეა! სამ-ოთხ წელიწადს თუ შენ მოშორდი მაღაზიას, ეს იმას ნიშნავს, რომ მე ვაჭრობას თავი უნდა დავანებო. დმერთმა და კეთილმა კაცებმა და კეთილ კაცებზე უფრო კასაში რომ გვიძევს, იმან სალდათობა თუ ავაშორა, დამაცადე კიდევ ერთი ორი-სამი წელიწადი, მანამდე მეც, ალბათ, რასმე ვიზამ, რა ვიცი, ბერად შედგომა ფიქრადაც არ მომსვლია ჯერე. და შენც მერე ისეთ ქალს შეგერთავ, რომ სახით ვარდი იყოს, ხმით იაღონი, სწავლით სტუდენტი.

ფარნამ ისეთი თვალებით გადახედა კონსტანტინეს, თითქო ეუბნება: ამდენი ყბედობა რა საჭიროა, ეს ყველაფერი წყლის ნაყვანა, ჩემ გადაწყვეტილებას არაფერი არ დაარღვევსო.

— კონსტანტინე, — მტკიცედ მიუგო ფარნამ, — შენ ხელში გაზრდილი ვარ, დარწმუნებული იყავი, მამაჩემს იმდენს არ დაუფარებ, რამდენს შენ, მაგრამ ამ საქმეში ანგელოზიც ციდან რომ ჩამოვიდეს, ისიც ვერ გადამათქმევინებს ერთხელ გულში გადაწყვეტილ განზრახვას. თუ დახმარებას ვერ გამოიწევ რა ვქნა, ჩემი რაც მერგება...

— სუ! — წამოიძახა კონსტანტინემ და ფარნას პირზე ხელი მიადარა, — აიტ, მართლა სანდო არა ხართ ახლანდელი ბიჭები, — მწუხარედ და ჭავრით წარმოთქვა კონსტანტინემ. — არა ხართ და არა ზართ საიმედო. ბიჭო, ენა როგორ დაგეძრა ამის სათქმელად? ვთქვათ, მე ისე გავსულელდი და აჰა, შენი წილი, წადი-მეთქი რომ გითხრა, შენ კი წახელა? განა ამიტომ ვუცინით ერთმანეთსა? თუ მეტი არა ვართ, ჩემო ძმაო, ფუჭი ყოფილა ჩვენი საქმე. ბიჭო, მე რამე თუ გითხარი, იმიტომ გითხარი, რომ მგონია შენთვის ისე სჯობია და კიდევაც სჯობია, ისე ცხონდა დედიჩემის სული, ისე ვიხარე მე და, თუ მაინცდამაინც არ დაგიშლია, სხვა რა გზაა, უნდა ვეცადოთ. აიტ, შე გლახავ, შენა. შენ გლახა გულის კაცი ყოფილხარ. უკეთესი ვაჟაკი მეგონე. რჩევა-დარიგება სულ სხვაა და გაჭირვების დროს დახმარება სულ სხვა. თუ მაინცდამაინც არ დაგიშლია, უნდა ვეცადოთ. აბა დაწვრილებით და გულახდილად მომიყევი ყველაფერი. იცოდე, არაფერი არ დამიმაღბო. თორემ უარესია, რაც შენ იცი ამ საქმეში, ის მეც უნდა ვიცოდე.

ფარნამ ყველაფერი უამბო.

გავიდა ამ მუსაიფის შემდეგ ორი საათი და იმავე ოთახში ისხდნენ კონსტანტინე, მისი ძმა იოსები, ივანე და ფარნა და ერთი ცვილაც გრძელწვერა, კარგა ჩასუქებული, მამაცი გამომეტყველების, ხანჭლით და რევოლვერით შეიარაღებული კაცი. გულზე წმინდა გიორგის მეოთხე ხარისხის თეთრი ჭვარი ეკიდა.

ოთახის კარები დაკეტილი იყო.

— იცი, კოსთაია, რაზე მოგიხმეთ? — დინჯად შეეკითხა კონსტანტინე თეთრ ჭვრიანს.

— აბა საიდან მეცოდინება, გულთმისანი ხომ არა ვარ? — ეს ისეთი კილოთი თქვა კოსთაიამ და ისე ეშმაკურად გადახედა იქ მჯროფთ და ოთახს თვალი ისე მოავლო, რომ ყველას გაეცინა. კონ-

სტანტინემაც თავი ვერ შეიმაგრა. კოსთაიამ წვერზე ხელი მოისვალა კონსტანტინეს კითხვით შეაჩერდა.

— კაცო, ვიცი, რომ არ გეცოდინება და იმიტომ გეუბნები, — მიუგო კონსტანტინემ. — ერთი ძლიერ მოულოდნელი და სადავიდარაბო საქმე გაგვიჩნდა. სწორედ ისეთი საქმე, საცა შენი დახმარება გვჭირია. თუ ვაჟაკის სისხლი გიღულს, გვიშველე ამ საქმეში და იცოდე, უპატივცემულო არ დაგირჩებით.

— რა ყოფილა, კაცო, ისეთი? ეს რა ესმის ჩემს ყურებს. რაში უნდა გამოგადგეთ? — გააწყვეტინა კოსთაიამ. — შეიძლება, აა... — შეხედა ივანეს. — აა... ვითომ, ივანე, სუკის მწვადები?

— ხუმრობა შორს იყოს, კოსთაია, — დინჯად გააწყვეტინა იოსებმა. — ჩვენ მართლა ცოტა მაგარი საქმე გვაქვს.

— უკაცრავად, ბრძანეთ, ბატონო. ეს ოხერი ენა არ მომიტმენს. ამას წინეთ მშიერი მოვდიოდი და თქვენ საყასბოს წინ რომ გამოვიარე, ისეთი სუკის ნაჭრები ეკიდა... ოხ, ისევ მწვადებზე გადავედი, უკაცრავად. მიბრძანეთ, ბატონო! რა შემიძლია მე საწყალს, თუ რამე... მაგრამ ოხ, ოხერი, შემომლევია, — ჯიბეში ხელის ფათურით წარმოთქვა კოსთაიამ, — ერთი პაპიროსი მოიტა, თუ კაცო ხარ, — ხვეწნით შეხედა კონსტანტინეს.

პაპიროსი მიართვეს, თან უამბეს, რაში იყო საქმე.

კოსთაია ტყობინჯელია, ან როგორც ზოგიერთები ეძახდნენ, კოსთაია, იყო აზნაურიშვილი. მამამისი საშუალო ქონებისა იყო, ე. ი. როცა ბატონყმობა გადავარდა, რვა მოსახლე ყმა აღმოაჩნდა. ხუთი წლის შემდეგ ნაყმევებმა თავი გაითავისუფლეს, მიზომილი მიწები შეისყიდეს და ამით ყოველნაირი კავშირი მოსპეს ნაბატონართან, საკუთარ ცხოვრებას დაადგნენ. კოსთაია მამის ერთადერთი შვილი იყო. უკანასკნელი ომიანობის დროს ჯარში შევიდა და ციხისძირის აღებაზე ერთი თეთრი ჯვარი იშოვნა. იქიდან დაბრუნებულს მამამოუკვდა და დარჩა მარტოხელა. დედა ადრე მომკვდარიყო. ჯერ ცოლის შერთვა დააპირა, მაგრამ რატომღაც ჭკუაში არ-დაუჯდა. მიყო ხელი და რამდენიმე წელიწადს, რაც მიწა-მამული ჰქონდა, (ვარგისი და უვარგისი ას ქცევამდე ექნებოდა) ყველა მიყიდ-მოყიდა ცოტ-ცოტად. მომეტებული ნაწილი ისევ მის ნაყმევმა გლეხებმა შეისყიდეს. ამის შემდეგ სოფელში აბა რა აცხოვრებდა. საზოგადოდ ცხოვრობდა ფოთში, ქუთაისშიაც ხშირად დადიოდა, ზუგდიდ-სენაკსაც არ იწუნებდა, თუ მდგომარეობა ხელს შეუწყობდა, ოზურგეთ-ბათუმშიაც შეიხედავდა. სოფლებშიაც დადიოდა. განსაკუთრებით არავეითარი ხელობა არ იცოდა და არც არავეითარ მრე-

წველობას მისდევდა. მხოლოდ ღვინის სმაში იყო დახელოვნებული. ღვინის სმა მართლა რომ საკვირველი იცოდა. ოთხ თუნგ ღვინოს არხეინად დაღვედა. საქმე ის იყო, რომ არ დაითვრებოდა და ჩხუბსა და აყალ-მაყალს არ ატეხდა, თუმცა ძლიერ თავმოყვარე და გამბედავი კაციც იყო და თავის შეურაცხყოფას არავის შეარჩენდა. რომ თქვას კაცმა, ჭვარი ტყუილად კი არ მიუღია. ერთი შეტაკების დროს ისეთ ადგილას მოექცა, სადაც ტყვია ფეტვივით ცვიოდა. ერთი-ორი კოსთაიასაც შეუთამაშდა, საბედნიეროდ, არა სასიკვდილოდ. მიუხედავად კრილობისა, ის თავგანწირვით მიუახლოვდა ბტერს და ერთი თათარი ქარხალივით აკაფა.

კოსთაია საზოგადოდ ტკბილი და ხუმარა კაცი იყო, სიმღერაც კარგი იცოდა და, რასაკვირველია, უკეთესი სამაყრო კაცი სანთლითაც არ მოიძებნებოდა. ქალაქში თუ სოფელში გამოჩენილ წვეულებებზე პირველი კაცი იყო. ბანქოს თამაშშიც ძლიერ უყვარდა, კარტოჟნიკსაც კი ეძახდნენ. გურია-სამეგრელო-იმერეთში ძლიერ ბევრი ნაცნობი ჰყავდა და ყველგან სასურველი სტუმარი იყო.

აი, ამ კოსთაიას მიმართა კონსტანტინე ტომბაშვილმა, როცა ფარნამ თავისი დაიყინა და განზრახვაზე ხელი არ აიღო.

კოსთაიამ ყურადღებით მოისმინა, რაც უამბეს. ფარნა აათვალიერ-ჩაათვალიერა, ერთიცი ივანეს შეხედა და ხუმრობით შენიშნა:

— აბა, შეხედეთ ყურუმსაღს, ეტყობა, გემო ჰქონია, აზნაურისთვისაც ხელი წაუპოტინებია. რა გოგოსთვის უტაცნია ხელი. ბიჭო, ივანეს რომ არა ჰყავს ჭერ ცოლი?

— ივანეს უმცროსი და ფარნას უფროსიც კიდევ არის ერთი, — მიუგო კონსტანტინემ და ერთიცი ამოიხზრა.

კოსთაიამ ისევ ფარნას შეხედა.

— არჩევა კი ცოდნია, მაგრამ ჭერ ეს რა საცოლოა! როგორ მიეზა, ან როდის გაახერხა! — კვირობდა კოსთაია. — ე, ჩემო ბატონებო, ხუმრობა. ხუმრობააო, იტყვიან და... ეს, ჩემო ბატონებო, მართლა ძლიერ ძნელი საქმეა. იშვიათია, თუ მკითხავთ. ისე უნდა მოხერხდეს, რომ ჩემზე რამე ეჭვი არ მიიტანონ, თორემ ქვეყანაში თვალს ვერ გავახელ, თავადაზნაურობა სათოფედ არ მიმიკარებს.

— როგორც გინდა, ისე მოახერხე, ოღონდ მოახერხე, ჩვენ რომ გითხარით, იმრიგად. ქალი ჩვენკენაა, იცოდე, ლუკმა-ლუკმა რომ აკეპონ, არ გვიღალატებს.

— ე, აბა მაშ ქალი თუ არ იქნება ჩვენკენ. მაშინ როტა ჯარი რომ გამაყოლო, მაინც ვერაფერს ვიზამ, ან რაფა შეიძლება. კაცო, სხვა-

ფრივ ვერ მოვახერხებთ? პირდაპირ სახლიდან რომ წამოვიყვანოთ უფრო ადვილია...

— საქმეც ისაა, არ გვინდა სახლიდან. აა, გეტყვი, რატომ არ გვინდა: ჩვენ ბასილ და მის შვილთან დავიდარაბას ვუფროთხით. როგორმე ბასილის თავმოყვარეობა ნაკლებ უნდა შეილახოს. იმის სახლიდან რომ გააპარო, ბასილი უსიკვდილოდ არ მოგვეშვება.

— ოჰო, ჰო! — წამოიძახა კოსთაიამ და დაფიქრა. — ახლა კაციც უნდა რიგიანი ხელის შემწყობი, — თავისთვის ჩაილაპარაკა მან.

— ხელის შემწყობი ისეთი გვეყოლება, ნუ გეშინია, — აღტაცებით უთხრა კონსტანტინემ.

— ვინაა ასეთი?

— მაძინია ჰქვია, რულაია.

— ოხ, ის კიდევ ცოცხალია? სადაა, სად სახლობს?

— სახლობს კი არა, ის არ გინდა... მეწისქვილეა ჭყონონაში.

— სუ!

— მაშ რა გინდოდა?

— საწყალი, კი ვიცნობდი ერთ დროს. თუ ძლიერ მოხუცი არაა, ხელის შემწყობი მართლა კარგია. ოჰ, საწყალი!

— მოხუცი კი არა, ჯერ შევლივითაა.

კოსთაია გამხიარულდა, წვერ-ულვაშზე ხელი მოისვა.

— აბა, შენ იცი, კოსთა, და უმადური არ დაგიჩივებთ. მე, ხომ იცი, ვაჭარი კაცი ვარ. აღთქმის, დალოცვის და მაგნირი აფხაზური წესების არაფერი ვიცი, — უთხრა კონსტანტინემ. — თუ საქმეს, როგორც გითხარით, ისე მოაგვარებ, აი შენი საჩუქარი, — კონსტანტინემ ჯიბეში ხელი ჩაიყო და რაღაც ქაღალდი გამოაჩინა.

კოსთაიამ ქაღალდს დახედა, იცნო, თვალეზი გაუბრწყინდა და ხელი წაატანა.

— ორე, ხიი... — უთხრა კონსტანტინემ. — ჯერ კი ვერ მოგართვი.

— არა, არა, მამის სული ნუ წაგიწყდება, ისე მაჩვენე, დავხედავ, — მოუთმენლად წარმოთქვა კოსთაიამ.

— ისე დახედვა რად უნდა, დათვალიერებულიცაა და შემოწმებულიც.

— არა, მაინც ისე, რაა, შე კაცო! არა, ხუმრობის გარეშე... შეიძლება ყალბია, განა ცოტას აკეთებენ. თქვენ ჯვარი დაგწერეთ და თქვენი მეზობელი ერთი-ორი არ ვიცი, ყალბი ფულით უკეთ ვაჭრობს, ვინემ ჩაი-შაქრით და საინ-ფინჯანით. აბა, მაჩვენე.

კონსტანტინემ ოდნავ ღიმილით საუაროდ თავი დაუქნია.

— მე, როგორც, — რიხიანად წარმოთქვა კოსთაიამ და მკერდზე მიიბრახუნა. — მე, როგორც წმინდა გიორგის მეოთხე ხარისხის კავალერი, სრული უფლება მაქვს, მოვითხოვო და შევამოწმო, ყალბია თუ არა, თორემ на основан устав, 165 статья уголовного шестом том. ხელად დავაქერიებთ თქვენ თავს.

კონსტანტინემ მარჯვენა ცერი ცხვირზე მიიღო, თითები გაშალა. თვალები დაპრაწა და ისე შეხედა.

— ჰო, მამა გიცხონდა, ერთი შენც გაიქიმე ახლა, თითქო ფული არ მინახავს თუ. მაგისტანები პახტობის დროს, არც კი მახსოვს, რამდენი მქონდა, მაინც მაჩვენე, — ხმა დაუშვა კოსთაიამ, — აბა. ვნახო მაინც, რომელი წლის მოჭრილია. შეიძლება მართლა ყალბი იყოს, მამიჩემის სულს ვფიცავ, ახლა ძლიერ ხშირია. — ისევ ხელი წაატანა კოსთაიამ.

— შენ იმის ფიქრი ნუ გაქვს, ყალბი არ არის. — არხეინად მიუგო კონსტანტინემ. — ხუმრობა შორს იყოს. ეს ათთუმნიანი შენი საკუთრება იქნება, როცა საქმეს რიგიანად გაათავებ.

კოსთაია ისევ დაფიქრდა.

— იცით, საქმე რაშია, — ცოტა ხნის სიჩუმის შემდეგ თქვა მან. — მე ბევრ რასმე ვერ გავაკეთებ. თავიდათავი, რასაც მე ვიზაჰ. ეს არის, რომ წავალ ლაკადისკენ, თენგიზ შქერავას მე ვიცნობ. რაკი დამინახავს, თქმა არ უნდა, მაყრად მიმიწვევს და მერე ხომ იცი...

— აი, აი, ეს გვინდა ჩვენ. აბა, რის გამოსადეგია შენი ღვინის სმა? მაშინ საქმეც თავისთავად მოეწყობა.

— მოეწყობა, მოეწყობა, კაცო. მაგრამ, ათი თუმანი ამისთანა ათასნაირად გულმისახვედრ საქმეში... რაც გინდა იყოს, ბელაური აზნაურიშვილებია, სისხლის და ხორცის ღალატი...

— ვაი, დედიშენს მეტი, — გულზე მუშტმიბრახუნებით მოუსწრო ივანემ.

— არა, არა, ივანე, — სიცილით გაასწორა ისევ კოსთაიამ. — ვიხუმრე. ოღონდ შენ არ გამიჯავრდე და სისხლი კი არა. არ უნდა ძვალნი? მაგათი ოჯახის ამოგდება. მძებრაძის სახლში ერთი ღამე არ გამითენებია, და რას მიკეთებს მაგათი სისხლი, მაგათი ყოფა... ივანე და ფარნა კი ოც აზნაურს მიჩივნიან. განსაკუთრებით ივანე. ღმერთო, შენ დაამძიმე მაგის ოყა-გირევანქა. სოფელში უბალახობით ღონემიხდილი და ოცდაათი ნაულლარი ხარი იათად აყიდვინე. და აქ გირევანქა თითო აბაზად გააყიდვინე. ამას შეროხოვ შენ ბედნიერ თავს, — თვალების აღპყრობით მოწიწებით წარმოთქვა კოსთაიამ.

ყველანი იცინოდნენ. კოსთაიამ კი დინჯად გააგრძელა:

— ხუმრობა საქმეა, კაცო, ივანე არ იყოს აქ, ამდენ ხანს ხუთჯერ დაველევი სულს. დამადგებოდა გრძელწვერა მღვდელი და ბირ, ბირ, ბირ, ბირ, ამ, ამ, ამ, ამ. არიქა, შვილო, ჩქარა, ჩქარაო! აუჩქარებდა დიაკვნებს, რადგან ჩემში ბევრ სახეიროს ვერაფერს ნახავდა და ნახუტურუში* ჩამმარხავდა. მაგრამ, ღმერთო, მიცოცხლე ჩემი ივანე. ოხ, ერთხელ, მე და ჩემმა ღმერთმა, ორმა თავმოძულებულმა ჩვენიანმა ისე გამხადა, ისე გამხადა, რა გინდა, გამატყავეს პირდაპირ... ნაბადიცი კი წავაგე, წამოვედი, მაგრამ რა წამოსვლა! ნანა, ნანა, შიმშილი, შიმშილი. გავიარე ივანეს ახლო... ო, მაგის ჭირი შემეყარა, კაი ბიჭია სწორედ, ისეთი მანუგეშა, ისე გული გამიკეთა, და რაც თავი და თავია, ისეთი მწვადი მაჭამა, ა... ნაბადიცი არა, ქუდიცი დამავიწყდა. თუ კოსთაია ვარ, ამ საქმეს მარტო ივანეს ხათრისათვის გავახერხებ, კაპეიკიცი არ მინდა, ისე! — აღტაცებით წარმოთქვა კოსთაიამ, ქული მოიხადა და ზეზე წამოხტა. იმ სიმძლვე იყო, რომ თითქმის პატარა ოთახის ქერს სწვდებოდა. — მაგრამ ფუ! — ტუჩების კვნეტით წარმოთქვა მან, ათასნაირად დაიღრიჯა, შეშინებულივით მოკუზული ტახტზე ჩამოჯდა და თვალები ივანეს გადაუპრაწა. — ვავა, ბაბა! იქნება, შენს ივას არც კი უხარია, ფარნა რომ უმცროსი ძმა.

— რას მეუბნები! — მოუჭრა ივანემ. — უფროს-უმცროსობა კი არა, აქ კიდევ სხვა ისტორიაა, აქ სხვა საქმეა კიდევ. ოლონდ შენ ეს გაათავე და ჩემი მხრივ თუმანი კიდევ დამიმატებია და თუ ვიცოცხლე, პატივს კიდევ გცემ. იმის სახლიდან ისე გავილანძღეთ, რომ აგერ წელიწადია, სირცხვილით შინ არ მივსულვარ. მძებრაძე კაი აზნაურია, თავისთვის არი, ჩემთვის არაფერი უჩუქებია. იმის გოგოს და ამას, — მიუშვირა ფარნაზე, — რაღაც მოუჩუროხუტებიათ. დასწყევლა ღმერთმა. მე, თუ მკითხავ, არც კი მიხარია ბევრად. ჩვენთვის არაა, ბატონო, საჭირო ისეთი ქალი. იმდენს ვინტუნებ, რამდენიც შემფერის. ხენწიფემ ერთხელ გამათავისუფლა და ხელახლად ყმად თავს რად გავიხდი, ბატონს თავზე რად დავიჯენ? მე ჩემი გემოს ქალს შევირთავ. მამაჩემი არ იჯდა დახლში და პაპაჩემი. ვინ იცის, მეც, შეიძლება, ერთ დღეს ისევ თოხი შემექნას ხელში დასაკერი, მაშინ ჩემი ცოლი ცოლად უნდა გამომადგეს. მე შუადღეზე, მარტო პერანგა, სქელი თოხით ხელში სიმინდს რომ უტორისებდე,

* ნახუტურე — სისაფლაო ფოთში.

- ის მაშინ ცხელი ღომით სახე კალათით ციხე-ფერდიდან უნდა მოჩინდრიკებდეს.

— ხა, ხა, ხა, ხა! — გადაიხარხარა კოსთაიამ და სხვებმაც გაიცინეს.

— განსაკუთრებით თუ სქელი ქალი შეგხვდა, აა... ჩამურევით მიათრევდეს იქნება თეძოებს იმ დაღმართში, ვიცი, ეყოფილვარ თქვენ სოფელში... ჰა, ღმერთმა დაგიფაროს, კაცო, შენ რომ თოხნიდე, მე მწვადები? მაშინ რაღა მეშველება?

— მე და ჩემმა ღმერთმა, მე სრულიად არ ვხუმრობ, აქ მარტო ცოლის ინტერესი არ არის. ვაგვლანძღა, ქვეყანაზე ყელის გამოჭრა არ გვაკმარა, მოდგა თურმე და ახლაც ილანძღება, მოხუცებულ კაცს შინ არ მიყენებს და რადგან ჭინაზეა საქმე, ვნახოთ...

— ყოჩაღ, ყოჩაღ, ჩემო ივანე, — წააქეზა კოსთაიამ. — თუ ვიცოცხლე, მძებრაძის ქალს კი არა, — რაღაც ჩასჩურჩულა ყურში ივანეს.

— ჭერ ეს გაათავე და იმას მერე მოვასწრებთ, — სიცილით მიუგო ივანემ.

— ჰოჰ, თქვენი ხმა მრავალ წელს, მაგრამ მე მზადება მინდა წასასვლელად; რადგან საქმე ასეა, — თქვა კოსთაიამ. — ერთი პაპიროსი კიდევ.

— ფარნა, — მიუბრუნდა კონსტანტინე, — ორი-სამი კოლოფი ურთად მოუტანე მაგ გასახეტქს. თითო-თითო პაპიროსით თავს მოგაბეზრებს.

ფარნა მალაზიაში გავიდა.

— აი, აი, კეთილშობილი კაცი, მე და ჩემმა ღმერთმა, შენ გენაცვალოს ჩემი თავი, — მიელერსა კოსთაია კონსტანტინეს.

— ჰა, ჰა, ნუ ლაქუცობ.

— აბა, შენ იცი, საგზაოდ კი ეს, აი, შეხედე, — უთხრა კონსტანტინემ და თეთრი ქაღალდი გაუწოდა.

— ეეჰ, რათ მინდა, კაცო, მაგისთანების მეტი რაღა მაქვს, — მიუგო კოსთაიამ და საუაროდ ხელი გაუქნია. — აი, აი, აი, ნამუსი არ ჯაიფუქო! — მიაყვირა მან მაშინვე. — აბა, რას ჰქვია, დუქანში გაზრდილი კაცი, სულ რომ დაეკარგა ამ უბედურს ზრდილობა! სულ გირვანქა-მისხლებს რომ გადაყვა. მე ზრდილობის გულისათვის მოვიბოდიშე და ამ ღორ ყახახმა კი კინაღამ ისევ ჭიბაში იშვლიბა! კინაღამ დავიღუბე. ხუთი მანეთი ახლავე იაკობა მიკიტანს უნდა მიეუტანო, ხმალი აქვს ჩემი დავირავებული, — ამ სიტყვებით მეოთხე 'ხარისხის კავალერმა ოცდახუთმანეთიანი ჭიბეში შეინახა.

უცნაური შემთხვევა

ბასილ მძებრაძის ოჯახში რალაც დიდი ფაცაფუცი და მზადება იყო. დარბაზი და წინა ოთახი თითქმის სავსე იყო მეზობელ-ნათესავებით. სამზარეულო სახლის კერაზე ვეებერთელა ცეცხლი იყო გაჩაღებული და სხვადასხვა საკმელი მზადდებოდა. ოდის უკანა ოთახში ბასილის სახლთან დაახლოებული ქალები შეკრებილიყვნენ და ტასიას გამოწყობაში იყვნენ გართულნი. მარიკა კმაყოფილი სახით ხან შემოდოდა, ხან გადიოდა, ხან რამე ტანისამოსი შემოჰქონდა, ხან სხვადასხვა დარიგებებს იძლეოდა.

ტასიას ახალ შეკერილ აბრეშუმის კაბას აცმევდნენ. მის სახეზე სიხარული, შიში და მოწყენა ერთმანეთს ეცილებოდა.

— მე ვფიქრობ, — ჩვეულებრივ მძიმედ შემოვიდა მარიკა უკანა ოთახში და თან შემოილაპარაკა: — მე ვფიქრობ, რომ ეს კაბა არ ჩაიცვას, ემჯობინება. რაც გინდა ეცვას ამაღამ, ამ ბნელაში, ვინ ნახავს. აი თუ გინდა ის, მიხაკისფერი შალის კაბა ჩავაცვათ და იქ რომ მივლენ, მაშინ შეიძლება გამოუცვალონ და ისევ ეს ჩააცვან და საყდარში ამით წაიყვანონ.

ტასიას მთელი ტანი აუკანკალდა, სახე გაუფითრდა, გულმა საშინლად ცემა დაუწყო და ერთიც ამოიოხრა. რამდენიმე ქალმა ერთმანეთს მრავალმნიშვნელოვნად შეხედა. მარიკაც ცოტა შეწითლდა, მაგრამ თავი ღირსეულად დაიჭირა. — სწორედ არ ვარჩევ ამ კაბის ჩაცმას, — თქვა მან, — ამაღამ ტყუილ-უბრალოდ ეკლებში მიეფხრიწება.

ტასიამ დედას უკმაყოფილო თვალებით შეხედა.

— მე მირჩევნია, ეს მეცვას, — მტკიცედ მიუგო მან.

— ეს ეცვას ჯობიან ჩემი ფიქრითაც, მარიკა, — დაემოწმა ლავრენტი ტკვარჩელიას ცოლიც. — შენ რას ამბობ, ბატონო მარიკა, აკი პირდაპირ ეკლესიაში მიიყვანენო, დრო და ადგილი სად ექნებათ, გახადონ და ისევ ჩააცვან.

მარიკა დაფიქრდა.

— მოიცა, ერთი ვკითხავ, — თქვა მან და ოთახიდან გავიდა.

ბასილ მძებრაძეს არაჩვეულებრივი მხიარულება და მხნეობა ეტყობოდა დღეს. ოდიდან სამზარეულოში ხშირად მიდიოდა, ეზოს ათვალიერებდა. სტუმრების დასახვედრად ბიჭებს არიგებდა; თუ ცხენები სად მიებათ, როგორ მოქცეულიყვნენ. ყველას ტკბილად

ემუსაიფებოდა, ეხუმრებოდა. ღვთის წინაშე, სამხიარულო საქმე კიდევაც ჰქონდა ღღეს. აზნაური ბასილ მძებრადე ათხოვებდა თავის ერთადერთ ქალიშვილს ტასიას აზნაურ თენგიზ შქერავაზე. მოლაპარაკება ისე ჰქონდათ, რომ თენგიზ შქერავას, რამდენიც უნდოდა, მაყრებს გამოგზავნიდა სწამოს ბასილის სახლში. ბასილი ჭერ-ჭერობით მარტო ერთ კარგ ცხენს საქალებო უნაგირით და ხელის ბარგს მისცემდა. შქერავას ამაღამვე უნდა დაეწერა ჭვარი თავის სოფლის ეკლესიაში, რომელიც ჰყონონიდან ოცი ვერსის მანძილზე იყო. ორი-სამი თვის შემდეგ, შქერავა ქალს ისევ დააბრუნებდა და მაშინ ბასილი, რაც შეეძლო, მზითევსაც და ფულსაც მისცემდა, და საბოლოოდ გაისტუმრებდა. ნამდვილ ქორწილსაც მაშინ გადაიხდიდა. ღღეს მხოლოდ შინაურული კამპანია ჰქონდა, მარტო ერთი მოზვერი დაკლა და მისი მიყოლებული ინდაური, გოქი, ქათმები, მაგრამ, როგორც პურ-მარლით ქებულ კაცს, ვახშამი მაინც ჩინებული ჰქონდა.

მზე გადაიხარა, თითქმის ნახევრამდი კიდეც ჩავიდა, მერე სულაც ჩავიდა, მაგრამ მაყრები არ ჩანდნენ: ბასილი, ცოტა არ იყოს, შეშინდა.

ვაითუ თავზე ლაფი დამასხას იმ კაცმა და მომატყუოსო, — ფიქრობდა გულში და ჰიშკარს, საიდანაც უნდა მოსულიყვნენ სტუმრები, თვალს არ აშორებდა.

ამ დროს მის წინ მაძინია გაჩნდა.

— საღამო მშვიდობისა, — დაეღრიჭა მაძინია. — ბედნიერება, ბატონო, სიკეთე, მაგას ხუთი-ექვსი ვაჟიშვილი და სხვა ამგვარები, — მხიარულად მიაყარა მაძინიამ.

— ოხ, ჩემო მაძინია, — გაუხარდა ბასილს, — მადლობთ, მადლობთ. მადლობა ღმერთს, ძლივძლივობით მოვაწყვე საქმე, ღვთის იმედით, — მხიარულად მიუგო ბასილმა და ერთიც ჰიშკარისაკენ შეშინებულად მიიხედა. — ქე მეშინია კიდეც ცოტა, აგერ ღამდება და არსაიდან არავინ ჩანს.

— შენ მტერს ღმერთი გაუწყრა, — გააწყვეტინა მაძინიამ, ჭერ მათი მოსვლის დრო სადაა. ნამდვილი ქორწილი იყოს. სულ სხვაა, ბატონო, და ეს, როგორც იტყვიან, ჩუმათაა საქმე და დღის სინათლით რომ მოვიდნენ, სირცხვილიცაა.

— ვითომ! — მხიარულად წამოიძახა ბასილმა და სახე გაუბრწყინდა. — არ გაგიგონია, წყლის შეშინებულს ნამისა შეეშინდაო? განა მე უნდა მეშინოდეს შვილის გათხოვებისა, მაგრამ კარგი შვილი ყველაფერს შეახვედრებს კაცს.

— წასული საქმე წასულია, ბატონო. ღმერთი შემდეგში მშვიდობით გამყოფებდეს, თორემ არა გიჟირთ რა. ახლახან ერთ ლაქარდელ კაცს ვხედავდი და ისეთი რამეები მითხრა თენგიზზე, რომ სწორედ გამეხარდა.

— ა... ა... ა, რა გითხრა, რა, თუ გიყვარდე? — მოუთმენლად დაეკითხა ბასილი.

— რა მითხრა, ბატონო, და, — გაჭიმა მაძინიამ, (იგი უღმერთოდ ცრუობდა), — მე ისე, სიტყვა გადაუჟკარი: როგორა სახლობს, როგორ ცხოვრობს თენგიზი შექრავა-მეთქი. თენგიზისთანა მოსახლე და. საზოგადოდ, იმისთანა საქმედაწყობილი ახლა ამ ჩვენს ახლომახლო არავინ არის სახლითაც, კართითაც, ფულითაცო.

— არა, მართლა, დედიშენის სული თუ გწამს, — გაეხარდა ბასილი.

— ბასილი, ერთ წამს აქ მობრძანდი, — მოისმა ბართლომეს ხმა აივნებიდან.

ბასილი მაშინვე მიბრუნდა.

— შენ კი არსად წახვიდე, მაძინია, მეტად არ დაგპატიყებ! — მიძახა ბასილმა მაძინიას.

— მე რა საჭირო ვარ, ბატონო! წისქვილი...

— სუ, სუ, წისქვილი ამაღამ არ დაიქცევა, ნუ გეშინია.

სრულიად დაღამებულიყო, მაყრებიც მოვიდნენ.

შექრავას კარგი შეიარაღებული და დარჩეული ახალგაზდები გამოეგზავნა. მხოლოდ ორი კაცი ერია „მოქკვიანო“, როგორც ჩვენში იტყვიან. ერთი სოლომონ შექრავა, ასე ორმოცდახუთი წლის კაცი, თენგიზის ბიძაშვილი, და მეორე, ჩვენთვის უკვე ნაცნობი კოსთაია. მან, როგორც თქვა, ისეც შეასრულა.

ჯერ ბასილის სახლში სიმღერა გაიმართა, მერე სტუმრებს მოართვეს ჩაი და ბოლოს სადილი, თუმცა ვახშმის დროზე მეტიც იყო.

— აბა, თქვენი ჰირიმე, თუ არ დამაგვიანებთ, თქვენ იცით, — თქვა სოლომონ შექრავამ. — ჩვენ აქ ავიბარგებით ამ ბნელ ღამეში. იქ მივალთ, ჯვარს დაეწერთ, მერე სახლში მივალთ, იქაც გვიცდიან. გვიან იქნება, თუ ცოტა არ ვიჩქარეთ.

— კი, კი, გენაცვალე, — დემოწმა კოსთაიაც. — დაგვაგვიანდა კიდევ, თენგიზმა რაც შეიძლება დაჩქარება გვთხოვა, ხომ იცი, სიძე კაცის ამბავი, თუ დაგვიანდა, იქაური მღვდელი ჰიკყინა კაცი ყოფილა, მგონი, გვიან ჯვარი, შეიძლება, არც კი დაწეროს და მერე, მე ზომ ვერ დავწერ.

— ჯვარს როგორ არ დასწერს! — წამოიძახა ერთმა ახალგაზრდა

მყართაგანმა, რომელიც ცეცხლივით თვალებს ამტერებდა ახალგაზრდა ქალებს, — არ დასწერს კი არა, შუაში გაეპობ, — გულად და დიძახა და მოოქრული ხმლის ტარზე ხელი წაივლო. ეტყობოდა, ჯერ გამოუცდელი იყო და ცეტობდა.

— არა, ჩემო ბატონო, ჩემო ბაბა სოლომონ, — დინჯად მიუგო ბასილმა, რომელიც შუა დარბაზში იდგა და თაღარიგს იძლეოდა. — არა, ბაბა, შეილო, მოითმინე, — აქ ბასილმა მარჯვენა ხელი ბრტყლად მკერდზე მიიდო, მეორე ხელში კი მისგან განუშორებელი ბლის ტარიანი ყალიონი ეჭირა, — მე... მართალია, ქვეყანა გადაბრუნდა და გადაირია, უმცროს-უმფროსობა აღარაა, მაგრამ... მარა მაინც, რომ ვთქვათ, ჯერ კიდევ ბასილი მქვია. გული ჯერ კიდევ არ გამტეხია, იცოდეთ. თუმცა ჩემ მოხუცებულობას ბევრი უსიამოვნობა შეხვდა ამ ბოლო დროს, თითქმის ღირსებაც საძებნელი შემექნა, მადლობა ღმერთს, ჭანისწყლის აღმა დენას მოველოდი და მძებრადეს კიდევ აზნაურობა დასამტკიცებელი თუ შეექნებოდა საბუთით, არ ვიცოდი, მაგრამ, მადლობა ღმერთს... ეს საზოგადო გასაქირია მთელი ოდიშისათვის. მე, ჩემო ბატონო, ბევრი მიშრომია, ბევრიც მიშოვნია, ტრაბახობა რა საქირია. დღეს კი, ღვთის მადლით, და ყველა ამ ჩემი კეთილების შემწეობით, ერთ-ერთი ბაღნის ბედნიერებას ვხედავ. ერთი ვაჟიც ქე მყავს, მაგრამ ვაჟს კიდევ სხვა სახელი ჰქვია, და ეს ბაღანა კი სხვა ბაღანაა, და რაკი ღმერთმა მისი ბედნიერება მაჩვენა, ასე აჩქარებულად, თქვენ რომ ფიქრობთ, როგორ შეიძლება. ლაშქარი თავის სახლშია. სამიში და ასაჩქარებელი, კოჭლი და ბრმა არავინა მყავს, ბატონებო, არა წვიმს და არა თოვს, ქვეყანა ხომ არ იქცევა! მართალია, აჩქარებულად მოგვივიდა და თქვენი საკადრისი პატივისცემა არა გაქვთ, მაგრამ, რაც გქონდესთ, იმედი მაქვს, არ იჩქარებთ, ისე ისიამოვნებთ.

— მართალია, ბატონო, თქვენი ბრძანება, — დაიწყო სოლომონმა და კილოში ეტყობოდა, რომ ნახევარ საათს მაინც აპირებდა სიტყვების რახარუხს. კოსთაიამ ეს ვერ მოითმინა და ხმამაღლა გაერია ლაპარაკში. ჯერ ერთი, ისეთი მიაკვილა, რომ ქალებს ფერიც შეეცვალათ.

— ა... უი! — მიაყვირა მან. — სასთაული, ბატონებო, თუ გინდათ ეს არის. მოდგა, ჩემო ბატონო, ეს ჩვენი ბასილი მძებრადე, ახალი მზახალი, და დაიწყო ეამნი, მოყვა, შენ ხარ, ჩემო ბატონო. ეს ჩვენი თავი კაცი სოლომონ შქერავა და ეუბნება ალილუიას. ბასილს უნდა, რომ ლაპარაკ-ლაპარაკით დრო ჩაატაროს და ღვინო ნაკლებ დაეხარჯოს, სოლომონს კი — დაუთრობელი აქედან წავიდეს.

მაგრამ ვერ მოვართვი ვერც ერთს და ვერც მეორეს. რიგზე უნდა გადავკრათ, სხვა გზა არაა, ასე არ არის, ბარიშნებო, ცირებო? — მიიხედა ქალებისაკენ.

კოსთაიას ხმაზე საერთო ხარხარი ატყდა.

— არიქა, ეცადე როგორმე, — ხარხართვე მიუგო ბასილმა, — იქნებ ჩემი ტიკები ამოსწურო.

— ვაი, დედასა, — თავმოძვონედ მიუგო სოლომონმა. — ეს სამი-ოთხი წელიწადია, რალაც დავსწეულდი, თორემ შენისთანები არ მეტყოდნენ ამას, მარა...

— შენ ჯანზე ოცი წლის წინათაც არ იყავი, მაგრამ რა ვუყოთ, რაც ხარ, მადლობა ღმერთს, იმის მადლობელიც უნდა ვიყოთ, — მიუგო კოსთაიამ. — სიტყვას ბანზე ნუ აგდებ. აილე, რალა, ჭიქა და შეუდექი შენს საქმეს. წესი როგორაა, ხომ იცი, ჭერ მოსამსახურეები დალოცე, მერე მაძინია მეწისქვილე, აიტ! — მიაყვირა კოსთაიამ. — სადაა მაძინია მეწისქვილე? დაუძახეთ, სოლომონი მის სადღეგრძელოს დაღევას აპირებს.

— მეე? იმდენი ღმერთი აგაშენებს, — დინჯად ჩაილაპარაკა სოლომონმა.

— ჰო, შენ. აბა ვინ?

— ხუმრობის გარეშე, შენზე უკეთ ამ საქმეს არავინ არ გაუძღვება.

— მე კარგად არა ვარ, — შეწუხებულად თქვა კოსთაიამ. — აქიმებმა ღვინის სმა ამიკრძალეს, ერთმა მითხრა, ექვსი ბოთლის მეტი არ დალიო და მეორემ, ეტყობოდა, ხათრიანი კაცი იყო, თორმეტო, მეტზე კი იმანაც უარი მითხრა, თორემ საიქიოს...

— აი გასახეთქი და გასაპანჯავი იმის მუცელი! — მოსძახეს აქეთიქით.

რალა ბევრი გავაგრძელოთ, ტოლუმბაშად კოსთაია იქნა არჩეული და საათ-ნახევრის შემდეგ ყველანი კარგა შეზარხოშებულნი იყვნენ, ახალგაზრდა მაყრები ხარბად დაეწაფნენ ტკბილ სვირულ ღვინოს და ძალზე დათვრენ. თვით ჭალარა და თავკაცად გამოგზავნილი სოლომონ შქერავაც ბეჯითად ვერა ხმარობდა ენას და როცა მეტად შეწუხდა და ვითომდა ცხენების დასათვალეირებლად გარეთ ვამოვიდა, ფეხებშიაც სიმტკიცე არ ეტყობოდა...

საკვირველი ის იყო, რომ თვითონ კოსთაიაც დათვრა, რაც იშვიათად და თითქმის სულ არ მომხდარა. ფეხზე თუმცა თამამად იდგა, მაგრამ ლაპარაკსა და ყოფაქცევაში გადაჭარბებული სიჩქარე ეტყობოდა.

ლამის თერთმეტი საათი იქნებოდა, როცა ნაყრები ბასილის ეზოდან დიდი ხმაურით, სიმღერითა და დაძაბუბის სროლით გამოვიდნენ. მაყრად, რასაკვირველია, ძუკუც მიჰყვებოდა. ძუკუს ბასილმა დააბარა, ტასიას ცხენს არ მოშორებოდა, სულ იმის ახლო ევლო. 'ზნელი და ცოტა ცივი ღამე იყო და ყველანი, ზოგი ნაბადში, ზოგი ყაბალახში იყვნენ გახვეულნი. ძუკუმ ცოტა ხანს მტკიცედ შეასრულა მამის ბრძანება, მაგრამ როცა სახლს ერთი ვერსით მოშორდა, ვერ მოითმინა და მომღერალ ბიჭებში გაერია.

კოსთაია გზა-გზა ყვიროდა, ოხუნჯობდა და ხანდახან უშვერ სიტყვებსაც ურევდა. ჯერ გზა ჭალა-ჭალა მიდიოდა. ჭყონონას ბოლოს აუხვიეს და სერებს აყვნენ. ერთ სერზე ავიდნენ. აქედან ძირს უნდა ჩასულიყვნენ ხევში, სადაც პატარა ღელე მიდიოდა და აქეთ-იქით ხშირი ტყით და ბუჩქნარით დაფარული ფერდობი იყო. ძირს გზა პატარა ბილიკით მიდიოდა, ასე რომ, თითო-თითოდ უნდა ევლოთ. აქ კოსთაია ერთობ გამზიარულდა და ისეთ-ისეთ საოხუნჯო ამბებს მოყვა, რომ ყველას გონება მოიტაცა. ზოგი იცინოდა, ზოგი სწყყევილიდა. ხევში ჩავიდნენ, აქ ოხუნჯობასთან საშინელი ხელაც აუტყდა. ხევი ბანს აძლევდა და მისი ხმა შორი-შორს გუგუნივით იკარგებოდა. ღელეზე რომ გავიდნენ, ისე საშინელი ხველა აუტყდა. რომ კინალამ ცხენიდან გადმოვარდა.

— სწორედ ძვირფასია ასეთი კაცი, — თქვა ერთმა, რომელსაც ხმაზე ეტყობოდა, რომ ტვინი ძლიერ შეხურებული ჰქონდა.

— ეს რომ არ მოდიოდეს, ამდენ ხანს დამეძინებოდა კიდეც და ცხენიდან ჩამოვეშვებოდი. — მიუგო მეორემ, არა ნაკლებ გადაკრულმა.

— არა, ის დიდი ჰიქა ჩემი დასალევი არ იყო. — ახმაურდა ერთი.

— საყოლაწმინდო ქე დაგვაიწყდა, — იწუხა მესამემ.

კოსთაია კი ყიყინს და ოხუნჯობას უმატებდა.

— აფუ, აფუ! — მიაძახა მან, როცა მეორე სერზე აღიოდნენ და ბიჭურს უახლოვდებოდნენ. — აი დედასა... არა, კაცის საქმე ცოტა რამეა, ასე ერთი ხანია ღვინო არ მომკიდებია. მაინც რა მაგარი მოუტანია, მაგ რჯანდაქცეულს. აფუ, აფუ! — დაიყვირა ისევ. — უჰ, თავიც ისე მტკივა, რომ...

— იქნება თავის ტკივილი კეთილი ნიშანი იყოს და მიგიღოს უფალმა, — გაეხუმრა ერთი.

— ნუ გეშინია, პურით არ გაძლები, — მოუსწრო კოსთაიამ. — ჩემ სიკვდილს არც მღვდელი ჩამორჩება და არც ერი, ისევ ისა

სჯობია, ბიძია, ვიცოცხლო. გაუმარჯოს, გაუმარჯოს კოსთაიას! აჟუ, აჟუ!

სხვებიც არ მიდიოდნენ დინჯად. წამდაუწუმ ცხენების ფერდებზე მათრახის მწარე ტკაცუნი ისმოდა. სიმღერა, ყვირილი, ყიჟინი და მასხარაობა ერთმანეთში ირეოდა.

ბიჭურ ტყეში შევიდნენ.

— სატახტო სულ უკან წამსვლია, ცხენი დამიშავდება, — თქვა სოლომონმა. ცხენი შეაჩერა, ჩამოხტა და უნაგირს გასწორება დაუწყო. ეტყობოდა, ღვინო გვარიანად მონელებოდა.

— აგაშენა ღმერთმა, რომ გამახსენე, ნათხოვარ ცხენზე ვზივარ, რომ დაშავდეს, ხუმრობაა, — თქვა ერთმა მაყარმა და ისიც შეჩერდა. მას მეორე მოყვა, მეორეს მესამე და თითქმის ყველანი შეჩერდნენ.

— აჟუ, აჟუ, ვა, ვა, ვა, ვა, ვა, ვა. აჟუ, აჟუ. — დიღინებდა კოსთაია, იმანაც ცხენი შეაჩერა და ჩამოსასვლელად მოემზადა.

— მიდით, მიდით! — დაიძახა სოლომონმა და ხმა ისე მძიმედ ამოუშვა, რომ ცხადი იყო, მოსართავს უჭერდა პირუტყვს. — მიდით, მიდით, პატარძლის ცხენს დახედეთ ერთი, მოსართავები ხომ არ მოეშვა.

— აი, მართლა, მართლა! — მიაძახა ძუკუმ, თითქო გონს ახლა მოვიდაო. — ტასია, ტასია, სადა ხარ? ფუ, რა ბნელი ღამეა მაინც ამ დასაქცევ ბიჭურში, — უკმაყოფილოდ თქვა ძუკუმ და გაიწვა-მოიწია, მაგრამ ხმა არავინ გასცა.

— თქვენ მიდით, თქვენ, ბიჭებო, — გაიმეორა სოლომონმა. — ელიზბარ კინტირია, სოსო, სადა ხართ?

— არ გესმის, გოგო, სადა ხარ? — გაიმეორა ძუკუმაც, მაგრამ ხმა არავინ გასცა.

— თოლი, ღმერთო, მომკალი ახლა. ღმერთო, ქვასავით გამაცივე ახლა. — თითქმის ტირილით ამბობდა შქერავე რამდენიმე წუთის შემდეგ.

— კაცო, რას ამბობ, ხუმრობა შორს იყოს! — კვირობდა კოსთაია.

— აიტ, მამაძალღო! — იძახდა ძუკუ.

ყველანი ცხენებზე შესხდნენ, კვირობდნენ, იწყევლებოდნენ, იგინებოდნენ.

— რა იყო, რა მოხდა?!

მოხდა ის, რომ ყველანი იყვნენ და პატარძალი ტასია მათ შორის არ იყო.

— ეი, ვინ მოსდევდა პატარძალს, — კითხულობდა ერთი.

— ჯერე ძუკუ.

— მერე!

— მე რომ, მე რომ... — დაიბნა ძუკუ.

— ამას მოვკვდეთ ჯობია, აქამდი არც კი გაგვხსენებია, პატარძალს არ უნდა მოსცილებოდა ერთი კაცი, — ბრძანებდა ერთი.

— დიდება შენდა, ღმერთო! დანით ყელის გამოჭრა თუ გინდა, ამასა ჰქვია, — ამბობდნენ ყველანი არეულად, თავიანთ თავს წყევლიდნენ, ერთიმეორეს აბრალებდნენ, თავს იმართლებდნენ.

ცოტ-ცოტად გონს მოვიდნენ, ყველა უცბად გამოფხიზლდა.

დროს დაკარგვა არ შეიძლებოდა.

ძუკუმ გულახდილად თქვა, თუ რამე ექვი ჰქონდა.

— ნამდვილად ასეა. ქალს მოვუტყვილებივართ, კისერი გამოუჭრია. აბა, სხვა რა, კაცო, ცხენიდან ჩამოვარდნილიყო, მიაკვილებდა, დაგვიძახებდა, აბა რა, ქარი ხომ არ მოიტაცებდა, ნეტავ ერთი ახლა ვინმემ მომკლას. ან იმ კაცს რა თვალთ შეეხედო, ან ქვეყანაზე თვალი როგორ გაეახილო? — მწარედ სწუხდა სოლომონი.

— აიტ, თქვე ძაბუნებო! — მაგრა წარმოთქვა კოსთაიამ. — ბევრი, ბევრი, ეს საქმე ნახევარი საათის წინ დაგვემართებოდა, რადგან ბირველ ფერღზე ასვლის დროს რომ მოდიოდა, ჩემი თვალთ ვნახე.

— თქვით აბა, ვინ საღ ხედავდით! — შეწუხებულად დაიძახა სოლომონმა.

— კაი მაგას, კაი მაგას, გზები შეეუკრათ, კიანქველა ხომ არ არის, ფოთოლში ხომ არ დამალავენ ამ ერთ წუთს, ცაში ხომ არ ააფრენენ, არიქა, ჩქარა! — მხნედ წარმოთქვა კოსთაიამ.

საჩქაროდ ყველანი უკან დაბრუნდნენ.

— არიქა, კოსთაია, შენი ჭირიმე! — სასოწარკვეთით ამბობდა სოლომონი. — შენ საით წახვალ?

— მე? საით გირჩევნიათ? ჭალისკენ წავალ, ფართო ფონისკენ.

— არიქა, შენ გენაცვალე. მოგვეხმარე რამე, ქვევით გაეჩქარე, ფართო ფონისაკენ, ფართო ფონისაკენ.

ყველანი აქეთ-იქით საძებრად დაიფანტნენ.

XLVIII

კოსთაია ტყობინჯელიამ გვარიან კარგად შეასრულა მინდობილობა; მაგრამ ამ საქმეში მაძინიასთანა გამოცდილი და ერთგული კაცი რომ არა ჰყოლოდა, ვერაფერს გახდებოდა. იმათ წინდაწინ მოიაზრეს ყველაფერი და სამოქმედო გეგმა დაწვრილებით შეადგინეს.

ყოველნაირი მოსალოდნელი დაბრკოლება სახეში იქნა მიღებული. ორი დღის წინათ, ღამით, კოსთაიამ ფარნასთან ერთად მაძინია ნახა და კარგად მოილაპარაკეს. მაძინიამ კი ყველაფერი ტასიას გადასცა, თუ როგორ უნდა მოქცეულიყო.

მაყრების მოსვლის წინაც, მაძინია ბასილს რომ სიძეს ულოცავდა, მაშინაც არ იყო უსაქმოდ. იმდენი იეშმაკა, რომ ტასია რამდენიმე წუთი სალაპარაკოდ იშოვნა და ზოგიერთი მოქმედების ფრიალსაჰქირო მუხლები გაუმეორა.

კოსთაიამ თუმცა ღვინო ბლომად დალია და ყველანი დაათრო, მაგრამ თვითონ მთვრალი სრულებით არ იყო. მხოლოდ თავი ისე მოაჩვენა ხალხს, ვინიცობაა, რამე ეჭვი არ აეღოთ, იმისთვის არ დაებრალეზინათ. მარტო იმისთვისაც, რომ არ ეთქვათ: შენ მაინც როგორ მოგივიდა, შენ ხომ მთვრალი არ იყავიო.

თვითონაც დალია და შეეცადა კი, რომ მაყრებს, და განსაკუთრებით სოლომონ შქერავას, რაც შეიძლებოდა, მეტი დაეღია. საუბედუროდ, სვირულმა ღვინომ ბევრი არ დააყოვნა, ახალგაზრდა მაყრები ხომ მაშინვე ჩაითრია და თავკაცად წამოსულ ჭაღარა სოლომონსაც დავთარი დაუბნია. ერთი სიტყვით, ყველამ ზომაზე მეტი ჩაყლურქა.

კოსთაიას ყველაფერზე უფრო სიფხიზლისა ეშინოდა, რადგან ფხიზლები ჭკუიანად და წინდახედულად იქნებოდნენ გზაში, პატარძალს ხშირ-ხშირად მოიკითხავდნენ და რაკი ამ მხრივ საქმე სასურველად მოაგვარა და რაკი დაინახა, რომ სოლომონ შქერავა ლაპარაკში იბნეოდა, ერთი-ორად მოუშატა მასხრობა-ოხუნჯობას. კოსთაიას სიხარულს საზღვარი არა ჰქონდა. როცა სუფრაზე დასხდნენ და ჭამას შეუდგნენ, მაძინია წამოვიდა და ერთი-ორი წისქვილში შეიხედა. წისქვილში ორი გარეშე სოფლელი ელოდებოდა. ისინი ყველაზე ნაკლებად ფიქრობდნენ იმაზე, თუ სად მიდიოდა მაძინია. ერთს თითქმის ეძინა. მეორეც საღად ვერ ახელდა თვალებს. მაინც იმ უფრო მღვიძარეთაგანს წისქვილი ჩააბარა და გასწია. ახალი არაფერი ჩაუცვამს, მხოლოდ ყაბალახით თავი წაიკრა. წისქვილს უკანიდან მოუარა, სიმინდებში შევიდა და რამდენიმე ხნის შემდეგ ცნობილ საიდუმლო ფალაგეს მიადგა და ჩუმად დაახველა. ჩუმადვე პასუხი მიიღო.

მაძინია მიუახლოვდა. აქ ფარნა თოხიტარია უცდიდა.

— რა ამბავია, მაძინია? — მოუთმენლად ჰკითხა ფარნამ.

მშვიდობა! — გულდამშვიდებით მიუგო მაძინიამ. — ჩემი წასვლის დრო კი არის, ყოველ შემთხვევაში, აღრე ჯობია. ტოლუმბაში

ახლა ამორჩეული იქნება, იმედი მაქვს, კოსთაიას ამოირჩევენ. ღმერთი იბრინებდეს და სოლომონ შექერავა დათვრებოდეს, ბევრი არაფერი გაგვიჭირდება. იცი, ფარნა, სამი ადგილი მაქვს დანიშნული. პირველ ორ ადგილას, თუ მოვახერხებ, აქ მოვიყვან და ის იქნება. მე-სამე ადგილამდე, თუ ვერ მოვახერხებ, მაშინ ველარ დავბრუნდები. მაშინ პირდაპირ წავალ, ბიჭურს ზემოთ მოვუარ, დავყვები ნატურკარს, გამოვალ ოხარჩალაიაზე, საკურდღლოს პირდაპირ გავალ, ჭანისწყალს ავეყვები თხილისფერდს და იცი, ცხვირწატეხილ გორაკზე პატარა ეკლესია რომ დგას, იქ მივალ და იქ მოვიცდი. ორი საათის შემდეგ, იცოდე, მაყრები რომ გადავლენ ბასილის სახლიდან, რომ გაიგონებ სიმღერას, ყიყინს, ხმაურობას, აი, იმის შემდეგ ორი საათი რომ გავა, და მე თუ არ დავბრუნდი, იცოდე, იქ გამოეშურე ცხვირწატეხილ გორაკზე შენი ამხანაგებით. ფართო ფონამდი, იცოდე, სულ წყლის ნაპირით იარე, გზაზე არ გამოხვიდე.

— აბა, შენ იცი, აბა, შენ იცი, — ათრთოლებით მიუგო ფარნამ. — მე, როგორც მეუბნები, ისე მოვიქცევი.

ფარნა თოხიტარია მაძინიას აქ ჰყავდა შეპირებული. ის მართლაც დაპირებისამებრ მოვიდა, ამხანაგები, ხუთიოდ რჩეული, დაიარაღებული ბიჭები ფოთიდან წამოყვანილი, ფართო ფონის გაღმა, ტყეში უტდიდა. თან ერთი ცხენი და ერთი ჯორი მოიყვანა. ცხენი ფრანგული უნაგირით იყო შეკაზმული.

მაძინიამ საჩქაროდ ფარნას ნაბადი გადისჯურა, მათრახი ხელში დაიჭირა, ექვსპატრონიანი ამერიკული დამბაჩა ჩამოიკიდა, ჯორზე შეჯდა, ფარნას რალაც-რალაცეები კიდევ დაუბარა და გაეჩქარა.

ჰყონონას ბოლოს, საცა მაყრებს უნდა გამოევიდოთ, ერთ ბუჩქნართან ჩამოხტა და მოლოდინი დაუწყო.

თითქმის ორი საათი ელოდა. ეს ორი საათი საბრალო მაძინიას ორ წელიწადად მოეჩვენა, მოთმინება თითქმის დაეკარგა და ბოლოს, როგორც იყო, სიმღერა და ხმაური მოესმა.

კოსთაიას ყიყინი შორიდანვე გამოიციწო. მაძინია ჯორზე შეჯდა, მოსართავეები მოუჭირა და როცა მაყრები მოუახლოვდნენ, შეუმჩნევლად მათ გაერია. გაერია და სამჯერ ზედიზედ ჯორს მათრახი დაარტყა. გავიდა ნახევარი წუთი და სამჯერ კიდევ გაიტკაცუნა მათრახმა ცხენის ზურგზე. ეს ტასია იყო. შეპირება ასეთი ჰქონდათ. ამით მაძინიამ შეატყობინა, რომ მე აქა ვარო, და ტასიამ პასუხი გასცა, გავიგეო. ძუკუ მომღერლებთან კუჩხა ბედნიერას უკრიმანჭულედა. სხვები, ღვინისაგან გაბრუებულები, თავიანთ თავს ძლივს-და პატრონობდნენ.

მაძინიამ იდროვა, კოსთაიას მიუახლოვდა და მათრახის ტარით შეატყობინა თავისი აქ ყოფნა. კოსთაიამ მათრახის ტარითვე გასცა პასუხი.

ავიდნენ ერთ სერზე, დაღმართი თითო-თითოდ უნდა ჩაეველოთ. ხევში პატარა ლელეც მოჩუხჩუხებდა. ამ ხევში უკუნითი სიბნელე იყო და ისეთი ოღროზოღრო და საიდუმლო ადგილი ჰქონდა, რომ ღამე კი არა, კაცს დღე შეეშინდებოდა. ხალხის ფანტაზიაც ამ ადგილს ჰინკებით, ალებით და სხვადასხვა დაშინებული გონების მოგონილი არსებებით ასახლებდა. კლდიდან უბრალო ქვაც რომ გადმოვარდნილიყო და ხევში ბრავგანი მოედინა, ცრუმორწმუნე მგზავრი მაშინვე ჰინკას დააბრალებდა და პირჯვრის წყრით გაეჩქარებოდა ამ ადგილიდან. აქ მაძინიამ რამდენიმე საიდუმლო ბილიკი იცოდა, რომლით ხშირად უვლია ნეტარსხენებულ დროს. ახლომახლო არავინ ესახლა და სამოქმედოდ ეს ადგილი გამოირჩია. აქ კოსთაიამაც, როგორც შეპირებული იყო, ოხუნჯობას უმატა და საშინელი ხველაც აუვარდა. ყველანი კოსთაიას ყურის გღებით იყვნენ გართულნი და თან ცდილობდნენ ეს ჯოჯოხეთური ადგილი, როგორც ამას ეძახდნენ, ჩქარა გაეველოთ. პატარძალი ამ დროს არავის ახსოვდა. კოსთაიამ ერთი საშინლად დაახველა, ტასიამ ორჯერ ცხენს მათრახი შემოკრა და შეჩერდა. მაძინია მასთან დაიბადა. ერთი-ორი წუთიც და, მაყრები ორმოცდაათი საყენის მანძილზე დაშორდნენ.

მაძინია ჯორიდან ჩამოხტა. ტასია ხელში აიყვანა და ცხენიდან პირდაპირ ჯორზე გადასვა. თვალის დახამხამებაში ცხენი გზისპირად, ხის ტოტს მიიბა, შემობრუნდა, ჯორის სადავე ტასიას ხელში მისცა, თვითონ ლაგამს დაეჭიდა და ნაცნობი ბილიკისაკენ გადაუხვია. ჯერ დაღმართი ჰქონდა სავლელი ლელეს გამოსწვრივ, მერე ისეთი აღმართი უნდა აეველო და ისეთი დაკლაკნილი გზა იყო, რომ ჯორის გარდა, ვერავითარი ცხენი ასვლას ვერ შესძლებდა. ბნელაში მაძინია გზას ხან ფეხით, ხან ხელის ფათურით იგნებდა. ორ ალაგას ღობეც გასარღვევი შეექნა, გზა რომ შეემოკლებინა და წისქვილის პირდაპირ ჰალაში გამოსულიყო.

გზაზე არაფერს ლაპარაკობდა, მხოლოდ ორჯერ დაეკითხა ტასიას: კარგად ზიხარ თუ არაო, და იმანაც უპასუხა კარგად ვზივარო, მხოლოდ ცხენს რაღა ეშველება, შეიძლება დაიკარგოსო.

— ცხენს რა უჭირს, — სიცილით მიუგო მაძინიამ. — ის, ალბათ, აღვირს გაწყვეტს და შინ წავა, ან ისინი იპოვნიან.

მართლა არ გასულა ხუთი წუთი, რომ ხევში კოტმა გაინავარდა,

ცხენი დაფრთხა, აღვირი გაწყვიტა, გზას გაჰყვა, ერთ ღობერაში ციხის ფერდისაყენ შეუხვია და იქ ბალახობა დაიწყო.

ტასიას მეტი ხმა არ ამოუღია და არც არაფერი მაძინიას უკითხავს, მხოლოდ ორ-სამჯერ მწარედ ამოიხსრა.

ამნაირად, მაძინიამ, როგორც იყო, ღიდ ფალაგემდე მიადწია. ტასია ფრთხილად ჩამოიყვანეს ჯორიდან. ძირს ნაბადი დააგეს და იმაზე დასვეს. ფარნას შეკითხვაზე, კარგადა ვარ, არაფერი არ მტკივაო, ამბობდა ტასია, მაგრამ ნამდვილად კი მთელ სხეულში ტკივილს გრძნობდა. გული საშინლად უცემდა და ცრემლი თვალთაგან ლაპალუპით სდიოდა.

— ა... ფარნა, შენი ჭირიმე, მე, ეს არის, რაც შემეძლო ჩემი მოვალეობა შეგვასრულე. კოსთაიას მოსვლამდი ფეხი არსად გადავთ, ის ალბათ ჩქარა მოვა. ახლა იმათ ალიაქოთი ექნებათ, მე კიდევ რამეში გამოვადგებოდით, მაგრამ მეშინია, ვინ იცის, სიფრთხილეს თავი არა ტკივა, შეიძლება წისქვილში შემოცვივდნენ და არა მნახონ, ექვეს აიღებენ, — მაძინიამ წასვლა გააპირა.

— სად მიდიხარ, მაძინია? ერთ წამს მომითმინე! — მოუთმენლად შიაძახა ფარნამ.

— რატომ?

— მომითმინე, მომითმინე, — ფარნამ ჯიბეში ფათური დაიწყო.

— მოვესწრებით, ნუ ჩქარობ.

— არა, არა, შენი ჭირიმე.

ფარნა დაეწია მიმავალ მაძინიას და რალაც გვარიანად ფართო ქალაღი ჩაუღო ხელში.

— მაღლობას არ გეტყვი, — დაუმატა მან, — რადგან შენ ისეთი საქმე მიყავი ამაღამ, რომ იმის მაღლობა ენით არ გამოითქმება. იცი, რომ ეს ამბავი არც მამაჩემმა, არც პეტრემ არ იცის. ივანეს გარდა კაცმა არ იცის. — ეს უთხრა, კისერზე ხელი შემოხვია და ერთიკ მაგრა აკოცა.

მაძინია სამოც წელს გადასული იყო და ჯერ ასეთი ტკბილი კოცნა არ გამოეცადა. რალაც გამოუცდელმა გრძნობამ გაუბრინა სხეულში, გული აუჩვილდა და ორი-სამი ცრემლიც გადმოაფრქვია.

ნახევარი საათის შემდეგ კოსთაია ტყობინჯელიაც გაჩნდა.

— ა-ა, მოგაგენით! სად დამალულან! ჩემი იმედი რომ არა ჰქონოდა თენგიზ შექრავას, მაყრად არც კი გამომაგზავნიდა. ხომ ვიპოვე გამოქცეული პატარძალი. კინაღამ ქორწილი არ ჩაგვეშალა! — ნახევარი ხმით დაილაპარაკა კოსთაიამ.

— ვაი, შენ რა გითხრა მეტი. — მიუგო ფარნამ.

— ათ თუმანს თუ კიდევ დამიმატებ, ხომ კარგი, თუ არა და ეს არის ვმართავ ყიჟინს.

— მეტი რა გითხრა შენ, — ისევ მიუგო ფარნამ.

— შენ ისე ილაპარაკე, აქ ბაკალიონის ვაჭრობა არ არის, აქ კანისწყლის პირია, აქ დავთარი და ჩოთქი არ გამოვადგება. იძლევი თუ არა კიდევ ათ თუმანს? თორემ, ა-ა!

ტასია, ცოტა არ იყოს, შეშფოთდა და ფარნას აკანკალებული ხელი წაავლო.

— ჰა, ჩემო ძმანო, — ხმდაშვებით თქვა კოსთაიამ. — ხუმრობა, ხუმრობაა და ის თქვენი მადინია ას კაცად ღირს, როგორც გინდა. ისე თქვი, მაგისტანა გამოქნილი კაცი ძვირია სწორედ. ახლა ვხედავდი, ზის წისქვილში ისე, თითქო ერთი თვე ფეხი არსად გაედგას. მერე სად იკლავს თავს ეს უბედური, ეს მიწაში ჩასაძვრომი, რა მისი საქმეა მეწისქვილეობა! იმასაც რომ ხელობა მოუძებნია. ეხ, გადავყვივი, კაცო. — აქ ხმა ძლიერ დაუშვა კოსთაიამ. — აქ ვინმე ყურს არ გვივდებდეს და არ მოგვეკიდოს ცეცხლი და გენია.

— ნუ გეშინია, აქ ეშმაკის და ჩიტის გარდა, ორასი საყენის სიახლოვეს ხორცშესხმული კაცი არაა.

— ეშმაკს... — შეუკურთხა კოსთაიამ. — ოხ, ვსკდები სიცილით, კაცო, იმდენი სასაცილო სალაპარაკო მაქვს ამდამ, ნახული და გამოვლილი. ღმერთმა თუ მშვიდობით მაჩვენა თქვენი თავი ფოთში, რომ მოვუხსნდებით მწვანე სუფრას, შენ რომ იცი, იმ ღვინით... ახ. ჰა. ერთი სიტყვით, ჰა! ბევრი ლაპარაკი და ყბედობაც არ ვარგა ახლა, ამის დრო არა გვაქვს, ვიჩქაროთ.

ფარნა მზადებას შეუდგა, ცხენს მოსართავებს უჭერდა.

— საბრალო სოლომონ შექრავა, — გააგრძელა კოსთაიამ, — ჩერჩეტი კაცის მეტი რა მინახავს და მაგისტანა კი მთელ ღვინაში მგონი არ მოიძებნება; თენგიზ შექრავამ თავკაცად გამომგზავნაო. მაგასაც რომ თავი ჰქონია, რომ ასეთი თავის არჩევა ცოდნია. აქეთობას გზაზე ტრაბახობით ყური გამომიჭედა. ასეთი კაცი ვარ, ასეთი კაცი ვარო. ფხიზელი კაცი ვარ მეტისმეტიო. შიშით კბილები ამიკანკალდა, დავიღუპე კაცი-მეთქი, ვამბობდი... და ნუ იტყვი, სვირული ღვინო რომ დაინახა, ანგელოზები დაავიწყდა. ღმერთო, შენ ამიშენე ბასილი ასეთი ღვინის მოტანისათვის და ისეთი ყანწების დაჭერი-სათვის. ყანწები ჰქონია, მარა რა ყანწები. იმ ხარების გუგუბას ვენაცვალე, რომელი ხარების თავსაც ისინი ერთ დროს ამშვენებდნენ. რომ გადავაყლურჭინე შენს სოლომონს ერთი, ორი, ხომ გადაპრაწა თვალები! სხვები კი, სალაპარაკო არაა. კოლოები არ გინახავს საწნა-

ხელში?.. ის ღვინო არ ყოფილიყო, შეიძლება უფრო საძნელო გამ-
ხდარიყო საქმე, თუმცა, არა მაგათი გამოგზავნილი მაყრები, საწყე-
ნად არ ვიტყვი, და აქაურებიც გათლილ კიტრად არ ღირებულან.
მაგათ პატარძალს კი არა, კაი ჯიშის ქათამს არ მივებარებ. კაცო,
აქედან ბიჭურამდი ავედით და არც ერთს არ გახსენებია პატარძალი
მოგვეყავს თუ არაო.

ფარნამ ცხენი გამოაწყო, ტასია ზედ შესვა, თვითონ ჯორზე შეჭ-
და და გასწიეს.

— საწყალი სოლომონ შექრავა... მე ფართო ფონისაკენ გამაგ-
ზავნა გზის შესაკრავად. რა გულუბრყვილო კაცი ყოფილა.

— ჩემზე უკვე აიღეს ეჭვი? — გაკვირვებით ჰკითხა ფარნამ.

— ძუკუმ მაშინათვე დაიძახა: — თოხიტარიამ გამოგვეკრა ყე-
ლიო.

ტასიამ ერთი მწარედ ამოიოხრა.

— იცი, ლაპარაკიც ბევრი არ ვარგა, — ჩუმად ჩაულაპარაკა კოს-
თაიამ ფარნას. — ქალის მდგომარეობაშიც უნდა შეხვიდე, კაცო.
რაც გინდა იყოს, დედ-მამა მინც დედ-მამაა. ქალი კი არა, გაწურუ-
ლი ოქრო ყოფილა. აშენებულის შვილი. კარგად რომ დაფიქრდე,
რაც ამან ამალამ გააკეთა, იშვიათად გაბედავს და იზამს ხოლმე ქალი.
დედ-მამის გარდა, რამდენ კაცს გამოკრა ყელი. აბა, მე შენ ახლა
მართალს გეტყვი. მე რომ პირდაპირ ამის წამყვანად წამოვსულიყავი
და ეს ჩემთვის სხვას ექნა, კოსთაია მოგიკედეს, თუ აქედან ცოცხა-
ლი წავიდოდი. რას ამბობ, კაცო!

კოსთაია წინ გაუძღვა და ფრთხილად. წყლის ნაპირ-ნაპირ გას-
წიეს. ფართო ფონს რომ გავიდნენ, ტასია და ფარნა შარავზაზე და-
ყენა და ცოტა კიდევ გააცილა.

— სად არიან შენი მაყრები? — ჰკითხა კოსთაიამ ფარნას.

— იქით, მარტონელა მუხასთან, ტყეში არიან ჩასადრებული.

— მე იქით არ წავალ, იცოდე, იმათ რომ დამინახონ. არ ვარგა.
ხომ არ იციან შენმა ბიჭებმა ჩემზე რამე?

— არა, იმათ სხვას რომ მიყავდა ქალი ამალამ, ისიც არ იციან,
მხოლოდ, როგორც ჩვეულებაა, გამოვიტყუებ და აქ მოვიყვან-მეთ-
ქი. ვუთხარი.

— კარგი. — კმაყოფილად მიუგო კოსთაიამ, — ახლა. ალბათ. ბა-
სილიც გაიგებდა. საბრალო სოლომონმა არ იცოდა, როგორ შეეტ-
ყობინებინა, ჰა! შენ ნახე რა სალაპარაკო გაჩნდება სოფელში. დიდს
და პატარას. ერთ-ორ თვეს მინც ეყოფა ახალ ამბად თითქმის ნა-
ხევარ მაზრას. ახლა გზა დამილოცნია. ზეგ ფოთში ვიქნები, იყო-

დე, შენ რომ იცი, ის ღვინო მოიმარაგე. მშვიდობით, მშვიდობით, თამამად იყავით, ნუ გეშინიათ. შენს მაყრებს რომ შეეყრები, მერე მხიარულად წახვალთ. ჯორი ბედაურია, ცხენიც რიგიანია, პავლიას გამოართვი?

— ღიანს!

— კარგი მოსიარულეა, აბა, ნახვამდის. წავალ, ერთს სოლომონსაც ვანუგეშებ. — ამ სიტყვებით ისინი ერთმანეთს გაშორდნენ.

XLIX

ისევ საბუთი

ბასილ მძებრადე მეტად დაღვრემილი იჯდა თავისი ოდის აივანზე და თამბაქოს აბოლებდა. მარიკაც იქვე შორი-ახლო იდგა. ისევ გამოცვლილიყო, რომ კარგად ვერც კი გამოიცნობდით. ძლიერ გამხდარიყო, თვალები ჩაცვენოდა. ბასილი, ეტყობოდა, ახლახან მოსულიყო საიდანაც, რადგან ჩექმა ეცვა, ხანჯალიც ეკიდა, ქუდი ეხურა, კისერზე ყაბალახი გადაეგდო და მათრახიც ხელში ეჭირა. მწარე ფიქრს იმდენად გაეტაცნა, რომ მათრახსაც ჯერჯერობით ხელიდან არ იშორებდა.

მოჯამაგირე ბიჭმა დარბაზის კარებიდან თავი გამოყო.

— ნახე? — ჰკითხა ბასილმა.

— მოდიან, ბატონო.

მართლაც, სახლის გვერდით ირაკლი და პავლე გამოჩნდნენ. ორივეს დაგლეჯილი ჩოხები ეცვათ, წულიდან სანახევროდ შიშველი ფეხები უჩანდათ. მათ სახეზე მხოლოდ ტირილი, შიმშილი და მწუხარება იხატებოდა. ორივენი ძლიერ გამხდარიყვნენ და სახეზე მოლურჯო ფერიც გადაფენოდათ.

— დედა, დედა, დედა, — მოთქმით შესწუწუნა მარიკამ და აივანზე ახლამოსულ ირაკლისა და პავლეს, თითქო არც კი ამჩნევსო, თავის დაკვრაზე პასუხიც არ გასცა, შეწუხებულად და თავის კანტურით ქმარს მიუბრუნდა: — ნუთუ, ნუთუ? შენ, შენი თვალით ნახე ის მასწავლებელი? ის კახპა, ისა! და მაგის თმა ხელზე არ დაიხვიე და სულ თრევა-თრევით და მათრახის ცემით აქ არ მოათრე! ჰმ, ჰმ, ჰმ... ან მართებლობამ და უფალმა პოლიციამ როგორ ინება, თუკი ყაზახმა ქალი გამოაჩინა, ქალი საქმესთან მოიყვანა, ყაზახი ნალბახჩში არ ჩააჯინა და კეთილშობილ კაცს თავისი ქალიშვილი არ დაუბრუნა. ვახთანგიდან მოყოლებული კალონი ასე უნდა იყოს.

— კიდეც დამიჯინა — ვახთანგის კალონი და ყაზახი, — გააჯავრა ბასილმა. — შენი ყაზახი რომ შემოვიდა, იმ შენმა პრისთავმა გაუცინა და ხელიც ქე ჩამოართვა.

— ვის?! — თითქმის მიაყვირა მარიკამ.

— „ვის?“ — გააჯავრა ბასილმა. — ვის და თოხიტარიას.

— დიღო, დიღო, დიღო, დიღო, ნეტავ მაშინ იქ ვყოფილიყავი, ნეტავ მაშინ იქ ვყოფილიყავი.

— იმდენი იხეირა შენმა გვერდებმა, რომ ყოფილიყავი, ჩემზე ბევრ რასმე შენ იქ გააკეთებდი, — უქმაყოფილოდ, თითქო თავისთვის ჩაილაპარაკა ბასილმა. — აბა, რა მექნა, კაცო, საკუთარი ხელით თავს ხომ ვერ მოვიკლავ, სხვას რას იზამ, როცა შენი შენვე გკლავს, — მიუბრუნდა ირაკლისა და პავლეს. — შენ ქალი მოიტაცეო? — ჰკითხეს თოხიტარიას.

— ნებით წამომყვავო, — მიუგო მან.

— ქალი სადღაა? — ჰკითხეს ისევ.

— აქ გახლავს, დასამალი და საძალადო არაფერი მაქვსო. ქალი შემოიყვანეს.

— უჰ, უჰ, უჰ! — თავის ქნევით და კბილების კაწკაწით წარმოთქვა მარიკამ. — მერე რათ გინდოდა ეს ხანჯალი! იქვე შუაზე გავაპობდი და ის იქნებოდა. რამდენი წიწილა შემოაკვდება კრუხს, ვინ იცის, მაგრამ იმისთვის ქვეყანა ხომ არ დაიქცევა.

— კიდეც! თავის სისულელეს რომ ვერ დაიშლის, — დინჯად თქვა ბასილმა და ისევ ირაკლისა და პავლეს მიუბრუნდა: — ის წყუულიც შემოიყვანეს. ფაფარიც არ დაუდრეკია. სრულწლოვანი ვარო, ვისაც მე მსურდა, იმას წავეყვიო. ეს კაცი მინდოდა და ახლაც მინდა ქმრადაო. მე ამაში საკვირველს არაფერს ვხედავ და მიკვირს, ამდენი კაცი რამ ააშფოთაო. შქერავას ჩემთან რა უნდა? რა პირობა მიმიცია, ჯვარი ხომ არ დაუწერია ჩემზეო?.. მართალია, ცოტა კი გაილანძლა ჩემგან, მაგრამ ისე არ მექნა, სხვა გზა არა მქონდაო და შქერავას წინ ბოდიშს ვიხდიო და თუ რაიმე ზარალი მივაყენე, მიბრძანოს და ფულით გაუუსწორდებიო! ამნაირად, ჩემო ძმაო, პირში ჩალაგამოვლებული დაგვტოვა ყველა. ქვეყანა იქ იყო, თვით ნაჩალიკი იქ ბრძანდებოდა, მაგრამ მაგიერი პასუხი ვერ მოახერხა. ისე ყველანი გაშტერებული შეჰყურებდნენ. იქვე, სანაჩალიკო სახლთან იმისთანა კრიალა ფაიტონი მოაყენა იმ კაცმა, ოთხი ცხენი ისეთი ება, რომ ცხვირიდან ცეცხლს აფრქვევდნენ. იქვე, ყველას თვალწინ, ჩაიჯინა ჩემი შვილი იმ კაცმა და ხრიგინ-ხრიგინით თვალებიდან მიგვეფარა. შემომითვალა: თუ მოწმობას გამომიგზავნი, კარგი იქნება,

სიმდაბლით გთხოვთ და თუ უარზე დადგებით, მეტი ჭირმა არ შეგ-
ჭამა, არც შენ და არც მე, იმისთვის საქმე გავიფუჭოო. და, აი, ჩემო
ძმაო...

— ეს ყველაფერი ალბათ ამ ქუსლმწკეული ყაზახის ბრალია,
ეს სულ იმის ხერხია, — ჩააკერა სიტყვა ირაკლიმ.

— ვისი? — ჰკითხა ბასილმა.

— ნიკოიასი.

— არა, რას მეუბნები? სად ნიკოია... ნიკოიაზე ადრე მგონია მე
შევიტყე. ტყუილად უმართლო კაცს დააბრალო, რა პატიოსნებაა.
ის ყოვლად უმიზეზოა ამ საქმეში. ის, ის კი არა, თავს იკლავდა. სა-
ჯაროდ თავის შვილს თავსლავი გადაასხა, მე დიდი ბოდიში და მო-
რიდება მითხრა, რას ჰქვია, ვის ჰქვია, რა ეცოლებოდა, ან მაგასთან
რა ხელი ჰქონდა, მაგ ჭირიანს, მაგასაო. ჯერ მაგის უფროსის უფ-
როსს არა ჰყავს ცოლიო და ეს რა ხანშიგადასული მყავდაო, ავარდა
და დავარდა საწყალი. სალდათობა ჯერ არ გაუთავებია მაგ კისერ-
მოსატეხსაო. რაღაც ორი გროშის საშოვნელად მყავდა მეგონა და
რა ალიაქოთი შემიყენა მაგ შეჩვენებულმა, მაგანაო. სულ ასე, პა-
რანას შობოდა. არა, მაგას რა ბრალი აქვს!

ბასილმა სული მოითქვა, ერთი-ორი ყალიონს მოუჰაპუნა და
ისევ განაგრძო:

— აქ, ამ საქმეში, ჩემო ძმაო, ბრალი მაქვს მე... მე, ბასილ მძებ-
რადეს. მე კი არა, ჩვენ. ჩვენ კი არა, დროებას. დრო... ე... ბას.
დროე... ბა... სს. ის ხომ ქალის ღირსი არც კი ყოფილა, შქერავე თუ
რაცბა ჭაკი ცხენია, ის გლახაკი ვინმე ყოფილა! ზუგდიდში ვხედავ-
დი და გახუნებული, ულაზათო ვინმე ყოფილა. გლახაკი რომ ყოფი-
ლა, კიდევ იმიტომ ვერ უშოვნია ღირსეული მაყარი. ვიღაც ცეკე-
რე, ცეკერე, ცეტი-ცეტი, თავიანთ ჩრდილს რომ ეთამაშებოდნენ,
იმისთანა ბალები და ლოთი და კარტოქნიკების მეტი რიგიანი კაცი
რომ ვერ მოუძებნია, ეს ხომ ჩვენი თვალით ვნახეთ. კოსთაია ტყო-
ბინჯელიას არ ვიცნობ? ის ორ ჭიქა ღვინოს რომ დალევს, ღმერთი
დაავიწყდება. — ბასილი ერთ ხანს დაფიქრდა. — აა!.. — წამოიძახა
რამდენიმე ხნის შემდეგ. — იცით, თქვენ რაზე მოგინებთ? — მიმარ-
თა ირაკლისა და პავლეს.

— ქალაღლიაო რაღაცაო, გავიგეთ, ბიძი, დეპუტატ საბრანიაა
თუ პირსუსტიია იქიდანაო, — ფრთხილად მიუგო ირაკლიმ.

— ოო, ჭე მინც, თუ ის ჩვენი საქმე გათავდა, — შენიშნა პავლემ.

— ვაი, ისე გაათავოს და ისე გადაწყვიტოს ღმერთმა ამბაკო

მღვდლის საქმე, იმან რომ რიგიანად გადაწყვიტა. კაცის საქმე რომ ვრთხელ წანამხთარა, მერე წანავალა და წანავალა.

— რა ამბავია — შეშინებულად წამოიძახა ორივე ძმამ და ლურჯი სახე კიდევ უფრო გაულურჯდათ.

— სასიამოვნო ბევრი არაფერი და თავსატეხი და სახარჯო კი ბევრი, — გულდამწვარად მიუგო ბასილმა. — პეტერბუხტიდან ჩენნი საქმე ისევ უკან დაუბრუნებიათ: საბუთში მერაბი წერიაო და მოწმეების ჩვენებაში ზოგისას მერაბი წერია, ზოგისას ბერაბიკაო და ორი მოწმე კი მერაბიას ასახელებსო; გარდა ამისა, ზოგ მოწმეს, არც მათ რწმუნებულებს, ხელი არ მოუწერიათ, მათ მაგივრად თვითონ გამომძიებელს მოუწერიათ. ხელახლა გამოიძიეთ და ისე გამოგზავნეთო.

ირაკლის და პავლეს, რომ დაგეკლათ, წვეთი სისხლი არ წამოუვიდოდათ.

— ღმერთო, შენ დააქციე მაგის ოჯახი, — მწარედ წარმოთქმეს მათ.

— მერე იცით, მერე იცით! — ცხარედ ამოიკენესა ბასილმა, — რას ჰქვია ეს ხელახლა გამოიძიეთო? ე. ი. სხვანაირად რომ ვთქვათ, აიღეთ და სულ უკანასკნელი ხუთასი მანეთი კიდევ დახარჯეთო.

ირაკლისა და პავლეს მკვდრის ფერი ეღოთ.

— აი, ჩემო ძმავ, შენი აზნაურობაც, მოდი და ეძიე ახლა. აი შენი საბუთიც. აი შენი გამომძიებელიც. რა უშობელი დავუკალი მაგ კირგაჩენილს, რამდენი ღვინო ჩაისხა მაგ ჩასაოხრებელ ხახაში... ეჰ, ამანაა, რომ გადამრია, ამანაა, რომ მომკლა კაცი, თორემ რაც მოხდა მოხდა. რა ვუყოი განა შვილი ჩემს გარდა სხვას არ მოკვდომია? მაგრამ ერთი მოკვდა, მოკვდა, და მეორე მხრივ, ყველანი რომ ცოცხლად გვედებით? ყველანი, მთელი რჯული, მთელი გვარი, მთლად ყველანი. ან სადღაა კიდევ ფული! ხელახლა გამოიძიება, ხელახლა მოწმეები. ახლა ისინიც ფეხს გააბიჯინებენ. იმათაც დაისწავლეს, ჩვენც საკირონი ვყოფილვართო. ისევ ახალი გამომძიებელი და ჯანაბა, ისევ ქრთამი და ამათ ყველას ფული, ფული და ფული, ფული და ფული! აა, თქვენ როგორ იტყვით, ა? — შეაჩერდა ბასილი ირაკლისა და პავლეს.

მათ თვალები კაკლის ტოლა გახდომოდათ.

— ა, რას იტყვით? სად არის ფული? ა... წისქვილის ქვემოთ ჭალა უნდა გავყიდო, ან ნიკოიას დავუგირავო. მაშ, როგორ? აბა, ჩემო მზახალო, ფულები მასენსხე-თქვა უნდა ვუთხრა? ა... როგორ მიბრძანებთ? ახლა საიდან მოვიტანო ფული? თოფი გაღვიკიდო და ვაპარ-

ურების გაცარცვას შევეუდგე ტახტის აზნაურობის მაძიებელმა? სხვა, აბა, როგორ? სამოცდაათი წლის კაცი ვარ. ჩემი შვილი ძუკუ მოარბენინებს ფულებს? აბა, რა მარდი ბიჭია! ღმერთო, მტერსაც ნუ გაუჩენ მაგისთანა შვილს-მეთქი, უნდა ვთქვა. ა, ჭალას დავაგირავებ, წისქვილს დავაგირავებ... სახლს ყავარი დაულბა, შიგნითაც ისე წვიმს, როგორც გარეთ, აივანზე ამოსასვლელი კიბე ჩალბა, ამათ ხომ გაკეთება უნდა, რით გააკეთებ? ყველაფერს დააგირავებ და აზნაურობაც მოგივა. მერე რას სკამ? აზნაურობას? ა, ვითომ? ვაითუ მარტო აზნაურობამ ვერ გაგვძღოს, ა? — თანდათან ბრაზმორეული ამბობდა ბასილი. — ჩემი ტასია თოხიტარიას არწევდეს იქნება აკვანში, ა? — აქ გული აუჩვილდა მოხუცს და მსხვილი კურცხლები გადმოცვივდა ჭერ კიდევ საღ თვალებიდან. მარია აქვითინდა და სვეტს მიეყრდნო.

— ა, — სული მოითქვა, გულის სიჩვილე დასძლია და ისევ სევდიანად განაგრძო: — მერაბის შვილიშვილი თოხიტარიას არწევდეს იქნება, ნანინას დამღეროდეს იქნება, — ახლა ღიდი ხნით გაჩუმდა და მერე ისევ ძმებს მიუბრუნდა: — თქვენ რას იტყვით? კიდევ დააგირავებთ რამეს?!

ირაკლიმ და პავლემ შემოხედეს, მაგრამ პასუხი ვეღარ მიუგეს. სიტყვების ნაცვლად, მათი თვალები ლაპარაკობდა: რომ არა დაგვრჩა რა დასაგირავებელიო.

ბასილმა, თითქო მიხედაო, მწარედ წამოიძახა:

— ჰო, არა დარჩა რა დასაგირავებელი. მაშ, აზნაურობა ხუმრობა გეგონათ? ტახტის აზნაურობა! დასაგირავებელიც არაფერი დაგვრჩა.


ბასილი გაჩუმდა, სამივენი ერთმანეთს გაკვირვებით შეჰყურებდნენ; თითქო ბუნებაც მათ თანაუგრძნობსო, არსაიდან ჩამიჩუმი არ ისმოდა.

— კვიტ, კვიტ, კვიტ, — დაარღვია სიჩუმე რაღაც ჩიტმა მახლობელ ხეზე.


— შრ..— დაიშრიალა ფოთლებმა და შემოდგომის ქარმა შემოუ-
სისინა არეშარეს.

რომანის დასასრული.






უკანონობა



-



სახარბიელო აღვილი

I

თუმცა ფოთისაკენ მიმავალ სახალხო მატარებლის მოსვლამდე ჯერ კიდევ ორი საათი იყო, მაგრამ ს-ის რკინიგზის სადგურზე ხალხი უკვე გროვდებოდა. ურმულ-ჩავლადრულ მიმოსვლას ჩვეული ხალხი რკინიგზის სისწრაფესთან დროს საკმაოდ ვერ აფასებდა და იქ, სადაც ივანე მგზავრობას ნახევარი საათი უნდებოდა, მგზავრობისათვის მომზადებას სამ-ოთხ საათს ანდომებდა. ისიც უნდა ვთქვათ, რომ მგზავრის ფსიქოლოგია ჩვენში მაინც თავისებურია. ის თითქო არ ენდობა ცხრილში ნაჩვენებ დროს, ეშინია არ დამავციანდესო და რამდენიმე საათი სადგურზე ტყუილ-უბრალოდ ელოდება მატარებელს.

ს-ის სადგური მისვლა-მოსვლის და აღებ-მიცემობის მხრივ ერთი ცოცხალი ადგილთაგანი იყო და ამიტომ მატარებელს ხალხი მუდამ ბლომად უხვდებოდა. სადგურს მგზავრების და მათი გამყოლ-შემხვედრელის გარდა მოსეირნე ხალხიც არ აკლდა. დაბაში არ იყო არც კლუბი, არც თეატრი, არც სხვა რამ კულტურული გასართობი და ყველა ამათ მაგიერობას რკინიგზის სადგური ასრულებდა. მატარებლის მოსვლის წინ აქ ნახავდით ყოველი ჯურის ხალხს. აქ იყო გლეხი, მუშა, აზნაური, მოხელე, ვაჭარი, მასწავლებლობა, მოსწავლე ახალგაზრდობა, ცოლები, დედები და დები.

დღეს ამ კაცთა ჭრელ კრებას კიდევ უფრო აჭრელებდა ერთი გარემოება, სახელდობრ, თვალსაჩინოდ ბევრი იყო ანათორიანი ხალხი, ე. ი. სამღვდლოება. მართალია, იმ ხანებში ანათორიანები განსაკუთრებით გამრავლდნენ, რადგან მღვდლობა ნიეთიერ შემოსავლის გარდა სხვა სოციალურ პრივილეგიებსაც ანიჭებდა კაცს. აზნაურებდა, როგორც მაშინ იტყოდნენ ხოლმე, ხოლო აზნაურო-

ბისადმი მიმზიდველობა კოლხიდაში მობინადრე ხალხს, აშკარად უნდა ვთქვათ, ბუნებით თანდაყოლილი აქვს. მაგრამ დღეს სადგურზე ანათორიანების არაჩვეულებრივი სიუხვე იყო. ბატონყმობის გადავარდნის შემდეგ მღვდლობა-აზნაურობა ჩვეულებრივ აზნაურობაზე გაცილებით ხელსაყრელი შეიქნა და ხალხიც ამ დარგს წაეტანა. და წაეტანა მით უფრო, რომ ამ ხარისხის საშოვნელად ამ ხანებში ერთგვარი მოკლე გზა გაიხსნა. პირობები ისეთი შეიქნა, რომ მღვდლის ხარისხის მისაღებად ყველასათვის საჭირო არ იყო უსათუოდ სემინარიაში მრავალ წლობით თავის მტკრევა. ცოტაოდენი ჟამნ-დავითნის უაზროდ ჩაბუღბუღება, კაი ნაცნობობა, და განსაკუთრებით თვალსაჩინო ბანოვანებისა; კიდევ ცოტა რამ ხელის კუჭკუი (რაც ქვეყნის გაჩენიდან წონასწორობას ამყარებს დედამიწის მთელ სიგრძე-სიგანეზე) — და ყველა მამრობითი სქესის ჰასაკით სრულწლოვანს და წერა-კითხვის მცოდნეს შეეძლო ეოცნება მღვდელი გამხდარიყო.

რამდენად მატარებლის მოსვლის დრო ახლოვდებოდა, იმდენად ქალი და კაცი მეტი გროვდებოდა სადგურის ბაქანზე და ანათორიანებიც ხშირდებოდა, ასე რომ, ყოველ ათ კაცში ერთი მაინც ანათორიანი გამოვიდოდა. მათშიც იყო განსხვავება ხარისხის და წოდების მიხედვით. აი, მამა ბლალოჩინ-დეკანოზი პავლე მახარაძე, ხანში შესული, ახოვანი კაცი, აბრეშუმის ანათორა აცვია, გულზე ოქროს ჯვარი, ხოლო მკერდზე ორი ორდენი, — ერთი ანნასი მეოთხე ხარისხისა, ხოლო მეორე კავკასიაში მართლმადიდებლობის აღმადგენელი საზოგადოების წევრობისა. პირველი „ჯილდოა“, „უმადლესი“, ბოძებული, ხოლო მეორე ნაყიდი, საწევრო ხუთი თუმნის შეტანით. დეკანოზს თავი ღირსეულად უქირავს.

მას თან ახლავს მღვდელი იოანე, შუახნის კაცი, საკმაოდ ჩასუქებული, გულზე ვერცხლის ჯვრით, მკერდზე მხოლოდ მედლით. სუფთად აცვია და კმაყოფილად გამოიყურება. მათ შორიახლო მორიდებით მისდევს სისო ნანაძე. იგი ოცდაათიოდ წლისაა, არც ჯვარი ჰკიდია და არც მედალი, ეს ჯერ მღვდელიც არ არის, მთავარდიაკონია. ტანზე გახუნებული სატინის ანათორა აცვია, თავზე ძველი, არშიაგაცვეთილი ჩალის ქუდი ჰხურავს, ფეხზე წაღები აცვია. ბუნებით ცუდი შესახედავი კაცი არაა, მაგრამ რალაც გულდათუთქულად გამოიყურება და თავდაღუნული დადის.

სადგურის ბაქანი თითქმის გაივსო მოსეირნე ხალხით, საცაა ორთქლმავლის ბუმბერაზი თვალები სადგურზე შემოანათებს. სალაროსთან ბილეთების ასაღებად ხალხი შეჯგუფებულია, საბარგო გან-

ყოფილებაში გაჭიმული მუშაობაა. საერთოდ, ყველას ნერვიულობა ეხატება სახეზე.

მხოლოდ მატარებლის მიმოსვლის ნიშნის მიმცემი დარაჯი კოსთაია, რომელიც უკვე ხუთმეტი წელიწადია, რაც ამ თანამდებობაზე მსახურობს, მატარებლის მოძრაობის წესრიგს ისე შეეჩვია, რომ არც მისი მოსვლა აღელვებს და არც წასვლა. ის ახლაც დგას ზარის ქვეშ და გულგრილად ელის მატარებლის მოსვლას და სადგურის მორიგის მიერ მოცემულ ნიშანს დარეკვისათვის.

— კოსთაიას გაუმარჯოს, — მილაპარაკა ერთმა შავ ჩოხაში გამოწყობილმა და ყაბალახით თავწაკრულმა გლეხმა და კოსთაიას წინ გაჩერდა.

— აა, ბასილიკა, შენა? საით?

— აქეთ, ფოთისკენ გეახლები. რაღაც ნავსადგურზე სამუშევარი იშოვებო და მიედვიარ ერთი-ორი გროშის საშოვნელად. სიმინდები მეორედ უკვე გავთოხნე და ერთი-ორი კვირა ცოტას წავიმუშავებ, ხომ იცი, ოჯახის პატრონი.

— კარგია, კარგი დაგემართოს. ამბობენ გემია საჭკირთავიო, გუშინაც მიდიოდნენ ბიჭებბ, — კვერი დაუკრა კოსთაიამ.

— სხვა, კოსთაია, როგორ გიკითხო?

— მაღლობთ, გახლავარ. მაგრამ, კაცო, ეს მღვდლები რამ აშალა დღეს! რამდენი ხანია აქ ვმსახურობ და ამდენი ერთად არ მინახავს და, როგორც სჩანს, ყველანი ფოთისაკენ მიდიან.

— მაშ არა და, სტამბოლში წავლენ, მათი ბატონი აქ არის. მართლაც, კაცო, რამდენია შეხედე. აა, დეკანოზიც აქ ყოფილა, მე რომ ჯვარი დამწერა, ისიც, კოსთია ჩოჩუა. როგორ ფაფარადრეკილი მოდეს, დარი აქ დამდგარი, დარი. ო, ერთი ჩამიგლო მისი თავი ქურჩის ტყეში.

— ჰე, რა ამბავია, ბასილიკა, ეტყობა, იმ მღვდელს ძლიერ ემდურბი.

— დასამდურებელი არა მაქვს თუ, კაცო, ხუთმეტი მანეთი გადამახდევინა ჯვრისწერაში. ერთი კაპიკი არ დაიკლო. ორ საათს ვვაჭრობდით, არ იქნა საშველი.

— მამალი ღვდელი ყოფილა, — სიცილით ჩაილაპარაკა კოსთაიამ.

— მამალია, მაშა, კაი ყაზახი კია, ყურუმსალი. ან რა კარგად ცხოვრობს, რომ იცოდე! ჰა, საწყალი, შეხედე ანდრია ცახუჯიც* აქ

* ცახუჯი — მთავარი.

ყოფილა. ეს ქუდი ინჯინერმა აჩუქა შარშანწინ, სულ გახუნებია, უწყინარი კაცი კია საწყალი.

— თქვენი სოფლელია?

— მეზობელია ჩემი. იცი, კოსთაია, რა გითხრა! შენ ნუ გაგეცინება. ახლა ამ ხალხს რომ ვუყურებ, ჩემი ყანა მაგონდება, თითო კაცი თითქო თითო ღერი სიბისდია, და ეს ღვდლები მათში ისეა შერეული აქა-იქ, როგორც ლობიო სიმინდში.

— ჰა, ჰა, — გადაიხარხარა კოსთაიამ.

ბასილიკასაც გაეცინა და უნდოდა რაღაც კიდევ ეთქვა, მაგრამ ამ დროს მატარებელმა ქშენით შემოანათა სადგურის წინ და კოსთაიამაც ზარის დარეკვის ნიშანი მიიღო, ხოლო ბასილიკა მატარებლისაკენ გაეშურა.

მატარებლის ვაგონების ასასვლელ კარებთან ნამდვილი ხელჩართული ბრძოლა გაიმართა. ჩამსვლელ-ამსვლელნი, ვაგონის კიბეებზე პირისპირ შეჯახებულები, ერთიმეორეს გზას არ უთმობდნენ. ისმოდნენ ერთი ყვირილი, ლანძღვა-გინება და წყევლა-კრულვა. მაინც ხუთიოდ წუთის განმავლობაში ჩამომსვლელნი ჩამოვიდნენ, წამსვლელი ავიდნენ და მატარებელიც ჩვეულებრივ გზას გაუდგა. ერთ-ერთი ვაგონის კუთხეში ჩვენი უკვე ნაცნობი ბასილიკა, გვარად ჯაბია, იჯდა, დაკეცილი ნაბადი, თოკით შეკრული, მუხლზე ედო. მის გვერდით ერთი მაღალი ტანის, შავ ჩოხაში გამოწყობილი ხმელ-ხმელი შავწვერა, შუახნის კაცი იჯდა. მის მომდევნოდ გურია-სამეგრელოს შავი ზღვის სანაპიროებში ცნობილი მეფართლე ებრაელი ყობოია თავის ბარგიბარხანას ალაგებდა. ორი სავსე ტომარა თაროებზე დაეწყო, ორი ხურჩინი სკამებქვეშ ჩაელაგებინა და ახლა ორი ბოხჩის საიმედო ალაგას ჩასაკვეხებელ ადგილს ეძებდა; ერთი ბოხჩა ხელში ეჭირა და ნერვიულად თვალებს აქეთ-იქით აცეცებდა და თან სქელ და ლოყებთან განზე გაზრდილ წვერებზე ხელს ისვამდა. როგორც იყო, ბოხჩებიც მიალაგა, სკამზე ჩამოჯდა და წითელი ხელსახოცით შუბლი და პირი მოიწმინდა. მის გვერდით, ე. ი. სკამის ბოლოში, ერთი ქალარა, საშუალოდ ჩაცმული, ჯვრიანი მღვდელი იჯდა. მათ მოპირდაპირედ სხვა ოთხნი ისხდნენ: ერთი ანაფორიანი, ერთი კაკარდიანი ჩინოვნიკი, ერთი ევროპულ ყაიდაზე გამოწყობილი, ალბათ ვაჭარი, და ერთი დედაკაცი, რომელსაც კინძვებში გახვეული ძუძუმწოვარა ბავშვი ეჭირა, და ერთიც ორიოდე წლის ეაყი დედის მუხლებს მიბჯენოდა.

— ახ, პატროსანო მღვდელო, უკაცრავად, ამ ჩაჩუტების დალა-

გებაში ვერც კი შეგამჩნიეთ, — ცქვიტად მიესალმა ყობოია ჯერიანს, როცა სახე მოიწმინდა და აქეთ-იქით მიიხედა.

— ყობოიას გაუმარჯოს, — ღიმილით მიუგო მღვდელმა, — მეც არ შეგაწუხებთ. ძლიერ იყავით გართული მაგ ბარგის დალაგებაში.

— რა ვქნათ, პატიოსანო მღვდელო, — მიუგო ყობოიამ, — გაჰკირდა ცხოვრება, თუ ასე არ იტანჯე, ცოლ-შვილს ვერ არჩენ. ყველაფერი თუ საბარგო განყოფილებაში მიეცი, პურის ფული არ დაგრჩება. ეიტანჯებით, ვიტანჯებით, პატიოსანო მღვდელო, — საცოდავად დაუმატა ყობომ, სახე ერთხელ კიდევ მოიწმინდა და ზამთარ-ზაფხულ მის ტანიდან განუშორებელი, მარადეამ გაუცვეთელი ტილოს თავისებური სამოსი, რომელიც არც ევროპულსა ჰგავდა, არც ანაფორას, არც ახალუხს, მიასწორ-მოასწორა.

ყობოს ყველა იქ მსხდომი იცნობდა და ყველას ჩაეცინა.

— აბა, შე საცოდავო, პურის ფული არ გრჩება, — ღიმილით შენიშნა მღვდელმა.

— შენი მაკურთხებლის მადლმა, პატიოსანო მღვდელო, წრეულს სულ ზარალში ვარ. ამ ნისიებმა სულ გამაწყალეს, — მწუხარებით ამბობდა ყობო.

ებრაელის სიტყვებს კი საერთო ხარხარი მიეგება. იქ მყოფი დედაკაციც გულიანად იცინოდა და მტირალ ბავშუს ნელ-ნელა არწევდა. თვით ყობოც იცინოდა და ხალხს ათვალეირებდა. თითქმის ყველა იცნო და თავის გამართლებას თავი დაანება. არათუ ყველანი იცნო, ისიც გაახსენდა, ვის რა ფართალი როლის მიყიდა. თითოეულიდან რამდენი მოიგო. მღვდელს ქალიშვილის მზითვეისათვის ფართალი მიუტანა და კარგად გაახსენდა, რომ ორი საათის ვაჭრობის განმავლობაში ორი მანეთი ნაღდი მოიგო. საქონელს უმთავრესად კვირაცხოვლობას იაფობაში ყიდულობდა თბილისში და ახალი საქონლის სახით ასალებდა სოფლებში. თითონ სუჯუნელი იყო. ორი სახლი ქუთაისში ჰქონდა, ერთი თბილისში და ორასიოდ ათასი მანეთი ნაღდი ფული ბანკში. ტანისამოსი მუდამ დაგლეჯილი ეცვა, სჭამდა კვერცხსა და პურს და კვირაში ორჯერ სჭამდა თითო პატარა ჭიქა არაყს.

მატარებელმა მდინარე ცივის ხიდი გაიარა და ქვალონის ქაობებში ქოშინ-ქოშინით გაინავარდა.

— რა ამბავია, მამაო ვასილ, — დაეკითხა კაკარდიანი ჯერიან მღვდელს. — ამდენი მღვდელი რომ ფოთისაკენ მიდიხართ, სოფლებში ვინდა დარჩა? რომ გაჰკირდეს, უზიაროთ ამოწყდება ხალხი, რაშია საქმე? ყოვლად სამღვდელოს ქორწილი ხომ არა აქვს?

— დაქორწილებულები მისი არაა, ხათაბალაში თავს რად ჩაიდებდეს, — სიტყვა მოუჭრა ვაჭარმა.

— არა, დიდი ვაკანცია გაიხსნა, მღვდელი სოფრომა პერტაშვილი გარდაიცვალა და ამანაა რაც აშალა ამოდენა ხალხი, — დინჯად მიუგო მღვდელმა.

— აბა, საწყალი სოფრომ, — ინაღვლა ჩოხიანმა კაცმა და ქარქაშის ტყავშემოგლეჯილ ხანჯალზე ხელი გაიკრა და თან უღვაში გადისწორა. — კაი კაცი იყო, კაი ოჯახის კაცი, დიდი პურ-მარილის, კაი სულმოდგმული.

— მეც ვიცნობდი, მეც, — გაერია ჩვეულებრივი აღტაცებით ყობოია, — ლულა-კარის წმინდა გიორგის მღვდელი იყო, წინეთ იქითკენ დამქონდა სვაკპრო. სწორედ მეწყინა, ღმერთმა განუსვენოს.

„ჰა, მაშ რას აურევია ეს ხალხი“, — გაიფიქრა გლენხმა ბასილიკამ, მაგრამ თქმით კი არა თქვა რა.

— მგონი უშვილო იყო, — თქვა ჩინოვნიკმა.

— დიახ, ბატონო, უშვილო. შვილი თავის დღეში არ გაჩენია, — თავმდაბლად მიუგო მთავარდიაკონმა.

— სამრევლოს აქებენ. აბა ნახე, მართლა რა კორიანტელი ატყდეს. ნეტავ ვის მიცემენ მრევლს, — თქვა ვაჭარმა.

— ვინ იცის, ქვეყანა კი დაესია, დიდ შეხლა-შემოხლას და ბრძოლას ექნება ადგილი, — განმარტა მღვდელმა.

— ბევრი კაცი მოითბობს ხელს, — თქვა ჩინოვნიკმა.

— აჰა, ჰაია, — ამოიოხრა დიაკონმა.

— შენც ხომ მღვდლის ადგილის სათხოვნელად არ მიდიხარ, ივანე? — გაეხუმრა ვაჭარი შავჩოხიან კაცს.

შავჩოხიანმა კვლავ ხანჯალზე გაიკრა ხელი, შემდეგ უღვაში გადაისწორა და ნაღვლიანად ვაჭარს შეაჩერდა.

— შენ ხუმრობ, გიორგი, და რაც მე ამ დავიდარაბაში ფული ჩავლუპე, რომ მომენდომებია, მღვდლად კიდევ მაკურთხებდა.

— რაში, ივანე?

— ამ ოხერ აზნაურობის ძიებაში. გავწყალდი კაცი, მეტი არა ვარ. ეს საბუთიო, ეს მეტრიკაო, ახლა ეს ოცდახუთი ჩინოსანის ხელის მოწერაო, აგერ ერთი თვეა მაგაზე დავდივარ. ოცდასამ კაცს უკვე მოვაწერინე ხელი. ორი კაცი დამრჩა. სახეში მყავდა ერთი მილიციის პრაპორშიკი, თავადი ბუჭა ბუჭაძე და მეორე. პრაპორშიკი იოსებ ხალამაძე. როგორც მოგეხსენებათ, ხელწიფე მობრძანდა თბილისში 1888 წელს. საპატიო ყარაული იყო და მაშინ მიიღო ეს ჩინი. ბუჭა გუშინ თბილისში წასულა, სამ დღეს იქ დარჩებო. იო-

სებმა კი დილის მატარებლით გამომასწრო, სუხუმში წასულა და აი, მეც მას მივსდევ, პარახოტი ხვალ თორმეტ საათზე გადის და მინდა მივუსწრო, მოვბრუნდები და იმდენხანს ბუჟაც ჩამოვა.

— და ამნაირად ამ ორ დღეში ორი კურდღელი გინდა დაიჭირო?

— ეს დასაქციევი ამოვარდა. სირცხვილია, კაცო, მამაპაპეული ღირსება არ მინდა დავეკარგო, თორემ, როგორც მოგახსენეთ, რაც ფული ეს მიზის.

ვაჭარმა და ჩინოვნიკმა ერთიმეორეს შეხედეს და ჩუმად ჩაიცი-ნეს. მღვდელმა მთავარდიაკონს გადახედა და თვალით რალაც ანიშნა.

— ვინ არის ეს კაცი? — ჩუმად ჰკითხა ჩინოვნიკმა ვაჭარს.

— ივანე ჩაკიბაია?

— ივანე ჩაჩიბაია?

— არა, ჩაკიბაია.

— მერე, ეს სადაური აზნაურია?

— ახალი მოდის.

ჩინოვნიკმა კოპი შეიკრა და ცალი თვალთ ივანეს ახედა.

— კი, ბატონებო, მაგრამ ერთ სისულელეს მეც ვიტყვი, — და არღვია სიჩუმე ბასილიკა გლენმა. — მღვდელი გარდაცვლილა, ადგილი გახსნილია. ეს მესმის. მღვდლის ალაგს დიაკონი უნდა აკურთხოვონ, ესეც მესმის. მარა ეს ღეკანოზები და მღვდლები ამდენი რომ მიდის, ეს კი ვერ გამიგია.

ერთ ხანს პასუხი არავინ გასცა. მხოლოდ მთავარდიაკონმა მწარედ ამოიოხრა.

— ე, ბაბაია, — პატარა ხნის სიჩუმის შემდეგ ნელა შენიშნა მღვდელმა, — ანლანდელ დროში, ვთქვით, ერთი მღვდელი მოკვდა. როგორ გგონია, ადგებიან და მის ადგილზე ვინმე დიაკონს აკურთხებენ და მორჩა საქმე? ეეე, ამის მეტი ჰქირმა ნუ შეგჭამა. აქ დიდი ბრძოლაა, დიდი ადგილების გაცვლა-გამოცვლა. განსვენებულის ადგილას ვინმე შედარებით მდარე მრევლის მღვდელს გადმოიყვანენ, ან უკეთ, თვითონ შეეცდება გადმოვიდეს. მის ადგილას კიდევ სხვა გადმოვა... დაბოლოს, ერთ-ერთ მთავარს მღვდლად აკურთხებენ და საბოლოოდ უბრალო დიაკონსაც მთავრად მიაყოლებენ. ამნაირად ვაიჩარხება საქმე.





ს ა ლ დ ა თ ო გ ა *

ყავრით გადახურული, ლამაზად გაკეთებული კიშკარი ოდნავ აკრიჰინდა და ქვაცა ღორებუღიამ ცხენი ეზოში შემოახტუნა. ის იყო ორმოცდაათი წლის, ჯერ კიდევ საღად შენახული გლეხი. მოწითაწი წვერს ჭაღარა აქა-იქ ერია. დიდი, მოღუნული ცხვირი და ოდნავ ბეცი თვალების მეოხებით, სილამაზეს ვერ დაიკვეხნიდა, მაგრამ კმაყოფილი გამომეტყველება, ჩასკვნილი აგებულება და თამამი მიხრამობხრა პირველ ნახვითვე კაცს მიიზიდავდა.

მის მისვლისთანავე ეზოში ერთი ჩოჩქოლი შეიქმნა. სამზადი სახლიდან მისი ცოლი, ელენე, თითისტარით და მატყლით ხელში საჩქაროდ გამოვიდა და ქმრისაკენ თვალმიშტერებული მიიჩქაროდა, თითქო უსიტყვოდ უნდა მიხვდეს, ქმარმა რიგიანი ამბავი მოიტანა თუ არაო. ოდის აივანზე ქვაცას გასათხოვარი ქალიშვილი, ბარბალე, რაღაც საკერავს ჰკერავდა, მაგრამ მამის დანახვისთანავე, იმანაც საჩქაროდ საკერავი მიაგდო და მამისაკენ გაეშურა. ამასობაში ქვაცაც მოვიდა და სამზადი სახლის წინ ცხენიდან ჩამოხტა. მსუქანი და მარჯვე ცხენი მუცლის ქვემოთ სველი იყო, ეტყობოდა, პატრონს ღრმა წყალში შეეყვანა.

— ბეგო სადღაა? — მისალმების მაგივრად იკითხა ქვაცამ.

— თოლიგე, რა ამბავია? — ცოტა არ იყოს, დაშინებული კილოთი შეეკითხა ცოლი პასუხის მაგიერ.

ამ დროს სახლის გვერდიდან აუჩქარებლად ერთი ასე ოცი წლის მაღალ-მაღალი, ჯან-ლონით სავსე, ცოტა არ იყოს ფერმკრთალი და მოწყენილი ჭაბუკი გამოჩნდა.

— აბა, ბაბაი, ბეგო, ეს ცხენი დააბინავე, სიმინდი ახლავე აჭამო, არა უშავს რა, ხირხუს აქეთ სულ ნელი ნაბიჯით მომყავდა, წყალ-

* სათაური პირობითია. — ს. ც.

შიაც ამოვასველე. კაი ცხენი გამოდგა. არა. ამაზე არ მიზარაღნია,—
კმაყოფილად თქვა ქვაცამ და ლაგამი ახალმოსულს გაუწოდა. შვილ-
მა თვალეებში შეატყო, რომ მამას საქმე სასურველად მოეგვარებინა.
ოდნავ აღელდა, მამას ცხენი გამოართვა და თავლისაკენ გასწია.

— რა ამბავი მოიტანე, ჰო, — განუხეორეს ცოლმა და ქალი-
შვილმა ერთად.

— რა მოვიტანე, ის მე ვიცი, ქვაცამ იცის, — ცოტა მოამაყედ
თქვა მან და სახლში შევიდა.

ქვაცა ღორებულთა შეძლებული გლეხთაგანი იყო. მამამისმა
ჯგობრივად ჯერ კიდევ ბატონყმობის დროსვე თავი დაიხსნა მება-
ტონესაგან. შინაური საქონლის, ძროხა-ხარკის მოშენებას მისდევ-
და და სულმოდგმულ გლეხად ითვლებოდა. ქვაცა ძმებს კარგა ხანია
გამოეყო და ცალკე ცხოვრობდა, მაგრამ ძმებთან კეთილგანწყობი-
ლება ჰქონდა და საზოგადოდ მათი ოჯახი ერთი საუკეთესო ოჯახ-
თაგანი იყო სოფელში.

ქვაცამ წაბლის მშვენიერი ოთხთვალი ოდა ააშენა. ეზოში კოინ-
დარი დათესა, გარშემო მესერი შემოავლო და გადახურული ჰიშკა-
რი ჩადგა.

თვითონ ალივით მუშა იყო. საქმეში არც შვილები ჩამოუვარდ-
ბოდნენ. ორი ვაჟიშვილი ჰყავდა, ერთი ოცდახუთი წლისა იყო, მეო-
რე ოცისა. უფროსი შვილი სალდათობიდან განთავისუფლდა, რო-
გორც უფროს შვილს შეღავათი მისცეს. უმცროსს. ბეგოს კი კენჭი
წრეულს უნდა ამოეღო და ეს იყო მთელი ოჯახის სადარდებელი და
საგოდებელი ამ დროებით. სანამ დრო არ მოახლოვდა. ქვაცა ბევრ
ყურადღებას არ აქცევდა, ალბათ ღმერთი მოწყალეაო. თიქრობდა.
ალბათ, ალბათო, გულს იმაგრებდა და ყოველდღიურ საქმის ბეჯი-
თად აგრძელებდა. გაზაფხულ და ზაფხულში დილით ადრე რიყრაყ-
ზე დგებოდა და ყანაში მირობოდა, ხნავდა, თესავდა. მარგოავდა...
უფროს შვილთან ერთად. უმცროსს—ბეგოს კი. კამეჩ-ურეში ჰყავ-
და გაწყობილი და სიმინდს ეზიდებოდა მახლობელი დაბებისაკენ.

მამაკაცებს არც დედა, იაცები ჩამოუვარდებოდნენ. ქვაცას ცოლი
ელენე და ქალიშვილი ბარბაღე წელიწადში სამ-ოთხ ფუთ აბრე-
შუმის პარკს მაინც მოიწვედნენ, ოთხ-ხუთ საჩოხე შალს მაინც მოქ-
სოვდნენ გასაყიდად და მამაკაცებსაც თავიანთი ნაქსოვით მოსაყ-
დნენ: ერთი სიტყვით, ქვაცა ღორებულის ოჯახი წარმოადგენდა ერთ
მცირერიცხოვან სკას. სადაც ყველა წევრი მუშა ფუტკარივით შრო-
მობდა და ფუსფუსებდა. თუმცა როგორც სკაში თურქარს. ისე ქვა-
ცასაც ცხოვრებაში ათასნაირი ქვეყნიური მოუწყობლობა, შური-

უსამართლობა და სხვანი და სხვანი მიზეზნი, რომელთა არა არს რიცხვად, ხელს უშლიდნენ, ვნებას აყენებდნენ, მაგრამ საკმაო თავლი მაინც რჩებოდა და ქვაცაც, თავისი ცხოვრებით კმაყოფილი, ღმერთს მადლობას სწირავდა. მაგრამ აი, ერთ მშვენიერ დღეს, სოფლის სასამართლოში ჯარში გასაწვევი ახალგაზრდა ბიჭების სია გამოაკრეს. სიაში შუა ალაგას გამოკიმული იყო ბეგო ქვაცას ძე ღორებულაო. ამის გაგონებამ, რადგან თვითონ ქვაცამ კითხვა არ იცოდა, მხოლოდ უთხრეს ასე და ასეა საქმეო, ქვაცას და მთელად მის ოჯახს თავზარი დასცა. თუმცა ყველამ იცოდა, რომ დღეს თუ ხვალ ეს ამბავი მოსალოდნელი იყო, მაგრამ ყველანი მაინც გულს ინუგეშებდნენ, ალბათაო ღმერთი შეგვეწვევო, მაგრამ სიცხადემ თავის გამოჩენა არ დააყოვნა.

— აიტ, ახლა რა ვქნა, — ამბობდა ქვაცა. — წაიყვანენ, წაიყვანენ, ექვი არაა. არავითარი გოტა მაგას არა აქვს. გოტამ კინტირია ხომ გამოთავისუფლა. ეს, კინტირიასთვის ცოლი შემერთო და ცალკე დამესახლებინა, შეიძლება რამე მშველებოდა. მაგრამ არა, მე ხომ ჯერ ჩველი ვარ. სამოცი წლის უნდა იყოს კაციო, კალონი ასეთიაო. არა, არა, წაიყვანენ და მე შენ გეტყვი, სუსტია, ან ზომასი არ მოვა? არშინი არ მიუწვდება გულ-მკერდზე ყაზახს. დავიღუპე კაცი, — ნაღვლობდა ქვაცა. ნაღვლობდნენ დანარჩენებიც.

ბეგოსაც მოეწყინა და თუმცა ჯანს არ იტეხდა და არაფრად აგლებდა, მაგრამ მისი სულიერი მდგომარეობა ნათლად იხატებოდა მის სახეზე და ძალაუნებურად ამხელდა. რაც დრო გადიოდა, ჭაბუკს უფრო და უფრო მოწყენა ეტყობოდა. აგერ, ოთხი თვეც და კენჭი უნდა ამოიღოს. ქვაცა აქეთ ეცა, იქით ეცა, ვის არ ჰკითხა, ვის არ შეეხვეწა, არჩია, იფიქრა და ბოლოს გამოაწყო რიგიანი ძღვენი და თავად ა-ს ეახლა. თავად ა-ს, მისი ბრწყინვალეების სხვა ღირსებასთან, სახელი გავარდნილი ჰქონდა ახალგაზრდა ბიჭების სალდათობისაგან განმათავისუფლებელის.

თავად ა-ს გვარიანი კარგი თანამდებობა ექირა და საზოგადოებაშიაც ცნობილი იყო, როგორც პატიოსანი. თავაზიანი და გულკეთილი მოხელე. და აი, ქვაცაც ამ გულკეთილ მოხელეს ეახლა, თავისი სული ჩააბარა, როგორც თვითონ ამბობდა.





უ ბ ე ღ უ რ ი ბ ა

მიკიტან ივანე პრასაძეს დღეს კარგი ვაჭრობა ჰქონდა; ორი თუნგი არაყი და ოთხი ფუთი ღვინო გაასალა. შემწვარი გოჭიდან და ინდაურიდან რალაც ხაბაკხუბაკებილა დარჩა. ქვაბში ერთი კოვზი ჩიხირთმა არ დარჩენილიყო. არც კი ახსოვს რამდენჯერ ააგებინეს ცხვრისა თუ ღორის მწვადები. დილით დამზადებულის გარდა სამჯერ მოიტანა ათ-ათი შოთი მეთონედან.

ცხრის ნახევარი იყო და ჯერ ივანეს სადილი არ ექამა. მუშტრეებისაგან მორთმეული ღვინო თუ არაყი კი მრავალი გადაყლურჯა. ყველას ერთნაირი მოლიმარი სახით ლოცაედა და უღიმოდა.

მუშტრეები ცოტ-ცოტად შეთხელდნენ და ბოლოს ორი-სამი მაწანწალა ლოთილა დარჩა. მათ ივანე ისე უყურებდა, როგორც აუცილებელ სურდოს ან თავის ტკივილს. ივანემ ვერცხლის ქამარში ჩარქობილი ცხვირსახოცით სახე მოიწმინდა და დახლში სკამზე დაემევა.

— ბიჭო, სამწვადე აღარ დარჩა? — გადასძახა თავის ნოქარს. რომელიც დახლის გვერდით ქურქლეულობას რეცხდა. — ერთი ნოამზადე რამე. ჩვენც ხომ ღვთისაგან გაჩენილი ადამიანები ვართ. ამდენი ხალხი გაგვიძლია და დაგვიფერია. ჩვენი თავიც უნდა გავიხსენოთ.

ნოქარს ამის გახსენება სრულებით არ ეჭირებოდა. მას უკვე მიეღო საჭირო ზომები. ღორის, ცხვრის და ძროხის სამწვადე ხორცი, რაც დარჩენილიყო, ორ დიდ შამფურზე აეგო და ქურანზე აეშიშხინებინა.

ივანემ ერთი მიიხედა მაწანწალებისაკენ, რომლებიც დახლის მოშორებით კუთხეში მაგიდას უსხდნენ, წინ თითო-თითო ჭიქა არაყი და პურის ნაჭერი ედოთ და მუსაიფობდნენ. ივანემ მათ ზურგი აქცია, დახლი გამოაღო და ფულის თვლა დაიწყო. ჯერ ფულს ერთგვარი კვალიფიკაცია გაუკეთა: მანეთიანი, სამმანეთიანი და ხუთმა-

ნეთიანი ცალ-ცალკე დააწყო და შემდეგ დათვალა. თან თვლიდა და თან ჩქარ-ჩქარა მარცხენა ცერს ნერწყვით ასველებდა.

— არა უშავს რა, მადლობა ღმერთს, — სიამოვნებით ჩაილაპარაკა მან. — შერცხვენილი ვიყო, თუ კვირას ხატის წინ ერთი კარგი კელაპტარი არ დავანთო. ეხ, წასულ კვირასაც მინდოდა დამენთო და ვერ მოვიცალე. მომავალ კვირას კი ცოლს მაინც გავგზავნი, რომ ღმერთს მადლობა შესწიროს.

ამასობაში ნოქარმა ფართო თეფშზე დალაგებული, ახლად შემწვარი მწვადები მოიტანა, პურის და საუზმის დაწყობას შეუდგა. დახლზე სუფრა უკვე გაშლილი იყო და ივანე და მისი ნოქარი ის იყო ჭამას უნდა შედგომოდნენ, რომ კარი გაიღო და სამიკიტნოში მახლობელი სადარაჯოს პოლიციელი შემოვიდა.

— ჰა, სწორედ შენ მოგელოდი, — მხიარულად გაეხმაურა ივანე, — კაცო, ერთი კვირაა, რაც არ გამოჩენილხარ. აბა, ბიჭო, სკამი მოართვი... აქეთ, აქეთ, პეტრე, აი აქ, პირდაპირ დაბრძანდი. დღეს საგანგებოდ ახალი ტიკტორა მოვხსენი, ისეთი ღვინო დაგაღვივინო, რომ...

პოლიციელმა ბევრი არ მოიბოდიშა, დახლს მიუჯდა და სამთავენი საკმელს მადიანად შეექცნენ.

— სხვა, პეტრე, ახალს რას იტყვი?


— ცუდს, ივანე, უბედურება, უბედურება. კვლავ ხოლერა გაჩენილა.

— ჰა! ღმერთო, შენ დაგვიფარე, — პირჯვარი გადაიწერა ივანემ.

— ბაქოდან ცუდი ამბები მოდის, იქ თურმე ათობით ქუჩაში ეცემა ხალხი. აქ სასტიკ ზომებს იღებენ. ბრძანებაა, სისუფთავე უნდა დაიცვათო. განსაკუთრებით ყურადღებას აქცევენ სამიკიტნოსასადილოებს. ხვალ იქნებ დუქანი გაგისინჯონ და იმიტომაც შემოვიარე, რომ გაგაფრთხილო. საჭირო ზომები უნდა მიიღო, თორემ დაგაჯარიმებენ.

— გმადლობ, ჩემო პეტრე, მე ხომ სისუფთავე ძლიერ მიყვარს, სულ პატარძალივით მორთული მაქვს დუქან-ეზო. მაგრამ ამ ხალხში. — ხელით ანიშნა კუთხეში მსხდომებისაკენ. — აბა, რა სისუფთავეს დაიცავ. რაჯულის მადლმა, დღეს ექვსჯერ გადაგავა ბიჭმა დუქანი. ერთი ცოცხი ორ დღეში გვიცვდება.





კატროსნება და უკატროსნება

სააღდგომო ესკიზი

იმ ქუჩაზე თითქმის ყველა სახლი სამსართულიანი იყო. წინა პირი ყველას თეთრად მოალიბასტრებული ჰქონდა. შედარებით ქუჩა წმინდად ინახებოდა და თუ არ პირველთაგანი, საუკეთესოთაგანად მაინც ითვლებოდა მრავალრიცხოვან ქალაქში. ხალხიც ყველა პატროსანი და რიგიანი ცხოვრობდა ამ ქუჩაზე. ურემსა და მძიმე ტვირთის გადასატან ეტლს ამ ქუჩაზე პოლიცია არ გაატარებდა, მხოლოდ კოპწია, რეზინიანი ეტლების ნელი ბრიგინი თუ არღვევდა ხანდისხან აქაურ სიჩუმეს.

აი, მოადგა ერთ-ერთ სახლს ლამაზი ეტლი. მდიდრულად ჩაცმული ვაჟკაცი მარდად გადმოხტა ეტლიდან, ხელოვნურად ჩაჩუქურთმებულ კარებს მიუახლოვდა და ელექტრონის ზარს ხელი დააჭირა. ორი წუთის შემდეგ ის მესამე სართულის ერთ-ერთ ძვირფას მორთულ სასტუმრო ოთახში ხვევრდგადაკრულ სავარძელში იჯდა. მის გვერდით ეპკვიუტანელ სიმორეზე სავარძელშივე განისვენებდა საკმაოდ შესქელებული, გულ-მკერდ მომრგვალებული, გრძელ, საშინაო აბრეშუმის კაბაში გამოწყობილი დიასახლისი.

— გუშინწინ რად არ მოხვედი? ჩემი ბრძანება უცვლელად უნდა იქნას შესრულებული, — უსაყვედურა ქალმა და ცალი თვალით დაუბღვირა, მაგრამ მეორე თვალით ისე მიეაღერსა. რომ ვაჟკაცმა ვერ მოითმინა და ფუნთუშა მაჯაზე ხელი წაავლო.

— ვერ მოვიცალე, ჩემო სულის ჩამდგმელო, — მიუგო აერულებულმა ვაჟკაცმა და მაჯიდან ხელის ფათური ზორბა მკლავსაც შეაყოლა.

— სუ, ჩუმად! — დინჯად მიუგო ქალმა და კარებისაკენ ფრთხილად მიიჭედა. — უცბად მოსამსახურე გოგო რომ შემოვიდეს, მაშინ

რას მეუბნები? — ვაჟკაცის ხელი მოიშორა და სავარძელში გასწორდა. — ახლა ხომ ვნების კვირაა, მაგისტანები ხომ დიდი ცოდვაა, — ღიმილით გააგრძელა ქალმა. — სჯობიან დღეს ჭკუიანურ რამეზე ვილაპარაკოთ. ან თუგინდ იმაზე, თუ როგორ მოვემზადე სააღდგომოდ. ჯერ ჩემგან დავიწყებ. სამი კაბა შევაკერიწე. უნდა იცოდე, რომ საუკეთესო ხელოსანმა შეპკერა და ძლიერ კობტადაც მადგია ტანზე. ფართალიც საუკეთესო მალაზიაშია ნაყიდი. შლიაპა გამოვიწერე; ოცდახუთი მანეთი დამიჯდა, აქ სამ თუმნადაც ვერ ვიშოვნიდი. ორი ფუთი პასკა მზადა მაქვს. გირვანქა მანეთი ღირს, როგორც ერთი შაური. ისიც უდაჩნი მომივიდა. გოქებს, ინდაურებს, ღორებს და სხვა წვრილმანებს ნუ იკითხავ. საუკეთესო ხიზილალა და ნამდვილი კახური ღვინო დღეს დილით მივიღე. ხვალ რომ მოხვალ და ოფიციალურ საპასეჟო დარბაზობას გადაგიხდი, მაშინ შენ თვითონ დარწმუნდები, თუ რა ნიჭიერი დიასახლისი ვარ და ჩემი გემოვნების სიღიადესაც ღირსებით დააფასებ.

— წინდაწინვე ვაფასებ, ჩემო ღვთაებავ, — ლულულუღებდა ვაჟკაცი, რომელსაც პასქის ამბავი სრულებით არ აინტერესებდა და არც დიასახლისის ნიჭი. მას მხოლოდ იზიდავდა თხელი ფართლის ქვემოდან ბროლივით თეთრად მოელვარე, შერგვალებული მკლავის კანი და იმას ეპოტინებოდა.

— სუ-მეთქი, გენაცვალე, — იწყინა ქალმა. — სამზარეულოში მთელი შტატი დომესტნიკებისა ფაციფუცობს. ყოველ წუთს შემოდინ და მომახსენებენ, თუ რა როგორ გააკეთონ და მეც ბრძანებას ვაძლევ: ეს ასე და ეს ასე-მეთქი და ჩემი ნაბრძანები ყოველთვის ჩინებული გამოდის. ახლა რომ შემოვიდეს ვინმე და თავზე წაგვადგეს ხომ დავიღუპებით.

— ერთხელ მაინც მაკოცე, — დაეღრიჯა ვაჟკაცი.

ქალმა ფრთხილად მიმოიხედა, კაცი გულში ჩაიკრა და აჩქარებით მაგრა აკოცა.

— ახლა კი გაუჩქარე, სულიკო, თორემ, ჩემი ქმარი საცაა მოვა. ხვალ კი, დიდ დღესასწაულს ზრდილობიანი დარბაზობა გავვიკეთებ. ზეგ კი ჩემი ქმარი მორიგეა, მოსამსახურე გოგოებსაც სასეირნოდ დავითხოვ და საათის სამზე ან ოთხზე შენც მოდი. ახლა კი ჰაიდა, ორ უარ.

ვაჟკაცი საჩქაროდ წავიდა.

• • •

იმავე სახლის ქვედა სართულის ერთ-ერთ ოთახში ტახტზე წამოწოლილიყო ასე (სახელი და გვარი დამავიწყდა, ან რა საჭიროა) ოცდახუთი წლის უფერო და უხორცო, მაგრამ ლამაზი სახის და მოხდენილი აგებულების ქალი და დაფიქრებული იყურებოდა.

„ხვალ აღდგომაა, პასეჟი“, — გაიფიქრა მან. გაახსენდა ბავშვობა, თუ რა გულუბრყვილო სიხარულით ეგებებოდა ამ დღესასწაულს. გაახსენდა დედაც, რომელსაც გემრიელი პასეჟების გამოცხობაში ბადალი არ ჰყავდა იმ არემარეში, გაახსენდა გიმნაზიაც, უდროოდ სწავლის შეწყვეტა, ყმაწვილკაცობა და სხვა ათასგვარი ერთი მეორეზე საზარელი და საზიზღარი ხანა თავისი უკვე გავლილი ცხოვრებისა.

ახლა იგი თავისუფალი ქალია, მამა კი ხანია მოუკვდა, დედისაგან სამი წელიწადია წერილი არ მიუღია, იქნება ისიც გარდაიცვალა. ერთი თვეა, რაც დაიჭირა ეს ოთახი. ქვედა სართულია და ცოტა არ იყოს, მოისარდაფებს, მაგრამ ღირსებაც ბევრი აქვს. თავი და თავი ღირსება ის არის, რომ ქუჩიდან საკუთარი შემოსასვლელი კარები აქვს, თითქო განზრახ მისთვის გაუკეთებიათო. ასე რომ სტუმრებს თამამად შეუძლიათ მასთან მისვლა. ოთახი სუფთაა, სინათლეც საკმაო, როცა საჭიროა, და ქუჩაც რიგიანი, სულ რჩეული ხალხი ცხოვრობს.


„ხვალ აღდგომაა. ეს ერთი თვე გვარიანად ვიშოვე ფული. რალაც-რალაცები მოვამზადე, ტანისამოსიც ახალი შევიკერე, მხოლოდ შლიაპა ახალი არა მაქვს და ამისთანა შლიაპით ამ გაზაფხულზე ზედაც არავინ შემხედავს. მიმაკაცებს ხომ შლიაპა-კაბა ხიბლავს და არა ადამიანი. მაშ, დღესაც უნდა წავინადირო ცოტა. თორემ ორი მანეთილა დამრჩა,“ — გაიფიქრა კვლავ ქალმა და მორთვა-მოკაზმვას შეუდგა.

• • •

— რა იყო, დუშკა, რა ყოფილა აურზაურის მიზეზი? — გადასძახა მესამე სართულის რკინის მოაჯირიდან კკუიანმა დიასახლისმა ქმარს, რომელიც ამ რამდენიმე წუთის წინ ქვედა სართულთან რალაც მომხდარ აურზაურის შესატყობად ძირს ჩავიდა.

— ახლავე, ძვირფასო, ახლავე — ამოსძახა ქმარმა.

— დაიშალეთ, დაიშალეთ! — ხმამაღლა იძახდა პოლიციელი და ვეებერთელა ხიშტიან თოფს ჯონხვით აქეთ-იქით აქნევდა, რომ ხელდახელ შეგროვილი ხალხი დაშლილიყო...



სამართო საგონებელი

პეტრე ვერის დაღმართზე მიდიოდა. თავისაქინდრული და ნოწყინ-
 ნადო იყო. ახალი, კონტად შეკერილი პალტო, რომელსაც სხვა
 დროს ასეთი მოწიწებით იცვამდა, ახლა მხარზე უშნოდ გადაეგდო
 და მიუხედავად გიორგობისთვის საკმაოდ საგრძნობელი სიცოვისა,
 ქულისაც ძალძალ ისდიდა და მელოტ თავზე ხელს ისვამდა, თითქო
 ივლისის პაპანაქება აწუხებდნო. ახლად დაგებულ ქვაფენილზე ხალ-
 ხი ბლომად მიდი-მოდიოდა, მაგრამ პეტრე არავის ამჩნევდა. იმდენ-
 ნად გაითულიყო თავის ფიქრ-დარდებში, რომ პირდაპირ შეხვედ-
 რილ მოსიარულეთაც ყურადღებას არ აქცევდა, რომ დროით გზა
 აექცია და არ დატაკებოდა. აი კიდეც დაეტაკა ერთ მაღალ ქუდიან
 კაცს. პეტრე გამოერკვა, მაგრამ იმდენად აირია, რომ ბოდიშის მოხ-
 დასაც ვერ მიხვდა. მაღალ ქუდიანმა რაღაც ბრაზით წაიღუღუნა და
 თავისი გზა გააგრძელა. „კიდეც არ დავეტაკო ვისმე, ეს სავერანე“ —
 გაიფიქრა პეტრემ და სწორედ ამ დროს ქალის ვეებერთელა შლია-
 პის ფერად-ფერადი ფარფლისაგან გამოჭრილი ყვავილები ცხვირზე
 მოხვდა.

— უზრდელი, ღვინით გაბრუებული იქნება ალბათ, — ჩაილაპა-
 რაკა შლიაპოსანმა.

პეტრე შეერთა და ნოწყინილ გულზე კიდეც რაღაც მეტი წყენა
 იგრძნო. დღეს ერთი წვეთი ღვინო არ დაელია. პალტო მხარზე გაის-
 წორა და ქუჩის მეორე ნაპირს გაჰყვა. „აქაც დაუგიათ ქვაფენილი. ეს
 როდის გაუკეთებიათ ნეტავ“ — ფიქრობდა ის, — „ჰო, ეს ის ადგი-
 ლია, სადაც წყვეულ 5 იანვარს ტრავის ვაგონი დაიმსხვრა. უბე-
 დურნი, რამდენი ცაცო უნახავს“. პეტრეს თვალწინ წარმოუდგა
 ხელ-ფეხმომტვრეულნი, სრულნი მოსვრილნი, რომლებიც ეტლე-
 ბით საავადმყოფოსაგან მხარეთა. ამ საზარელ სცენას იმ საღამოს
 თვითონ დაესწრო.

„აქ ჭობია სიარული, ხალხიც ნაკლებად დადის. აი ვერის ხიდიც, — ამბობდა გულში პეტრე, — რამდენჯერმე მომხდარა, რომ აქედანაც გადავარდნილან და დაღუპულან. არც გასამტყუნარნი რიან. მოვა წამი, რომ კაცი მართლაც გაიშეტებ თავსა. სახლიდან რომ გამოვედი მაშინ, იქვე ეს ხიდი რომ ყოფილიყო, შეიძლება მეც გულში გამეველო გადავარდნა. ან ვისთვისაა რა საჭიროა ასეთი გაძაღლებული სიცოცხლე!“

— პეტრე. პეტრე! — მოესმა უკანიდან.

პეტრემ წმითვე იცნო. ეს მისი მეგობარი იოსებ ვესახეაძე იყო.

— რა ხანია, კაცო, გეძახი, მთელი ეს მოკაზმულ, მოუმარილებელ ბანოვანთა გროვა შემომაჩერდა, ისე გავკიოდი შენს სახელს და შენ კი კაკუტივით დაგიხრია თავი და მითხარაკობ.

— ერთი შენცა, — — მიუგო პეტრემ და გაჩერდა.

— ვა, კაცო, რა დაგმართნია, როგორი ფერი გადევს, ეს პალტოც როგორ გადაგიგდია, თითქო ხეჩუას სარდაფიდან ახლა ამოსულიყო. მართლაც და ერთი ხეჩუასთან ჩაეიაროთ. ისეთი ახალი მაკჷარი მოუტანია, რომ ერთი ჭიქაც რომ დალიო, ყოველივე დარღვარამს გააქარწყლებსო.

ნახევარი საათის შემდეგ ორივე მეგობარი ხეჩოს სარდაფში იჯდა.

— აბა, ხეჩო, ერთი შენი ჭირიმე, კაი მაკჷარი.

— ამ საათში, შენი ჭირიმე, ისეთი მოგართვა, ვაზის ძირის შადლმა, რომ ნამდვილი მოსკოვსკი.

— მაკჷარი მოსკოვსკი? — დაეკითხა პეტრე.

— წმინდა.

— მოსკოვსკი მაკჷარი შენ საქელეხედ შეინახე. ჩვენ კი კახური ჩამოგვისხი.

მეგობრებმა რამდენიმე ჭიქა გადაჰკრეს. პეტრეც თანდათან გამხიარულდა. იოსები კი ამბობდა:

— რა მიხარია, მეგობარო, რომ შეგხვდი, მეც რომ სახლიდან გამოვედი, ისეთი გაბრაზებული ვიყავი. დანა რომ მქონოდა, გულში ჩავიკრავდი, მაგრამ თანდათან გამიარა. შენ რომ შეიგხვდი, სულ დაემშვიდდი, შვილები ნუ მომიყვებდა. ჰა, აიღე, ეს შენი სადღეგრძელო იყოს. როგორც ჩემი კარგი მეგობრისა... კაი მაკჷარია. მართლაც ხომ კაი მაკჷარია. მე, ძმაო, ერთი, ცხოვრებაში დასჯილი კაცი ვარ, ცუდად არ ვიქცევი. თვიური ჭამაგირი მუდამ შინ მიმაქვს, არ ვლოთობ. ხანდისხან, აი, როგორც დღეს, ერთ ბოთლ ღვინოს თუ დავლეგ მეგობრებთან. თორემ სხვა არაფერი, ეს კი რა ლოთობაა.

ბანქოს ფულზე არ ვთამაშობ, მაგრამ არ გამივიდა, კაცო, არაფერ• ჩემ ცოლთან. მუდამ ჯავრობს. მუდამ მეჩხუბება. დღეს სულ უმიზნოდ ამიტყდა საეშმაკოდ, ჩემმა ერთმა მეზობელმა თავის ცოლს ახალი შლიაპა უყიდა. მოდიხა არისო. იმერული გიდელი არ გინახავს, ყურძნის საკრეფი, სწორედ იმას მოგაგონებს. მოყვა ჩემი ცოლი საყვედურს: მე შენ ვადამრიე, თორემ სხვას ვისმე გავყოლოდი, ასეთ სილატაკეში არ ჩავვარდებოდიო. ათას რასმე მპირდებოდი და არაფერი გვაქვსო და სხვა და სხვა. მეეტლეების და მეეზოვეების ცოლები ჩემზე უკეთ ჩაცმულ-დახურული დადიანო. საჭმელი ხეირიანი არა გვაქვსო და სასმელიო. ბავშვები ტიტვლები დაგვიდისო. ღმერთო, მაღალო, თუ ხარ სადმე. წითურ-წითური ურია რომ დიდის მიწირილმანე. მარტო იმას ვაძლევ თვეში ერთ თუმანს. სახლის პატრონა, მეპურეს, მეხორცეს, მიფართლეს სულ ყვილას ნალდად ვუსწორდები. ერთი კი არა, ოთხი შლიაპა აქვს ჩემს ცოლს. ხუთთუმნიანი პალტო ვუყიდე შარშან. კაბების ანგარიში არ ვიცი. საცა კი შოიხედავ ჩემ სახლში, ყველგან ქალის კაბა მოგხვდება. ის კი აზბობს, ტიტველი დავდივარო. არა, სავალალო ესაა, რომ მასთან ლაპარაკი და დაჯერება არ შეიძლება. თუ ერთხელ თქვა არაო. მორჩა და გათავდა, გერმანიის იმპერატორიც რომ მოუყვანო, ვერ გადაათქმევინებს. მოდი და ამისთანა ადამიანთან იცხოვრე.

— ეჰე, ჰე! შენ ჩემი იკითხე, — ამოიოხრა და გააწყვეტინა პეტრე, — მე დღეს შენ რომ არ შეგხვედროდი, შეიძლება ვერის ხიდიდან გადავვარდნილიყავი კიდევ, ისეთ გუნებაზე გახლდი. მივდიოდი, მაგრამ ჩემ თავს ანგარიშს არ ვაძლედი. მგონი რამდენიმე კაცს და ქალს დავეტაკე კიდევ გზაზე. ერთი, სამხედრო წესებია და რევოლვერი არა მაქვს, თორემ, დღეს ისე გამაბრაზა ჩემმა ცოლმა, რომ იმასაც მოვკლავდი და თავსაც მოვიკლავდი. კაცო, შენი საქმე სულ სხვაა. შენ ჩემთან შედარებით ბედნიერი ყოფილხარ. ნეტავ წამიჩხუბებოდეს, ან გამლანძღავდეს. ან რასმე მისაყვიდურებდეს, რაღა მიპირს. ხმას რომ გამაგონებს, თითქო ერთი ფუთი ოქროვერცხლი ეჩუქებინოს. დაჯდება და გაიბუტება. არ კამს და არ სვამს. რაც გინდა ელაპარაკო. გაუჯავრდე, ნახევარ სიტყვას არ გეტყვის, თავი ჩამოიხრჩო, კრინტს არ დასძრავს. თითქო ქანდაკებააო, მიჯდება ერთ კუთხეში და არის ისე გაქვავებული.

დღეს ჩემი ბიძაშვილი მესტუმრა. სრული თხუთმეტი წელიწადია არ მენახა. რა თქმა უნდა, გამიხარდა. აბა, სონაჯან. ერთი შენებურად დაფაცურდი, დღეს გემრიელი პური გვაქვამე მე და ჩემს ბიძა-

შვილს-მეთქი. რაღაც-რაღაცეები მე თვითონ მოვარბენინე ბაზრიდან.

— ჩემი ბიძაშვილი რომ მოვიდეს, მაშინ კი არ დაფაცურდება ასე, — ჩუმად, ძლივს გასაგონად ჩაილაპარაკა თავისთვის.

ეს სიტყვები ისე ცივად, ისეთი მშრალი მოურიგებელი კილოთი იყო წარმოთქმული, რომ მთელ ტანში ისარივით დამიარა. საშინლად მეწყინა, მაგრამ თავი შევიმაგრე. სამსახურიდან დავბრუნდი. მოვიდა ჩემი ბიძაშვილიც. ჩემმა ცოლმა სუფრა გაშალა, მაგრამ ვაი ამისთანა გაშლას. ამკარად გაბუტული და გულმოსული, თეფშებს მაგიდაზე ისე ალაგარდულად ალაგებდა, როგორც უიღბლო მოთამაშე ბანქოს ფურცლებს მთელი ფულის წაგების შემდეგ.

ესეც მოვითმინე, მაგრამ როცა პურის ქამაზე დავსხედით და სონა მეორე ოთახში წამოწვა და ჩვენთან არ მოვიდა, სწორედ გითხრა, მოთმინების ფილა ამეცსო, მიზეზს დავეკითხე. თავი მოიავადმყოფა. რის ავადმყოფობა! ნეტავ მე და შენ ვიყოთ ისე ჭანსალი. მაშინ კი დავიჭექე, სადილიც ჩამიშხამდა, მაგრამ იმას ვეუქრობდი, ჩემი ბიძაშვილი არ ყოფილიყო...

— ეხ, კაცო, მესმის, — გააწყვეტინა იოსებმა, — თანაგვირძნობ, ორთავენი, ეტყობა, ერთ ტაფაში ვიწვით. სიანჩხლე ცეცხლია, მაგრამ მეტიმეტი სიჩუმეც ნიაღვარია... მაშ, კიდევ დავლიოთ.

— დავლიოთ, — ბრაზით წარმოთქვა პეტრემ.

— ეს ღმერთმა აცოცხლოს ის ქალი. რომელიც ქმარს არ აჯავრებს, არ ანჩხლობს. მე, ძმაო, ქალის სიმშვენიერედ სიჩუმე მიმაჩნია.

— ეი, შენც ერთი, რას ამბობ, ღმერთმა ის ქალი აცოცხლოს, რომელიც ხმას მაინც ამოიღებს, მსჯელობს, ბაასობს. ქვაც რომ იყოს, შევესმენ.

— შეასმენ, მეტი შენ არ გაიხარე, — იჭლანებოდა იოსები.

— შევესმენ.

— ბოლოკის კუდს ვერ შეასმენ. ჯერ ის დალიე.

— ვსევამ სწორედ ასეთი ქალის სადღეგრძელოს.

— ასეთი ჩემი ცოლია.

— ღმერთმა აცოცხლოს.

ხეჩუამ მესამე ბოთლიც მოიტანა.

მეგობრები ყურჩამოყრილები ისხდნენ და ღვინოს ნელ-ნელა წრუპავდნენ.

— არა, მართლა, რისთვის არის, — უგულოდ წარმოთქვა პეტრემ, — ზოგიერთ კაცს რომ მართლა შესანიშნავი კაი ხასიათის ცო-
35. უიარაღო

ლი ჰყავს? მოყვარული, დარბაისელი, მიმხვდარი. აი თუგინდ ჩვენს თანამოსამსახურეს, ივანეს.

— ვანიკოს ისე გრძნობიერად დაკაშაშებს ცოლი, რომ იტყვი, თითქო მთელი სული და გული შიგ ჩაატანაო.

— რაო, სულიკო, ისეთი გრძნობით, მიუგებს ივანეც, რომ კაცს რაღაც იმედი ჩაგესახება, გული მოგიღბება, შენი მწუხარება დაგავიწყდება. ისიც კარგია, რომ სადმე მაინც არის კაცი ბედნიერი.

— მართალია, ღმერთმა აი, სწორედ ის ქალი აცოცხლოს, თუმცა ის, რა ჰქვია მაგ ივანეს ცოლს?

— დარიკო.

— ჰო, დარიკო ხომ იშვიათი მოვლენაა.

— აცოცხლოს, აცოცხლოს, თუ კაცი ხარ, გამოსცალე.

— მართლა რომ ბედნიერი ოჯახია ვანოს ოჯახი, — ამბობდნენ ორივენი.

სამი ბოთლს გამოცლის შემდეგ მეგობრები ქუჩაში გამოვიდნენ და კარგა ხანს სეირნობდნენ.

— რომელი საათია? — ჰკითხა პეტრემ. — საათიც არ წამომიღია.

— სრული რვა საათია.

— ძოღი ერთი, იოსებ, ვანოსთან წავიდეთ, დავტკბეთ სხვისი ბედნიერებით მაინც.

იოსებმა საორჭოფოდ თავი გაიქნია.

— ჰა, წამოდი.

— არა, ძმაო, მე ვანოსთან ვერ წავალ. მე სხვაგან უნდა წავიდე. თხუთმეტი წელიწადია ერთი გროში ჯამაგირი არ მოუმატებიათ. მინდა ერთ კაცთან შევიარო, რომ მისაშველოს.

პეტრე ისევ მარტო მიდიოდა. პალტო ჩაეცვა და ღვინისაგან შეხურებულს, უფრო საღი და მხიარული ელფერი სცემდა.

გადაწყვიტა ივანესთან წასულიყო და, როგორც ამბობდა, სხვისი ბედნიერებით მაინც დამტკბარიყო.

გაიარა რამდენიმე ქუჩა, მოუხვია მარჯვნივ და ვორონცოვის ძეგლთან ამოჰყო თავი. გაჰყვა ნელ-ნელა და ნახევარი საათის შემდეგ მთაწმინდის ერთ-ერთ საკმაოდ სუფთა ქუჩაზე ახლად აგებულ სამ სართულიან სახლის კარებთან იდგა. ამ სახლში იდგა ივანე. პეტრემ ზარი ღარეკა. მოსამსახურე გოგო გამოვიდა. პეტრე იცნო და რაღაც საორჭოფოდ ჩაიცინა.

— ვანო შინ არის, დარიკო შინ არის? — იკითხა პეტრემ.

— ვანო შინ გახლავთ, — მიუგო გოგომ და კიდევ იმგვარადვე ჩაიცინა.

პეტრეს გონება წინდაწინვე ხატავდა ოჯახური ბედნიერების იდეალს, რომლის ცოცხალ სახედ ივანე და მისი ცოლი, დარიკო მიაჩნდა. „ვანო და დარიკო ალბათ სხედან მაგიდასთან. ვანო წიგნს კითხულობს; დარიკო რამე ხელსაქმეს აკეთებს, თან ყურს უგდებს და თან მოყვარულ თვალებს ქმარს არ აშორებს, ხან ჩაიცინებს, ხან დინჯ გამომეტყველებას მიიღებს. ბავშვებს ან სძინავთ, ან იქვე შორიასლო თამაშობენ. მაგიდაზე ხილი, ჩაი და მურაბა აწყვია. ორთავენი შეექცევიან და ტკბებიან. ნეტავ მათ, ნეტავ მათ!“ — ფიქრობდა პეტრე, როცა პალტო გაიხადა და ოთახში შესვლას აპირებდა.

პირველ წუთს ნახულმა ცოტა არ იყოს იმედი გაუცრუა. სანოვანით გაბრწყინებული მაგიდა არსად ჩანდა. სახლში საკმაო სიბნელე იყო გამეფებული. მხოლოდ ერთ ოთახში საწერ მაგიდაზე ბეჭეტივდა პატარა ლამპა. მაგიდასთან იჯდა ივანე. თმა გაბურქნული, რაღაც ძველ ჩახეულ, გახუნებულ ბლუზაში გამოწყობილი, მაგიდაზე ნიდაყვით დაყრდნობოდა და გაბუტული სახით უაზროდ კედელზე ერთ წერტილს შეჰყურებდა.

მაგრამ ყველაზე ცუდი ის იყო, რომ თვით თავი და თავი მიზეზი იდეალური ოჯახისა, დარიკო, არსად ჩანდა, მაგრამ ივანეს მინც შორიდანვე მიემხიარულა.

პეტრეს დანახვაზე ივანემ წარბი შეიკუმუნა, ტუჩებიც უკმაყოფილოდ მიმობურცა, მაგრამ მეგობარს, მინც მიეახლა და შეეცადა მხიარული სახე მიეღო.

— მარტო ჩემი თავი იყო მეგონა მოწყენილი და სასოწარკვეთილი და დახეთ, ვანოც არ არის, როგორც ვხედავ, ქეიფზე, — შემოილაპარაკა პეტრემ, ხელი ჩამოართვა და სკამზე ჩამოჯდა.

— სწორედ კი ჰგავხარ მოწყენილს, — უგულოდ მიუგო ივანემ.

— შენი მტერი ასე ხელოვნურად, ხეჩუას მაქრით განამხიარულები. იოსებ ვესახვამე არ შემხვედროდა, შეიძლება ახლა სოლანლულის ქვემოთ ვყოფილიყავ სადმე მტკვრის მორევში, — მწარედ წარმოთქვა პეტრემ და სახლს თვალი მიმოავლო.

ოჯახის თვალი დარიკო არსად ჩანდა.

— შენ კი გადარჩენილხარ და კიდევ გამხიარულებულხარ და მე კი მგონი არ ამცდება სოლანლულისკენ მტკვრით გასეირნება, — მავ მწუხარე კილოთი წარმოთქვა ვანომ.

პეტრე გაოცებით შეჰყურებდა. ცხადი იყო, რომ ივანე რაღაც აუტანელ მდგომარეობაში იყო. სახე დაპატარავებოდა, ოდნავ შესამჩნევი ჰალარა თითქო დახშირებოდა. სახეზე ყვითელი ფერი სცემდა.

— კაცო, მართლა და რა დაგემართა. ან სად არის დარიკო. პონვენაცვალე მაგის გამჩენს. სინდისს გეფიცები, სიმთვრალით კი არ დააგდო, ღღეს მე და იოსები სულ შენი ოჯახის ქებაში ვიყავით. როცა გაბედნიერებს კაცს ღმერთი, ხომ გაბედნიერებს. შენ, ძმაო, ისეთი საუნჯე გყავს ხელში, შენი დარიკო, რომ სხვას მხოლოდ სიცოცხლის მეტს ნურას ინატრი.

— რაო, დამცინი თუ?.. — გაიოცა ივანემ და წამოქარხალდა. უნდოდა კიდევ რაღაც ეთქვა, მაგრამ ვერ მოეხერხებინა.

პეტრე აირია. ზეზე წამოიჭრა, ისევ დაჯდა. არ იცოდა რა ეთქვა. მაგრამ ამ დროს კარები გაიღო და თვით დარიკო გამოჩნდა.

ერთ წამს პეტრემ ვერც კი იცნო მუდამ კოხტად თმა გადავარცხნილი, შნოიანად ჩაწულ-ჩაგრებილი, სადად, მაგრამ ლამაზად ჩაცმული დარიკო. ამ წუთში იგი ქუჩაში მოხეტიალე მსმელ დედაკაცს უფრო წააგავდა, ვიდრე სათაყვანებელ იდეალს. თავშიშველს, თმის ნაწნავები დაშლოდა და უშნოდ ეყარა ლოყებზე და შუბლზე. ერთ-ერთი თმის მისამაგრებელი, მიხაკისფერი სავარცხელი თმიდან ამომძვრალიყო და დასავარდნად გამზადებული, ყურთან ეკიდა. თვალელებზე აშკარად ეტყობოდა, რომ ნამტირალევი იყო და პირიც არ დაებანა. პეტრეს მოულოდნელ დანახვაზე დარიკო ცოტად შედრკა და გაოცებით ცოტა უკან დაიხია, მაგრამ საჩქაროდ გასწორდა. პეტრეს მისალმებას აჩქარებით პასუხი გასცა და ისეთი გამომეტყველება მიიღო, თითქო ამბობსო: ჩემთვის სულ ერთია, ვინც გინდა იყოს, შინაური თუ გარეული, ჩემი. გადაწყვეტილება შეურყეველიაო.

სახის გამომეტყველების შესაფერი სიტყვებიც დაურთო.

— გადაწყვეტილია, ბოლო უნდა მოელოს ამისთანა ცხოვრებას, — ცხარედ მიაყოლა დარიკომ, — ჩვენი ერთად ცხოვრება შეუძლებელია. მეყოფა. აი შენი ორი შვილი, როგორც გინდა, ისე მოუარე. მეც თუ მოვაწყე ჩემი ცხოვრება, მოგეშველები. ამ ჰერქვეშ ყოფნა კი ჩემთვის ჯოჯოხეთია. ხუთი წელიწადი წვალება მეყოფა.

პეტრე მაშინ გამოერკვა, როცა ვიდაცას დაეტაკა და კაი მოწონებული რუსული შეკურთხვაც მიიღო.

მიმოიხედა; გრიბოედოვის ქუჩის ახლად ფისგადასხმულ ტროტუარზე იდგა. საჩქაროდ გაექანა, თუმცა გარკვევით თვითონაც არ იცოდა, საითკენ ან რისთვის მიდიოდა.

— დარიკო... დარიკო... — იმეორებდა ხშირ-ხშირად და თან გაოცებული ხელებს შლიდა. კაი ხნის სიარულის შემდეგ, ერთ ვიწრო და ბნელ ქუჩაში მოხვდა, რომლის ბოლოში ხალხი მოგროვილიყო

და ერთი ხმაურობა, ღრიანცელი მოისმოდა. პეტრე საჩქაროდ იქ დაიბადა.

— ეხ, კაცის საქმე. — ამბობდა ერთი სქელ-სქელი, მოკლე ახალუხიანი და ჭუჭყიან-წინსაფრიანი კაცი, ალბათ, მიკიტანი.

— ზიარების მადლმა, აი, ამის წინათ, გუშინ იყო თუ გუშინწინ, აქ ჩემ დუქანთან გაიარეს ორთავემ, რაღაც ნაყიდებიც მიჰქონდათ, ისე მოყვარულად მიტიკტიკებდნენ და დღეს კი, მაკრატლით, კაცო! ვაპ, ვაპ, ვაპ, სედრაჟ, წამო, აქ რა უნდა ვაკეთოთ.

— ხანჯალი დაურტყამს? — ცნობისმოყვარეობით კვითხულობდა ერთი.

— რის ხანჯალი, მაკრატელი დაურტყამს.

— აი, აი, მოუკლავს, ა?

— იქვე.

— სრულებითაც არა, მე ჩემი თვალთ ვხედავდი, ეტლში ჩასვეს, მიშველეთ, მიშველეთო იძახდა.

— ვაი, საწყალი.

— ახლა, რაო, იმ კაცსაც ხომ ციმბირში უკრავენ თავს?

— ვაი რის ციმბირიო, დუნდუკოვის ხანა ხომ არ გგონია! ვოენნი პოლოჟენია ასე ჩქარა დაგაეიწყდა. ალბათ ჩამოახრჩობენ.

— ვა, ვა, ვა, საცოდაობა, საცოდაობა, შვილები ნუ მომიკვდებო, — მწარედ წუწუნებდა ერთი ქალი. — ქალის გაჩენასაც რა უთხრა! მოითმენ და მამაკაცი სულ თავზე დაგაჯდება. არ მოითმენ, შენც ადამიანად გამოაცხადებ შენ თავს და მაკრატელს გვერდში გითავაზებ.

— ერთი შენცა, როდამ, სამწუხაროა, თქმაც მეტია, მაგრამ ის ქალი ფოლადსაც გამოიყვანდა მოთმინებიდან, არათუ ადამიანს. სწორედ რომ აუტანელი ხასიათისა იყო. თვითონაც დაიღუპა და ეს საწყალი კაციც დაღუპა.

პეტრე გარეტყანებულებით ტრიალებდა ხალხში და ამნაირი კანტიკუნტი მსჯელობა ესმოდა. გულით უნდოდა დალაგებით გაეგო, რაში იყო საქმე, მაგრამ ნაცნობს არავის ხედავდა. თავის სიცოცხლეში ამ ქუჩაში პირველად მოდიოდა.

ხალხს თანდათან ემატებოდა. ზოგი რას ამბობდა, ზოგი რას. პეტრე მახლობელ საწვრილმანოში შევიდა პაპიროსის სასყიდლად.

— თუ ძმა ხარ, რა ამბავია, ვიცი, რომ ქალი დაუჭრია კაცს, მაგრამ კარგად მაინც ვერ გავიგე, რაშია საქმე, — მიმართა მეწვრილმანეს.

— პე, ბატონო, იმ სახლში ერთმა მოხელემ თავისი ცოლი დასწრა.

— რაო, რა ამბავია?

— ვინ იცის. კაცის შინაურ საქმეს ვინ მიხვდება. ურიგო კაცს არც ერთი ჰგავდა და არც მეორე. გარეგნობით, თითქო თანხმობით ცხოვრობდნენ. კაცი პატიოსანი და უწყინარი. ქალიც გამრჯელი. ოთხი შვილის დედა. მოდი და გაარკვეე მიზეზი.

პეტრე ისევ ხალხში შეერია.

— გოროდავოი, მოდის გოროდავოი! — გაისმა ხმა.

— ბოქაული, ბოქაული! — ახმაურდნენ ქუჩის ბიჭები.

მართლაც რამდენიმე ხნის შემდეგ ისმოდა: — ბატონებო, დაიშალენით.

— წადით... დაიშალენით-მეთქი!

— წადით-მეთქი!

ხალხი ნელ-ნელა დაიშალა.

უფრო დაძმარებული და გოცეებული პეტრე გზას გაუდგა.

„რა რთული რამეა ეს ცხოვრება, — ფიქრობდა იგი, — რისთვის ხდება, რომ რაც გინდ სულით და გულით გინდოდეს, ქალთან მშვიდობიანად ვერ იცხოვრებ. რატომ არის ქალი საზოგადოდ მუდამ უკმაყოფილო, სულმოკლე და შეწუხებული? ყველაფერს მოველოდი, მაგრამ დარჩო რომ შვილებს დააგდებდა და ვანოს მოშორებოდა, ვერ წარმოვიდგენდი“.

— ეჰე, ხაბარდა! — გაისმა მეეტლის ხმა და პეტრეც განზე გახტა, რომ ეტლი არ დაჯახებოდა. მიიხედ-მოიხედა, ვერის ხიდის შუაგულ იდგა, საცალფეხო ნაწილისაკენ გადაიწია და ნელ-ნელა გზა გააგრძელა. ხიდი თითქმის ცარიელი იყო. წინ ერთი, ძალზე მთვრალი, ბარბაცით მიმავალი კაცი შემოეყარა.

— ეეხ, სიყვარულო, რა გრძნობა ხარ? არა... შენ რომ სინიდისი გქონოდა... ღმერთი გამიწყარეს, თუ მე მას... შენ გენაცვალე, არ იყო... — უთავბოლოდ ამბობდა მთვრალი კაცი.

„ვინ იცის, საწყალს რა ბოღმა უტრიალებს გულში, — გაიფიქრა პეტრემ, — რამდენიმე წუთით მაინც დაუვიწყნია იმ კაცს თავისი ჭირ-ვარამი. თუმცა, გამოტეხილად რომ ვთქვათ, ესეთი წუთიერი დავიწყება ვარამისა კიდევ უარესია. სიმთვრალე მხოლოდ ადამიანის სისუსტის და ცხოვრებისათვის მოუმზადებლობის მომასწავებელია“.

პეტრე ხიდის ყურამდე მივიდა. აქ წინ შემოეყარა ორი არსება. ქალი და კაცი. ორთავენი ხელი-ხელ გაყრილნი ტკბილად მუსაი-

ფობდენ. ქალი თვალს არ აშორებდა ყმაწვილკაცს. ყმაწვილიც მალ მოეღვარე თვალებით ჩააქცქერდებოდა ხოლმე.

„აი შეყვარებულები, — გაიფიქრა პეტრემ, — ახლა ორთავენი ანთებულნი არიან. თავიანთ ჭკუაში არ იმყოფებიან. ეკალი ვარდად ეჩვენებათ და თივის ბულული თაიგულად. მათ სიხარულს საზღვარი არა აქვს. ჯვარს დაიწერენ, — ახლა გასაგონად წარმოთქვა მან, — გაიარს ერთი ორი თვე და იმედის გაცრუება დაიწყება, კიდევ გაივლის ერთი-ორი თვე, ჩხუბს და ერთმანეთის ლანძღვა-გინებას დაიწყებენ. კიდევ დრო და ხანი, და გაყრაზე ლაპარაკს ჩამოაგდებენ, მაგრამ აშკარად დაინახავენ...“

— უი, გენაცვალე, გადარეული ხომ არ არის ის კაცი? — წამოიძახა ქალმა და ვაჟს უფრო მიეკრა.

— ნუ გეშინია, ნუ, გვრიტო, მთვრალი ვინმე იქნება, მე აგერ არა ვარ!

— მთვრალი? — ხმას აუწია პეტრემ და ქალ-ვაჟს უკან ფეხდაფეხ მიჰყვა. — მთვრალი თქვენა ბრძანდებით, მოწყალენო ხელმწიფენო. ჩემ სიმთვრალეს ადვილად მოეკლება. სამი-ოთხი საათის ძილი და მზადაა ისევ სიფხიზლე. თქვენი სიმთვრალის გამოფხიზლება კი ძლიერ ძნელია. თუ ერთხელ შემოგატარა მღვდელმა ფარჩაგადაკრული მაგიდა, მშვიდობით...

— გენაცვალე, ეს კაცი ნამდვილად შეშლილია, არც კი გვშორდება. არ აგვიტეხოს რამე, — ამბობდა ისევ ქალი.

— დასწყევლოს ღმერთმა, მაგრამ, აი პოლიციელი! — სიხარულით წამოიძახა ვაჟმა და ხიდის ყურთან მდგომ პოლიციელს მიმართა. — მომამშორეთ ეს კაცი. ამეკვიტა, აღარ გვეშვება. მგონი მთვრალია.

— მთვრალი თვითონ გახლავს, ბ. პოლიციელო, ეს ვაჟბატონი, ან უკეთ ვთქვათ, ახლა იწყებს ჭარბად სმას და მე, როგორც მაგისტანა სახიფათო სიმთვრალით გამოცდილი, წინდაწინვე ვაფრთხილებ, რომ ჭირი თავიდან ავაცილო.

პოლიციელი უხერხულ მდგომარეობაში ჩავარდა. არ იცოდა, რა ექნა. აშკარა რამე მიზეზს არც ერთში არ ხედავდა, რომ რამე ძალა-უფლება ეხმარა. არც ერთი ჩაცმულობით ვიგინდარებს არ ჰგავდნენ. თორემ ერთ-ერთი მდარედ ჩაცმული რომ ყოფილიყო, მაშინ ბევრს არ დააყოვნებდა, თვითონ იცოდა რას იზამდა.

— შენ არ გესმის! — დაიძახა ახალგაზრდა კაცმა და შეჩერდა. — მაშ რის მშვიდობის დამცველი ხარ, თუ ასეთ ადამიანებისაგან არ დამიფარავ.

— გული კი ნუ მოგდის, ჯელო, — მშვიდად მიუგო პეტრემ და მიუახლოვდა, — საქმე არც ისე გახლავს, როგორც შენა გგონია.

პოლიციელს ჩინებულმა აზრმა გაუბრინა.

— ბატონებო, უკეთესია, საპოლიციო ნაწილში წამობრძანდეთ, იქ მორიგე უბნის ზედამხედველი უკეთ გაიგებს, რაშია საქმე, — წინადადება მისცა პოლიციელმა ორივეს.

— აბა, ღმერთო მომკალი ერთი, საყბედოდ რათ ვიხდით თავს, — საყვედურით უთხრა ქალმა ვაჟს.

— უთხარით, გაგვეცალოს, ჩვენ ჩვენს გზაზე მივდივართ, — უთხრა პოლიციელს ახალგაზრდამ.

— მე მაინც ჩემსას ვიტყვი, ბატონებო, თქვენ ორივენი მთვრალეები ხართ! — რაღაც გაქიანურებით და მართლაც უსიამოვნოდ გაიძახოდა პეტრე.

— სწორედ უმჯობესია, ბატონებო, საპოლიციო ნაწილში წამობრძანდეთ, — განუმეორა პოლიციელმა.

ამ დროს ხიდის მეორე ყურესთან რაღაც ჩოჩქოლი მოისმა.

— არიქათ, უშველეთ, კაცი წყალში გადავარდა.

— მეეზოვე, პოლიციელი!

ატყდა ერთი აურზაური, ყველანი იქითკენ გაეჩქარნენ.





უკანასკნელი წუთები

მდიდარი მემამულე კვდებოდა, უკანასკნელად მიწვეულმა საუკეთესო დოსტაქარმა მხოლოდ ის აღნიშნა, რომ ავადმყოფს მარტო ერთი საათის სიცოცხლე დარჩენიაო. მღვდელთან კაცი აფრინეს, რომ ეზიარებინა. მღვდელი მოვიდა. ყველანი ოთახიდან დაითხოვა და სააღსარებოდ ავადმყოფს მიუჯდა.

— ცოდვილი ვარ, მამაო, ცოდვილი,—დაიწყო ავადმყოფმა, — დამნაშავე ვარ ჩემი შვილების, შვილიშვილების და ყველა ჩემი უანგარიშო ყმა-მოსამსახურეების და მთლად შთამომავლობის წინაშე. დიდი დანაშაული მიმიძღვის. თუმცა სულით და გულით ჩემი სიცოცხლე მათ სასიკეთოდ მინდოდა შემეწირა, მაგრამ დახეთ მუხთალ ბედსა, მწუხარების მეტი ვერა ვარგუნე რა. მაგრამ მარტო ჩემი ბრალი არ არის, ცხონებულ პაპაჩემს და მამაჩემსაც დიდი დანაშაული მიუძღვით.

განსაკუთრებით პაპაჩემი, მეტად ჰარამი და შურიანი კაცი იყო ნეტარხსენებული. ამოდენა თვალუწვდენელი მამულის პატრონი იყო და მაინც ეცოტავებოდა და სულ სხვისი ქონებისაკენ აცეცებდა თვალებს. ერთ ჩვენ მომიჯნე, ჩვენზე დიდად მცირე მამულიან მეზობელს მშვენიერი სათევზაო ჰქონდა თურმე გამართული. პაპაჩემმა სული ცხვირში შეიჯინა, ან უნდა მოვკვდე, ან მეზობელს სათევზაო წავართვაო. ჰკუიანმა და სიმართლის მოყვარე პირებმა ურჩიეს: ბატონო, თავი გაანებე სხვის სათევზაოს: ჩვენს თვალუწვდენელ მამულში ასი და ორასი მაგისტანა სათევზაო გაკეთდება, ოღონდ თქვენი სიცოცხლე და მცოდნე და გამრჩელი პირები იყოსო.

გაიძვერა მოურავებმა იგრძენს, რომ მათი ხელის მოსათბობი საქმე იჩარხებოდა და ერთხმად სულ სხვა ურჩიეს: ბატონო, ლაჩარ მრჩევლებს ყურს ნუ უგდებ, თუკი სათევზაო მოგწონს, დიხაც შენი უნდა იყოსო. გადარიეს ცხონებული. მაშინ პაპაჩემი ის იყო

დავაყვაცდა. ბოროტ მრჩევლების ხმას აჰყვა, ძალა შემოიკრიბა და მეზობელს მიესია. მეზობელი, თურმე ნუ იტყვი, ისეთი ლაჩაროროდი ყოფილა, როგორც პაპაჩემის გაიძვერა მოურავეებს ეგონათ. ის მტერს მტრულად დაუხვდა და არათუ თავისი სათევზაო არ დაანება, პაპაჩემის სათევზაოც ზედ შემოიერთა. პაპაჩემმა ასეთი სირცხვილი ვერ მოინელა და დარღს თან გადაყვა.

მამაჩემმა პაპის შელახული თავმოყვარეობის აღდგენა მოინდომა. უკანასკნელი ძალ-ღონე მოიკრიბა და ისევ მეზობელს მიუხტა, მაგრამ პაპაზე უფრო სირცხვილი ჰქამა. ყველა ნავეები და რამოდენიმე სათევზაოც წინანდელ ზარალს ზედ დაუმატა, იძულებული შეიქნა დიდად დაეალიანებული მტერს შერიგებოდა, შინ დაბრუნებულიყო.

ამასობაში შინაურობა ამოძრავდა. მთლად სამამულო აყაყანდა. უკმაყოფილოთა რიცხვი დღითი დღე მატულობდა, ჩვენი დიდი მამული მოუწყვრიგებელი გვაქვს და სხვის სათევზოს ვეპოტინებითო, გაიძახოდნენ ზოგიერთები. ზოგი რას ამბობდა და ზოგი რას, ერთი აქეთ იწევდა და მეორე იქით, ერთი ალთას სცემდა, მეორე ბალთას. აირია მონასტერი. მართლაც, საქმეს რომ კარგად დააკვირდნენ, მამულის დიდი მოუწყობლობა და გაუმაძღარ მოურავისაგან ყმების საშინელი აწიოკება და უსამართლობა გამომეღაუნდა. საჭირო იყო ძირითადი განახლება, თორემ მამულს განსაცდელი მოელოდა. მამაჩემმაც მოინდომა განახლება და ამაზე ყმებს შეატყობინა. ყმები დიდ სიხარულს მიეცნენ. საუბედუროდ ამის გაგონებაზე მოურავეების უსირცხვილო შუბლს ჭავრისაგან შავი ღრუბელი გადაეფარა. იგრძნეს, რომ მათ განუკითხველ ბატონობას ბოლო ეღებოდა და შეეცადნენ, რაც უნდა დაჯდომოდათ, საქმე აერიათ, რომ მღვრიე წყალში ბლომად თევზი დაეჭირათ და თავიანთი თავი უზრუნველყოთ. შეუჩინეს მცხოვრებთ თავიანთი დამქაშები და ისეთი აურზაური ასტეხეს, რომ ძალღი პატრონს ვერა სცნობდა. ძმა ძმას მისდევდა მოსაკლავად, შვილი მამას და ვერც ერთი ვერ გეტყოდა, თუ ამას რისთვის ჩადიოდა. ბევრი უმანკო სისხლი დაიღვარა. ამის ყურებას ვერ გაუძლო საწყალმა მამაჩემმა და გული გაუსკდა. მაშინ მე ახალგაზდა ვიყავი. ჩემ თავს აღთქმა მივეცი, რომ პაპის და მამის აწეწილი საქმე როგორმე გამომესწორებინა. თავდაპირველად ზოგიერთი გაიძვერა მოურავი დავითხოვე და ჩემი აზრით უფრო საიმედო პირები ავირჩიე. ხალხს მოვეფერე, დავიყოლიე. მათგან უფრო გამოცდილ და ჭკუიან პირებს თავი მოვუხარე, ვასვი, ვაჭამე და მამამვილურად გულკეთილად თათბირი გავმართე, თუ როგორ გვე-

შველა დასანგრევად გამზადებული მამულისათვის. იმათაც დიდი იმედი მომცეს. ხალხსაც დავამშვიდებთ, ზარალსაც ავინაზლაურებთო. მეც გავმხიარულდი, ღმერთს მადლობა შეეწირე, ბევრი აღთქმა-დაპირებაც დავუდე, თუ აწეწილ საქმეს სრულებით მოაწესრიგებდა. პირველად საქმე რიგზე მიდიოდა. დიდი იმედი მომეცა. მაგრამ ვაი. ამისთანა იმედსა! ჩემი მოურავეები და სათათბიროდ მოსული პირები ვერაფრის გზით ვერ შეთანხმდნენ. ერთი მეორისაგან ღვთის წყალობა ღვთის რისხვად ეჩვენებოდათ. მოურავეებმა დიდი მომხრეები იშოვნეს, ტუკები მოიმარჯვეს და სათათბიროდ მისულნი იფრინეს. მეც დამარწმუნეს: ისინი შენი მოურიგებელი მტრები არიან. მთელი მამული თვითონ უნდა დაიყონ და შენ მშრალზე დავსვანო. რა უნდა მექნა, მისანი ხომ არ ვიყავი. ჩემ მოურავეებს უფრო ვერწმუნე და თითქმის მათ გავლენის ქვეშ შთავევარდი. მოურავეები ყველაფერს ყმებს აბრალებდნენ, ყმები მოურავეებს. შეიქნა მათ შორის ცილობა, ჯერ ბარათებით ლანძღეს ერთმანეთი, მერე ბარათებს ტყვია-წამალიც და ყუმბარებიც მიაყოლეს. ისევ სისხლი, ისევ გულშემზარავი კვნესა-ვაება! მეც ხან აქეთ ვეცი, ხან იქით, მაგრამ ვერა გაეარიგე რა, ღმერთს მივენდე და თავიც მივანებე.

ამასობაში მამულში შიმშილი გაჩნდა. ან როგორ არ გაჩნდებოდა. ერთმანეთის ძარცვა-გლეჯაში და ხოცვა-ცემაში ყანა-ბოსტანი არავის გახსენებია და ნოემბრის დამდეგს ბელლები და სამზადები თითქმის ცარიელი აღმოჩნდა. ერთ-ერთ ჩემ ერთგულ, ჩემ ხელში გაზრდილ საიმედო მოურავს დავუძახე, ერთი ხალთა ბაჯალოებით სავსე მივეცი და დამშეულებისათვის პურის ყიდვა დავავალე. მაგრამ, ხომ იცი, მამაო, უბედური კაცის არაკი: ქვა რომ აღმართში მოხვდებო. ერთგულმა მოურავმაც მიღალატა. ოქროები ბლომად რომ ნახა, მოარშიყე თვალები აქეთ-იქით ბოროტად გააცეცა. ლამაზ გოგობთან დროს გატარება მოინდომა და ისეთ კაცებს დაუამხანაგდა, რომ სათქმელადაც სირცხვილია. დამშეულთათვის პურის საყიდელი ფული მოცეკვავე ქალებს შეაჭამა. უჰ! უჰ! მეტი არ შემიძლია, მამაო. ჩემი შვილებისათვის მიმინდვია, როგორც ქუთამ გაუჭრასთ, ისე მოიქცენ. შემინდე, მამაო!

მღვდელი მომაკვდავს თვალებში შეაჩერდა.

— შემინდე, მამაო, — განუმეორა მემამულემ, — როცა მაზიარო, განსასვენებელი ლოცვაც წამიკითხე, შენი საჩუქარი ავერ მუთაქის ქვეშ მიძეგს. გულნატკენი არ დარჩები, ნუ გეშინია.

— შეგინდობ, შეგინდობ, როგორ არა, — გამოცოცხლდა მღვდე-

ლი. — იმდენ პანაშვილებს გადაგიხდი, რომ უეჭველად წიალთა შინა აბრაამისათა განისვენო!

მოხუცი ეზიარა და ღამის სრული თორმეტი საათი იყო, რომ მოუბრუნებლად განისვენა. შეიქნა ერთი ტირილი, ერთი ვაება.

— რა საწყენად მიჩება, რომ ხვალინდელ გაზეთებში ამის სიკვდილზე გამოცხადება არ იქნება. ახლა ხომ გვიანია, — ნაღვლობდა უფროსი შვილი.

— ფიქრი ნუ გაქვს! — წამოიძახა მოურავმა, რომელიც კუთხეში იდგა და ვითომ ტიროდა, ნამდვილად კი ცხვირსახოცს ფურთხით ასველებდა და ცრემლის მაგივრად თვალებში ისვამდა. — ეჭიმებმა ღლისითვე თქვეს შუა ღამეს არ გადაუჩრებო და მეც წინდაწინ გაზეთებში გამოვაცხადე. ხვალ მაგის გარდაცვალების ამბავი ყველა ვაზეთში იქნება.



ბიბლიოგრაფიული შენიშვნები

1. „მაძიებელი“ — რომანი სამ ნაწილად (სამეგრელოს ცხოვრებიდან). რომანის სრული ავტოგრაფული ტექსტი დაცულია საქართველოს ლიტერატურულ მუზეუმში (ხ-10711). შეიცავს სუფთად, წვრილი ხელით გადაწერილ 617 გვერდს. როგორც ხელნაწერიდან ჩანს, ავტორს მისი წერა დაუწყია 90-იანი წლების მიწურულში, ერთი ნაწილი (დაახლოებით ათი თავი) კიდევ დაუმთავრებია 1900 წლის 15 ნოემბერს, სოფელ ხეთაში, სადაც იგი იყო მასწავლებლად ე. წ. Церковно-учительское второклассное училище-ში. ამაზე შეტყულებს ავტორისეული მინაწერი მეცხრე თავის დასასრულს: 1900 წ. 15 ნოემბერი, ს. ხეთა. დანარჩენი თავები დაუწერია თბილისში გადმოსვლის შემდეგ. დამთავრების თარიღი: 1902 წელი, 20 თებერვალი თბილისი.

იმავე წლებში ავტორს უცდია რომანის გამოცემა. მაგრამ, როგორც ჩანს, ასეთი დიდტანიანი წიგნის დაბეჭდვის ხარჯები ვერაინ იკისრა. ავტოგრაფის პირველ გვერდზე სათაურს ქვეშ ხაზგასმით წერია: ვასილ გადილიას გამოცემა. ვასილ გადილია (დაიბადა 1872 წ.) — ცნობილი მწიგნობარი და გამომცემელი უმთავრესად არალეგალური მარქსისტული ლიტერატურისა, რედაქტორ-გამომცემელი გაზეთისა „ჩვენი ცხოვრება“ (1906 წ.), რომელიც მთავრობამ დახურა. ვასილ გადილია ახლაც ცოცხალია და გადმოგვცემს, რომ კონდრატე თათარიშვილი (უიარაღო) მისი უახლოესი მეგობარი იყო. მას სურვილი ჰქონია დახმარებოდა და გაეოცა ეს რომანი, რომელიც კარგა ბანს მის ხელში ყოფილა, მაგრამ ცალკე უსახსრობამ და ქვეყნის არევ-დარევამ, ხოლო შემდეგ დაპატიმრებამ და წიგნის მალაზიის კონფისკაციამ ყველა ჩემი განზრახვა ჩაშალა და ეს ხელნაწერი ძლივს გადავარჩინე დალუპეასო. ამის შემდეგ, როგორც ვიცით, რომანის ავტორი ევროპაში გაემგზავრა და თხოულება დაუბეჭდავად დარჩენილა მის არქივში. ჩვენს დროს რამდენჯერმე დაიბეჭდა „მაძიებელი“. პირველად 1940 წელს ჟურნალ „მნათობში“, ხოლო 1941 წელს საბლიტგამმა ცალკე წიგნადაც გამოსცა, მაგრამ უნდა აღინიშნოს, რომ

არც ერთი ეს გამოცემა არ აკმაყოფილებს თანამედროვე მოთხოვნილებებს, თუნდაც იმიტომ, რომ ამ გამოცემებში ტექსტი საგრძნობლად არის შეკვეცილი (და საკმაოდ თვითნებურადაც). წინამდებარე კრებულში „მაძიებელი“ იბეჭდება მთლიანად, შეუკვეცავად, ავტოგრაფული ტექსტის მიხედვით.

2. „სახარბიელო ადგილი“ — (გვ. 527) როგორც უიარაღოს არქივის შესწავლით გამოირკვა, მას ზოგი თხზულება ფრაგმენტების სახით დარჩენია. სისრულისათვის ვბეჭდავთ ზოგიერთ მათგანს, რომელთა წაკითხვა მოხერხდა და რომელთაც, მიუხედავად ფრაგმენტულობისა, გარკვეული მხატვრული ღირებულება გააჩნიათ. ეს ნაწყვეტები ყურადღებას იმსახურებენ იმიტაც, რომ ისინი გვაწვდიან დამატებით მასალას უიარაღოს იდეურ-მხატვრული მრწამსის გარკვევისათვის.

აღნიშნული მოთხრობა (ფრაგმენტი) დაცულია საქართველოს ლიტერატურულ მუზეუმში, უიარაღოს არქივში: ხ-10534 ნომრით, თარიღი არ უზის, მაგრამ ყველა ნიშნით იგი დაწერილი უნდა იყოს ავტორის ბელგიაში წასვლამდე, ე. ი. 1912 წლამდე.

3. „საღდათობა“ — (გვ. 534) მცირე ნაწყვეტი მოთხრობიდან. როგორც ჩანს, ავტორს ის დაუმთავრებელი დარჩენია. სათაური პირობითია. ნაწყვეტი ინახება საქართველოს ლიტერატურულ მუზეუმში: უიარაღოს არქივი ხ-19998. ეს ნაწყვეტიც 1912 წლამდე უნდა იყოს დაწერილი.

4. „უბედურება“ — (გვ. 537) მოთხრობა, რომლის მხოლოდ ექსპოზიციას დარჩენილია. ინახება საქართველოს ლიტერატურულ მუზეუმში, უიარაღოს არქივში — ხ-10701. თარიღი არ ჩანს. ეს ნაწყვეტიც 1912 წლამდეა დაწერილი.

5. „პატიოსნება და უპატიოსნება“ (სააღდგომო ესკიზი) — (გვ. 539) ყველა ნიშნით დაწერილია 1908. — 1912 წლებში. ინახება ლიტერატურულ მუზეუმში, უიარაღოს არქივში — ხ-10716.

6. „საერთო საგოდებელი“ — (გვ. 542) დაწერილი უნდა იყოს 1912 წლამდე. ინახება ლიტერატურულ მუზეუმში — ხ-10720.

7. „უკანასკნელი წუთები“ — (გვ. 553), თარიღი — 1901 წელი. დაცულია საქართველოს ლიტერატურულ მუზეუმში — ხ-10724.

სოლომონ ცაიშვილი



ს ა რ ჩ ე ვ ი

რ ო მ ა ხ ი

მაძიებელი 7

ფ რ ა გ მ ე ნ ტ ე ბ ი

სახარბიელო ადგილი	527
სალდათობა	534
უბედურება	537
პატიოსნება და უპატიოსნება	539
საერთო საგოდებელი	542
უკანასკნელი წუთები	553
ბიოგრაფიული შენიშვნები (სოლომონ ცაიშვილის)	557

УНАРАГО (КОНДРАТЭ ТАТАРИШВИЛИ)

Полное собрание сочинений

Т О М II

(На грузинском языке)

Изд-во „Свобода Мцрალი“

* *

Типография изд-ва „Свобода Мцрალი“

19 Тбилиси 58

Плехинковский, 131

* *

გამ-ბის რედაქტორი ნ. ხომერიკი

ტექნედაქტორი შ. დემეტრაძე

მხატვარი ი. ჯანაშვილი

უიარაღოს სურათი სუპერზე

უჩა ჯაფარიძისა

კორექტორი თ. იოსელიანი

* *

გადაეცა წარმოებას 18.IV, 1958 წ., ხელ-
მოწერილია დასაბეჭდად 21.VII, 1958 წ.,
ანაწყობის ზომა 6 × 10, საამონაბეჭდო
ფორმა 31,15, სასტამბო ფორმა 35, ქა-
ლადის ზომა 60 × 92, ტირაჟი 30.000,
შეკვეთის № 265

* *

გამ-ბა „საბჭოთა მწერალის“ სტამბა

თბილისი, პლემბანოვის, 181

ფახე 20 მან. 20 კპ.